



34229

Mag. St. B.

P

111 8 3

111 8 3



Thist. 4056.

XI 1 16.

VI. a. 16.

5. 7.

J. W. 39

STANISLAI
LVBIENSKI

EPISCOPI PLOCENSIS
OPERA POSTHVMA,

HISTORICA,
HISTORO-POLITICA,

VARIQVE DISCVRSVS,
EPISTOLÆ, ET ALIQVOT ORATIONES,
Quorum Indicem sequentes post Præfationes pagina ostendunt,

EDITA
AB EXECVTORIBVS TESTAMENTI.

Vita Auctoris reperitur à paginâ 398. &c.



ANTVERPIÆ,
Apud IOANNEM MEVRSIVM.

M. DC. XLIII.

Cum Gratia & Privilegio.

M. Andree Lipiewicz

STANISLAI
LUBIENSKI

EPISCOPI PLOCENSIS
OPERA POSTHUMA

HISTORICA
HISTORICO-POLITICA

VARIAE DISCVRSVS
EPISTOLAE, ET ALIQVOT ORATIONES
Quorum Indices sequentes post Praefationes paginae ostendunt.

EDITA
AB EXECVTORIBVS TESTAMENTI.

Vna Auctoris operum 4 paginae 38. 62.



ANTVERPIAE
Apud IOANNEM MEVSIVM

M. DC. XLIII

Cur Curia & Principis

M. Auctoris operum 4 paginae 38. 62.

ILLVSTRISSIMO
PRINCIPI
AC REVERENDISSIMO DOMINO
D. MATTHIÆ LVBIENSKI
DEI ET APOSTOLICÆ SEDIS GRATIA
ARCHIEPISCOPO GNESNENSI
LEGATO IN ATOREGNI POLONIÆ PRIMATI
PRIMOQVE PRINCIPI.



VM posthuma Stanislai Lubie-
nij Episcopi Plocensis opera, Ti-
bi Princeps Illustrissime fraternæ
gloriæ hæredi destinaremus, no-
uo prætereà nomine ea Tibi de-
beri aduertimus; postquàm Te Archiepisco-
pum Gnesnensem, & Regni Primatem, au-
spicatò renunciatum intelleximus: nimirum
agnouimus, Nestoris Polonici monumenta,
nulli æquiùs quàm publici amplissimi Regni
huius consilij Principi mancipari. Tibi itaque
illa dicamus & sacramus: Tu cultum & ob-
seruantiam nostram benignè amplexus, haud
grauatim ex ijs recognosces, cùm ea quæ ex
antiquitate eruta, hîc ponuntur ob oculos,
tum non exiguum interuallum illius tempo-

*Sarb. in ed. ad
eundem.*

ris, quo magnum illud pietatis, & prudentiæ regendi populos exemplum, Sigismundus Tertius, miti iuxta ac felici imperio res Polonicas administravit. Etsi quorsum Tibi Annales, quorsum Commentarios euoluere? qui paucis concessam ætatis prærogatiuam adeptus, plus rerum hoc seculo gestarum, feliciusque memoriâ comprehendis, quàm calamo assequi datum: & diuturno negotiorum usu vim humanæ vicissitudinis edoctus, cordatum rerumque notitiâ plenum pro libris pectus, Nos Te, viuidamque Tuam istam senectam, quæ Ægyptijs liber est, pro volumine habemus. In quo supra consummatam prudentiam, natales, vetustam stirpem, & quidquid fortuna maiorum virtuti tribuit, videmus, legimusque: iam pietatem præcipuum humani animi bonum, quâ te velut certissimo quærendæ æternitatis viatico munuisti: iam religiosam munificentiam, quâ Diuis propylea, sacella, templa collocas, aureoque & argenteo apparatu instruis: iam indefessum laborem quo sacra curas: iam priscum illum candorem, quo veteris & melioris æui mores renouas; ijsque in te omnium amorem mirificè accendis. Quem hac quâ plurimas virtutes egregiè adiuuas humanitate

manitate non deuinxisti? quis in Te fidum illum Regi & Reipublicæ animum, eiusque grauitatem; quis summam non suspexit, non adamauit modestiam? quâ præditus visu iuxta & auditu cunctis venerabilis, ita lubricum hoc vitæ iter, inter ambitionis & vitiorum huius sæculi abrupta, vacuus periculo peregisti, ut in tam longo ætatis & honorum cursu, nihil in præteritum habeas excusandum, omnia laudanda. Loquuntur id Chelmenfis, Posnanienfis, Vladislauiensis Cathedræ, quæ Tibi, summa licet, statim pro merito prius obtigerunt; seu quia illarum boni interfuit, Te velut per vices eis partiri; seu Tua, ut illarum Præses conceptæ dudum de Te opinionis documenta dares: scilicet ne huc afferres solam sine experimento famam, qui pleno meritorum & gloriæ lumine, in hoc Polonici honoris Solstitio consistere debuisti. Sed Tu occasum potius quàm progredi altius cogitabas; cùm humanæ conditionis sortem tecum reputans, supremis tuis consulturus, sepulchrum funeri Tuo in Vladislauensi Basilicâ struxisti: verùm aliud de Te Superi statuerant, cùm Te ex tumulo, quem cogitatione iam impleueras, ad Principem locum, à fatis, ad dignitatis Primariæ

EPISTOLA DEDICATORIA.

mariae in hoc Regno fastigium reuocarunt. Cæterum Tu, verè postliminio fati ad capef-
sendum eximium honorem processisti; post
tristem nimirum obitum, clarissimi viri fra-
tris Tui, Plocensis Antistitis: si amorem con-
iunctionemque animorum inter vos, si perti-
nacem luctum quo defuncto parentasti æsti-
mamus, non suo tantum, sed simul fato mo-
rientis Tuo, qui sæpè fateris quantum claritu-
dinis, quantum in hac vergente ætate præsidij
illo orbatus amiseris. Superest vt velut gemi-
no funeri Tuo superstes, fatis in tam excelso
loco inaccessus, orbatis clientibus solatium,
cunctis magnarum virtutum specimen, diu
præesse, & publicè prodesse valeas. Ita opta-
mus, ita vouemus, & hæc posthuma opera,
nosque ipsos amplitudini Tuæ æternum deuo-
uemus. Varſauiae 21. Septemb. 1642.


Executores Testamenti.

BENE-

BENEVOLO
LECTORI.



*Abuerat in animo, Stanislaus Lubienius Episcopus Plo-
censis Polonicam historiam continuare; quamobrem Ioan-
nis Heidesini primi post Martinum Cromerum rerum
Polonicarum scriptoris monumenta euoluerat: cetera tam quæ ex
Heidesiniano volumine perierant, quàm secuti postmodum tempo-
ris res gestas compositurus. Atque utinam tantum virium, vel
temporis ei fuisset, quantum rerum notitiâ valuit: absolutam ha-
ctenus Polonicam historiam haberemus. Caterùm valetudine, va-
riis & diuturnis morbis labefactatâ, & sub senectam titubante, ac
omni, quod interdum suppetebat otio, Senatorijs & Episcopalibus
curis, quas inprimis ad Officium suum pertinere existimauit, trans-
misso, ea solum inter monumenta vitæ functi reperta sunt, quæ olim
iunior in Commentarios redegerat. Hæc nos in unum collecta, ad-
ditis nonnullis discursibus, epistolis, & aliquot ab eo confectis opus-
culis, in lucem publicam damus, exemplo magnorum virorum, quo-
rum non pauci separata à perpetuis historiis bella, alij diuersa simul
congesta opera prodidere. Quod reliquum est, speramus hæc posthu-
ma à nobis edita monumenta, cum omnibus in quorum manus de-
uenerint, ob rerum anteaçto tempore gestarum, & antiquitatis
notitiam, tum potissimum ei grata futura, qui aliquando in animum
induxerit reliquum Polonica historie contexere: ad quod componen-
dum, hæc nostra magno sibi adiumento fore experietur. Habes amice
Lector causam consilij nostri, nos luculentum eius fructum, gloria
Diuine augmentum, deinde tuam in legendo beneuolentiam & fa-
uorem nanciscemur.*



Illustrissimus ac Reuerendissimus Dominus
D. STANISLAUS LUBIENSKI

Dei et Apostolicæ Sedis gratia

EPISCOPUS PLOCENSIS

Mortuus viii Aprilis

M. D. C. XC.

ALIQVOT ODÆ IN GRATIAM
STANISLAI LVBIENII
EPISCOPI PLOCENSIS

SCRIPTÆ A
MATTHIA CASIMIRO SARBIEVIO
SOCIETATIS IESV.



PRÆCEPS, & ipse sibi vix aliquot diebus superstes annus, me commonuit, vt annum pro Tuâ incolumitate Lyricorum meorum Votum exsoluerem. VIRGINI CLARO-MONTANÆ. Exsolui illi, exsolui etiam Tibi: quibus vt plurima in dies soluamus, plura adhuc debemus. Illa mihi à puero studiorum præses, Tu iudex, & arbiter, & aliquot iam annos præcipuus hortator atque instigator. Vt Naruiam, vt Bugum, mihi natales, amnes carmine celebrarem, sæpiùs perliteras monuisti. Nunc demum monita tua in animum meum diligenter abdita, fideliterque concepta, postliminio velut semina proruperunt. Scripsi aliquid de Bugo Tuo; sed huius carminis viridis neque dum adulta herba est, vt ipse Bugus alluere videatur. Recentem istam Poëseos illecebram humili atque agresti Plonscensi casæ debeo, sicut & Syluiludia, quæ ad numeros Musicos aptari audio: debeo aperto ac benigno cœlo, in quo Sarbieuum natalis mihi pagus Plonscio vnâ propè leucâ dissitum, iacet: sed maxime Tibi debeo, Apollini meo, qui me Viscouij, qui Brocouij, Villarum, Oppidorumque tuorum amœnitate, sæpiùs refecisti. Diu ipse & benè vale. Varſauia ix. Calend. Ianuarij 1637.

A D
DIVAM VIRGINEM
CLARO-MONTANAM
PRO ILLVSTRISSIMO
STANISLAO LVBIENSKI
EPISCOPO PLOCENSI
VOTVM.



*Diua Clari gloria verticis,
Cui dedicatis effigies nitet
Circum tabellis, & superba
Thure calent precibusq; templa.
Paullum reducto MASOVIAM bona
Dignare vultu, quæ vehit inclytis
Electra ripis, & refuso
Narvia luxuriatur amni.
Latè potentem LVBIENII diu
Serua Tiaram, seu tibi Plociis
Affusus aris mille sacros
Aserit indiget atq; Mystas.
Seu literato plurimus otio
Musisq; pallet; seu petit auj
Amœna VISCOVI vireta, aut
Pultopolin, viridemq; BROCVM.
Serues egenti Nestora Lechia, &
Inter togatas canitiem sine
Virere curas, non tepentis,
Non gelidi graue tempus anni.
Non siccus illum Sirius, aut madens
Orion afflet, dumq; tuo pius
Se ponit in vultu, salubrem
VIRGO Tui trahat oris auram.*

Sic

*Sic ille sacris pulcher in insulis
Te saepe placet, sic ego te nonas
Redorsus exornem Camanias
Dum ceteris redit Orbis Anni.*

INCLYTÆ LVBNIORVM NOBILITATI
S A C R V M.



*Q*uondam reuinctus Palladia caput
Sacrum coronâ, carus Iasoni
Vates, inexperto Chelydri
Mortiferi periturus are.
Inter Pelasgos Amphycides stetit
Thyphing, nondum gurgitis arbitrum
Iussit per obstanteis procellas
Fatidicam celerare pinum.
In transra fratres Tyndarida ruunt,
Fluctusq, perit grandior Hercules:
Et Mercuri proles Echion
Thebalicos glomerat rudentes.
Fratres tenaces Eurytus anchoras
Proramq, seruat, nec Borea genus
Alas reformidans paternas
Vela manus reuoluta pandit.
Omnes parentum nobilium decor,
Omnes Deorum progenie sati,
Incognitam Nymphis carinam
Tandem anido posuere cælo.
Sic vos (auii laurea verticis
Quos fronde prisca cingit imaginum.)
LVBINIDÆ magni nepotes
Pieriam subiisse mecum.
Gaudete cymbam, protinus auiis
Sulcanda remis nubila, protinus
Lunaq, stellarumq, & altis
Littora sunt subeunda velis.
Nam qualis Orpheus Argolicam polo
Fixit carinam, non aliter mea

Vos

Vos inferet cœlo Thalia
 Pectine non facili canendos
 Seu bellicosam Martius indolem
 Accendit ardor, signaq; gentibus
 Erepta vicinis reportans
 Arma animis gerit, arma dextris
 Seu blanda tutis otia ciuibus
 Conclufa Ianūlimina nuntiant,
 Fascesq; victores clientum
 Grex oleā viridante cingit.
 Quod si recessus Pierij placent,
 Et non prophanis cognita vatibus
 Cortina, felices labores
 Pegasea venerantur vnda.
 Intaminata quos sapientia
 De fonte promunt signa Lubinius
 Notata ceris, omne dextro
 Surgit opus genio peractum
 Saluete clara sidera patrie,
 Nostroq; vecti per mare barbito
 Cursu fatigatam carinam
 Stellifero sociate mundo.

LAVS BVGI
 IN GRATIAM ILLVSTRISSIMI
 STANISLAI LVBIENSKI
 EPISCOPI PLOCENSIS.



Non me doloso Salmacis aluco;
 Non mista Diuis flumina Persicis;
 Non mersus Ætoli Thoantis
 Letiferis Achelous undis.
 Vocat canoro pectine Thracios
 Laxare nervos, ponite murmura
 Cydniq; Pactoliq; et alta
 Tybri pater metuende ripæ.
 Cantabo BVGV, qui neque Syrium
 Latrare circum VISCOVIVM finit,
 Lauosq; defendit vapores
 Quos pluuio vehit Auster anno.

O Buge

O Buge sacris edite fontibus!
 Quæ me Dearum Pieridum tuis
 Haurire de conchis liquorem
 Innocuæ patiatur unda?
 Quis pressa longo cornua me sinat
 Leuare musco; quis fluidos sinus
 Riuosq; de mento cadenteis
 Suppositâ retinere dextrâ?
 O Buge! terso lucidior vitro
 Te nullus altâ lapsus ab ilice
 Ramus, neque armenti petulci
 Ad niueas properantis undas.
 Perturbet error, non calido Notus
 Te siccet aestu, non Borealibus
 Demissa tempestas ab oris,
 Sed tepida leue murmur aura.
 Perflet volentem; dum Cererem tamen
 Domas rotarum mole volubili,
 Messeq; Visconi feracis
 Vorticibus teris astuosis.
 Incundiori Pierias sono
 Mulcebis aures nunc, age, Nariia
 Concorde lapsurus fluento, &
 Masouiis refer ista Nymphis.
 Si vera præsens vaticinantibus
 Latens edit [credite posteri]
 Non longa seclorum catena
 Attonito dabit ore vatem.
 Qui plena nostra flumina gloria
 Feret per vrbeis, non humili lyrâ,
 Cantuq; vos olim sonabit,
 Et cytharâ generosiore.

P A R S P R I M A.

B revis Narratio profectionis in Sueciam Sigismundi Tertij Regis Poloniae & Sueciae, dum à morte Ioannis Sueciae Regis parentis sui hereditarium Regnum capefferet.	1
Demotu Ciuili in Polonia libri quatuor.	22
Causae cur Sigismundus Poloniae & Sueciae Rex bellum Mo- schis intulerit ad Potentissimum Romanorum Imperatorem Matthiam missae.	153
De rebus Silesiacis discursus.	159
Responsio ad Septuaginta rationes quibus ficti nominis Eques dum Serenissimo Regi & Polonis, ne se motibus Hungaricis & Bohemicis immisceant, persuadere conatur, falsis rationi- bus iura Regni interuerrere nititur.	162
Dissertatio de iure Regni Poloniae ad Russicas Moschouiticae- que ditiones.	178
Stanislai Zolkieuij Generalis exercituum Regni Poloniae Du- cis de bello Turcico Epistola Deliberatoria ab Auctore in Latinum versa.	185
Epistola Narrationem belli Turcici ad Chocim gestis con- tinens ad Gregorium XV. Summum Pontificem missa.	187
Ferdinando Secundo Romanorum Imperatori de eodem bello relatio.	190
De statu rerum Polonicarum ac militari confederatione quae Anno M. DC. XXII. accidit dissertatio & querela.	193
Responsum ad Protestationem quae nomine dignitariorum Officialium & nobilitatis Palatinatum Posnaniensis & Ca- lissiensis contra Statum Spiritualem in lucem prodierat.	202
Amica Parænesis Thomae Zamoscio dum Regni Vice-cancel- larius renunciaretur data.	214
Errata Iulij Belli Laureae Austriacae Scriptoris taxata.	225

P A R S S E C U N D A.

M onita de rectè gerendo Episcopatu.	243
Vitæ Episcoporum Plocensium.	309
Vita Pstroconij.	396
Epistolarum Decades tres.	435
Sigismundi III. captâ arce Smolenscensi Varšauiam reducis nomine Capituli Varšauiensis gratulatoria salutatio.	465
Eiusdem laudatio funebris scripta.	469
In funere eiusdem Sigismundi III. Oratio dicta.	488

S V M-

C E N S U R A.

OPERVM posthumorum Stanislai Lubienſki Episcopi Plocenſis Partes duæ cum adiunctis *Vitâ Auctoris, & Matthiæ de Buzenin,* ac *Monitis eiusdem de rectè gerendo Episcopatu* nihil continent sana doctrina aduersum, sed plurima memorabilia & instructiones, quæ digna sunt, vt typis commissa, etiam posteris communicentur. Actum Antuerpiæ VI. Decemb. M. DC. XLII.

P. Coens S. T. L. Canon. & Scholaſt.
Antuerpienſis Lib. Cenſor.

SVMMA PRIVILEGII REGII.

PHILIPPVS Dei gratiâ Hispaniarum & Indiarum Rex Catholicus, Archidux Austria, Dux Burgundia, Brabantia, &c. Serenissimus Belgarum Princeps diplomate suo sanxit, ne quis Operum Posthumorum Stanislai Lubienſki Episcopi Plocenſis Partes duas præter Ioannis Mcurſij Typographi Antuerpienſis voluntatem, intra nouennium in Belgio excudat, aut alibi terrarum locorumve excuſas in has inferioris Germania Prouincias inferat, venalesue exponat. Qui ſecus faxit præter confiscationem exemplarium, triginta florenorum pro ſingulis libris ſic illatis ſoluendorum pœnâ multabitur, vti latius patet in litteris datis Bruxella anno 1643. die 7. Ianuarij.

Signat

Steenhuyſe.

S T A N I S L A I
L V B I E N S K I
E P I S C O P I P L O C E N I S
O P E R V M P O S T H V M O R V M
P A R S P R I M A.

P R O F E C T I O I N S V E C I A M
S I G I S M V N D I I I I .
R E G I S P O L O N I Æ E T S V E C I Æ ,

*Dum à morte Ioannis Suecia Regis parentis sui hereditarium
Regnum capefferet.*



V B exitum Anni Millefimi quingentesimi nona-
gesimi secundi mor. Ioannis Regis Sueciæ Sigismun-
do III. Regi Poloniæ nunciata, magnoperè eum
permouit: nam & patris obitus filio non nisi tristis
& acerbus esse potuit, & anceps rerum Sueticarum
status nouâ eum curâ affecit. Stoccholmiæ ille Regiâ
Sueciæ vrbe VIII. Calend. Decemb. cesserat è vitâ, hærede Regni reli-
cto Sigismundo filio Poloniæ Rege; ea hæreditas illi & ex præscripto
pactorum, de quibus inter Gustauum Regem & Sueciæ Ordines olim
conuenerat, debebatur, & nouissimè priusquàm vocatus ad Regnum
Poloniæ finibus Sueciæ excederet, ita pater iuri filij cauerat, vt volenti-
bus Suecis, fidemque suam illi vni obstringentibus, Rex futurus Sueciæ
designaretur. Nec de iure ambigi poterat: sed inerat periculum, ne Ca-
rolus Dux Sudermaniæ, Regis defuncti frater sibi potiùs mallet, quàm
fratris filio Regnum deferri: maximè cùm non ignoraret ita Polonicis
pactis obstrictum Regem teneri, vt non nisi permittentibus Regni Or-
dinibus Regno excedere, & in Sueciam Regni capeffendi causâ trans-
mittere posset. Igitur properè missi in Sueciam, qui statum Regni ex-
plorarent, dubiosque hominum animos certâ spe maturi eò aduentus
Regij confirmarent. In Polonia non vsque adeò res tranquille videban-
tur: nullus quidem tunc ab hoste externo motus, sed ex Comitibus, quæ

*Mors Ioannis
Suecia Regis.*

*Status tunc
rerum in Po-
loniâ.*

A

proxi-

*Deliberatio
de indicendis
Comitijs an-
tequam Rex
in Sueciam
proficiscere-
tur.*

*Mori interim
aliquot Polo-
niae Procerū.*

*Motus Cosa-
corum in Po-
lonia.*

proximè acta erant ita discessum fuerat, ut ambigi meritò potuerit, quo animo præcipui Procerum, & inter eos Ioannes Zamoscius Regni Supremus Cancellarius erga Regem esset: videbatur enim is adhuc in eâ hærare opinione, quasi Rex desertâ Poloniâ, Regnoque paterno contentus, occupandæ Reipublicæ Austriacis occasionem (de quo in proximis Comitijs non sine indignitate Regis satis ambitiosè, auctore Zamoscio, actum quæsitumque fuit) præbere vellet: ac proinde existimabatur necessariam hanc Regis in Sueciam profectiōem, vel impediturus, vel certè arctioribus terminis circumscripturus. Satis quidem in eum casum, si Rex Sueciæ moreretur, de Regiâ in Sueciam profectiōe, cautum erat in Comitijs Coronationis Regiæ: nimirum ut consultis Ordinibus, ad constituendas res illius Regni hæreditarij Regi ire liceret: sed animi hominum, quos sinistra suspiciones occupauerant, pacandi prius erant, antequam de eâ re in Comitijs agi, modusque in Sueciam profectiōis, & illhic mansionis statui & definiri posset. Dimissi à Rege Internuntij ad præcipuos Senatores edocendos, quid Rex ab iis fieri in proximis conuentibus postularet. Nemo ferè erat qui non Regi paternum Regnum capeßere cupienti fauendum putaret, nisi quod alij Regem periculis, incerto adhuc Regni Sueciæ statu, non obijciendum, remque per Legatos potiùs gerendam censerent; alij totum id arbitrio Regis, dummodò dignitati & securitati eius satis conuenienter prospiceretur, permitterent. Mortui paulò antè erant tres magni nominis Senatores, primò quidem Stanislaus Comes Gorcanus Palatinus Posnanien-sis, vltima nobilissimæ istius gentis stirps; deinde Martinus Lesnionolski Castellanus Podlachia, non tam loco Senatorio illustris, quàm quòd existimaretur cultiori ingenio cæteris præstare. Idcirco ille lectus fuit, qui ex Sueciâ Regem in Poloniam ad capeßendum Regnum venientem deduceret, eidemque inaugurato, sed adhuc inueni à priuatis esset consiliis: itaque cum gratiâ Regiâ floreret, eaque & reliquis & Regi ipsi grauis esset, postremò aulae lubricos fauores expertus cum gratiâ Regiâ excidisset, inglorius deinceps, & parum gratus iis, quos beneficiis affecerat, vitæ ab aulae splendore remotæ impatiens, dolore animi contabuisse existimatus est. Hunc secutus Andreas Opalinius Supremus Regni Marefcalcus, ac maioris Poloniæ Præfectus: vir consilio pollens, & qui censorij istius Magistratus seuerâ administratione, plurimum auctoritatis sibi apud omnes, & non minus gratiæ apud Stephanum & Sigismundum Reges parauerat: ita certè tum existimatum est, hunc vltimum fore, nec parem illi successurum, qui ex vsu priscae disciplinæ eum Magistratum gerere posset. Huic in Marefchalcatu successit Stanislaus Przyreniscius, qui aulae Regiæ antè Marefcalcus fuerat: Præfecturam maioris Poloniæ Regis gratiâ adeptus Adamus Sandiuogius Czarncouius, Palatinatum Posnaniensem Hieronymus Gostomscius.

Ferè eodem tempore dum de indicendis Comitijs agitur, ortus in Voliniâ

Volinia Duce Cofinio Cofacorum motus, duorum Senatorum virtute compressus, nunciabatur: Cofinius is in Palatinatu Podlachia nobili loco natus ad Cofacos transierat, eorumque mox Dux effectus, cum non satis praeda, quam ex hostico colluies illa capere solet, spei ipsius responderet; siue quod quondam in oppido Constantini Ducis Ostrogia Palatini Kiiouensis, dum commeatum vi extorquere vellet, male acceptus fuisset, collecto quinque millium exercitu, in possessiones potissimum Ducis Ostrogia ferro & igne grassabatur. Quare is & suo & Rei publicae motus periculo, inprimis clientes necessariosque suos ad signa cogit, tum filio Ianusio Palatino Volinia dat negotium auctorandi grauioris armaturae militis: qui in Polonia delectu facto, sexcentorum circiter hastatorum patri in subsidium duxit cohortem, id robur totius exercitus fuit. At Cofinius & suarum virium conscius, & praeter hos sexcentos in Polonia lectos, caeteram ferè rusticanam turbam, ex qua Ostrogiorum exercitus constabat, imbellem esse gnarus, nihil aduersariorum apparatu territus, Pizcum oppidum munitione circumdat, & sub ipso acie instructa pugnae facit copiam. Et primò quidem fortuna audaciae adfuit; moti loco Ostrogiani, maiorque clades accepta fuisset, nisi Ianusius ipse suos in aciem induxisset; nec tulit leuis Cofacus hastatorum Polonorum vim, primoque perrupto agmine, non pugna, sed caedes deinceps fuit; & percommode altiores niues impeditum iter fecerant, ne vagus hostis effugeret, cum è contra Poloni robustioribus equis insidentes facilius eniterentur. Cæsa Cofacorum tria millia, signa *Cofaci caesi.* ferè omnia, & viginti sex tormenta bellica campestria recepta; qui superfuere, intra munitiones oppidi, ad quod pugnatum fuit, reiecti, ibique clausi, cum nullam reliquam salutis spem haberent, ad preces versi vitam orabant: ipse Cofinius ex oppido progressus, supplex fit Palatino Kiiouensi: qui ut erat mitis vir ingenij, fonti & suprema merito dat veniam, certis conditionibus adiectis; quarum erat praecipua, ne Cofinius deinceps Cofacis se immisceret, neue Dux eorum esset. Quod se facturum iurauit ille; sed ut primum sui arbitrij factus est, immemor iurisiurandi, novos motus cire cepit: collectaque Cofacorum manu, iis qui Ostrogia Ducibus suppetias tulerunt, ac potissimum Visniouiecio infensus, iam iterum formidandus videbatur; sed dum incautiùs Circasios ingreditur, temulentus in hospitio à familiaribus Visniouiecij, qui eius loci Regius erat Praefectus; una cum nefariorum conatuum sociis (quadringenti circiter erant) occiditur. Hæc mense Martio, Anno Millesimo quingentesimo nonagesimo tertio gesta. Sub finem eiusdem mensis Comitij Varſauiae ad diem IV. Maij indictis, particulares Palatinatum conuentus peragebantur. Ut paulò superiùs attigi, plurimi ex euentu proximè praeteritorum Comitiorum rem metientes, nouas res circumſpectare videbantur, atque maximè Palatinatus Cracouiensis nobilitas Regi offensa erat: primum quidem ob delatum Episcopatum Cracouiensem

uientem Georgio Radiuilio Cardinali, & Episcopo Vilnensi, deinde quod Ianusius Ostrogus à Rege itidem ex Palatinatu Volinię ad Castellatum Cracouiensem promouendus destinabatur. Vtramque promotionem ægerrimè tulerant multi, & inter cæteros Zamoscius, eum qui in præteritâ Electione contra Regem pro Austriacis senserat, opimiori Episcopâ ditari haud æquum censebat: præsertim cum antea Rex promississe diceretur, eundem Episcopatum ad Andream Bathorem Cardinalem, pro quo ille nitebatur, se delaturum. Ostrogio ne id quidem imputari poterat, ac si externus esset, cum amplissimas possessiones in territorio Cracouiensi haberet: sed potentia illius & fauor in domum Austriacam in inuidiam vocabantur. Et Conuentus quidem Prosouicentis ut inter discordes, partiumq; fauore imbutos, binis lectis diuersis Nuntijs, quorū postea neutri ad Comitiam admissi sunt, transactus. Cæterum Ianusius Ostrogia Dux spolia nuper cæsorū Cosacorum præferens, peracto Prosouicenti Cōuentu Cracouiā ingressus, & vexillis ex hoste captis, ad ædem Diui Stanislai, quæ in Rupellâ est, affixis, plurimum ei, quâ flagrare cœperat recens rei gestæ gloriâ, inuidiæ dempsit, effecitque ut æquioribus animis sua promotio acciperetur. Cum iam Comitiam instarent, Rex non ignarus passim id in suspicionem vocari, quod cum ille ductâ ex domo Austriacâ coniuge, tam arctâ sanguinis necessitudine familiam eam sibi deuinxisset, hætenus tamen nec à Cæsare, nec à reliquis Austriacis, conditionibus transactionis Bendzinensis satisfieri: Ioannem Zamoscium Grimalium (qui postea Archiepiscopus Leopoliensis fuit) tum Secretarium suum ad Imperatorem Rudolphum misit, eo nomine expostulatum petitemque, ut tandem Cæsar eo metu Rempublicam liberaret, nec de suâ erga Regem & Regnum Poloniæ voluntate, cuiquam ambigendi locum relinqueret. Ea autem erant quæ desiderabantur, iuramentum tam Archiducis Maximiliani, quàm Hungariæ ordinum, quo ea de quibus Będzinij transactū fuit, firmari debuerant. Sigillum Imperij tabulis transactionis nondum appositū erat, nec Hispaniarū Rex hætenus eā transactionē, dato diplomate cautionis, ratâ habuerat.

*Malè habet
Polonos ab
Austriacis non
fieri satis
transactiōni
Bendzinensi.*

*Idcirco Rex
Nuntium ad
Imperatorem
Rudolphum
Ioannem Za-
moscium
Grimalium
misit.*

*Initium Co-
mitiorum.*

*Sensus ali-
quorum Se-
natorum de
profectione
Regis in Sue-
ciam.*

Die Comitij dictâ appetente, pauci Senatores, Nuncij magnâ ex parte discordes, comparuerunt: inani disceptatione multi dies absumpti, dum inter Nuncios disputaretur, cuiam moderandorum dirigendorumque sui Collegij consiliorum partes deferrent: postremò id munus ad Nicolaum Danilouicium iuuenem adhuc, sed maturo iudicio grauem, & qualis mox futurus esset iam tum demonstrantem, omnium consensu delatum est. Itum deinceps ad expedienda Comitialia negotia, quæ, nomine Regis, Cancellarius tractanda proposuerat, sed profectione Regis in Sueciam,prehendendę Regni illius hæreditarij possessionis causâ, potissimum in disceptationem veniebat, permittendumne Regi esset, ut eò excurreret, præcipui quique, principe eius sententiæ Stanislao Carnicouio Archiepiscopo Gnesnensi, suadebant, ne Rex dubijs adhuc

huc Sueciæ rebus periculoso itineri se committeret, omniaque prius quæ ad constituendas res illius Regni pertinerent, per legatos experiretur, quàm ipse præsens magno vtriusque Regni periculo tantum discrimen subiret. E contra Rex ostendebat, nunc quidem isthic pacatas res esse, cæterum si ipse eò ire moraretur, omnia partim aduentus sui desperatione, partim ambitione quorundam perturbatum iri; gratum sibi esse quòd ordines Regni Poloniæ, & dignitatis & securitatis suæ rationem habeant; cæterum sibi satis perspectum esse præsentē Sueciæ statum, nec quidquam isthic subesse periculi: subditos omnes secundum patris sui mortem in officio esse, & fore, si vicissim ipse maturo ad paternum hæreditariumque Regnum aduentu, sibi salutem eorum curæ esse ostenderit: se non eo animo proficisci velle, ut interim rem Polonam negligeret, sed ut rationibus vtriusque Regni consuleret: per legatos iusiurandum nec dari, nec ritè peti, nec Regni hæreditarij possessionem adiri posse, in quâ apprehendendâ multa haud dubiò interuenirent, quæ præsentiam Regis poscerent. Denique impostero quoque prospiciendum, resque illius Regni, & eius absente Rege administrandi gubernandi que, modus præscribendus: in eum euentum pactis Electionis Varisaviensis cautum fuisse, ut consultis Regni Senatoribus, dum id res Sueciæ poscerent, nemo eiusmodi protectioni intercederet, aut eam moraretur. In eam itaque sententiam decretum Comitiale factum, & permissa Regi in Sueciam profectio, dataque & accepta fides, & Regem proximâ æstate rediturum, & ordines Regni eius aduentum ad festum Diui Bartholomæi anni sequentis præstolatos; nisi ad eam diem Rex redisset, tum demum illis licitum fore sibi & Reipublicæ Poloniæ aliter consulere. Aegrè tulisse Can-cellarium suprâ attigimus, quòd præterito Cardinali Bathoreo, Episcopus Cracouiensis Radiuilo delatus esset: sed priuatam eam offensam priuato consilio composuerunt Senatores, Rege annuente, ut Cardinalis Bathorei rationibus, collatâ ei Abbatîâ Cerueniensi, consuleretur. Nec de Castellano Cracouiensi Ostrogio collato quisquam deinceps apertè questus est, tacitâ indignatione plerisque incongruum visum, eum alijs Poloniæ proceribus anteferri. Cumque in animis hominum hæreret adhuc opinio, fuisse superioribus annis complures, qui cum externis Principibus (maximè, idque non sine causâ, eo nomine suspecta erat domus Austriaca) de prodendâ illis patriâ consilia conferre ausi, eorum ambitionem & irritassent, & fouissent, ne id impunè illis fieret, latâ lege ad Iudicium Supremi Tribunalis Regni, eiusmodi libertatis patriæ licitatores, quos tunc Practicantes appellabant, remissi sunt: neminem tamen eo nomine compellatum aut iudicatum, nedum condemnatum fuisse constat. Mouerant & dissidentes in religione quæstionem, vrserantque ut securitati suæ ex præscripto, vel potius promisso Comitiorum Coronationis Regi caueretur. Multum

*Consentium
Ordines re
Rex in Sue-
ciam profi-
ciscatur.*

*Reliquis Co-
mitiorum
successus.*

*Ioannes O-
strogus Ca-
stellanus
Cracouiensis.*

*Agentes cum
externis Prin-
cipibus de
prodendâ illis
patriâ ubi
iudicanda.*

*Controversia
mota à dissi-
dentibus in
religione quo-
modo sopita.*

*Dotis & con-
tradotus Re-
ginae Annae Si-
gismundi III.
prima conu-
gis cautio.
Anna Maria
Sigismundi
III. filia na-
scitur 23.
Maij 1593.
Legati ad
Comitia à
Rudolpho
Imperatore
missi.*

*Legati ad
externos
Principes
missi.*

ea res, illa quoque, ut sæpè alias, Comitia morata est, sed postremò placuit citra religionis mentionem, omnium securitati generali clausulâ cauere, seueriori ediçto promulgato in eos, qui quacumque ex causâ tumultus excitarent. Cautum præterea, ne legati externi absente Rege à quoquam priuatim admitterentur; sed ad Archiepiscopum Gnesnensem, si qui venissent, remitterentur, qui non nisi vocato Senatu legationem eam audire & expedire possit. Turbulentior præteriti anni Comitiorum exitus, impedimento fuit, quo minùs de dotalibus Reginae bonis certi aliquid statui posset; at in istis, volentibus etiam iis, qui per hoc connubium Regis, cum domo Austriacâ coniunctionem minùs probabant, dotis contradotisque cautione, lege publicâ firmatæ sunt, ditionelque Regiæ, quæ deinceps dotali iure Reginae essent, specificatæ & assignatæ, admittente maximè Cancellario, ut hac in re Regis voluntati & desiderio satisfaceret. Regina tum in puerperio erat: nam XXIII. Maij, qui fuit Dominicus dies, sub ipsis Comitijs primo partu filiam, cui postea nomen Anna Maria impositum fuit, ediderat. Miserat ad ea Comitia Rudolphus Imperator legatos suos, primò quidem ut dolorem quem Rex morte patris sui Regis Sueciæ acceperat, vñtato inter Principes officio solaretur; deinde ut expostulationi, quam per Zamoscium Secretarium suum Rex ad Cæsarem detulerat, satisfaceret: in quo negotio id erat legatis mandatum, ut dicerent, Maximilianum & Hungaros iuxta præscriptum transactionis Bendzinensis hætenùs non iurasse quidem, sed à Cæsare quoque eos, ut qui in Cæsareâ potestate non sint, cogi ad id non posse: sigillo Imperij non nisi in Comitijs Cæsarem vti solere, videri tamen eo minùs opus esse, cum Bohemiæ Regni sigillum appositum sit; nec Hispaniarum Regis eius transactionis confirmationem necessariam existimare: denique Cæsarem bonâ fide polliceri, nullum inde vel Regi, vel Reipublicæ Polonæ periculum obuenturum, cum id omne Cæsar non permittendo auertere possit. Hæc tum ferè in Comitijs gesta: tributum etiam quo Respublica ad omnem casum paratior esset, scitum: namque & in exitu Comitiorum significatum erat, Tartaros incurfatis finibus prædas inde abegisse, & sub absentia Regis, verendum erat, ne hostes quid noui molirentur. Legationes item ad externos Principes decretæ & missæ: ad Imperatorem Romanorum, Boianouius Camerae Regiæ Aulicus; ad Archiducissam matrem Nicolaus Wolscki Gladifer Regni, qui nunc est Supremus Regni Marefcalcus: utrique mandatum, ut de puerperio Reginae Principes eos certiores facerent, eosque ad communionem eiusdem lætitiæ inuitarent, ac de Regiâ in Sueciam profectioe cum illis conferrent: ad Tartarum missus Nicodemus Cosacouius, sed is, cum literæ publicæ fidei (ut moris est) à Tartaro ei non darentur, non obitâ legatione rediit. Ad Turcarum Imperatorem Amurathem Tertium, Venceslaus Drosinseus Aulicus Regius ablegatus, iussusque sub specie contestandæ amicitiae explorare eius

eius Principis animum, quali esset erga Rempublicam, maximè cum eum latere non posset Regis longior à Regno absentia. Iam tunc Turcæ de inferendo Hungariæ bello consilia agitabant, sensimque eò copias traducebant; in quas cū in itinere Drosinſcius incidisset, ingens adiit discrimen: Constantinopoli primo quidē satis humaniter exceptus fuit; cæterum cū, an munera aliqua, quorum Turcæ avidissimi sunt attulisset, interrogaretur; illeque nihil præter amicitiam se ferre, eamque solam nomine Regis Poloniæ Turcarum Principi muneris loco delaturum responderet, nec postremò, vt apud Ieratum Bassam (supremus is Viris erat) legationem exponeret, vel Regias literas illi traderet, se adduci pateretur, serò & agrè ad ipsum Sultanum admissus, & legatione ritè ex dignitateque Regis & Reipublicæ functus est, & rebus ex sententiâ confectis dimissus fuit. Die IV. Iulij nata nuper filia Regis sacro fonte tincta est, Cardinalis Radziuius eo munere functus, Regina senior Anna, Regis matertera, infantem ad sacrum lauacrum Christiano ritu expiandam detulit: aderant Summi Pontificis, Cæsarei & aliorum Principum legati, actusque is omni celebritate adhibitâ, pro dignitate Principum, qui ad eum cohonestandum legatos miserunt, peractus. Interea Rex & ij qui eum trans mare in Sueciam comitaturi erant, ad insuetum iter se parabant, primam secundo flumine Vistulâ, Varſaviâ Dantiscum, nauigationē experturi. Itaque nauibus paratis adornatisque; Rex cū Regina omniq̃ aulæ frequentiâ, die III. mensis Augusti itineri se accinxerunt, deducente eos ad litus Vistulæ Annâ seniore Reginâ Poloniæ, quæ recens natam Regis filiolum, quasi pignus sui erga Regem nepotem amoris apud se retinuerat. Paulò antè Mense Iulio ita Vistulæ aquæ excreuerant, vt res prodigij loco haberetur; circumuicina Cracouiæ oppida Casimiria Stradomiaque, & reliqua proxima flumini suburbia largiter undis irrigata, ingens damnum acceperant; subrutæ ædes, corrupta quæ in cellis vinarijs granarijsque; erant: agris quoque pratisque eadem inundatio, per omne id spatium quo Vistula à suo fonte ad mare vsque decurrit, magnam vastitatem intulit, rusticis tuguriolis prorutis, frumentis limo oblitis, pecoribus pecudibusque & interdum etiam hominibus subitâ aquarum vi deprehensis suffocatisque. Pari & ferè maiori inundatione idem fluuius excreuerat anno Millesimo sexcentesimo vigesimo primo in ipso belli Turcici apparatu; quamquàm & illa prior referri possit ad bellum itidem, quod cum Turcis à Christianis in vicinâ Hungariâ gestum est, portendendum: nam in exitu huius, cuius res gestas persequimur, anni, Amurathes Tertius Turcarum Imperator, rupto fœdere, per suos Præfectos bellum in Hungariâ, quod aliquot deinceps annis variâ fortunâ gestum fuit, exorsus est. Sed ea inundatio percommoda Regi Dantiscum mense Augusto nauiganti fuit, vt sine vlllo impedimento naues defluerent: eo quidem die quo Varſaviâ soluit, classis illa flumineâ vento aduerso tardata fuit, vt Rex destinatæ primæ stationi portum

Baptismi
Anna Maria
Poloniæ In-
fantis pompa.

Sigismundus
Rex Varſaviâ
mouet 1593.

Exundatio
Vistula.

quid eadem
tunc & aliâs
portenderit.

*Stanislaus
Carnouius
Archiepisco-
pus Gnesnensis
Plocia Regi
occurrit, ibidē
alijs Senatores.
Ceruensis
Abbatia vi-
uente Abbate,
Andrea Ba-
thoreo Cardi-
nals in pos-
sessionem
datur;*

*Qui pauld
post in Hun-
gariā indigne
perit.*

*Regis Sigis-
mundi Dan-
ticum ad-
uentus.*

tum tenere non potuerit; at verò deinceps secundā nauigatione vsus, bis ferè singulis diebus exscensione in littus factā. In Plocensi ciuitate præstò Regi adfuit Stanislaus Carnouius Archiepiscopus Gnesnensis, qui faultā comprecatione felicem longinquioris & periculosæ profectionis successum precabatur; aderant quoque ibi multi eius prouinciæ alij Senatores, & inter eos Albertus Baranouius Episcopus Plocensis, Andreas Barthoreus Cardinalis, Episcopus Varmienfis. In eius gratiam fecerat Rex vt Ceruenscum diuerteret, ad tradendam eius loci Abbatia Cardinali possessionem: quod quidem Rege præsentē factum fuit, multum renitentibus Monachis, superesse adhuc Abbatem clamantibus, & iura liberè eligendi Abbatis appellantibus, sed frustra, nam Germanicus Malaspina Nuncius Apostolicus ostendit, id Summi Pontificis voluntate fieri, ni parerent, præsens illis anathema interminatus. Viuebat adhuc Stanislaus Falzcki Abbas fessus annis, & sui penè impos, nec verbis, sed lachrymis se tuebatur: inuidiosa sanè videbatur hæc sacerdotij, viuo alio, vsurpatio, quod quidem multis alijs non benè cessit. Cardinalis quidem, cum post aliquot annos depositā Cardinalitiā purpurā Regalem appetiisset, Princeps Transyluanix renunciatus, indignā & genere & nomine suo cæde extinctus fuit, tristi documento ijs futurus, qui pane Ecclesiæ nutriti, statum, cui ab initio se addixerant, leui ambitionis aurā afflante temerè deserunt. Sed de eius exitu alio loco & tempore memorabimus. Rex in eo itinere cum Vladislauix ab Hieronymo Rozrazeuio Episcopo loci illius, Torunix à ciuibus Torunenfibz & alibi ab alijs honorificè exceptus & lautè habitus esset, postremò Marieburgum deflexit, ibique biduo moratus, terrestri itinere Dersauiam venit: vbi iterum nauibus conscensus, altero die, qui fuit xiv. Augusti, Gedanum ingressus est. Exceptus à ciuibz cum summā honoris & obsequij testificatione: schaphis minoribus egregiè ornatis, iuuentus Dantiscana obuiam Regi progressa, artis nauticæ in flectendis velis captandisque ventis, celeri huc & illuc transcurso, peritiam ostendebat: naues in portu ipso frequentes, multis non naualibus modò, sed muralibus etiam bellicis tormentis onustæ detonabant: in ponte, ad quem Regia naus appulsura erat, militaria fulgebant explicata signa, sub quibus ciues omnes vestibus armisque decori, nihil horum quæ ad lætitiā testificandam, Regemque cum splendore excipiendum desiderari poterant, omittebant. Rex à primarijs ex Magistratu salutatus, & per proximum portui forum, ad palatium istic paratum, à Senatoribus Regni qui præsentēs erant deductus est. Erant autem cum Rege præter Hieronymum Rozrazeuium Vladislauensem, & Andream Bathoreum Cardinalem Varmiensē Episcopos, Ioannē Tarnouium Regni Vice-Cancellariū, Hieronymus Gostomski Poseniensis, Stanislaus Minski Lanciciensis, Ludouicus à Mortang Culmenfis, Cema Marieburgensis, & Stanislaus Costca Pomeraniæ Palatini, alijsque non pauci Proceres Poloni & Prutheni. Et primis quidem diebus pacata omnia

omnia erant, certatumque à ciuibus, vt omnibus officijs gratam sibi Regis & Polonorum praesentiam ostenderent; frequentes inuitationes, lautiora conuiuia, hortorumque amantitates exhibebantur. Sparsus erat priuata quorundam maleuolentia rumor, ac si Rex authoribus Malaspina Nuntio Apostolico & Hieronymo Rozrazewio Episcopo Vladislauensi, cuius etiam spiritali iurisdictioni Dantiscum subest, templum Parochiale, remotis inde per vim Lutheranis, Catholicis esset restitutus. Creditum id vulgò, nec ipse Magistratus hoc quoque metu, sed vano vacabat: nam et si id Rex iure facere potuisset, cum lite in Iudicio Regio de eo templo mota, & legitimè decisa, secundum Episcopi petitionem iudicatum fuisset; tamen non eo tum animo Dantiscum venerat, vt rem eam maiori vi tentandam & peragendam susceperet: ea nihilominus opinio & Magistratum Gedanensem attentiores fecerat, vt in omnem casum, conscriptis etiam in eum usum aliquot militum cohortibus paratus esset; & populi animos ita exacerbauerat, vt is ad minimum motum arma correpturus videretur. Itaque cum die secunda Septembris, in ponte, ad quem naues religantur, leue iurgium, inter vnum è peditibus Regijs, & nauiculatorem factum esset, ac ille vndique nautis, & cetera multitudine, quae in ponte illo morari solet, ad opprimendum eum confluentibus, recta ad palatium in quo Rex diuersabatur recurreret, isque qui in excubiis erat peditatus opem illi ferret, in ipso penè momento tantus tumultus excitatus est, vt tota ciuitas armata ad forum decurreret: ac inprimis ij milites, quos publico stipendio auctoratos Magistratus habuerat, omnes aequè ad vim caedemque faciendam instructi & parati, arcem quae palatio Regio subiecta erat, occuparent: vtriusque aliquot caesi in ipso foro, Rege penè inspectante; petrae scopulorum globis iaculatoris eius palatij, in quo Rex diuersabatur, superiores fenestrae: cumque ad sedandum tumultum Stanislaus Krasicki Castellanus Praemillensis Reginalis aulae Magister cum potestate Marescalci (nam tum Marescalcis absentibus id munus obibat) progressus esset, parum absuit quin violaretur. Rex ipse è fenestra palatij conspectu suo nihil proficiebat, Senatores Poloni, inter strepitum armorum, frequentelque eiaculationes, aegrè ad palatium Regis penetrare potuerunt: duabus circiter horis tumultuatum est, donec Consules Gedanenses, serius quam par erat, accurrerint: ad eorum conspectum & mandatum primò mercenarius miles signa composuit, tum reliqua multitudo sensim dilabi cepit. Apparebat Regem & Reginam, omnesque qui cum Rege erant grauissimo perfunctos periculo: & si antenoctem (iam enim sol ad occasum vergebat) is tumultus sedatus non fuisset, caedibus & incendijs, non in Polonos modò, sed in aedes etiam Gedanensium opulentiorum, incondita & praeda auida multitudo gressata fuisset. Ij ex Polonis maximum adierunt periculum, qui vel extra mœnia erant, vel in ponte obambulabant; ex iis nonnulli occisi, & submersi; complures, etsi

Falsus rumor de templo Parochiali Dantiscano, Lutheranis per Regem adducendo.

Inde tumultus.

etſi penè inermes, manu armatâ, cùm aliud effugium non pateret, ſalutem ſibi pepererunt: Magiſtratus Gedanenſis, quò innocentiam ſuam teſtaretur, excubias eius noctis ad arbitrium Senatorum Regni diſpoſuit: inter excubitores & aulici Regij familiaresque Senatorum Poloni fuerunt.

Sequenti die Rêx vocato ad ſe Magiſtratu Gedanenſi, eoque graui-
ter obiurgato, globulos etiam pyxidum, quibus fenestræ illius palatij pe-
titæ erant, oſtendit: pauciſque exactis diebus, cùm tum demum classiſ
Suetica ad oſtium portus appuliſſet, cum omnibus qui eum in Sueciam
comitaturi erant, ne quæ inter inſenſos ſeditioni occaſio daretur, dilata
in aliud tempus, ſtudioſe an errore ille tumultus excitatus fuerit, inqui-
ſitione, ciuitate exceſſit, & in tuguriis (quæ ſub Laternâ portus Dantiſ-
cani, paucis exceptis, vilia ſunt) octo circiter diebus ſubſtitit, donec onc-
ratis nauibus parata classiſ eſſet. Demum die xv i. Septembris cùm Rex
& reliqui omnes naues conſcendiſſent, leui flante vento, leuatis ancho-
ris, in quibus ante portum vniuerſa Regia classiſ ſteterat, vela explicata,
ſignumque itineri datum: circumſonantibus magno fragore tormento-
rum bellicorum exploſionibus, quæ ita ordinata erant, vt naualibus tor-
mentis, ea quæ in arce, ſeu Laternâ portus Dantiſcani exonerabantur,
ad numerum reſponderent. Dies ſerena admodum erat, nobiſque, qui-
bus incomperta adhuc erat maris varietas, lætam & ſecundam nauiga-
tionem ſpondentibus, riſere nautæ, ſerenitatem eiufmodi ingentis mox
tempeſtatis ſignum eſſe aſſerentes: ſimul apparebant belluæ marinæ,
quæ idem portenderent. Classiſ vniuerſa ſexaginta ferè nauibus maiori-
bus conſtabat, quarum circiter erant quadraginta Sueticæ, quæ non niſi
in puppim vrgente vento curſum facere poterant: commodiores reli-
quæ Hollandicæ, qualis ea quâ Rex vehebatur, & reliqui alij, qui ſecu-
rioris nauigationis cauſâ ſoluto nauulo eiufmodi naues conduxerant.
Classi præerat Flamingus Sueciæ Regni Trierarchus, vir Regi ſemper fi-
dus. Is nauium Magiſtris præceperat, vt ſignum quod è puppi nauis Re-
giæ pendebat, obſeruarent, naueſque omnes ordinem præſcriptum te-
nerent; ſed id fruſtra fuit: nam poſt occaſum ſolis contrarius ita incu-
buit ventus, vt quamuis demiffis velis, tamen retrò claſſem egerit: &
cùm nos longiùs promouiſſe arbitraremur, altero die viſis à longè mœ-
nium turribus, ad littora Gedani tædioſâ velificatione nos errare con-
ſpeximus. Poterant Hollandicæ naues, quales eæ erant, quâ Rex & nos
vehebamur, ſuperato Helenſi promontorio, vlteriùs prouehi: ſed dum
Sueticas naues operiuntur, & ad imperium Præfecti classiſ ſe accom-
modant, ipſæ quoque hæere coactæ ſunt. Triduo ventis & tempeſta-
tibus iactata classiſ Regia, demum ad Helam iactis anchoris ſtetit: nos
iactatione & maritimâ aurâ vexati, nauſeabundi ocyùs ſcaphis delati
terram petebamus; ſeriùs aliquantò Rex quoque & Regina exſcendit.
Hela oppidulum eſt iuris Dantiſcani, beneficio Regio ſub certo annuo
cenſu

Rex Dantiſco
ſoluit.

contrario
vento retro-
agitur Regia
claſſis,

& tempeſtate
iactatur.

Hela oppi-
dum iuris
Dantiſcani.

cenſu illis attributum, ſterile & arenofum ſolum, piſcatio non incommoda: eâ incolæ vitam tolerant; ædificia, vt in pleriſque minoribus Polonia oppidis, humilia. Per aliquot ibi dies claſſis ſecundum ventum expectare coacta: demum cùm is die XXIII. Septembris fauere videretur, euulſis anchoris, laxatæ velis habenæ; cùm ecce longè maior quàm ea quæ ſoluentem è portu Gedanenſi claſſem vexauerat, exorta tempeſtas, ita vniuerſam claſſem diſiecit, vt diuerſi diuerſa littora petere coacti fuerint, plurimi ſupremum vitæ fortunarumque diſcrimen adierint. Regia nauis itemque ea, quæ Anna Infans Sueciæ, Regis ſoror vehebatur, duæ prætereà aliæ, quarum altera Tarnouij Vice-Cancellarij Regni, altera ipſiuſmet Admiralij erat, cùm bis portū Elſnabensem (primus is in ipſo ſcopulorum Sueticiq; littoris aditu Stoccholmiam petentibus ſe offert) ingredi niterentur, bis reiectæ ventis, tandem die XXVII. Septembris ſub ortum ſolis, ſubſidente vento eundem portum ſolæ ex vniuerſa claſſe feliciter ingreſſæ ſunt. Portus is, vt dixi, inter exeſas rupes, altioribus in orbem cinctus ſcopulis, non arte, ſed naturâ tutam vel maximæ claſſi præbet ſtationem: Stoccholmia inde, ſi quis nauibus prouehi velit, diſtat ſexdecem milliariis, breuius iter terreſtre, naues inter ſcopulos anguſtosque anfractus traducendæ, vt per obliquos meatus remulco eas agere oporteat. Ferunt conſultò obſtructis alijs meatibus Sueciæ Reges, ita hoc iter maritimum accommodaſſe, ne pluribus vijs ad Regiam urbem Stoccholmiam, hoſtili claſſi pateret aditus: & vt paucioribus excubijs cuſtodiri, & obſervari portus poſſit. In eo portu Rex per aliquot dies, quò reliquæ naues eò conuenirent, ſubſtitit; ſed maior pars earum ad diuerſa adaectæ littora, diutiùs commodum nauigandi tempus expectare coactæ fuerunt, pleræque ad portus Daniços delatæ, non modò tutam ſtationem habuerunt, verùm etiam homines noſtri, iuſſu Regis Daniæ benignè excepti tractati que fuerunt; naues etiam quas tempeſtas conquaſſauerat reſectæ: ſed eæ vix altero demum menſe, cùm ſubmerſæ crederentur, Stoccholmiam appulerunt. In portu Elſnabenſi dum Rex cæteram claſſem præſtolatur, venerunt ad eum aliquot Senatores Sueci, commعاتque ſubuectus; inde lento itinere claſſis Stoccholmiam verſus promotæ, vt non niſi die X. Octobris ad ipſam urbem ventum fuerit. In eo loco ad quem Regia nauis appuſura erat, Carolus Dux Regis patruus, cum Senatoribus Suecis aderat, deſcendentemque è naui Regem veneratus, ad arcem cum toto Regio comitatu deduxit.

In Poloniâ tum ſatis quietæ res erant, niſi quod Coſaci excuſſione in Turcicas ditiones Duce quodam Lobodâ (tria millia Coſacorum ſub ſignis is habuiſſe dicebatur) Menſe Decembri factâ, Iurgouiam non procul à Baallogrodo ſub ipſum nundinarum tempus diripuiffent, prædamque non exiguam inde impune abduxiffent: id verò contra fœdus factum, ne Turcæ grauiùs acciperent, & de vltione cogitarent, verendum erat. Loboda is Cæſaris Rudolphi promiſſis illectus, ad infeſtandos

Regia nauis
Elſnabum
appellat, cum
paucis alijs,
cæteris tem-
peſtate diſie-
ctu.

portus Elſna-
benſis qualis;

quantum in-
de diſtet Stoc-
cholmia &
quali itinere.

naues Polo-
nica ad por-
tus Daniços
tempeſtate
delatæ, quàm
benigne ex-
ceptæ.

Reliquam
Regis Stoc-
cholmiam
iter.

eodem ad-
uentus.

Coſaci Niſo-
uam Iurgo-
uam Turcicâ
ciuitatem di-
rupiunt Duce
Loboda.

dos Turcarum fines credebatur, Chlopicio quodam Polono Ministro, qui vexillum cum insignijs Imperatoris, literas & pecuniam ad Cosacos detulerat, ac multis prætereà præmiorum promissis eos onerauerat, consilia etiam cum Moscho contulisse ferebatur: captus is quidem fuit Cracouiæ, sed parum cautè custoditus in Silesiam postea euaserat. Bellum tum Cæsari cum Turcarum Imperatore erat, siue initia futuri belli, quod ut ad Regnum Poloniæ deriuaret, Polonosque vel inuitos in societatem protraheret, hoc, inconsulto & inscio Rege, Cosacorum auctoramento, eorumque ex finibus Regni in Turcicas ditiones excursionibus, efficere Imperator conatus fuit, nullo sanè suo commodo, & magno Reipublicæ Poloniæ detrimento: nam commota hæc colluies & temere ad signa euocata, non facilè deinceps cohiberi & in ordinem redigi potest. Mense

1594.

Legatio Cæsarea ad Archiepiscopum Gnesnensem Rege absente.

Imperator Polonos in societatem belli Turcici inuitare parat.

Februario anni sequentis, Cæsarea legatio, nouo quodam exemplo, Rege absente, ad Archiepiscopum Gnesnensem tamquam Regni Primatem missa venit: duo capita eius erant, alterum de prohibendo per fines Regni Tartaris in Hungariam transitu: alterum, cum constituisset Cæsar Legatos mittere, qui de fœdere societateque belli contra Turcas sciendâ, agerent, quærebat quando & quem in locum eos mittere deberet. Literæ & legationis summa ad Regem remissa in Sueciam, Cæsari autem quid esset respondendum, res ad consilium Senatus reiecta, atque eius rei causâ nonnulli Senatores vocati ab Archiepiscopo Varsauiam ad diem XIX. Aprilis conuenerunt. Ex eorum sententiâ responsum Imperatori datum, de societate nouoque in bellum Turcicum fœdere, nihil in vtramque partem Rege absente responderi, ac statui posse, nec locum aut tempus definiri. Tartari si fortè per ditiones Regni transire voluerint, curaturos eos, quibus hoc negotium à Rege & Republicâ demandatum est, ne id fieri permittant: adiectum de Chlopicio, sollicitatis auctoratisque Cæsareo stipendio Cosacis, & in fines Turcicos immisissis, ostensumque Cæsarem rem minùs consentaneam pactis fœderibusque, minùs dignam suâ Maiestate ordiri; nam in alieno Regno exercitu conscripto, ex eiusdem finibus rectâ ducere in hostem, & suo arbitrio vetera, quæ Regno Poloniæ cum Ottomanicâ domo iurata intercedunt fœdera rumpere, id verò nihil aliud esse, nisi Rempublicam cum tam potenti hoste committere, vel potiùs suum periculum in nos deriuare. Nihil autem indignius Cæsareâ Maiestate videri, quàm ei hominum generi, quod leuissimum est, inniti, Cosacorumque colluie Turcas ab eâ parte quâ potentissimi sunt, expugnari aut labefactari posse credere. Utque Imperatori constaret, quantoperè eo Cosacorum Cæsareo auctoramento Ordines Regni permouerentur, pactisque mutuis id minimè consentaneum esse ostenderetur, literæ quoque publico nomine ad Cæsarem datæ: quæ cum ab Archiepiscopo missæ ad Cæsarem essent, ille ita respondit, ut commotorum auctoratorumque suo stipendio Cosacorum culpam omnem in Chlopiciam reiceret; ab eo sibi dictum fuisse

fuisse Cosacos gentem sui iuris esse, nemini parere, neque intra ditiones Regni Poloniae eos contineri. In eodem Senatorum Varšaviensi cōventu, Czauilius Turcarū Imperatoris adfuit, Imperatoris literas ad Regē, Ierari Bassā ad Senatores adferēs; hortabatur ille Regē, & Ordines, vt pristinae amicitiae quam & ipse, & maiores sui, cum Regibus & Regno Poloniae coluerunt memores, in eā constanter perseverarent, se vicissim idem facturum: bellum in Hungaria susceptum, & Sinano Bassā demandatum iturūque eodem cum exercitu Hanum Tartarorum significabat, qui ne à Cosacis, aliisque impediretur, neue eo absente eius ditiones infestarentur, postulabat: ea summa erat literarum Imperatoris ad Regem, Ierati ad Senatores. De amicitia largè responsū, duros Regem & Senatum operam, ne in colenda constanti amicitia, seruandisque pactis cuiquam priores partes concedant: de Cosacis vt hominum vago genere, quique legitima detrectent imperia, nihil promissum, nisi limitaneis Praefectis mandatum iri, vt eos à latrocinio, quo nō magis vicinis quā Regni ditionibus infesti sunt, quantum fieri possit contineant: de Tartarorum quoque in fines Regni excursionē, damnisque per eos illatis adiuncta querela. Czauilius ita dimissus. Ad Regem vero ex eodem Cōventu & Turciae literae missae, & nomine totius Senatus petiit, vt cum tot periculis Regnum Poloniae obnoxium sit, vicinus in Hungaria paries bello graui & periculoso ardeat, Tartarus Regno imminet, Cosaci tumultuantur, & ad vexillum externi Principis pessimo & seditiosissimo quoque euocato, & externas prouincias infestent, & Regni ditionibus graues sint, Respublica verò Rege & capite suo careat, redditum suum matarare velit. Rex cum demum Stockholmiam Mense Octobri anni praesentis appulisset, quietas quidem illic res reperit: nemo erat qui primo aspectu, non felicem Regni capeffendi successum speraret; ceterum mox apparuit aliquid aliud in multorum pectoribus harere, tacitisque cogitationibus agitari, quā vt Regem, Regisque hereditarium imperium, Sueci sponte suscepturi essent, principio à Carolo patruo Regis facto. Is viuo etiam Rege Ioanne agrè tulisse fertur, mite illius imperium, sapiusque consilia agitalle, de eo remouendo: verum Ioannes ad omnes Caroli machinationes intentus, summam Imperij ipse per se obibat; ac populum quidem diuturnitate regnandi, satisque accuratā administratione iustitiae sibi diuinctum tenebat, Caroloque authore si qui ex potentioribus, rebus nouis studere vellent, facile eos in officio retinebat, ita vt ne Carolus quidem, quamuis ad omnes intentus occasiones, se commouere posset: cum autem animaduerneret, se vitā functo non quieturos eos, qui se viuo res nouas moliri studebant; magnoperè optauerat, vt dum adhuc in viuis esset, filio pacatam Regni possessionem traderet. Eo animo Reualiam ad se superioribus annis euocatum, secum in Sueciam abducere volebat; sed cum comperisset, filium, si inconsultis Poloniae ordinibus Regno

Sub idem tempus Turcarum Imperatoris in Polonia nunciū.

Responsum nomine Senatus nunciū Turco.

Sub aduentū Regis in Sueciam res pacata erant.

Carolus Regis patruus causa difficultatum quae Regi Sigismundo Sueciae Regnum aduentū obiecta fuerat.

Reualia ciuitas in Luonia.

excederet, de eo penitus amittendo in discrimen venturum, tum quidem ægrè illum ab se dimisit, promittentem simulac res Polonicas constituisset (& iam fama erat Turcarum Imperatorem ad bellum contra Polonos suscipiendum accingi, ac de maiori etiam arte quorundam apparatu, quàm in re ipsa erat, spargebatur consultò tunc rumor) volentibus & permittentibus Regni ordinibus se in Sueciam traiecturum. Ut tamen fauorem Sueciæ Procerum Sigismundus Rex sibi conciliaret, obtinuerat à patre Reualia, ut Senatores quosdam Suecos, res novas moliri compertos & conuictos, & idcirco capitali supplicio ob læsam Maiestatem Principis afficiendos, venià in gratiam filij reis datà, dimitteret; denunciante quidem tum patre, malo filij sui eos victuros, negotiumque, si quid sibi humanitùs euenisset, illi grande facessituros. Diuersa horum à Carolo erant studia, nam isti vniuersam Gustauicam stirpem vel à regimine amouere, vel arctioribus regnandi legibus circumscribere volebant: vtraque factio populi studia fauoresque ambibat, hi libertatis ostentatione, Carolus religionis prætextu, nam Regem Catholicum grauem fore iis qui alterius essent religionis, vique & inquisitione Hispanicà religionem Romanam, eiectionis Lutheranis Ministris, propagaturum ostendebat. Erat in oculis & odio omnium Germanicus Malaspina, Episcopus Sancti Seueri, Nuntius Apostolicus, quem homines ij qui nusquam aliàs vel Episcopum, tantò minùs Legatum Romà missum viderant, suspicabantur omnia arbitrio suo acturum: & ille feruidior quàm in Regno Hæretico fortassis conueniebat, palàm præferre, quid fieri desideraret: sæpiùs ad Regem commeare, consilijs publicis quia præsens non poterat, apud eos Italos, qui Stoccholmiæ erant, incautiùs obloqui, quæ illi secreti sermonis impatientes, mox etiam de suo aliquid adijcentes, euulgabant. Accesserunt necessariæ quidem, sed eadē acres ac vehementes Regij Concionatoris Ecclesiasticæ conciones, quibus ille præsentē Rege, & aulà Regiā in maiori arcis sacello, linguā Germanicā, quæ ferè omnibus Suecis familiaris est, Hæreticorum dogmata exagitabat: cui è contra quidam Schipperus Minister Lutheranorum primarius Ciuitatis Ecclesiastes, è suggestu Parochialis Ecclesiæ respondēbat: eoque res venerat, ut cū Schipperus modestiæ terminos egrederetur, nominatimque Regium Concionatorem conuiciis proscinderet, suggestu & concionis faciendæ potestate interdictum ei fuerit. Et ne quid deesset ad irritandos populi animos res penè ad iustum tumultum deuenerat ex tali occasione. Mortuus erat quidam Bransuicus Louiciensis ciuis, qui priuati negotij causà ex Poloniā ad Regem venerat; eius funus publicè deferri placuit ad Ecclesiam Monasterij, quod quondam Franciscanorum fuit, in Insulā Ciuitati contiguā siti: id verò ægrè ferre Sueci, passim fremere, Catholicas Cæremonias palàm exerceri. Et tum quidem res intra fremitum & mussitationem stetit, sed paulò post, cū Musicus quidam Regis, quem vulgariter Souca appellabant,

Stirpis Gustauicæ in Sueciâ Regni.

principia Suetus odij in Regem Sigismundum.

Nuntij Apostolici incantus feruor.

acres conciones.

que occasio tumultus.

labant, cultelli ictu à Sueco noctu traiectus esset, parique & ferè maiori pompâ ad eandem Ecclesiam deferretur: Minister Lutheranus qui eandem Ecclesiam curabat, quò Catholicû Sacerdotem, qui funebrem concionem facturus erat, ad suggestum non admitteret, in eo se incluse- rat, foresque pulsanti durius responderat: quamobrem admotâ securi auulsæ fores, Minister inde eiectus; qui fremens frendensque extra tem- plum egressus vim sibi & Ecclesiæ fieri cùm inclamaret, tanta mox orta est seditio, tantusque populi concursus factus, vt nisi ducenti circiter Regij pedites, qui præsidio curantibus hoc funus aderant, occupato pon- te, quo Insula Ecclesiæ illius reliquæ ciuitati iuncta est, primum impe- tum arcuissent, ac mox etiam Marefcalcus Regni Sueciæ ad sedandum tumultum accurrisset, id funus multis funestum fuisset. Harum rerum gnarus Carolus, per suos emissarios vniuersum Regnum vano timore impleuerat, monueratque vt ita ad futuram Regis inaugurationem se pararent, ne inuiti patrijs iuribus libertatibusque spoliari, & quod caput est, ad eiurandam religionem cogi possint. Suaſerat Regi Tarnouius Regni Vicecancellarius, ne & paterni funeris curationem, & suam in- augurationem differret: fore enim id, quod postea euenit, suspicaba- tur, vt & inter diuersarum nationum diuersorumque non modò mo- rum, linguæ, sed & religionis populos aliquid dissidij oriretur; & ij qui Regem vel non admittere, vel circumscribere nouis legibus volebant, maiorem & Regem inuidiâ onerandi, & eorum quæ destinauerant effi- ciendorum occasionem haberent, Regique omnia deinceps difficiliora essent: sed id consilium neglectum, & non nisi exacerbatis iam animis, ferò admodum primis Februarij mensis (qui quintus erat à Regio in Sueciam aduentu) diebus, & sepulturæ defuncti Regis, & inauguratio- ni Regiæ tempus designatum. Quod vt appetiit, ingens numerus (qua- dringenti censebantur) Ministrorum Stoccholmiam conuenit: deduce- bant ij Regium funus eo ordine, qui à Catholicis vsurpari solet, cereos funales, sed non accensos manibus ferentes: ita Stoccholmiâ Vpsaliam itum. Hæc vrbs quondam Ecclesiâ Metropolitanâ & Archiepiscopo in- signis, primaria totius Sueciæ erat, sed nunc in eâ nihil veteris splendo- ris, nisi nobilis Basilica, & paulò in editiori loco arx siue Regium palatium, à proximè defuncto Rege Sueciæ, egregius & splendidus ædificiis auctum, ac præterea domus Archiepiscopalis visitur; cætera humilia, casæ potius quam domus. Ad curandum Regium funus præter Regem & Reginam, ac Annam infantem Sueciæ Regis sororem, Ioannem ex posteriori defuncti Regis matrimonio, Regis item fratrem, puerum ad- modum vix quintum annum agentem, Ducem Carolum cum vxore, aderant defunctorum Regum Gustauï & Ioannis Reginæ vxores, Dux Saxonæ Regis consobrinus, qui omnes Regij sanguinis Regiæ mensæ affidebant. Conuenerant & Senatores & lecti è populo, penes quos hîc summa potestas: nam & auus Regis Gustauus, cùm pulso Tyranno,

*Consilium
Ioannis Tarnouij, quo se-
cuta deinceps
difficultates,
evitari pote-
rant.*

*pompa fune-
ris Ioannis
Sueciæ Regis.*

*Vpsalia Sue-
ciæ ciuitas.*

*In Sueciâ
penes populû
summa pote-
stas.*

*Anus Re-
gis Sigismun-
di Gustaus
Danos &
Tyrannum
è Sueciâ eie-
cit.*

*nouo exemplo
Sueci postu-
lant, vt Regi
conditiones
prescribantur,
quibus Regni
suscipiat.*

*compellendis
Senatoribus
Sueci & po-
pulo, effecerat
Rex res suas
meliores.*

ac Danis eiectis Regium decus domui suæ assereret, populari fauore id consecutus fuit, & qui deinceps post eum regnarunt, plus populo, quam nobilitati & fidere & inniti videbantur. Effecerat suis criminationibus Carolus, vt populus omnia sinistra de Rege suspicaretur; tunc quoque Vpsaliæ blandè Ministros (ij popularium consiliorum rectores moderatoresque erant) appellando, ita ad suam voluntatem pellexerat popularem illum statum, vt vni soli fidem haberent, ad nutumque eius parati essent. Ita simulac defuncti Regis corpus tumulo illatum est, cum hoc vnum superesset, vt Rex Regio diademate insignitus fide à subditis acceptâ, Regni iura ac munia capesteret, nouo & in Sueciâ inusitato more, auctore Carolo obstiterunt Ordines, ne prius id fieret, antequam Rex pactis certis constitutis, fidem suam se illa obseruaturum Ordinibus Regni obstrinxisset. E contra ostendebat Rex nihil nouis pactis opus esse, cum & successionis iure Regnum sibi paternum debeatur, & iam dudum præscriptum constitutumque sit, quibus finibus Regia in Sueciâ potestas contineatur. Nemo tum erat qui Regis consilia moderaretur, rationesque eorum proponendorum tractaret, aut fideliter Regi suppeditaret: intimi quique è Suecis Regem deseruerant; nemo erat qui cum Senatoribus vel populo Regis nomine ageret. Aberat & Tarnouius, valetudine impeditus quò minus cum Rege simul Stoccholmiâ Vpsaliam proficisceretur; is vt intellexit, in eo statu rem esse, nondum satis curato morbo properè Vpsaliam contendit; eò simulac venit, quantum homini externo foris licebat, notos ignotosque compellendo faciliè deprehendit non tam ea quæ à Rege postulabantur, quam ambitionem Caroli rebus Regis obesse: ab eo constabat metu & minis deterritos eos qui vel minimam significationem suæ erga Regem propensionis ostendissent, ne Regi præstò essent, ne consilij copiam facerent, sollicitatos Delegates populi, & in suam sententiam, confectis in Regem criminationibus, pertractos. Igitur Regi auctor fuit, vt ipse quoque Senatores, quorum plerique vitam, ceteri fortunas suas illi debebant, lenibus promissis permulceret, & nonnihil de iure Regio, se subditorum suorum causâ decessurum ostenderet: denique eo metu quem Carolus consultò augebat, quasi Rex religionis negotium nimis acriter vsurus esset, omnes liberaret; cum Delegatis etiam populi ipse per se ageret, eosque, vt moris in Sueciâ est, ipse alloqueretur. Quod posteaquam factum est, iam in meliori statu res Regia esse cœperat: sed Carolus omnem transactionem suæ cupiditati inimicam ratus, fretus potentia clientum suorum, cum neminem suis destinatis aduersari ausurum crederet, dic, quâ summa consiliorum explicari, & ea quæ in disceptationem vocabantur, conciliari debebant, stipatus vniuersis Proceribus, & milite, quem in eum finem secum adduxerat, eo animo in arcem venire decreuit, vt non modò de iis, quæ præter fas & æquum eo auctore à Rege postulabantur, non decederet, verum etiam contentione aliquâ factâ vel cædis initium faceret,

vel

vel Regem in ordinem redigeret. Non latuit id Tarnouium. Igitur re cū Rege communicatā Albertū Lascum Palatinum Siradiensem (venerat is nuper ex Liuoniā priuato nomine & sine vllō comitatu ad Regem) aduocat. Pereundū, inquit, nobis est omnibus, nisi fraudem virtute præueniamus, Carolus & Regi, & nobis, vel cædem, vel terrū carcerem machinatur; paratior est quā nos, & in suo nido audacior; sed non desunt rationes, vt vel saluā dignitate, nec inulti moriamur, vel certè nos & Regem nostrum ab omni dedecore summā cum nostri nominis gloriā vindicemus. Collatis deinde consilijs placuit, vt in crastinum (dies xxvi. Februarij futura erat) omnes Poloni (vltra quadringētos Hungaros pedites qui in arce excubabant) quotquot arma ferre poterant summo mane in arce essent: honoratiores Tarnouium, & interiora Regij palatij obseruarent, reliqui cum peditatu Hungarico in arcē arcis ad nutum Lasci præstō essent, eaq; res quā secretissimè ageretur, ne vllum signum noui apparatus deprehendi possit. Carolus, vt cōstituerat arcem ingressus, deductibus eum omnibus Regni Proceribus, cū omnes qui longo ordine eum præcedebant, quiq; latus illius cingebāt patenti portā admissi essent, milites omnes sclopetarij (ad duo millia erant) qui ponē sequebantur, cū arcem item ingredi vellent, mandato Lasci exclusi; portāq; clausa, & iusto firmata prælidio, admotis etiam maioribus bellicis tormentis, vt si Caroliani vim intentarent, facilius arceri possent. Ignarus earum, quæ à tergo sine vllō tumultu fiebant, rerum Carolus, iam Regium palatium ingressus, primò quidem insolitā, & in arcē, & in gradibus ac in ipso atrio palatij Polonorum frequentiam animaduertens, aliquantisper hæsit: sed cū mox nunciatum illi esset, arcis aditu milites suos esse exclusos, portāq; arcis firmo teneri præsidio, tum demum suā fraude se circumuentum agnoscens, pallere trepidareq; mox Tarnouium interrogat, ecquid rei esset, cur sui exclusi, & ipse armatis septus? An nos, inquit Tarnouius, tua destinata, & quo consilio armatis septus arcem ingredi volueris late-re putas? tenentur tuæ fraudes, quibus mox Deo innocentia Regiæ vindice tuo capite litabis: simul vnum è præcipuis aggressus, hæc, inquit, vestis ingrate, quā cæteris honoratior ornatus incedis, Regio beneficio & liberalitate tuum tegit corpus, eo vos Rex & olim vitā donauit, & postea beneficiis suis prouexit, vt nunc capiti illius insidias strueretis? Nihil iam ad iustum tumultū deerat, nisi vt ab vtriusque arma stringerentur; cū Rex qui consilio Tarnouij in remotius Reginæ cubiculum, sub ingressum Caroli recesserat, consternatione Reginæ, ne orto tumultu aliquid grauius (vterum tunc ferebat) pateretur, motus medium se interponit. Carolo se in potestate Regis esse, & frustra fraudis insimulari assere-re, tandem ad mutuum colloquium re deductā, æquioribus, quā initio voluerat, conditionibus, & Regnum Regi eadem horā delatum, & Coronationi dies prima mensis Martij assignata est: fidesq; data, ea de quibus tum conuenerat rata vtriusq; fore, sancitā etiam mu-

*Consilia Ca-
roli præuenit
Tarnouium.*

*Egregius Tar-
nouij animus
in tuendā
Regiā digni-
tate.*

*Exorto iam
tumultu Rex
prohibet ne
quid grauius
committatur
in Carolum,*

*qui eo pericu-
lo modestior
efficitur.*

*Coronatio
Regia Vpsalia
in Suecia per-
acta, utriusque
verumque ani-
mis.*

*cuius rei cau-
sa Suecis tri-
buenda.*

*Regia beni-
gnitas Caroli
cupiditati oc-
casionem præ-
buit.*

*Diversus mo-
dus regnandi
in Polonia
ac in Suecia.*

*Sueci muta-
tionibus im-
periorum
assueti.*

*maritimi po-
puli ad sedi-
tionem proni.*

*Rex gnarus
machinatio-
num Caroli
aliquos Polo-
nia Proceres
ad se evocat.*

tuarum iniuriarum vel potius suspicionum obliuione. Mirum fortassis alicui possit videri, tantum tum Polonos pro Rege ausos, ut in mediâ Sueciâ, & longius à portu remoti palàm vim intentarent; sed reputantibus quo in periculo tunc & Rex, & ipsi fuerint, haud incredibile videbitur viros fortes quidvis subire voluisse, quàm ut liberi homines sub arbitrium & potestatem tyranni ultro concederent. Ac nescio, si non melius factum fuisset, si tunc Caroli aliorumque proditorum cæde, quæ satis expedita erat, futuris malis & ingentibus bellis occursum fuisset. Coronatio quidem Regia, moestis suspectisque utrimque animis, ipsis Calendis Martij, Anni Millesimi quingentesimi nonagesimi quarti, Vpsaliæ peracta; nec lætius erat publicum, quod à Rege in palatio exhibebatur eodem die conuiuium: postremò ita inde discessum fuit, ut satis constaret, inter cognati sanguinis Principes, alterius benignitate, alterius ambitione ingentia excreuisse odia, nec quidquam certi de statu illius Regni, sub discessum, qui mox futurus erat, Regis constitutum. Eius rei culpa, non tam Regi, quàm Suecis ipsis imputari debet; ij enim rerum suarum causâ, ut Regem durioribus conditionibus constrictum tenerent, & Caroli ambitionem fovebant, & quasi in partem secessione factâ, nec ope, nec consilio Regi aderant. Religio prætexebatur, cuius tum specioso titulo clandestinæ machinationes tegebantur, quæ res deinceps & statum illius Regni multis calamitatibus afflixit, & insidem Senatoribus exitium attulit. Neque sanè negauerim, Regis quoque benignum, ne dicam lentum & remissum animum, occasionem præbuisse, & cupiditati Caroli, & Procerum aduersis erga eum studiis: palàm illi tum nobis audientibus dicebant, Regem Ioannem, et si satis ad omnes casus aduersos instructum paratumque, tamen ita cautè imperio usum esse, ut quod in prouerbio est, lupum se tenere auribus diceret: filium verò ipsius Sigismundum, adhuc iuuenem, ita freno imperij, Sueciæ Regnum circumagere velle, ac si ea res expedita, & nullius esset negotij, non prehenfari ab eo Senatores, non populum blandis alloquijs alligi. Sed ille assuetus in Poloniâ, omnia referre ad Senatum, & Magistratum suorum fidei inniti, perinde in Sueciâ quoque existimabat, se & fide & obsequio subditorum suorum usurum. Quæ spes quantoperè eum fefellerit, & tum continuò expertus fuit, & tanto magis postea longo experimento comperit: regni quidem Poloniæ, et si tot externis vrgeatur periculis, non ita grauem esse administrationem; Suecos mutationibus imperiorum assuetos, facile ad res nouas impelli posse, nisi seueriori disciplina coercerentur. Omnes quidem maritimos populos ad seditionem pronos esse, veteres quoque existimarunt, è contra eos qui mediterraneas regiones obtinent, euiliores esse solere.

Vpsaliâ Stoccholmiam Rex reuersus, subductis Carolinarum machinationum rationibus, eiusque expensis consilijs, facile animaduertit, non Regnum modò, sed se etiam, caputque suum ab illo peti. Itaque suæ

secu-

securitati maturè vt prospiceret, Ioannem Veicherum tunc aulicum suum, nunc Palatinum Culmenscm, rigente adhuc hyeme, necdum solutà glacie, clauso & nauigationi minimè tunc idoneo mari, terrestri per Daniam, & per fretum Codanum itinere in Poloniam mittit, datis secretis ad eos, quos suâ causâ facturos sciebat omnia, mandatis, quibus explicabat, quo in statu res suæ essent, quidue ab eis fieri cuperet: id autem erat, vt primo vere cum quanto maximo possent comitatu in Sueciam traicerent. Res hæc adeo secretè tractata expeditaque fuit, me vno, quem Tarnouius scribendis Regio nomine literis adhibuerat, conscio, vt non antè Carolus id agi præsentire potuerit, quàm Dantisco Polonos in Sueciam traiekturos naues conscendere nunciatum ei fuisset. Sed interim in Sueciâ nō sine periculo Regiæ res erant; sæpè vt inter suspectos ad tumultum seditionemque res spectabat, dispiciente interim Carolo à longè (neque enim Stoccholmiæ præsens erat) & ad omnes intento occasionibus, si quæ eiusmodi se offerre possent, quibus commodè vti ei liceret: credebanturque ab eo submissi & instructi, qui initia dissensionum inter Polonos & Suecos sererent alerentque. Aberat tūc Flemmingus cui Rex merito ipsius maximè fidebat; classẽ cui præerat in portus Filandicos isthic hyematuram subduxerat, neque citò, quòd eæ regiones magis frigoribus obnoxia, serò admodum tepescant, eam explicare poterat. Ex Polonia aliquot nobiles viri, famâ tantum Regij periculi moti, cum vixdum mare nauigationi idoneum esset, sponte, nec à Rege acciti in Sueciam traiecerant: inter quos erat Nicolaus Danielouicius, nunc Supremus Regni Thesaurarius, Felix Kryski, qui postea fuit Supremus Regni Cancellarius, Maximilianus Przerembski, ab Hieronymo Rozræuio Episcopo Cuiaviensi, iusto comitatu instructus missus, Petrus Choinski; omnes hi tunc erant Regij aulici. Sed ij ad quos Veicherus fuit missus, maioris apparatus in portu Dantiscano speciem præbuerant: Ernestus Veicher Capitaneus Pucensis, pater eius quem in Poloniam missum diximus, quingentos pedites Germanos iussu Regio armauerat; maiorem comitatum duo fratres Andreas & Ioannes Czarnkouij, qui tum nuper hæreditate Gorcanâ aucti inter maiores Poloniae Proceres eminebant, secum trahebant: Hieronymus quoque Gostomlki Palatinus Poseniensis, generum suum Adamum Stadnicium cum trecentis armatis expedierat: Stanislaus Bykovvski Castellanus Lanciciensis è Si-radiensi & Lanciciensi territorijs florentissimæ equestri iuuentutis lecta robora, plura trecentis aduexerat: Stanislaus Warsicki tunc Cobrinensis Capitaneus, deinceps ex Supremo Regni Thesaurario Palatinus Podlachia propè ducentos homines armauerat. Omnium, qui Dantisci naues conscenderant, numerus ad tria millia accedebat: ij felici & prosperâ nauigatione vsi, sub finem demum mensis Iunij Stoccholmiam appulerunt; mox duce Flemmingo Sueciæ Trierarcho, classis quoq; Suetica in eodem portu comparuit. Paulò antè Regina partu leuata, filiulam pepererat

*Poloni ad
famam Regij
periculi in
Sueciam
transmittunt.*

*Carolus à
Rege invita-
tus venire
abnu-
it.*

*Filia Regis
Catharina in
Sueciâ nata,
mortua ibid.*

*Deliberatio
Regis cui ad-
ministratio
rei Suecica
committenda.*

*Carolus Regni
Sueciae Gu-
bernator con-
stitutus ad-
iunctusq; ei
socius consi-
liorum Sena-
tus.*

*Gubernatio
Arcis Sto-
cholmenfis
Erico Brahe
commissa, sed
Gustavo Bra-
he priores
partes data.*

pererat, ad quam de sacro fonte leuandam Rex Carolus inuitabat; simulque ostendebat mutuo congressu opus esse, & ad abolendas suspiciones & ad constituendum statum Regni, maximè cum res Poloniæ Regem ita reuocarent, ut diutiùs in Sueciâ morari non posset. Sed Carolus Regis apparatus, Polonorumque aduentum suspectum habens, & ex conscientia meditatæ perfidiæ sibi timens, ad Regem venire renuit, leui excusatione usus, quod tunc sibi Regis conueniendi tempus minùs idoneum videretur. Nata quoque nuper filiola Regis, cui maturato Baptismo Catharinæ nomen inditum fuit, non diu superuixit: cuius corpus in Poloniam vectum Regum Basilicæ Cracouiensis tumulo illatum fuit. Absente Carolo, Rex de summâ rei Suecicæ, cui ea sub discessum & absentiam suam committenda esset, deliberabat: per leges Suecicas testamentumque Gustavianum ad proximum ex agnatis id munus spectare dicebatur. Sed Carolus meritò suspectæ fidei erat, quippe iam diu & fratribus non satis æquus; qui ad primum, nempe Ericum Regno exuendum validissimis consilijs antea accurrerat; ad alterum, scilicet Ioannem, tamquam ob nimiam lenitatem demouendum non obscuris molitionibus contenderat, & hunc ipsum Sigismundum nouis & iniquis conditionibus ab hæreditate & possessione Regni amouere laborauerat, ac mox ambizioso perfidoque voto frustratus, Regem inter primas crudasque adhuc Regni curas malignè deseruerat. Præter Carolum ex familiâ Regiâ Ioannes tantum supererat, Sigismundi Regis frater, & Anna soror, hæc sexu & fæmineis titulis, ille puerilibus annis tantæ moli impar. Ne tamen infestum penitus Carolum absenti sibi, sed obligatum potius deuinctumque redderet Sigismundus, ei gubernandi Regni maximam potestatem assignauit, consiliorum tamen socium, adiutoremque Senatui adiungens, quod leges Regni etiam præsentī Regi iniungunt. Sed hoc ab eo qui Regnum mox inuasurus, & non Sigismundum tantum, verum etiam Ioannem, regnandi iure priori ac potiori ex legibus testamenti Gustauiani & consensus publici auctoritate instructum depulsurus erat, pro iniuriâ acceptum est: scilicet quod non solus absque Senatu rerum potiri iussus esset. Eam ob rem postea cauillando relictam sibi potestatem, uti neque honori suo, neque Regni rationibus consentaneam, interdum tamquam abiiciens, populum se rogare coëgit, ut resumeret, sed exclusis Senatoribus, non modò à consilijs, sed paulò post à patriâ, dignitatibus, bonis, alijs etiam vitâ, postquam sibi vires terrore & fæuitiâ circumdedit. Secundum Regni administrationem Carolo commissam, primum Erico Brahe Comiti in Visnigsborg Gubernationem Arcis Stoccholmenfis commisit Sigismundus, acceptis super eâ prius literis à Senatu, quia aliàs nullum præcipuum munus Catholicis committere integrum erat. Deinde fratri Erici Gustavo Brahe priores partes gubernationis datæ sunt, ut ex literis & sigillo ipsius, quæ in Cancellariâ seruantur, manifestè constat. Ita rebus Suecicis constitutis, cum Polo-

Polonicæ res celerem Regis reditum postularent, pro die xxv. Iulij omnibus rebus in naues comportatis & compositis, paululum è portu & statione Stoccholmensi classẽ promouit Rex & lentâ nauigatione, antequàm Elsinabum perueniretur, aliquot dies insumpti. Feruebat tum mare, insolitis sub tempus æstiuum fluctibus iactatum, vt ne in portu quidem ipso, satis tuta classi statio esset, nauesque sæpius colliderentur: iam frequentia fulmina, bis tacta de cælo naus, quâ Nuncius Apostolicus vehabatur, prodigij loco habebatur: erant qui id magicis præstigijs imputarent, nam id genus maleficij isthic frequens esse dicebatur. Hinc omnes ad preces verbi, vota que facta Diuinum Numen placauerunt, & secundo adspirante vento die xiv. Augusti sub occasum solis classis expansis velis è portu educta, & patienti commissa mari felici nauigatione intra quadraginta horas, in portu Gedanensi constitit. Exscensione in littus patrium facta, læti & alacres nostri, vel pericula quibus perfuncti erant, vel ipsiusmet maritimæ nauigationis, cui minimè assueti erant, victa rædia & molestias inter se referebant, gratulabanturque.

25. Iulij.

1594.

Rex è Sueciâ mouet.



DE MOTV CIVILI

IN POLONIA

Qui Anno 1606. cœptus ad Annum 1608. perdurauit.

LIBER PRIMVS.

*Virum Eccle-
siasticum non
debet historias
scribere exem-
plo Sydonij
Apollinaris.*



*cur tamen
auctor secus
facias.*

*Hor. Od. 1.
lib. 2.*

Ibidem.

*Rem quidem
incipiem
aggredietur.*

*ceterum mul-
tis futuram
gratiam &
publicè olim
vilem.*

SYDONIVS Apollinaris insignis sui temporis Rhetor & Poëta Auiti Imperatoris Occidentalis (sub quo Romani Imperij, Vrbe ipsâ orbis dominâ à Genferico Vandalò anno Christi quadringentesimo quinquagesimo quinto captâ, splendor omnis & maiestas concidit) gener, & postmodum Episcopus Aruerniensis, non pietatis modo, sed doctrinæ etiam gloriâ clarus, rogatus à Leone Euarici Gottorum Regis (qui Tolosæ in Galliâ sedem regni fixerat) Cancellario, viro item docto, vt temporum suorum historiam scriberet, respondisse fertur; id sibi sacerdotij munere fungenti minimè conuenire. Videbat enim vir magni iudicij, si res paulò antè gestas viuentibus ijs, quorum mentio facienda erat, describendas suscepisset, multorum vel inuidiam, vel odium se incursum, eodemque ordinem sacrum; cui adscriptus erat, oneraturum: nempe aliena vitia exprobrare existimantur ijs, qui vera narrant, & in scribendâ historiâ ab hoc tramite discedere nolunt. Liceret & mihi domesticum motum qui proximis his annis accidit, & quo Patria nostra internis agitata seditionibus ad exitium penè deducta est, explicare & literis consignare volenti, hâc eadem excusatione vt, si non ijs parere cogerer, quibus iubentibus refragari, aut quidquam negare non possum. Video equidem fore multos qui hoc ipsum institutum meum, redigendi in Commentarios ea quæ proximè apud nos acciderunt, iustâ reprehensione dignum existiment: quòd motum civilem nondum expiatis cruoribus describere aggrediar. Et sanè vel ipse facilè perspicio me satis periculosum munus suscipere, & incessurum per ignes suppositos cineri dolo: nam in tam recenti hominum memoria, & nondum compositis odiis, quibus in mutuam perniciem Proceres nostri exarserunt: ijsque quibus vel laus constantis erga patriam studij, & optimæ voluntatis tribuenda, vel seditionis nota inurenda est, adhuc superstitionibus, plena res inuidiæ, aut illorum virtutes, aut horum vitia citra adulationis, aut maleuolentiæ suspensionem commemorare. Sed mihi hoc animo reuoluenti, succurrebat interdum fore nonnullos quibus non ingratus futurus sit qualiscumque labor noster; Patriæ amore,

amore, & eâ animi intentione susceptus, ne res in oculis nostris gestæ temporum iniuria intercitant, & ne ceteris, qui nobis fato functis recto iudicio nostra æstimaturi sunt, defuit notitia temporum, quibus nos viximus: quam nos simplici narratione tradere, quantum in nobis erit, conabimur. Non deerunt, ut spero, vel hac ipsâ ætate nostra aliorum præclari conatus, qui maiore ingenij acumine, rebus æterna memoriâ dignis commemorandis, industriam suam Patriæ & posteritati comprobent: quorum ego laudi fauere me profiteor, modò ne ij nostrum quoque studium aspernari velint.

*Hæc præfatus
orditur nar-
rationem belli
civilis 1604.*

Agebatur annus à Christo nato supra millesimum sexcentessimus quartus, Imperij Sigismundi eius nominis Tertij Regis Poloniæ & Sueciæ, decimus septimus, res in Poloniâ domi satis erant pacatæ, nec ab exteris hostibus maius aliquod periculum imminere videbatur, cum biennio antè, compressa esset virtute Ioannis Zamoſcij Supremi Regni Cancellarij, ac exercituum generalis Præfecti, viri ad salutem Patriæ tutandam nati, audacia Caroli Sudermani: qui Patruus Sigismundi Regis, non contentus quòd paternum eius Sueciæ regnum, fraude interuertisset, Liouoniam insuper Reipublicæ Poloniæ patrimonium inuaserat: excubias in eadè Liouoniâ contra furtiuos Caroli conatus agente, Ioanne Carolo Chodkieuicio, viro militiæ gnaro, & ob multas res bellicas præclare gestas, exteris etiam Principibus non ignoto. Moschouia grande rerum Aquilonarium momentum, nouis, iisque domesticis agitari incipiebat tempestatibus, fatales mox eius imperij occasus pariturs. Valachia & Moldauia, quibus Sarmatia nostra, à Turcarum imperio tamquam quibusdam parietibus secernitur, ex mente & nutu Ioannis Zamoſcij, permittentibus Turcis, regebantur. In Hungariâ, cuius potior pars armis Turcicis premebatur, ij qui Rudolpho Imperatori parebant, Duce Stephano Bockaio, nouas res moliri videbantur. Turcarum Imperator, cui veteri instituto mos est pacem vicinorum, & fœdera suis commodis metiri, alijs interim bellis occupatus erat. Tartaris, ne furtiuis excursionibus fines Regni carperent, vel ipsum Ioannis Zamoſcij nomen terrori fuit. Hoc rerum statu atque eodem anno, Sigismundus Tertius Poloniæ & Sueciæ Rex, posteaquàm ab obitu Annæ Austriacæ, Caroli Archiducis & Mariæ Bauariæ filia, viduus, septennio cælibem vitam duxisset; animum ad ducendam alteram vxorem, nouumque incundum matrimonium appulit. Res ea more institutoque maiorum nostrorum, nonnisi consulto & consentiente Senatu, vel suscipi, vel tractari potuit: non solum quòd de eo antiquissimis legibus cautum esset, verum etiam vsu & consuetudine à multis sæculis firmatum, ut Regia connubia, cum à Regis arbitrio, tum ab ordinum Regni consensu dependeant. Neque sanè tum in Poloniâ ullus erat, qui nouo matrimonio orbitati domus Regiæ, quæ vnico tantum filio superstite Vladislao decem annos nato nitebatur, subueniendum non censeret: sed quænam illa esset,

*Et imprimis
quis in Polo-
niâ & in vi-
cenis aliorum
ditiombus re-
rum status.*

*Quis in Li-
uoniâ.*

*Quis in Mos-
chouia.*

*Quis in Va-
lachia &
Moldauia.*

*Quis in Hun-
gariâ.*

*Quis in Tur-
ciâ.*

*Quæ pax cum
Tartaris.*

*Sigismundi
Regis mens de
incundo ma-
trimonio.*

*Quid seruari
solum in
contrahendo
Regum Polo-
niæ matrimo-
nio.*

*Quæ ducenda
Regi coniux,
ambiguitur.*

*Sigismundus
Constantiam
Archiducis-
sam Austria
prioris vxoris
sororem ducere
in vxorem
cogitat.*

*De quo mul-
tò antè cum
Mariâ Ar-
chiducissâ
matre egerat.*

*Rex per nunti-
os, Senatorũ
de nouo ma-
trimonio suo
sensum priuati-
m exquirat.
Clemẽs VIII.
Pontifex
Maximus
matrimonium
Regi cum
Constantiâ
suadet.*

esset, quæ vt in consortium regni asciscenda, & Regi placeret, & desiderijs Ordinum Regni responderet, ambigebatur: maximè posteaquàm is rumor eaquæ fama percrebuisse, Sigismundum Regem ad Constantiam prioris vxoris sororem germanam animum adiecisse. Venerat in Poloniam quinque abhinc annis, ad cohonestandas Annæ filæ suæ & Regis prioris vxoris (cuius funus altero à morte anno solemnè pompa Cracouiæ curabatur) exequias, Maria Caroli, vt dictum est, Archiducis Austriæ vidua, prudens, & non solum præsentium occasionum, verum etiam futurorum euentuum, sagax Princeps: hæc cum propè vñ mensem Niepolomicijs filiali obsequio a Sigismundo Rege coleretur, & de eius, ac multò magis Vladislai nepotis sui statu sollicita esset; iterandi matrimonij mentione factâ, facillè Sigismundo, in cuius pectore erga defunctam vxorem amor, & heroicarum virtutum eius recordatio, altiores radices fixerat, persuasit; vt suam alteram filiam Constantiam, eo tempore nondum nubilem se vxorem ducturum, secretâ pollicitatione sponderet. Et hæc quidem pacta ad finem anni Millesimi quingentesimi nonagesimi noni, quo item tempore funus defunctæ Reginæ Cracouiæ curatum fuit, constituta fuisse, ipsi inprimis Archiducissæ comites, qui complures non obscuri nominis in aulâ eius erant, vulgauerunt, & Nicolaus Zebrzydowski supremus eo tempore Regni Marefcalcus, pro munere officij sui quid Rex cum Archiducissâ socru suâ priuatis sermonibus tractaret, ex ipsismet Germanis cognouerat. Quasi tamen nihil Niepolomicijs actum esset, ita inde Archiducissa mater, deducente eam Rege Sigismundo genero ad fines vsque Silesiæ, discesserat, vt diu hæsitant ij, qui Regem hac suspitione onerare voluerant, vtrum hanc rem alicui ex Senatu communicarit: falloque deinceps vulgatum fuerit, quasi Ioannes Tarnouius Episcopus Posnaniensis, & postea Archiepiscopus Gnesnensis huius consilij vel particeps esset, vel auctor: neque quidquam deinceps de hoc matrimonio publicè actum, donec Constantia, quæ eo tempore decimum annum attingebat, adolesceret, aptaque matrimonio esset. Anno denique Millesimo sexcentesimo quarto cum Rex secretioribus Internuntijs, Senatores primarios certiores fecisset, de suâ ad ineundum nouum matrimonium propensione; adiecissetque Clementem Octauum Pontificem Maximum genti Poloniæ additissimum, à se minimè eo nomine appellatum, epistolâ manu suâ scriptâ sibi suadere, ne de vllâ aliâ coniuge, nisi Constantiâ, vxoris prioris sorore cogitaret: se enim nexu Legum sacratum, quibus tale coniugium vetatur, Apostolicâ potestate soluturum. Sed ne quis suspicari posset, quò animus regius propenderet, addidit Rex, se hæc de re nihil constituere velle, nisi ex Senatus sententiâ, & præter Constantiam Caroli Archiducis filiam, Annâ quoque Austriacam Ferdinandi Archiducis Tirolensis filiam, si consensus Imperatoris Rudolphi, supremi eius tutoris accesserit, non grauatè ducturum: seque in hoc matrimonio nihil aliud, nisi

nisi salutem Reipublicæ, & prolis regię incrementum spectare ostendit. Hæc tum Rex ad Senatores: neque tamen latere diu potuit, quò animus eius propenderet; cùm ijs, quibus maximè fidebat, non obscuram daret significationem, sibi Constantiam cæteris reliquis magis cordi esse. Inter alios qui Regię voluntati obistere conabantur, fuit Ioannes Tarnouius Archiepiscopus Gnesnensis, vir magni nominis, & eo tempore senatus Princeps: fuit is antea Regni Vicecancellarius, mox Episcopus Posnaniensis, demceps verò Vladislauiensis, & proximè præterito anno Stanislao Carnouio Archiepiscopo Gnesnensi, viro, si sanctitatē vitæ, si eruditionis præstantiam, si animi magnitudinē spectes, priscis illis Apostolicis Patribus, qui Ecclesiam suis humeris sustentarunt, pari, successor à Rege datus; quem Rex omnino crediderat suis destinatis nō aduersaturum. Et certè ea fama percrebuerat, Tarnouium recenti Regis beneficio auctū, si modò Rex id posceret, non solum ipsius desiderio se accommodaturum; verum etiam ad deducendam sponsam profecturum: sed nos vidimus litteras ad Regem manu Tarnouij scriptas, quarum hæc erat summa; vt cū plurimis verbis Regi hoc cum prioris vxoris sorore matrimonium dissuadere conatus esset ad extremum adijceret, Regē, si in hoc matrimoniali consilio, suo arbitrio vti vellet, vel sibi ipsi discrimen, vel regno Poloniae exitium allaturum. Et Tarnouius quidem intra paucos adepti Archiepiscopatus menses, supremo grauatus morbo, magno omnium dolore, quinquagesimo quarto ætatis suę anno, ex hac vitā Louicij Mense Octobri decessit: virum magnum se in omnibus Reipublicæ functionibus præstiterat: iudicio & beneficio Stephani Regis, Referendariatum Regni iuuenis admodum adeptus erat: eoque per vndecem annos summā cum laude gesto, in petitione Vicecancellariatus Petro Tilicio tū Regni magno Secretario, gratiā Regis Sigismundi prælatus; in hoc quoque Magistratu, quem septennio gessit, quantum ingenio & virtute animiq; magnitudine præstaret, vniuersæ Poloniae testatum fecit. Vt primū cunctis innotuit, Regem omnes suos conatus eò flectere, vt prioris suæ consortis sororis matrimonio potiretur; variè ea res affecit animos hominum, vulgò reputantibus, quasi improspere ex futurae essent nuptiæ: nec in Summi Pontificis potestate esse, vt in tam arcto affinitatis gradu laxaret Diuini interdicti mandatum. Et quanquā Clemens Octauus Pontifex Maximus, eo nomine minimè a Rege appellatus, vltro id Regi suaderet, minimè tamen dubium erat ab Archiduce socru Regiā, eum hoc nomine sollicitatum fuisse. Sed inter omnes qui ne eiusmodi matrimonium iniretur, contenderunt, præcipuus fuit Ioannes Zamoscius Regni Magnus Cancellarius, & Supremus Exercituum Præfectus, cuius ea tempestate ob eximiam prudentiæ, multo vsu rerum quæsita, & eruditionis laudem, & ob præclara in Patriam, & ipsummet Sigismundum merita, ea fuit auctoritas, tantumque populi vniuersi erga eum studium, vt omnes eius sententiæ assensuri viderentur,

Quis fuerit
Tarnouius.

Quantus vir
Carnouius.

Tarnouius
Archiepiscopus
Gnesnensis
dissuadet
Regi cum
Constantiā
matrimonium;

Qui pauld
post moritur.

Quis populi
de Regis ma-
trimonio sen-
sus.

Dissuadet hoc
idem mat-
rimonium Regi
Zamoscius.

eius in Polo-
niā auctori-
tas.

*& merita.**eius ad Sum-
mum Pontifi-
cem epistola.**Comitia in-
dicta pro 20.
Ianuar. 1605.**Ioan Tarno-
uius Archie-
piscopus Gnes-
nensis mori-
tur.**Huius matri-
monij inuidia
in Sigismun-
dum Mysco-
uium Regni
Marescallū,
quasi eius
auctorem in-
cumbit.
Comitiorum
successus.**Comitiorum
irritus euentus.*

derentur. Illius certè curâ & sollicitudine eo interregno, quod mortem Stephani Regis subsequutum est, res Polona steterit; effectumque ne Regē, nisi liberis suffragijs à nobis lectum haberemus: victo acie & capto ad Bycynam Maximiliano Archiduce Austriae, qui paucorum factione, & Cæsareis opibus, per vim ad Regnum adipiscendum aspirauerat. Itaque ille non clām vt alij, sed apertè Regi professus est, se eiusmodi nuptias probare non posse; ad ipsumque Summum Pontificem Clementem Octauum militari & acriori stylo, scriptas dedit publicè literas; quibus eum vehementiùs obsecrabat, ne eiusmodi matrimonium à Regiâ dignitate, & pietate alienum, & Regno Poloniae discrimen summum allaturum, Apostolicâ auctoritate ratum haberet. Indicta erant à Rege, ad diem vigesimam Ianuarij Anni Millesimi sexcentissimi quinti Varisaviae celebranda Comitia, quæ priusquam inchoarentur, cum pro more institutoque Patriæ, conuentus Palatinatum Prouinciales, in quibus Rex per Nuncios suos, quid in futuris Comitij tractandum sit, proponere nobilitati solet, agerentur: nobilitas cæteris omnibus omissis, eò potissimum incubuit, idque vt in Comitij Nuncij à se ablegandi, vrgerent, postulauit: ne Rex nouis, si altera prioris coniugis soror ducenda esset, nuptijs se inuolueret, Remque publicam in discrimen adduceret. Ac vt nouarum difficultatum obiectu Regem à proposito dimouerent, mādarent Nuncijs suis, postularent à Rege, vt conditiones quibus ei regnum delatum, adimpleret. Haud dubio tales consiliorum fontes, ex mente Cancellarij ortum & principium habuerunt, & ille nequaquam eius inuidiæ immunis esse volebat, palamque testabatur, salutem publicam gratiâ Regiâ sibi potiore esse. Cumque Tarnouius Archiepiscopus Gnesnensis, quem plerique Regijs destinatis fauere crediderant, quarto ante Comitia mense extinctus esset; omnis nouarum nuptiarum inuidia, in Sigismundum Myscouium Supremū Regni Marescallum, nuper titulis Marchionalibus, beneficio externorum Principum auctum, incubuit: incumque potissimum cum Cancellarij ipsius, tum eorum qui eius partes sectabantur, hoc est totius ferè nobilitatis, odium ferebatur: & si Comitij interfuisset, non procul ab acriori contentione res futura videbatur: sed ille interim morbo pressus, quidquid id futurum erat periculi, feliciter euasit. Comitiorum quidem is fuit successus, quem perturbato Reipublicæ statu fieri necesse est; certabatur non tantum sententijs, sed & mutuis conuitijs; parumque aberat, quin ad maiorem acrioremque sententiam, inter vtrunque armatos res deueniret: nisi Zamoscus, popularium studiorum prudens moderator, ad pacatiora consilia animos hominum flexisset, continuissetque. Itaque cum nec Rex quidquam eorum quæ ab eo postulabantur, equestri ordini indulgere vellet, & Nuncij terrarum id quod illis demandatum erat, acrius vrgerent: ad extremū re infectâ soluta sunt Comitia, in quibus Petro Tylicio Episcopo Vladislauensi, sigillum Regni minus deponente, munus Vice-cancellarij Zamoscio

moscio modicè repugnante , ad Matthiam de Buzenin Pstroconium, Matthias Pstroconius Regni Vice-cancellarius renunciatus.
Episcopum Præmilliensem , virum pium & eruditum , Regio favore
delatum est. Zamoscius quidem, vt erat illius mos, statim finitis Comi-
tibus Varſavia diſceſſit; quem iuſſu Pſtroconij Matthias Lubienius frater
meus conſecutus, benigneque ab eo exceptus, non ſolùm hoc ab illo ob-
tinuit, vt diploma Regium, quo Pſtroconio munus Vice-Cancellarij de- Zamoscij erga Pſtroconium animus.
mandabatur, ſigillo Regni maiori ſignaret; verùm etiam per eundem ea
mandata ad Pſtroconium daret , quibus ſe non inimico erga illum eſſe
animo oſtendebat : petebat autem, vt Pſtroconius conſilia, quibus ſalus
Reipublicæ continetur, ſecum communicaret; ſibi certè in animo eſſe, vt
quoad viueret, Regis Sigismundi imperium conſeruaturus eſſet : ſuade-
ret viciffim Pſtroconius Regi, vt ille deſiderijs equeſtris ordinis pactiſque
conuentis ſatiſfaceret ; vel ab eo nexu, quo Reipublicæ obſtrictus eſt, ſe In ſecreto conſilio de Regis matrimonio tractatur.
liberari, & exſolui in publico conuentu peteret. Cæterùm Rex, vt dixi-
mus, ſolutis Comitibus, maiori parte Senatus retentâ, ſecretum conſilium
habuit, atque in eo cùm alia, tum potiffimùm matrimonij ſui negotium
Senatorum ſententijs pertractandum propoſuit : in eam ferè ſententiam
Vice-Cæcellario Regni Matthia Pſtroconio, nomine Regis, verba facien- Sermo habitus à Cancellario ad Senatores nomine Regis.
te: Intellexiſſe Sacrà Regiâ Maieſtatem, Dominũ noſtrũ Clementiſſimũ,
ex literis Dominorũ Senatorum, ante Comitibus hæc ſcriptis, eam ferè eſſe
omnium ſententiam , vt cùm tot annos à morte prioris conſortis ſuæ vi-
duus viueret , ad iterandum matrimonium animum adliceret : proinde
Regiam Maieſtatem ſemper à conſilijs Senatus ſui dependere ſolitam,
pro more inſt tutoque Patriæ, huc flexiſſe mentem ſuam, vt ex inclytâ &
Auguſta Auſtriaca familiâ ducendam vxorem deſtinaret : egiſſe iam
Regem & per literas , & per Internuncios priuatos cum Cæſarâ Maie-
ſtate , vt domus Auſtriacæ ſupremo tutore, poſtulaſſetque ab eo vt Sere-
niſſimam Principem Annam Ferdinandi Archiducis Auſtriæ filiam, Co-
mitatus Tirolenſis hæredem , vxorem ſe ducere permetteret ; ſed Cæſa-
rem eaſ ferre conditiones, quæ & Regni, & Regis dignitati minimè ſunt
conſentaneæ ; eundem tamen Cæſarem ſuadere , vt Regia Maieſtas,
Conſtantiam Archiducis Caroli filiam , prioris vxoris ſuæ ſororem ger-
manam , dari ſibi depoſceret : facilè ſuo , totiuſque familiæ Auſtriacæ
conſenſu , eam habiturum. Idem Regiæ Maieſtati à Clemente Octauo
Pontifice Maximo , Regem Sacrarum legum (quæ tale matrimonium
vetant) nexu Apoſtolica auctoritate ſolvente, impenſè ſuaderi : dicerent
itaque Senatores ſentētijs ſuas, & quid factò opus eſſet, explicarent. Ne- Senſus totius Senatus de Regis matrimonio.
mo tum erat in Senatu , qui apertè Conſtantiam ducendam ſuaderet:
omnes ſolenni legatione Cæſarem compellandum eſſe , vt æquis condi-
tionibus Annam Ferdinandi filiam Regij thalami & Regni conſortem
iungendam concederet. Pupugit non mediocriter Senatorum conſen-
ſus Regem , iam dudum conſilij ſui certum , & fide datâ ſocrui obſtri-
ctum : quamobrem accerſito ad ſe Cardinali Maciejouio Epifcopo

*Maciejowski
Cardinalis
sententiam de
eodem reperit.*

Cracouiensi, & designato Archiepiscopo Gnesnenli, modicè de eo conquestus, quòd in sua sententia Constantiæ mentionem non fecisset, id ab eo obtinuit, vt veluti repetitâ sententiâ, publicè protulerit, non absolum fore, si fortè Cæsar obstinatiùs negaret Annam Ferdinandi filiam, Rex, còsulto priùs pèr literas Senatu, eâ còditione, quæ illi à Cæsare offerebatur, quamque Summus Pontifex acceptandam suaderet, vteretur. Iam non ampliùs cæteri Senatores, qui huic suasioni contradieturi videbantur, rogati erant, vt sententias dicerent, sed Rex soluto Senatorum conuentu ad sua se recepit, & celeriter Cracouiam versus profectiõnem instituit, vt inde & ad Cæsarem nouam legationem mitteret, & ea quæ ad apparatus futurarum nuptiarum pertinebant, paranda curaret.

*Mira mutatio
imperij
Moschouitici.*

Libet hîc paucis à proposito digredi, & miram Moschouitici Imperij conuersionem commemorare, quæ obscuris & paruis initijs orta talem postremò exitum sortita est, vt vniuersum penè orbem dederit in stuporè. Ioannes Basilij Magnus Moschouix Princeps, quem Rex Stephanus prospero belli successu possessione Liuoniæ deiecerat, duos reliquit filios, Theodorum qui Patri in imperio successit, & Demetrium impubere: sed Theodorus mitis ingenij, & parum ad regendum tantum Imperium aptus, Borissio Hoduno obscuræ fortis homini, cuius sororem (cùm à Principibus Moschouix non ex dignitatis, sed ex formæ commendatione vxores, quoties libuerit, assumantur) in matrimonio habebat, præbuit occasionem affectandi imperij. Ad quam rem obtinendam cùm viuentem Demetrio, cui proxima à fratre successio debebatur, præclusum sibi aditum videret, primùm curante sorore (quæ maritum vxoris imperio sibi obnoxium fecerat) supremum Magistratum, quem

*Borissius Hodunus
Demetrio vero haeredit
imperij
Moschouitici
necem inferit.*

*quibus artibus
summam
rei adeptus.*

Stabuli Præfectum Moschi appellant, beneficio Principis adipiscitur; deinde summâ rei in suam potestatem redactâ, necem Demetrio molitur, puerumque, qui in contubernio coætaneorum suorum Volecij educabatur, per conficios sui sceleris ministros, clàm occisum, sibi ipsi manus intulisse ementitur: postremò omnibus, qui ad spem successiõis vocabantur, oppressis, vel vltro metu concedentibus, mortuo Theodoro, Imperio, cuius dudum administrationem sibi vsurpauerat, potitur. Fruebatur satis pacatè compluribus annis, per summum scelus parto Regno Borissius, & non modò cum alijs vicinis Principibus, verùm etiam cum Polonis, quibus cum Moschis perpetuum semper fuit dissidium, pace stabilitâ, rebus suis in futurum etiam satis prospexisse putabatur, cùm vindex scelerum Deus, non vltà impij facinoris prædâ nefarium alieni inuasorem imperij potiri volens, pœnas dudum debitas ab eo exegit.

*Falsus Demetrius
primò in Volyniâ,
post in Poloniâ
se ostendit.*

Gregorius Ottrepouicius (si Moschis credimus) obscuræ originis, primùm Græci ritus monachus, dein religionis ac fidei desertor, ætate & formâ Demetrio, quem ab Hoduno occisum diximus, haud absimilis, è Moschouia pœnarum metu profugus, & aliquanto tempore religionis specie per Monasteria Volyniæ & Kijouiæ, quæ Regni Poloniæ prouinciæ sunt,

sunt, vagatus, postremò diu meditati doli artem promit: se Demetrii Ioannis Moschouiae Principis esse filium, è eade, quam sibi Hodunus machinatus erat, callido quodam pædagogi consilio ereptum. Homini- bus non multum rerum Moschouiticarum peritis, non absimilia vero dicere videbatur: & erat facies liberalis, rerum & antiquitatis notitia maior, quàm homini barbaro conueniret; sermo promptus & expeditus, ac ad conciliandam fidem accommodata oratio. Sed inprimis Dux Vif- niauecius, in cuius hæreditariâ ditione hanc fabulam proximè priori an- no exorsus est, vocatum ad se, & diligentius, quis esset, interrogatum; cum non ambigua referre existimaret, honestiori cultu exornat, ac bono animo esse iubet; dein re cum Palatino Sendomirienti Georgio Mnifzek socero suo communicata, vterque de communi consilio Regem certio- rem faciunt, verum Moschouiae hæredem repertum esse. Acciri qui- cumque ille esset in aulam placuit. Ille fortunæ quam petebat parem animum ferens, vultu non degeneri, sermone promptus, vbi alloquen- di Regis facta potestas, nefaria Hoduni machinatione cædi se quondam destinatum, diuinitus impias manus euasisse ait; dein profugum diu hinc inde latitasse; posteaquàm ad maturiorem ætatem peruenisset, haud im- memorem quâ stirpe ortus sit, de repetendo Patrio Principatu cogita- tionem suscepisse, non ambitione, sed ne sceleris præmium penes alieni Regni inuasorem maneat; id tacitis Procerum Moschouiae votis flagi- tari, ex ijs habere se multos, cum suæ salutis, tum præsentis confi- lii conscios: omnes vbi incolumem Principum suorum veram sobolem conspexerint, relicto Tyranno ad se transituros: cœpto tantum & mo- dico aliquo præsidio, vt tutò in Moschouiae finibus cõsistere liceat, opus esse, orare Regem, vt communis Principum sortis memor, opẽ sibi ferre velit. Multa prætereà antiquitatis exempla adfert, Regum & Principum, qui ad similem, in quâ ad præsens ille esset, fortunam reducti, non mo- dò Paterna Imperia feliciter recuperarunt, verum etiam rebus præclarè gestis, clari & illustres fuere. Cyrum & Romulum pastorum quondam alumnos, sed Regiâ stirpe genitos magna imperia condidisse. Hæc & alia memorans, omnium in se oculos conuerterat: fauor etiam Regis, & commiseratio sequebatur. Sed ne belio parum necessario implicare- tur, liberaliter donatum, & meliora sperare iussum, sine certo responso dimisit; non refragaturus, si quis priuatís opibus auxilium ferret. Eo ta- cito Regis consensu obtento, Georgius Mnifzek quò tanti imperij futu- rum Principem, non beneficio solum, verum etiam necessitudine sibi deuinciret; pacto eum ducendæ in matrimonium filia suæ Marinae, posteaquàm rerum potitus fuerit, obstringit; deinde suâ, amicorum & clientum suorum operâ, quàm maximam potest manum militarem contrahit; tum non diu moratus, mirantibus cunctis, quòd homo eius ætatis, quæ quondam Parthicum bellum Crassum suscepisse auctores prodidère, opus tantæ molis, non modò sine iusto exercitu, verum etiam

*Is ad Regem
accescit.*

eius indoles.

*ad Regem
oratio.*

*Incerto cum
responso à
Rege dimissus.
Rex disimu-
laturus erat,
si qui priua-
tim illum
iuuarent.
Hinc Geor-
gius Mnifzek
Palatinus
Sendomirien-
sis et opem
fert, & cum
exercitu in
Moschouiam
ducit.*

per se artis militaris rudis, aggredieretur, versus Moschouiae fines procedit. In itinere ad famam noui motus complures congregantur, sed plerumque leuioris armaturae milites: scriptae nomine Demetrii ad Proceres Moschouiae literae, quibus significabatur, venire eum recuperandi Paterni Imperij, & abolendae Tyrannidis, atque gentis Moschouiticae in libertatem asserendae causâ. Hoc specioso titulo praemisso, fines qui
eius successus. Polonorum & Moschorum ditiones diuidunt, cum Palatino Sendomiriensi transgressus, non ita, ut rebatur, prompta illius gentis erga se studia reperit; ut tamen primis coeptis aliquam suo nomini famam conciliaret, aliquot oppida temerè munita intercepit, quaedam spontaneâ deditione ultro se illius potestati permisere. Interea Hodunus insolito tumultu excitus, etsi non ignorabat transfugam exiguis niti viribus; tamen cum ad fictum vetustae Principum Moschouiae stirpis nomen, vulgi aures patere intelligeret, se populo inuisum, si bellum instaret, vel si Poloni maiore vi incumberent, magno periculo obnoxium fore, non cunctandum ratus, celeriter parat exercitum, ei que, dubiâ & incertâ aliorum fide, fratrem suum Ioannem Iuanouicium summâ cum potestate praeficit; mittit praeterea in Poloniam Nuntios, qui Regem & Proceres icti foederis admonerent, ac illius qui ficto Demetrii nomine se pro haerede Moschouiae gereret, genus ac originem edocerent. Responsum Nuntijs, Regem foederis memorem, afflicto quamuis & opem imploranti auxilium ferre noluisse; ceterum in tantâ Nobilitatis Polonae libertate, prohiberi non potuisse, ne aliqui priuatim illi studerent: si qui tamen modum eâ in re excefferint, aut aliquid contra pacta admiserint, daturos ex formulâ foederis poenas. Demetrius interea ad famam venientis contra se exercitus, quamuis tantis impar viribus (nam & illi qui paulò antè sponte se ei aggregauerant, siue instantis periculi metu, siue quòd stipendia non soluerentur, quotidie dilabebantur; nec ceteri qui maiori necessitudine illi obstricti, & immensâ praemiorum pollicitatione allecti fuerant, tantum animi habituri credebantur, ut se resque suas illius causâ in exitium offerrent) tamen stupendâ quadam audaciâ, aut cadendum aut vincendum sibi dictitans, nec se vel ab omnibus desertum retrocessurum, sed aleam fortunae experturum asserens; simul dubios suorum animos partim praesumptâ Diuinæ opis fiduciâ, partim ingentibus promissis firmat. Iam in conspectu erat hostium exercitus, cuius numerum non facillè fuerit inire; ita latè patentes campos compleuerat, ut vel solo conspectu, terrorem aduersarijs incutere, & in fugam eos agere potuisse videretur. Vix credet posteritas, equites non amplius septingentos, pauciores etiam pedites, non modò contra tam numerosum exercitum collatis signis praelium inire ausos grauiter pugnam excepisse, verum etiam submotis loco barbaris, ingenti que pro numero edita strage, intra munimenta eos se recipere coegisse. In eâ pugna, Palatini Sendomiriensis insignis animi magnitudo, & in dubijs rebus constantia

opponit exercitum ficto Demetrio Hodunus.

mittit in Poloniam nuntios foedus memoraturos.

eis responsum à Rege.

Paulò amplius quam mille Polonorum Moschorum exercitu pugnam committunt & vincunt.

Georgius Muszek Palatinus Sendomiriensis strenuè Ducis munia obruit.

stantia apparuit, nam contempto omni periculo, & aciem ita struxit, ne pauci à multis circumueniri possent; & fatigatis integros submittendo, ac turbatos ordines suorum restituendo, omnia boni Ducis munia cumulatè impleuit. Caterùm veritus ne postera die hostes conspectâ nostrorum paucitate acrius instarent, miro astu vsus, literas quasi recens à Carolo Chodkieuicio missas fingit, easque aduocatâ concione in castris recitari iubet: significabatur iis venire Chodkieuicium missum à Rege cum iusto exercitu, & breui adfore; eo nuntio nostri exhilarati, siue in re fictâ latitiam simulantes, sono tubarum & tormentorum explosione, voce denique & gestu, quasi recentibus auxiliis, ingens gaudium testabantur. Vagus is consilio Ducis subditus rumor peruenit ad hostes, quibus vel ipsum Chodkieuicij nomen facilè terrorem incussit, reputantibus, si tam pauci Poloni paulò antè adeò fortiter secum conflixerunt, postquàm vniuersi exercitus robur cum Chodkieuicio superuenerit, se occisione deletum iri. Quare celeriter motis retro castris, abiére: nostri instandum, percussis & recenti terrore vten- dum rati, abeuntium tergis insistant: sed cùm hostes nusquàm pugnae copiam facerent, postremò artibus Demetrii seditione in eorum exercitu apud Cromanos. (oppidi id nomen) excitata, victus Ioannes Iuanouicius Demetrio traditur: quare maiore parte militum, Hoduno relicto, in partes Demetrii concedente, prater spem & opinionem omnium Demetrius tantis auctus copijs maiora moliri cœpit. Et quoniam Hodunus, quem proditione intercipere ob constans erga eum Procerum studium difficile videbatur, bellum reparabat, iam antè Bosmanum quemdam magnis oneratum promissis submittit, qui eum veneno è medio tolleret; quo demum perpetrato facinore, plerique è Proceribus ad Demetrium transfugiunt; plures, quorum præcipui Dux Mscislauientis ac Suiscius, Hoduni filio nondum satis adulto, imperium deferunt. Ille tantis curis impar, satis se tutum fore existimans, si ipsam Moschouiae Metropolim, vbi opes & summa rerum, tantisper in fide teneret, donec maiores copias, à remotioribus imperij partibus acciret, omnes aditus seperat, ne quâ fama rei apud Cromanos gestæ, & proditionis militaris, ad populum peruenire posset. Sed contrà euenit, nam Michaël Soltitius à Demetrio missus, cùm urbem accuratè custoditam ingredi non posset; ad vicinum mœnibus templum in suburbio Crasnesiolo dicto, æris campani sono, populum conuocat, prolatis Demetrii literis, ad conciliandū vulgi fauorem accommodatis, quibus initio sumpto à Diuinæ voluntatis arcanâ ordinatione, significabatur, Demetrium Ioannis Principis Moschouiae filium, qui ab Hoduno occisus putabatur, viuere, vniuersum exercitum in eius fidem concessisse, nihil restare, nisi vt Hoduni iniustâ stirpe sublata, eum vti legitimum dominum yltro recipiant. Plebs rusticana, concitato tumultu, portas ciuitatis effringit, ac in urbem irrumpit; vbi eadem ex causâ populo in seditionem acto, auctorem tu-

Seditio in exercitu Hoduni arte falsi Demetrii excitata, & Ioannes Iuanouicius dux exercitus eius victus traditus, & maior pars exercitus in potestatem Demetrii concessus.

veneno sublato Hoduno, imperium eius filio delatum à plerisque Proceribus.

Sed frustra, nam mox occisus est.

*Vxor & filius Hoduni
necatus; & Demetrius impe-
rio potius.*

multus in ponte, quo arx vrbi coniungitur, loco paulò editiori statuunt, literas recitare iubent, ac statim reintellectâ Boiaros & Proceres, qui Hoduni partes tuebantur, inuadunt; arcem ipsam circumstant. Eo metu percussâ noui Principis mater, cum filio & filiâ supplici habitu, sacras imagines manibus præferentibus, in conspectum multitudinis prodit: sed nulla maiestatis reuerentiâ habitâ, Masalscio, qui auunculum reperti Demetrii se ferens, clam eius inceptis fauebat, traduntur. Mater & filius paulò post iussu Demetrii strangulantur, filia victoris libidini reseruata. Hunc finem cum stirpe suâ sortitus Hodunus, non vulgare posteritati documentum reliquit, imperia scelere parta diu permanere non posse.

*Litera Regis
ad Imperato-
rem Rudolphū
Annæ Fer-
dinandi Ar-
chiducis fi-
liam in ma-
trimonium
petens.*

*Responsum
Rudolphū Cæ-
saris.*

*Legati à Rege
missi Szyfco-
uius Episcopus
Luceorietis
& Sigismun-
dus Mys-
kovski Su-
premus Regni
Marescalcus
ad petendam in
matrimonium
Constantiam
Caroli Archi-
ducis filiam,
prioris vxoris
sororem.
Quis sensus
de eâ re Sena-
torum;*

quis populi;

Sed nos paulò longiùs à proposito digressi ad nostra reuertamur. Rex solutis, vt dictum est, Varſauienſibus Comitibus, Craconiam profectus, vt eorum desideriis satisfaceret, qui iteratâ legatione Cæsaris animum ad concedendam in matrimonium Regi Ferdinandi Archiducis filiam stimulandum censuerunt, Boianouium militem Maltensem, & Comendatorem Poſnanienſem, ad Cæsarem, nullis datis certis mandatis, literas tantùm Regias vt redderet, mittit. Et Imperator Rudolphus gnatus, quo Regia consilia vergerent, paucis verbis respondit; id quod petitur, certis de causis fieri non posse: sed si Rex innouandæ cum familiâ suâ affinitatis desiderio teneretur, Constantiam prioris vxoris suæ sororem, matrimonio sibi iungeret. Hoc responso accepto, per celeres tabellarios, Regijs literis consulti nonnulli Senatores, significatumque ijs, frustra de ineundo matrimonio alia consilia suscipi, cum sola sit Constantia, quæ Cæsaris consensu haberi possit, quamque post priores Clementis Octauî vitâ functi suaforias literas, nunc quoque nuper electus Summus Pontifex Paulus Quintus, manu suâ exarata epistolâ ducendam suaderet. Tabellarij ad Senatores dimissi, vix cum responsis redierant, cum Rex, quò susceptum negotium properaretur, solennem ad petendam sponſam decernit in Austriam legationem, eiusque obeundæ munus ad Martinum Sycouium Episcopum Luceorietem & Sigismundum Marchionem de Miroro Myscouium Supremum Regni Marescalcum defert. Senatores per literas consulti, nonnulli quidem eiusmodi matrimonium sibi non placere responderunt, plerique ampliùs de eo deliberandum censuerunt, plures vtrò de eâ re ambigendum non esse, ac eâ conditione, in quam animus Regius propenderet, vtendum, consiliumque duorum Summorum Pontificum sequendum suaserunt. Cæterùm à populo, vario rumore accepta est Regis ad ineundum cum Constantiâ prioris vxoris sorore matrimonium inclinatio; reputantibus plerisque, quàm infelicitè cesserit Sigismundo Augusto Regi, cum duabus Cæsare Ferdinando natis sororibus coniunctio. Disserebant contrâ alij, longè præsentis temporis disparem esse rationem: Regem non priuatâ cupiditate cò agi, sed non tantùm indulgente Summo Pontifice,

ce,

ce, tanquàm Supremo sacri iuris arbitro, verùm etiam impensè suaden-
te eam conditionem accipere, expertum priori matrimonio sanctam &
castam domus illius disciplinam. Nam mater illustri Bauaricâ familiâ or-
ta, fœmina cùm prudentiâ, tùm animi magnitudine præstans, ac priscæ
sanctitatis, eam in educandis liberis curam adhibuerat, vt filia ad exem-
plum illius institutæ, à summis in Republicâ Christianâ Principibus
ambirentur, ac præter Regem Poloniæ, Hispaniarum quoque Rex
Philippus Secundus, filium suum tot amplissimorum regnorum hære-
dem, ex hac, & non aliâ domo vxorem petere voluerit; quare tam illu-
stri affinitate, stabiliri Regis imperium, & publicæ securitati magnum
parari præsidium, ominabantur. Erat sanè ingens hominum expecta-
tio, quò tali rerum statu Ioannes Zamoscius Regni Cancellarius & *quis Zamos-*
exercituum Dux, sua consilia flexurus esset; quem certò constabat, *ci;*
has Regias nuptias non probaturum. Nec dubium erat, eum à ple-
risque monitum fuisse, vt acrioribus consilijs Regia destinata morare-
tur; & inter alios Ioannes Ostrogus Castellanus Cracouiensis, pro eo, *Quis Ioanne*
quo in Republicâ fungebatur loco, se, si ita Zamoscio videretur, *Ostrogij Ca-*
vniuersam Nobilitatem, ad arcendam ingressu finium regni nouam *stellani Cra-*
sponsam conuocaturum ostenderat. Verùm Zamoscius, non ignarus fa-
cile multitudinem concitari posse, retineri verò in officio, ne ad dete-
riora delabatur, valdè arduum & difficile, ne quid tale Castellanus
Cracouiensis moliretur, seriò illum dehortatus est. Quamobrem mi-
nimè dubitandum fuisse crediderim, si Zamoscius diutius vixisset, il-
lum & opibus, & auctoritate suâ, reliquos omnes à turbulentioribus
consilijs & aulis, cohibiturum fuisse: neque siturum, vt quæ pacatis con-
siliis componi poterant, armatis conuentibus vrgerentur; & ob eam cau-
sam ciuile bellum, magno Reipublicæ damno, susciperetur. Sed Za-
moscius non tam annis (sexagesimum enim tertium ætatis agebat, &
firmâ satis valetudine vtebatur) quàm curis & laboribus confectus, *Mors Za-*
in ipso Regiarum nuptiarum apparatu, mense Iulio, concessit fatis. *moscij;*
Vix vnquàm Polonia parem illi viderat, tot in vnum cumulatis Diuino
beneficio muneribus, quæ si in plures dispersita fuissent, vnumquemque
magnum factura videbantur: idem prudens consiliarius, idem bellat-
or eximius, idem felix fortunatusque belli Dux, & quod mireris, cùm *eius animi*
toties arma cum diuersis Reipublicæ hostibus contulisset, semper *dores,*
acie & bello victor. Reliquit amplissimarum fortunarum Thomam Za-
moscium, vnicum hæredem impuberem adhuc; cuius tutorio iure re-
gendi curam, Georgio Zamoscio Episcopo Chelmeni, Nicolao Zeb-
rydouio Palatino Cracouiensi & Stanislao Zolkieuio Castellano Leo-
poliensi, exercitusque campestri Duci supremis tabulis demandauit.
Infregisse mors Cancellarij eorum potentiam, qui Regijs nuptiis ad-
uersabantur, videbatur; cùm nemo vnus tantâ auctoritate futurus esse
crederetur, qui Regis destinatis obistere & tanto Senatorum, qui plures
ad

Nicolaus
Zebrzydowius
Palatinus
Cracouiensis
Regium ma-
trimonium,
maiori parte
Senatus ap-
probante, im-
probare ausus.

Zamosciana
in Regem fi-
des constata.

ad probanda Regis consilia in dies accedebant, consensui refragari au-
deret. Et fortasse non temerè ea spes concepta fuisset; nisi Nicolaus
Zebrzydowius Palatinus Cracouiensis, in cuius manus omnis potentia,
quæ Zamoscij quondam fuerat, tutorio nomine venerat, non cessandū
sibi in eo casu existimasset. Is dudum Regia gratiā pollens, primūm Lu-
blinēsis Palatinus, dein supremus Regni Marefcalcus; demum cum eum
Magistratum fastidiret, Palatinus Cracouiensis renunciatus, ac singu-
lari Regis in eum beneficentiā ingentibus opibus auctus, magnam sibi
in Republicā auctoritatem comparauerat. Sed animo tumens, & cum
aliorum fortunis, tum præcipuè Sigismundi Mylcouij, supremi Regni
Marefcalci, multis ad eum Regiā liberalitate delatis opulentis præfectu-
ris, & postremò morte Zamoscij, Grodecensi Capitaneatu ei collato,
crescente potentiā, anxius, postremò tristi quadam in Regem arrogan-
tiā, tedium sui mouerat; neque ampliùs pristinum gratiæ locum apud
Regem obtinebat; hincque cum Regias nuptias disturbare non posset,
de concitandā populari seditione consilia agitare cœpit. Credebatur
etiam olim, dum Zamoscius uiueret, quotiescumque illi cum Rege ali-
qua intercedebat dissensio, ea consilia Zamoscio suggessisse, quæ ad
mutandum Regni statum viam sternerent; sed Zamoscius semper syn-
cerā cum Rege fide egit, neque se in transuersum agi patiebatur:
etiam si ei id quis suaderet, cuius alijs in rebus consilijs niteretur. Vrge-
bat Palatinum, & ad res nouandas sollicitabat, cum innata parandæ
potentiæ cupiditas, tum de ijs, à quibus se læsum existimabat, & quorum
fortunas recenter auctas agris oculis intuebatur, vindictæ sumendæ
studium. Neque defuturi videbantur ex vnâ parte potentiæ Zamoscia-
næ clientes, ex alterâ verò hæretici, qui non nisi turbulento Reipublicæ
statu cristas attollere, & impietatem stabilire solent: iis adiuuantibus
sperabat se faciliè assecuturum, vt Rege remoto, vel certè in ordinem
redactō, extinctis Regiarum partium Senatoribus, solus omni Repu-
blicā potiretur; id quā ratione molitus fuerit, suo loco memorabimus:
nunc quā leui de causâ, diu conceptum in Regem odium nouissimè
effuderit, videamus.

ocasio, quā
conceptum in
Regem à Pa-
latino Craco-
uensi odium
erupit.

Domus erat in Arce Cracouiensi, Palatio Regio vicina, quam Sigis-
mundus Primus accipiendis externis hospitibus construxerat; eius vsum
Zamoscius Regis Stephani beneficio, quoad uiueret, concessum sibi ha-
bebat; qui rarus admodum Cracouiæ, Palatino in eisdem ædibus preca-
riam mansionem indulserat: igitur mortuo nuper Cancellario Rex eius
domus vsum sibi restitui petebat, illius commoditate ad instruendas
nuptias, & hospites excipiendos vsurus. Eâ re se dignitatemque suam
violari existimans Palatinus, posteaquā aliquantisper præter ius &
æquum tergiuersatus esset, ad extremum cum Regem constanter id vr-
gere videret, summâ cum indignatione Regiæ voluntati cessit, illis apud
amicos vsus verbis: se quidem nunc domo, sed breui Regem regno ex-
cessurum.

cessurum. Paulò antè venerat Cracouiam, priuati negotij causâ Ioannes Dux Radiuilius Magni Ducatus Lithuaniae Regi à poculis : hic antea quoque Marefcalco Regni, quòd is Praefecturam Solecentem, quam pater ipsius Palatinus Vilnensis Regum Poloniae beneficio tenebat, eo mortuo à Rege obtinuisset, infensus, aliâ quoque ex causâ acrioribus in eum stimulis incitatus est. Iuuenis is & splendore natalium & amplis opibus, tum & rerum bello Liouonico gestarum gloriâ, pridem iam altiores spiritus, quàm qui priuatum decerent, induerat, praecipuè verò in tuendâ & propugnandâ Calvinianâ sectâ, cui à puero innutritus erat, inter alios tam priuatim quàm publicè eminere volebat. Accidit eo praesente Cracouiae ut sacerdos Sacrosanctam Eucharistiam ad aegrotum deferens, contumeliosius ex aedibus cuiusdam Haeretici interpellaretur, id proximè adstantes Catholici iniquè ferentes, in aedes Haeretici impetum faciunt, ei verò in subsidium famuli Radiuili, (incertum sponte, an iussu domini) accurrunt. mox crescente tumultu, ij quibus à Marefcalco tuendae pacis & prohibendorum tumultuum officium demandatum erat, armati superueniunt, seditionis auctores comprehensos ac inter eos nonnullos ex comitatu Radiuili in carcerem abducunt : ille contumeliosum id sibi existimans, & à Marefcalco veluti consultò se eâ iniuriâ affectum grauius ferens (quamquam interuentu communium amicorum famuli in eo tumultu prehensi continuò dimissi fuerint) indignabundus & ex occasione se eam iniuriam vindicaturum minitans Cracouiâ discessit. Aestate eadem crebris Tartarorum incursionibus infestatae impune vicinae Regni Prouinciæ, hominesque complures in foedam abducti seruitutem, barbaris consuetâ celeritate eludentibus nostrorum militum, qui praesidium in ijs finibus agitabant, tardos ad subueniendum conatus : & exercitus mortuo Zamoscio absque legitimo imperio habebatur. Barbari praeter solitam praedae auaritiam (nec enim labore aut industriâ victum quarere illis mos) exacerbati Cosacorum frequentibus iniurijs (qui hanc ipsâ aestate Varnam nobile Turcarum Emporium, interfectis incolis expillarant) licentiùs procurfabant; maiora subinde agmina submittentes, quò populatio latiùs extenderetur. Tum iussu Regio Stanislaus Zolkieuius Castellanus Leopoliensis, exercituum campestris ductor, contracto in vnum qui in armis erat milite, barbaros praedâ graues affecutus, iusto praelio victos & omni praedâ exutos ad satietatem cecidit ; compressa eâ re hostis audacia, & pax restituta; sed id demum proximâ hyeme gestum. Tunc inter alias curas Regem quoque excepit Hungarica legatio : Stephanus Boczkai proxime superiori anno Hungarorum Rudolphi Caesaris & Regis Hungariae Imperium fastidientium seditione ad spem Regni promotus, ut perfidia notam à se & gente Hungarâ amoueret, causas eius secessionis proferebat, iniustum & impotentem Germanorum Dominatum & plus quàm Tyrannicū Imperium, Hungaros diutiùs ferre non potuisse, ingentibus exhaustos tributis, ac continuo attritos bello cum

Vnde inimi-
cus animus
Ioanni Radi-
uilo in Mare-
fcalcum.

Incursiones
Tartarorum
in Russiam
1605.

Tartari ductu
Stanislai
Zolkueuij
cesi.

Hungarica
ad Regem
Sigmundum
legatio.

Caroli Sudermani Sueciae Regni in Liuoniam Regni Poloniae Prouinciam incurſio.

Sueci caſi ductu Caroli Chodkieuici.

Friderici Curlandiae Ducis in eo conſtitu vir- tus.

Regiarum nuptiarum apparatus.

cùm nullum exitum malorum viderent, eò demum descendisse, vt frustra sæpè imploratâ Imperatoris ope spreti & contempti, sibi & Reipublicæ suæ aliter consularent. Petebant à Rege, vt ipse eos hoc nomine excusatos haberet, auctoritatemque suam interponeret, vt Romanorum Imperator postulatis illorum annuere veller: responsum datum, quo, redargutâ ea Hungarorum ad rebellionem inclinatione, significabatur nihilominus, Regem cum Imperatore de reconciliandis illi subditis acturum; ita cum bonâ spe dimissa legatio, datæque ad Imperatorem literæ, quibus quid Hungari postularint, perscriptum. Iam Martinus Syscouius Episcopus Luceoriensis, & Sigismundus Marchio de Mitoro Supremus Regni Marefcalcus, splendido & numeroſo comitatu in Austriam, ad obeundam demandatam legationem profecti erant, cùm ex Liuoniâ nuntiatur, Carolum Sudermaniæ Principem, infesto exercitu eam Prouinciam ingressum ad obsidendam Rigam accingi. Patruus is Regis, sed impia ambitione actus, fidem & iura sanguinis (vti alio loco diximus) pridem iam ruperat; occupato per summum scelus regno Sueciæ, mox Liuoniam Regni Poloniae Prouinciam, latrocinij more infestans, aliquot eius ciuitates interceperat, pronis nonnullorum Liuonum, vt Lutheranae sectæ, quâ tota Liuonia infecta est, in eum studijs; & ille vbi vires Polonorum superuenissent, ad naues confugere solitus, numquàm pugnae copiam faciebat. Sed tunc nostrorum paucitate contemptâ, quòd Carolus Chodkieuicius, Magni Ducatus Lithuaniae exercituum Dux, contractis in vnum copijs, vix tria millia equitum peditumque sub signis haberet, ostentare vires, & praelio nostros laceſſere decernit. Nec Chodkieuicius, quamuis longè viribus impar (nam Sueticus exercitus octodecem millibus militum constabat) detrectat aleam pugnae; sed raptim acto exercitu, ducit in hostem: ille miratus tam paucos contra tantam multitudinem venire ausos, & victoriae certus dat pugnae signum; nostris paululum moræ attulerunt obiectæ hostium sarissæ, quibus in morem valli protensis pilorum densis ordinibus sese obseperant; sed ijs effractis, vbi virtuti patuit locus, & cominùs eminusque rei gerendæ data facultas, ruptis hastatorum vi hostilium cataphractorum cateruis, facilè cæteros in fugam coniciunt: ac patentibus campis, palantes hostes agunt, cæduntque: nouem millia hostium interfecta: Carolo ipsi vix ad naues effugium patuit: nam equo cui infidebat deiectus, nisi celeriter à suis in alium sublatus fuisset, vel cæde, vel captiuitate suâ tam insignem victoriam nobilitasset. Paulò ante pugnam venerat in subsidium nostris, Fridericus Curlandiae Dux, cum quadringentis militibus, cuius egregia virtus in hoc praelio enituit, nam & per ancipites Dunæ vortices, audaci simul & felici conatu, cohortes vtroque exercitu stupente traduxit, & strenuis secum adductis militibus, ipse manu fortiter pugnam capeſſendo, cæteris illustre exemplum, rei bene gerendæ, præbuit. Feruebat interea Regiarum nuptiarum apparatus, certantibus Regni Proceribus, quo-

quorum primum in Regem studium, quis eorum in tam solenni actu illustrior appareret. Sed priusquam dies nuptijs dicta adesset, splendida legatio à nouo Moschouiae Duce ad Regem venit, eius Princeps Athanasius Vlasieus pro ingenio gentis prudens & cautus. Extincto, ut supra retulimus, cum stirpe Hoduno, impostor, Demetrii Ioannis filij nomine usurpato, ad capeffendum Moschouiae Principatum nostrorum auxilijs se accinxerat; facile id quod animo destinauerat, assecutus, ac ipsa ante imperij potitus, mox sui dissimilis, & posita modestia & virtutis simulatione, in omnem luxum & solita Tyrannis vitia effusus, cunctorum in se odia concitauerat; nam etsi illi vulgo non ingrata eius committas, prompti aditus, ignotae Moschis virtutes, vitia tamen superabant: inuisi licet Principis Hoduni stupro polluta domus, (nam filiam ipsius inuitam, & scelus detestantem priuatae libidini seposuerat) multorum è primoribus caedes: sed nihil magis Moschos in eum accendit, quam quod à multis retrò seculis sacro & intacto veterum Moschouiae Principum arario manus admouerit. Hinc Procerum in eum Duce Suiscio conspiratio, quae eodie, quo matri (nam Ioannis olim Moschouiae Principis relictam coniugem dudum ab Hoduno monasterio inclusam, inde ut se tamquam mater filium agnosceret, eduxerat) ad tria millia, per speciem pietatis obuiam iturus erat, erupisset, ni patetactis coniuratorum consilijs, à tam longinquâ obuiam itione abstinuisset, maioribusque adscitis praesidijs securitati suae consulisset. Mox captis, quos contra se coniurasse compererat, omnibusque clam interfectis, Suiscium, quod clementiae fama quaereretur, precibus Polonorum indulgit; plebem & militem ingentibus donis, & profusâ largitione demulcens, atque in omnes occasiones intentus, cum toties Moschorum insidijs peteretur, suspectam illorum fidem habens, alia sibi praesidia quaerenda, ac vitae & incolumitati suae consulendum decreuit. Missa igitur ad Regem legatione, se maiorum suorum Imperio potitum, & de more inauguratum significat, foedera & iura quae Moschouiae Principibus cum Regibus Poloniae intercederent, conseruaturum, ac amicum Regi futurum: tanto magis quod se ope illius adiutum meminerit: interea cum pactam sibi Marinam Georgij Mnizek Palatini Sendomiriensis filiam, foedere matrimonij coniungere decreuisset, petere ut id Rege annuente fiat. Et legatio quidem non ingrata; sed Casarei, Imperatorij, ac Regij in literis nominis & tituli usurpatio, absurda satis visa, monitusque Vlasieus, ut deinceps non nisi ex veteri consuetudine, Ducis Moschouiae appellatione Demetrius vteretur. Is cum ineptas, & à barbaro ingenio petitas proferret rationes, postremò Georgij Mnizek interuentu, in aliud tempus eius differentiae componendae dilata tractatio; solenni quoque ritu, Rege praesente, Cardinalis Macieioius, Marinâ, Demetrio Moschorum Principi, legato illius nomine sponfionem ratam fore promittente, despondit; datumque negotium Nicolao Olefnicio Castellano Malogostensi, hensa.

Fictus Demetrius imperio Moschouitico potitus, legatos ad Regem mittit.

Demetrii vitia.

Vnde contra illum Moschorum primò odium.

in illum conspiratio;

quâ comperta consocios conspirationis puniunt.

Et praesidia vitae suae parat.

missa legatione foedera cum Regno Poloniae inter se conseruaturum spondet.

Ut Gregorij Mnizek Palatini Sendomiriensis filiam in uxorem ducere possit. Rege consensum petit.

Usurpatio Casarei ab eo rituli à Rege representata.

Nicolaus O-
lesnickus Ca-
stellanus Ma-
logostensis &
Alexander
Gaszewius
Regis Sigis-
mundi Legatus
ad nuptias
Demetrii in
Moschouam
missi.
Demetrius
grandem pe-
cuniam summam
Palatino Sen-
domiriensi ad
scribendas
militum co-
pias misit.
Regina Con-
stantia cum
matre & Ca-
rolo Archidu-
ce in Polo-
niam aduen-
tus.

stensi, & Alexandro Gaszewio, ut ad cohonestandas Regio nomine futu-
ras nuptias, stabiliendumq; cum nouo Principe foedus, in Moschouiam
Legati proficiscerentur. Miserat Demetrius Palatino Sendomiriensi grā-
dem pecuniae summam (quingenta florenorum millia fuisse fama obti-
nuit) monueratq; ut in deducendā ad se sponsā, talem tantumque comi-
tatum sibi adscisceret, qui & honori, & praesidio esse posset; quod ab illo
factum, ac non contemnendae militū copiae scriptae; multi praeterea illu-
stres viri, sponte Palatini causā, ac complures etiam spem vanam animo
concupientes, fore ut diles inde reuerterentur, vtrō proficiscentium nu-
merū augebant. Iam dies Regiarum nuptiarum appetebat, cunctiq; qui
iussi erant, vel qui sponte tam celebris actus illustrandi causā sese accin-
xerant, Cracouiam venerant, splendebatque aula nouo apparatu; aderat
Senatorum tam sacri, quam alterius ordinis maior pars, tum è nobilitate
praecipui, cum seriū aliquantō, quam initio destinatum erat, Rex certior
factus, sponsam cum matre Archiducissā Austriae, ac Maximiliano fratre
in itinere esse, Sebastianum Lubomirscium Castellanum Woynicensē
ire iubet, ut tam gratos & diu expectatos hospites in finibus regni ex-
ceptos, honoris causā deduceret; alijque mittebantur minores Nuntij,
qui singulis diebus, Regis nomine salutarent aduenientem sponsam,
quae Lobzouiae, vicino Cracouiae Palatio substitit, biduoque ibi mo-
rata, & à Rege ipso priuatim salutata fuit. Demum die quartā Decem-
bris, quae fuit Dominica sacri eius anni Aduentus, in campo qui Lob-
zouio adiacet, erectis tabernaculis, Rex pulcherrimo Procerum se-
ptus agmine, Vladislao Principe filio comitatus, vrbe egressus, prior
in loco constitit; mox explicatis more militari signis, amplissima cam-
porum planicies, ingenti hominum multitudine referta: hinc equitum
alae patrio more, viris equisque insignes, aureis argenteisque phaleris
& torquibus fulgentes, ac vestium splendore nitentes; illinc pedi-
tum agmina, vtrique in speciem exercitus instructi, decora sanè
facies, & quae Germanorum oculos in se vsque ad stuporem rape-
ret: dies ipsa, quasi ad augendum gaudium, sole illustris & sere-
na erat, tubarum clangore, & tympanorum sono omnia comple-
bantur; postea sponsa Regio curru vecta, ad locum in quo Rex consti-
terat, venit. Ibi in tentorium deducta, Regis nomine Matthias Pstro-
conius Episcopus Præmissiensis Regni Procancellarius, luculentā
oratione aduentum gratulatus, ac felicia quaeque comprecatus
est: dein mutuis salutationibus peractis, sole iam in occasum decli-
nante, versus urbem iter susceptum, ubi aliquot in locis arcus trium-
phales erecti, exquisitis artis musicae modis personabant, vrbe totā
faces collucebant, nec quidquam, quod ad testificandam publicam
laetitiam desiderari posset, deerat. Horā demum noctis secundā,
ad arcem ventum, ac in Basilicā Diui Stanislai, & loci sanctitate
& Regum Poloniae monumentis Augustā, postquam vnus è Canonicis
nomine

nomine totius Collegij sponsam oratoriâ salutatione excepisset, religio-
sâ veneratione adoratis Superis, gratiſque Deo actis, ad summa pala-
tij itum, & post Regales demum epulas, nox quieti data. Octauâ dein
die vndecimâ Decembris, solennia nuptiarum celebrata, eo splendo-
re eaque magnificentia, quæ tanti Regis nomini responderet. Aderant
præter sponsæ matrem, Maximilianus Archidux Austriæ, & soror ipsius
Christiana, quæ Sigismundo Bathoreo Transylvaniæ Principi olim
destinata, irrito postea nuptiarum euentu, pactis matrimonialibus so-
luta, in paternis penatibus degebat. Iam Vladislavus Princeps Regis fi-
lius, puer adhuc, sed eâ indole, quæ supra ætatem & communem na-
turæ cursum longè emineret: ita vultus ipsa maiestate & decorâ facie
compositus, vt diuinum quid in eo elucere videretur; Anna præterea
Sueciæ infans, Regis soror; tum Principum Christianorum Oratores,
inter quos Bernardus Maciejovius Sacræ Romanæ Ecclesiæ tituli Sancti
Ioannis ante portam Latinam Cardinalis Presbyter, Episcopus Craco-
uiensis, ac Regiâ nominatione destinatus. Archiepiscopus Gnesnensis,
Pauli Quinti Põtificis Maximi à latere Legatus, principem locum tene-
bat: cæteri item, prout quisque dignitate emineret, locis & ordinibus
distincti, celebritatem actus illius cohonestabant. Regi & sponsæ in
medio templi sedes eminentior posita: Rex diademate & veste, quâ in
inauguratione vti consuevit, ornatus, præferentibus iis, quorum id de-
more munus, Regni insignia, confedit. Lectum dein Summi Pontifi-
cis rescriptum, quo prioris vxoris sorori, ac præterea quarto cognationis
gradu sibi coniunctæ nubedi Apostolicâ auctoritate Regi indulgebat po-
testatem: tum Cardinali præeunte in verba, quibus sponsi secundum Ec-
clesiæ Romanæ ritum, sibi inuicem obligantur, vterque sacramento
adacti. Postremò Petrus Tylicius Episcopus Cuiaviensis, quod Cardi-
nalis nondum pleno iure Archiepiscopatum esset adeptus, ac illa Sede
vacante id munus Episcopo Cuiaviensi incumbat, solennibus cere-
monijs præmissis, sponsam Regali diademate insigniuit, Reginamque
appellauit: Sacrosancto deinde Missæ sacrificio peracto, Rex & Regina
Diuinorum mysteriorum, sacrâ synaxi piè & religiosè susceptâ, partici-
pes effecti in palatium redeunt, ibi regale conuiuium cunctis magnifi-
cè & liberaliter præbitum, reliquumque diei, honestis & ei lætitiæ con-
uenientibus oblectamentis transactum, eo modestiæ temperamento, vt
nihil alicui intemperantiæ loci relictum, ac præcipuè sacri temporis ra-
tio habita fuerit. Plus vno mense Archidacissa mater cum filiâ & filio
Cracouiæ mansere, quominus maturius proficiscerentur festo Sacro-
sancti Natalis Christi impediti. Interea varia lætitiæ signa edita, sed
præcipuum hastatorum inter se concurrentium spectaculum, non in
speciem ea concursatio, sed peritorum militum certamen; nam nisi
vterque aut alter eorum, aduersarij clypeo, hastæ mucronem (quod
summâ certantium dexteritate perficitur) exceperit, res magno peri-
culo,

Nuptia Si-
gismundi Re-
gis cum Con-
stantiâ Ar-
chiducissâ
Austriæ.

Principes qui
Regis nuptijs
interfuerunt.
Vladislav Po-
loniæ Princi-
pis singularis
indoles.

Principum
Christianorū
oratores iisdē
aderant.

Legatus de la-
tere Pauli V.
Cardinalis
Maciejovius.

Regina Con-
stantia à
Petro Tylicio
Episcopo Vla-
dislaviensi
Regali diade-
mate insigni-
ta.

*Archiducissa
Regina Con-
stantia mater
in Austriam
redit.*

*Comitia
Varsaviae in-
dicta 7. Mar-
tij 1606.*

*Varia illorū
euentus expe-
ctatio.*

*Ioannis
Zebrydouij
Palatini Cra-
couensis co-
natus;*

*Qui consilio-
rum socium
Matthiam
Smogolecium
assumit, etq;
filiam in ma-
trimonium
dat.*

*Palatinus
per Smogole-
cium maiore
Poloniam in
suas partes
pertrahere
studet.*

culo, ac interdum vitæ discrimine non vacaret. Anno proximè ineunte, Rex & Regina matrem in Austriam redeuntem, omnibus pietatis obsequijs, vt par erat, prosequentes, ad Silesiæ vsque fines deduxerunt; ibi à Cardinali Dietrestein Episcopo Olomocensi, qui securitatis causa (quòd tum ea itinera, ob suspectam Hungarorum fidem, non satis tuta putarentur) præsidium iussu Imperatoris parauerat, excepta, sospes domum redijt.

Indicta iam erant à Rege ad diem septimam Martij Varsaviæ Comitia, quæ in variâ hominum, prout quis in Regem affectus, vel nouarum rerum cupidus, expectatione erant: quidam initium id fore turbarum prauidentes, se accingebant; alij contrà, inuidiæ iuxtà ac Reipublicæ securitati eo remedio consuli censes, in eam spem veniebāt, vt facilè omnia conuentura existimarent. Erant nonnulli qui differendum Comitiorum tempus, neque recenti inuidiæ Regem & publicas actiones obijciendas, idque magis è Republica fore iudicabant. At Palatinus Cracouiensis, toto eo tempore Landscoronæ arce Cracouiæ vicinâ hærens, & commouendæ Reipublicæ consilia animo voluens, occasiones ex euentu circumspiciebat; pòst vbi animaduertit Regias nuptias non omni placere populo, eius auræ inanem ventum aucupatus, statuit Prosovicensi conuentu explorare hominum animos, facturus ibi periculum popularis studij, & si prima ex sententiâ prouenissent, maiora ausurus. Summa consilij illius hæc fuit, vt præsentis periculi, quod à Regiâ potentiâ libertatibus Regni imminere aiebat, ostentatione commoto populo, eò rem deduceret, vt non per Nuntios tantum, qui promovere veteri è singulis Palatinatibus deliguntur, Comitia agerentur, sed vniuersa Regni nobilitas ad locum Varsaviæ vicinum sub finem Comitiorum conueniret; vbi ea postulata, quæ Regni Ordines per Nuntios hætenus vrsissent, Rex verò contemnere videretur, simulque illa, quæ ex præscripto pactæ cum Sueticis Oratoribus, & postea in coronatione per Regem approbatæ cōventionis, Reipublicæ præstare tenetur, maiore vi promouerent; vel si in proposito obstinatus maneret, sibi & Reipublicæ aliter consulere. Consilij eius auctorem Matthiam Smogolecium fuisse comperio, qui mediocri, & intra equestrem censum loco natus, sed ingenio acri, quod iuuenis non vulgari eruditione, per diuersas studiorum artes excoluerat, animi immodicus, & ad adipiscendos honores nimia festinatione properans, partis iam Regiâ liberalitate non contemnendis opibus, ac Præfecturâ Bidgostiensis auctus, quòd in petitione Referendariatus Regni se postponi videret, in partes Palatini transijt: adeò gratus consiliarius, vt quòd fidiorem eum sibi deinceps Palatinus redderet, filiam suam illi desponderit. Igitur huic in maioris Poloniæ conuentu, quòd eâ Prouinciâ ortus, multos sanguinis necessitudine sibi annexos haberet, eius consilij proponendi negotium dat: & cum non ignoraret Proceres illarum partium, constanti in Regem esse fide,

nec

nec passuros rem sine causâ ad tumultum deduci, pecuniâ etiam ad conducendos pretio homines factiosos, & in consilij societatem asciscendos instruit; ipse in conuentu Prosouicensi idem factururus. Sed quoniam sapius deinceps pactorum conuentorum facienda nobis erit mentio, paucis hîc inferemus, quid eis contineretur, & vnde ijs origo; nam plerique huius ciuilis motus & dissensionis causas ab eo fonte manasse hætenus opinati sunt; cum fortasse, si rem diligentius & sine affectu expendimus, secessionis eius auctores hoc sanè prætextu vîos, longè tamen diuersum consiliorum suorum scopum dudum iam propositum habuisse facile constet. Interregno quod Sigismundi Augusti mortem subsecutum est, cum multi Principes Christiani regnum ambirent, Henricus Andegauenſium Dux, Regis Galliarum frater, cum propensâ Polonorum in gentem Gallicam voluntate, tum propositis ingentibus in speciem magis, quàm vt reuerà illis stare vellet conditionibus, cæteris prælatus, regnum adeptus erat. Eius exemplo Stephanus Rex, similibus promissis vulgi animos ad se traduxerat; inerant quidem nonnulla, quæ ad conseruandas & stabiliendas Equestris ordinis libertates pertinerent, sed pleraque importunè extorta, & quæ non modò Regiâ dignitate saluâ, verùm etiam nonnulla non nisi omnium accedente consensu, alia ex sui naturâ factu difficilia præstari non possent. Sed earum pro quibus Oratores Suetici in electione cauerant conditionum, hæ præcipuè fuère.

Quibus modis.

Quod initium Regis cum Republica pactorum.

Henricus Gallia Princeps Andegauenſium Dux multa Polonis promissit dum in Regem assummeretur. Idem fecit Stephanus. pleraq; ab eo importunè extorta.

Promittebant illi Regem Electum eam Liuoniæ partem, quam Sueciæ Rex Stephano bellum contra Moschum gerente, interceperat, Regno vniturum. Classẽ ad obtinendum maris imperium, suis impensis paraturum. Quinque arces ad intercludendas Tartarorum in fines Regni clandestinas incursiones, opportunis locis extructurum; & omni bellico apparatu prouisurum. Iuribus, si quæ ad Regnum & magnum Ducatum Lithuanie prætereire possent, summis item & pensionibus Neapolitanis Republicæ cessurum.

Qua Regi Sigismundo cum Republica pacta.

De Estonia. De classe. De quinque arcibus in consinjs contra Tartarum extruendis.

De iure ad Lituaniam & Neapolitanas pensiones in Regnum Polonia transferendo.

De Custodiis corporis. De pace inter dissidentes de religione.

De libertatibus nobilitatis.

Quando Rex tenebatur Estoniam Regno Polonia restituere.

Custodiam corporis, non externis, sed Polonis commissurum, ac Præfectum satellitij ex eadem gente lecturum. Vt pax & concordia inter eos, qui in Regno de religione dissident conseruetur, non modò Regem curaturum, sed etiam eiusmodi pacis auctorem & propugnatorem futurum; ac in eius turbatores ex formulâ, quæ vtrique parti accommodata scisceretur, ac Regi offerretur, animaduersurum. Iura & prærogatiuas, quæ ad propagandas Equestris ordinis libertates Henricus & Stephanus Reges indulerant, conseruaturum. Quarum conditionum cum prima, de reddendâ Regno Estonia, viuentis Ioanne Rege Sueciæ præstari non posset, in Comitibus Regiæ coronationis, ita de eo inter Regem & Ordines conuenerat, vt non prius ad id faciendum Rex adigeretur, quàm Ioannes Rex Sueciæ in viuis esse desisset, & Regnum Sueciæ pleno iure ad Regem deuolutum esset. Sed de his rebus deinceps

*Proposita à
Rege Ordini-
bus qua in
Comitijs ve-
niebant tra-
banda.
7. Martij
1606.*

ex occasione vberius differemus ; interea quid ante Comiticia incepta gestum sit, prosequamur. Mos est, vt indictis à Rege Comitij priusquam ad ea peragenda ventum sit, in omnibus Regni Palatinatibus minores conuentus instituantur, in quibus Rex per suos Nuntios, ea quæ in publico omnium regni Ordinum concilio tractanda sunt, equestri Ordini proponit, quò is suis, quos ad Comiticia eius rei causâ missurus est Nuntijs, quid de rebus à Rege propositis decerni & statui desideret, consulendum committat. Eiusmodi Regiæ legationis eo anno hæc summa erat : Excusatio inprimis, quod maturius, quam leges regni iubeant, Comiticia indicantur, inde petita, quòd cum ex proximis Comitij rebus infectis discessum, nec contra pericula, quæ vndique imminebant, quidquam præsidij decretum fuisset, adhibuerit Regia Maiestas summam diligentiam, ne quid interim Respublica detrimenti caperet, atque inprimis ad arcendum Liuoniâ hostem exercitum pecuniâ è Thesauro Quartæ Rauensis, accedente Senatus consensu, depromptâ, conductum submiserit, vnde felix & clara victoria cæsis hostibus prouenit. Parte aliâ, cum Tartari hæreditarij huius Regni hostes, non fœdere, nec solitis donarijs contenti, vicinas sibi prouincias infestarent, maturè præmoniti homines huic periculo opportuni, vt sibi rebusque suis consularent : Dux campestris ire obuiam hosti iussus, & residuum Quartæ Rauensis, ad conscribendum militem, impensum : sed in eo parum esse præsidij, cum hostis maiora moliatur, quare & nobis inuigilandum, & seriò consultandum, vt prouideri possit, ne tam frequentibus barbarorum incursionibus Respublica pateat : pacem sine armis confici & haberi non posse, fœdifragum hostem in suo nido quærendum, & ex eo exturbandum esse. Iam partæ nuper in Liuoniâ victoriæ insistendum esse, nam hostis etsi recenti fractus clade, tamen spirat animo ultionem, classe armatâ mare obsidet, portus regni infestat : is quoque è malè parto regno, quòd Regiæ Maiestati iure hæreditario debetur, exturbâdus, & materia tot bellorum vno impetu exscindenda. Id Regiâ in Sueciam profectione confici posse, modò Ordines Regni, dum tempus & occasio ultro inuitant, & consensum in eam profectionem præbeant, & auxilium militi, qui proximè in Liuoniâ rem præclarè gessit, meritaque stipendia prouideant, cæterum in posterum certa defendendæ Reipublicæ ratio instituenda est, vt sine Comitiorum interuentu, periculis obuiam iri possit ; nam cum certos hostes habeamus, præsidium quoque certum & expeditum in promptu vt habeamus, necesse est. Eius rei sciscendæ, vt Nuntij Terrarum plenam potestatem habeant, & postpositis commodiorique tempori reseruaris cæteris minùs vrgentibus negotiis, huic vni pacis & securitatis publicæ causâ vt prouideatur, summo studio incumbendum. Fœdus cum nouo Moschorum Principe contra communem hostem inire an expediat. Negotium quòd Reipublicæ cum Marchionibus Brandeburgensibus ex causâ prætensæ ab eis in feudum

dum Prussicum successionis intercedit, si ad effectum deduceretur, multum inde praesidij Reipublicae accessurum, de quo proximis Comitibus tractatum, sed rebus infectis discessum erat: cura tamen aegri in Prussia Principis, ex consilio Senatorum à Rege Marchioni Electori commissa, idque ne iuribus Regni quidquam detrimenti adferret, sed eo ipso haecenus magis nomine, quam re, usurpata illius Prouinciae possessio in posterum firmaretur, & non contemnenda Reipublicae prouentum inde accessio fieret, cautum & prouisum. Iam domesticis priuatum dissidijs, pacem & securitatem publicam saepius turbari, eò quòd nonnulli homines tantum audaciae assumant, ut militem scribere, ac uiscendarum iniuriarum praetextu, bello & acie alterum impetere, ac homines innoxios ultro citroque neci dedere praesumant: peccari eà re in leges, ac magnum inde imminere Reipublicae periculum, ni maturè, ne id fiat, prouideatur. Haec ferè erant quae per conuentus regni vniuersos nomine Regis proponebantur.

Sed omnium ferè oculi in Profouicensis Conuentus euentum erant conuersi; quòd plerique rerum nouarum cupidi, iam antea consiliorum Palatini Cracouiensis conscij, inde fore initium futuri motus non frustra opinarentur. Postquam dies agendo conuentui dicta aderat, Palatinus eodem maturè satis venit, sed ne quid nouum moliri videretur, vel potius ut non antè sua consilia in publicum proderet, quam quorsum studia hominum propenderent, perspectum haberet; excusatione ualitudinis usus, tribus primis diebus domi se continuit; demum cum multos suae sententiae suffragatores adesse, nec quenquam destinatis suis obuiam iturum cerneret, progressus in medium, in hunc fere sensum verba fecit: Libenter in eo loco de ijs quae à Regià Maiestate proposita sunt dixissem sententiam, & de communibus Reipublicae periculis uobiscum initio coepti conuentus consilia contulissem, nisi aduersa valetudo obstitisset; quae cum aliquantisper remiserit, muneris mei, quod in Patria sustineo, partes, ut teneor pro meo & erga Patriam & vos ipsos, quorum iussu huc veni, studio impleo. Et ne noui & ab hoc confesso alieni moris auctor sim, ea quae à vobis dicta sunt retractando, vel meam posteriori sententià immutando, capita legationis à Regià Maiestate propositae non attingam. ea tantum breui sermone complexurus, quibus ius Reipublicae laesum cerno, ut quid de ijs existimem, pro fide & officio meo aperiam, caetera iudicio & arbitrio vestro relinquens. Non multis morabor, cum pleraque quae Rempublicam urgent, per se pateant, & in hoc conuentu iam à nonnullis luculenter explicata sint: sed & in proximis Regni Generalibus Comitibus hanc de re actum, ac multa eiusmodi in medium adducta fuere, quaesitaque postremo consilia, quibus iis malis obuiam iri possit: sed cur incassum bonorum studia & optimi conatus eo tempore ceciderint, paucis commemorabo. Quòd Reipublica ius suum non obtineat, quodque multa in eà non recto ordine

In Profouicensi conuentum omnium conuersi animi, & quare?

Quid in eo Palatinus Cracouiensis egerit.

Sermo ab eo in Conuentu Profouicensi habitus.

fiant, in causâ sunt mali consiliarij; eius rei documento sunt agitata in proximis Comitij consilia; nam cum de ijs quæ Regia Maiestas nobis & Reipublicæ ex pacto præstare tenetur, ageretur; ita postremò conuenerat, ut ea quæ in potestate Regiæ Maiestatis essent, continuò præstarentur; ea verò quæ factu difficilia viderentur, ut Rex à Republicâ sibi remitti & condonare postularet. Non alienum animum ab eo consilio gerere Regia Maiestas videbatur, nisi mali consiliarij id præter dignitatem Regiæ Maiestatis fore persuassissent: eâ re animis hominum exacerbatis, comitia infectis rebus soluta, Respublica verò sine præsidio relicta est. Quantum inde detrimenti postea euenerit, experta est Polonia, quæ proximâ æstate sæuis Tartarorum incursionibus, in extremam vastitatē, ferro & igne hoste barbaro in eam debacchante, redacta est. Nunc etiam homines ingenui fortunis omnibus exuti, maior pars in fœdam seruitutem abducta; matronæ honestæ (dictu nefandum) ludibrio habitæ, & quod inimico libuit passæ; discordiæ nostræ triste & lugubre præbent documentum. Iidem mali consultores, Regiæ Maiestati auctores fuerunt, ut eorum consilijs, qui cum prioris vxoris sorore matrimonium dissuadebant, sprētis, deinceps quoque eorundem suasiones Reipublicæ salutare, abiiceret: neque de negotijs publicis ad eos referret. Ego ipse qui præsens, dum nonnullæ deliberationes transigerentur, in aulâ fui, quid de ijs statueretur nesciui: decretæ ad externos Principes legationes, factæ de Ducatu Prussiæ consultationes me præsentē, & quid decerneretur ignorante: vobis itaque, Equites, inuigilandum est, ne Senatorum fœcordiâ, vel potius contemptu, Respublica detrimentum accipiat. Ab eodem malorum consiliorum fonte, promanauit hæc Regiæ Maiestatis ad nos legatio, in quâ prætermisissis ijs, ob quæ ex præteritis Comitij, rebus infectis discessum est, hoc vnum vrgetur, ut Comitia inuitis, vel dissentientibus alijs concludantur. Formidolosum id cunctis, qui libertates Regni saluas esse cupiunt, qui, ut è diuersis locis mihi significatur, desperato felici Comitiorum euentu, sub finem eorum in aliquo vicino Varſauiæ loco, conuentum generalem indici flagitant; ut in frequentissimo illo equestri ordinis conſeſſu, de causis quæ Comitia dissoluunt, cognosci, & quid in præsentibus Comitij tractetur, sciri, & cum alia Reipublicæ negotia, tum hoc, quod cum Marchionibus Brandenburgensibus intercedit, expediri, ac cætera omnia ritè perfici: vel postremò, si consultationes in Comitij propositæ effectum non sortirentur, ne quid ex eo Respublica detrimenti capiat, decerni & prouideri possit. Quod nisi fiat, actum est de libertatibus nostris, quibus labefactatis quid aliud nisi bellum ciuile, & Patriæ excidium expectamus? Horret animus, cum ea quæ imminēt, & quæ ex dissolutis sine fructu Comitij euentura sunt pericula mecum reuoluo; sed si maturè ijs obuiam eat, non desunt ab institutis maiorum nostrorum, & ipsâ equitate petita subsidia, quæ paucis hîc commemorabo. Senatores quos

*Suadet con-
uentum gene-
ralem totius
nobilitatis
indicendum.*

Ma-

Maiores nostri legum custodes esse voluerunt, ut in aulâ Regiâ certo numero per vices præsentes sint, eorum (absentibus nihilominus consultis) consilio Rex ut Rempublicam administret: iidem benè vel malè administratæ Reipublicæ rationem reddere, ac ne quid per vim in leges peccetur, providere, tum & mali consilij auctores prodere teneantur. Deinde nos qui Senatorium munus sustinemus, seriò admonendi sumus, ut sacramenti, quo ad obeundam eam functionem obstricti sumus memores, officij nostri partes impleamus, & ne quid & in Reipublicæ administratione, & in munere nostro desideretur, & ut ea quæ hætenùs, quominùs Comitìa optatum effectum fortirentur, obstiterunt, tollantur, adnitamur. Idem quoque Nuntijs Palatinatum iniungendum, peterent à Regiâ Maiestate, ut & officio suo & votis ac desiderijs nostris satisfacere vellet. Ceterùm non incongrua videtur ea nonnullorum de indicendo Generali Equestris ordinis conuentu flagitatio; nam eo modo multa absurda tolli, & labanti Reipublicæ subueniri posset, si hinc Senatorum & Nuntiorum; ab aliâ verò parte Equestris ordinis consilia rebus afflictis opem ferrent, & ea quæ in Comitijs expediri non possent, censuræ & arbitrio nobilitatis permitterentur, ac inter alia de negotio quoque Brandeburgico, eadem ratione certi aliquid decerneretur, & hæc omnia Comitiorum demum auctoritate firmarentur, vel si Comitìa non ex voto ceciderint, id saltem prouideretur, nè Respublica necessarijs præsidijs careat. Inter alia propositum est à Regiâ Maiestate de sciscendo in subsidium Reipublicæ tributo: Miror sanè, cum ex præscripto legum Rex suis impensis nos tueri teneatur; adeò frequenter hoc tributum à nobis exigì, ut quotannis illud iam pendamus; quod si tamen utiliter in vsus Reipublicæ impenderetur, Deum testor me illud libenter collaturum, sed utcumque sit, ne deinceps quidem dare illud abnuam, si assensus aliorum interuenerit. Illud sanè mihi expedire videtur, ut Regia Maiestas admoncatur, ne hanc Regni partem multis periculis opportunam, Cracouiensem Palatinatum sine præsidio relinquat: quod munus cum mihi obeundum Sua Maiestas demandarit, ita illud sustinere animus est, ut non modò facultatibus meis, sed ne quidem vitæ meæ, si eà salus Reipublicæ & vestra securitas representari possit, parcere velim. Dictà à Palatino in eum modum sententiâ, etsi ij qui Regiarum partium erant, minimè hoc indicendi priuatâ auctoritate conuentus institutum probarent; tamen cum ea esset apud Equestrem ordinem Palatini auctoritas, ut cuncti ab ore ipsius pendere viderentur, ac ipse grata admodum populo suaderet, nemo repertus est qui contradicere illi auderet. Quo successu ille elatus, mox in proximo Corcienfi Minoris Poloniæ Palatinatum generali Conuentu, nobilitatis nomine palàm iam proponit edictum; quo vsurpatis iisdem rationibus, quas Prosvicijs attulerat, hortatur omnes, ut qui saluam Rempublicam esse cuperent, ad Stęzicam (oppidum id Regium, sed Palatini ditionis

*Residentiam
Senatorum
in aulâ Regiâ
lege præscri-
bendam sua-
det.*

*Pronis auri-
bus accepta
Palatini ora-
tio.*

*Ad Stęzicam
Conuentus
totius minoris
Poloniæ indi-
citur.*

aduita-

adualitio iure, quindecim miliaribus Varſaviâ diſtans) die nonâ menſis Aprilis frequentes adſint. Exeruerè animos qui dudum eam occaſionem ſibi dari votis expoſcebant, ſed præcipuè ij, qui in diuerſas de religione opiniones abierunt: nam cùm iſti ea, quæ hætenùs ad ſtabiliendas ſuas ſectas obtinere contendebant pacatis conſilijs & tranquillo Reipublicæ ſtatu aſſequi non poſſent, omneſque eo nomine facti conatus eorum in irritum reciderent, ampliffimum campum ſe habituros exiſtimabant, per turbas & ſeditiones adipiſcendi ea, quæ tam diuturno tempore fruſtrâ uſiſſent. Pari ratione ij qui largiùs ſuo uſi, & per lucrum adeſis opibus ac abſumptâ re familiari, ad inopiam redacti extremâ ſpe pendebant, hoc illud tempus eueniſſe arbitrabantur, quo in locupletiorum fortunas inuolare, ac alieno malo perditis rebus ſuis conſulere illisliceret. Nonnulli etiam, ſuperiorum temporum recordatione gnari, pleroſque interregnorum occaſione, ex humili loco in alium proueſtos, inani quoque rerum nouarum expectatione, parem fortunę ſibi ſucceſſum deſpondebant. Neque intereâ deerant, qui per omnes Regni partes vel ſiniſtrâ Regiarum actionum interpretatione, vel vano metu terrerent & exſtimularent homines ignaros pleroſque quid ageretur, & quem ad finem conſilia nouo exemplo cœpta deſtinarentur.

*Similiter ad
inopiam de-
lapſi.*

*Initium Co-
mitiorum
ſeptimâ Mar-
tij 1606.*

*In his Comi-
tijs Januſij
Radiuſi &
Stanislaus
Stadnicij &
Adam Co-
rayſcy teme-
ritas.*

*Senatorum
ſententia.*

Rex Cracouiâ Varſauiam proſectus, indiſta ad diem ſeptimum Martij obuiuit Comitia; aderant frequentes Senatores, & Nuntij: ſed horum nonnulli noui motus initia animo agitant, magis ad diſturbanda Comitiorum conſilia, quàm officium ſuum peragendum animati, & maioribus præter veterem conſuetudinem ſepti præſidijs, ad omnes occaſiones erant intenti. Ex ijs præcipui Januſius Radiuſius, Stanislaus Stadnicius, & Adamus Goraiſcius Hæreticorum anteſignani, ſeditioſis vocibus palâm, quo eſſent in Regem animo, oſtendebant: cæteri his applaudentes, reliquos, quibus bonum publicum & pacata conſilia curæ erant, facilè opprimebant. Propoſitis demum à Rege ijs, de quibus in conſilium iri placeret, dictæ à Senatoribus de more primo loco ſententiæ, multa que præclarè ab ijs diſputata de concordia ordinum, de legum & libertatum prærogatiuis, de Reipublicæ noſtræ inſtitutis, & quibus fundamentis compages hæ nitantur: iam quæ Regis, quæ Senatus, quæ Equeſtris ordinis munia & functiones, oſtenſumque ad eam normam Rempublicam noſtram fuiſſe antiquitus redactam, vt libræ iuſtis ponderibus vtrimque inſtructæ, conferri rectè poſſit: eſſe Regem in medio, qui iuris & iuſtitix lancem teneat, ne extrema in aliquam partem deſlectant: eſſe Senatorum munus, ne vel Rex à populo con-temnatur, vel hic Regiâ potentiâ opprimatur; huic tam præclaro Reipublicæ inſtituto, egregiè in præſenti rerum ſtatu reſpondere omnia, vel ſi quid deſideretur, facilè ad priſtinam normam reduci poſſe, modò pacatè & ſine tumultu publica conſilia tractentur. Hæc tum multis verbis & ad mulcendas populi aures accommodatis orationibus dicta: ſed poſtea-

posteaquàm Nuntij de more in partem secessissent, tractarique inter eos de ijs quæ propolita à Rege fuerant, cœptum, non ea modestiâ, ex quâ felix Comitiorum euentus sperari posset, egerunt: sed continuò non priùs de ijs quæ præsens rerum status postularet, se in consilium ituros declararunt, quàm Rex ea præstaret, quæ Reipublicæ ex pacto debet. Quæ res cum mutuis inter Nuntios altercationibus exagitaretur; postremò eò ventum, ut ea omnia scripto comprehensâ Regi ac Senatui offerrent. Longa eius rei series, quam in pauca redactam hîc inferere constitui.

*Nuntij reme-
rare agunt.*

Dicebatur imprimis pactis, quæ Rex Reipublicæ spondisset, maiori ex parte hætenùs satisfactum non esse. Conditiones secundum quas dudum Henricus Rex se regnaturum promississet, & quibus Rex quoque teneretur, postponi: & potissimum in eo illis non stari, quòd cum Senatorum certus numerus ex præscripto earum Regi ad moderanda publica consilia præsens semper adesse deberet, Rex ijs neglectis, Reipublicæ negotia & magni momenti consultationes priuatâ auctoritate expediat. In iure dicendo moram fieri, & iustitiam protrahi. Cum Rex suo sumptu fines Regni tueri teneatur, nihil ab eo in eum usum ex priuato peculio impendi, sumptus omnes ex tributis (quibus continuò conferendis miseri homines nimium grauantur) vel ex Quartæ Rauensis pecuniâ, tam in ordinarios, quàm extraordinarios vsus fieri, & rebus demum perditis sera auxilia parari. In conferendis Magistratibus quos vacare contingit, Regem longâ ultra præscriptum legum uti procrastinatione. Thesauri Regni Supremi Præfecti ius & potestatem in eo violari, quòd cum leges iubeant, vnum esse debere Regis & Reipublicæ peculium, ex consilio senatus, & mandato Regio, per Thesauri Magistrum in vsus publicos impendendum, nunc publica pecunia à priuatis hominibus tractetur, & ad arbitrium Regis distrahatur; inde fit ut vacuo arario, cum vsus & necessitas poscit, Respublica præsidio & subsidio destituatur, & ob egestatem splendor & dignitas Regni diminuatur. Tardâ Estoniæ cum Regno vnione factum, ut in possessionem illius Prouinciæ Respublica venire non potuerit. Pari ratione prono Regiæ Maiestatis in exteros fauore, Liuania in discrimen adducta, quòd hominibus nomini Polono inimicissimis, prædia & possessiones eius Prouinciæ, Regio beneficio maiori ex parte, Polonis & Lithuanis exclusis, attributæ fuerint: quorum dubiâ & fluxâ fide hostis abusus, tantum negotij Reipublicæ facessit. Arces quinque, quas Rex ad arcendos Tartaros locis opportunis se constructurum recepit, hucusque ne ædificari quidem cœptas. Iam quòd superiori anno Tartari impunè Russiæ Prouincias depopulati sint, id ob eam causam factum esse, quòd Rex solita præsidia inde deduxerit, & nec donatium Tartaro, nisi serò admòdum, nec ad Turcarum Imperatorem renouandi fœderis causâ, Legatum hætenùs miserit. Cura ægri in Prussiâ Ducis, cum an ea Brande-

*Scripto com-
prehensa quæ
a Rege pete-
bantur.*

*De pactis in-
ter Regem &
Reipub. con-
stitutis.*

*De residentia
Senatorum.*

*De iure di-
cendo.*

*De conferen-
dis magistra-
tibus.*

*De Thesau-
rario Regni.*

*De Estoniâ
Poloniæ
vniendâ.
De Liuniâ.*

*De quinque
aribus ædifi-
candis.*

*De Tartaro-
rum incur-
sione.*

*De curâ
Prusiæ Ducis.*

burgico.

*De vectigali-
bus.*

*De nummis
adulterinis.*

*De magistra-
tibus in Prus-
sia conferen-
du.*

*De lustratione
honorum Re-
galium.*

*De Commis-
sionibus si-
num regun-
dorum.*

*De auctorita-
te Decretorum
Tribunalis
Regni.*

*De officijs &
beneficijs in-
compatibili-
bus.*

*De Regio
diademate
aservando.*

*De Praefectu
arcium finiti-
marum.*

*De Privilegijs
qua Liuvianam
concernunt.*

*De Legatio-
nibus extra
regnum mit-
tendis.*

*De diuersorij
tempore Co-
mitiorum.*

*De discordijs
inter dissiden-
tes de religione
componendis.*

*De compo-
sitione inter
status.*

burgico Marchioni committenda foret, publicè tam Senatorio, quàm Equestri ordine id negotium pertractandum, in proximè præteritis Conatijs propositum fuisset, eo non deciso, à Regiâ Maiestate priuatâ auctoritate ad eundem Marchionem delata. Vectigalium auctione crescente, rerum quæ venum aduehuntur pretium crescere, nec merca- tores tantum, sed nobilitatem quoque eâre grauari. Nummos adulte- rinos, à priuatis impunè signari, & publicè cufos pondere & grano iusto valori non respondere, atque eâ ex re incredibili damno Rem- publicam affici. Priuilegium contra ius, quo vetante Rex nec augere nec imminuere magistratuum officia potest, lungæ cuidam externo homini datum, quo iurisdicção in Scotos illi permessa est, id vt abrogeretur. In Prussiâ, Rege conuiiente, ad Magistratus aditum & dignitates, qui Prussis in Poloniâ omni sublato discrimine patet, Polonis vicissim præ- cludi. Lustrationem bonorum Regalium, lege sancitam quæ singulis quinquennijs fieri deberet, intermitti. Commissiones ad fines regundos ipsi sè dari, & Decreta Commissariorum varijs artibus eludi, ac Regijs mandatis infesta reddi. Decreta Supremi Tribunalis quorum sacro lan- cta deberet esse auctoritas, Curia Regiæ contrarijs Decretis abrogari, ac nobilitatem citationibus Regijs euocatam, de bonis etiam hæredi- tarijs, probationibus ex Archiui Regij summarijs indicibus, dudum le- gibus abrogatis petitis, in discrimen venire. Magistratus diuersæ functio- nis, & beneficia secularia cum regularibus ad vnum deferri, & distin- cta officia confundi. Abbatum eligendorum ius violari. Claustra qui- bus Diadema Regium obseruatum est, sine scitu eorum, quorum fidei id commissum est, reserari. Arcium finitimarum Praefectos, turmis mi- litum præfici. Nouis, quæ ex Cancellariâ Regiâ in contrarium edun- tur, priuilegijs vetera rescindi, & in ijs quæ in Liuvonicis causis scribun- tur, appendicem, quâ iuribus Romanæ Ecclesiæ peculiariter cauetur, periculosè adijci, cum verendum sit, ne eo prætextu Prouincia illa, quondam Ecclesiastici iuris, sed annuente Gregorio XIII. Summo Pon- tifice, eo abrogato, erecto tantum in locum extinctorum sacerdotio- rum Episcopatu Vendenfi, Regno vnita, in discrimen, & ius Regni an- cipitem disquisitionem veniat. Legatos inscio senatu extra Regnum mitti. In assignandis hospitij Varſauia, dum Comitia habentur, in ci- uium ædibus, nec Senatorum, nec Nuntiorum dignitatis rationem ha- beri; sed priuatos nonnullos longè commodiùs, quàm eos qui vniuer- sam Rempublicam repræsentant, collocari. Discordiam inter de reli- gione dissidentes non componi, nec pacem, interpositis pœnis, quibus vtraque pars in officio contineatur, sanciri. Vt sacri & profani Ordinis homines, de ijs quæ vtriusque partis iuris prætextu in controuersiam vocantur, conueniant, ac finem litibus quibus Reipublicæ negotia sæ- pè impediuntur imponant, à Regiâ Maiestate, quod Regij muneris semper fuit, sedulò non curari; id magnâ Equestris ordinis iniuriâ fieri: quòd

quòd is & decimari suos prouentus pati, & iudicato parere cogatur; cum contrà spirituales prouocationibus ad Curiam Romanam institutis, in causis, in personas eorum directis, litis actiones facillè eludant: Nobilitas verò non pari, vt spirituales, præscriptionum beneficio gaudeat, & non modò iurium patronatus prætextu, sed alijs prætereà ex causis in ius vocetur, ac bonis etiam, quæ spirituales emptionibus & cohereditatibus, violentis scultetiarum ademptionibus, occupantes, iuri Ecclesiastico contra leges adscribunt, exuatur. Iustam ex eo habere conquerendi Equestrem ordinem causam, quòd Reipublicæ patrimonium magnà ex parte in priuatos Regis vsus redactum sit, ac benè meritorum præmia fiscus occupet. Nobiliorum & opulentiorum Præfecturarum, quibus onus iurisdicendi incumbit, prouentus vel in partes distrahi, vel in priuatum Regis ærarium inferri. Bona, quæ caduci iuris dicuntur, ad externos deferri; homines verò nobiles, qui totâ aetate Regis & Reipublicæ negotijs impensâ, patrimonij & rei familiaris iacturam fecerunt, egere. Essè prætereà complura quæ maiorem, quàm hætenùs adhibita est, Regis curam desiderant, tot salutare leges, quæ de instituendis emporijs, fluminum accommodandis nauigationibus, de corrigendis statutis, quibus iura Regni continentur, de componendis cum externis Principibus, occasione Regni limitum ortis, discordijs, vtiliter latæ sunt, & quorum executio dudum magno omnium desiderio flagitur, neglectæ. Peti à Regiâ Maiestatem, vt ad ea omnia præstanda & efficienda animum adijcere, & eo ipso non modò muneri suo & promissis iurisiurandi sacramento firmatis satisfacere, verùm etiam subiecti sibi populi studia, in sui & Patriæ amorem excitare velit. Hoc postremò Equestrem Ordinem à Senatu postulare, suam apud Regiam Maiestatem auctoritatem interponere velit, ne in ijs quæ proposita sunt, & quæ vniuersæ nobilitatis vota & desideria exposcunt, præstandis moram faciat. Tam prolixa & diu meditata Nuntiorum petitioni, non facillè, nisi re maturiùs expensâ, responderi poterat. Igitur rogatis Senatorum sententijs, cum singuli quid hac de re sentirent, promississent; postremò in eum modum scripto responsum est. Ea quæ per Nuntios proposita sunt accipere Regiam Maiestatem in optimam partem, & paterno planè affectu; optasse quidem Regiam Maiestatem, vt ita subiecto sibi populo præesset, ne quâ ex parte officio suo deesse videretur, & ne æquabilis ipsius Imperij status in odium cuiusquam veniret; sed nullum esse ita perfectum, vt non interdum offendat, idque in eis potissimùm euenire, qui cæteris eminent: communem esse eam Regum sortem, quam cum Regiæ quoque Maiestatis decessores experti sint, eandem Regiæ Maiestati subeundam esse. Cæterùm quòd candidus & syncerus ipsius animus cunctis pateat, paucis ad ea quæ proposita sunt respondere, ac simul voluntatem

*De iustitiâ
distributivâ.*

*Responsum
Regum ad ea
quæ à Nuntijs
postulabatur.*

*Cur societas
intra Suecia
Regnum &
Polonia con-
tra communes
hostes inter
non fuerit.*

*Rex commo-
dis Polonia
consulendo res
Suecia in-
compositas
reliquit.*

*De Estonia
Regno Polo-
nia vincenda.*

*De classe ma-
xima in
portus Polo-
nicos dedu-
cenda.*

*Debitum Re-
gno Suecia.*

*Pensiones
Neapolitane.*

*Cur arces in
confinijs non
sint constru-
ctae.*

*Nulli sunt
externi qui
aliquo in Po-
lonia Magi-
stratu fun-
gantur.*

*Custodes Re-
gis corporis
omnes ciues
Regni Polo-
niae.*

*Præfectus
peditum
Hungarus
quidem, sed
experta fidei.*

tatem suam declarare, palamque facere, quid eorum præstiterit, quæ adhuc desiderantur, quid postremo, quominus nonnullis satishat, impedimento sit. Non negare Regiam Maiestatem se ad præstanda ea, de quibus pactis electionis cautum est, teneri. Eorum primum erat de ineundâ contra communes vtriusque Regni hostes societate, non per Regiam Maiestatem hætenus stitisse, quominus id effectum sortitum fuerit, sed quod Regnum illud ipsius hæreditarium in alienam potestatem venerit. Ideo factum esse, quod Regia Maiestas, eo tempore, quo mortuo parente suo, permittentibus Regni ordinibus, protectionem suam in Sueciam, adeundæ illius regni possessionis causâ instituerat, rebus ibi nondum constitutis, periculis huius Regni (quæ ob Tartarorum per fines Podoliæ in Hungariam transitum immincebant) admonita, maturius inde, incerto adhuc & nondum firmato illius regni imperio, ac dubiâ subditorum fide, excedere coacta fuerit. Estoniam ut viuentem & rerum potiente patre regno vniret, Regiam Maiestatem nec si vellet potuisse, nec fuisse obligatam. Eo vitâ functo, quod Carolus cupiditate regnandi accensus, ex eâ occasione initium turbarum quæreretur, in primis, quæ post reditum Regiæ Maiestatis celebrata sunt, Comitibus, placuisse Regni ordinibus hanc Estoniæ unionem aliquantisper non vrgeri: verum cum Regia Maiestas videret Carolum suâ in eum indulgentiâ deteriore fieri, & palam regnum affectare, Anno demum Millesimo sexcentesimo primo, datis eo nomine diplomatibus, Prouinciâ eam pleno iure regno Poloniæ attribuit, quod licet maturius etiam fecisset, perinde tamen ut nunc armis ea vindicanda fuisset. Classem & promissâ tormenta bellica, nisi recuperato Sueciæ Regno haberi non posse: erepta quidem Moscho ad Vendam tormenta pridem in Regnū illata esse. Pecuniam quam Sigismundus Augustus Regi Sueciæ debebat, remissam dudum esse; simulque pensionibus Neapolitanis Regiam Maiestatem Reipublice cessisse. Arces quinque, quod opportuna, in quibus ex constitui deberent loca, non tam facile monstrari possint, vel priuatorum possessionibus occupentur, hætenus non esse constructas: sed nullâ in eo Regis culpam, eum & nunc paratum esse ad id præstandum: modò ne impediant, qui priuati commodi causâ, ne fieret, hætenus obstiterunt. Exteros homines, qui aliquo Magistratu fungerentur, nullos à Regiâ Maiestate esse inductos, paucis Suecis exceptis, quorum operâ in Sueticis negotijs explicandis vtitur. Cohortem ad corporis custodiam ex Polonis, Pruthenis, & Liuonibus, qui omnes ciues Regni sunt, constare. Præfectum eorum esse Boianouium in Poloniâ nobili loco natum. Peditatum eundem, quem Rex Stephanus habuerat, esse, paucis in demortuorum loca, ijsque ferè Polonis substitutis: eorum Præfectum Hungarum quidem esse, sed fide conspicuâ, & de hac Republicâ multis expeditionibus ita meritum, ut cum iam domicilium hîc fixerit, de donando eo iure

iure ciuitatis antea deliberatum sit ; fitamen vt is ab eo officio amoueatur , omnino contendant , in eo Regiam Maiestatem non fore difficilem. *Æs omne alienum, tam militibus, quam personis priuatis publice debitum, iam solutum esse, ita vt nemo eo nomine queratur. Vt inter eos qui in religione dissident pax & concordia conseruaretur, omnem operam à Regià Maiestate adhibitam hætenùs fuisse ; vt verò formula certa, ex qua ius eo nomine lælis redderetur, præscribatur, omnium ordinum consensu opus esse. Pari modo earum, quæ inter secularem & Ecclesiasticum ordinem intercedunt controueriarum sopiendarum rationes, non nisi cunctis consentientibus iniri posse ; proponant modò ordines media, quibus id effici possit, curaturam Regiam Maiestatem, vt ea ad effectum deducantur. Inuitis sanè & refragantibus leges imponi, aut quidpiam statui, non esse ex vsu huius Reipublicæ, cuius libertates & prærogatiuas singulorum ordinum Regia Maiestas secundùm datam in coronatione fidem non modò integras conseruat, sed & factas esse cupit. Et quoniam iisdem pactis eæ quoque conditiones, quæ Henrico Regi, dum ab ordinibus in Regem eligeretur, oblatae erant, & per Stephanum approbatæ sunt, continentur, Regia Maiestas iisdem quoque se teneri cum non ignoraret, idcirco quantum in illà fuit, vt illis satisfaceret, contendit. Saluum imprimis est ius Regis liberè eligendi, cum & hæreditarium Regni titulum Rex minimè vsurpet, & illo ex hac luce sublato, alterius liberis suffragijs substituendi plena ordinibus relinquatur facultas. In admittendis externorum Principum Legatis, suisque ad eos mittendis, eum modum tenet semper Regia Maiestas, vt quemadmodùm iura Regni præscribunt, quæ vniuersam Rempublicam concernunt, de ijs ad publica comitia referat : quæ verò vel diuturnam moram non patiuntur, vel ad priuatum præsentium in aulà Magistratuum consilium pertinent, ea exploratis eorum, & reliquorum Senatorum, qui tum interfunt, sententijs expediat. In indicendis bellis, iubendaque publicâ expeditione, nihil hætenùs à Regià Maiestate præter leges Regni factum. Quod verò attinet finium Regni defensionem ordinariam, cuius suis viribus & priuatis copijs sustinendæ onus, tam Stephanus Rex, quàm ipsamet Maiestas Regia, in se suscepisse videri possit ; cupere Maiestatem Regiam vt expensis, atque etiam excussis Regni vectigalium & prouentuum rationibus, ordines dispicerent, num Regia Maiestas, etiamsi vellet id præstare, posset. Non eam esse præsentis rerum statu, horum, quibus ærarium continetur, reddituum rationem, vt & Regiæ Maiestatis dignitati tuendæ, & alendo tanto exercitui, qui fines Regni perpetuò defendat, sufficiant. Longè factu facilius id maioribus Regiæ Maiestatis fuisse, qui solidos Præfecturarum prouentus in suâ potestate cum haberent, ad suum itidem arbitrium in vsus Reipublicæ eos expendebant : nunc beneficio & liberalitate Regum, tribus, vel*

Stipendia militibus persoluta.

Quâ ratione pax inter dissidentes de religione conseruanda.

Præscribendi modi quibus compositio inter status inuenda.

Isdem conditionibus tenebatur Rex Sigismundus, quibus Henricus Andegauensium Dux fuit in Regno Polonia electus.

Ius eligendi Regis Polonis saluum.

Quid in mittendis vel recipiendis Legationibus Rex faciat.

In bellis indicendis nihil præter leges factum.

Defensionem ordinariam finium quare Rex non præstet.

quatuor eiusmodi reddituum portionibus , priuatis personis attributis , ac Quartâ Rauam inferri iussâ : reliquum quod superest priuatis Regiæ Maiestatis vsibus , publicisq̃ue impensis, si quis ordinarios atque extraordinarios Regiæ Maiestatis sumptus ad calculum reuocet, vix sufficit. Nec à Stephano Rege , licet is quoque idem se facturum recepisset , hoc postulatum fuit ; nimirum eiusmodi promissiones , in Electionibus Regum exactæ , eâ conditione factæ fuisse intelliguntur,

Quid discordantibus Senatorum sententijs Rex facere soleat. Vt Senatores per vices resideant apud aulam placere Regi.

In indicendis Comitibus Rex sequitur præscriptum legum.

Sigillis Cancellariorum diplomata & littera signantur.

Numerus Magistratuum inmutatus habetur.

Ad Thesaurarium ab aula absentem minutiona negotia nequeunt referri. proinde curio Thesaurarius constituendus.

Mineris nemo priuatus.

Legum Polonicarum nunquam ex iure civili petitur interpretatio.

Rex matrimonio inus ex sensu maioris partis Senatus.

Diadema Regum habetur sub eorum custodia quibus id incum-

vt eas in tantum Rex præstare teneatur , quantum rationes ærarij & prouentuum ferant : quæ cum opinione minores sint, durum sanè & minimè decorum , nec Reipublicæ tutum foret, id à Regibus exposcere , quod illi nequaquam præstare possint. In sententijs Senatorum , vbi discordes fuerint , conciliandis , Regiam Maiestatem eâ vti moderatione , vt non antè vel Senatusconsultum perscribi , vel in priuatorum cognoscendis , iudicandisque causis decretum ferri decernat , quàm dissentientium sententias , iteratis earum rogationibus similes & conformes efficiat. Placere Regiæ Maiestati vt Senatores certo numero per vices designentur , vt præsentibus in aulâ sint , & non modò consilij copiam faciant, verum etiam dignitati Regis inseruiant. Neglectum id hætenus non Regiæ Maiestatis culpâ , sed magis eorum , qui huic muneri destinati quotannis erant, negligentia : daturum insuper ex ærario suo illis annuam pensionem pollicetur. In indicendis tempestiuè Comitibus omnia ex præscripto legum fieri. Annulo & sigillis , in signandis tam literis quàm diplomatibus , non alijs Regiam Maiestatem , nisi quæ fidei Cancellariorum tam Regni Poloniæ , quàm Magni Ducatus Lithuanix credita sunt , vti. Numerum Magistratuum legibus & consuetudinibus Regni præscriptum , nec minui nec augeri , ac vt ij suo munere fungantur , Regiam Maiestatem minimè impedire. Quod verò attinet Thesaurarium Regni , is si præsens in aulâ esset , nemo alius illius officium usurparet ; illo absente , non ferunt publicæ rationes , vt minutiona quæque negotia ad eum referantur : sed & huic rei facilè medebitur , Curio Thesaurario , qui illius maioris vices obeat, constituto. De mineris in priuatorum fundis inuentis interceptis , neminem esse qui queri possit. Ne interpretatione ex iure Casareo petita , Regni leges ac Priuilegia Regumque donationes in alienum sensum detorqueantur , Regiam Maiestatem diligentem semper operam dedisse. In ineundo matrimonio nihil à præscripto legum Regiam Maiestatem recessisse ; sed consulto primùm Senatu , cum longè maior eius pars consentiret , eorum sententiam secutum esse. Diadema quo Reges insigniri solent, in Thesaurio Regni , eorum quibus id munus incumbit , custodiâ asseruari. Reliqui eiusdem generis articuli , qui Regi Henrico oblatis fuisse dicuntur , cum nunc in quæstionem non vocentur , nullâ disquisitione indigent. Ad ea de quibus præterea Nuntij queruntur , ita responderi.

In

In primis in iure dicundo eam à Regiâ Maiestate seruari æquitatem, vt nec sedula diligentia, nec accurata deliberatio desiderari possit: non temerè, sed iterum atque iterum exploratis Senatorum sententijs decretum ferri, ac interdum, idque grauibus de causis, cum vel id de quo agitur non satis liqueat, vel discordes de eo sint sententiæ, illud non perscribi; non abnuere quin aliqua, quæ emendatione indigent, in accommo-
dandâ formulâ Iudiciorum, corrigantur; ac quod ex ordine ius vnicuique reddatur, parque omnium ratio habeatur; ac is index, ex quo in ius partes citantur, diligenti Referendariorum inspectione conscriptus subinde non mutetur. Quod hætenus seruatum fuisse Regia Maiestas existimat: nisi quod interdum vel egentium causæ, vel maioris momenti, & ad exemplum pertinentes, vel nonnumquam etiam ipsismet Nuntijs flagitantibus ex ordine excerptæ, atque alijs prætermisissis iudicatæ sint, idque ne aliquando eueniat, satis cauere non posse. Temerè existimari pecuniam ex tributis publicè scitis collectam, & eam quæ ex quarta Regionum prouentuum parte, Rauam quotannis infertur, non rectè administrari, & in vsus priuatos potius quam publicos erogari: nam rem eam secus se habere, rationes Thesaurarij, quæ Nuntijs excutiendæ relinquuntur, ostendent. Non diffiteri Regiam Maiestatem Rauensem pecuniam non in eum modò militem qui in Russiæ finibus excubias agebat, sed in Liouensem quoque erogatam esse, sed lege, dummodò id ex consilio Senatus fiat, non vetante, & ingenti periculo urgente id factum fuisse. Iam verò quod miles hyberna in Polonia egerit, datum id esse precibus Nobilitatis Russicæ, quæ militaris eiusmodi custodiæ sibi molestæ pertæsa, petijt, aliquot antea actis Comitijs, vt is inde abduceretur. Vacui Magistratus si qui fuerunt, ante Comitia eos iam, subrogatis tempestiuè in defunctorum locum alijs, expletos esse; si qui præterea proximè fato functis illis qui eos gerebant, adhuc vacant, durantibus Comitijs, personis idoneis Regiam Maiestatem collaturam. Homini-
bus peregrinis, qui ciues Regni non essent, nullas hætenus possessiones in Liouia concessas esse; in eoque strictè scitam hac de re legem seruari: arces quasdam quas nonnulli Liouones fidem Regiæ Maiestatis secuti, Ioanni Zamoscio belli supremo Duci dediderunt, eorumdem fidei, quod ita Zamoscio visum foret, concreditas, nec quidquam prætereà quod meritò reprehendendum foret, adferri posse. Qui apud Turcarum Imperatorē legationis munere ex dignitate Regis & Regni fungerentur, non faciliè reperiri potuisse; hunc ipsum qui eò iturus est, morbo tardatum quominus maturè proficisceretur; ne quid tamen ex eâ causâ Respublica detrimenti caperet, missis ad eundem Imperatorem frequentibus Nuntijs, qui moram hanc excusarent, sufficienter Regiam Maiestatem prouidisse. Frequentes Tartarorum in Podoliam excursions, vetus à longè maiorum memoriâ, quàm Regiâ Maiestate Imperium moderante, illius Prouinciæ malum immeritò Regiæ Maiestati

In iure dicendo quem modum Rex teneat.

Causa egentium vel maioris momenti aliquando nõ seruato ordine iudicantur. Pecunia contributa vel ex quarta Ra- uensi in publicos vsus conuertitur.

Cur miles in Polonia hybernauerit.

Vacantes magistratus omnes distributi.

In Liouia nulla possessiones nisi ciuibz Polonia Regni dantur.

Cur Legatus ad Turcarum Imperatorem tardius missus; prouisum tamen ne quid inde damni eueniat.

Cur Tartarorum incursions cohiberi non possint.

stati imputari : cùm hostis ille nec fœdere attineri, nec oblati etiam donatiuis, vbi luculenter prædæ spes & occasio inuitauerit, deuinciri possit. Quieuerant ij aliquantisper domesticis fortè motibus retenti, siue vt cùm minùs timerentur, incautos & securos inuaderent, finesque nouis colonijs completos, atque antè desertos, nunc cultos longè lateque sub ipsùm ferè hostis aspectum procurentes campos faciliùs incurrerent. Negotium Prussicum ita à Regiâ Maiestate tractatum esse,

Quid in negotio Prussico à Rege factum.

vt nihil temerè vel minùs consideratè quidquam in eo factum sit, si quis recto iudicio illius progressum expenderit, faciliè animaduertet. Nā concessionis feudi à Sigismundo Augusto in Petricouiensibus & Lublennensibus publicis Regni Comitij domui Brandenburgicæ factæ, & subsequentium Regum non dubio assensu firmatæ, approbationem, quæ magnâ Regum & Principum Christianorum suffragatione petebatur, cùm Regia Maiestas sine omnium Ordinum scitu & consensu concedi non posse videret, quamprimùm eo nomine publicis legationibus appellata fuit, ad omnes Regni particulares Nobilitatis conuentus de eo retulit, vt quid hac de re statuere vellent, communi omnium sententiâ decernerent. Curam verò ægri in Prussiâ Ducis vt deferret, sibi iure & exemplo licuisse Regia Maiestas existimat; cùm & vsurpatâ in Regno, ac legibus etiam firmatâ consuetudine, Regij iuris semper fuerit, providere ægris & pupillis curatores: & nouissimè Stephanus Rex, eo ipso prætextu eandem ægri in Prussiâ Ducis curam Anspachio, nullis adiectis conditionibus, liberam & immunem contulerit. Sed nec eo etiam iure temerè sibi vtendum, atque ideò totum hoc negotium proferendum, donec de illâ in controuersiam vocatâ feudi concessi approbatione transactum fuisset, Regia Maiestas putauit. Ceterùm cùm aliquot Regni Comitij, in quibus citrò vltroque allatis rationibus de iure eius feudi disputabatur, nihil certi de eo statui potuisset, hancque moram Elector Brandenburgicus in derogationem prætensi iuris sui fieri interpretaretur, atque per Oratores suos, Galliæ & Danię Regum, atque primariorum Germaniæ Principum adiunctâ intercessione sedulò responsum vrgeret, Regia Maiestas ne si tanti nominis Principes morâ responsi contemnere videretur, noui & insperati belli Reipublicæ causam præberet; cùm proximè præterita Comitia, nonnullorum dissensu, rebus infectis dissoluta fuissent, ex Senatus, qui tum frequentissimus, ac penè eodem numero, quo Comitia obiri solent, erat, consilio, eam ineundam sibi rationem existimauit, vt simul & petitioni tantorum Principum aliquâ ex parte satisfaceret, & ius Regni veteremque illius Prouinciæ possessionem firmiorem certiolemque redderet. Conditionibus igitur interpositis, quibus & ius directi dominiij, nomine magis antea quàm re vsurpatum firmaretur, & Reipublicæ ærarium imposito ei Prouinciæ stipendio, non mediocria incrementa sumeret, hæc ipsa cura & administratio illius Ducatus Electori Brandenburgico permissa est, veteri de

Ægro in Prussiâ Ducis iure suo Rex vsus curatorem dedit.

Et quas ob causas.

iure

iure feudi disceptatione , quæ Regni Ordinum in Comitijs generalibus cognitioni referuatur , indecisâ manente. De eorum, qui publica vectigalia exercent, iniurijs & iniquitate , vetus & non noua , atque adeò orbis vniuersi est querimonia : ei vt Regia Maiestas mederetur, præcipuis *De vectigalibus mercatorum querela;* è Senatu , inter quos Archiepiscopus Gnesnensis & Episcopus Cuiaviensis alijsque magni nominis fuere Senatores , demandauit , vt cum Thesaurario Regni tam vectigalium Præfecti , quàm mercatorum rationes inspicerent ; ijsque excussis , atque etiam Priuilegijs & immunitatibus Ciuitatum inspectis , omnia ad veterem consuetudinem reuocarent : grauitè & exactè id negotium ab eis tractatum , postea ad Regiam Maiestatem remissum , cum eâ tamen significatione , vt immeritò mercatores queri compertum per eos fuisse ostenderetur. *Proposita sed iniusta.* & audita fuit hæc causâ in postremis Cracouiensibus Comitijs, quæ sita media ; sed cum mercatores illud vnum , vt ab omni penè vectigali immunes essent, in fraudem & detrimentum fisci, quo potissimum Reipublice rationes nituntur, contenderent , nihil certi statui potuit. Certa nihilominus formula , secundum quam & ij qui publicis vectigalibus præsumunt , illa exigere , & mercatores illa pendere debeant , auctoritate Comitiorum Varſauiensium anno Millesimo sexcentesimo primo ad normam veteris à Sigismundo I. institutæ præscripta est , in quam si quid fortè peccaretur , id iure cuique læso vindicandum relinquitur. Vt moneta sub nomine Regio signato iusto pondere & valore examina- *De moneta.* ta cudatur , publicis monetarijs à Regiâ Maiestate iniunctum esse ; sed eâ re parum profici , nisi in eos qui priuatâ auctoritate falsam cudunt monetam , seriò animaduertatur : quod factum difficile , quia præcipui *Cur falsarij qui adulteriam pecuniam priuatim cudunt non castigantur.* falsarij eo nomine infames , nobilitatis prætextu pœnas legum eludunt, nec eius criminis , nisi per testes genere nobiles , conuinci possunt : id verò fieri non potest, cum ij operâ potissimum vilium & ignobilium personarum ad eiusmodi facinora abutantur : quorum nonnulli sceleris conuicti dederunt pœnas ; auctores, qui Equestris ordinis sunt , omnibus legibus soluti, absque metu impunè abeunt : nouæ itaque sancientiæ leges & pœnæ forent , quibus , sublato nobilis & plebeij discrimine, cuncti tanti criminis reitenerentur. De longæ priuilegio causâ cognita , id quod æquum fuerit decerneretur. Vt pari iure Poloni in Prussia, quo Prutheni in Polonia quoad dignitates & Præfecturas adipiscendas gaudeant , vbi eâ de re inter ordines conuenerit , Regiam Maiestatem omnium consensui suam voluntatem libenter accommodaturam. Non *De longæ priuilegio. Polonis in Prussia & Pruthenis in Polonia adipiscendi dignitates paritas.* obstare Regiam Maiestatem , quin quod leges iubent , singulis lustris Regia bona censeantur: id ob eam causam hætenus intermissum esse, quòd Comitia rebus plerumque infectis dissoluantur : darent operam Nuntij ne id in præsentiarum eueniat , sed omni ex parte Reipublicæ *Placere Regi vt bona Regia singulis lustris lustrentur.* prouideatur , & hi etiam , qui hoc munus censendorum bonorum ob- eant , auctoritate Comitiorum designentur. Ad fines , vbi ij inter Re-

De commissi-
onibus si-
num regun-
dorum.

Decreta Cō-
missariorum
& supremi
Tribunali in
dubium num-
quam vocan-
tur.

Pluralitas
beneficiorum
Ecclesiasticorum.

Ius eligendo-
rum Abbatū
Religiosis
saluum.

Ne Nobilitas
ad Curiam
Romanam
euocetur, cu-
raturum se
Rex pollice-
tur.

Homines ri-
tus Graeci non
habent de
quo queran-
tur.

Ecclesiastici
iuste bona
terrestria
emere & Ec-
clesiae adducere
possunt.

Sculteti in
bonis Ecclesiae
cui directo
dominio sub-
iecti sunt.

Conditio, sal-
uis Ecclesiae
iuribus, in
omnibus pri-
uilegiis adscri-
bitur.

Nullum peri-
culum ne quis
sibi ius usur-
pet in Lio-
niam.

In assignandis
Parasatis
hospitijs ratio
habenda eorū
qui publicis
negotij causis
veniunt.

gios & priuatorum agros controuerfi fuerint, determinandos, manda-
re Regiam Maiestatem, vt poscentibus Commiſſiones à Cancellaria ex-
tradantur. Decreta quidem ab istis Commiſſarijs legitimè lata, quem-
admodum & ea, de quibus queruntur supremi Tribunalis Regni, fuisse
aliquando vel in dubium vocata, aut contrarijs Regiæ Curiae decretis
abrogata; pari modo quæ sint istæ Nobilitatis præter ius euocationes,
aut veterum priuilegiarum recentibus abrogationes, & depromptæ è
summariis indicibus, siue, vt vocant, Metricâ, ad interuertenda bona
priuatorum, probationes, non satis intelligere Regiam Maiestatem,
quando, vel quâ in re id factum existiment. Præsto sunt Magistratus,
qui in aulâ ius dicunt, ij rationem, vbi appellati eo nomine fuerint, facti
sui, si quid illis nominatim imputabitur, reddent. Vnum interdum bi-
na vel plura sacerdotia habere, non nouum esse; id ex arbitrio Summi
Pontificis, tanquàm bonorum Ecclesiæ supremi dispensatoris, non-
nunquàm iustis de causis, vel genere vel doctrinâ excellentibus viris in-
dulgeri. Electiones Abbatum nequaquàm à Regiâ Maiestate infringi,
modò ne Religiosi tantum sibi vsurpent, vt lusp Patronatus Regium inter-
uertant & extinguant. Ne Equestris ordinis homines in actionibus,
quas in personas Spiritualium dirigunt, iudicium Curiae Romanæ ex-
spectare cogantur, sed & eiusmodi causæ hic in Regno decidentur, egis-
se Regiam Maiestatem cum Summo Pontifice, deinceps quoque cura-
turam, vt votis & desiderijs subditorum suorum eâ in re respondeatur.
Græcæ religionis homines in quo iura & prærogatiuas suas lædi existi-
ment, omnino incompertum esse Regiæ Maiestati: cùm omnes subdi-
tos pari complectatur amore, omnium quoque libertates saluas & illæ-
sas esse cupiat. Vetari non posse ne Spirituales bona hereditaria emant,
& vsibus pijs addicant, cùm in potestate vniuscuiusque sit rebus suis pro
suo vti arbitrio, præsertim cùm id nullo Reipublicæ detrimento fiat.
Sculteti in oppidis & pagis Spiritualium, an directo iure illis subiecti
sint, eorundemque amouendorum potestatem habeant, vt in re contro-
uersâ & dubiâ nihil haftenus decisum. Spirituales quidem eiusmodi di-
recti dominij titulum & ius probaturos se recipiunt. Ne finitimarum
arcium Præfectis turmæ militum, quæ in confinijs excubias agunt, re-
gendæ attribuantur (quamuis id vsu veteri receptum fuerit) sed vt quæ-
que centuria suum Præfectum habeat, assentiri Regiam Maiestatem.
Conditio saluis iuribus Ecclesiæ Catholicæ, quæ in omnibus priuilegijs
adscribitur, potissimum Ecclesiarum iura tuetur; quæ etiamsi adiecta
non esset, perinde tamen intelligeretur Regiam Maiestatem, vt non al-
terius iuri, sic nec Ecclesiæ derogare velle. De Liunioniæ illiusque Pro-
uinciæ Episcopatu, non esse verendum, cùm per Sedem Apostolicam
præsenti illius statu approbato, satis ei rei cautum sit. In assignandis
hospitijs difficilè cunctis satisfieri posse in tantâ hominum frequentia,
mandaturum tamen Regiam Maiestatem, vt eorum, qui publico nomi-
ne

ne huc veniunt, potissima ratio habeatur, quod magis expeditum foret, si ij pauciori comitatu ad consultationes publicas accederent. In ordinandis Regijs redditibus, eâ moderatione Regiam Maiestatem vti, vt neque benè meritorum præmijs quidquam subtrahere velit, & id potissimum spectet, vt seruata proportionē pro conditione quisque sua, Regiæ sit particeps liberalitatis, ita tamen ne, si ea fundum exhauriat, Regia Maiestas & ipsa egeat, & cæteris gratificandi omnem sibi auferat potestatem: à nonnullis Præfecturis aliquot abstracta esse prædia fatetur Regia Maiestas, sed id more & exemplo maiorum, atque ipsa necessitate exigente, quò personæ suæ Regiæ ex dignitate Regni commodius provideatur, factum. Bona Reipublicæ nulla dote esse onerata, cum morte proximè defunctæ Regniæ, illius dos extincta sit. In conferendis bonis iuris caduci, habere semper rationem Regiam Maiestatem, & legum publicarum, & benè de Republicâ meritorum; idem deinceps quoque esse facturam. Multarum legum salutarium, atque vtilium prius iam magni iudicio latorum executio, cuius vitio hætenus differatur, expenderent diligenter ordines ipsi: fuisse quidem aliquoties deputatos, qui hæc ipsa iura reuiderent corrigerentque, quid oblititerit quominus id factum sit, nemo est qui nesciat: paratam esse ac semper fuisse Regiam Maiestatem, ijs quæ flagitantur admouere manum, atque poscentibus reddere, priuatumque pariter & publicum commodum promouere, illudque in votis Regiam Maiestatem habere, vt hanc inclytam Rempublicam, suo imperio florentem, & omnibus incrementis & ornamentis auctam & cumulatam videat. Cæterum ad id efficiendum ordinum consensu, & conspirantibus bonorum voluntatibus opus esse; darent operam itaque Nuntij, vt sepositis priuatis respectibus in præsentem conuentu publica negotia tractentur, cessura cuncta ex animi sententiâ, totius Reipublicæ expectationi optato & felici euentu Regiâ Maiestate libenter adnitente & promouente responsura. Responso eiusmodi tam miti nequaquam contenti Nuntij, longo & prolixo scripto illud confutare ausi sunt; cuius ea summa fuit, vt prorsus omnes Regiæ excusationes reiicerent, neque vllis conditionibus acquiescere velle viderentur; ideò fiebat, quòd Palatinus Cracouiensis, cuius omnia consilia in disturbandis Comitijjs versabantur, Lanchoronâ iam mouerat, magnaque tam clientum suorum, quàm militum stipatus manu, Stęzicam versus progrediebatur; vt & ijs, qui in Comitijjs dissoluendis suam illi operam nauabant è viciniori loco animos adderet, & Stęziciensis conuenticuli indictam à se diem obiret.

Iam præcipui aduersæ factionis Ioannes Radiuilus, cuius suprà fecimus mentionem, Stanislaus Stadnicius Lanczuti Dominus, Petrus Goraiscius; Iacobus Sienieuius, Martinus Bronieuius, Andreas Meczynius, omnes primarij Hæreticorum illius temporis antesignani & propugnatores, futuriq; tumultus auctores & litui, nullo Regiæ digni-

In ordinandis Regijs redditibus quis modus teneatur.

Obligatio bonorum Reipublicæ dote prioris Regniæ, morte illius extincta est.

In conferendis bonis Caducis quæ ratio obseruetur. Leges cur executioni non mandentur.

Regis desiderium vt Regnum Polonia omni felicitate floreat.

Tam miti Regis responso apud ordines nihil proficitur.

Cuius rei causa Palatinus Cracouiensis.

Ioannis Radiuili & affectuum te-meritas.

tatis

tatis & Senatoriæ auctoritatis respectu, ita eaquæ Nuntiorum nomine proponebantur, tumentis & mordaci verborum saltu, atque aculeata oratione vrgebant, ut prorsus à pace & concordia alienum eos gerere animû constaret. Radiuilus quidem publicæ causæ prætextu, priuato in Regem odio ferebatur; quod sua in Rempublicam merita minoris fieri existimaret. Acciderat præterea ut Rex Carolus Chodkieuicio Supremo in Lithuania exercituum Duci Præfecturam Dudensem, quam Radiuilus sui iuris esse contendebat, sed quod possessionem eius nec viuo, nec vitâ functo patre, legitimè secundum iuris formam adisset, iure eius excidisse putaretur, conferret. Eâ re, sed multò magis æmulatione eiusdem Chodkieuicij, quod eum in locum patris sui Palatini Vilnensis, qui summus item exercitus Lithuanici Dux erat, suffectum, & rebus præclare gestis, & Regiâ gratiâ florere videret, iuuenis elati animi accensus & quasi irritatus, omnes eò conatus intenderat, ut quàm maximis viribus excrefcentem factionem promoueret, Regique ipsi negotium facesseret. Stadnicius verò dudum inquieti vir animi, discordijs ciuilibus assuetus, factiosus idem & audax, militarisque ferociæ ostentator; dum occasione nouarum rerum quoquomodo crescere cupit, tanto studio in causam eam ferebatur, ut potentiâ & factione primas ferè partes sibi assumeret, nec ut cæteri ambigua differens, sed palam & apertè hostilem in Regem animum se gerere ostenderet. Cæteri item, quod eâ rerum, quam sibi animis desponderant, conuersione, ad religionis vel potius hæresis suæ incrementa faciliè, ipsomet Palatino & Catholicis factionis eiusdem, si non adiuuantibus, at certè conuiuentibus se abusueros sperarant, nihil intentatum relinquebant, dummodò rem ad tumultum deducerent. Nemo erat in Senatu, qui impendentis tempestatis, quam apparebat latius processuram, ingentemque calamitatem Reipublicæ allaturam, periculis non moueretur; quamobrem boni omnes, ac quietis & otij amantes, omnes eius auertendæ rationes ineundas esse censebant: præcipuè verò (nam non adeò obstinatum Palatini animum esse plerique veteres eius amici existimabant, ut non, si benignius cum eo ageretur, de sententiâ cessurus, factionemque eam, quæ tota hæreticis constaret, relicturus crederetur) appellandum eum eo nomine secretâ aliquâ legatione consulebant. Rex, etsi pertinaces Palatini sensus satis perspectos haberet, ne quam tamen illius sanandi rationem prætermittere videretur, se eò abduci passus est, ut Petrum Scargam Societatis Iesu Presbyterum ad eum mitteret, cuius persuasioni, quod admodum familiariter antea illo vteretur, locum daturus putabatur. Summa legationis erat, ut Palatinus ijs quæ eum, qui illo duce & auctore excitabatur, motum consecutura erant, & in quantum Rempublicam & religionem Catholicam discrimen conijceret, expensis, maturè cœptis desisteret, nec priuato odio publicam causam prætexeret, seque seditiosis & hæreticis ad perturbandam Rempublicam ducem ne præberet: id si fecisset, faciliè ea, quorum

Eius malus in Regem animus, quod Rex Præfecturam Dudensem ad Carolum Chodkieuicium detulerit.

Eiusdæ æmulationis cum Chodkieuicio.

Stadnicius occasione tumultuum ciuiliū crecente cœpit.

Hæretici per occasionem turbata pacis publicæ hæresim augere intendunt.

Boni patriæ amatores quid mali ex ijs motibus Polonia impenderet præiudicabant.

Quibus suadentibus Rex mittit Petrum Scargam ex Societ. Iesu ad Palatinū, ut dispiceret in quantum periculum Rempublicam & religionem Catholicam conijceret.

rum causâ malè in Regem animatus esset, sublatum iri. Eâ legatione, quæ eum mitiorem redditura putabatur, factus elatior, non quasi vnus è Senatu, sed tanquàm is, qui solus omnium rerum & consiliorum publicorum arbitrum ageret, Regio nomine compellaretur, respondit: se nullâ priuata offensâ commotum, causam publicam suscepisse, vt eorum sententiæ, qui sub ipsis Comitijs Stæzicentibus conuentum indicendum passim flagitabant, subscriberet: ideò factum esse, quòd ex ijs quæ Regio nomine priuatis in conuenticulis proponebantur, metus quidam magni in Republicâ periculi cunctis iniectus esset, ne spretis ijs, quorum causâ priora Comitia dissoluta erant, futura inuitis ordinibus expedirentur, Rexque velut ijs, quibus illi regnum delatum est, legibus solutus & conditionibus, quarum satisfactio hactenùs expectatur, non expletis, absolutè imperium in libero populo vsurparet: maximè cum eò res spectaret, vt inuitis & dissentientibus alijs, paucorum assensu Comitia concluderentur: Conuentum quidem istum Stæzicensem, multis de causis vtilem, & admodum opportunum fore, modò Rex illius commoditate vti velit; nam faciliùs de sententiâ omnium ea, de quibus in Comitijs conuenire non posset, deciderentur. Suadere itaque Regi, vt ijs ante omnia, quæ meritò ab illo postulantur, satisfaceret, metumque absoluti imperij, qui quorundam aulae Magistratuum insolentiâ, & agresti hominum tractatione augebatur, ex animis subditorum euelleret; vacantes Magistratus ex suâ & Reipublicæ dignitate, viris idoneis & aliorum iudicio probatis conferret: postremò ne tali matrimonio, quod citra multorum assensum cum sorore prioris vxoris iniuit, hacque iteratâ cum domo Austriacâ affinitate, Respublica in discrimen veniat, sufficienter caueret. Eo responso cum non satis explicaret mentem suam, quinam iste esset merus, & vnde profectus, cur cæteris, qui in eadem Reipublicâ speculâ essent, ignotus; fremebant plerique è Senatu, illum vnum tantum prospicere, quantum vniuersi aduertere non possint, & tantum industriæ, & in Reipublicâ custodiâ vigilantia sibi arrogare, vt cæteros vel negligentia vel perfidia damnare videatur; veniret & non è longinquo collegarum iudicia canillis arroderet, sed coràm in publico Regni confessu, more Maiorum, quid vellet expromeret, hasque ipsas, quas à Rege præstari vult satisfactiones & cautiones vrgeret: si æqua postulauerit, iturum Senatum in eius sententiam, vel si nihil nouum aut maiori dignum consideratione attulerit, inanes metus, & ficta somnia reprobaturum. Quare vt intelligeret ipsius actionibus Senatum permoueri, grauitèrque ferre, ab vno omnibus leges præscribi, è publico omnium consilio Rege annuente missi sunt ad eum è Senatu, Albertus Baranowski Episcopus Plocensis; Stanislaus Krasinski Palatinus Plocensis, Andreas Przyemski Castellanus Gnesnensis, qui publico nomine ex eo causas noui illius in Republicâ motus exquirerent, ac quorsum eius conatus tenderent, explorarent. Non alij, nisi quos Palatinus eò secum ad-

*Hæc legatione
Palatinus
factus elatior.*

*Eius respon-
sum.*

*Alios Senato-
res malè ha-
bet, Palatinus
Cracouiensis
tantum sibi
vsurpantia
sensus.*

*Mittitur à
Senatu ad
Palatinum
Cracouiensem.*

*Conueniens ad
Stazicam.*

*Qui Senato-
res ei conuen-
tui interfue-
runt.*

*Palatinus
Cracouensis
facti sui ra-
tionem in se-
creto colloquio
reddidit aliqui-
bus Senatori-
bus.*

adduxerat, principio ad Stęzicam venerant: sed cū passim vulgaretur, prolaturum isthic Palatinum secretas quasdam, quę contra Rempubli-
cam institutę sunt, machinationes, eius rei curiosi nonnulli, rerum noua-
rum studio, alij contrā vt gliscentem seditionem suā pręsentia discuterēt,
non plures tamen nisi sex Senatores, inter quos Ioannes Dux Ostrogiaę
Castellanus Cracouiensis semper ambiguaę erga Regem voluntatis, A-
lexander Romecpolski Palatinus Siradiensis bonarum partium studio-
sus, & Regi addictus, vt & Stanislaus Bykoroski Castellanus Lencicien-
sis conuenerunt, quibus tres illi à Senatu missi accessere, ita vt nouem ef-
fent Senatores. Quorum secreto colloquio petito, Palatinus facti sui ra-
tionem probaturus, orsus est ab eo tempore, quo Archidux mater ad
persoluenda iusta filiaę suę priori Regis vxori Cracouiam venerat; cū
Rex cum ea Niepolomicijs, quò ob pestis suspicionem Cracouia statim
à funere secesserat, moraretur, passim tum rumorem sparsum fuisse, de
incundo cum sorore prioris vxoris matrimonio, pacta firmari, ac quiddā
maius etiam tanquā de tradendo Austriacis regno tractari. Ea suspi-
cione se commotum semper, deinceps pro munere Senatorio in omnes
occasiones intentum fuisse; vidisse Regiam Maiestatem, antiquis consi-
liarijs spretis, nouos eosque quondam sibi suspectos, & parum gratos ad-
sciscere, totam aulam, Magistratusque publicos externis promissionibus
niti, atque cōsilia peregrę petita potissimū valere, eaque vt ceteris alijs
in rebus, tum in matrimonij negotio obtinuisse: nam licet ter in frequen-
tissimo Senatu Regia Maiestas publicē declarauerit, se germanam so-
rorem prioris vxoris non ducturum; ijsdem tamen consiliarijs acniten-
tibus, & consensum aliorum Senatorum procurantibus, flexit eò mentē,
vt prętextu quarundam Summi Pōtificis & Imperatoris literarum mu-
taret sententiam. De quo cū Regia Maiestas secū per literas com-
municasset, se grauiter commotum, dissuadere conatum fuisse Regię
Maiestati tale matrimonium, atque ne eam pietatis laudem, quam apud
omnes sibi pepererat, hoc nouo & nulli vnquam, licet consensu summo-
rum Pontificum initum esset, prospero & felici connubio perditum iret,
seque exosum subditis ipsis redderet, diligenter & candidē monuisse. Sed
frustra, obnitentibus ijs, qui malorum consiliorum auctores erant, qui
inuitato freti, quem ante proximē acta Comitia fieri vidimus, apparatus,
& potentiaę fiducia, haud dubiò suos nefarios conatus, malo Reipublicaę
iam tum exercuissent, nisi eorum alter (Ioannem Tarnouium Archie-
piscopum Gnesnensem intelligi volebat) diuinitus è medio sublatus, alter,
Supremus videlicet Marescallus, morbo prostratus fuisset. Hos eosdem
Regi persuasisse, illum nullis pactis cum Republicā initis teneri: postre-
mò non debere pati, vt factorum & consiliorum ratio à se exigeretur, non
defore in Comitijs vires, quibus Cancellario obsistatur, cui nequaquā
cedendum, neque committendum, vt quemadmodū antea Regiam
confessionem de initis cum domo Austriacā, de tradendo illi Regno tra-
ctatibus

etatibus extorserat, nunc pari ratione simile aliquid attentare auderet. Soluantur licet rebus infectis Comitia, id non adeò magno incommodo futurum, vel si quid aduersi ex eo acciderit, contrariæ factioni & Cancellario imputatum iri: illum interim, vergēte iam ad senium ætate, moriturum, eoque sublato neminem fore, qui destinatis Regijs obstitere. His persuasionibus obfirmatam Regiam Maiestatem, nec salutaribus suis consilijs, nec vniuersorum ordinum postulationibus in iisdem Comitijs factis locum dedisse: Magistratus Regni, præter omnium expectationem, personis minùs idoneis contulisse; postremò optimis & honestissimis conditionibus promissam iam & ferè pactam Ferdinandi Archiducis Austriæ filiam, sollicitante socru, & id vnum, vt Rex alteram illius filiam vxorem duceret agente, deseruisse, & ad præsentem vxorem prioris sororem animum adiecisse. Curam ægri in Prussiâ Ducis, priuatâ auctoritate ad Electorem Brandenburgicum detulisse, atque defuncto Cancellario tamquàm malorum consiliorum, & Regiæ potentiae obice, omnem Reipublicæ administrationem ita Regiam Maiestatem in suam potestatem redegisse, vt quibus legibus regnum ad eum delatum sit, omnino oblita esse videatur. Ab eo se quidem & priuatis monitionibus & literis (quarum exempla proferebat) Regiam Maiestatem seriò dehortatum fuisse, acriùs etiam nullo priuato gratiæ respectu, dummodò Senatorio munere defungeretur obiurgasse: sed cùm sua monita contemnerentur, Rexque suspiciones à se obiectas non modò non refelleret, sed tacito etiam assensu quodammodò comprobaret, in eâ opinione se confirmatum, vt eum non tantùm de ineundo hoc omnibus exoso matrimonio, sed & de deferendo atque Austriacis prodendo regno consilia suscipere crederet. Hæc ferè prolixo comprehensa scripto, compluribus suis literis (quas in eâ materiâ ad Regem dederat) Senatoribus ibi præsentibus exhibuit: atque ab ijs qui Varſauiâ venerant, vt hoc ipsum ad Senatum & ordines deferrent, postulauit: verùm illi non esse ex suâ dignitate alienos rumusculos venditare existimantes, id publicè recusarunt; priuatim tamen se cum collegis eâ de re communicaturos receperunt, Palatinumque Cracouiensem, vt, si tantoperè suis istis suspicionibus moueretur, eas aliorum iudicio subijceret, monuerunt. Quæ postquàm Varſauiam perlata sunt, legati que ad Stęzicensem conuentum missi, redierunt, variâ hominum censurâ exagitata fuit Palatini temeritas, quòd leuibus & obscuris motus coniecturis, non modò Rempubicam varijs impleret rumoribus, seditionemque captaret, verùm etiam Regem ipsum immeritò grauissimi criminis reum faceret. Displicere illi matrimonium duobus Summis Pontificibus, quibus id vetandi iubendi que potestas erat, probatum, vniuerso Senatu assentiente initum; id verò insolitum, nec sine aliorum iniuriâ, vnum cunctorum velle esse virtutis & meritorum æstimatorem, eosque ad quos Rex Magistratus Regni detulit, minùs ijs ferendis idoneos existimare non aliam ob cau-

sam, nisi quòd suæ factionis non essent; denique illum solum queri quòd non imperet. Nulli patientiùs reprehenduntur, quàm qui maximè laudari merentur. Id tum egregia animi magnitudine Rex comprobavit, nam tot in se falsis coniectis conuitijs, eâ vsus est moderatione, vt nulla perturbati animi signa dederit, vnicoque bonæ conscientiae clypeo tectus, omnes inimicæ vocis sugillationes eluserit. Iam ferè præfixum lege Comitiorum tempus exierat, cùm varijs altercationibus Nuntiorum, ijsdem quibus initio de rebus in cassum disceptaretur: longè quidem eorum maior pars Regiæ declarationi acquiescendum censebat, pauci factiosi futuri motus auctores, rerum nouarum expectatione inescati, omnes concordiae rationes abnuebant. Ac ne quid deesset, quod ad perturbandam pacem publicam, mutuoque irritandos animos pertineret, accidit, vt cùm Nuntij in Senatum vocarentur, quò cunctis, qui vel Senatores non essent, vel publico munere non fungerentur, exclusis, soli cum Senatoribus Rege præsentē de ijs rebus de quibus nondum conuenerat, agerent, ac Sigismundus Myszkowski Supremus Regni Marefcalcus qui ad fores, ne quis non Nuntius eò ingrederetur attendebat, quendam Zienieuium, temerè se ingerentem aditu prohibuisset, & magis nitentem seque Radiuili esse familiarem iactantem, verbis & verberē reiecit, & ille furore percitus, manum capulo tamquàm arma stricturus admouisset, publici apparitores eum prehenderint. Quo Radiuili, qui suis discreti agminibus aream palatij occupant, cognito, tumultum ingentem excitant, aditusque palatij, qui à Regijs satellitibus seruabantur, irrumpere conantur; & nili Radiuili ipse è fenestrâ suos, ne quid attentarent, inhibuisset, iam tum seditionis & cædis initium factum fuisset. Sedato utcunque eo tumultu, Radiuili in medium progressus fremens fremensque Marefscalum incusat, quòd hominem nobilem nullius criminis reum, non aliam ob causam, nisi quòd suus esset familiaris, verbis contumeliosis affectum ac pulsatum prehendi iussisset, se nomine Equestris ordinis legatione fungi, nullam Marefcalci iurisdictionem agnoscere, ac proinde non passurum quidquam grauius in familiarem suum statui, atque inuocato etiam cæterorum Nuntiorum auxilio eius eliberandi omnes rationes initurum. Adstrepebant cæteri Nuntij suam in eo dignitatem violari asserentes, nonnulli verò dignum facinus hominis insolentis acriori pœnâ censebant; verum Marefcalci, qui more maiorum iure in fontem animaduvertere potuisset, facilitas, cæteris, quis acrioris sententiæ auctor esse vellet circumspectantibus, præbuit causam, vt non iudicio, sed amicorum interuentu id negotium transigeretur, ac prehensus deprecatus temeritatis culpam, dimitteretur. Paucis denique interiectis diebus, magno bonorū omnium dolore, irritō effectū, paucis publicę concordie,

ad

*Comitiorum
malus suc-
cessus.*

*In palatio
Regio tumultum
incipiunt
Radiuili.*

*Radiuili ob-
prehensum
insolentem
famulum in-
dignato.*

ad quam maior pars summo studio ferebatur, obnitentibus: tributo tantum, accedente omnium consensu, ijs potissimum qui hostium incursionibus & periculis obnoxios se esse ostendebant, flagitantibus scito, soluuntur comitia. Cancellarij munus, quod morte Zamoscij vacuum erat, Rex accedente consilio Senatus in his Comitijs ad Matthiam Pstroconium Episcopum Premislensem proximè Procancellariatus officio functum, hunc verò ipsum Procancellariatum ad Stanislaum Minskim Palatinum Lenciciensem nobili & illustri loco natum, eleganter eruditum, ac multis peregrinationibus partâ rerum variarum linguarumque notitiâ clarum, detulit; ac præterea Felicem Criscium vetusti & patricij generis splendore conspicuum, ac in Reipublicæ negotijs strenuè versatum Referendarij honore auxit: cæterosque Magistratus, ne quis eo nomine queri possit, distribuit. At ij quos in Comitijs publicæ omnium concordia refragatos diximus, quasi de eo, quod Rex nullis, ut illi falsò asseriebant, postulationibus, per eos nomine Equestris ordinis in Comitijs factis, & propositis annuere voluisset, conquesturi ad Palatinum solum iam cum suis asseclis illorum aduentum præstolantem se conferunt: simulque in frequentiam eius conuentus conspicati, nec se quidquam posse in eo statuere, eò demum audaciæ progressi sunt, ut vnus Senator, & pauci ex Equestri Ordine Senatus & ordinum omnium usurpato nomine, nouo exemplo edictum præscripserint, quo in primis omnia Comitiorum Acta sinistra interpretatione traduentes, quò maiorem Regi apud imperitam multitudinem inuidiam conciliarent, nihil in Comitijs legitimè actum, vi & armis oppressos Equestris Ordinis Nuntios, ac suffragia libera crepta, comminisciebantur. His rebus se permotos, & quòd præterea non leuibis coniecturis, ius liberè eligendi Regis periclitari, libertatesque vniuersæ Nobilitatis in dubium vocari compellerint, non aliâ ratione impendentibus malis obuiam iri posse existimauerint, quàm si omnes, qui Rempublicam saluam esse cupiunt, exemplo maiorum, non antea actâ modò ætate, sed nostris quoque, quotiescunque necessitas exposceret temporibus, usurpato, in vnum armati conueniant. Quare ad diem quartam Iunij Lublini Conuentum à se indici, omnesque Regni & magni Ducatus Lithuaniae tam Senatorij quàm Equestris status ordines eò inuitari. Rex cum hæc fieri animaduerneret, ut & ijs mederetur, & confictas in se criminationes amoliretur, simulque de imminentibus ab externis hostibus periculis ordines commonefaceret eorumque subsidium imploraret, ad diem tertiam Iunij particulares per omnes eorum Palatinatum, quorum Nuntij in Comitijs ad sciscendum tributum consentire noluerat, Districtus, conuentus edicit: simulque Senatores per literas monet, ut hos conuentus per se obeant, falsoque vulgatum de Actis Comitiorum opinionem diluant, accuratâ præterea totius Comitialis progressus descriptione per Nuntios suos, non per se stetisse, quominus ijs, quæ proponebantur satisfaceret, vel publica

Finis Comitiorum quæ
in.

Regni Cancellariatus
ad Matthiam
Pstroconium
Episcopum
Premislensem
delatus.

Procancellariatus
ad Stanislaum
Minski Palatinum
Lenciciensem à
Rege delatus;
& cæteri
Magistratus
vacui rursus
distributi.

Ij qui comitia disturba-
runt, Stazicâ
ad Palatinum
Cracouiensem
se conferunt,
falsos, Regis
actiones in-
terpretantur.

Palatinus
cum paucis ex
Equestri or-
dine omnes
ordines ad
quartum
diem Iunij
Lublinum
edicto conuo-
care ausus.

Falsa in Regem
criminationes.

Rex indicis
per Districtus
conuentibus
sparsas calum-
nias re-
fellit.

blica consilia optatum haberent exitum, edoceant; esse quosdam, qui præsenterum statu non contenti, priuata odia publico prætectu exercere iam dudum in animum induxerant: ab ijs pro libitu conuentus cogi, seditionem excitari, & pernicioso exemplo pacem publicam turbari. Quid tam absurdum, quàm Regem ideò vxorem accipere, vt Regnū prodat, filium Regio diademate insignire velle, vt hanc ipsam dignitatem ad alienos transferat? hæc tamen ab illis sibi inuicem planè contraria fingi, vt fucum faciant: petere Regiam Maiestatem ab ordinibus, ne eiusmodi commentitijs somnijs fidem habeant, quin potiùs hac tam insigni iniuriâ, quam Rex tot immeritò oneratus calumnijs patitur, commoti, temerarias aduersæ factionis actiones publicâ iudicij sui censurâ damnent: testari Regiam Maiestatem, se hoc inclytum Regnum habuisse semper, & demum habiturum carissimæ Patriæ loco, illius iura & prærogatiuas non modò conseruatas, sed auctas etiam esse velle; optare, vt se Imperium obtinente floreat, firmaque sit & locuples, opibus, copijs, & gloriâ vniuersa Respublica; tantum laudis & bonæ apud posteritatem nomini suo memoriæ accessurum, quantò maiora incrementa illa, se imperium obtinente, acceperit. Confidere vicissim Regiam Maiestatem, vniuersos ordines huic optimæ erga Rempublicam suæ voluntati fide Polonâ responsuros, atque vnanimi consensu ad ferendum Patriæ subsidium, præsentemque illius statum, & Regiæ Maiestatis Imperium tuendum, & contra quosuis illius osiores defendendum conspiraturos. Hæc quidem publicè certâ & non dubiâ causæ suæ fiducia à Rege proposita fuere: sed quàm parum illis profectum sit, ex vltiori horum motuum narratione patebit.



DE MOTV CIVILI

IN POLONIA.

LIBER SECVNDVS.



VM seditiosorum factio minimè pacatis consilijs contenta fore putaretur, ac turbulenti quique concitantur; Rex quoque suæ incolumitati prospiciendum ratus, Stanislauum Zolkieuium Castellatum Leopoliensem, exercitus campestem, vt vocant, Ducem ad se euocat. Is egregijs animi dotibus instructus, iuuenis adhuc Stephano Regi, non tam Ioannis Zamoscij, cui sanguinis necessitudine coniunctus erat, quàm virtutis & spectatæ indolis commendatione gratus acceptusque, per omnes militiae gradus, tantum sibi gloriæ pepererat, vt Zamoscius ipse in administratione bellorum, vicariâ ipsius potissimum operâ vteretur, dignumque iudicaret, qui in suum locum succederet. Habebat is vxoris Palatini Cracouiensis sororem in matrimonio, quæ ex affinitate contractâ necessitudo, ne eum Palatino obnoxium consiliorumque fautorem faceret, plerique suspicabantur, ambigebantque quo in Regem animo esset futurus: sed Rex ipsius virtuti confusus, accitum, & Varzauiam venientem honorificè excipit, suisque cum eo communicatis consilijs, quid in præsentis rerum statu agendum foret, deliberat. Ille lætus ex Regis de suâ fide opinione, prolixè operam suam defert, pollicetur se in primis cum Palatino acturum, ne quid ampliùs moliatur noui: quod si is suis consilijs parere noluerit, conatibus eius omni ope aduersaturum, Regique & Reipublicæ præsidio futurum. Multi præterea Russiæ Proceres, Regis moti periculo, ad ferendam illi & Reipublicæ opem sese accingebant; præcipuum istic robur militis, qui præsidij causâ Tartaris in finibus Regni oppositus excubabat: is in potestate Zolkieuij cùm esset, facilè in Regias partes concessit, magnumque rebus momentum addidit. Interea Lublinensis conuentus auctores, dimissis per vniuersum Regnum Nuntijs & literis, sollicitare homines, his spem præmiorum, illis metum ostentare: multo plura quam initio de Rege fingendo, simulatione imminentis periculi, ignaris terrorem incutere, id demum postremò agere, vt quàm maximo excitato tumultu, frequentem cum conuentum redderent. Primores eorum militarijs septi turmis, in omnem rei euentum intenti erant. auxerat numerum Castellanus Cracouiensis, qui etsi quo sensu in Rempublicam esset, non se satis explicaret, ac in Regias interdum, nonnunquàm in alterius factionis partes propendere videretur; totoque hoc

Rex incolumitati suæ prospecturus
Zolkieuium exercitus campestem
Præfectum ad se euocat.

Qui vir fuerat Zolkieuius.

Eius erga Regem animus.

Interim seditiosis auctores per totam Polonia Regnum contra Regem homines sollicitabant. Eorum Lublini conuentus. Ioannes Ostrogus Castellanus Cracouiensis sub tempore motus civilis ambigus.

*Ianussius Ra-
diuilius con-
uentus Lubli-
nensis Mare-
scalcus.*

*Stanislai
Stadnicij im-
pia & teme-
raria oratio.*

*qua sanioris
consilij.*

*Ea Zolkieuius
Regi signifi-
cat,*

*suadetq; ut
vel Craco-
uiam petat,
vel aliquo
munito loco se
continent.*

*Regis de ijs
rebus delibe-
ratio.*

*Varia Sena-
torum eâ de re
sententia.*

tumultu ita se gessit, ut neutra pars illi fideret, & nec Regiam gratiam, nec populi fauorem, dubijs eiusmodi actionibus mereretur; Lublini ta-
men popularem auram captans magnis stipatus copijs, quasi potentiâ
suâ nascentem factionem promoturus, consilijs seditiosorum se ingere-
bat. Venerat eò præterea Stanislaus Zolkieuius, iam tum Palatino ipsi
suspectus, quasi alienorum à suâ sententiâ consiliorum fautor: cæteri
item maxima pars Hæretici, quorum factio cum prævaleret, ex eorum
sententiâ, potestas regendi conuentus rogandarumque sententiarum
(Marescalcum vocant) ad Ioannem Radiuilium delata; qui & potentiâ,
& factionis studijs, primas partes tenebat. Palatinus veluti supremus
consiliorum arbiter & interpret, breui, nec satis explicato sermone, suæ
sententiæ copiam faciens, expectatione alti cuiusdam secreti, suspensos
hominum animos tenere volebat; ac cæteris mustantibus, nec quid sibi
conuentus ille vellet explicantibus, septimo demum eius die, aliorum ac
præcipuè Palatini, ut postea compertum est, instinctu, sub vesperam in
maximo hominum, magnâ ex parte temulentorum, tumultu, Stanislaus
Stadnicius petitiâ dicendi potestate, Regis inprimis nomen incestuoso
lacerat ore, impium, periurum appellat, nullo maledicto abstinere, re-
gno, quod pactis initis non steterit, eum excidisse denunciat: se dein-
ceps illius imperio non pariturum, profitetur. Hæc insolens furiosi ho-
minis oratio, seditiosis, & ipsi Palatino grata, ijs verò, qui nequaquam
eo animo venerant, ut præsentem Reipublicæ statum immutandum ar-
bitrarentur, noua, & minimè eo confessu digna visa est; sed applauden-
tibus armatis hominibus, qui Comitium circumsteterant, & incondito
sono dicta Stadnicij approbantibus, nemo vnus contradicere, vel ma-
ledicta refellere ausus; discessumque eo die è consilio, non dubio quid
noua factio moliretur, intellectu. Nam Zolkieuius dicta factaque Pa-
latini conferens, nec Stadnicium eò audaciæ progressurum fuisse, nisi
Palatini perspectum haberet sensum, coniectans, Regem celeri nuntio,
quorum consilia aduersariorum spectarent, certiore reddit: se in fa-
nando, & à perniciosis consilijs auocando Palatino operam perdidisse:
obstinatum illum in proposito id vnum spectare, ut Regem Regno spo-
liet, nunc in eo summam illorum esse consilij, ut vel Regem impari-
tum opprimant, vel aditu Cracouiæ excludant; suadere se Regiæ Maie-
stati, ut vel Cracouiam maximis itineribus petat, vel si id tutò fieri non
posse existimet, munito aliquo in loco subsistat, se interim militem &
præsidia quibus Regi opem ferret celeriter paraturum.

Erant Varſauix decem circiter Senatores, consultò à Rege eam ob
causam euocati, ne si quid improuisi accideret, omni ex parte impari-
tus esset: ad eos, cum de eo periculo Rex retulisset, pars illorum maior
cedendum, Prussiamque sibi fidam, & munitis oppidis tutam petendâ,
donec interim maiora subsidia pararentur; alij contrà hostium conati-
bus obuiam eundum; ac dum eorum nutant consilia, relictis omnibus
impe-

impedimentis, Cracoviam penetrandum suadebant. Rex in eo statu *Regij animi magnitudo.*
 nurantibus plerisque ac metu perterritis, ab animi magnitudine confi-
 lium mutuatus, nequaquam dignitati suæ convenire hostium minis *Rex Craco-
 viam petere
 consuevit.*
 tantoperè permoueri, vel signa timoris præ se ferre, respondit: proinde
 iturum Cracoviam solito comitatu, non existimare hostes eò audaciæ
 progressuros, ut iter suum impediant; quod si id facere conati fuerint,
 non de fore sibi rationes, quibus securitati suæ prospiciat: confidere se *Eius de egre-
 giâ Polonori-
 fide iudicium.*
 virtuti & fidei Polonæ, denique omnia potius perpersturum, quàm ut
 aliquid se & nomine suo indignum committat. Simul aulicum suum pe-
 ditatum ad iter faciendum expeditum esse, tormenta currulia ex arma-
 mentario depromere, aulæ vniuersæ comitatus ut in omnem euentum
 paratus sit iubet, itinera omnia & Istulæ traiectus exploratoribus implet, *Ad celandum
 hostem Regij
 consilij quid
 fuerit factu-
 rus.*
 ac ut hostem contraria profectioni suæ opinione distineret, naues ador-
 nari, & inanibus sarcinis onerari, tanquàm Gedanum, vel Torunium
 Istulâ nauigaturus mandat, nec profectionis suæ consilium, nisi duabus,
 antequam equum conscenderet horis, aperit. Quod ubi pronunciatum
 est, iterque apparari cœptum, videre erat plerosque varias, ne in eodem
 essent, in quo Rex versabatur, periculo, subterfugiendæ profectionis *Multi Regem
 deserunt. cō-
 pecto cum
 Cracoviam
 proficisci.*
 occasiones circumspectare; hic morbi simulatione uti, ille negotijs dis-
 tineri, alius tam arctum pronunciatum itineris tempus incusare, maxima
 pars temerè, ut illis videbatur, suscepti consilij Matthiam Pstroconium
 Regni Cancellarium eius suasorem maledictis incessere. Cōtrà alij egre- *illustre fa-
 ctum Hiero-
 nymus Go-
 slonsky Pala-
 tum Posna-
 mensis, in con-
 testando erga
 Regem ani-
 mo.*
 giâ in Regem fide, pro eius vitâ & dignitate omnibus periculis defungi
 volentes, ultro eius viæ comites sese offerebant; è quibus Hierony-
 mus Gostomski Palatinus Posnantiensis, quò sua in Regem esset te-
 statior voluntas, non seipsum modò exactâ iam ætate & valetudine im-
 peditum periculo obtulit, verùm uxorem etiam & filios secum duxit.
 Rex ipse toties denunciati periculi metu numquàm permotus, ac vanâ
 hostis terramenta, quæ partium fautores, quò Regem à proposito auo-
 carent, callidè vulgabant, eosque qui illis fidem habebant, palàm irri-
 dere solitus, eundem semper animi vigorem ac imperterriti vultus con-
 stantiam præferebat. In itinere Stephanus Potocki Felinensis Præfe-
 ctus, cum instructo comitatu Regem assequitur, Marescalcus verò Re- *Sigismundus
 Myscous
 Regni Ma-
 rescalcus cum
 quingentorum
 militum
 agmine ob-
 viam progre-
 ditur.*
 gni Myscous sexto à Cracoviâ milliari, Regi obuiam progressus, egre-
 giè sub signis instructos quingentos circiter equitum & peditum mili-
 tes, Regio comitatu adiecit. Octauo demum die solitis itinerum spa-
 tijs, & iisdem quibus semper uti consueuerat statuis, Rex Varfaviâ Cra-
 coviam venit; exceptus cum Bernardi Macieiovijs Cardinalis & Archie-
 piscopi Gnesnensis, Stanislai Minski Procancellarij, Sebastiani Lubo-
 mirski Castellani Voinicensis, Ioannis Comitæ Tenczynij aliorumque
 Procerum, tum præcipuè vniuersæ vrbis eximio quodam applausu, &
 insolita gratulatione. Pridiè quàm Rex eò venisset, præsidium trecento- *Quò Palati-
 nus Craco-
 viensis Regem
 prauentre co-
 natur, sed
 frustra.*
 rum & quinquaginta peditum, quod Palatinus in arce habebat, ad fa-

mam Regij aduentus inde exceſſerat : nam Palatinus aliquantò de Regis Varſavià profectione edoctus, quò Regem anteuerteter, atque Cracouiæ ingreſſu, quoad Reipublicæ adminiſtrata vniuerſis Regni ordinibus rationem redderet, prohiberet, iter eodem Lublino accelerabat; ſed certior factus ſe à Rege præuentum eſſe, ne ſuum illuc præſidium interciperetur, vt conſeſtim inde deduceretur imperauerat, ipſe ad Zanichoftum ſpe occupandæ Cracouiæ deiectus, ſubſtitit. Cæterùm priuſquàm ille Lublinenſis conuentus ſolueretur, decreuerunt ad Regem ſolennem legationem, ſtatuertuntque, vt niſi Rex ei pareret, ſubditi fide quâ Regi obſtricti ſunt ſoluerentur, atque generalis quidam & vniuerſalis conuentus, Rocos, petito ab Hungaris nomine, appellatus, ad diem ſextam Auguſti indiceretur, graui & minaci promulgato edicto, vt omnes quicunque nobilitatis prærogatiuâ gauderent, præſtò ad-eſſent; militem prætereà Palatinus, Radiuſus, Gorayſcius, Stadnicus Reipublicæ præſidio futuri ſcriberent: demum ea auctoritas poteſtaſq; erat futuro conuentui, vt eo durante, omnis cunctorum ordinariorum Magiſtratuum iuriſdictio ceſſaret, iuſtitium publicum eſſet, fora clauderentur, ſumma Reipublicæ in manu & arbitrio armatæ multitudinis Equeſtris ordinis conſiſteret: Rex & Senatus, ac vniuerſi Magiſtratus, geſtæ Reipublicæ conſiliorum & functionum ſuarum rationem in publico illo conſilio reddere tenerentur, laudem inde relaturi vel pœnam: qui eò non veniret, bonis conſiſcatis, iure & prærogatiuâ nobilitatis excideret.

Rocos nomen
vnde dictum.

Prudentiores
videbant
quam exitio-
ſus Reipublicæ
futurus erat
Conuentus
Lublinenſis.

Hæc dictu ſpecioſa, & imperitæ multitudini, quæ eâ ſeditione gaudet, & leui de cauſâ concitatur, grata erant: cæterùm prudentiores iam tum, quàm pernicioſo in Republicâ exemplo is conuentus cogeretur, diſpiciebant: omnes futuros ſine legitimo imperio, exleges & ſui quemque arbitrij: quòd ſi moderatio aliqua & forma politiæ in ſpeciem adhibeatur, eos primas partes, concitatae multitudinis ſeditioſis ſuffragijs habituros, qui apud vulgum ſeditionem ipſam ſint concitaturi. Egregios verò cenſores, & legum latores, ac totius Reipublicæ reformatores, qui non virtute, cuius æſtimatio non ita facilis eſt vt à quolibet diſcerni queat, lecti, ſed diſſonis vocibus adſciti, & alijs prælati, ex ſuâ libidine res ſint æſtimaturi; vix legitimo imperio diſciplinam retineri, nedum inter certamina ſeditionum, modetiæ, vel quidquam probi moris locum habere. Impellere multitudinem quò velis, non arduum; regere & retinere difficillimum: non fore in poteſtate Palatini, finem his rebus quem voluerit imponere, nec eo modo reformandæ Reipublicæ legitimam rationem iniri, ſed bellum ciuile apparari, cuius ille auctor & concitator, Regis deſertor, proditor Senatus, Patriæ hoſtis & perniciēs, & præſentis, vbi redditâ Reipublicæ luce actiones illius excuſſæ fuerint, & futuræ ætatis iudicio ſit auditurus. Hæc tum vario hominum ſermone agitata, exitus poſteà comprobauit. Scripſerat Rex vniuerſis Senato-
ribus,

ribus, ut cum tanti momenti Lublino ad se mitteretur legatio, quæ ad Reipublicæ statum pertineret, ad eam audiendam, & quid legatis respondendum foret, consilij copiam facturi ad diem trigesimam Iulij Cracoviam venirent, imminentemque tempestatem, collatis in vnum studiis auerterent, Regiæque & suæ dignitati consulerent, atque etiam securitati prospicerent. Pauci initio venire ad diem præstitutam, dataque legatis Lublinensis conuentus dicendi potestas, qui ex scripto ea quæ tibi commissa erant recitarunt. Continebat ea legatio eandem ferè, quas in Comitij à Nuntiis propositas fuisse supràmemorauimus, querimonias, sed acerbioribus concepta erat verbis, & mordacibus exiguo Regiæ dignitatis respectu referta sententijs. Postremò illud postulabatur, ut Rex vel in administratione Reipublicæ se errasse, vel consultò & temerariè, datæ fidei ac iurisiurandi obliuione, leges & libertates Regni violasse, ac pactis conuentis non stetisse fateretur, & vel culpæ vel errati veniam in conuentu illo Rocossiano, quò illum inuitabant deprecaretur, atque insuper Rempublicam metu omni, qui vel ab ijs qui maiorum contuliorum Regiæ Maiestati & absoluti Imperij duces & auctores sunt, imminet, liberaret. Huic tam superbæ denunciationi erant qui pari verborum acrimoniâ respondendum censerent; sed non expedire visum, satis per se exacerbatos, & omnia commouendi, Regemque sinistrè traducendi occasiones aucupantes, intempestiue irritare: itaque in eam fermè sententiam, Cancellario Regis nomine verba faciente responsum est. Præter omnem Regiæ Maiestatis expectationem, hos extra ordinem conuentus indictos, multaque quæ more & instituto maiorum in Comitij expediri deberent, ibi pertractari; Regemque prætereà immeritò in suspicionem vocari; paratum eum fuisse in præteritis Comitij Regni, Ordinum postulationibus satisfacere, seriò actum de eo fuisse, & nisi ij, qui eo consilio, ut Comitia dissoluerent, remque ad tumultum deducerent, publicam vniuersi Senatus & Nuntiorum cõcordiam, suo dissensu irritam fecerunt, obstitissent, omnia facillè conuentura fuisse. Nunc eò ventum, ut duobus iam actis conuenticulis, neque ijs quæ iactabantur suspicionibus declaratis, tertius insuper is, in quo ut Regiæ Maiestas postulationibus ordinum satisfaciat, & secum Senatum sistat, postulant, indiceretur. Non posse Regiam Maiestatem ad ea respondere, nec quidquam in re tam nouâ polliceri, nisi prius Senatu consulto, quem breui frequentem fore sperat: intereà hortari, ne temerarijs consilij Rempublicam in discrimen conijciant, modestiâ potius, quàm pertinaciâ quod velint impetraturos, daturam vicissim Regiam Maiestatem operam, ne quid in suo munere desideretur. Sic legati dimissi.

Sub idem tempus de Demetrio Moschorum Principe fraude subditorum caso, nostrisque istic partim interfectis, partim captis, literæ ad Regem allatæ sunt. Demetrius adepto Principatu minimè tantæ fortunæ capax, suam acerbæ & impotentis Dominationis vim exercuit; nam

Rex Senatores conuocat ad audiendam ad se missam legationem à conuentu Lublinensi.

Contenta eius legationis.

Ad ea Regum responsum.

Legatio Moschorum de Demetrio Moschorum Principe caso.

statim

*Moschis Po-
lonorum illic
aduentus in-
iussu & su-
spectus.*

*Suiscius Mo-
schus auctor
conspirationis
contra De-
metrium.*

*eiusdem exer-
citus cor-
rumpit.*

*Aduentus in
Moschouiam
magna Du-
cissa Palatin
Sendomirien-
sis filia;*

*Eiusdem in-
auguratio;*

*eiusdem
nuptia.*

statim parto imperio, cædibus illustres familias exhaurire, stupris domos polluere, sacra & profana priuatâ libidine interuvertere, ærario longâ Principum parsimoniâ corraso, & quasi sacro, auidas manus iniicere, ac publicis opibus superiorû Ducum victorijs partis, ex hostilibus copijs cumulatis, tanquàm alienis abuti: hæc hominē ignotæ stirpis, & è tenebris ad tantum fastigium progressum, dudum inuisum reddiderant. Polonorum demum aduentu, & tanto nuptiarum apparatu auctum ei odium apud Moschos, qui fueri antea nonnisi suæ gentis homines, vel rarò exterorum legatos conspiciere, ægrè ferebant nunc tot millia hominum adduci, patere cuncta hospitibus, vel veriùs hostibus suis; eos, ni maturè caueant, Moschorum nomine extincto, rerum potituros. Iam ipsa prædæ occasio, nostris nuptiali apparatu exornatis, inuitare videbatur auidos, & alienis opibus inhiantes, equos, phaleras, veltem sericam, aurum argentumque sibi despondentes. Id auctore potissimum Suiscio agebatur, qui primariâ familiâ ortus, hæreditario iure, & generis prærogatiuâ, sibi Principatum deberi cùm censeret, eum à tenebrione isto interceptum indignabatur: sed cùm palam quidquam attentare minimè auderet, quòd & plebs benigniùs à Demetrio culta, non facilè illum de fertura putaretur, & robur Polonorum, visque militaris, sæpiùs bellis experta terreret, clàm exercitum, qui proximè à Demetrio, noua imperia atque regnum ipsum Poloniae, non obscuris quorundam in eum studijs animo volente, magnâ curâ conscriptus, ad salutem eius iussu statua habebat, corrumpit. Polonos eo animo venisse vt Moschos opprimant, eorum nunc esse Vrbe in ipsâ aliquot millia, multò maiore numero Duce Chodkieuicio subsequi alios, opprimendos priores incautos, & nuptiarum celebritate temerè securos, priusquàm cæteri veniant; hæc in Polonos tantum apparari simulat; de Demetrio consultò nulla facta mentio. Apparabantur interim nuptiæ, ac sponsa splendido comitatu cum Regijs oratoribus urbem ingressa, nec minori pompâ, ac ficto Procerum applausu excepta, in Monasterio, vbi ea quæ mater Principis esse putabatur manebat, deponitur, tempus inaugurationi futuræ assignatum ibi præstolatura. Vbi dies, quæ fuit feria quinta magna, quam sibi Demetrius aliquot euentis felicem erat expertus, illuxit, sponsa eo quo Moschouiticæ matrone Principes vtuntur, more inducta, Regio cultu gemmis onerata magis quàm ornata, ad templum deducitur, ibique ritu Græcorum sacris peractis, ab Episcopo qui Patriarchæ nomen, nouâ, vt aiunt, Constantinopoli Patriarchæ concessione, sibi usurpat, inaugurata, & Ducalibus insignijs exornata, futura Principis coniux & Imperij consors, populo applaudente & fidem suam ei obstringente, declaratur: passimque in vulgus aurei & argentei nummi, liberalitatis & magnificentiæ testandæ causâ, iussu Principis iactati. Postridie demum solennia nuptiarum, sponsis inuicem fidem matrimonij iuramento firmatam sibi dantibus acta, Moschis, quòd ea dies memoriæ mortis Seruatoris

uatoris nostri dicata, religiosius cum omnium Christianorum, tum potissimum Moschorum observatione transigi soleat, intempestiuam lætitiæ solennitatem abominantibus. Sed Princeps innatâ superbiâ rebus tum ad votum succedentibus elatus, in ipso temulenti conuiuij strepitu, quod Alexander Gazlicus Regis legatus, Cæsareo nomine eum compellare recusauerit, non in illum modò præsentem, sed in Regem ipsum, à quo in Polonia liberaliter fuerat exceptus, eoquæ & conuiuente & fauente tantum Imperium adeptus, sermone procaci inuectus, bello se eam iniuriam vindicaturum minatus, in tantum efferbuerat, ut nisi Palatini Sendomiriensis interuentu mitigatus fuisset, violentas legato manus admoturus videretur. Cæterum Polonorum studia affectans, simulatâ comitate eos sibi conciliare volebat, appellando benigne, atque depositâ Principis personâ, familiariter cum illis conuersando, idque potissimum extremo infauitæ istius lætitiæ die: quos solennibus epulis instructo conuiuij, mensæ adhibitos, posteaquàm vino incaluisse videt, mutuis ad compotandum inuitationibus, hilarem & iucundum se exhibens, commilitones, contubernales, suæ fortunæ socios appellabat, illorum operâ se deinceps vsurum dictitans: hæc & id genus vulgo militum grata, dubios interdum de Rege interserens sermones, iactabat. Destinatum erat iam tum Moschis cædem meditatam perficere, sed noctem à nostris conuiuij causâ peruigilem actam, suspectam habentes, in posterum diem destinata distulerunt; erant qui Palatino insidias strui denunciarent, certaque eius rei indicia proferrent: verum ille fatali socordia hæc contemnens, eosque qui hæc deferebant, tanquàm temerè pauidos increpans, nihil tale euenturum affirmabat. Ecce verò altero die, instructis paratisque rebus omnibus, signo maioris æris campani, quod ingentis tumultus est indicium, sole oriente dato, præcipui cum armatis cohortibus arcem, nequicquam satellitibus qui custodiam causâ excubabant, resistentibus, irrumpunt, fores Palatij Principalis cubiculi effringunt, Demetrium tumultu excitatum ad Bosmanum fidum sibi, qui proximè cubabat, progressum, sed illo iam cæso, in se impetum fieri conspicientem, nec amplius vxori, nisi se quidem fraude proditum esse, illam tamen citra periculum fore prolocutum, rapiunt, ac è superiori loco fenestrâ deiectum, contumeliosè tractatum, ante fores domus, in quâ Palatinus erat (quam veriti ne ea à populo inuaderetur, principalesque thesauri, qui curribus impositi in Poloniam mittebantur, discerperentur, militari custodia initio tumultus sepsierant) protrahunt, ibique, quò conspectior mors foret, obtruncant. Plebs vniuersa, tanquàm Principem, quem à Polonis inuadi coniurati conclamabant, defensura in eorum hospitia impetum facit, fit vndique atrox cædes, & plurima mortis imago. Dux Visneuecius vir militaris, cum se peti videret, cohortatus suos vltro prorumpit, ingenti quæ edita strage, Moschos reiiicit, iterumque inuadere volentes, pari felicitate ita profligat, & in

Demetrii Moschonia Duci fastus, quem Alexander Gazlicus Cæsareo nomine appellare abnuunt.

Demetrius studia Polonorum amittit.

in Sigismundum III. Regem Polonia ingratus.

Demetrium fictum Moschonia Duce obtruncant Moschi.

inter Polonos & Moschos atrox vtriusque cædes.

Visneuecij in illo tumultu, & Polonorum virtus.

fu-

*Proceres
Moschos sedare
conantur
tumultum.*

*iurandi ritus
Moschos.*

*Palatinus
Sendomirien-
sis cum Mo-
schis transe-
git.*

*Poloni vtrâ
ibidem custo-
diâ circum-
diti: Suscius
Magnus Mo-
schouse Dux
declaratus.
Rocossianos
cum Deme-
trio de tra-
dendo illi
regno tractas-
se fama erat.
à Demetrio
summa cen-
tum millium
florenorum
Stadnicio Re-
gis oppugna-
tori destina-
ta, sed à Mo-
schis intercep-
ta.*

*Placuit mitti
primarios Se-
natores ad
Rocossianos.*

fugam vertit, vt deinceps propiùs accedere ausi non fuerint: non absimili quoque audaciâ ceteri in sui defensionem prorumpunt, cædeque ingenti editâ, vt ipsi quoque non inulti caderent, efficiebant. Cæso demum Demetrio, Proceres ad sedâdum tumultû, quem mutuâ vtriusque gentis pernicië fieri videbant, conuersi, imprimis Galicinus primarius Senator, Palatinum clarâ voce compellans, vt certos homines qui de pace cum Proceribus agerent mitteret, monet, simulque impostorem dedisse pœnas significat occisumque demonstrat, ac exosculatâ cruce (isiurandi apud Moschos ritus) fide datâ firmat. Palatinus circumspectis ijs rebus omnibus, se in angustis videns, & spem omnem, nisi quam hostis daret, salutis præcisam, acceptis datisque obsidibus, cætera, vt in tali casu, magis ex hostium, quàm suo arbitrio componit. Nostri hospitij datis custodibus coërcentur, Suscius tumultuarijs coniuratorum suffragijs Princeps declaratur. Hæc cum in Poloniam nunciata essent, nemo erat qui non vicem cæsorû captorumque istic doleret, multis cognatos affinesque suos desiderantibus. Constans eo tempore fama erat, nonnullos è factione Rocossianâ promissis Demetrii inescatos, clàm cum eo de tradendo illi Regno consilia iniuisse, atque de Lublinensis conuentus euentu, impendentiumque motuum successu, celeriter per dispositos equos misso nuntio, certiorum eum reddidisse: verumne id fuerit, affirmare non ausim; minimè tamen ea quæ tum in ore populi erant, silentio præterire debui: hoc tamen constat impostorem illum, ingentem pecuniæ summam certis hominibus (ac inter alios Stadnicio acerrimo Regis oppugnatore) centum millia florenorum ex thesauro depromptam mittendam destinasse, iamque curribus impositam vt in Poloniam veheretur, per Moschos, eo demum interfecto, interceptam esse.

Deliberabat intercâ Rex Cracouiæ cum Senatoribus qui frequentes venerant, quid in tali totius Regni perturbatione facto opus esset: mitti itaque placuit Regis nomine primarios è Senatu, mitibus cum mandatis, atque in illo conuentu palàm declarandum, Regem in eo semper fuisse, vt & conditionibus, quibus sibi hoc Regnum delatum est, satisfaceret, & iura Regni secundum datam à se fidem conseruaret, actueretur; si quid præterea desideraretur, non alienam fore Regiam Maiestatem ab ineundis eiusmodi rationibus quibus Reipublicæ satisfiat: modò more maiorum & non per tumultum id sibi proponatur, ostendendum postremò nihil minùs Regem, quàm de deferendo hoc Regno, vel (quod absit) prodendo cogitare. Delecti qui legationis munere fungerentur, Petrus Tylicki Episcopus Cracouiensis, Stanislaus Minski Regni Pro-cancellarius, hi ambo Palatino, quod in continuâ eius essent amicitia nō ingrati futuri, ac proinde fidem & auctoritatem habituri, multumque priuatis etiam admonitionibus effecturi credebantur. Rocossianæ factionis duces, maturè locum futuro conuentui designatum, armatis hominibus occuparunt; ceteri nouarum rerum studio, plures incerti quâ de cau-

sâ euocati, vnum illud, ne si non comparerent, graui poenâ multarentur veriti, nec quid vel à quo iuberentur gnari, certatim se accingebant: is certè erat rerum status, vt vnus in aliquo districtu seditiosus & audax, cæteros quantumuis pacatos, quocumque vellet, traheret: videre erat senio confectos patresfamilias, & longo otio desides, lægnem & bellorum oblitam Nobilitatē, arma expedire, mercari equos, & velut hostis adesset, in prælum accingi, bellico apparatu cuncta itrepere: pauci admodum, non modestiæ modò memores, ac præsentis rerum statu cōtenti, verum etiam toto negotio diligenter expensò, se vnus Senatoris, & paucorum seditiosorum edictis cogi non posse, nec debere considerantes, domi rei familiaris curâ occupati, alienæ vel insanix, vel stultitiæ spectatores esse, quàm focij maluerunt, nec se istis motibus immiscuerunt.

*Ex nobilitate
prudentiores
illis motibus
non se immiscuere.*

E. Senatu præcipui quique magnum Equestris Ordinis numerum secum adducentes, Cracouiæ Regi præstò fuere: sed præcipuè Russiæ Proceres Regiarum partium robur, frequentibus bellis assueta armis Nobilitas, equis virisque insignes, ac numerofo comitatu, vt soliti, Regi operam suam deferebant. Stanislaus Zolkieuius Regis & Senatus mandato, militem, qui Regi præsidio esset adducere iussus, atque cum his, qui suâ sponte in gratiam Regis nomina dabant, coniunctis viribus iusto exercitu versus Visliciam progrediebatur, quò Rex copias omnes coire iussit, quòd oppidum illud medio Sendomiriam inter & Cracouiam, & naturâ munito, vastas & imperuias paludes, Nidâ flumine circumfundente loco, fertili ac vberi solo situm, & ad conferenda cum aduersâ factione consilia, rationesque concordix proponendas, ob propinquitatem percommodum, & ad hostes arcendos, si, quod initio se facturos superbis denuntiationibus ostenderant, vim attentarent, & arma versus Cracouiam promouere vellent, valdè opportunum esset.

*Præcipui è
Senatu Regi
adducti erant.*

*sed maximo
subsidio fuere
Russiæ Proceres.*

*Stanislaus
Zolkieuius
exercituum
Dux Cracouie
militem è
Russiæ finibus
præsidio Regi
ducit.*

Vislicia situs.

Igitur tertio Idus Augusti Reginâ vxore & filio cum iusto præsidio Cracouiæ relictis, Rex cum tribus circiter equitum & peditum millibus, ac magno Senatorum, Nobilitatisque numero, versus Visliciam mouit, ac biduo in itinere moratus, tertijs castris Visliciam peruenit: quò paucis post diebus Russiæ quoque copix, septem millia magnâ ex parte equitum hastatorum, veteranorumque cohortium superuenire. Erat is exercitus, si cum Rocossianorum multitudine conferretur, quorum ad centum millia armatorum fuisse perhibentur, longè numero impar, sed Rocossiani, præterquàm quòd non satis ipsimet concordēs, ac in factiones diuisi, cæteri etiam temerè istic congregati, ipsâ mole ad regendum inhabiles, parumque bello vtiles, numerus magis, quàm exercitus censerì poterant.

*Rex Visliciam
versus mouet.*

*Veteranus
exercitus
quantus.*

*Rocossianorum
multitudo ingens, sed ad
regendum
inhabiles.*

Regij Duces consentientibus in vnum voluntatibus tumultuantem licet, & seditiōi, vt in bellis ciuilibus fieri solet, obnoxium, & partium studijs infectum militem, sed ab vno imperia accipientem facillè in officio continebant, ac quocumque ducere velent, paratum expeditumque exercitum habebant. Non immeritò pupig

*Rocossiani
Zolkieuium à
deductione
milis à
Russia de-
hortantur.*

*idem deter-
rent militem
à defensione
causa Regia.*

*rationem fa-
ci sui reddit
Zolkieuius.*

*idem facit
exercitus.*

*Quis successus
legationis
Regia ad Ro-
cossianos.*

pugit Rocossianos, hoc tam insigne potentiae Regiae praesidij militaris ro-
bur; igitur & Zolkieuius imprimis persuadere conati sunt, ne militem
Reipublicae stipendio auctoratum, qui finibus Regni praesidio esset, in
viscera Regni adduceret, secus facturum eum contra officium & iura-
mentum, meminerit quod onus sustinet, in quo si quid erratum esset, vel
Respublica detrimentum acciperet, rationem ei esse reddendam: pari
modo milites ne se negotijs publicis immiscerent, ne causam commu-
nem, quae tuendarum & propugnandarum legum & libertatum studio
suscepta est, oppugnatum irent, acriter hortati sunt. Hæc tum illi; obli-
ti nimirum à se primò armorum initium esse factum, scriptum militem, le-
ctos belli Duces, usurpataque publica munia, eorum plerosque pereгри-
no Hungarorum satellitio septos, rerum & consiliorum summam sibi
vindicasse. Hoc idem in eos retorquens Zolkieuius, se officij sui, in quo
hactenus ita in Republica versatus esset, ut laudem & commendationem
omnium iudicio mereretur, memorem esse respondit, nemini amore &
boni publici studio cedere velle, pro patria mortem oppetere paratum
esse: quidquid ad integritatem legum, & libertatum conservandarum
pertineret, se libenter facturum; idcirco se cum alijs Russiae Senatoribus
& flore Nobilitatis huc venisse. Exercitum qui idcirco adductum affir-
mant, ut alienae pertinaciae inseruiat, & ad opprimendam Nobilitatem
eo utatur, eos insignem iniuriam suae famae & existimationi, præter vllum
suum meritum, inferre: officij sui functionem, ex auctoritate Regis, &
Senatus dependere; hinc cum videret externum militem intra Regnum
sub signis esse, non longè à finibus alios exercitus vicinorum suspectae
erga nos fidei versari, hortantibus, idemque suadentibus vniuersae Rus-
siae ordinibus, se parere debuisse. Iuramenta à belli Ducibus, quibus
sponderent, se milite in Republica negotijs non viros, interregni tan-
tum tempore bis terque exacta: aliam praesentis temporis esse rationem,
se nullo iuramento obligatum esse, nec prohiberi posse, quin Republicae
quocumque eius periculum vocat, iubente Rege & Senatu, praesidio
sit: non commissurum ut factum suum merito culpae possint: darent
illi vicissim operam, ne quo praecipiti consilio communem Patriam in
discrimen coniiciant. In eam ferè quoque sententiam nomine exerci-
tus Regij responsum datum, adiectumque immerito se in eam suspi-
cionem adduci, tanquam opprimendae Nobilitatis causam huc venissent,
bellis contra Patriae Christianique nominis hostes (quos non ita pridem
praecleara victoriâ Regiae Maiestatis auspicijs fuderant) assuetos, huc
venturos non fuisse, nisi publico Regis & Patriae periculo commoue-
rentur, his se deesse non potuisse: cæterum nihil à se nisi pacatum expe-

standum.

Interea legati Regij postquam ea quae nomine Regis erant iussi
proponere, in consessu Conuentus Rocossiani exposuissent, etsi

res

res omnes, totaque ferme Nobilitas, factionum studiis non infecta, acceptanda ea quæ offerebantur, conditionesque concordia non respue-
das, deque eo cum Rege & Senatu agendum censeret; primores tamen nequaquam ex dignitate tanti conuentus, cuius maiestas supra Regiam esset, id fore existimantes, si Rex denuntiationibus auctoritate Lublinensis conuentus factis, & legationibus elusis, præsens ipse eò non veniret, & cunctis quæ ab eo postulantur non satisfaceret, seque & Senatum dimisso exercitu, iudicio & arbitrio vniuersæ Nobilitatis non permitteret. In eam itaque sententiam, legatis Regis post multas disceptationes (contemptis eorum monitis priuatique, quibus Palatinum ad pacatiora consilia traducere conabantur, cohortationibus) demum decimoquinto Calendas Septembris responsum datum, illudque præterea additum, ut nisi Rex ablegato exercitu, vnâ cum Senatu quintum intra diem illis ea, quæ Lublinensis conuentus nomine illi proposita sunt, re ipsâ expleturus comparuerit, se, eo absente, ea consilia quæ præsens Reipublicæ status requirit, amplexuros. Expeditis ita Regis legatis, quò Nobilitatem vniuersam (quam videbant diu vno in loco detineri non posse) suis consiliis obnoxiam facerent; concipiunt quandam sponsonis formulam (confederationem vocant) quâ ad exemplum cum aliarum, tum potissimum Varsauiensis Anno Millelmo quingentesimo septuagesimo tertio (quâ libertas religionis sancita est) in interregno factæ, cuncti obstringerentur, se ea quæ in illo conuentu proposita essent, & ad firmandas Patrias leges & libertates augendas, erroresque in administratione Reipublicæ corrigendos, pertinerent; constanter promoturos, in eoque qui diuersum sentirent, & eius conuentus auctoritati quoquo modo derogare, vel alios ab eo auocare vellent, licet sanguine & amicitia iuncti essent, ex præscripto legum animaduersuros. In eam cum passim nomina daret Nobilitas, cautiore plerique ita demum eâ se teneri velle subscribebant, ut saluo præsentis rerum statu, Regisque imperio, ea rata esset. Quorum exemplum alij secuti, (præter eos qui rerum nouarum studio tenebantur) cum conceptam formulam subscriberent, eandem adijciebant subscriptionem; quæ cum à Radiuilio & Stadnicio, missante Palatino, non admitteretur, passimque eâ re offensa Nobilitas dilabebatur, postremò, casu an studio, accidit ut vno die armatis & instructis exercitibus, circumfuso Comitio, siue quod reuera ij qui primas potentia partes tenebant, parum mutuo sibi fiderent, siue ut metum cæteris qui eorum expertes erant consilij incuterent, tantus repente tumultus exoriretur, ut cunctis ad arma conclamantibus parum abfuerit, quin facto aliquo cædis initio, flos ipse Nobilitatis, innoxia temeritatis alienâ culpâ contractæ, pœnas sanguine exoluerit. Certatim postea diurnæ expectationis perosa Nobilitas vrgebat Palatinum, ut ea, quæ secretò com-
perta habebat, proferret: ille ut semper ancipiti vsus sermone, postea-
quam delatum ad se exercituum Rocossianorum Imperatoris munus

*Responsum
Legatus Regis
à Rocossianis.*

*Quâ ratione
auctores mo-
tus Rocossiani
Nobilitatem
suis consiliis
obnoxiam
facere nitun-
tur.*

*Tumultus in-
ter Rocossia-
nos.*

*Nobilitas
vrget Palati-
num ut quid-
quid sciret
contra Regem
proferret.*

*Responsum
ad hac Pa-
latini.*

*instat acrius
Nobilitas Pa-
latino:*

*qua dilabi
capit.*

*Rex quo Ro-
cosianorum
pertinaciam
sanaret, cau-
sam suam ar-
bitrio Sena-
tus & Eque-
stris ordinis
permisit.*

maius esse, quàm ut ab vno sustineri posset, ostendisset; Eò, inquit, il-
lud grauius est, quantò magis nos mutuà discordia laboramus, incerti
an omnes qui nobiscum sunt, idem sentiant. Me vnum passim inuidiæ
obijciunt, tamquàm pollicitus fuerim ultra ea, quæ ad Stæzicâ & Lublini
in lucem protuli, aliquid secretius aperire, & Regiam Maiestatem accusare:
nego à me tale quidquã promissum fuisse, eorumque qui tum mecum fue-
runt, memoriam appello. Quidquid à me fides Senatoria postulabat, nò
modò cum fortunarum mearum, sed vitæ meæ, liberorumque meorum peri-
culo præstiti, nec Regiæ gratiæ, quã me floruisse nemo ignorat, rationem
habui, modò bono publico cõsulerem. Quorsum hæc igitur de non mu-
tando Rege nonnullorum declaratio, cum ego quoque dudum de eâ resen-
sum meum aperuerim? Sed si Regis imperio contenti sunt, quare ut ea quæ
cõperta habeo proferam, vrgent? quando verò id à me postulant, eo ipso
veram præsentis imperij mutationem flagitare videntur. Ego in hoc puncto
honoris mei causâ subsisto, quòd si plura exprimere voluerint, & mentem
suam candidè mihi patefecerint, nec cetera silebo. Eâ ratione id efficere
volebat, ut si vniuersi se eius cõsilia secuturos, & in eius potestate futuros
pollicerentur, tum demum secretum illud, cuius anxiam expectatione tam diu
hominum animos suspensos tenebat, esset reuelaturus. Non fefellit cantos
hæc tam anceps & dubia illius declaratio, cum passim omnes dicerent, ni-
mirum illum velle, ut Regis vel amouendi, vel retinendi suum esset arbitrium,
idque consensu omnium ad se deferretur. Cur enim quidquid illud est in
medium non proferret? facilius omnes, quàm illum unum iudicatu-
ros, an Rex tanto se crimine obstrinxerit, ut Regno amouendus videretur: nunc id
eum postulare, ut de incerto factò prius iudiciu fiat, quàm quale illud sit,
vel an omnino sit, ostendatur. Rexque optimus indictam causam tumultuantis
populi acclamationibus Regno priuetur. Quare eiusmodi parum sincere
Palatini progressibus magnam ex parte offensi dilabi cõpère: quod cum
à Rocossianis esset animaduersum, veriti ne nullam eius conuentus è
tantam quæ initio erat multitudine speciem retinerent, certos ex omnibus
Palatinatibus homines, quos suorum consiliorum fautores existimabant,
legendos curarunt, qui finem conuentus præstolarentur, atque absen-
tium nomine publica negotia tractarent.

Rex postquam suos legatos nullo certo dato responso dimissos esse,
atque aduersarios temerè in proposito perstare, sui que conuentus igno-
tam hætenus maiestatem ambitiosè asserere, & nec Senatus iudicio sta-
re, nec vllas concordie propositas rationes amplecti velle intellexit, re-
cum Senatu communicatâ, eò descendendum sibi putauit, ut se totumque
controuersum hoc negotium iudicio Senatus & Equestris ordinis, qui
frequens Vislicie erat, permetteret. Igitur initio consultationis factò, at-
que ijs, quæ vel inuidiæ Regi conciliandæ causâ passim iactabantur, vel
quæ reuerà aliquam moderationem & correctionem indigere videbantur, pro-
positis, mutuisque deliberationibus pertractatis, cum multa salutaria de-
creta

creta facta essent, quibus ipsimet aduersarij acquieturi existimabantur, Rex per literas, Ordines ipsi per Ioannem Grzymultowski Castellanum Bidgostiensē, & Stanislaum Zaliwski Capitaneum Varsauiensē legatos suos Rocossianis hoc ipsum significarunt. A quibus postulabatur, ut si bonâ fide salutem Reipublicæ curandam susciperent, suis quoque consilijs locum darent. se in frequenti Senatus & Equestris Ordinis consessu de eisdem quæ istic proposita sunt, & quæ præsens rerum status exposcit, negotijs consultaturos: scirent sibi quoque salutem Patriæ curæ esse, nec minori conservandarum & augendarum libertatum & iurium quàm illos studio teneri. in eo esse Regiam Maiestatem, ut votis & desiderijs Ordinum clementer annuere non recuset: quare non debere illos aspernari, & optimam Regis voluntatem & suum in communi causâ studium, nec à conferendis mutuis studijs abhorre: se quantò Regiam Maiestatem, & ad pacificandum Regnum, & ad augendas propagandasque libertates, promissorem facilioremque experiuntur, tantò constantius more maiorum in fide illius permanuros. Non poterant apertè Rocossiani id, quod tam prolixè deferrebat aspernari; & quamquàm non esse legitimum illum Visliciensē conuentum contendere, multisque conuicijs nonnullos è Senatu, tectis quidem nominibus, sed ita, ut quos designarent facillè appareret, lacefferent, ceterosque qui quamvis culpæ ipsi expertes essent, cum eis tamen consiliorum societatem haberent, grauiter & acerbè incularent, se tamen expectaturos quid istic constitutur, nec antè ultimam manum suis consultationibus imposituros receperunt. Vislicia, ut inter eos qui priuatis non dissociantur, accidere solet, facillè de omnibus conuenit, Rege sponte Reipublicæ causâ omnia concedente: illud tamen cauebatur, ut cum eiusmodi extraordinarij conuentus, malo & antehac inusitato exemplo coacti sint, scita quoque eorum non prius auctoritatem & vim legum haberent, quàm ea Comitiorum placito rata esse iuberentur. Inter profanum sacrumque ordinem diu disputatum, cum is quædam in derogationem iuris sui inducta quereretur: postremò ne id ipsum publicæ concordie obstaret, concessis nonnullis vel alij tempori reseruat, profitentibus palam Episcopis, se ea tantum probare in quæ sacris legibus consentire non prohiberentur, finis controuersie impositus est. Postquàm verò scita Visliciensia Regia auctoritate approbata sunt, non antè vulgari ea placuit, quàm secundum quod per legatos promissum erat, Rocossianis exhiberentur: si fortè ij perspecto Regis candore, illis quoque acquiescerent. Quare datum est negotium Henrico Firley Regni Referendario, hæc ipsa scita nomine Visliciensis conuentus deferendi ad Rocossianos: à quibus cum proximi legati, mordaci cū responso, quo & Acta conuentus Visliciensis, & personæ priuata exagitabatur, dimissi fuissent, atque Coricinius spectatè indolis iuuenis Secretarius Regis, nomine Regio cū literis cō profectus, in cōfessu illo sibilis exceptus, &

*Id Senatores
& nobilitatem
Regiarum
partium Rocossianis significat, & ut
consilijs suis
acquiescant,
petunt.*

*Rocossiani
promittunt se
expectaturos,
quid in Visli-
ciensi conuen-
tu constitua-
tur.*

*Vislicia facillè
de omnibus
inter partes
conueniunt.*

*ceterum ne
Ecclesiæ iuri-
bus quid pra-
iudicaretur,
Episcopi pra-
cauent.*

*Hæc quæ
Vislicia con-
stituta fuere,
per Henricum
Firley Regni
Referendariū
Rocossianos
significantur.*

penè ludibrio habitus fuisset : iussus idem ex præscripto datæ legationis eo nomine istic queri, atque rei indignitatem explicare, vicissimque præsentis in Republicâ motus culpâ, quam plerisque Senatoribus illi imputabant, in eius auctores & tanti tumultus nouo exemplo excitati inuentores, retorquere: atque ostendere, hæc quæ illi immeritò obijciunt, seque apud ignaros iactant, multò luculentius illis libertatis egregijs (si Superis placet) assertoribus posse obijci, nisi maior publicæ tranquillitatis, & fraterni amoris, quàm priuatorum affectuum ratio haberetur; melius itaque eos facturos & Reipublicæ consulturos, si depositis odijs, pereunti Patriæ consentientibus secū (quos pari atque eodem boni publici studio teneri, atque amore Patriæ nemini concedere velle dubitari non potest) animis opem ferrent. Internis quidem periculis, satis his, quæ concordie omnium consensu decretæ à se sunt sanctionibus, caueri, mutuumque inter Regem & subditos amorem, sublatis vanis suspicionibus stabiliri, cætera commodiori tempore reseruanda, nec de fore occasionem aliorum defectuum, quibus in præsentia prouideri non potest, sarcindorum. Daturam locum semper Regiam Maiestatem postulationibus ordinum, atque etiam eius rei causâ Regni Comitia maturius solito indicturam: in quibus (modò ne ea illi infecta reddere, & auctoritati publicæ, quemadmodum proximè factum est, derogare velint) faciliè, si more maiorum publica tractentur consilia, quassatæ Reipublicæ vulnera, adhibitis remedijs sanari poterunt: orare, obtestari per communis Patriæ amorem, mutuaque vincula, ne hanc Regis propensam erga vniuersam Rempublicam voluntatem, optimumque animum aspernari velint: redderent Patriæ optatam pacem, exercitus plerumque externis hominibus nomini Polono parum amicis constantes dimitterent: ipsi pacatè domi tempus Comitiorum præstolarentur. Denuntiare postremò, si propositis à se concordie & pacis rationibus acquiescere noluerint, præsentem Reipublicæ statum conuellere temerarijs conatibus, Patriam in discrimen conijcere, conditionibus grauioribus (non alio fine, nisi vt supremam auctoritatem deprimant) Regiam Maiestatem onerare, iura Imperij sibi in alios vsurpare, exercitum augere, tributa imperare, legatos externos excipere, & cum eis pacta inire, leges & decreta citra aliorum assensum ferre non destiterint, se sibi & Reipublicæ non defuturos, pro Rege, pro Patriâ, Patrijsque legibus, maximos licet seditiosorum exercitus non reformidaturos, verùm fortunas, vitam & sanguinem profusuros; legatus nisi intra quartum diem expeditus fuerit, ea consilia suscepturos, vt Reipublicæ in hoc præsentis eius statu prospiciatur. Satis apparebat Rocosianos hac contestatione commotos, & eâ spe, quam initio conceperat, Regios nec constanter in proposito mansuros, nec certam aliquam expediendorum consiliorum rationem reperturos, deiectos; paucis igitur respondent, atque omnem tam seueræ ad se missæ legationis culpam, absoluti imperij auctoribus adscribunt; eos quò meritas poenas effugiant,

vira

*Responsum
ad ea Ro-
cosianorum.*

vim spectare, ut mutuis eadibus absumptâ Nobilitate, ipsi rerum potiantur. De sanctionibus Vislicientibus, cum ij tantum dilapsâ ad præsens obeundorum priuatorum conuentuum causâ Nobilitate, conuentui intersint, quibus suprema eius directio commissâ est, se iudicium ferre non posse, tum demum id facturos, cum rursus omnes (quod sub finem conuentus Rocossiani futurum sperant) redierint. Mittere interim legatos suos, qui vniuersalis huius conuentus decreta Regiæ Maiestati proponant. Eo cum responso cum Firleius rediisset, omnesque aduersæ factionis conatus aliò spectare docuisset, quò in omnem futuri casus eventum, ij qui Vislicia erant parati essent, atque & Regis dignitati, & Patriæ saluti prospicerent, vnanimi omnium consensu, mutuâ se fide obstrinxerunt, publiceque proposito scripto, longâ narratione omnium ab initio Rocossianæ sectæ perniciosorum in Republicâ progressuum præmissâ, professi sunt, fidem honoremque suum obstringentes, se mutuò sibi non defuturos: atque ad asserendam Patriæ tranquillitatem Serenissimi Regis imperium, maiestatem & honorem (legibus, immunitatibus, atque iurisdictionibus quibusvis minimè derogando) omnes vires & conatus impensuros: hostium numero eos qui quocumque prætextu, noui quidpiam moliri, & perniciose inire contilia ausi fuerint, nullo sanguinis vel amicitia respectu habituros, atque ut ij, nisi à Regiâ Maiestate postremò moniti paruerint, tanquàm perduelles & hostes Patriæ, supremâ Regiæ Maiestatis & omnium iurisdictionum auctoritate, pœnis legum, quibus se obnoxios reddiderunt, afficiantur, effecturos. Vetus fuit in Poloniâ mos, foedere contra turbulentos ac seditiosos ciues se obstringendi, ut quos leges & Magistratus legitimi coercere non possint, eos armatæ multitudinis consensus in officio retineat, & effrenatam licentiam extraordinariæ potestatis vi circumscriptam, & in ordinem redactam, legibus parere cogat. Id tum quoque petitis ex veterum monumentis exemplis usurpare placuit: longè quidem diuersum ab eo, quod à Rocossianis initum erat, foedere; nam illud contra Regem & Senatum factum coniuratio potius paucorum machinatione cæteris in errorem inductis, & quam ob causam illud fieret, magnâ ex parte ignaris, dici poterat; hoc legibus & exemplis fundatum, & status præsentis tuendi causâ fuisse sancitum nemo in dubium vocare poterat.

Venerant interea Rocossiani legati Visliciam, quibus cum dicendi in Senatu potestas facta esset, questi à Rege tam diu spes suas frustratas, nec veteres modò iniurias diu desideratâ & flagitatâ satisfactione non abolitas, sed nouis insuper exacerbatos subditorum animos, milite Regio in viscera Regni immisso, & prædas ex bonis eorum, qui consilia publica promouent, agente: patere iam sibi viam, si summo iure uti velint, ad renunciandum Regiæ obedientia, sed nondum eò descendere, quin etiam fidem & obedientiam constanter præstituros, si Regia Maiestas ea quæ in conuentu Rocossiano sancita sunt rata habuerit, quæque postulantur,

Senatores & Nobilissimos sa-
niorum consilij
mutuâ fide se
obstringunt
Regi & Pa-
tria contra
rebelles opem
laturos.

Vetus in Po-
loniâ mos fo-
dere se contra
turbulentos
ciues obstrin-
gendi.

Rocossianorum
paucorum
coniuratio
potius contra
Regem, quàm
sacris dici
potuit, non-
nullorum
machinatio-
ne, alijs in ex-
rorem indu-
ctus.

Legati Rocos-
siani ad Regem
missi Visli-
ciam: quorum
legationis
summa.

*Summa eorū
qua à Rocof-
sianis pete-
bantur.*

*Ad ea re-
sponsum Re-
gium.*

stulantur, continuò præstiterit: sin secus factum fuerit, eos sibi & Reipublicæ aliter prospecturos. Dein productis his ipsis sanctionibus cū perlectæ essent (& erat longa & prolixa earum series,) illud prætereà adiecerant, ut ea omnia Rex non modò probaret, sed & nouo insuper firmaret iuramento, & vadibus ex Senatu datis, ac diplomate denique se omnia præstiturum, Reipublicæ caueret. Multa erant quæ ijs rogationibus continebantur, non ipsi modò Principi, sed vniuersis ordinibus graua; humana diuinæque iura conuulsa, decreta & priuilegia, leges denique abrogatæ; legibus impijs circumscripta religio, sanctiores & augustiores Regni Magistratus in ordinem redacti, ut planè appareret seditiosæ plebis & Hæreticorum ea esse commenta: sed nihil indignius quàm optimū Regem periurij crimine damnari, ad præstandum iteratò iuramentum, vadesque velut suspectâ fide dandos eum cogi: non subditos ad Principem, sed ad hostem talem mittere legationē solere: fremere cuncti & indignari, atque etiam non temerè in eam venire suspicionem, nequaquàm tam exiguam hominum manum tantum ausuram fuisse, ni spe externi auxilij fulciretur, expectatum donec reliqui benè de Republicâ sentientes dilaberentur, ut soli seditionis auctores, quò faciliùs destinata perficerent, tam grauib; & iniquis propositis conditionibus, omnem spem concordie præciderent; non conditiones, sed decreta proponi, quibus nisi pareatur, extrema quæque denunciari. Quare toto negotio expenso, postquàm interrogati ij qui legatione fungebantur, an id quod proponebatur præcisè vrgerent, nequaquàm sibi quicquam remittendi vel consultandi relictam potestatem retulissent; deliberatum in Senatu quid respondendum tam superbæ & ambitiosæ legationi foret, itumque in eam sententiam, ut tali cum responso legati dimitterentur, ut intelligerent cuncti Regiæ Maiestati curæ esse, & dignitatem suam & Reipublicæ salutem. Igitur repetito toto hoc turbulento tempore partis aduersæ perniciosi temerariorum consiliorum conatibus, ostensum quantâ Regia Maiestas in ijs sanandis vsa fuerit benignitate & clementiâ: illos Comitia ritè indicta dissoluisse: varijs suspicionibus pacatos, sed nimis credulos Regni ciues in seditionem egisse, eosque in Stæzicensi Lublinensique conuentu, spe arcani cuiusdam secreti reuelandi elusos, & huc illucque traductos sumptibus exhaustisse: hoc deinde Sendomiriensi, cuius nomine sibi applaudunt, indicto conuentu, eoque peregrino milite, machinisque bellicis circumsepto Comitio, seditiosæque actio, incendium ingens, si non ruina (quod absit) Patriæ, certè summo periculo extinguendum excitasse; auctoritatem corrigendi, potestatem statuendi, maiestatem imperandi vsurpasse, non Regem tantum ipsum, sed & Senatum falsis & fictis onerasse suspicionibus, quò faciliùs, exclusis & in odium populi adductis Reipublicæ custodibus, ipsi pro arbitrio innoxia & simplici aliorum credulitate abuterentur, eosque suspensos magis quàm securos, speque libertatis adipiscendæ vel retinendæ accensos, suis destinatis op-
portu-

portunos redderent. Indixisse iustitium, abrogasse iuris dicendi supremi Tribunalis sublellij potestatem; noua induxisse iudicia, eaque temerarijs decretis exercuisse, exercitus Duces creasse bellique administrationem hominibus priuatis detulisse. Vnum è suis Regiæ Maiestatis nomen nefariè proscindentem, & obedientiam priuatâ auctoritate Regiæ Maiestati renunciantem, non modò non reprehendisse, sed tacito quasi assensu dicta eius probasse. Id quâ fide, quâ integritate, quâ auctoritate ab ijs susceptum actumque sit, præsens satis testatur legatio, quam nec his qui ea funguntur probari, ac multò minùs ijs qui istic incertis subscriptionibus irrenti nomina sua ei dederunt, probatum iri certò sibi persuadet Regia Maiestas: verùm hanc temeritatem non posteritatis modò damnabit memoria, sed Deus ipse innocentiae vindex & Regiæ dignitatis auctor & assertor poenas exacturus est ab auctoribus violatæ vicariæ suæ in terris Maiestatis. Cæterùm vt tantò magis sua benignitas eluceat, si quid vltra benignitatem præstari potest, quamuis læsa Maiestas Regia, placido sedatoque animo iniurijs in sinu altissimi Regis Regum depositis, vestræ legationi respondet. Quidquid hætenùs vel in Reipublicæ administratione prætermissum, aut studiosè neglectum alicui videri potest, si quæ suspiciones obiectarum lenium coniecturarum à Regiâ taciturnitate ortæ esse dicuntur, eius rei culpam nequaquam Regiæ Maiestati imputari posse. Cæterùm in Reipublicæ functione, atque ijs quæ à supremo magistratu, ac legibus pactisque circumscripto Principe, bonè meritis ciuibz debentur, præstandis, quâ voluntate Regia Maiestas fuerit in hoc præsentì conuentu vniuersò Senatui ac Equestri Ordini testatum fecit, quod nunquam ab inclytâ natione hac, à quâ se Regiâ dignitate cumulatam meminit, animum auersum habuit, numquam iura & prærogatiuas Regni aliquâ machinatione interuerrere cogitauit, quinimò augere potius quàm violare contendit. Renocarent sibi in mentem, ortus & initia præsentis à se excitatæ in Republicâ tempestatis, quâ curâ Regia Maiestas & suis & Senatus persualionibus ab instituto Stæziceni conuentu eos auocare studuerit, quâ facilitate se actionesque suas, atque ea quæ Equestri ordinis nomine ab eo in ijs Comitijz postulabantur, arbitrio Senatus & Nûtiorum permiserit, parata id quod illi, se absente, communibus sententijs decreuissent, præstare; an non tum cunctis bonis fauentibus facillè omnia conuentura fuissent, si non præiudicatis planè animis pacata consilia illi reiecissent? Quid in conuentu Lublinensi dissuadendo? valuitne primæ dignitatis Senatorum interposita auctoritas? preces Nobilitatis, in auertendisque Reipublicæ periculis optimi & salutares conatus? Quid in præsentì, vt vocant, generali Rocossiano conuentu Regij legati, Senatores magni nominis, & summis functi Magistratibus obtinere apud illos potuerunt? Experti fuissent Rocossiani, Lublinensis conuentus postulatis non verbis, sed re responderi, nisi temeritas ad destinatum diu meditatorum

con-

consiliorum scopum præcipientes egisset: non tam libertatum cura, quàm concepta odia animum impotentem occuparunt, cupiditate magis dominandi, quàm iurium reformandorum studio acti, nec ratione, sed affectu ducti, nullas Reipublicæ pacandæ rationes admittebant. Malè illos habet, inconcussæ fidei Senatores, maiorum suorum exemplo in hac Reipublicæ perturbatione Regis optimi & innocentissimi motos periculo, salutem fortunaſque suas huc detulisse, florem iuventutis ac militare robur ad tuendam Principis dignitatem, arcendaque publica pericula tanquàm ad incendium extinguendum accurrisse, illustrem Equestris ordinis coronam eorum non deceptam promissis, Regis & Patriæ causam tueri. Ipsi interim conculcatis legibus ac libertatibus in contemptum Regiæ dignitatis milite externo ac bellico apparatu septi, audaciæ & licentiæ vexilla proponunt. Illisne vicio vertendum, qui ut Regem Patriamque suam tuerentur, arma ceperunt? an qui peregrinarum legionum fiduciâ vim liberis hominibus denunciant? cui vaitatæ & militum prædationibus exhaustæ patriæ, deploranda calamitas imputari debet, nisi ijs qui primi ad arma conclamarunt, & cæteris ut ad vim vi arcendâ se accingerent necessitatem fecerunt? Ostendant quâ potestate iura sacri ordinis & Ecclesiarum inuertunt, religiosos cœtus reformant, pias maiorum dotationes infectas reddunt, novas alias fieri vetant, & pietati modum præscribunt. Eiusmodi ferè sunt pleraque ea quæ vestrâ legatione continentur, de quâ quoniam nec tractandi, nec quidquam remittendi facultatem vobis esse relictam dicitis, nec Regia Maiestas in eâ refellendâ pluribus immorari dignum existimat. Sed si quis exordium & conclusionem huius legationis expendat, non alio fine hæc consilia à Rocossianis suscepta esse aduertet, nisi ut contumelijs & dedecore Regiam existimationem lacerarent, ac conditionibus, quibus satis fieri nequaquàm possit, propositis (cùm illis annuere Regiâ dignitate & vniuersorum ordinum iuribus saluis non liceat) Regno exuerent. Nouo sacramento sua inuenta firmare, datis vadibus cauere iubent, ac ni id fiat, aliter se Reipublicæ prospecturos minantur: immemores non eo fine hos initio motus ab eis excitatos fuisse, ut novas leges veteribus abrogatis conderent, sed ut antiquatis & abusu neglectis auctoritatem redderent. Eò usque sua illos prouexit audacia, ut ijs quæ se in lucem prolaturus promiserant, non modò vllò probationis genere non firmatis, sed propè silentio transmissis, decreta nullo legitimo iudicio lata subditi contra dominum promulgent, & quod graue priuatis foret, iniusto Regem ita onerant præiudicio, ut videlicet quasi notatum infamiâ, genti Polonæ liberæ & non nisi dignis Regibus parere solitæ inuisum exosumque reddant. Quamobrem Regia Maiestas supremum cœli testata Numen, præsentisque & futuri temporis memoriam; imprimis nullâ in parte iura & libertates Regni, & Ordinum à se esse violata contendit, deinde Regem se esse profitetur, ius ad se liberis suffragijs delatum tueri vult, ut in per-

personâ suâ futurorum Regum dignitati & auctoritati præiudicetur non passurum. Monet & seriò hortatur, arma deponant, exercitus dimittant, ijs qui Villicia facta sunt decreta contenti sint, futura Comitia pacatè præstolentur, certi, si quid prætereà, quod in hoc tumultuario & extraordinario consilio expediri non poterat, à se postularent, istic à se, còsensu legitimo omnium accedente, prælitum iri. Quòd si confestim mandatis suis parere noluerint, se quod muneris Regij est, Regno subditisque suis pacem & securitatem armis asserturum. Hæc tum Regij responsi summa erat: illud prætereà additum; etsi ea, quæ illi postularent talia sint, quæ vniuersum Regni tam sacri, quàm profani ordinis statum concernunt, nec omnibus, quorum nomine proponuntur, satis probata, tamen Regiam Maiestatem hoc quoque concessuram, vt collatis vtriusque partis in vnum consilijs, quantum illis permittendum sit deliberetur. Sed cùm legati nulla alia mandata se habere, nec de ijs quæ conclusa sunt iterum in consilium ituros responderent, dimissi sunt.

Venerat ijsdem diebus Villiciam Ioannes Dux Ostrogia Castellanus Cracouiensis, hætenùs ita in illo conuentu Rocossiano versatus, vt acta quidem illorum non probaret, spem tamen nonnullam Radiuilo, cuius ille è sorore nepos erat, ostenderet, se non esse omnino alienum à suis consilijs, modò ne quid contra Regem moliretur. Is cùm primum inter seculares Senatores locum teneret, opibus verò & potentiâ cæteris omnibus præstaret, ratus id quod erat, se præclaram Reipublicæ operam nauaturum, si infensis vtriusque partis animis medium se interponeret, atque conditionibus æquis propositis inter infensos pacem conciliaret; petito & impetrato à Rege vt priuatim, absente eo, ea de re ad Senatum referre posset, postquàm graui oratione, quæ mala discordia ciuilis Regni afferat, exposuisset, hortatus est Senatum totis viribus adniteretur daretque operam, vt sublati mutuis odijs hoc, de quo disceptatur, negotium pacatis animis diiudicari possit. Æqua visus est postulare: quare quisque pro se collaudatâ illius sententiâ, cùm quibus conditionibus id fieri posset disquirerent, non nemo hoc modo conuenturam subintulit. Non dictorum tantùm, sed factorum ac iniuriarum quibuscumque personis in eâ Reipublicæ perturbatione illatarum obliuio fanciatur; nemo res ablatas iure repetat; nemo illatum damnum queratur; Rex eodem quo antè gratiæ loco, concitatores Rocossiani conuentus, eorumque sectatores & promotores habeat; sumptus ab eis facti vel ex publico tributo vel certè Regiâ liberalitate collatis proximè vacaturis Capitaneatibus bonâ fide fanciantur. Vel ipsum Castellatum Cracouiensem, quamuis impensè quacumque ratione concordiam incundam suadentem, suppudebat, tales ab ijs, quorum nomine Regem & Senatum exoraturus venerat, condiciones minimè Rege & Senatu dignas ferri. Ditis sententijs, explicatoque iniquum postulare eos qui errati non modò veniam non petunt, verùm etiam excitati tumultus, & turbata Reipublicæ

Ioannes Ostrogus Castellanus Cracouiensis pacificatorem se horum motuum offert.

De eâ re cum Senatoribus adherentibus tractat.

*Sed indigna
poscere visus.*

blicæ præmium flagitant : & proposita tot commissorum flagitiorum illatorumque vastatis passim omnium agris damnorum impunitate , perniciosum in posterum licentiæ & turbandæ Reipublicæ exemplum statui : vniuersus ferè Senatus non aliàs pacis condiciones , nisi quibus abolutis planè falsis suspicionibus (quibus aduersa pars Regem & Senatum onerauerat & in odium populi immeritò adduxerat) Regio & suo honori atque existimationi consuleretur , se suscepturum respondit.

*Rocossiani
per editum
nouum con-
uentum con-
uocant.*

Rocossiani interea postquam legati eorum Vislicia redierant , siue ut ferebatur acerbiori Regis responso irritati , siue quia id initio destinatum habebant , promulgato edicto , multa prius de Regis eorumque , qui Vislicia erant , iniuriâ questi , omnes rursus ad quintum Idus Octobris ut armati præstò adessent finem Rocossianis consultationibus facturi , imminentemque à Regiâ factione vim propulsaturi , summam Reipublicæ agi obtestantes , mandarunt : noui id initium tumultus fore , suosque conatus optatum hoc modo progressum habituros opinantes. Rex quam-

*Rex in parti-
cularibus con-
uentibus No-
bilitatis ani-
mum suum
per nuntios
declarat.*

uis paulò antè per omnes Regni conuentus , qui statò die quotannis initio Septembris eligendorum Supremi Regni Tribunalis Iudicum causâ obeuntur , missis opportunè Nuntijs , Equestrem Ordinem & de suâ in præsentì dissensione ad ea quæ legitimè flagitabantur præstanda promptitudine , & de aduersæ partis temerarijs & parum ciuilibus atque etiam non immeritò non sibi tantum sed cæteris etiam benè de Republicâ sentientibus suspectis conatibus edocuerat ; tamen quò illorum calumnias dilueret atque ostenderet , se & Senatum immeritò accusari , iterum nouo proposito edicto , æquitate causæ consiliorumque suorum multis verbis explicatâ , hoc demum testatus est , sibi pacem inprimis curæ esse , turbulentis ciuibus se veniæ locum daturum , libenterque omnes legitimas concordia rationes initurum ; hætenus ab illis nihil æquum proponi , si in eâ pertinaciâ perstiterint , seditiosis Rempublicam armis vexauerint , se Reipublicæ deesse non posse. Vniuersos prætereà officij sui admonens , ut pacatè se gererent , sibi que potius , si necesse foret , quam seditiosis ciuibus suppetias ferrent , hortatus est : nullis eos fœderis Rocossiani illegitimè facti ac callidè extorti pactis , quæ ex Senatus sententiâ irrita pronunciata sunt , teneri ; ac proinde mandatis priuatorum hominum parere non debere : iussi denique omnes Magistratus , ac iudiciorum præsides munere suo fungi , cum iustitiam nullum sit , ius dicere , pacem publicam priuatamque tueri & promonere.

*Idem iterum
facit per
edictum.*

*ostenditq.
Nobilitatem
nullu pactu
Rocossiani
fœderis teneri.*

*Rex lustrat
exercitum.*

Ea tum commodè ad continendam in officio Nobilitatem , ne inani metu minarum à Rocossianis intentarum moueretur , facta cum fuissent , resque interim vix ad æquas condiciones deduci posse viderentur ; Regijs Ducibus , priusquam castra loco mouerentur , experiri placuit quantum sub signis Regijs militum esset. Igitur Zolkieuius in amcenâ Visliciensis agri planicie vniuersum exercitum more militari instructum , sub conspectum Regi dedit : dies erat serena & sole perlustris : quare ful-

gor

gor armorum, nutantes hastarum cuspidēs, virorum equorumque ornatu-^{qui, qualis & quantus} tus, copiis & numero & robore insignes, miles magna ex parte veteranus, Duces multis bellis exercitati & periti, tanta admiratione spectantium perfringeabant oculos, ut cuius aestimanti vires Regias, etiam si Rocossiani initio (qui maximis copiis & multitudine pollebant) arma inferre voluissent, nequaquam eis pares fuisse futuri viderentur: quanquam Rocossiani Duces postea suae id modestiae deberi falso contendebant, quod vim experiri & in Regem impetum facere volentem, vniuersam Rocossiani conuentus multitudinē auctoritate suā retinuerint. Rex lustrato exercitu habebat in animo continuò versus Sendomiriam progredi, quò facilius propinquo ex loco cum aduersariis æquis conditionibus transigere, vel certè, si quid noui eis molirentur in officio retinere posset: moram attulit aduersa Zolkieuij valetudo, quæ cum ingrauesceret, nec tam citò eius recuperandæ spes appareret, aliquot diebus nequidquam eo expectato Rex octauo Calend. Octobris Vislicia profectus tertijs castris Polanecium peruenit. In itinere à Castellano Cracouiensi accipit literas, quibus quòd non ipse Rocossianos conuenisset, sed generum suum Castellanum Kijouiensem ad eos misisset, valetudinis excusatione usus, significabat Castellanum Kijouiensem cum Rocossianis suo nomine egisse, multisque rationibus persuadere conatum fuisse, ut ad concordiam, æquisque conditionibus transigendum flecterent animum: illos in eam sententiam respondisse: ut si Castellanus Cracouiensis ostendere posset non fore id contra dignitatem & maiestatem conuentus Rocossiani post acceptum tam immitte à Rege responsum, nec suæ apud ordines Regni, quorum vices videlicet sustinent, existimationi nociturum, assensuros eos, ut datis utrimque arbitris eius quod in controuersia est negotij disceptatio illis modò ne definendi suprema detur potestas, permittatur. Id eos velle apparebat, ut frustra propositis conditionibus tempus extraherent, donec interim ex copiis, quas à consiliorum suorum fautoribus celeriter collectas breui in subsidium sibi venturas sperabant, coirent, Regiæque potentiae metu soluti, diu meditata consilia continuarent, ac quod non obscure tum præseferebat, abrogato Regis imperio, comitia noui Regis eligendi obirent. Grauitè cum eis hoc nomine exposculauit Castellanus Cracouiensis, quòd non solum cõcordiæ rationes amplecti nollent, verum etiam moras ultro necerent, & parum necessarijs excusationibus vterentur: illos esse, qui soli Rocossiani conuentus auctores fuerunt, in eorum quoque potestate esse finem illi imponere: arbitros ab ijs dari, qui disceptent, non qui negotium componant sibi minimè placere, cum nō disceptationis, sed cõcordiæ causâ tractatus isti institui deberent. Iam nouum ab illis indici conuentum, diemque ei præfigi, nihil esse aliud, nisi sopitam penè seditionem excitari; facerent, cuiusmodi consilij se eis assensum minimè præbiturum. Moti hac persuasione Castellani Cracouiensis (vel quia ita videri volebant ut fingerent se eius auctoritate & consilio niti; quò eum

H

sibi

Profectio Regis Vislicia.

Summa literarum Ianusij Ostrogij Castellani Cracouiensis.

Scopus Rocossiana procrastinationis.

Reprehensio Rocossianorum facta à Castellano Cracouiensi.

Rocossiani ostendunt se velle de sedandis tumultibus tractare.

*Locus huic
tractationi
destinatur.*

sibi obnoxium redderent)rescribunt se facturos quod ille vellet, petuntq; vt qua ratione,quo loco,quæue securitatis cautela tractatus isti expedien- di forent,præscriberet. Ille locum consultandi, vel Iuaniscios, vel Osiecū, oppida,vtrique parti non incōmoda,nominat; eò quatuor Senatores,to- tidemq; Equestris ordinis à parte Regiā;pari numero Senatores,item & Equites,quos illi designandos censuerint, vtrique non maiori ducentorū equitum præsidio venirent:fides securi congressus vtrimque interponere- tur;tam Regis,quàm illorum exercitus pabulationes,non nisi in locis re- tro suas stationes,exercerent. Actum in Senatu de eo,quod à Castellano Cracouiensi proponebatur,in eamque itum sententiam; numerū eorum qui tractaturi essent, præsidijque placere, locum item, nisi,quod Osiecij Rex proximè statiuā habiturus esset,pro eo Copriumcense oppidum de- signari:nullā securitatis cautelā Regios indigere;illis,si id vrgeret,Regio, quem vocant,saluo conductu satis cautum fore,pabulationes non nisi in hostico permitti, eas in agris prædijsque ciuium ne quis cū iniuriā priua- torum exerceret,per leges vetari. Ita responsum Castellano, adiectūque prætereā,daret operā, vt in eā retam salutis publicæ, quàm Regiæ digni- tatis ratio haberetur:vtraque ea bono Senatori,& ciui æquē curæ esse de- bere,leges & libertates tueri,Maiestate Principis saluā; eam nunc diuerso à maiorū nostrorum instituto,grauiter læsam esse. Velle omnino Regem optimè sibi consciū,vt cū tot oneratus sit suspicionibus,& proditi Re- gni inluminatus ab illis crimine,quid hoc tandē illud sit, quod diu partu- riunt,ederent,palamque facerent,documentaque suorum figmentorū & simulati metus proferrent: vel certè, quod speratur futurum,vanzæ suspi- cionis manifesti,& bonorum iudicio conuicti, temerè à se tantos excita- tos fuisse tumultus faterentur. Senatum Regis innocentis causæ deesse nec posse, nec debere; non dubitare Castellanium Cracouiensem, cuius primæ in Senatu essent partes, nemini in tuendā Regiā dignitate studio cessurum, collegarumque suorum sententiæ & concordix subscripturū. Hæc cū Rocossianis à Castellano Cracouiensi renunciata essent,illique maximè cuperent hanc pacis tractationem vel irritam fieri, vel certè in aliud tempus proferri, offensi videri volebant, quod cū Regij nullā se- curitatis cautelā se egere dicerent, sibi ea tanquā inferioris conditionis deferretur: iam verò Rocossiani conuentus rationes à se exigere, & vt arbi- trio paucorum causas,ob quas is conuentus coactus fuisset,expendendas permittant cogi, esse præter Maiestatem Rocossianam; quare his condi- tionibus se ad vllos concordix tractatus descendere nolle responde- runt.

*Sed frustra,
nam Rocos-
siani leui vel
potius nullā
de causā à
proposito re-
siliunt.*

*Rocossianorū
fictæ actiones,
& consilia
improba.*

Rex biduo ad Polanecium moratus, atque inde profectus,positis ad Osiecū castris, iterum fit à Castellano Cracouiensi certior; venisse ad se Pækoslauium,Lutomirscium,Iasicium,misso à Rocossianis:simulque aliā parte Rocossianos Sendomiriā cum exercitu Osarouiam versus pro- gredi Regij exploratores referebant. Igitur ancipiti curā distrahi Rex
&

& Senatus cœperunt, apparebat aduersarios tam commodam bonorum votis expetitæ pacificationis occasionem subterfugere, & aliò eorum consilia spectare, atque idcirco frustrationibus ab eis tempus teri. Missus confestim ad Castellanium Cracouiensem Felix Criscius Referendarius Regni, quid postularent Rocossianorum noui isti legati? cur eo tantum numero venissent? quos è Senatu suarum partium arbitros habere vellēt? & an plena potestas de toto negotio concludendi illis permissa esset, exquireret, simulque de eo, quòd Rocossiani susceptam a Castellano Cracouiensi pacificationis curam vilipenderent, spemque omnem concordiae præciderent, quæreretur. Nemini dubium erat idcirco eos, quos supra diximus ad Castellanium missos fuisse, ut & illum & Regem spe pacificationis elusos tantisper morarentur, donec affluente factionis multitudine vires Rocossianorum auergerentur. Qua re in consilio proposita cum diuersis è partibus renunciaretur, missos ab eis qui exercitum scriberent, atque externa auxilia accirent, quorum fiducia quiduis eos ausuros; noua illos cedere tempestatem, armatos cogere, prædas agere; Rex maturandum sibi ratus, iter eorum & conatus sibi obseruandos, ac ne eorum temeritate Respublica detrimentum aliquod caperet, providendum itatuit. Igitur motis properè castris, eos vnius diei itinere antegressos, explorato & cum cura coacto agmine subsequēbatur Castellanus Cracouiensis; ut ostenderet non per se itetisse, quominus tentata cōcordia for-
 rita sit effectum, ad Regem in Castra venit, temeritatem Rocossianorum præsumptosque animos accusans. Nemo erat qui non existimaret, ad officium eius tanquam primarij Senatoris pertinere, non sermone tantum, sed re ipsa damnare aduersæ factionis temerarios ausus, Regique publicam causam agenti adhærere: sed ipse ingenio suo obsecutus, eodem penè quo venerat momento, non contemnendo militum suorum agmine, è castris Regijs se subduxit. Regius exercitus continuis itineribus progressus, quarto demum die vestigia cedentium Rocossianorum le-
 geas, ad Ianouecium, ubi illi in traiectu Vistulæ aliquantum hærebant, eos est affecutus. Missus ad eos Aulicus Regius Gaiowski cum literis, quibus postquam quo studio & Senatus vniuersus, & nouissime Castellanus Cracouiensis publicam concordiam promouisset, & quâ temeritate ab illis omnes pacis conciliandæ & Reipublicæ in pristinum tranquillitatis statum reducendæ rationes contemptæ, spretaque fuissent, commemoratum esset, postremò seriò monebantur ut ab armis discederent, exercitum continuò dimitterent, pacem publicam ne turbarent: arma ni ponerent, tanquam hostes patria experturi; in eum quoque ferè sensum ad milites, qui in Castris Rocossianis merebant, scriptum. Iam Stadnicius cum suo agmine Vistulam traiecerat, cum hæ literæ Palatino & Raduilo redditæ sunt. Responderunt illi se valde mirari id sibi paucis à Regiâ Maiestate imputari, quod omnium ordinum consilio factum esset: se à concordia alienos non fuisse: cum paucis quorundam con-

*quibus Rex
obuiam ire
statuit.*

*Ianicius O-
strogius Ca-
stellanus Cra-
couiensis sub
tempore belli
civilis non
impleuit offi-
cium suum.*

*Regis versus
Ianouecium
iter.*

*Iter à Regis
ad Rocossia-
nos, eos à te-
meritate de-
hortantis.*

*Responsum
Rocossianorum
ad literas Re-
gis.*

filijs vim sibi intentari intellexissent, loco, in quo ab vniuerso Rocossiano conuentu, quasi in speculâ Reipublicæ tanquàm libertatis custodes relictæ erant, celsisse, ne cum exercitu Regio inconsultis Ordinibus congrederentur. Idem & tunc vitare velle, nisi aliter facere cogantur: sibi facile vim inferri posse; expenderet seriò Regia Maiestas, an sanguine paucorum effuso, pacem Reipublicæ sit redditura, & non potiùs odij & inuidiæ facem, minùs considerato facto accensura: expectaret potiùs supremam Rocossiani conuentus diem, atque postulatis ordinum, secundùm sapiùs factas promissiones satisfaceret: se istic quoque rationem factorum, consiliorumque suorum reddituros, atque nomen, quo hostes Patriæ appellamur, in eos, qui huius consilij Regiæ Maiestati auctores fuerunt, retorsuros. Die Diuo Francisco sacrâ, paulò ante meridiem Ga-

*Stanislaus
Gulski Pala-
tinus Russiæ
Rocossianos à
fugâ retrahit
& traiecit
Vistula pro-
hibet.*

ieuius cum hoc responso ad Regem redijt, idemque eos traicere flumen renuntiavit: quod haud dubiè facturi erant, ni Stanislaus Gulski Palatinus Russiæ, primi agminis in exercitu Regio ductor superueniens, eos in ripâ fluminis deprehensos, à proposito fugæ ad meditationem belli reuocasset. Tria millia circiter militum, idque magnâ ex parte equitum, Palatinus & Radiuilus sub signis habebant, cum mille ducentis Stadnicus in alterâ parte Vistulæ non socius, sed spectator alieni periculi futurus confederat. Lata longaque planicies collem (qui in modum coronæ ouali ferè figurâ protenditur) & fluuium interiacet: iter eius non ubique peruium, cœno alibi interdum profundioribus alueis transitum prohibentibus. ad ipsam fluuij marginem, loco, ex quo nec ad fugam vlla patebat via, nec satis commodè arma expedire, & se tutari possent constitierant Rocossiani, instructi paratique vti copiam pugnæ facere velle viderentur. Russiæ Palatinus etsi ad eos debellandos satis virium haberet, tamen quòd rem sibi cum ciuibus esse sciret, satis habens hostem deprehensum à fugæ proposito reuocasse instructis & ad pugnam capefendam paratis copijs, Regium mandatum præstolabatur. Rex postquam propiùs ad Ianouecium accessisset, compresso parumper sui agminis gressu substitit; accitoque Ianussio Zbarascio Palatino Braclauensi,

*Ioannes Zbarascius Pala-
tinus Braclauiensis vir
militaris ex-
ercitus Regis
præficitur.
Regis ad eum
sermo.*

viro belli artibus domi forisque claro, & spectatæ in se fidei, curam salutis suæ & totius exercitus ad eum defert, eâ vsus oratione. Nunquàm cogitaueramus accidere posse, vt cum ijs qui pro nobis arma ferre, nos verò eos tueri teneremur, bellum gereremus; sed quoniam audax temeritas in præceps iuit, & iustitiæ nostræ quâ nos in conspectu Dei potiores esse confidimus periculum facere vult, eius decreto qui & cor nostrum intuetur, & illorum conatus perspectos habet, nos permittimus: ceterùm si quid sanguinis Poloni in Regni visceribus fusum fuerit, id non nostrâ, sed eorum culpâ euenturum, & Senatum & militarem ordinem qui nobiscum est testamur. His dictis cùm loricam poposcisset, eaque indutus medio agmini se inseruisset, signumque belli proposuisset; tanto ardore pugnandique cupiditate vniuersus exercitus accensus est, vt tan-

*Rex signum
belli proponit.*

quàm

quàm cum acerrimis hostibus, non cum suis ciuibus pugnaturi prælum
 alacres exposcerent, ad vindicandamque Regiam dignitatem ita accin-
 gerentur, vt nisi eos belli Duces Præfectique retinerent, iniussi prælum
 commissuri viderentur. In eo belli ardore Senatores sui muneris non ob-
 liti, Regem frequentes adeunt, testatam sæpius Regiam clementiam
 commemorant; ei vel in hoc puncto locum esse ostendunt, hac prius
 quàm armis rebelles aggrediendos esse consulunt. Ille nunquàm faci-
 lior quàm cum sanguini parcendum foret, hoc tantum præfatus, se qui-
 dem tot affectum esse iniurijs, vt innatam naturæ suæ patientiam iam
 ferè vincant; libenter tamen assentiri vt Senatus ea, quæ expedire paci &
 publicæ tranquillitati censuerit, suscipiat, & sedulo amore Patriæ curet.
 Notam esse omnibus suam innocentiam, notum animum pacis & con-
 cordiæ cupidum, totum se eorum arbitrio permittere. Iam vniuersum
 Regij exercitus robur collem, stationes hostium prospectantem, imple-
 uerat, conspectuque ipso inimicis terrorem incusserat: cum paulò antè
 temerarij hostium animi flecti & labare coeperunt: milites passim non
 se contra Regem pugnatos denunciare, se in angustum redactos, et-
 iam si in causa iustissimà, veterani exercitus vires sustinere non posse: nunc
 bellum paucis necessarium, cunctis exitiosum suscipi: irent potius au-
 ctiores secessionis, ac clementiam Regiam experirentur. His clamoribus
 propè in seditionem verli, frustra obnitente Palatino, & compertos sibi
 Regionum animos, nec pugnam capessituros asserente, vtque immoti
 tantum in acie starent hortante, peruicerunt, vt Palatinus de temeritate
 nonnihil remitteret, eorumque sententiæ vel inuitus accederet: missique
 exinde ad Regium exercitum qui peterent cum Senatoribus, qui cum
 Rege sunt, sibi colloquendi fieri potestatem. Profecti confestim ad eos
 Alexander Chodkieuicius Trocensis, Adamus Sandiuogius Czarnkow-
 ki Lenciciensis, Zbigneus Ossolinski Podlachia Palatini, Iacobus Pre-
 fic Castellanus Camenecensis: ad quos cum ad tria ferè à suo exercitu
 stadia Palatinus Cracouiensis cum Radiuilo progressi essent, datà acce-
 ptæque mutuò fide, cum & initia, & Rocossianorum consiliorum pro-
 gressus, graui oratione Senatores reprehendissent, & ni resipiscerent, at-
 que à concordia, quemadmodum hætenus ab eis factum est, alienum
 gererent animum, Patriam memorabili clade illos insignituros ostendis-
 sent: petierunt postremò hortati que sunt, vt priuatis simultatibus, po-
 tiorem Reipublicæ & communis Patriæ salutem haberent. Regem eâ
 esse facilitate & lenitate, vt promptè æquis persuasionibus & postulatis
 locum det, multa illum Vislicia vel potius omnia suis precibus iadulsi-
 se, satis in præsentī motu Reipublicæ cautum videri, cætera in proximis
 Comitijs confici posse. Ad ea illi, se quoque pacis esse cupidos, nec in
 eâ Patriæ reddendâ cuiquam primas partes dare velle: id satis ostendisse
 & antea, cum plerisque in Rocossiano conuentu vim & arma suadenti-
 bus oblitterint, neque eâ potentiâ, quam decies maiorem, quàm Regis
 fuisse

Senatores
 qui tunc ade-
 rant Regiam
 clementiam
 implorant;

Quam Rex
 ostendit.

Arcta res
 Rocossianorum
 ad Lanoue-
 cum.
 Milites Ro-
 cossiani pu-
 gnant detre-
 ctant, & au-
 ctiores Rocossii
 ad imploran-
 dam Regiam
 clementiam
 hortantur.

Auctores Ro-
 cossi colloqui
 cum Senato-
 ribus petunt.

Redarguntur
 ab iisdem
 Rocossianis.

Ad ea Rocossii
 sanorum
 responsum.

fuisse constat, uti voluerint, & proximè cum flagitante Senatu, suos qui sopiendæ discordiæ rationes vnirent, designarunt. De negotio quidem, quod non in suâ, sed in omnium esset potestate, conditionibus transigi non posse, oportere ut Rex cunctis, quæ ex auctoritate conuentus Rocossiani illi proposita sunt, satisfaciât: auctoribus eius conuentus securitatem, ut publicè & priuatim indemnes sint, caueat: se debitam tum demum Regi fidem & obsequium delaturos: sin minùs id factum fuerit, sibi potius vitam eripi, quàm ut proposito decederent passuros. Superuenerant huic colloquio Adamus Calissiensis, & Stanislaus Premissiensis Castellani, Stadnicij, ambo Regi addictissimi, & in propugnandâ illius dignitate, acres & constantes: quorum ille prior intempestiuâ Palatini incensûs arrogantia, acrioribus verbis in eum inuectus est, hostem & parricidam, auctoremque seditionis appellans: sed Palatinus quasi minùs ea quæ dicebantur intelligens, dissimulato ad tempus vultu, ferociter instantem silentio transmisit: ijque qui aderant Senatores, ne iurgia procederent, opportunè intercesserunt. Palatinus Podlachia ad Regem continuò reuersus, quid Rocossiani postularent Regi præsentibusque Senatoribus retulit. Rex Senatoribus quid fieri oportere censerent, interrogatis, se eorum arbitrio permisit: ij communicatis consilijs, in eam sententiam respondendum concluderunt. Non debere Palatinum & Radiuilem sibi tantum in Republicâ arrogare, ut plus cæteris, qui eiusdem Patriæ membra & ciues sunt, sibi vsurpent: non illis solùm, sed alijs quoque salutem publicam curæ esse: satis Visliciensis conuentu prouisum esse, ne in præsentis statu Respublica detrimentum capiat: abolitæ suspiciones, quæ quosdam inani timore exagitare videbantur: cautum, leges & libertates non modò saluas fore, sed etiam secundùm postulata ordinum ex præscripto sanctionum Visliciensium proposita in Comitijs auctum & prorogatum iri. Falsò Regiæ Maiestati imputari, eam absolutâ potestate uti, eius non benignitatem modò, sed & in negotijs Reipublicæ ex consilio Senatus tractandis promptitudinem, cunctis, qui sine affectu res æstimant, nec inuidiâ malâ alienarum actionum interprete obcæcati sunt, perspectam esse. Ne damna ex occasione coacti Rocossiani conuentus priuatis personis illata, eius auctoribus fraudi sint, neue perpe-
tratorum facinorum causâ in ius vocentur, non posse Regiam Maiestatem eo nomine cauere aut iustitiæ cursum inhibere, suas quidem iniurias facillè eam condonaturam. Non illorum modestiâ factum esse, ut pacatis animis conuentus Rocossianus solueretur, fuisse istic multos, qui præsentem Reipublicæ statum probarent, & à seditiosis consilijs essent alieni; eorum operâ factum, ne cæteri quoque paucorum temeritate concitati in furorem agerentur, & ne eorum qui rebus nouis studebant, perniciofa consilia procederent. Et nisi tanta vniuersi ferè Senatus auctoritas, Equestribusque ordinis militare robur Regi præstò fuisset, nunquàm hac, quam nunc iactant, patientiâ eos vsuros, sed potius eadem temeritate,

*Rex Senatorum
sententias
quid facto
opus esset,
rogat.*

meritate, quam in Stazicensi & Lublinensi conuentu plerique eorum præfererebant, in Rempubicam & Regem impetum facturos fuisse. Spreuisse eos & antea sæpè & nouissimè per Castellatum Cracouiensem oblatas concordia conditiones, discessisse Sendomiriâ, armata multitudinis conuocandæ causa, promulgasse edicta, infestos per Regnum circumduxisse exercitus, necessitatemque Regiæ Maiestati, vt eos cum exercitu insequeretur, atque à perniciosis conatibus auerteret, fecisse. Nunc has conditiones ferri. Diceret imprimis Palatinus Cracouiensis, quid & à quo de tradendo per Regem exteris Regno sciret. Quâ in re absoluti imperij ius vsurpatum existimaret. Quos in Senatu suspectæ fidei & malorum consiliorum auctores arbitraretur. Deinde ne conuentum Rocossianum denuo concitarent. Edicta promulgata contrarijs editis literis reuocarent. Exercitum dimitterent, homines externos ablegarent, domi pacatè tempus proximè indicendorum Comitiorum expectarent: certi istic Regiam Maiestatem facturam id quod communis omnium ordinum consensus poposcerit. Et quoniam temporis angustia die in vesperam declinante, longos tam multis de rebus tractatus fieri non patitur, nunc ad osculum Regiæ manus venirent, cætera crastinâ die expediri. Hæc Senatus mandata cum illis relata essent, tergiversari Palatinus, tempus locumque eiusmodi iudicijs incongruum causari, denique hoc vnum velle, vt interim liberè fide datâ abire liceret, paulò post ad Regiam Maiestatem redituros, & eâ quâ decet subditos dominum reuerentiâ salutaturos. Hoc Palatinus Podlachia cum Regi Senatoribusque explicuisset, indignè ferre cuncti, & iniqua postulantibus nihil concedendum censere: quare acie iam Regiâ explicatâ, ac proximè succedente, Regio iussu Ioannes Danielouicius Capitaneus Belzensis & Christophorus Zbaraski Palatini Braclauientis filius, ad eos profecti, qui nunciarent, nisi ijs, quæ per Palatinum Podlachia Regis Senatusque nomine illis proposita sunt, confestim paruerint, signisque & vexillis quæ contra Regem explicarant complicatis ad osculum Regiæ manus venerint, scirent, non amplius secum conditionibus, sed armis certatum iri. Eò facilius, vt his mandatis assentiretur, persuaderi sibi Palatinus passus, quò magis milites suos ab ineundâ cum Rege pugna auersos cernebat: nam ij non præsentis modò periculi euentu anxij, sed futuræ quoque calamitatis, quæ à Rege victis & perduellibus inferri meritò possit, metu, Regi renunciari iusserunt, se contra Regem dominum suum arma non stricturos, paratos vexilla hastasque suas ad pedes Regiæ Maiestatis abijcere, fidem obedientiamque testari. In ipso demum noctis primæ crepusculo, redijt ad Regem Danielouicius, cætera facturum Palatinum significans, vnum id postulare, vt si Rex equo insideret, illos etiam equites ad se venire, & salutationis officio fungi pateretur: vel si velit vt equis descenderent, Rex quoque idem faceret, atque ex æquo loco ad se salutatum accedentes exciperet. Importuna fastuosi hominis postulatio, alijs

*Conditiones
Rocossianis à
Rege propositæ
ad Ianu-
arium.*

*Vltimè Ro-
cossiani à
Rege monen-
tur.*

tandem Palatinus cum Radiuilo coram Rege se fiunt.

Palatini ad Regem oratio.

Radiuili item ad Regem oratio.

rifum, indignationem cæteris mouit; hominem nimis in obseruandis cæremonijs religiosum, ne eo quidem tempore innatæ superbix obliuisci potuisse. Rex versis in cælum oculis, bone Deus, inquit, vides factum hominis. Interea incerto nuntio, quod tenebræ prospectum longiorem arcebant, eos venire significante, consonis totius exercitus vocibus, concordia, concordia clamata est; gratulationes mutuò sibi applaudentium factæ: vbi verò propius ad Regem Palatinus Cracouiensis cum Radiuilo accessissent, Trocensis, Lanciciensis, Podlachixque Palatini, qui vnà cum illis veniebant, equis confestim desilierunt, ambigentesque num idem facerent exemplo suo permouerunt. Paululum pedibus progressi, vbi ad Regem ventum est, prior Palatinus Cracouiensis Regia de more exosculata manu in hæc verba orsus: Sacra Regia Maiestas, Deus ipse ante cuius tremendum tribunal me hac ipsâ horâ dum in acie stare sistendum iri arbitrabar testis est; me toto turbulento hoc tempore nihil in Rempublicam, nihil in Maiestatem vestram peccasse, imò vtriusque bono & commodo consulere voluisse: idem me deinceps quoque facturum, atque fide sincerâ Maiestati Vestræ obsequia debita præstiturum profiteor; modò Maiestas Vestra secundum leges nostras nobis imperare atque in ijs quæ à Maiestate Vestra votis omnium flagitantur (id quod Maiestatem Vestram facturam Senatores ad me missi retulerunt) subditorum suorum iustis desiderijs optatâ satisfactione respondere dignetur. Aberat tum Cancellarius, nam cum acie instructâ inermi inter armatos locus non esset, in proximum Palatium Ianouecense iussu Regio secesserat; igitur eius loco Marefcalcus Regni, nomine Regis respondit. Quo progressu, quæque fide hæcque facta sunt, fierent, nō latebat Regiam Maiestatem; indoluit illa sæpè eiusmodi conatibus Imperium sibi diuinitus traditum, in turbas & seditiones protrudi: id nec suâ causâ, nec culpâ suâ factum esse, optimè sibi Regia Maiestas est conscia; sed quoniam Palatinus, Deo teste, hæc ab optimo erga Patriam, & Regiam Maiestatem affectu, profecta esse contendit, facilè id ita fuisse concedit Regia Maiestas, nec dubitat eum deinceps constanti erga se fide futurum. Radiuilius postmodum Regiâ item osculatâ manu: Lætor, inquit, me saluâ Maiestatem Vestram intueri, Deum testem inuoco, me in istis publicis actionibus, nec rancore, nec priuato ductum affectu, tantum exemplo maiorum meorum, iura & libertates, quod bonum ciuem maximè decet, tueri voluisse. Cæterum quo animo, quæque promptitudine id à me factum est, parè Maiestati Vestræ, vbicunque Respublica operâ meâ eguerit, defero. Respondit eidem Marefcalcus. Non ignorare Regiam Maiestatem, magnum esse libertatis studium: eo plerosque accensos diuersis affectibus agi, his si longius ab officio se ille abduci passus sit, ignoscere Regiam Maiestatem, ac deinceps sperare, eum boni & fidelis subditi munere functurum. Mox equis conscensis, Regem in castra deduxerunt, Palatinus Cracouiensis & Radiuilius tabernaculo Palatini Lanciciensis

cienſis ipſius inuitatu recepti, eâ nocte, ne quid illorum reditu in eorum caſtris rurfus moueretur, manſerunt. Poſtero die cùm milites Rocoffiani ſigna militaria tradere iuberentur, ijdemque peterent, ne id quod dedecus & infamiam exiſtimationi ac nomini illorum allaturum eſſet, facere cogerentur; conceſſit Regia Maieſtas, vt compoſitis tantùm vexillis & haſtis curribus impoſitis pacatè abirent. Quod cùm inſpectante Caſtellano Camenecenſi, hanc ipſam ob cauſam ad eos miſſo feciſſent, impetratâ conueniendi Regis poteſtate, præcipui eorum admiſſi, verba primario ex eis faciente, in hunc ſenſum Regem ſalutarunt. Homines liberos, & in libertate natos, ſe ita & parentum inſtitutione, & naturæ inſtinctu animatos fuiſſe, vt libertatis cauſâ non fortunis modò, ſed ne vitæ parcendum exiſtimarent. Id in præſenti rerum ſtatu à ſe præſtitum eſſe: nam cùm accepiſſent, leges & immunitates, libertateſque Patrias in diſcrimen venire, & violari, tanquàm ad commune incendium extinguendum, vt partas maiorum ſanguine libertates tuerentur, accuriſſe. Nunc demum poſtquàm intellexiſſent Regiam Maieſtatem, pium & religioſum Principem, non modò quid eiufmodi in animum non inducere, verùm etiam has ipſas libertates ratas habere, ac ex voto & deſiderio Regni Ordinum eas augere velle, vt ſe tanti beneficii gratos oſtenderent, veniſſe ſupplicatum, dignaretur Maieſtas Regia præteritas ſuas actiones à ſtudio tuendæ libertatis proſectas, clementer indulgere: ſibi nunquàm in animo fuiſſe, vel rebus nouis ſtudere, vel quod dictu impium eſt, hoſtile quid in Regiam Maieſtatem moliri: paratos ſe eſſe ubi reſpopoſcerit, pro dignitate Regiæ Maieſtatis vitam profundere, interea petere vt ad oſculum Regiæ manus admittantur. Reſponſum Regio nomine à Cancellario Regni, facilè dare veniam Regiam Maieſtatem, ſi quid ab eis libertatis amore, cuius ingentem eſſe vim non ignorat, parum conſideratè eſt actum, arbitrari, id eos in quo erratum eſt, fide & obſequio deinceps compenſaturos; nunc abirent, & pacatè ſe gererent, nec deinceps hominibus ſeditioſis operam nauarent.

Milites Rocoffiani Regem deprecantur.

Miſſi deinde ad Palatinum Cracouiſem & Radiuſilum Rogozniſis & Premetenſis Caſtellani, ac Regni Referendarius, ij Regis & Senatus nomine poſtularunt à Palatino atque Radiuſilo, vt ea de quibus pridie actum erat, & quæ ad pacandum præſentem Reipublicæ ſtatum pertinerent, expedirent. Non ſe ſcire nec meminiſſe aliquà de re tractatum heri fuiſſe, reſpondit Palatinus. Immò verò, inquit Caſtellanus Premetenſis, ea quæ per Palatinum Podlachix, Regis & Senatus nomine vobis propoſita ſunt, niſi nox ſuperueniſſet heri facienda erant: ſalutationis tantùm cærenionijs peractis reliqui tractatus ad ſopiendoſ ciuiles motus neceſſarij ad hodiernum diem prorogati ſunt: tu potiſſimùm Palatine docere debes, quis è Senatu abſoluti imperij Regi ſit auctor & conſiliarius, quis de tradendo vel potiùs prodendo exteris Regno, & quæ, quâue ratione conſilia inierit; qui mali conſiliarij, ac ſuſpectæ fidei Senatores:

hæc

Conditionibus que antea die propoſita fuerant ſatisfacere renuit Palatinus & Radiuſilus.

hæc non solitis inuolucris tegenda, sed in apertum proferenda sunt, si Regiæ dignitati, & Senatus, proditiōis & nefariorum contra Rempubli-
cam consiliorum insinulati, exiltimatiōi consultum esse volumus: Præterea vos qui conuentuum eiusmodi extra ordinem cogendorum auctores fuistis, ac proximè promulgatis literis, alium eiusdem generis conuentum indixistis, eiusmodi edicta contrarijs literis reuocetis: omnes qui vestris consilijs adhæserunt, vt pacatè se domi contineant admoneatis, acta Rocossiani conuentus Regiæ Maiestati tradatis, fidem vestram, ea quæ hîc aguntur rata fore, Regiæ Maiestati obstringatis. Mirari se respondit Palatinus, ea in præsentiarum proponi, quorû heri factam fuisse mentionem non meminerint: venisse se in Castra Regia, fide Senatus inductos: nec tanquam bello captis sibi conditiones ferri posse, nec si ferrentur eas recipere velle. Hoc solum est, subinfert Referendarius Regni, quo præsens Reipublicæ tempestas, concitatiq̃ue motus sedari possint; id heri Regio & Senatus iussu per Palatinum Podlachia fuisse inculcatum, & frustra alia omnia futura, nisi hæc continuò fiant: nam Rege & Senatu populari inuidiæ obiecto, & sinistris suspicionibus onerato, non quieturos seditiosos homines, nisi ea, quorum expectatione omnium animi suspensi sunt in lucem proferantur: id vt faciant, non à Rege modò & Senatu, sed ab omnibus etiam ordinibus flagitari. Eos bello captos neminem exiltimare; non cogi, sed peti ab eis, vt ea pro eo, quem in Senatu & Republicâ dignitatis & auctoritatis obtinent loco, quæ cæteris ignota, illis comperta sunt, edisserant, Regem & Senatum calumniâ liberent, noxios prodant, Reipublicæ hoc ipso sublatis seditionum causis pacem restituant: id in tam frequenti status & Equestris ordinis confessu, ritè & legitimè expediri posse, ne si aliud tempus expectetur, præclara pacandæ Reipublicæ occasio frustra elabatur. Enimuerò causari Palatinus, nec locum, nec tempus his rebus pertractandis vel diiudicandis esse idoneum, quidquid sciat, priuatim Regiæ Maiestati dicturum, ac permissurum statuere de eo quidquid veller: malle denique in Comitijs Regni se legitimè in ius vocatum, ad dicendam publicè causam cogi: fidem Regi datam nunquàm se fefellisse, & proinde ad eam nouo iuramento obligandam stringi non posse. Subiunxit Radiuilius suam quoque erga Regiam Maiestatem fidem, semper constantem in dubium vocari non debere; suspicionum vel in Regem vel in Senatum iactarum auctorem se non fuisse, nec earum rationem reddere teneri: Acta Rocossiani conuentus, quæ in suâ potestate erant, vnâ cum Nurzynio familiari suo perijsse: nunc dimisso exercitu se pacatè domum iturum, nec ad Comitia, si ita Regiæ Maiestati visum fuerit, venturum. Excepit vtriusque sermonem Palatinus Lenciciensis, qui graui oratione castigatâ istâ Palatini tergiuersatione, ostendit nequaquàm seditiosus, & populum leuib; de causis in seditionem turbasq̃ue propellentibus satisfactum fore, si priuatim tantum ea, quorum causâ motus præsentis excitati

citati sunt, Regiæ Maiestati referantur, facile calumniaturos homines id, quod soli Regiæ Maiestati priuatim communicabitur, aliquid magni momenti fuisse, atque deliberatâ taciturnitate, ne cunctis secretum pateret, suppressum, publicè id in lucem proferendum quod omnes angit, & nisi sciatur, metum incutit: luat quisquis criminis reus est pœnas; innoxij suspicionibus & inuidia liberentur. Ita tum colloquium illud finitum. Perinde placuit Senatui, qui absente Rege, quò sententiæ liberius dicerentur, habitus est, accersiri Palatinum Cracouiensem; qui cùm venisset, ac suo quisque loco confedisset, Matthias Pstrokonski Episcopus Premisliensis Regni Cancellarius, qui tum primum in Senatu locum tenebat, omnium nomine, conuerso ad Palatinum Cracouiensem sermone, in quas difficultates Respublica coniecta sit, perlatis ab eo in vulgus primum ad Stæzicam, mox Lublini, postremò in conuentu Rocossiano, nec tamen explicatis suspicionibus, omnes re ipsâ expertos esse commemorat. Obiectam esse absoluti imperij Regiæ Maiestati cupiditatem & usurpationem: regni prodendi & in exteros transferendi voluntatem; accusatum sceleris & perfidiæ Senatum: hoc metu perculsos omnes, non timore modò, sed nimia curâ accensos, furere plerosque; nec mirum. quid enim libero homini potius libertate? quis ingenuus eius retinendæ causâ non quiduis audeat? neminem esse ad præsens in Poloniâ, modò se nobilem natum meminerit, quamuis pacatissimi sit animi, & ab omni seditione alienus, qui non hac de re sermones publicè priuatimque instituat, qui non denunciati periculi metu perhorrescat, ac quid tandem illud futurum sit, auidè scire cupiat. Maximè expedite harum opinionum, quibus ortæ sint, fontes & circumstantias aperiri: quamobrem eâ libertate, quæ tantæ auctoritatis in Republicâ primi nominis Senatorem (quem priuato non fuisse motum affectu, sed publicam egisse causam credibile est) decet, quod in Rocossiano cōuentu se facturum receperat, nunc tandem diu celatum aperiret in Senatu secretum: id non magis Regis, Senatus, quàm ipsiusmet, vel potius omnium interesse, velle Regiam Maiestatem multis de causis hoc in præsentî Senatus cōsilio publicè declarari, idem se Senatus nomine ab illo petere, publicum Reipublicæ incendium omnium dudum suspensæ expectationi satisfaciendo extingueret. Ad ea Palatinus, mirum sibi videri, res per se satis claras, & scripto ad Stæzicam proposito à se promulgatas, obscuras à plerisque existimari; quibus elucidandis nec tempus, nec locum præsentem idoneum esse, nec iudicium de ijs hîc institui posse. Temerè sibi imputari rerum nouarum studium; se ea in conuentu Rocossiano sensisse & dixisse, vt qui ea expenderit, longè à perniciosis consilijs se remotum fuisse sit perspeturus: non oblitum esse beneficiorum Regiæ Maiestatis; pacem vt cuius, sibi semper curæ fuisse, tumultus exosos habuisse, sed motum certis coniecturis, grauissimisque suspicionibus impendentis Reipublicæ periculi, hæc quæ comperta habuerit, & quæ saluâ conscientia filere non potue-

confessus Senatorum Regi addictorum cūm Palatino Cracouiensi.

Episcopi Premisliensis Regni Cancellarij Matthiæ Pstroconsij ad Palatinum Cracouiensem oratio.

Responsum Palatini.

*Leues suspicio-
nes ob quas
Palatinus
eiusdem motu
concitauit.*

*Sermonem
Palatini Cra-
couensis ex-
cipit Hierony-
mus Gostomf-
ke Palatinus
Pofnaniensis.*

*ostenditq;
quàm falsa
& leues sint
conficta in
Regem crimi-
nationes.*

potuerit, in medium protulisse; nihil tamen properè vel minùs confide-
ratè à se factum. Communicatas cum decem Senatoribus in Conuentu
Stæzicensi consilij sui rationes, quæ cum non improbarentur, petijisse, vt
in publico Senatus Comitiorum consilio eas proponerent, paratum se
fuisse stare iudicio amplissimi eius ordinis, cessurumque fuisse sententiâ,
si is eam improbasset; sed nescire quo calu factum sit, vt scripta sua Sena-
tui non exhiberentur, nec de ijs eo loco iudicium factum sit: quare cum
sua monita & salutaria consilia contemni videret, ad ordinem Equestrè
meritò prouocasse. Non obscuris se motum coniecturis; sed cum vide-
ret externos homines in Regnum venire, frequentes in aulâ Regiæ Maie-
statis versari, priuata agitari consilia, grauem sibi inde iniectum fuisse
scrupulum, quem illis scriptis se protulisse in publicum; quæ per se satis
clara, maiori non egere explicatione: id tamen, si quis in re apertâ curio-
sus indagator esse voluerit, se facturum, modò loco competenti, legiti-
moque instituto iudicio interrogetur: nunc quoque priuatim Regiæ Ma-
iestati mentem suam explicaturum. Cum hic dicendi finem fecisset, Hie-
ronymus Gostomski Palatinus Pofnaniensis, vir acer, & qui priuatim
quoque Rocossianorum aduersis sermonibus sæpè exagitatus esset, suo
pariterque publico dolore accensus, in eam sententiam prorupit. Impri-
mis grauitè questus est incertis suspicionibus, & Regem in odium, &
Senatum abrogatâ ei fide in contemptum populi esse adductum, legiti-
moque sublato Magistratu, & confuso rerum ordine, seditionibus & tur-
bis occasionem esse datam, ita vt nec Rex, qui inter Senatum & Eque-
strem Ordinem rerum controuersarum iudex & arbiter esse debebat,
munere suo fungi possit, nec Senatus suspectæ fidei redditus, si quid in-
ter Regem & populum in disceptationem venit, consilio moderari; ad
Equestrum Ordinem, Regiâ & Senatus vniuersi iurisdictione circum-
scriptâ, & in ordinem redactâ, omnem nouo quodam exemplo transla-
tam esse Reipublicæ potestatem. Se in illo Stæzicensi scripto nihil perspi-
cere tale, quo suspensiones istæ firmarentur: id tantum actum, vt nec Rex,
nec Senatus populi inuidiâ vacaret. Insimulatus Senatus, tanquàm Regi
absolutè imperandi potestatem vsurpanti faueret, Rex veluti Regnum
exteris prodere velleret: absurdum sanè videri, nec suâ nec filij causâ, sed
vt alteri regnum traderet, illud affectasse, vt solutum legibus imperium
haberet, quo ipse breui esset cariturus: illam quoque alteram suspicio-
nem parum quoque sibi constare, Regem Regnum in externum quem-
piam transferre velle, simulque de coronando filio consilia inire. Iam ve-
rò quàm credibile sit, quempiam in Senatu reperiri oblitum posterita-
tis, qui se suosque omnes sciens prudensque perpetuæ vellet addicere ser-
uituti. Sed utcumque ea se res haberet, se paratum esse, si quid vel om-
nium Regni Ordinum, vel selecti consilij iudicio probatum contra se
fuerit, pœnam capitis luere, dummodò accusator eandem pœnam, si
falsò calumniatus fuerit, subire non recuset. Quamobrem ederet Pala-
tinus

tinus Cracouiensis noxios, ac vniuersum Senatum inuidiâ oneratum, Regemque ipsum suspicionibus exsolueret. Vrgebat idem Palatinus Trocē-
 lis ceterique omnes, & præcipue Palatinus Podlachia, ostendens summā
 Regem & Senatum atque Equestrem ordinem necessitate adductum,
 vt ad ea, quæ & in Villicienti conuentu suscepta sunt, & in præsentia
 tractantur consilia, descenderet: sed cum appareret aduersæ factionis
 conatus in eo esse, vt in eo demum, qui iam indicebatur conuentu, no-
 uo Rege electo præsentem Reipublicæ statum mutarent, nemini, qui
 saluam Patriam vellet, cessandum fuisse. Se quidem facile credere, aliâ
 mente Palatinum Cracouiensem fuisse, cum eiusmodi conuentibus ini-
 tia daret, sed idem expendere debebat impetum concitatz simul multi-
 tudinis non in illius potestate fuisse futurum: extitisse illic iam quosdam,
 qui palam Regiæ obedientiæ renunciarent, aliumque Regem eligendum
 proponerent, & tum eorum insaniam Palatinum reprehendere, & coër-
 cere vel noluisse, vel non potuisse. Occasionem tumultuum aliter auferri
 non posse, nisi suspicionibus, quæ Regem & Senatum inuidiâ onerant,
 explicatis. Nominaret Palatinus Cracouiensis, quos in Senatu suspectæ
 fidei, quos Regi ad occupandum absolutum Imperium auctores esse scit,
 dent noxij poenas, seipsum vltro offerre præsentis iudicio, omni aliâ re-
 nunciare prerogatiuæ, obijciantur & probentur crimina, statuatur pec-
 na, non dignitate modò, sed fortunis ac vita se spoliari permissurum:
 subeat eandem accusator conditionem, si obiectum crimen falsò inten-
 disse compertus fuerit, reddaturque eo ipso Senatui pristina auctoritas.
 Ostendendum præterea, cum quo, & quâ ratione Rex de tradendo Re-
 gno consilia inierit; quinam tam subtiles & secreti conatus esse potue-
 rint, vt nobis inuitis & ignaris Regem daret. Hæc vel probanda sunt, vel
 si temerè Regiæ detractum dignitati, confessione erroris læsa fama resti-
 tuenda. Non esse causam, cur id in præsentis confesso fieri non debeat,
 vbi tot Senatores, tanta Equestri Ordinis frequentia, quorum vel iudi-
 cio, vel testimonio arcana istarum committi possint: non amplius nouæ
 rei expectatione anxij hominum animi pendeant, aut ad novos tumultus
 incertis pollicitationibus alliciantur. Aliter optatam tranquillitatem
 Reipublicæ restitui non posse, nisi ea quæ metum faciunt, in lucem
 proferantur. Hoc à Palatino Cracouiensi tanquàm huius scenæ auctore
 postulari, quidquid compertum habet, quidquid timet, quidquid suspi-
 catur aperiat, nec audas tumultuantium mentes amplius suspensas te-
 neat. Acrius Castellanus Calissiensis, Non verbis coloratis, inquit, sed re
 satisfaciendum esse expectationi hominum, incerta pro certis asseri non
 conuenire, ne plus nimio sibi assumeret, ne inani saltu tameret, agnosce-
 ret errorem idem qui culpam renueret. Mitior Castellani Villiciensis
 Andreæ Comitæ de Taczyn, eodem tamen spectans, fuit oratio. Eo
 animo nouis suspicionibus concitados omnes accurrisse, imprimis vt
 quid id tandem esset quod metum faceret, cognoscerent; deinde impen-
 dentia

*Vrgetur Pa-
latinus Cra-
couensis, vt
quidquid con-
tra Regem &
Senatum
sciret, ederet.*

*Idem vrget
Andreas Co-
mites à Taczyn
Castellanus
Villiciensis.*

dentia pericula auerterent, hoc vt aperiat, metuque & sollicitudine cunctos liberet peti à Palatino Cracouiensi: non fore maiorem hominum concursum, si is conuentus qui ad v. Idus Octobris indictus est, peragatur, quàm qui in præsentiâ conspicitur: esse Regem, Senatum frequentem, magnamque Equestris ordinis multitudinem: boni Senatoris munus esse, quouis in loco aperire Reipublicæ vulnera, pericula auertere, & ne quid detrimenti capiat prospicere, pacatis animis longè aliter, quàm in conuentibus temerè coactis fieri solet, hîc rei propositæ æquitatem discerni ac diiudicari posse, tot Senatoribus (nec enim omnibus perfidiam obijci credibile est) arbitris causam cognoscentibus: palàm igitur fatendum, quod hætenus silentio tectum est, & is scrupulus, cuius causâ vniuersa Respublica in discrimen adducta est, publico consilio discutiendus, ne silentio tectus, nouas pariat suspiciones, ac perturbandæ Reipublicæ rerum nouarum cupidis optatam occasionem præbeat.

*Respondit ad
superiora
Palatinus,*

Hic tum erat vniuersi Senatus sensus, vt nemo esset qui non idem à Palatino Cracouiensi postularet; qui, cum cæteri finem dicendi fecissent; Vereor, inquit, vt omnia quæ dicta sunt memoriâ complectar; quare si quid omiserò, me admoneri patiar. Existimabam ita nos in consilium ituros, vt citra cuiusquam offensam sententias diceremus, fefellit meam spem acerbior quorundam oratio, me tumidum, me inflatum appellant, qui cum tantos exercitus in manu haberem, pacati consilij auctor semper in Rocossiano conuentu fuissem: errat qui me temerè quidquam egisse existimat, cum certis ex coniecturis Reipublicæ periculum imminere arbitrarer, quicquid hac de re compertum habui, in conuentu Stazicensi cum ijs, qui tum præsentes erant, priuatim contuli, atque suspiciones meas scripto comprehensas Senatorum iudicio subieci; quas cum illi non esse contemnendas existimarent, vt in Senatu, qui tum in Comitijs erat, proponerentur, postulaui: id cum contemneretur, nullumque fieret Senatus iudicium, ratus id tacito eius ordinis assensu probari, ne muneri Senatorio deessem, utque fidem Patriæ datam exsoluerem, ad Equestrum ordinem rem totam detuli, quæ plerisque non ita obscura visa est vt maiori explicatione indigeret. Quid enim? an non species absoluti imperij ea est, quod Regia Maiestas à me sæpius literis appellata illis respondere noluerit: quod non eam, quam principis uxorem se ducturum ostenderat, ac in Senatu proposuerat, sed aliam, reclamantibus plerisque è Senatu, in matrimonium assumpsit, ac impula suo arbitrio inconsulto Senatu egerit? De transferendo in alios Regno quod Regia Maiestas iniuerit consilia, se non temerè suspicatum fuisse; nam & Castellanus Cracouiensis in eam adductis opinionem per Stanislaum Sulouium Canonicum Craconiensem, Regiam Maiestatem, ne id faceret, admonuit: Supremus verò Marscalcus Regni, triennio ab hac in confessu multorum Tarnouia dixit, id iterum agi, vt Rex Re-

*& origines
suspicionum
contra Regem
ostendit.*

gno alteri tradito, ipse nos deferat; idem etiam hoc ipso anno priuatim Regi offensum, asseruisse Cracouiæ, se multò melius quàm Palatinus Cracouiensis Regis consilia perspecta habere, eaquæ in conuentu Rocossiano aperturum. Hæc erant quæ me permouerunt, vt Reipublicæ consulere; & cum alia consilia parum feliciter succederent, indicto hoc extra ordinem conuentu salutis Patriæ prospicerem. Aberat tum fortè Marscalcus in curandâ valetudine occupatus; missi ad eum Premerensis & Rospiriensis Castellani, percunctatum ecquid his de rebus sciret, & an eorum, quæ Palatinus Cracouiensis ab eo dicta asserit, meminere. Ad ea ille, nisi auctores eius fabulæ Palatinus ediderit, necesse erit hæc ab illo falsò conficta esse existimari. Non cunctatus Palatinus Stephanum Casimirski hoc ab eo Tarnouiæ audiuisse, Stanislaum verò Chelmski se eiusmodi Marscalci sermonibus Cracouiæ interfuisse, ac vtrumque sibi id postea narrasse respondit. Absentes nominauerat testes, quibus refellendis cum ad præsens locus non esset, vocatis ad se Trocensi & Podlachia Palatinis Marscalcus, Exiguam sanè, inquit, Palatinus temeritatis suæ & concitati tumultus prætexit excusationem, meque simul inuidiâ falsâ onerat. Equidem si, vt fingit, hæc ad se ab eis quos nominat delata sunt, prudentis & circumspecti viri officium erat, nonnisi me interrogato an ea dixerim, leuissimorum hominum figmentis præstare fidem, ac tum demum, si ita ex me rem se habere comperisset, testimonio dictorum meorum uti. Caterùm nec isti narratores, nec ipse Palatinus, nec quisquam hominum id me dixisse probabunt. Hæc tum illi quidem inter se & internuntios, Senatus verò vniuersus nequaquam sibi videri iustam & tantâ re dignam Palatini Cracouiensis excusationem, quamobrem urgere omnes, vt si quid maioris momenti haberet, proferret; vel si tam leuibus de causis tantos in Republicâ motus excitasset, hoc ipsum fateretur. Nihil, inquit ille, amplius quod sciam habeo, sed hoc ipsum sufficere arbitror, ne temerè quicquam egisse iudicari possim, conscientia quidem meâ, quæ graui urgebatur scrupulo, satisfactum esse mihi ipse sum testis.

Hæc ad Regem deferri visum. Ergo aliquot primæ auctoritatis Senatores, è loco, vbi Senatus habebatur, ad Regium tabernaculum missi. Postquàm quibus Palatinus Cracouiensis suas opiniones niti probationibus affirmaret exposuissent; Rex continuò, Quàm leuibus, inquit, homo iste coniecturis fidem nostram suspectam reddit, ipsi cernitis. Nunquàm ad nos à Castellano Cracouiensi Sulouius cum eiusmodi admonitione missus fuit, nihil inconsulto Senatu, in hoc ipso matrimonij nostri negotio egimus: fatemur quidem nos aliquot literis eius non respondisse, sed ideò factum, quòd cum ille vellet, vt manu nostrâ rescriberemus, ac tam longis nos oneraret epistolis, quibus legendis (nedum vt illi manu nostrâ rescriberemus) satis fastidij erat, numquàm tantum otij habebamus,

*Inter alias
suspicionum
origines, dicta
à Marscalco
Regni ponic
Palatinus
Cracouiensis.*

*que Marscal-
cus refellit.*

*Postulat Se-
natus à Pala-
tino Craco-
uiensi, vt si
quid maioris
momenti sci-
ret, promeret:
qui nihil am-
plius se scire
asserit.*

mus, vt huicillius postulationi satisfaceremus. Scripto igitur comprehensas suas istas probationes edat Palatinus, vt & futura ætas, & vniuersi ordines in proximis Comitijis dispiciant, iustamne ille habuerit causam tanti ciendi tumultus, & vniuersæ Reipublicæ perturbandæ. Ea mandata postquàm Cancellarius Regni, Palatino Cracouiensi Regio nomine proposuisset, paratum se ille respondit, ea quæ in Senatu dixisset, scripto attestari. Circumsteterant multi militaris ordinis tabernaculum, in quo Senatus habebatur, scire auidi quidnam illud foret, quod Palatinus in publicum prolaturus esset; quorum plerisque, cum iam Senatus consurrexisset, tabernaculum temerè ingressis, cæteris quoque idem faciendi data occasio, ad quos conuerso sermone Palatinus Russiæ; Est, inquit, cur Deo grates persoluamus, à quo id factum, vt tanto numero hîc congregati, salutaribus consilijs impendentem Reipublicæ tempestatem, discussâ opinionum nube, auerterimus; patent iam ea quæ diu occulta ancipiti metu cunctos distinebant, & quietos esse non sinebant: non sunt ea tanti momenti, quæ Regiæ Maiestati imputantur, vt meritò in odium subiecti sibi populi venire debeat: salua est Senatus fides & dignitas, nullius fraudis vel minima suspicio in quenquam eorum, ex his quæ à Palatino Cracouiensi dicta sunt, deriuari potest, & Regia Maiestas nullâ in re infregit iura & libertates nostras, & Senatus in illis tuendis semper præclarè suo munere functus est. Quidquid est, quod Palatinum Cracouiensem ad concitandos hos tumultus permouit, id ex scripto eius, simul quàm exigui momenti illud sit, cuncti cognoscent. Coeperunt milites id ipsum confestim ex ore Palatini Cracouiensis scire velle, ac nonnulli militari ferociâ acrius in eum inuehi, pauentemque, & quid respondeat incertum, vrgere: tum ille non se abnuere, quin totam consiliorum suorum rationem eorum iudicio subijceret, postulare tantum vt modestius agerent, nec sibi Regis & Senatus fidem secuto vim intentarent. Mitigauit animos Palatini Posnaniensis oratio, quæ & Palatinum Cracouiensem omnis periculi securum esse iussit, & militibus ne quid tale postularent, quod postdicie erant scituri, persuasit. Soluta Senatu, cœpère eo ipso die nonnulli Rocossianorum militum immixti Regijs, seditionis iacere semina, asserere circumuentum Palatinum Cracouiensem, strui ipsius vitæ insidias, si liberè in consessu militari dicendi facultas illi permetteretur, ostensurum eum auctores perniciosorum consiliorum, petere, ne tanti viri opprimendi adiutores esse, atque oppressis Regiâ potentiâ maiorum suorum partis sanguine libertatibus, malè de posteritate mereri velint. Falsa erant, sed in tantâ hominum frequentia non deerant qui fidem illis haberent. Quare seditioso coacto cœtu, postero die mittunt ad Regem, Palatinum sibi exhiberi postulantes; sed irrita mox ea legatio fuit, discusso, eorum qui sanioris consilij erant interuentu, tumultu: simul Iacobus Potocki,

*Rocossiani
milites in
exercitu Regio
seditionis se-
mina spargunt.*

*Quidquid
seditionis im-
minet Re-
gio edito
discussum.*

tock, cui Pratorianus miles ac peditatus parebat, Regio nomine, ne quis miles suo iniussu tabernaculum, in quo Palatinus Cracouiensis erat, adire auderet, edixit; & in auctores seditionis, cogendorumque præter militarem disciplinam clandestinorum cœtum, ni properè caltris excederent, se animaduersurum pronunciauit: ac ne qua occasio rerum nouarum cupidis, diuturniori morâ & otij opportunitate, tumultuandi daretur, signum profectiois in diem tertium propositum. Interea verò ex Senatus consilio, Rex ad vniuersos Regni ordines datis literis significat, se cum ijs, qui Rocossiani conuentus nomine in armis erant, benignè transegiſſe, eos vicissim dedisse fidem, dimisso exercitu non amplius conuentum eum se continuaturos: quare hortabatur, vt cæteri exemplo aliorum domi se pacatè continerent, expectarentque comitia, in quibus si quid adhuc Ordines à se vltra id, quod in Villicienſi conuentu est factum, postularent, se libentè morem omnium concordiis desiderijs gesturum. Perſcriptæ quoque Senatorum nomine literæ, quæ seriem rei ad Ianouecium gestæ, & quibus conditionibus Respublica pacata, ac cum Rocossianis transactum sit continebant. Simul Palatinus Cracouiensis suam, quam in Senatu fecerat coniecturarum & suspitionum, quibus permotus Rocossianum conuentum indixerat, declarationem ſcripto promulgauit. Radiuilus etiam datâ Regi cautione, pollicitus est fide bonâ se cum Palatino dimissuros exercitus, nullos deinceps concituros motus, cæteris pacatorum consiliorum auctores futuros, & ad Comitij inermes, more solito venturos. Quod cum spontè & liberè promissum ab vtroque eſſet, nemo tum erat qui non sincerâ fide eos Regi reconciliatos eſſe exiſtimaret, priuatim quoque ad Regem, ſeortiùe ambo admiſſi, ac benignè excepti, & auditi, tantò magis Regiâ beneuolentiâ obſtricti credebantur; cæterùm longè aliter rem cecidiſſe mox videbimus.

Iacobus Pocki Pratorianus miles ac peditatus Præfectus.

Rex datis publicè literis vniuersis ordinibus significat se cum Rocossianis transegiſſe.

Senatores quoque per literas suas seriem res gestæ ad Ianouecium perſcribunt.

Palatinus Cracouensis causas suspitionum suarum ſcripto declarat. Palatinus & Radiuilus benigne à Rege excepti & dimiſſi.

DE MOTV CIVILI IN POLONIA.

LIBERTERTIVS.

1606. die
9. Octob.

Rex Craco-
uiam versus
profectus.



Graues ini-
micitia inter
Palatinum
Cracouiensem
& Marescalcū
Regni exor-
sere.

Palatinus
Cracouiensis
etiam post
acta ad Iano-
uencium in-
quietus.

Ex Rocossianis & vniuerso ferè exercitu dimisso, septi-
mo Idus Octobris ab Ianouecio Cracouiam versus
progressus, præter aulae solitum comitatum, mille
equites præsidij causâ, nondum sopitis seditioforum
animis, secum duxit: in itinere ad Monasterium Calui-
montis religionis causâ diuertit, vbi sacrosanctæ Cru-
cis lignum deuotè veneratus, septimo, postquàm Ianouecio discesserat,
die, Cracouiam peruenit. Actæ per vniuersum Regnum indictis suppli-
cationibus Deo gratiæ, consentiente omnium bonorum applausu, & læ-
titiâ, quòd tam grauis & formidolosa tempestas, saluâ Republicâ, in-
cruento euentu disiecta esset: grata erat cunctis Regia benignitas, quie-
tæ vbiq; res, & felix status Reipublicæ. Sed vt publicè sub specie pacis
Ianouecio discessum est, ita priuatim graues inter Marescalcum Regni &
Palatinum Cracouiensem discordiæ initium sumpserunt: ortæ à Palatini
dato Senatoribus responso, ac postmodum literis publicè editis promul-
gato, quò, vt supra diximus, à Marescalco, velut auctore serij imminentis
Reipublicæ periculi, suspicionem coortam sibi Palatinus asseruerat; Ma-
rescalcus verò à se quicquam tale fuisse profectum constanter negabat.
Sed cum suum nomen publicè circumferri, seque immeritò inuidiâ one-
rari cerneret, ipse quoque multa de Palatino questus, intentatam sibi ab
eo calumniam amoliturus, publico scripto, quo innocentiam suam testa-
retur, se immeritò non aliam ob causam, nisi vt concitatis à se tumulti-
bus, & in seditionem actâ Republicâ, velamen temeritati prætexeret, ab
eo appellatum fuisse ostendit. Responsum à Palatino non modò non
seruatâ Senatoriâ dignitate, verum etiam adeò mordaci vel procaci ve-
rius scripto, vt nihil intactum reliquerit, quo fama, existimatio & digni-
tas Marescalci lædi posset. Præludia ea futuri motus fuere; nam Palatinus
Cracouiensis fremens frendensque, se ad Ianouecium magis vi, quàm
conditionibus in potestatem Regis venisse, atque illic in ordinem reda-
ctum, exprobratum sibi rerum nouarum studium, etsi non perfidiæ, te-
meritatis tamen Reipublicæ perniciosæ, Senatus grauissimo iudicio no-
tam iniustam, imminutam auctoritatem, iam partam Regi clementiæ
famam, auersos à rerum nouarum studio animos hominum, multum
partibus suis decessisse, plurimum aduersariorum potentiam auctam
esse, magnoperèangebatur. Sed vires suas circumspèctans, se nudatum
populari

populari aurâ, priuatis etiam exhaustum opibus, quiescendum sibi ali-
quantū ratus, ad Zamoscium, quod tutelæ nomine in eius potestate erat,
se contulit, ut interea opulenti pupilli bonis se comitesque suos susten-
taret, iisdem paulò post simul & copijs Zamoscianis vturus. Magnâ curâ
præcipui è Senatu contendebant, Rege ipso annuente, ut ex inimicitia,
quæ priuatim inter Palatinum & Mariscalcum erant sopirentur; sed cum
nihil pacati à Palatino responderetur, frustra tam salutares conatus fuere.

Non minori studio, sed magis præcoci audaciâ, Ioannes Felix Her-
burtus in Stanislaum Stadnicki Castellatum Premisliensem proruperat:
is clarâ & vetusta imprimis Herburtorum ortus familiâ, ingenio egregiè
studijs exculto, versatili tamen & inquiero fuit. Hunc iuuenem sangui-
ne sibi iunctum, Ioannes Zamoscus Regni Cancellarius, spectata in-
dole eius delectatus, initio inter intimos amicos habuerat, atque Rei-
publicæ negotijs admotum, protulerat ad studia vulgi, ut passim dignus
existimaretur, qui in locum eius succederet: mox leuem & tumidum
expertus, paulatim à contubernio primùm suo, deinde ab amicitia remo-
uerat. Erat ei auunculus Ioannes Thomas Drohoiowski Referendarius
Regni & Capitaneus Premisliensis, non absimili ingenio; qui cum hære-
ditarias quali inimicitias cum Stadnicis gereret, multæque cædes inter
eos fierent, denique anno proximè superiore, iusto propè exercitus agmi-
ne inter se concurrerunt, victor Stadnicus, Drohoiouiusta hasta trans-
fixus, paulò post ex vulnere homo septuagenarius moritur, Herburtus,
qui cum auunculo militauerat, ægrè fuga, ne in manus hostis veniret, se
subduxit. Cæso Drohoiouiusto Præfecturæ Premisliensis à Rege secundum
mortem auunculi obtinenda Herburtus spem conceperat: quare initio
Rocossianorum motuum, primus Palatini Cracouiensis in Stæricensi
conuentu conatus acerrimo scripto oppugnauerat, primus quid ille
moliretur, ad Regem detulerat, & ad opem ei ferendam promptum
alacremque se ostenderat: sed Rex dudum suspectum habens incon-
stantis hominis ingenium, cum aliquantisper expectatione eum suspen-
sum tenuisset, Præfecturam Premisliensem Adamo Stadnicio Castella-
no Kalisienti fratri eius, qui Drohoiouiustum occiderat, confert. Offensus
eâ de re Herburtus, tacito in Regem exarsit odio, & cum apud Palatinū
Cracouiensem, suspectum se esse non ignoraret, in aliud tempus & com-
modiorem occasionem ea quæ animo agitauerat, distulit. Interea cum
Gabriele Bathoreo Stephani Poloniæ Regis ex fratre nepotis filio, consi-
lia communicare coepit. Bathoreus is beneficio Cardinalis Episcopi
Varmiensis Patruis sui in Poloniâ educatus, & ad mores Polonicos effor-
matus, postquam iuuenis admodum in Hungariam redisset, cæso Car-
dinali ad Bathoreum Essethi Dominum se contulit. A quo eâ conditione,
ut abiurata in qua natus & educatus erat fide Catholicâ, profanum &
impiū recentium Arianorum dogma amplecteretur, adoptatus, &
breui mortuo, diuturno æuo quæsiturum opum, & pretiosæ suppellectilis

idem Thomas
Zamoscus
tutor

& à reconcilia-
tione cum
Mariscalco
alienus.

Acres inimi-
citiæ inter
Stanislaum
Stadnicum
& Felicem
Herburtum
eius inge-
nium.

Eius auuncu-
lus Drohoio-
uius.

Is cum Stad-
nicis infestis
agminibus
concurrit, &
hasta transfi-
gitur.

Felix Herburtus
Præfectu-
ram Premis-
liensem am-
bit.

Leue Herburtus
ingenium
Regi displicet.
Herburtus
Præfecturam
Premisliensem
ad Stad-
nicum dela-
tam indignè
ferens, cum
Gabriele

Bathoreo
contra Regem
conspicit.

Gabriel Bathoreus
qui
eius educatio-
is fidem Ca-
tholicam
eiurat.

Arianus sa-
ctus à Bat-
thoreo Essethi
Domino ad-
optatur.

hæres, adfluentibus ad eum seditiosissimis quibusque Hungaris, quibus tum Regnum illud domesticis motibus, & recenti a Cæsare Rudolpho defectione exagitatum plenum erat, magnam sibi potentiam comparauerat: adolescens planè omnium rerum inexpertus, & quâ ratione fortunam suam moderaretur, ignarus, vino & luxuriæ deditus, ac proinde temerarijs consilijs opportunus. Huius temulenti hominis opibus, ad Regis & Patriæ perniciem Herburtus abusus, cum ipse de spe Regiæ gratiæ deiectus, ac ære alieno oppressus, desperatione rerum suarum præsentæ Reipublicæ manente statu, præceps ad nouandas res ageretur, cum eo consilia conferre cœpit. Ac initio quò apud Regem fidem sibi conciliaret, literas Bathorei ad se binas scriptas ad Regem mittit: eum regnum ambire significat, se ab eo esse appellatum; existimare primarios Rocossiani conuentus concitatores non esse ab eo alienos; eorum sollicitatione factum, ut in spem Regni occupandi veniret, se interea eius fauorem & amicitiam simulaturum, quo conatus eius perspectos habeat. Cæterum ipsius adiutus copijs, cum nongentos circiter milites sub signis haberet, quo tempore Rocossianus conuentus ad Sendomiriam agebatur, Rexque Vislicia esset, ille neutro inclinans fortunam vtriusque partis præstolabatur: donec reconciliatâ cum Palatino Cracouiensi gratiâ, ad Rocossianos flecteret animum, ad omnem occasionem intentus, quâ vetus in Stadnicos odium, ob cædem auunculi & præreptam sibi Præfecturam Præmissiensem exsaturaret. Fractis ad Iano-uecium Rocossianorum viribus, pacatâque, ut tum videbatur, Republicâ, cum spe pacis publicæ inde discessum esset, Herburtus abeuntis Stanislai Stadnicij Castellani Premissiensis vestigia legens, eum in villâ Regiâ Chotyniec affecutum, nihil tale cogitantem capit, ac celeriter suo arbitrio sumpturus de eo pœnam, Leopolim primariam Russiæ Urbem abducit. Sed superueniente Adamo Stadnicki Castellano Calissiensis cum longè maioribus quàm Herburtus haberet copijs, dum Ioannis Zamo-
scij Archiepiscopi Leopoliensis interuentu, conditiones capti Castellani Premissiensis eliberandi feruntur, egregio astu Stadnicus intra præsidia fratris deductus, è manibus inimici elabatur. Id indignè ferens Herburtus, collectis copijs versus Premissiam progressus, dum incautiùs se gerit, a Stadnicijs capitur; ac tum demum necessarijs illi oblatis conditionibus, ijsque iuramento ac sponsione firmatis (quibus illum non stetisse paulò post ostendemus) magis simulatâ quàm conciliatâ gratiâ dimittitur. Hæc licet inter priuatos acta, omittenda non putauim, quia ad materiam, de quâ agimus, pertinere videntur; publici enim tumultus priuatorum maximè odijs aluntur: idque eò magis cum laxatis licentiæ frenis non iure, sed vi & armis quisque suas iniurias ultum it: quod licet legibus nostris seuerè vetitum sit, ita tamen hac nostrâ tempestate corruptis bonis moribus perniciofa ea consuetudo inoleuit, ut nemo sit, modò tantum virium habeat, quibus vim inferat, qui non iure belli sibi vtendum existi-

*Eius simulata
erga Regem
fides.*

*Cum Palati-
no Craco-
uiensi redit
in gratiam
eiusque partes
sequitur Her-
burtus.*

*Idem Stanif-
laum Stadni-
cium Castell-
lanum Pre-
missiensem
capit.*

*Stadnicus
liberatus.*

*mox ipse
Herburtus à
Stadnicijs
captus & cer-
tis conditio-
bus dimissus.*

existimet. Sed nos institutum nostrum prosequamur.

Venerant per eos dies Cracouiam ad Regem à Basilio Suiscio, qui cæ-
 so Demetrio Principatum Moschouæ inualerat, Nuntij Gregorius Kos-
 cieneuicius Wolhomski & Andreas Ioannis; Summa legationis erat: *Moschouici legati cæso Demetrio tyranno ad Regem venerunt questi fœdus à Polonis violatum.*
 Questi Gregorium quendam Otrepouicium Bogdani filium, malefi-
 cum, impostorem, transfugam, religiosæ vitæ, cui addictus erat, deser-
 torem, & apostatam, Polonicis copijs & auxilijs instructum, ad occu-
 pandam Moschouiam à Rege & Senatu immissum fuisse; non alio ani-
 mo, nisi ut eâ arte Moschouæ amplissimum Imperium, cædibus & in-
 cendijs vastarent, ac priscum religionis suæ ritum abolerent, quare fœ-
 dus iuratâ fide ietum violatum esse referebant. Deinde potitum impo-
 storem Imperio, summâ crudelitate illud exercuisse; opes sacrationis
 ærarij prodegisse; Moschos conspiratione cum Polonis, sub specie nu-
 ptiarum eò inuitatis factâ funditus exscindere voluisse. Palatino Sendo-
 miriensi, nauatæ operæ præmium, Pscouensem Ducatum & magni
 Nouogrodi Imperium dare voluisse, ac penitus omnem Moschouiticam
 Monarchiam euertere in animo habuisse. Moschos re cognitâ meritas
 tandem ab eo pœnas exegisse; in eo tumultu cæsos quosdam Polonos,
 qui nullo non iniuriæ genere homines innoxios, dum Tyrannus rerum
 potiretur, affecerant, sed interuentu Procerum multos seruatos, & Mo-
 schouicæ Principem Basilium Suiscium esse renunciatum; cum eo de in-
 staurando fœdere mutuisque abolendis iniurijs Rex ageret, ut pax utrique
 genti optata confici, ijsque qui detinentur liberari possint. Responsum à
 Rege, male illos queri violatum à Polonis fœdus, quod illi ipsi fregissent:
 Demetrium, seu quisquis ille fuit, qui sub hoc nomine non magis ipsis,
 quàm Polonis imposuit, non antè à Rege Principis nomine dignatum,
 quàm ipsorum Moschorum magno numero ad eum confluentium con-
 fessione, pro certo existimatum fuerit, cum verè esse Ioannis Ducis Mo-
 schouicæ filium; fauisse quidem illi quosdam è Polonis priuatim, & ad
 Imperium aspiranti initio tulisse auxilium; sed mox quamprimùm Ho-
 dunus de eo queri cœpisset, Regijs mandatis reuocatos: cætera Mo-
 schorum eum fauore vsum: in eorum potestate fuisse reciperent necne
 hominem sibi magis, quàm Polonis notum; eorum exercitus & Impe-
 ratores sponte in illius fidem concessisse: deinde extincto Hoduno, fi-
 lium quoque ipsius a Moschis fuisse interfectum, portas Moschouicæ ultro
 per eos apertas; magno applausu ad eum, quem nunc maleficum im-
 postoremque appellant exceptum, delata Imperij insignia. Ab eo mis-
 sos publicè ad Regem & Senatum legatos, sponsam Palatini Sendomi-
 riensis filiam in matrimonium petitam, solenni que ritu eâ desponsatâ
 ad nuptias inuitasse: eò, fretos publicâ fide plerosque magni nominis
 viros, honoris causâ, ut sponsam deducerent iuisse, non prohibitos fi-
 nium ingressu, sed comiter vbique exceptos, inter ipsa hospitalis mensæ
 fœdera mactatos, bonis, fortunis exutos, feminas illustres ludibrio
 habitas:

*Responsum à
 Rege datum
 Legato Mo-
 schouicæ.*

habitas : ac ne quid sceleris deesset , Regios Legatos iure gentium sacro-
sanctos violatos , & cum alijs , quos cædes nō absumpserat , sub custodiam
datos : hæc certè esse fracti & violati ab eis foederis manifesta signa. Si
in Demetrium præcipuo ferebantur odio , potuisse prius , quàm eò Polo-
ni venissent , tollere tantoperè sibi inuisum hominem ; sed itudiosè hanc
dilatam ab eis fraudem , quò suam crudelitatem & avaritiam sanguine
& spolijs innoxiorum hospitem explerent : scituros breui quanto se cri-
mine obstrinxissent , non defuturas Regi tantæ iniuriæ vindicandæ ra-
tiones , eos interim Deum ipsum impij facinoris scelus auersantem , ulto-
rem experturos , ac perfidiosè fuso cruori , sanguine suo parentaturos.
Vera erant quæ obijciebantur , nec à Legatis Moschis refelli poterant.
Igitur postularunt , mitteret ad Principem Legatos Regia Maiestas , il-
lum continuò dimissurum eos qui detinentur , & laxis satisfacturum.
Huic eorum postulationi responsum. Non expectarent Moschi Legatos ,
ni bellum experiri malint ; vix iam cæde & captiuitate cognatorum ami-
corum suorum meritò exacerbatos & in ultionem ruentes homines , à
Regiâ Maiestate contineri ; eorum animos non nisi libertate captiuorum
leniri , & sedari posse : de cæteris iniurijs Regiam Maiestatem per Inter-
nuntios suos acturam. Cùm iniecta fuisset obiter mentio de Petro quo-
dam , qui se filium Theodori , qui postremus è verâ Moschorum Princi-
pum stirpe imperium tenuerat , ferret , ac in finibus Russiæ versaretur : ni-
hil se de eo audiuisse responderunt ; ne tamen , si quid moliri conaretur ,
Rex illi tanquàm impostori suppetias ferret , submisè petierunt. Non su-
perba , more gentis , fuit ea legatio , multa in ea timoris indicia , adeò vt
vel tunc appareret , desperatione rerum suarum , plurimùm Moschos de
veteri fastu remisisse. Ita tum Moschouiticis Nuntijs dimissis , libera Re-
gi & Ordinibus in proximis Comitijs deliberatio relinquebatur , quid de
Moschouitico negotio statuendum esset.

*Moschi alijs
superbi, tunc
modestiam
multaq; ti-
moris indicia
praeserebant.*

*Comitiorum
expectatio.*

*quorum ob
incommodum
anni tempus
dilationem
Rocossiani
malè inter-
pretantur.*

Consedissee aliquantisper ciuiles motus videbantur , omnium animis
expectatione comitiorum suspensis : ea cùm paulò tardius propter in-
commodum anni tempus indicerentur , nacti eam occasionem plerique
Rocossianæ factionis , in Cracouienfi & Sendomiriensi Palatinatibus , E-
questris Ordinis homines , seditiosis clamoribus ijs qui statis temporibus
iuri dicundo præerant , ne ius redderent prohibitis , eò audaciæ deuene-
rant , vt Regem contumaci satis & nimis asperâ perurgerent legatione ,
ne diutiùs Comitia differret , obiter etiam censoriâ libertate Regis cum
Rocossianis ad Ianouecium transactione perstricta. Pækoslavius eâ lega-
tione fungebatur , pridem iam Stephani adhuc Regis tempore , seditio-
nibus excitandis infamis : ac ob eam causam cùm inter alios , qui quòd
Maximilianum Archiducem per vim Regno imponere niterentur , ho-
stes Patriæ erant iudicati , bello ad Bycinam captus esset , eâ conditione
fuit dimissus , ne vnquàm Reipublicæ negotia attingeret : sed tum factæ
sponsionis oblitus , vt animo & ingenio suo morem gereret , consopitis
iam

iam ferè domesticis motibus, ignem subiebat. Responsum utrisque, ne tantoperè desiderio Comitiorum angerentur, & his ipsis diebus indicenda fuisse, sed dilata aliquantisp. quòd & alieno anni tempore commodè expediri ea non potuerint, & proximis motibus omnium immenso sumptu exhaustorum, habenda ratio fuerit. In maiori quoque Polonia ipsidem ferme diebus, paucorum audacia, noua tumultus initia facta sunt, auctore potissimum Petro Lascio, qui inani eorum què diceret faceretue ostentatione, lingua manuque promptus, tantum sibi populatis auræ parauerat, ut quamuis Russia ortus, ac nuper quæsitâ matrimonio certorum bonorum in maiori Polonia hæreditate, Nobilitati Palatinus Calissiensis insertus, primas tamen sibi partes in conuentibus eius oræ usurparet. Is Sigismundo Grudzinski Palatino Rauenli, quem Regi ob negatam bonorum Præfecturæ Sochaceuiensis administrationem, infensum esse non ignorabat, quo renascenti seditioni qualemcunque auctoritatem vnius Senatoris accessione adderet, facillè persuadet, fore, ut Rege pulso, vel in ordinem redacto, ille qui vnus ex Senatu Reipublicæ causam suscepisset, principem deinde in Senatu locum sit habiturus, & ingentes opes nauatæ operæ præmium acquiraturus. Quem callidis consilijs facillè in suam sententiam pertrahit; ambo paucis adiunctis Colum oppidum obscundis maioris Poloniæ conuentibus destinatum, pridie Idus Februarij veniunt, ac de communi consilio, ad Bernardum Maciejouium Cardinalem & Archiepiscopum Gnesnensem non longè à Colo in arce Vnieouiensi degentem mittunt; se quidem eo animo huc venisse, ut cum Rempublicam oppressam, nihilque eorum factum, quæ concordie Rocossiani cōuentus cōsensu decreta erant, videant; diem continuando eidem cōuentui præfigerēt: ceterum ne qui ex eo motus in Republica fierent, hæc extraordinaria remedia non amplexuros, si à Cardinali, tanquam Senatus Principe, his de rebus dato diplomate sibi caueatur. Inprimis Senatores non nili solito comitatu ad futura Comitia venturos. Regiam Maiestatem nulla externa auxilia in præsentia parare, neque paraturam, nec ijs ad opprimendum ordinem Equestrem usuram. Scita Rocossiani conuentus, quæ concordie Equestri ordinis postulatio ne proponentur, in Comitijs approbatum iri. Postremo eis qui indicendi Rocossiani conuentus auctores fuerunt, id ipsum fraudi damnoque non fore. Conatus est multis rationibus persuadere ijs Cardinalis, ut huiusmodi cœptis desisterent, neque temerarijs consilijs se & Rempublicam in periculum præcipitarent: ostendit frustra ea timere illos, quorum nomine sibi cauere postulant; nam neque Senatum pacis & concordie auctorem, cum aliorum animi eodem inclinent, arma sumendi habere causam, neque Regiam Maiestatem in summo suo discrimine, solis gentis nostræ subsidij confisam, atque ijs satis munitam, externis auxilijs, quibus parandis nunquam animum adiecit, egere; aut hactenus eguisse. Iam ut ea, quæ præsens Reipublicæ status requirit, ritè in Comitijs

*causa cur
comitia cele-
rius indicenda
non fuerint.*

*Nouus tumultus
initia in
maiori Polonia.
Eorum Petrus
Lascius auctor.*

*Eius consiliorum
foculus.
Sigismundus
Grudzinski
Palatinus
Rauenlis.*

*Forum à
Cardinali
Maciejouio
Archiepiscopo
Gnesnensi
postulatum.*

*His cœptis eos
desistere hor-
tatur Cardinalis
Maciejouius.*

*frustra eos
dehortante
Cardinali,
proposita sua
urgens.*

*V. Calend.
Aprilis ad
Andreouiam
Rocossiano
conuentus
præfigunt.*

*iustitiam
edicunt.*

*sed nemine
curante.*

*Regis benigni-
tas ceteros in
officio conser-
uauit.*

tij expediantur, ac scita Rocossiani conuentus rata habeantur, in eorum fore potestate, qui in Comitij publica consilia tractabunt, eorum concordia Regiam Maiestatem liberam & accessuram. Denique eam esse Regiam Maiestatem benignitate, ut facile iniurias animo deponat, usum quoque eadem clementia erga Rocossiani conuentus auctores, Patria amore eò progressos, sibi quoque id curae fore, ut erga illos placatum Regia Maiestatis animum reddat. Interim postulare, ut his contenti sint, indictaque iam à Regia Maiestate Comitia prætolentur. Ceterum illi, qui non eo animo quod vel cautione aliqua egerent, vel Principis Senatus consilij uti vellent, sed ut diu meditati conatibus suis aliquam aequitatis speciem (nempe quod non ex voto sibi à Cardinale responderetur) prætexerent, hæc proposuerant, causati Cardinalem suis postulationibus annuere noluisse, multis, quod Regi inuidiam conciliarent fictis, Reipublicæ periculis commemoratis, actionibusque Regijs sinistra interpretatione exagitis, Rocossiano conuentui v. Calendas Aprilis ad Andreouiam continuando diem locumque præfigunt: hortati omnes, qui saluam Rempublicam esse cuperent, eò ut venirent, finem Rocossianis consilij & deliberationibus imposituri. Interea quod securitati eorum, qui Andreouiam venturi erant, consulerent, militares Præfectos designant, militemque scribere iubent, binum tributum sciunt, iustitiam edicunt, omnibus quicumque genere nobilitatis censerent vellent, tam qui militiæ vel aulae Regiæ adscripti sunt, quam qui Senatoribus ac priuatis personis operam suam addixerunt, ut patronis relictis, ad vexillum libertatis conuolent, mandant. Denique sacri ordinis Præsides & vniuersum Ecclesiasticum statum ad consilij societatem inuitant, amicè de rebus ijs, quæ in questione & controuersæ sunt transacturi. Recensendo exercitui ad Siradian decimum tertium Calendas Aprilis diem assignant. Hæc verbis magnifica, re prorsus inania, scripto comprehensa publicè proponunt.

Surdæ ad ea hominum aures, qui proximo ad Sendomiriam conuentu, satis re ipsa experti fuerant, quo talia consilia priuato studio magis, quam boni publici causâ suscepta tenderent præoccupata quoque mentes expectatione Comitiorum, quæ Rex ad nonam Maij Varſauiæ indixerat, importunis seditiosorum sollicitationibus & promissis parum mouebantur. Et Rex quod auerteret dubios, fluctuantisque in fide confirmaret, ac falsò iactatas ab aduersarijs suspiciones à se remoueret, benigno rescripto aculeatis Rocossianorum sermonibus respondit, atque proximè prioris anni, actionum consiliorumque suorum, quibus in pacandâ Republicâ usus erat commemoratis rationibus, modò pacati esse velint, se in proximis Comitij cunctorum expectationi satisfacturum, & promissa impleturum recepit: Illud postremò contestatus, si qui otij, pacis & concordia pertæsi motus cierent, sibi quoque & animum & rationes non defuturas securitati publicæ prospiciendi, nec dubitare vniuersos

fos Ordines, in afferendâ pace publicâ ac dignitate Imperioque suo ad se concordibus votis, Deo ita volente, delato tuendo sibi præstò futuros, auxiliumque & subsidium contra seditiosos & nouorum consiliorum auctores, laturos. His & similibus verbis ad permulcendos hominum animos accommodatis fiebat, vt non ex voto auctoris noui motus consilia procederent. Perculit eosdem Russiæ procerum Leopoli sexto Idus Martij pro Rege factus consensus, quo confestim vt eius Præuinciae Nobilitas ad Vînam sexto Calendas Aprilis conueniret armata, promulgatum erat. Cæterum ne nihil agere viderentur, iidem ipsi qui Colensem conuentum obierant, paucorum accessione aucti prope Siradiam copias recentituri, die præstituto conueniunt. Id ipsum veritas Siradiensis Palatinatus Nobilitas, quæ per hos motus, constantis in Regem fidei & pacatorum consiliorum studiij maximam laudem tulit, Ducibus Alexandro Konicpolski Palatino Siradiensi, viro auitæ Nobilitatis, & priscæ erga Reges obseruantie, ac Stanislao Bykowski Castellano Lanciensi & Capitaneo Siradiensi, utroque belli & pacis artibus insigni, frequens ad Siradiam conuenerat eo animo, vt Rocossianorum conuentibus obuiam iret. Itaque vt eos proximè consedissee intellexerunt, legatos suos, quorum princeps erat Georgius Radofzowski Boxa Succamerarius Viehnensis, vir in multis Reipublicæ negotijs ab ineunte ætate præclarè versatus, ac tum septuagenario maior, ad eos mittunt, ac principio præfati, sibi quoque publicæ libertatis tuendæ innatum esse studium; cæterum se eorum conatus suspectos habere; quippe cum libertatis assertores dici cupiant, primi ipsi illam alijs, dum cunctos dicto suo parere iubent, & priuati homines priuatam vsurpent & in alios extendant, auctoritatem, adimunt; id cum præter institutum maiorum fiat, sibi minimè placere posse, proinde cum nihil commune cum seditiosis hominibus habere velint, fraternè ab ijs postulare, ne in sui territorij agro eiusmodi conuentus instituunt, sed quamprimùm hinc excedant, Patriam ne turbent, ius exerceri ne verent, armis positis pacatè se gerant. Pudebat tum Rocossianos suæ infrequentie adeò vt in conspectum Siradiensis Nobilitatis venire non ausi fuerint, nec sanè quidquam, quod ad rem pertineret, legatis responderunt. Itaque cum Siradiensi Nobilitate inuità iter versus Andreouiam institutum prosequi non possent, nec diutiùs eodem in loco hædere auderent, solutis ordinibus quâ quisque poterat, deuiò itinere superandi fluuij Vartæ causâ digressi, paulò ferids quàm decreuerant Andreouiam venerunt.

Russia Procerum insignis erga Regem fides;

item Nobilitatis Palatinatus Siradiensis,

auctore Alexandro Konicpolski Palatino Siradiensi.

Hos veritè Rocossiani:

quare deuium iter suscepimus versus Andreouiam.

Indictis à Rege Comitibus peragebantur conuentus particulares.

Indictis interea à Rege Comitibus, agebantur more solito particulares Palatinatum conuentus, in quibus Rex per oratores suos rerum tractandarum seriem proponens, principio ijs quæ superiori anno turbulento Reipublicæ statu gesta sunt obliuioni potius tradendis paucis commemoratis, pacem publicam stabiliendam esse ostendebat, se quamuis tantis affectum iniurijs, tot oneratum suspicionibus, & immeritò in

*Summa eorū
qua à Rege
in conuenti-
bus particula-
ribus propo-
nebantur.*

*De compo-
sitione inter
status.*

*De nauiga-
tione Vartæ
fluij.*

*De feudo
Prussico.*

*De arcibus in
confiniis con-
tra Tartaros
extruendis.*

odium subiecti sibi populi adductum, non tam eo nomine queri, quàm quidquid id est iudicandum ordinibus relinquere, an fieri debuerit. Agnoscere Regiam Maiestatem singulari Diuinæ bonitatis erga se Regnumque hoc clementiâ factum esse, vt rebus ferè perditis, & extremâ spe pendentibus, nihil tamen aduersi acciderit, sed pristinus Reipublicæ status conseruatus sit: expertam esse Regiam Maiestatem vetustis annalium monumentis consignatam inclytæ gentis Polonæ erga Reges Principesque suos fidem: eâ re adeò Regiam Maiestatem delectari, vt spectatæ virtuti tam benè de se meritæ gentis, libenter, quod & hætenus fecit, non Imperium modò suum, sed famam, salutem, vitamque suam permittere velit: precari interim Deum Optimum Maximum, vt dissentientibus animis, concordix nexu confociatis felicem & optatum consiliorum effectum largiatur: velle imprimis Regiam Maiestatem, ea quæ Vislicix scita sunt, auctoritate Comitiorum firmari: non abnuere quin & alia, quæ concordix ordinum consensu à se postulata fuerint concedantur atque statuuntur. Habet iam camera Regia, quemadmodum Vislicix postulatum fuit, suum Præfectum, dimissi ab aulâ externi homines, præter paucos Suecos, qui illius Regni negotia curent, ac nonnullos Pruthenos, Liuones, & Æstones, qui cum sint huius Reipublicæ membra, eos pro externis censi non posse. Componendæ eius, quæ inter sacrum & secularem ordinem, diu iam in quæstione est, controuersix rationes plerasque pendere ab arbitrio summi Pontificis: ad eum missum esse Nuntium Regiæ Maiestatis, scriptas Cleri vniuersi nomine literas, petitumque vt eo annuente aliquid de iure decedere liceat: cupere magnoperè Regiam Maiestatem ea ordinum dissidia, quæ magno Reipublicæ incommodo exercentur, tandem aliquando tolli, & componi. Expetitam à maioribus Polonis fluuij Vartæ nauigationem, missa ad Electorem Brandenburgicum, qui in suâ potestate ostia eius fluminis habet, oratore, curari. Proximis Comitijis satis explicatum esse quo in statu sit negotium feudi Prussici, quod iure & Regum Poloniae concessione sibi deberi familia Principum Domus Brandenburgicæ contendit. Curam quidem Principis ægri cum diutius proferri non potuerit, ex frequentissimi Senatus consilio & assensu ad Illustrissimum Principem Electorem, interpositis conditionibus & pactis delatam esse, ius verò ipsum feudi, eiusque cognitionem Ordinum Regni iudicio reseruari: actum fuisse aliquoties hac de re, propositis vtrinque rationibus, sed nihil hætenus conclusum, dispicerent Ordines quid de eo statui oporteret. Castris, in finibus, Tartaris oppositis, à Rege ex pacto construendis, loca præfigi, eosque, qui id facerent, atque priuatos à publicis fundis in illâ desertâ, sed si excoletur frugiferâ regione secernerent, publicâ ordinum Regni auctoritate designandos esse. Velle Regiam Maiestatem hac ipsâ æstate dare initium huic rei, sed frustrâ in vastâ illâ solitudine arces construui, nisi eodem quoque colonix deducatur, id fieri posset, si hominibus Equestri Ordine natis

natis incerti iuris possessiones hæreditario iure conferrentur, ut simul & arcium præsidij & agros incolentium multitudine, hostes à populatione & vagis excursionibus arceri possint. Disciplina militaris laxatis licentiæ frenis dissoluta, quomodo in pristinum itatum restitui possit, in-
De militari disciplinâ, restaurandâ.
eundas esse rationes; ne miles publico stipendio conductus in extorquendâ annonâ adeo sit priuatis hominibus grauis, ne perniciosas contra Patriam conspirationes ineat, & ut ad bella capeffenda promptum se exhibeat, ita vicissim parere imperio discat, curaturam Regiam Maiestatem, ut quò præmijs ad nauandam Patriæ operam allici, & in officio contineri possit, eorum qui sex annorum emerita stipendia habuerint, testimonioque Ducum & militaris fortitudinis & civilis modestiæ laudem tulerint, in conferendis beneficijs prima ratio habeatur. Bona Reipublicæ, doti defunctæ Reginæ subiecta & obnoxia, eius
De contradote Regina mortuæ.
morte immunia facta esse, de quo ne quis ambigere possit, reddituram Regiam Maiestatem in proximis Comitijs in eam rem datâ diplomata; interim postulare, ut præsentis coniugi suæ dotalitia bona, quæ reformationis titulo suæ Serenitatis iuri obnoxia forent, ordines in ipsidem Comitijs designare velint. Cum Imperatore Turcarum fœdus
De fœdere cum Imperatore Turcarum.
quidem non esse hætenus renouatum, quòd is cui erat mandatum, ut Regis & Reipublicæ nomine apud eum legationis munere fungeretur, primò publicis, quæ cum proximo anno satis exercuerunt, deinde priuatis negotijs impeditus id ex æquo intermiserit; cæterum ne ea mora periculo Reipublicæ esset, satis à Regiâ Maiestate eò missis Nuntijs, qui tarditatem legationis excusarent, cautum esse, eoque factum, ut quamuis tot illatis frequentibus Cosacorum in ditiones Turcicas excursionibus damnis, occasio barbaris data fuisset eas iniurias armis vindicandi, nihil tamen istic motum fuerit. Nunc iam alium legatum missum esse, qui ictum cum Regiâ Maiestate & præsentis Imperatoris patre fœdus, ex veteri consuetudine firmaret: id
De Cosacorum licentiâ coercendâ, à quibus Varna nuper expugnata.
stabilius certiusque fore, si Cosacorum licentia coërceretur, quæ eò usque creuit ut ex libitu suo bellum inferant, ac prædas agant. Varnam proximo anno nobile Turcarum emporium ab eis direptum esse, decem Turcicas triremes mercibus onustas interceptas; & nisi in legitimam aliquam imperij formam colluies illa redigatur, ingentem Turcici belli tempestatem inopinantibus nobis, eos in Republicâ concituros. Tartarum missis proximè Legatis, pacem petere, & fœdus sancire velle: missum quoque eò esse à Regiâ Maiestate legatum, qui de illatis damnis quereretur, nec antè stipendium solitum illi datum iri ostenderet, quàm is in posterum caueret se suos subditos ab hostilibus in fines Regni excursionibus cohibiturum. Liunioniam Prouinciam sanguine Polono partam, extremam iam opem implorare, eius possessione magnâ ex parte hostem quidem esse exutum, & aliquot nobilissimis victorijs
K 2 Caroli

*De stipendijs
militis in Li-
thuania mili-
tantis.*

*De legatione
Moschouiti-
câ, & quid
Moschis re-
sponsum.*

*De bello
Moschis infe-
rendo.*

*De temetitate
paucorum
qui nouum
tumultum
concitare co-
mabantur.*

Caroli Chodkieuicij pro Magno Ducatu Lithuaniae exercituum Praefecti ductu profligatum : sed milite ob non numerata stipendia inde excedente, Prouinciam omni praesidio esse destitutam, venturam rursus, ni prouideatur, in potestatem hostis hanc ipsam illius occupandae occasionem captantis. Iam ipsum militem Regijs possessionibus per vim occupatis haerere in visceribus Regni, vastare patrimonium Reipublicae, exuere miseros colonos omnibus fortunis, nec iam à bonis hominum Equestris ordinis abstinere : illaturos magnam Reipublicae calamitatem, nisi solutis stipendijs (quae quâ ratione confici, & representari possint, in futuris Comitijs expendendum) exauctorentur, vel iterum militari sacramento adigantur. Moschouiam caeso eo, qui Demetrii nomine eum Principatum inuaserat, ciuili hucusque redundare sanguine : missos inde fuisse ad Regiam Maiestatem Nuntios questum, per vim hunc ipsum Demetrium à Polonis sibi obtrusum, ac foedus eo ipso violatum fuisse. Responsum illis ita esse, vt omnis foederis fracti culpa in illos retorqueretur; nam, quisquis ille fuerit Demetrius, eum ab illis vt Principem palam inuitatum, & eò venientem receptum, eo inaugurato in Poloniam legatos publicè missos, ad nuptias Regem inuitatum, mox insidiosè multos Polonos eorum fidem secutos alios immani feritate caesos; alios, ac in his legatos Regios contra iura omnium gentium in vincula coniectos. Ad ea Moschos cum quid responderent non haberent, hoc vnum postulasse, vt eò suos Nuntios Regia Maiestas mitteret, quos iam à Regiâ Maiestate expeditos esse, qui & iniurias factas quererentur, & res ablatas, hominesque interceptos repeterent, pacemque, si quis esset cum quo hac de re agi posset, firmarent. Caeterum tot acceptis à gente barbarâ, & nomini Polono inimicissimâ iniurijs, an ad eas referendas, dudumque fraude illorum interceptas amplissimas Prouincias recuperandas, cum vltro praeclaræ se pandant occasiones, animum adijcere libeat, diligenter esse considerandum. Regiam Maiestatem esse eo animo, vt hac in parte, modò Ordines Regni studia voluntatesque suas eò conferant, ostendere velit se Reipublicae & muneri suo deesse nolle. Postulare denique, cum pacandae Reipublicae facultas in concordia omnium sita sit, ei potissimum studeant, Nuntiosque quibus id ipsum curæ sit, quique non priuati negotij causâ id munus ambiant, designent. His ita perscriptis, nuntio de Golenis conuentus conatibus allato, adiectum praeterea, cum pauci quidam priuatâ auctoritate, quietis impatientes nouum tumultum ciere moliantur, vt Rempublicam seditionibus intestinis exagitent, arbitrari Regiam Maiestatem eorum perniciofa consilia, & temerarios ausus nequaquam locum apud homines pacis & concordiae cupidos, Patriaeque amantes habituros : fucum eos facere inani libertatis ostentatione, cum indicta sint Comitia, in quibus more maiorum, graui

Senatus

Senatus & Equestris ordinis iudicio, ficta eorum quæ hætenùs iactant somnia, & vanæ suspiciones expendi possint; miscere eos omnia, ac pacatum Reipublicæ statum perturbare velle, quò sublati legibus confuso ordine, abrogatis Magistratibus, ipsi demum seditiosæ concionis decreto, Rempublicam sui iuris & arbitrij faciant, eam ex suo sensu vel potius libidine reformaturi. Peterè ne eis ordines fidem accommodent, quin potius eorum conatibus obstant, nec si quid contra Regiam Maiestatem molirentur, auxilium ferant.

Hæc ferè summa erat eorum, quæ tum per conuentus particulares Regio iussu & nomine proponebantur. Andreouiam admodum pauci primò ex seditiosis venerunt, ijque potissimùm, qui temeritate & audaciâ cæteris præire volebant: non aliquà virium fiducia, quas nullas habebant, sed non ignari mite Regis ingenium, pænè in conspectu illius (nam Andreouia vnus diei itinere Cracouia distat) sedem consilij turbidis proponendis fixerant. Nec sanè eos fefellit opinio; nam cum illi seditionem concitarent, homines armatos cogerent, ac pænè classicum canerent, & in Regem contumeliosis scriptis inueherentur: ille Regio planè animo hæc contemnenda existimans, benignitate potius & clementia sanandos, quàm seueritate coercendos putauit. Igitur quamuis eorum insolentia cresceret, atque viribus etiam tumultuario conscripto milite aucti essent, & Ioannis Radiuili, qui seriùs aliquantò eò venerat aduentu, eiusque copijs militaribus intumesceret, Rex tamen misit ad eos Eustachium Volouicium pro Magno Ducatu Lithuanie Referendarium & Georgium Ducem in Zbaras Pinscensem Socaliensemque Præfectum, qui ob suscepta ab eis eiusmodi consilia extraordinariumque coactum conuentum, quæ Reipublicæ domi forisque pericula imminerent, ostenderent: proximè iutare Comitia ab vniuersis Regni Ordinibus flagitata: ea postquam indieta sint, pari omnium consensu approbata, lectos Nuntios, omniaque secundùm veterem consuetudinem ac leges & instituta maiorum peracta, non dubiam spem esse in illo publico Regni consensu, Rege & Senatu & Equestris Ordinis Nuntijs adnitentibus, presentibus Reipublicæ incommodis satis prospectum iri, Regiam Maiestatem ad omnia, quæ concordie omnium consensu proposita fuerint, præstanda esse & fore paratissimam. Ad ea illi: Sæpiùs iam quidem promissorum Regiæ Maiestatis expectatione, animos conatusque suos suspensos, ac pænè elusos fuisse; cæterùm ne omnino indieta Comitia contemnere viderentur, cum eò etiam accedant multorùm Equestris ordinis è diuersis partibus suasiones, se ad v. Calendas Iunij promissam satisfactionem expectaturos, sedemque peragendi conuentus sui proximè Varsauiam translaturus. Constituerat Palatinus Cracouiensis, vt primùm (eo haud dubiè clam consilia suggerente) noui motus initia data sunt, quò maiori potentia conuentus Andreouiensis niteretur, cò cum copijs suis venire; sed cum suas vires nequaquam ijs, quas Rex omni Russico

Conuentus
seditiosorum
ad Andreouiam.

Regis in contemnenda
Rocofianorū
leuitate animus.

Regis à temeritate
dehortantur ad illos nuntij.

Responsum
ad ea Rocofianorum.

*Palatinus
contra spon-
sionem factā
Rocossianorū
consilia fouet.*

milite ad eum confluente haberet, pares cerneret, verereturque, ne Rex si quid contra pacta Ianouecensia committeret, legitimam in eum seuerius animaduertendi causam & occasionem haberet, maluit alienæ, quàm suæ temeritatis periculo, experiri, quid Rex in animo haberet: quem postquàm lenibus solito vti remedijs cognouit, ipsè quoque publicè scriptis editis, & probato Andreouienfi conuentu, palàm quàm mente esset declarauit.

*Potocij parti-
bus Regis
stetere.*

*Regis Craco-
uia Varša-
uiam iter ad
obscura co-
mitia.*

Iam Zolkienius, iam Potocij Cracouiam venerant, cæteri que qui Regiarum partium præsidio militari robur ac firmamentum erant, cùm Rex appetente Comitiorum die, recensito exercitu, atque ex eo, quantum Cracouiæ, vbi vxorem & filium relinquebat, satis præsidio foret relicto, v. Calendas Maij Cracouiā Varšauiam versus profectus est: ac licet Andreouia in ipso itinere esset, tantumque virium haberet, vt facilè conuentum, qui istic agebatur, eâ occasione submouere & discutere posset, tamen ne si nascentem seditionem armis oppressisset, se inuidiæ populari obijceret, consultò declinauit, & ad lauam flexit iter, illud diligenter cauens, ne quod à parte suâ noui motus initium oriretur. Pridie nonas Maij decimo postquàm Cracouiā discesserat die, instructo sub signis exercitu, Varšauiam ingressus est; ac ne noua armatorum Comitiorum facies magis necessitate præsentis status, quàm Regiâ voluntate vsurpata animos hominum turbaret, Rex continuò vniuersum exercitum, quidquid hominum in armis erat, positus extra ciuitatem versus septemtrionem castris tendere iussit, ciuitas ipsa, veluti omnia pacata essent, venientibus ad Comitia patuit: eo modo & securitati prouisum, & submoto militari tumultu, liberè dicendis sententijs, consilijsque explicandis

*Initium Co-
mitiorum
Varšauia.*

*moderator
confessus Nun-
tiorum terre-
strum Felix
Crispius.*

omnibus amplissima potestas facta. Ita ritè cunctis dispositis, præmissio solenni sacrosanctæ Missæ sacrificio, præsentè frequentissimo Senatu, initia futuræ consultationi data: atque imprimis Terrarum Nuntij, de more eum qui rogandis in eorum confesso sententijs præesset legentes, ad Felicem Criscium Regni Referendarium concordì consensu id munus detulerunt: qui cùm singulari facundiâ atque rerum vsu polleret, semperque optimarum in Republicâ partium auctor promotorque esset, facile omnes in eam spem adduxit, vt eo publica Equeltris ordinis consilia moderante, omnia ex voto & desiderio bonorum esse cessura confiderent. Quam hominum de se conceptam opinionem, eâ oratione, quam primam Nuntiorum nomine ad Regem & Senatum habuit, ita confirmauit atque etiam auxit, vt nemo esset, qui non Regi & Republicæ gratulandum existimaret, talem popularibus consilijs, quæ plerumque leui momento perturbantur, rectorem ac moderatorem contigisse. Rex ijs, quorum causâ Comitia indixerat, breuiter expositis, præsentique Reipublicæ statu recensito postulauit, vt quod è Republicâ ordines censerent, exponerent; se omnia arbitrio ordinum permittere, agerent facerentque illi cuncta, ac liberè statuerent, experturi Regem promptum,

*Propositio
Regis tra-
standorum in
Comitijs.
Rex quò libe-
rius sententiæ
dicerentur,
illis interesse
noluit.*

paratum-

paratumque ad ea omnia præstanda, quæ concors ordinum consensus decreuerit: ac ne sua præsentia, quominus liberè ab omnibus sententiæ dicerentur, obitare videretur, nolle se interesse publicis consilijs, tractaret ea se absente Senatus, accitis Nuntijs. Benignitas ea Regis atque animi moderatio, grata erat cunctis; quare cum dicerentur sententiæ, ex Senatoribus quisque pro se Regi eo nomine gratias agere, laudare pium & paternum erga subditos affectum, sua studia, curas, & vigilias, ad pacandam Reipublicæ præsentem tempestatem polliceri. In ijs tum primo Comitijs introducta fuit ea consultandi ratio, ut vno eodemque in loco Senatus & Nuntij Rege absente conuenirent, faciliusque eo modo discordes Nuntiorum sententiæ, Senatorum accedente auctoritate, conciliari posse plerique arbitrati sunt. Et cum Visliciensis & Sendomiriensis conuentuum rogationes in questione essent, hæcque vel illas alterutra factionis pars tuendas suscepisset, ne temerarijs disceptationibus tempus frustra tereretur, ea inita est ratio expediendorum consiliorum: proponebatur negotium de quo utrobique actum, & aliquid sanctum esset, quaesitumque cuiusnam conuentus, Visliciensisne, an Sendomiriensis decretum probandum foret: ea de re dicta ab vno, vel summum altero ex Senatoribus sententiâ, si nemo erat ex Nuntijs qui dissentiret, lex perscribatur: si qui refragarentur, ij vltro citroque propositis rationibus facilè in omnium sententiam concedebant: fiebatque ut multæ res controuersæ satis, de quibus antea minimè inter Status conuenire poterat, tunc facili quodam negotio deciderentur, multaque Reipublicæ salutaria Senatus consulta perferrentur. Angebat magnopere Rocossianos felix is comitiorum progressus, qui Andreoniâ discesserunt edicto proposito, quo, quod non Rocossianis consultationibus finem illis imposuissent, modestiâ suâ factum esse ostendebant; potuisse iam supremæ suæ potestatis decreto prospicere Reipublicæ; sed ne fortè temeritatis arguerentur, etiam hac vice expectare velle, an Rex ea, quæ se facturum recepit, in Comitijs præstaret: nunc eò cum exercitu vniuersos progredi, hortari cunctos se sequi velint, alioqui vel ijs absentibus se ea consilia amplexuros, quæ Reipublicæ status exposcere videbitur. Hæc tum satis pro imperio non multò plures triginta homines, exceptis familiaribus, & iis qui pecuniâ conducti merebant, edicebant: ut tam paucos tantum sibi arrogare ausos vix credibile sit futurum.

Palatinus Cracouiensis, cuius nutu & consilio omnia ista gerebantur, postquam Regem Cracouiâ discessisse intellexit, ipse quoque Zamoscio, bellico instructus apparatu, non ut Comitijs interesset, quemadmodum ad Ianouecium se facturum Regi fide data spononderat, sed ut Rocossianæ factioni robur & auctoritatem adderet, profectus est. Data erant ad eum, cum iam in itinere esset, Senatorum Nuntiorumque omnium literæ, quibus admonebatur maturè ad Comitium venire; id ab eo & Senatorij muneris functionem, & negotiorum consiliorumque, quorum

Iniuncta ante consultandi ratio Senatorum cum Nuntijs Rege absente.

Palatinus Cracouiensis vires Rocossianorum sua interuentu augere contendit.

Litteræ ordinum Regni ad Palatinum, cum ad Comitium inuocantur.

ipse auctor esset, expectationeque eorum suspensos animos ciuium teneret, in Comitij institutam tractationem exigere: nunquam commodius Reipublicæ periculis prouideri, ac internam pacem & concordiam stabiliri posse, quam in eo confesso, qui ritè & more maiorum indictus omnium Regni ordinum auctoritate niteretur. Ad ea ille nihil suâ præsentia istic opus esse respondit: non idcirco indicta Comitia, vt sibi quasi in ius vocato necessitas fieret edisserendi ea, quæ de imminentibus Reipublicæ periculis, proditorijsque consilijs comperta haberet, sed vt Rex promissis suis satisfaceret: callidum & subtile hoc consilij genus excogitatum, vt Rex onere satisfactionis leuaretur, hinc eius consilij auctores fingere, quasi se absente Comitia rectè peragi non possint, non alio fine, nisi vt eo prætextu, si nihil eorum, quæ Rex toties se præstiturum receperat, fieret, expectationem vniuersæ Reipublicæ eluderent. Satis in Stæzicensi & Lublinensi ac postremò Sendomiriensi conuentu ostensa & declarata esse hæc pericula, ac quid Rex Reipublicæ deberet, frustra plura à se postulari, cum hæc sufficere possint: non diffiteri se habere adhuc nonnulla, quæ dudum protulisset, nisi vereretur, ne rem ad tumultum deduceret; facturum tamen si id, quod nollet, speratæ satisfactionis tempus frustra abierit, nec Reipublicæ satis cautum ac prouisum fuerit. Hæc in speciem ab eo ambiguo quodam orationis circuitu dicta, eò tendebant, vt abrogatâ omni Comitiorum auctoritate, omnes inde ad Rocoſſianum Conuentum euocaret: quod apertiùs paulò antè legatione istic ad Comitia missâ declaratum fuit, postulatūque ne quid inuitis ijs qui auctoritatem præsentium Comitiorum non agnoscunt, decerneretur: quod quidem fieri non poterat, nisi si nulla factâ conclusione, solutis Comitij discederetur. Cæterum cum tantoperè homines iniectæ à Palatino Cracouiensi arcana cuiusdam Regis & Senatorum contra Rempubicam machinationis, in publicum proferendæ expectatione tenerentur, isque solitis ambagibus promissa sua inuoluens, atque inanem vulgi sciendi cupiditatem eludens, hoc quasi seditionis incendio vteretur; & nisi hoc pateret, nunquam noui subinde tumultus suscitandi occasio defutura videretur, Senatusconsultum fieri placuit in eum sensum: Cum proximi in Republicâ motus inde originem potissimum sumpserint, quod quidam comperisse se asserent, clandestina iniri consilia deferendi per Regiam Maiestatem Regni, eiusque exteris, iure liberè eligendi Regis sublato, tradendi; ac præterea quidam ex Senatu ab ijs insimularentur, tanquam Regiæ Maiestati auctores essent, vt ijs legibus, quibus Regnum ei delatum est contemptis, absoluti dominij imperium vsurparet: isque metus vniuersos, qui nobili & generoso quodam studio ad tuendas in quibus nati sunt libertates, non immeritò exarserunt, sollicitos habeat, Sacram Regiam Maiestatem, & omnes Regni ordines, ne quid tale in animis hominum hæreat, atque istis suspicionibus, & inani metu Respublica liberetur, auctoritate Comitiorum edicere & mandare,

eius responsum,

nihil ad se Comitia pertinere docens ambiguum.

quid intenderit ambiguo responso Palatinus Cracouiensis.

Senatusconsultum factū, vt quicumque aliqua occulta contra Rempubicam consilia secreta ad Comitia se sifteret, ea propalaturus.

re, omnes cuiuscunque status & conditionis sint, qui eiusmodi clandestinorum consiliorum notitiam habent, & qui Senatorum fidem accusant, ad VIII. Idus Iunij pacatè, nec ampliori comitatu, quàm qui Constitutione Comitiorum Coronationis Regis præscriptus est, Varſaviæ se ſisterent, fide publicâ dicturi & prolaturi ea quæ comperta habent. Eius rei causa iudices ex Senatu & Nuntijs, quorum fide integrâ, & hoc crimine, quod in quæſtione est, minimè suspectâ lectum iri, qui iurati causam vniuscuiusque accusati cognoscant, accriminis reum pœnis legum subijciant. Accusator si crimen falsum intenderit, pœnâ calumniæ teneatur. Ab VIII. Idus Iunij ad octiduum exercendis istis iudicijs tempus præfiniri: si qui intra hoc tempus comparere noluerint, ac spreto huius Senatusconsulti decreto Rempublicam conturbarint, homines armatos sub signis habuerint, ne quid inde Respublica detrimenti capiat, Sacram Regiam Maiestatem & Ordines Regni auctoritate præsentis conuentus prouifuros.

Hoc edictum octauo Calendas Iunij publicè propositum variè animos hominum affecit; erant qui hanc conditionem Palatinum Cracouiensem non aspernaturum, atque ultro Varſaviam, ne si ea quæ dicturum se promiserat, hac oblata occasione dissimularet, vanitatis argueretur, venturum existimarent. Sed ille quominus id faceret, nullâ aliâ legitimâ excusatione vsus, nisi quod eo edicto ampla nimis facultas se reos arguendi offerebatur, vt accusatori, ni obiectum crimen probaret, pœna calumniæ subeunda foret, ac pleraque alia obtexens, quasi iam de Republicâ actum esset, contrario edicto omnes Rocossianum conuentum suis viribus fulcirent, frustra, cùm nemo responderet, hortabatur. Ac vt quâ mente essent Rocossianæ factionis Principes aperirent, seque Comitiorum auctoritatem nullam agnoscere ostenderent, & ad Senatum, & ad Nuntios terrarum legatos miserunt cum eiusmodi mandatis, vt omnino à Comitijs agendis superſederent, seque ad Rocossianum conuentum transferrent. Multis verbis exagitatam est hac legatione Senatusconsultum proximè in Comitijs latum, eo fundamenta iurium Regni & libertatum conuelli, Regi quiduis liberè agendi frena laxari, Senatoribus & cæteris alijs pernicioſa Reipublicæ consilia euulgandi, eorumque auctores deferendi potestatem eripi, ac metu homines à tuendâ libertate arceri: conditionem, quâ Regi non nisi secundùm iura imperanti parere subditi tenentur abrogari, neminem posthac ausurum propositâ calumniæ pœnâ, liberâ voce Regis vel Senatus in Reipublicæ negotijs actiones reprehendere. Maiores quidem suos longè aliter eâ libertate vsos, ab ijs Henrico Regi abrogatum regnum, nullam aliam ob causam, nisi quod pactis non stetit: liberè Sigismundum Augustum Regem admonitum Parcouiæ, obiectas suspiciones diluere conatum fuisse: Stephanum Regem insinulatum tanquam nepotem ex fratre Balthasarum Batthorem Principem Liunioniæ creare vellet, se id non

Palatinus
Cracouiensis
ad Comitias
venire ab-
nuis.

Auctores Ro-
cossi nul-
lam eorum
Comitiorum
auctoritatem
esse contem-
dunt.

deq; eâ re
per Nuntios
agunt.

factu-

*Responsum
ad ea à Sena-
tu Rocossianis
datum.*

facturum, cauere Reipublicæ voluisse: postremò Regem præsentem cum multa ei in Comitijs, quæ ab inquisitione nomen sortita sunt obijcerentur, exemplo Sigismundi Augusti rationem factorum consiliorumque suorum reddidisse, id ne in posterum fiat, ac libertates iuraque Reipublicæ Regum ludibrio obnoxia sint, hoc Senatusconsulto cautum esse videri. Non esse æquum libertatum custodes legum laqueis implicari, vel causam publicam priuatorum iure censerì, eam se non deserturos, sed coniunctis animis & viribus propugnaturòs, nec passuros vt priuatæ personæ ob susceptum libertatum Patriarum patrocinium, in discrimen veniant, vel pœnis subijciantur. Si quid in Republicâ secus quàm decuit factum sit, id non à Rege, vel Senatu certis Iudicibus permittendum, sed vniuersæ Nobilitatis generali quodam iudicio discutiendum esse; ob hanc causam institutum esse Conuentum Rocossianum, qui malæ administratæ Reipublicæ consciorum oculos perstringat, vt eius arbitrium effugiant. Is erat eius legationis sensus, quâ postremò postularunt à Senatu & Nuntijs, ne Comitijs agendis tempus frustra inlumerent. Responsum ad ea à Senatu, ostensumque inprimis Senatusconsultum, quo illi offenduntur, necessitate præsentis Reipublicæ status expressum, niti legibus patrijs, nec quidquam libertatibus derogare, id solummodò eo caueri, ne quis impunè calumniam inferre audeat; idque non nouam, sed omnium gentium, ac nostris etiam legibus prouisum. Longè à Maiorum exemplis recessisse Rocossianos; Regem Henricum magis suâ sponte, cum expectatus diutius redire noluerit, regno se abdicasse, quàm sententiâ alicuius abiudicatum fuisse. Sigismundum Augustum & Stephanum, si modò id factum fuit, priuatim certè, & non tantis excitatis tumultibus monitos; non iactata in eos crimina, nec vanis suspitionibus populari inuidiæ obiectos. Quid à Regiâ Maiestate in Comitijs inquisitionis ij, qui tum primas in Republicâ partes tenebant extorquere voluerint, meliùs iudicaturam posteritatem; quidquid tamen eo tempore actum est, id auctoritate Comitiorum stetisse. Non vetari eo Senatusconsulto quenquam, si quid vel Regem, vel alium quempiam in leges peccare animaduernerit, quin pro munere suo officij admoneat, sed calumnijs & fictis suspitionibus viam præcludi. Mirari cur selectissimum ex Senatu & Equestri ordine iudicium aspernentur, videlicet meliùs iudicaturam per tumultum concitatam multitudinem, quid æquum iniquumue sit, quàm homines totius Regni primarios. Respicerent suas Regiasque, vel potiùs Reipublicæ partes, hinc Senatum vniuersum, florem Nobilitatis, terrarum Nuntios, publici consilij auctores: si hos vniuersos sceleris & perfidiæ condemnant, quid tandem in Republicâ finceri futurum est? quod si non omnes suspectos habent, cur eorum arbitrio id quod dudum iam circumròdunt, non permittunt? cur nouam & insolitam sibi arrogant potestatem? cur ad extraordinaria iudicia prouocant? Meliùs eos facturos, si priuatis studijs sepositis, publicæ omnium con-

concordiâ accederent, moribus & institutis maiorum acquiescerent, nec secessionem Reipublicæ perniciosam, vel, quod absit, bellum ciuile excitarent. Se in hac Reipublicæ speculâ positos prospecturos, ne quideam detrimenti capiat, nullos alios conuentus probaturos, comitia ritè & legitime indicta peracturos, hortari vt & ij eodem flectant animos suos, neque sua obitinatione communem Patriam in discrimen adducant. Hoc Senatus & Nuntiorum accepto responso, cum animaduernerent non adeo multum suis persuasionibus promoueri homines, supremam quasi Rocossianis consultationibus manum imposituri, diem xv. Calendas Iulij vulgandis ijs quæ Palatinus dudum se deprompturum pollicebatur, præfigunt, rati eo modo se vniuersos qui in partibus Regijs erant, vel certè magnam eorum partem ad se pertracturos.

*Rocossiani
quo Regi ad-
dictos ad se
traherent,
euulgandis
quibusdam
contra Regem
arcanis diem
15. Kal. Iulij
præfigunt.*

Interea cum iam tempus Senatusconsulto præfixum præterisset, ac nemo, qui vel in Regem, vel in quenquam ex Senatu aliquid proferret compareret: Rex in maximâ Senatorij Equestrisque ordinis hominum frequentia, multis etiam Rocossianorum, qui frequentes sub specie legationis Varſauiam venerant, præsentibus, quàm indignè ab aduersarijs insignem patiatur calumniam ostensurus, omnium in se animos oculosque conuertit. Paucis igitur verbis præfatus, sibi ab eo tempore quo Diuinâ voluntate, & consentientibus ordinum studijs, sceptrâ huius Regni ad se delata sunt, nihil vnquam potius fuisse, quàm vt iura libertatesque, maiorum suorum benignitate concessas, conseruaret; & quamuis vt in eâ omnium expectationi amplissimi Senatus (cuius munus est prouidere, ne quid secus fiat) testimonio responderet, adniteretur, non potuisse tamè, Deo ita permittente, effugere improborum hominum maledicas & suâ Maiestate indignas voces, quibus falsò insimularetur earum rerum, quas nunquam in animo habuerit: publico edicto ex Senatus & omnium ordinum sententiâ datam esse potestatem, cunctis in hoc amplissimo Regni confesso, vel se, vel Senatum palàm & liberè arguendi: id vt fieret, libenter se, quò magis sua innocentia eluceret, assensisse; si quid præterea ordines postularent, se eorum arbitrio stare velle, omnium interesse vanas istas suspiciones ex animis hominum euelli, & motus Reipublicæ componi. Confidere se, Deum suæ innocentiae testem, breui vniuerso orbi palàm facturum, falsas esse aduersariorum suorum calumnias; se sibi optimè conscium esse, nihil à se factum, quod iuramento suo aduersaretur, eius rei Senatum & Ordines esse, & apud posteritatem fore testes; non dubitare daturos operam ordines, vt ea tam insignis læsæ Maiestatis iniuria aboleatur, & maledicæ calumniatorum lingua, quò in posterum innocentia inter improbos tuta sit, coërceantur. Secundum eam Regis orationem, vniuersus Senatus assurrexit; laudatâque Regis animi moderatione, nunquam sibi optimi Principis innocentiam dubiam vel suspectam fuisse respondit: nec tamen mirari debere Regiam Maiestatem, si pauci reperti sint, qui optimas & Reipublicæ salutares illius

*Rex ipse or-
dines alloquitur,
& quàm
falsò traduca-
tur ostendit.*

*Responsum à
Senatu Regis
orationis.*

illius actiones, sinistra interpretatione detorqueant: naturâ comparatum esse, vt ij, qui cæteris eminent, potissimum inuidiæ telis perantur; nec temerè dictum existimandum est, Regium esse, cum benè feceris, malè audire; neminem vnquam fuisse adeò exactæ consummatæque virtutis, qui calumniatorum maledicta effugerit; eam communem Regibus sortem, obeundam quoque Regiæ Maiestati fuisse, vt eo ipso confutatâ inimicæ vocis calumniâ, clarior illustriorque Regia innocentia apparet. Senatum quoque varijs criminationibus exagitaturn, ac fraudis insinuaturn, quamuis nullius criminis consciurn, id tamen concordiæ Reipublicæ condonare, nec turbulento Patriæ statu, priuatam iniuriam vltum iri velle: vnumquemque quamuis in præsentia graui vrgeatur inuidiâ, optimæ erga Patriam voluntatis conscientia tutum fore: iudicaturam posteritatem, odij inuidiæque sepositis causis, quo quisque animo in Rempublicam fuerit. Hæc Senatus nomine: Nuntij quoque terrarum Regis Senatusque innocentiam comprobauere: eorum qui hanc in dubium vocarunt, Regemque optimum & Senatum falsis calumnijs onerant, temeritatem detestati. Præclara fuit illius diei rerum facies, cum vel omnium hostium confessione, ij qui inanibus promissis credulum populum ad seditionem concitarant, vanitatis conuicti viderentur.

*Idem Nuntij
terrarum
fecere.*

*Principes Senatus ad Rocossianos pro-
fecti eos ad
pacem hor-
tantes.*

*Sed nihil
effecerunt.*

*Palatinus
Cracouiensis
ea quæ contra
Regem ferebat
edidit in
conuentu Ro-
cossiano.*

Quos vt à furore reuocarent, primi è Senatu Cardinalis Macieioius Archiepiscopus Gnesnensis, Petrus Tylicki Episcopus Cracouiensis, Nicolaus Christophorus Radiuilus Palatinus Vilnensis, alijque nonnulli ad eos priuato nomine, permittente Rege, profecti sunt. Suadebant illi Palatino Cracouiensi atque Radiuilo, vt positis armis, æquis conditionibus cum Rege transigerent, operamque suam & vniuersi Senatus in eam rem pollicebantur: sed cum Palatinus difficiles admodum ferret conditiones, neque aliter, nisi Rex omnes Rocossianorum consiliorum progressus probauisset, & quos illi vellent è Senatoribus loco mouisset, atque ipse veluti Regno legitimè priuatus, deinceps quasi precario iure se regnaturum profiteretur, ponere arma ac concordiam inire velle ostenderet, multaque alia absurda postularet, rebus infectis discessum est, mirantibus cunctis, quod tantæ auctoritatis viri, nihil persuasionibus suis efficere potuerint.

Cæterum Palatinus Cracouiensis, quemadmodum se facturum proximè pollicitus erat, ne diutiùs solitâ expectatione omnium spem suspensam teneret, decimoquinto Calendas Iulij aduocatâ concione suorum militum, quæ eò frequentior erat, quod nonnulli etiam ex Regijs castris, cupiditate cognoscendi ea, quæ prolaturus erat Palatinus, eò profecti erant, postquam à Radiuilo cuncti fide & honore obstricti essent, vt quisque quod sciret proferret, Palatinus longâ & proluxâ oratione orsus, à Regiâ Reueliam protectione, eo semper animo Regem fuisse, vt deserto hoc Regno, atque etiam Austriacis, cum quibus eam ob causam binâ affinitate iungi voluit, prodito, in Sueciam abiret. Id probare niteba-

tur,

tur, non alijs, nisi à suspicionibus & coniecturis petitis toties iam antea prolatis argumentis, potissima opinionis probatio, quod Rex septem abhinc annis, sororem prioris vxoris ducere in matrimonium constituerit, neque eiusmodi connubium, à pietate sua alienum, & omnibus exosum dissuaderi sibi passus fuerit: id non aliam ob causam factum esse, quam quòd Rex familiae Austriacae impensè addictus, Regnum ad unum ex eis ea conditione deferre vellet, ut vicissim eorum opera à Carolo interceptam Sueciam recuperet, paternoque contentus Regno, adiecta præterea Liuvia, quietum & ab istis, quibus Polonia obnoxia est, molestijs liberum Imperium istuc obtineret. Ac ne si aperte id moliretur, ij quibus Reipublicae salus est curæ, impedimento forent, voluisse ante biennium in Comitijs ad filium iuuenem, populari favore subnixum, inconsultis ordinibus, factionum hominum assensu Regni insignia deferre, quò is facilius nihil nobis suspicantibus, Austriacis Regnum prode-
Leues Palati-
ni concitarent.

re posset. Levis ea, vel potius nulla visa est, rem candido & sincere sensu aestimantibus coniectura. Incredibile imprimis Carolum eò adduci posse, ut parto per scelus regno, sponte cederet, vel se Austriacis ac Regi sibi suo merito infesto concederet. Iam filio eà conditione diadema imponi, ut illud Regij capitis insigne, ad alium deferat, ipse tanti decoris expers mansurus, quis sibi persuaderi pateretur? Acclamatum tamen à Rocossiana concione, suae expectationi, quamvis nihil novi adferretur satisfactum esse; itaque accensis animis tum discessum, ut omnem pacis & concordiae spem præcisam esse appareret. Iam in exitu erant Comitia, ceteris omnibus ex animi sententia confectis, legibus, quæ consensu ordinum proferri poterant scriptis; illud unum restabat statuendum quâ ratione seditiosi homines ad officium reuocari possent; cum quibus, cum iam ex consilio Ordinum finitis comitijs agi non posset, placuit auctoritate publicâ, certis ex Senatu & Nuntiorum ordine personis, eam dari potestatem, ut quidquid ab eis in eo negotio ageretur, perinderatum esset, atque auctoritate omnium ordinum constitutum fuisset. Id tum per literas, & quàm feliciter Comitia cesserint, Rex
ea tamen à
multitudine
Rocossiana
approbata.

uniuersis Regni Ordinibus significandum putauit, quò cuncti scirent, quid in Comitijs actum esset, & cum ea rectè & legitimè concordiam omnium consensu transacta sint, ne amplius seditiosorum hominum persuasionibus locum darent: pari modo ad eos quoque, qui in exercitu Rocossiano erant, Regio nomine scriptum est, mandatumque ut continuo positis armis pacatè abirent, nec seditiosos coetus agerent, pacem Reipublicae ne turbarent, id si facerent Regiam gratiam eos habituros, sin contumaci perueicia bellum molirentur, impunè non laturos. Iisdem planè diebus arsit Varsovia, vndecimo Calendas Iulij nocte media
Finis Comitiorum.
quid fuerit
constitutum
de seditiosis
ad officium
reuocandis.
Rex per literas omnes
ordines edocet, quid in Comitijs gestum sit.
Varsovia arsit 1607.

igne excitato. Erat adhuc aliqua spes ineundae concordiae, cum præcipui è Senatu summo studio operam ei rei nanarent. Rexque quâ semper usus est benignitate,

*Rocossiani,
temere Regni
Regi abro-
gant; tamq̃,
spes concordia
practisa.*

*Eius temeri-
tatis auctores.*

*Quanta co-
pie Rocossia-
norum: quan-
ta Regia?*

*Spes Palatini
Cracouiensis
militem Re-
gium contra
Rocossianos
non pugnatu-
rum.*

*Quadraginta
tunc Senato-
res cum Rege
erant & flos
Poloniae &
Lithuanae
Nobilitatis.*

nignitate, tum quoque ad condonandas nomini & Maestati suæ illatas iniurias Reipublicæ causâ facilem promptumque se præberet, cum ecce præter omnium expectationem, Rocossiani Nono Calendas Iulij, nemine tale quidquam suspicante, inauditâ audaciâ Regi regnum abrogant, obedientiæ eius renunciant, iustitium indicunt; qui Regi deinceps adhæserint, hostes Patriæ pronunciant. Huius temeritatis auctores Nicolaus Zebrzydowski Palatinus Cracouiensis, Regiâ beneficentiâ ad eum dignitatis gradum euectus. Sigismundus Grudzinski Palatinus Rauensis, Petrus Strabowski Castellanus Pernauiensis Radiuili stipendiarius, non ita pridem in Senatum adscitus, homo vanissimus, & ordinis sui dehonestamentum; Ianussius Radiuilus generis splendore, & opibus, nec non militaribus studijs clarus, sed qui præcipiti quodam impetu ferretur, neque quenquam sibi in Lithuania honore & opibus æquari dignum censeret, ac præcipuè Caroli Chodkieuicij prosperis successibus, ac bellicâ gloriâ angeretur. Ioannes Felix Herburtus nimium sibi sapiens, & ob eas, quas supra attigimus, causas nouarum rerum cupidus. Erant prætereâ alij, inter quos Stanislaus Cikowski Succamerarius Cracouiensis, qui cum Regiâ gratia floreret, præfecturis duabus ab illo auctus erat, Petrus Laszcz Capitaneus Litinensis, Gasparus Dembinski Succamerarius Mielnicensis, Balthasar Porembski, Tribunus Cracouiensis: Andreas Mæczynski de Korosuanke, Hieronymus Rozrazewski, Stanislaus Morski, Sigismundus Nisicki, Samuel Iasicki, Matthias Smugolecki Capitaneus Bidgostiensis, gener Palatini Cracouiensis; Martinus Broniorski, Procopius Pækoilawski, Stephanus Kazimirski; reliqui ferè omnes Palatini vel Radiuili stipendiarij, ac nonnulli etiam è Cracouiensi territorio, plerique incertæ originis, & quorum maiores mercaturâ faciendâ quaeritis opibus, in Equestrem ordinem se inseruerant. Copiæ militares Rocossianæ factionis, nequaquam Regijs pares; nam licet equitatu non multum inferiores essent, pedites tamen, quorum in exercitu Regio quinque millia erant, paucos habebant, paulò tamen supra mille numerabantur. Sed nihil magis Palatini eiusque sectæ hominum temeritatem aluerat, quàm dudum concepta, multisque clandestinis consilijs & artibus propagata spes, militem Regium, contra ciues Regni causam publicam, ut videri volebant, curantes, non pugnaturum: id animos fecerat, ut nec oblatas pacis & concordia cōditiones expectare vellent, & in abrogando Regi Regno cō temeritatis progredierentur. Postquàm ad Regia castra prolatum est Rocossiani cœtus decretum, admiratio primùm omnes, dein iustus dolor inuasit. Erant tum cum Rege quadraginta & amplius Senatores, inter quos Archiepiscopus Gnesnensis Princeps Senatus, Episcopi sex, Palatini quindecim, reliqui Castellani & Regni Officiales: iam è tota Regni, Magnique Ducatus Lithuaniae Nobilitate flos ipse, & militare robur, belli Duces, ac militum Præfecti multis erga Rempubicam men-

meritis, & bellicæ virtutis gloriâ illustres, qui optimi atque innocentissimi Regis iniuriâ, & quod tam multi a paucis cōtempti, veluti sceleris & perfidiæ damnarentur, iusto dolore accendebantur. Rex in primis luculento scripto calumnijs, quas in eum causas abrogandi Regni prætexentes con-
 gesserant, respondit: quo cū ostendisset, falsas esse aduersariorum crimi-
 nationes, & eos rerum nouarum, mutandiq; præsentis status studio, quē
 admodū initio horum motuum cōstituerant, eò audaciæ prolapsos, vt
 pauci omnibus leges imponant; postremò spectatam gentis Polonæ erga
 Principes suos fidem, contra paucorum perfidiam, cuius mox, nisi relipi-
 fcerent, pœnas daturi essent, implorabat. Denum communicato cum ijs,
 quibus auctoritate Comitiorum potestas data erat, cū Rocossianis transli-
 gendi, vel si obstinatiores forent, grauius in eos animaduertendi, consilio,
 ex eorum & vniuersi Senatus arbitrio, vniuersos, qui prætextu Rocossiani
 conuentus arma sumpserunt, & proxime Varsauiam exercitum admoue-
 runt, sæpiusq; moniti a proposito desistere, temerario ausu noluerunt, pri-
 uata auctoritate sibi delatū omnium consensu regnū abrogarunt, ac bel-
 lum denuntiarunt, concitatores tanti tumultus, & civilis belli auctores,
 quique eorum sectam secuti sunt, rebelles & hostes Patriæ pronūciat, pœ-
 nis in iure contra perduelles sancitis puniendos, veniæ loco ijs, qui ad sa-
 niozem mentem redire voluerint, relicto. Senatores quoque vniuersi &
 Equestris ordinis, qui tum præsentis erant, se Regi præstò futuros, ac vitæ
 fortunisque Imperium illius propugnatos, mutuo fœdere obstrinxerūt.
 Iam & Cardinalis Maciejovius Archiepiscopus Gnesnensis, cuius, si re-
 gnū vacare contigerit, munus est interregnū pronunciare, nouiq; Re-
 gis eligendi conuentū edicere, aliaque Principis Senatus officia obire, tūc
 damnatā hostium, in quibus sanandis & à nefario proposito abducendis,
 ipse quoque omnē operam perdiderat, temeritate, se corū impium factū
 detestari, Regisque optimi imperiū, nequaquā seditiosi cœtus paucorū
 hominum decreto, abrogari potuisse, professus est. Consultatum inde ab
 Regijs Ducibus, ut cū pacis spe exclusā, vtriusque partis denunciatione
 bellum non dubium esset, protrahi illud, an fortunam experiri magis cō-
 duceret: expensis præsentis status rationibus, facile in eam sententiā con-
 cessum est, vt cū hostes non adeò magnum exercitum haberent, breui-
 que si cessaretur, eorum copiarū seditiosorum hominum è toto regno ac-
 cessione augeri possent, ac proinde moram hostibus, sibi festinationē vti-
 lem esse appareret, quāprimū motis castris contra eos iretur. Igitur iussu
 milites vasa colligere, postquā pronūciatam esse profectiōem intel-
 lexisent, paucis seditionis auctoribus, dudū iā arte Palatini Cracouien-
 corruptis, magna pars exercitus iussa abnuit, bellum cum ciuibz geri si-
 bi non placere ostendens. Ignaris Ducibus quā latè pateret ea seditio,
 hoste propinquo, & eorum quæ in Castris Regijs gerebantur non igna-
 ro, nihil nouari visum; sed manē aduocatā concione benignè appellatis
 militibus Zolkieuius, penes quē in exercitu summa imperij erat, quænam

Rex maleuo-
 torum calum-
 nias luculento
 scripto refel-
 lit.

Rocossiani
 prope Varsa-
 uiam exerci-
 tum admoue-
 re ausi.

quos Rex re-
 belles & pa-
 triæ hostes
 pronūciat.

Senatores
 mutuo fœdere
 se obstrinxerūt,
 Regi præstò
 futuros.

Duces Regij
 consensu pie-
 gniam sine
 morā com-
 mittendam.

inducitur
 contra hostem
 ita.

milites sedi-
 tiosi in Regio
 exercitu cor-
 rupti à Ro-
 cossianis.

*Zolkieuius vt
militum sed-
itionem sana-
ret legationē
militarem ad
Rocossianos
decernit.*

causa sit, cur contra declaratum non minùs Regis quàm Reipublicæ ho-
stem ire nollent, exquirat; tum ijdem illi passim per manipulos dispersi
acclamant, sibi quòd à bello contra ciues, fratres, agnatosque & consan-
guineos suos suscipiendo abhorrent, nullam aliam esse causam, quàm
quòd causam belli ignorarent: obstrepebant alij, non sui iuris esse bello-
rum rationes expendere asserentes. Cæterùm Zolkieuius non ignarus in
bellis civilibus plus militi, quàm Ducibus licere, veritus, ne paucorum
pœnâ, multò plurium animi irritarentur, existimasse se dixit, satis iam co-
gnitam esse omnibus hostium temeritatem; si quis tamen censeret, eos
cùm hætenùs magnorum virorum persuasiones, ac propositas pacis ra-
tiones reiecissent, militari cohortatione flecti posse, non abnuere, quin ad
eos exercitus nomine legatio decernatur. Itaque assentiente exercitu, è
militibus arbitrio Zolkieuij lecti, qui id munus obirent: summa eius lega-
tionis ea erat. Vix credere milites qui in exercitu Regio sunt, quenquam
id facere ausum, vt Regi, pro quo toties bellassent, ac felices ipsius auspi-
cjs victorias obtinuissent, regnum alijs inconsultis atque etiam inuitis
abrogaret: id si ab illis factum esset, velle scire causam, quâ adducti, tantū
sibi iuris vsurpassent: eiusdem quippe esse audaciæ, Regis omnium suffra-
gijs electi obedientiæ renuntiare, ac de altero cum insigni communis li-
bertatis iniuriâ subrogando, priuata consilia inire. Sibi quoque curæ fuis-
se, in proximis Regni Comitij cognoscere, an iustâ de causâ motus isti
in Republicâ concitati fuissent; sed nihil tale comperisse, quod tantam
vniuersæ Reipublicæ perturbationem mereretur: vereri ne tantum dis-
sidium perniciem Patriæ adferat: quamobrem fraternè hortari, ne illi
quoque pacis conditiones aspernarentur: se Regiam dignitatem, Sena-
tus & Ordinum omnium proximis Comitij auctoritate sustentatam ar-
mis defensuros. Non ex sensu turbulentorum informata ea legatio, quam
obire iussi consultò ad id lecti integrè erga Regem fidei milites. Quod vbi
à Rocossianis animaduersum est, veriti ne constans exercitus ad defen-
dendum Regem conspiratio & concordia, per Nuntios denunciata, suo-
rum militum animos infringeret, legatos castra ingredi non permiserūt.
Itaque progressus ad eos Petrus Lascz, cùm quid vellent intellexisset, ne-
gauit ijs, qui nomine exercitus Regis, iam eo honore abiudicati, legatio-
ne fungi vellent, potestatem dicendi dari posse. Ita non admissi, irritò co-
natu rediēre: nec eâ re compressa, sed quodam modo dissimulata seditio,
hærebat in animis multorum, qui consilijs Palatini Cracouiensis imbuti
clàm illi fauebant.

*Nuntij mili-
tares à Ro-
cossianis non
admissi.*

Pridie Calendas Iulij, Rocossianos proximâ nocte desertis castris iter
cum exercitu versus Cracouiam instituisse exploratores retulerunt: in-
censi eâ re militum animi, mox dato profectionis signo, arma expediunt,
equos conscendunt, veluti fugientem secuturi hostem, nocte & die con-
tinuato itinere octo milliaribus antegressū, missi leuis armaturæ equites,
qui abeuntium terga carperent. Rex ipse in Castris sacris operatus, præ-
missâ

missâ maioris exercitus parte, ipse quoque minimè lento agmine subsequatur. Castris progressò, & in campis Varšauientibus signa disponenti, Cardinalis Maciejovius non dignitatis tantum, verum etiam ætatis prærogatiuâ venerabilis, obuiam fit Regi, atque ut erat equo insidens, detestatus inprimis impium & parricidale hostium consilium, Regi necessarium bellum suscipienti bonam fortunam precatus est: illud postremo adiungens, meminisse vellet sibi rem cum ciuibus esse, qui etsi in præsentia à fide recesserint, non desperandum tamen eosdem quandoque patriæ & Regi ipsi utiles futuros, modò Regia Maiestas victoriâ, quam illi communem tuenti causam diuinitus obuenturam certò sibi persuaderet, clementer uti vellet. Rex laudatâ Cardinalis pietate, faultæque comprecationis studio benignè excepto, ita se hoc bellum gesturum respondit, ut non quid hostes sui commeruerint, sed quid se dignum sit, ac pacatæ Reipublicæ rationes exposcant, facturum polliceretur: utrique dicenti obortæ lachrymæ cunctos qui viderant eodem affectu commouerunt. Quinque eo die emensis miliaribus, fesso demum milite, castra serò admodum locata sunt. Non longè aberant Rocossiani, quorum postremos agminis coactores Regij equites assecuti, direptis Palatini Rauensis curribus & sarcinis aliquot, interceperunt. Postero die horâ ferè tertiâ in conspectum hostis ad oppidum Varcam ventum est, ubi cum Piliza fluius medius interflueret, ripamque aduersam hostes tenerent, reliquo exercitu sub signis retento, Iacobus Potocki cum peditatu progressus, tormentis & ipso militis impetu hostes inde breui submouit, ut ante meridiem satis maturè vniuersus exercitus superato fluuio, multis in locis vadabili, in alterâ eius parte sub signis constiterit. Stabant ex aduerso instructi ad pugnam exercitu Rocossiani, adeò diductis & extenuatis ordinibus, ut totum quâ maximè in latitudinem patet, subiectum campum occuparent: media planicies frequentibus (quos exundâti hibernis aquis fluij incerti meatus effecerant) alueis, iisque paludinosi, & tum quoque, quamuis sicca æstate, equitatu imperuijs, plena difficilem transitum præbebat. Regius equitatus angustia loci denso & quadrato agmine, ad ipsam fluminis ripam constiterat; pedites, quorum in eiusmodi impeditis locis expeditior, quàm equitum opera esse poterat, locis opportunis dispositi. Rex ipse armatus, cum armatis Senatoribus medio in agmine versabatur. Subolfecerat iam antea Palatinus Cracouien-
Cardinalis
Maciejovius
Archiepiscopus
Gnesnensis
Regi in hoste
eunti occur-
rit, oratq, ut
futura victo-
ria clementer
utatur.
Respondum
Regis Cardina-
lis datum.
Rex Rocossianos ad oppidum Varcam assequitur.
Palatini cum
Regis militibus
comparati.

equitibus, hoc ipso die diminutas fore, & suum exercitum breui concursu populari auctum iri confidebat; iam verò seditionem militarem tempore & occasione vires sumpturam, & si bellum traheretur, id sibi utile, hosti incommodum, prospiciebat. Igitur fiduciâ denunciatae proditi-
militum per-
fida arte Pa-
latini. tionis, submissi à Rocossianis, qui vagantes in interpositâ planicie milites (& erant plerique eius consilij conscij) alloquerentur; primò amicæ tan-
concordia
tractatio ob-
lata quàm inter notos, cognatosque salutationes, mox coetus & colloquia ha-
respicitur à
Rocossianis. beri cœpta: miles ab signis, frustra vetantibus Præfectis, passim discedere, turbare ordinem, imperium abnuere. Quod ne fieret, Zolkieuius & Chodkieuicius reuocatis ijs, qui extra ordinem processerant, signum pugnae proponere iubet: ibi verò manifesta perfidia, milites ipsi Præfec-
concordia
tractatio ob-
lata tos, ne pugnam incant, monent, se signa sequi nolle, de pace & concor-
respicitur à
Rocossianis. diâ cum ciuibus libertatis causam tuentibus agi velle profitentur. In soli-
ta ea erat affectatio, & nihil minùs quàm eo tempore expectata; sed cum reliquus quoque exercitus specioso pacis, & concordia titulo illectus, ad eandem sententiam propenderet, quod sine periculo negari non pote-
rat, sponte concessum est. Itaque ne res arbitrio tantùm seditiosorum ageretur, permittente Rege submissi à Ducibus, qui affectatam per mi-
lites pacis tractationem offerrent, oblati vltro citroque conditionibus, ijsque acceptatis, ita postremò conuenit; triginta ex Regio, totidem ex Rocossiano exercitu Equestris Ordinis milites legerentur, ij iure an in-
iuriâ Regi abrogatum esset regnum, inquirerent, malorum consiliorum auctores criminis conuictos punirent, totumque turbatae Reipublicae statum suo arbitrio moderarentur, interea vtrunque ab armis cessaretur. Rex ad Varcam, Rocossiani duobus istinc milliaribus exercitus castris continerent. Iniquissima ea videri poterat rerum conditio; cui tamen Rex concordia cupidor, & à fundendo ciuili sanguine alienus, optimæ conscientia fiduciâ faciliè assensum præbuit. At Palatinus longè diuersa consilia animo agitans, eluso eâ arte Regio exercitu, & quod maximè cupiebat ineunda alieno tempore pugnae periculo perfunctus, non modò in tam vicino, quemadmodùm constitutum erat loco, non constitit, sed continuato itinere, septem milliaribus Radomiam vsque progressus est. Id cum per exploratores compertum esset, satisque appareret, hoc ipso facto, à pacis & concordia consilijs hostes alienum animum gere-
re: atque etiam Zolkieuius, proditiōe Ioannis Dalmatae peditum Rocossianorum Præfecti, cognouisset, eos constituisse maximis itineribus Cracouiam, quam non adeò magno præsidio teneri sciebant petere, vt primariâ & omnium opulentissimâ vrbe Regni interceptâ, sedem belli istic figerent; postridie aduocatâ concione, in primis non stetisse promissis Rocossianos significat, quid ij moliantur ostendit, literas Dalmatae ad se scriptas recitat, deinde graui oratione, eos qui hesternâ die inconsultis Ducibus colloquendi cum hostibus initium fecerant, quique seditionis auctores fuerant, perstringit; ac fraudis & perfidia in Regem committit

commiffæ accusat. Adstabat armata concio, parata ad petendam ultionem de ijs qui tam nefando facinore famam & exultationem vniuersi exercitus commaculassent, poscebatque edi eorum nomina. Iam hoc ipsum veriti sex eius factionis capita noctu profugerant, Lesnicki & quispiam Nobilis Lithuanus, cæteris audaciores aderant: qui cum appellati prodirent, obiectumque crimen proditoris negare non possent, parum aberat, quin præcoci militum irâ, strictis in eos gladijs discerperentur, ni Zolkieuius extremam vim arcuisset: mox Cattrensi iudicio de eis atque cæteris qui profugerant instituto, in Lesnicium capitalis lata sententia; in Lithuanum, quem iuuentæ errore, & aliorum prauis consilijs circumuentum esse apparebat, vt in pugna, quando eius copia daretur, ante aciem progressus, primus cum hoste manus confereret decretum, profugæ infames pronunciati. Ita paucorum poenâ, egesto quod maximè in exercitu turbidum erat, rediit militibus vigor, & supremi magistratus reuerentia, ac pugna cum hostibus, quos malâ fide secum egisse, ac simulato concordia studio sibi illuisse compererant, ineundæ cupiditas. Igitur vetustissimus quisque castigare tyronum, qui potissimum eius culpæ auctores erant audaciam, & militaris disciplinae inscitiam obijcere: totis castris modesti sermones habiti, milites prompti alacresque Ducibus denunciare, ducerent quò vellent, nusquam pugnae, modò in conspectu hostis detur, moram facturos, atque egregio facinore labem contractæ hesterno die ignominia, abolituros. Consultatum dein, an eo quo hostes ierant itinere, exercitus ducendus foret, sed cum à Rocossianis ad sedlinensem pagum, transitum per se satis stagnatibus aquis atque arbutis impeditum, occupatum præsidio teneri relatum esset, ne difficili & hostibus opportuno loco discrimen pugnae subire cogerentur, flexo ad dextram itinere, Przytykum ire placuit. Quò, cum eodem quo Varcâ discessum est die, quinto Nonas Iulij peruentum esset, castris positis, Regijs Ducibus ignatis, quo in loco Rocossiani morarentur, cum eos plusquam duorum dierum itinere antegressos, longè abesse exultassent, redditæ ab eis Zolkieui literæ, quibus Laszcz omnium nomine obiter, cur nuper longius quam constitutum erat progressi essent, significabat. Ex eo qui literas attulerat, cognitum est, Rocossianos paulò amplius duobus ab eo loco in quo Regia castra erant miliaribus, planè in eo loco, quo Regi Cracouiam iter facienti transeundum erat, consedissee; id eo consilio ab eis factum esse apparebat, vt vel nolentem Regem ad pugnam elicerent, rati diminutis magnâ ex parte Regijs copiis (nam & Chodkieuiciani ex veterano Liuonenli exercitu, lecta planè robora milite equites, & nonnullæ aliæ cohortes abierant) & nonnullorum militum, quos suis cæptis fauere persuasum habebat perfidia, securi se vel pares, vel viribus superiores fore. Scripserat Zolkieuius ad Palatinum Cracouensem, si fortè propositam ineundæ concordia occasionem non aspernaretur, posse nunc illum eâ vtî, verum ille contemptis tam salutaribus

castigati rei
perfidia mul-
tes.

castigatis per-
fidis militi-
bus, cæteri
obedientiores
fuere.

Rocossiani vt
Regi pugnan-
di necessitatē
imponeret in
eo loco consti-
terunt, quo
Regi iter
Cracouiam
faciendum
erat.

Palatinus
Cracouensis
à Zolkieui
per literas ad-
monitus de
concordia in-
eundâ, nun-
cium eius in
vinctula contine-
bat.

amici quondam sui consilijs , eum qui literas attulerat , in vincula coniecit ; quæ res inimici prorsus & hostilis animi argumento erat. Desperatâ itaque omni aliâ ratione , cùm Rex dignitate suâ saluâ aliò iter flectere non posset, explorato priùs eo quem hostes infederant loco , tertio Nonas Iulij , cùm antè sacrosanctæ Missæ sacrificio deuotè , quemadmodum quotidie mos is illi erat , adfuisset , mox signo profectiōis dato, contra hostes contendit : ad quos cùm primum agmen proximè accessisset, vniuersus exercitus substitit. Tum struendæ aciei cura in Duces partita, dextrum cornu Chodkieuicius , sinistrum Zolkieuius tuendum suscepit : in fronte veteranæ cohortes (quatum cura Ioanni Potocio Præfecto Camenecensi, viro multis bellis experto, ac victorijs suo ductu partis illustri, commissæ) locatæ , & iustis subsidijs firmatæ. Rex ipse in postremâ acie cum vexillo aulicæ militiæ , sub quo quingenti hastati equites censebantur, vnâ cum Senatoribus qui præsentēs erant, & ijs qui extra militiæ fortē Regē comitabantur cōstitērat : ante illū Posnanienſis, Siradiensis & Lanciciensis Palatinorum , ac prætereâ Marſcalci Regni, & Stanislai Lubomirski Capitanei Sandecensis, equitum itidem hastatorum turmæ, quæque earum sub signis suis dispositæ (octingentorum numerum manus hæ expleuerant) itabant. Regiæ salutis & totius istius agminis cura, ad Alexandrum Komerpolski Palatinum Siradiensem delata : pedites sub præsidio equitum ad vtrumque cornu dispositi , ijsque tormenta maiora commissæ. Cæterum cùm dextra exercitus pars loca paludinea & imperuia pro munimento haberet, neque vllis hostium insidijs opportuna videretur, sinistra verò in patentibus campis, magnâ ex parte siluis ad struendas insidias percomodis septis, maiori præsidio egeret, huic duplo maior pars equitum peditumq; attributa, Chodkieuicio octo equitum turmæ, mille ducenti pedites sufficere vili : hoc ordine in paulò eminentiori colle totus exercitus Regius locatus erat. Ab alterâ parte Rocossiani Radiuili Chodkieuicio , Herburtum Zolkieuius opposuerant ; mediam aciem veterano milite firmatam Palatinus curandam suscepit , in subsidijs Nobilitas spontè militiam professæ constitērat. Inter vtrumque exercitum planities agro recentibus sulcis rugato, atque ad excitandum puluerem facili sita erat: in eâ dum struuntur acies, procurſantibus vtriusque pugnæ audis, leues & ferè innoxie velitationes exercebantur. Iam ferme diei medium erat, cùm Palatinus Cracouiensis cohortatus suos, vt itinere fessum Regium exercitum intrepidè aggredirentur : ac quò fiduciam dubijs adderet , complures esse hostium milites , qui à pugnâ ineundâ sunt alieni asseruit , peditatumque, quo Regij potissimum nituntur, nulli in patentibus campis vsui fore ostendit ; irent modò , & pro libertate forti animo pugnam capeſſerent , lætam & illustrem victoriam reportaturi. Itaque impetu ab eis factò , nec Regij morati , quin ruentes exciperent , acerrima in fronte pugna vtriusque pro victoriâ adnitentibus : dextrum Regis cornu initio turbatum erat , nam

ineunte

*Rex in hostē contendit.**ordo struendi Regij exercitus.**quo ordine struenda Rocossianorum acies.**Palatinus Cracouiensis suos milites ad pugnam hortatur.**Pugna commissa.*

ineunte magno animo pugnam Chodkieuicio, & iam hostibus immi-
sto, illæ quæ in subsidijs erant, incertum metu an perfidiâ, quatuor tur-
mæ equitum terga verterunt. Id conspicati Radiuliani, primo Chod-
kieuicij impetu turbati, cùm frontem sui exercitus vrgeri à Regijs vide-
rent, nec retrò fuga ob loca paludinea satis pateret, veluti apertâ por-
tâ, denso agmine per desertum fugâ Regiarum cohortium locum, eua-
debant. Id earum vicissim cohortium, quas ante Regem proximè locatas
fuisse diximus, milites, magnâ parte tyrones vbi animaduertunt, rati
victo & protrito Chodkieuicio victores hostes eò processisse, ac veriti, ne
in se impetum facerent, omnes ferè (ijs qui sub Regio vexillo erant ex-
ceptis) Rege inspectante signa retrouenterunt; mox pauore Rocossiano-
rum consternatorum perspecto, resumptis animis impetu in eos facto,
multis cæsis, aliquot captis, pugnam eâ parte restaurarunt. Eximia inter
cæteros virtus ea die fuit, Matthiæ Pstroconij Episcopi Premisliensis Cā-
cellarij Regni, qui in hac ipsâ consternatione, dum suis animum addit, &
effusè fugientes retentat, postremò familiari suo Alberto Starzynski ex
sorore nepoti, vexillum è signiferi manu vi extorquere, illudque in hoste
ferre iubet; eo audaci facto & præsentis Cancellarij pudore, plurimi à fu-
gâ reuocati, resumptâ pugnam rem præclare gesserunt. In eo tumultu cùm
Rex passim cunctis temerè cedentibus defereretur, vexillumque aulicum
multis ab eo se subducentibus nutare videretur, periculumque esset, ne
Rocossiani, qui in proximo obuersabantur, in Regium agmen impetum
facerent, fuere plerique Regi auctores vt ad læuam, vbi tutus erat rece-
ptus, deflecteret: at Rex constanter se loco quem cepisset non cessurum
respondit, mansitque intrepido animo suâ tutus innocentia, donec de-
bellatum est. Non ea in sinistro Regij exercitus cornu belli moles; nam
Herburtus qui Zolkieuio oppositus erat, quod plerisque milites Hunga-
ros aut leuis armaturæ haberet, ne tentato quidem prælio, vbi hostem
propius subire vidit, in fugam se coniecit. Plurimum laboris in fronte
erat, eò Palatinus & præcipui quique Rocossianorum incubuerant, im-
mensus puluis abstulerat visum, vt nec nosci, nec noscere se mutuò pos-
sent: eadem vtraque acie arma, frequentibus interrogationibus, notum
signum pugnae: aliquanto tempore varium ancepsque prælium, neutro
inclinante fortunâ, donec Potocius submissis nouis subsidijs, submouit
loco segnius iam nitentes Rocossianos, & in fugam coniecit. Zolkieuus
primus accurrit ad Regem, ei que victos hostes clarâ voce nunciauit, vi-
ctoriamque partam gratulatus est. Eo prælio triginta circiter è Regijs
desiderati, infra septuaginta vulnerati, inter quos maximè insignis A-
lexander Kalinowski Capitaneus Braclaiensis, cuius præclara virtus
multis ab ineunte ætate bellis spectata, tum quoque omnium & Regiæ
inprimis expectationi respondit. E Rocossianis mille ducenti qui in acie
ceciderant, numerati sunt: quod tam paucio sanguine bellum constite-
rit, nemoque ferè ex nobilioribus ceciderit, Rex æquè suorum atque ho-
stium

multi à Regia
exercitu terga
vertunt.

Matthia
Pstroconij
Episcopi Pre-
misliensis
Regni Can-
cellarij in
animandis
Regis militi-
bus insigne
factum.

Regis Sigis-
mundi in eo
prælio intre-
pidus animus.

Aliquamdiu
anceps fortu-
na pugna
fuit, tandem
rebelles prosti-
gati.

Numerus in-
tersectorum
ex Regio ex-
ercitu 30. &
rebellium 1200.

*Rex dissipatos
Rocossianos
persequi pro-
hibet.*

*Regis inuictos
clementiâ.*

*Procerum qui
cum Rege
erant benefi-
centia varia
genera in
victos.*

*Rocossiani
anteſignani
dissipatâ acie
diuerſa petiere
loca.*

*Causæ per-
turbati Regij
exercitus
tempore pu-
gna.*

*Zolkieuij cū
Chodkiewiczio
& Potocios
emulatio.*

*& diuerſa in
exercitu Re-
gio factiones.*

stium cladem moestus, Diuinæ maiestati acceptum ferebat. Percunctanti-
bus postea Ducibus, an instare victis, fugientelque longius Rex sequi iu-
beret, Ne, inquit, dum noxios seditionis auctores persequimur, multi eo-
rum fraude in errorem inducti simul pereant, sinamus interim omnes
saluti suæ consulere: eadem clementiâ in captos & saucios vsus, nam &
ab illis nihil amplius, nisi vt se in fide mansuros, nec hostibus Regijs ag-
gregaturos, iuramento pollicerentur, & hos impensâ curâ refoueri, æquè
ac eos qui in suis castris militauerant mandauit: nequem quenquam ex-
tra aciem stringi gladium permisit. Certarunt & Proceres, qui in Regijs
castris erant beneficiâ erga afflictos, nec defuere qui in cooperiendis
omni vestitu spoliatis militibus, suas veltes impenderent, ægrotos accitis
medicis & chirurgis refouerent. Chodkiewiczus inter alios plurimum in
eam rem operæ & sumptus impendit. Pstroconius item maximè in hu-
mandis ijs qui in prælio cæsi ceciderant, in expiandis sacrâ exhomolo-
geli alijs, quide vitâ periclitabantur (quod munus inter alios mihi quo-
que demandauerat) in testandâ erga afflictos humanitate & benignitate,
nemini primas partes concessit. Rocossianæ factionis anteſignani, post-
quam suos fundi fugarique vidissent, ipsi quoque pernici fugâ saluti suæ
consuluerunt. Palatinus & Radiuilus simul aliquantisper Ilzam versus
iter intenderunt, mox veriti ne agmine ipso proderentur, dimisso omni
comitatu, sparsi per syluas, diuerſa petierunt loca.

Sed nos antequam ad reliqua recensenda progrediamur, interim per-
turbati Regij exercitus, & penè acceptæ ignominia causas paucis attinge-
mus. Tres erant in exercitu factiones, Chodkiewiczij vna, qui quodd Ge-
neralis pro magno Ducatu Lithuaniae exercituum esset Præfectus, Zol-
kieuius verò non dum in exercitu Polono eum dignitatis gradum esset
consecutus, sed vices tantum Supremi Capitanei obiret, primas partes
sibi deberi existimabat. Zolkieuius è contra nihil Lithuano in Polonum
militem iuris competere, eiusque instruendi & in aciem producendi
munus ad se pertinere contendebat. Tertia Potociorum factio, potens
& ista; tum quod Rex illi maximè fideret, tum quod suis suorumque
clientum & amicorum equestribus turmis in vnum condunatis, & Iaco-
bo Potocio Regis iussu vniuerso peditatu, qui supra quatuor millia nu-
merum explebat, attributo, potiorē ferè partem exercitus, suo commis-
sam imperio haberet. Duo erant fratres, Ioannes Capitaneus Camene-
censis, vir sui temporis clarus bellicis artibus, sub Stephano adhuc Rege
ordines duxerat, post deinceps Ioannis Zamoscij Cancellarij Regni par-
tes secutus, in multis expeditionibus egregiam Reipublicæ operam se-
pius nauauerat, suo etiam ductu in Valachia aliquoties rem præclare ge-
serat, ita vt omnium testimonio, & præcipuè Zamoscij dum viueret, di-
gnus censeretur, cui exercitus vniuersi cura rectè & tutò committi pos-
set; alter Iacobus, quem vniuerso peditatui à Rege præfectum fuisse
dixi. His accesserat Nicolaus Strusde Komorow, Capitaneus Chmielni-
censis,

centis, Potociorum è sorore Nepos, eâ ortus familiâ, quæ bellicis facinoribus clara & illustris semper fuit, & ex quâ aliquot æternâ memoriâ digni viri, ad exemplum Deciorum Romanorum deuoto pro salute patriæ corpore, contra religionis Christianæ hostes Scythas fortiter pugnantes in acie occubuerunt. Alexander item Kalinowski Capitaneus Braclauiensis, signis Potociorum suas cohortes adiunxerat, acer idem, & manu promptus, & quamuis Struso affinitate coniunctus, eiusdem tamen semper gloriæ æmulus. Denique Stanislaus Gulski Palatinus Russiæ, suos milites regimini Potociorum attribuerat. His illi freti copiis, & vel gloriæ, vel Regiæ gratiæ cæteris præripiendæ cupidi, eò animum intenderant, vt illis solis rei benè gestæ laus attribueretur; itaque & primum in acie locum ceperunt, & si verum fateri licet, suâ virtute & copiis totam pugnæ molem sustinuerunt. Nec Chodkieuicio par animus defuisset, si eas habuisset vires in dextro, quod tuendum suscepit cornu, quæ hosti pares essent, sed præter duo vexilla veterani militis sui octo tantum cohortes tyronum illi attributæ fuerant, & mille circiter pedites, quorum in patentibus campis, equestri commissâ pugnâ nullus vlus esse poterat. Zolkieuius in sinistro cornu firmis cinctus præsidiis constiterat, penes illum Quartani militis robur, & vel totius pugnæ sustinendæ pares vires; venerat certè in eam suspensionem, vt cum summa rei sibi non committeretur, id ageret, vt spectator tantum asseret alieni periculi, & turbatis de-

nulla struenda acies cura.

DE MOTV CIVILI

IN POLONIA

LIBER QVARTVS.

*Rex victor
consilium Se-
natorum ex-
quirat.*



*Gabrielis
Batthorei lit-
tera ad Her-
burtum de
Regno ad se
deferendo.*

*supellex Ra-
diuili & feri-
ptura varia
reperita.*

EDATO vtcunque tumultu, cùm iam & puluis con-
sedisset, qui aspectum arcebat, & certò constaret acie
vicisse Regem, tum demum concursus ad eum fieri
cœpit; multiq̃ue eodem die, nonnulli sequenti, & ter-
tio redierunt. Rex non longè ab eo in quo pugnatum
erat loco, ad villam Vransco positis castris cum Sena-
toribus biduo termè consultabat, quid hac obtentâ victoriâ disiectis ma-
gis, quàm cæsis hostibus facto opus esset. Augebant solitudinem varia
Regi q̃ue ac Reipublicæ periculosa hostis consilia: repertæ in ipso, in
quo acie certatum erat loco, discriptæ Gabrielis Batthorei Transiluaniz
Principis ad Herburtum literæ, quibus ille condiciones suscipiendi Re-
gni Poloniæ, si Rex inprimis eo pelleretur, offerebat, vel potiùs oblatas
certis adiectis acceptabat: nota manus, notum signum, dubitationem
omnem eximebat, ne quis ambigeret rem non seriò actam, iam quòd
Herburtus affinis, & ex intimis Palatini Cracouiensis amicis esset, com-
muni consilio ea noui Regis, quamuis hæretici, designatio tractata fuisse
credebatur. In vicino iisdem statuiis præsidio deposuerat Radiuilius res
suas nonnullas, & ne deprehenderentur, in angusto domus superioris
contignationis angulo, multo iniecto stramine regi fecerat: & fortasse
tam leui munimento tuta mansisset supellex, ni villicus eius rei conscius,
minaciter interrogatus ab Hieronymo Lasco, qui fortè fortunâ eò diuer-
terat, an in ædibus illis delitesceret Radiuilius, trepidè & inconsideratè
illum quidem effugisse, res hîc eius assèruari respondisset. Prolata & ad
Regem delata non magni quidem pretij supellex, sed plus momenti fuit
in literis quæ vnà continebantur: imprimis edictum abrogati Regi
Regni subscriptum, signatumq̃ue ab omnibus qui eius auctores erant:
literæ præterea quæ vltro citroq̃ue inter conscios eius seditionis com-
meabant, ex quibus liquidò apparebat, quid illi initio sibi propo-
suisent. Et ne quid Regem latere posset, Cholonouius Equestris
turmæ centurio, qui ad indagandam hostis fugam ad aliquot mil-
liaria processerat, Ilzæ, quod oppidum est Episcopi Cracouiensis,
aliquot Palatini Cracouiensis & Matthiæ Smogoletij Capitanei Bid-
gostiensis, quem huius belli lituum meritò dixerim, currus deprehen-
dit; quibus excussis, vtriusque secretiores repertas literas ad Regem de-
tulit. Multa in iis, quæ Regis animum irritare possent, continebantur: lu-
sus obscæni Smogoletij in Principis & Procerum quorundam personas
facti;

facti: incestata procacibus scriptis Maiestas Regis, ut ita prorsum odisse Regem videretur, ne vlllo vnquam tempore illi reconciliari vellet; quem tamen non multis elapsis annis, parum abfuit, quin Regni Cancellarium videremus. Et accidit postea, ut non ablimiles illi, & qui pari cum eo odio in Regem ferebantur, præcipuos magistratus Regia promotione deinceps capefferent, principemque in Regis gratiâ locum tenerent, quod Regiæ clementiæ perpetuum apud posteritatem erit monumentum. Tum quidem feruentibus eorum studiis, qui Regiam Maiestatem læsam grauitè ferebant, se ad concilium delati, acres & peracerba in Rocoslianos dictæ sententiæ; erant nonnulli, qui omnem spem gratiæ illis præcidendam, bona eorû fisco addicenda, in captos capitali poenâ animaduertendum dicerent: sed vicit paulò mitior sententia, in quam Rege annuente, itum, dataque eo nomine rescripta publica; quibus Rex vniuersis Regni Ordinibus facti sui rationem explicabat. Sibi nihil antiquius fuisse pacem, & tranquillitatem publicam, oblatas parti aduersæ æquissimas pacandæ Reipublicæ rationes, sed sprebas ab ijs, qui non nisi mutato Reipublicæ præsentis statu quieturi videbantur: paucorum audaciam eò processisse, ut priuatâ auctoritate Regi ab omnibus electo Regnum abrogarent, & Cracoviam arcem & caput Regni occupare vellent. Vocati ab iisdem ad arma homines, imperatum per edicta tributum, iura Maiestatis usurpata, & ne quid inausum intentatumque iisdem seditionis auctores relinquerent, contulisse eos consilia cum Gabriele Bathoreo Transilvaniæ Principe de tradendo illi Regno, ut vel inuitis Polonis Tyrannum imponerent, idque literis authenticis probari posse. Ad eorum improbos & perniciosos conatus reprimendos, necessaria & iusta Regem induisse arma, ut vim vi arceret, legibus de perduellibus Regni & ijs qui cum exteris Principibus cõsilia communicant, quique eo ipso proditiæ Patriæ criminis rei sunt latis, ita iubentibus. Ad Varcam primum eos armatam Regi aciem ostendisse, illic oblatas pacis condiciones, ab eis sprebas: sollicitatam Regij militis fidem: interceptum Castellani Leopoliensis & contra iura gentium tractatum pacis causâ missum Nuntium, structas in itinere Regi insidias, firmatos difficiliore transitus præsidij: & cum consulto Rex eorum congressum declinaret, alioque quam illi itinere Cracoviam versus progredieretur, infessos ab ijs transitus, & ad Gusoniam armato agmine structâ acie, animis infestis & perpetrando parricidio paratis, Regi eos occurrisse, homines nobiles cepisse, trucidasse, alios vinculis onerasse, postremo impetu in Regem facto, armis decernendi necessitatem imposuisse. Victoriâ quidem cessisse Regi, eâ tamen ita illum usum esse, ut non modò in quenquam extra aciem gladium stringere vetuerit, verum etiam complures in potestatem suam redactos sponte dimiserit: usum cum deinceps hac quoque clementiâ, si illi, quos impius furor in Regem & Patriam armavit, arma deposuerint, cœtus cogere desierint, contenti præsentis rerum statu, Comitiorum

*Rex aliquos
qui tempore
motus civilis
cum Rocosli-
anis sensere,
honoribus
postea orna-
uit.*

*Regis ad vni-
uersos ordines
Litera, post
victos Rocos-
lianos.*

*Rex castra
Ilzam versus
mouet.*

iudiciam pacati expectauerint. Quod si quid illi moliri, coetus cogere, armate multitudinem, seditionem ciere voluerint, hortari inprimis Regiam Maiestatem vniuersos subditos suos, ne quis consilia vel arma consociare, ne auxilio illis esse velit; alioquin vsuram Regiam Maiestatem seueriori in eos legibus Regni permissa, & necessitate ipsa expressa animaduersione, daturamque operam, ne quid illi in perniciem Regni & Regis moliri possint. Et hæc quidem in Castris ad Vranseum, vbi triduo moratus Rex, Octauo Idus Iulij inde mouit Ilzam versus, vbi positis castris triduo item substitit; eo potissimum consilio, vt missis in diuersas partes exploratoribus scire posset, quemadmodum hostes acie victi sese gererent, vbi laterent, quid consilij caperent. De Palatino nihil sciri potuit, consulto ijs, qui in Regijs Castris ob affinitatem eum saluum esse cupiebant, id agentibus, ne fugæ illius vestigia, ne latebræ in quas se receperat deprehendi possent. Radiuilum & Herburtum Lublinum concessisse mox compertum est; illic Radiuilum quidem acerbè in Regem Regiamque sectam concionatum, de strangulato Lesnicio, de castris in acie questum, postremò edicto noui Regis eligendi diem ad Nonas Septembris sub Varsaviâ ab eo præscriptum. Herburtum verò excussis mercatoribus Lublinensibus, grandem pecuniæ summam ab eis extorsisse. Hæc ad Regem & Castrense consilium delata exacerbauerunt omnium animos, vt quin grauius in eos animaduerneretur, nemo obstarer. Igitur decernitur auctores seditionis istius, quique eorum sectam secuti fuerint, nisi intra certum diem ad officium redierint Regis & legum Patriarum se obsequentes ciues monstauerint hostium loco habendos; nunc eos priuari omnibus dignitatibus & magistratibus quibus functi sunt, bonis item & possessionibus quas ex patrimonio Reipublicæ beneficio Regum obtinebant; ad decernendas verò grauiores poenas, bona videlicet eorum hæreditaria fisco addicenda, ipsos capitali sententiâ feriendos, ad Comitia publicumque & solenne Regni Ordinum iudicium remitti. Easdem poenas eos quoque mansuras, qui impios eorum conatus ope & auxilio iuuerint; gratiæ locum non aliter illis relictum iri, nisi vt singuli damnatâ de abrogando Regi Regno sententiâ, nouo sacramento fidem suam eidem obstrinxerint. Hæc graua fortasse & peracerba videri poterunt, sed si quis expendere illorum temporum conditionem, spretam vel irrisam potius Regiam lenitatem, auctamque mollibus responsis hostium audaciam: denique victos eos & profligatos, superbos nihilominus gessisse animos, minacia edicta, contumeliosas sparsisse literas, neminem fore existimo, qui de hoc ipso decreto, quod magis in speciem ad terrendos obstinatos, aliosque ab eorum societate auocandos, quàm vt reuera ita Rex animaduertendi animû haberet, promulgatum est, meritò queri, vel Regem Regiumque consilium crudelitatis accusare possit.

*cur seuera
edicta contra
Rocossianos
scripta.*

His in castris ad Ilzam constitutis, Rex mandatâ Zolkienio curâ
coercen-

coërcendorum, & in ordinem redigendorum eorum, qui sub nomine Rocossianorum in varijs locis ad signa coibant, ipse cum parte exercitus & plerisque Senatoribus Cracouiam versus profectus, ex itinere ad Monasterium Calui-montis sacratissime Dominicæ Crucis ligno celebre diuertit. Ibi religiosissimus Princeps victoriæ exiguo subditorum suorū sanguine partæ, suæque felicitatis auctorem Deum professus, pia exoluit vota. Inde iustis itineribus Cracouiam ventum, totâ, lætitiæ causâ, effusâ in occursum Principis vrbe: penè triumpho similis ingressus fuit: Regina, & Vladislaus Princeps filius, venientem Regem excepere: & ille hic quoque pietatis memor, priusquam arcem conscenderet, ad aram Diui Stanislai Regni Patroni prouolutus in genua, preces ad Deum fudit. Et cum omnia præcipue in Palatinatu Cracouienti ob infectos fauore Rocossianorum animos suspecta essent, nonnullis cohortibus & peditum fumo robore præsidij causâ relicto, reliquam, quam secum adduxerat, partem exercitus in vicinis Hungariæ locis ne quid inde hostis nouare possit, collocat; maximè cum is (licet falsò) sparsus esset rumor, Palatinum Cracouientem ex fugâ in Hungariam concitandi istic belli causâ concessisse. Zolkieuius moris secundum discessum Regis ab Ilzâ castris, & traiecta Viltula, eadem ad Krasnostaum locat, vbi cum intellexisset Herburtum iam non contemnendam coëgisse fugitiuorum manum, & palàm circumferre arma, dat negotium Nicolao Struso, eius in potestatem Regiam redigendi; qui celeritate vsus inconditâ multitudine primo impetu fusâ & directâ, Herburtum captum ad Regem Cracouiam mittit. Facile eodem exemplo ceteri quoque in ordinem redigi poterant; sed dissimulatione quorundam factum est, ne & seria, vbi Palatinus lateret, inquisitio fieret, & seditiosorum turmæ impunè grassarentur. Castigabat quidem Rocossianos literis & edictis Zolkieuius, quos armis coërcere magis expediebat, solius nempe Herburti vile caput visum, cum Radiulus ac reliqui palàm versarentur, & Palatinus Cracouientis non ita lateret, quin in publicum ad dicendam causam protrahi posset. Diuerterat is ex fugâ ad quendam nobilem clientem suum, omni à se relegato comitatu: mox ut securior esset, fidei Monachorum Diui Francisci quos de obseruantia vocant, se commiserat, abditus Opatouia in eorum monasterio, incertum an ignaro Castellano Cracouientis oppidi domino. Is certè primus fuit, qui Rocossianorum patrociniū suscipere visus est: ad eum enim Opatouiam venerunt, missi à Radiulo Petrus Strabonski Castellanus Pernauientis, Balthasar Porëmbski Tribunus Cracouientis, Ioan. Felix Herburtus Vexillifer Leopoliensis, Stanislaus Ciolek, Martinus Broniewski, petebat ab eo Radiulus, suo factionisque suæ nomine, vt pro officio primarij in Republicâ Senatoris, auctoritatem suam interponeret, quo datis mutuis arbitris, de negotio, de quo inter Regem & Rempublicam contentionibus, & postremò armis disceptatum est, indicto Sendomiriæ vel Lublini conuentu, cognitio fieret; &

Rex Cracouiam redit, Zolkieuius negotium dat licentiosos ad officium reuocandi.

Regis Cracouiam reditus.

Palatinus Cracouientis acie victus Opatouia apud Bernardinos agebat.

Rocossiani à Ioanne Ostrogio Castellano Cracouienti petunt, ageret cum Rege, vt indicto nouo conuentu concitati motus componantur.

Qui cum
Rege eâ de re
agit.

eiusdem ad
Zolkieuium
acres litera.

Responsum
Zolkieuij.

vt idem Castellanus cum belli duce ageret, ne Rocossianos bello prosequeretur. Retulit eâ de re Castellanus Cracouiensis ad Regem, sed ad Zolkieuium acriores dedit literas, cum insectatione & sugillatione quadam eorum, qui Regias partes constanter tuebantur. Respondit vicissim Zolkieuius, frustra & serò eos iudicium poscere, qui hactenus & omnes pacis condiciones spreuissent, & totius Senatus Ordinumque Regni arbitrio stare noluisent: malè illos sibi id usurpare, quasi Reipublicæ partes tueantur, veluti illi soli quid expediat, quidue noceat videant; reliqui omnes in publicis negotijs tractandis excutiant. Id ab iis nunc postulari, vt extra ordinem coacto conuentu, iterum Rempublicam in discrimen adducant, sopitamque seditionem excitent: nec se scire quos habituri vel daturi sint arbitros, quandoquidem eorum qui in præteritis comitijs illis offerebantur, iudicio parere noluerint. Sibi quidem non videri eos æqua petere; proinde non fore auctorem eius consilij, nec suasurum Regiæ Maiestati, vt eiusmodi indulgentia & auctoribus seditionis animòs addat, & suam maiestatem priuatorum iudicio submittat, satis perspectam esse Senatui, & ordinibus vniuersis Regiam innocentiam: è contra eos qui illam arguerent, nihil hactenus egisse, quod legibus & institutis maiorum consentaneum esset, multa ab eis seditiosè, multa perperam facta, perturbatum Reipublicæ statum, oneratum Principem innoxium fictis criminationibus, Senatumque vniuersum populari inuidia. Nunc Dei hominumque iudicio damnatâ illorum temeritate resipiscerent, si salui esse vellent; & vel victi sapere tandem condiscerent: fidem quam Regi debent, & à quâ temerè recesserunt, profiterentur, Maiestatem supremi magistratus debitâ subiectione venerarentur, domi pacatè se continerent; futura Comitia, nullum interim alium conuentum habituri, expectarent. Ita tum responsum Castellano Cracouiensi, reiecta que importuna affectatio seditiosorum, qui cum armis conatus suos promouere non possent, iterum conuentus priuatos indici, quò plebi fucum facerent, seditionemque coeptam seditiosis in vnum coactis restaurare possent, callidè postularunt.

Quare nouos
priuatos con-
uentus indici
Rocossiani
petebant?

Nobilitas
Palatimatus
Cracouiensis
Regi victoriâ
gratulatur.

Rex interim posteaquàm Cracouiam venit, eò animum intendit, vt commota vulgi studia, diuersalque de præsentis rerum statu suspiciones, amoliretur: palamque faceret, sibi & antea, & nunc inprimis publicam salutem curæ esse. In eum finem Nobilitati Cracouiensi Prolocutijs indixit Conuentum: adfuit frequens Nobilitas, pronisq; auribus Henricum Firleium Regni Referendarium Regis nuntium audiuit, explicantem præteritarum actionum causas, & per quos iterisset, vt ortæ inter Regem & quosdam dissensiones, bello finiendæ essent. Acceptata est ea legatio, comprobata Comitiorum acta; scitum insuper tributum, & qui præsentem Reipublicæ statum Regi gratularentur missi, quibus munus id exequentibus responsum est Regio nomine: Peracerbam esse Regiæ Maie-

Maiestati præteritorum temporum memoriam, indoluisse eum semper <sup>is à Rege
responsum.</sup> malis publicis, alienum gessisse animum ab ullâ cum subditis sibi populis concertatione: sed paucorum temeritate factum esse, ut cum ij nullâ aliâ ratione pacari voluerint, armati consilia sua promouerint, arma insuper structamque aciem Regi opposuerint, armis quoque cum ijs decernendum esset. Aduersis hæc imputanda, quæ infelici quodam fato Patriæ cōorta tempestate acciderunt: nunc serenato Reipublicæ statu, & in tranquillo portu rebus collocatis, curæ inprimis esse & fore Regiæ Maiestati, pacem & tranquillitatem publicam: ad eam obtinendam, ut omnes eò quoque studia voluntatēque suas conferant, gratiā & clementiā vsuram; modò ij etiam, qui hætenus ne publica consilia pacatē tractarentur, obstitērunt, quieti esse velint: alioquin illis res mouentibus neminem molestē laturum, si Regia Maiestas seriō ad comprimendos eorum conatus incubuerit, operamque dederit, ne quid Respublica detrimenti patiatur. Frequentes deinceps omnium ferē Regni Palatinate Regem excepēre legationes, plenæ gratulationibus, plenæ significatione optimæ erga Regem voluntatis, ut planē appareret, præsentem Reipublicæ statum omnibus placere: tanta secundū victoriam facta fuit animorum conuersio, ut iidem qui proximē pessimē de Rege sentiebant, nunc damnatā partis aduersæ contumaciā, eius omnes actiones probarent.

*Similes missæ
à totius Regni
nobilitate
legationes.*

De Palatino interim Cracouiensi nihil certi audiebatur; sed cum Lanckorona arx, quam Ioannes Zebrzydoui, Palatini filius, beneficio Regis cum adiacentibus prædijs obtinebat, quinto ab vrbe distans milliario, præsidio Palatini teneretur; ne ei res nouanti, & quod ob communicata cum Batthoreo consilia omnia ab Hungariā suspecta essent, ad exercitum Cracouiæ admouendum, hæc occasio relinqueretur; missus eò Stephanus Potocius, dum cum Porebio præsidij Præfecto de deditioe agit, ambigentemque Regijs terreat mandatis, <sup>Lanckorona
arx Craco-
uia vicina
Regio præsidio
firmata.</sup> milites præsidij, quod plerique è vicinis pagis Regij subditi essent; veriti ne capti per vim arce, grauius in se animaduerneretur, relicto Præfecto sponte arce excesserunt, quam Potocius ingressus, Regio firmavit præsidio. Ad Imperatorem quoque Romanorum Rudolphum datæ literæ à Rege, questumque de Batthoreo Cæsaris subdito, quod is perniciosa cum perduellibus Regni consilia contulisset, Regiam dignitatem affectasset: apud eum dici latere auctores seditionis, illumque ne nunc quidem cogitationem deposuisse inuadendi Regni: petere Regem ab Imperatore pro mutuâ cum domo Austriacâ amicitia, arctissimisque sanguinis necessitudinibus, & pactis ac fœderibus, quibus de pace vtriusque seruandâ cautum est, ut hominem inquietum coerceret. Summo etiam Pontifici Paulo quinto, & alijs principibus Christianis, quos motus Regni Regiumque periculum latere non poterat, significatum, perduelles Regis & Regni in ordinem redactos esse.

Mors Stanislai Minski Regni Procancellary.

Eodem ferè tempore Stanislaus Minski Regni Procancellarius, Patauij vitam cum morte commutauit; vir singularis ingenij, & eleganter eruditus; iuuenis magnam ætatis partem in visendis lustrandisque exteris nationibus consumpserat, hinc variarum rerum notitiâ partâ, morum institutorumque ac linguarum exterarum nationum scientiâ, pollebat, Palatinus primùm Lenciciensis renunciatus, legatione apud Summum Pontificem Clementem Octauum pro Rege Sigismundo functus, vt Diuus Hyacinthus è Dominicanâ familiâ in numerû Sanctorum referretur, effecerat, dignus cui munus Cancellariatus deferretur, ab omnibus existimatus. Adeptus cum Magistratum dum popularem inuidiam plus æquo timet, impar tantis curis apparuit, quibus intra aliquot adepti muneris menses confectus, dum frustra Palatino Cracouiensi, cuius quondam intimus amicus erat, persuadere conatur, ne Rempublicam perturbet, morbum contraxit: cuius tanta erat vis, vt continuò surdum eum effecerit. Huius morbi curandi causâ medicorum consilio ad thermas vsque Puteolanas profectus, auditum quidem earum beneficio recuperauit, cæterùm læsa semel grauiter valetudine, eâque nondum satis confirmatâ, dum æstiuis caloribus Româ Patauium proficiscitur, lethalem rursus contraxit morbum; quo grauatus, Patauij mense Iulio extinctus est, quinquagenario minor.

Potociorum familia Regis fida & addicta.

novi motus in Valachia mortuo Simeone Mohila.

Regius interim exercitus continebat in officio sparfos per diuersa loca Rocossianos, ne se commouere, ac in apertum prodire possent: præcipuus à Potocijs metus, qui, vt dixi, Regi addicti, iidem acerrimi dignitatis Regiæ violatæ vindices, timebantur: eâ etiam spe inescati, extincto Palatino, Præfecturam Sinatinentem, sibi beneficio Regis cessuram. Itaque quàm diu isti in exercitu erant, Palatinus Cracouiensis, ne intimis quidem amicis vbi lateret prodere, nec cuiusquam fidei se committere ausus est. Sed accidit vt sub hoc idem tempus, mortuo Simeone Mohilâ Principe Valachia, Prouincia ea nouis motibus agitari cœperit: ad quam pacandam, stabiliendumque Constantini Hieremiæ Mohilæ filij iuuenis admodum imperium, Potocij Rege non abnuente maturandû sibi viresque suas eò transferendas existimarunt. Nupta erat Stephano Potocio filia Hieremiæ, & peropportuna erat Potocijs hæc affinitas, ad augendas opes & potentiam: namque Valachiam pacato imperio per plures annos Hieremias cum rexisset, non modò priuatas opes auxerat, sed erga eos etiam quorum ope nitebatur, munificus erat. Potocij vel maximè ab inuito interdum, sed offensam timente, quidquid postulabant referebant, non absque aliorum Regni Procerum inuidiâ. Sed proximè superiore anno Hieremias cesserat è vitâ, cum viuens adhuc Constantinum filium Principem & Successorem renunciare curasset, Turcarumque Imperatoris rescripto Regiâ intercessionem obtento, sibi posterisque suis sexus virilis perpetuum in eâ Prouinciâ imperium stabiliuisset. Verùm eo vitâ functo frater eius Simeon Mohila iam ætatis exactæ vir, quem

quem ille quondam suis opibus ad Transalpinæ Valachiæ Imperium euexerat, pulsumque inde comiter & libetaliter apud se habuerat, vxorisque ac liberorum suorum morienseidem supremis tabulis curam demandauerat, captata occasione, quod longius, qui soli timebantur, abessent Potocij, excluso nepote, pulsisque defuncti fratris cum matre liberis, imperium sibi arrogauerat, emercato Turcarum Imperatoris, qui semper venalis est, assensu. Et ne temerè inuito Rege tantum sibi assumere videretur, tempestiuâ legatione suam hanc ambitionem excusauerat. Valachos nempe à viris regnari solitos, pueri & muliebre imperium non laturos, & Turcas ipsos eâ occasione ad turbulentum aliquem hominem, summam rei delaturos fuisse, nisi curam eius Proinciæ suscepisset: se Regi fidem suam satis hactenùs testatam fecisse, in eâ deinceps permanfurum, ac obsequio erga Rempubicam Polonam nemini vnquam cessurum. Hanc eius excusationem vt Rex acceptaret, imperiumque contra pacta vsurpatum, ratum haberet, & ij qui Potociorum infractam & debilitatam volebant potentiam euicerunt, & res ipsa, quod vel tum maximè seditio Rocollana ferueret, & quorsum euasura esset incertum adhuc haberetur, Regi vt suæ potiùs securitati quàm alienis commodis consuleret persuasit; maximè cum idem mox interuentu Ioannis Potocij Hieremiæ vxori cauisset, eam se cum vniuersâ familia concessis in eum vsum certis possessionibus pro dignitate generis tractaturum, & se vitâ functo imperium ad Constantinum filium ipsius deuolutum iri. Sed Simeone quoque intra decursum anni mortuo, noua rursus eaque muliebris pro filijs exarsit istic ambitio. Hieremiæ vxor Margarita, ereptum à Patruo filio suo Constantino imperium repetebat, altera è contra id secundùm mortem mariti sui Simeonis, filio eius Michaëli deberi contendebat: nec morata diu, cū omnia præsidia in potestate haberet, cunctique veluti proximè vitâ functi Principis vxori fauerent, filium suum Michaëlem, vel hoc ipso nomine quod iam imperio longè quam Constantinus, qui impubes adhuc erat, per ætatem aptior esset, præferendum & Principem renunciandum Valachis persuadet. Itaque voto potita, assensuque Turcarum Imperatoris, simul & ope imploratâ, armis potentiâque Turcarum ad tuendum præsentem rerum statum se munit, Constantino matreque eius & totâ Hieremiæ domo in ordinem redactâ. Earum Valachicarum mutatio exciuit Potocios, vt cum ijs copijs, quas in exercitu Regio habuerant, eò concederent; opem socrui & affinibus laturi. Igitur Ioannes Potocius Præfectus Camenecensis, sub exitum autumnî Valachiam sub signis ingressus, aduersam factionem, quæ Turcicis Tartaricisque auxilijs fulta, & vniuersâ Valachiâ ad arma excitâ, magnis viribus obuiam ibat, fundit, fugatque, & Constantinum, iuuenem admodum, imperare iubet: agrè id quidem primò ferentibus Turcis, sed mox muneribus delinitis iisdem, imperium Constanti-

Ioannē Potocij in Valachiâ progressus.

*Ad Turcarum
Imperatorem
Achmetem
legatio.*

*quæ sunt
Nicolaus
Danieloui-
cius.*

ni raturum habentibus, quanquàm iam antea Michaellem in possessionem Principatus per traditionem vexilli, ut mos est, immiserant, & de eo Regem certiores fecerant. Præerat tum rebus Turcicis Achmetes, qui ante aliquot annos Machumeti patri successerat; & cum moris esset, cum nouo Imperatore solenni legatione vetera renouare pacta, amicitiamque firmare, destinatus erat ad obeundum id munus Adamus Stadnicki Castellanus Calissiensis, ac Præfecturam Premisliensem eo nomine à Rege acceperat: sed postea cum is tergiuersaretur, periculumque esset ne barbari id in sinistram partem acciperent, moram quidem non missi legati primò per Abrahamum Krzewski iuuenem, & linguæ & rei Turcicæ peritum, deinde per Stanillaum Vitowski Secretarios & internuntios suos Rex excusauerat; cæterum ne diutius legati profectio differretur, Nicolaus Danielouicius Castrorum metator, vir & priscâ nobilitate illustris, & ad res præclare gerendas natus, Rege iubente id munus suscepit ac summâ cum laude eo perfunctus est.

*Palatinus
Cracouiensis
rursus nouos
motus ex-
citât.*

Sed ut ad institutum nostrum reuertamur. Palatinus Cracouiensis simul ac intellexit Potocios per occasionem rerum Valachicarum abesse, & diutius absuturos, solutus eo metu, & quod certò ei constaret, Zolkieuium pro iure affinitatis solitâ conuiuentiâ erga se vlurum, ex latebris, in quibus hætenus abditus delitescibat, in apertum prodijt, stipatus seditiosorum turbâ, quæ post Guzouianum conflictum, victor- que factionis Rocossianæ Duces, nullo certo loco consistere ausa, ad rerum nouarum occasiones intenta erat. Partem eius generis hominum iam antea Radiuilus sub signa coegerat, pars Herburtum secuta, eo capto disiecta fuerat, mox à Palatino signo dato egentes homines, fortunis adels, & maximè prælio Guzouiano corruptis & amissis, ad spem prædæ conuolabant. Eo fretus præsidio Palatinus, ad Varsauiam confedit, istic resumptâ Rocossianâ auctoritate, quasi intermissum negotium acturus, diem à Radiuilo nouo conuentui iam antea indictum, sed neglectum, se obiturum præseferbat; ratus eâ re fucum se Regi facturum, & nouarum barbarum metu, ad transigendum secum impulsurum. Interea missis ad Senatores literis, pertentabat eorum animos, & in eam partem flecebat, ut quasi ex æquo litem, quæ inter eum Regemque intercedebat, datis arbitris dirimendam existimarent: ac ut indicto conuentu Rex totum hoc negotium iudicio nobilitatis permitteret. Hanc eius postulationem, cum primus Zolkieuius Regi significasset, & indulgendum ei suadere videretur, in eam venit suspicionem, quasi in pari lance poneret Regiam & Palatini dignitatem: id enim Palatino propositum fuisse apparebat, ut coacto Senatorum & nobilitatis conuentu, Rex absens diceret causam: quod perinde erat, ac si sopita & sepulta iam sub ficto nomine tuendæ libertatis seditiosorum auctoritas, quæ antequàm armis victa esset, omnia sibi arrogabat, iterum

rum stabiliretur. Igitur Rex obiter refutatis ijs, quæ à Palatino Cracouiensi proposita erant, id verò grauitèr se ferre ostendit, quod Zolkienius se inconsulto à Zauichosto exercitum in interiora Rusiæ abduxisset: eo metu solutos Rocossianos arma induisse, armatisque septos iterum seditionem, seditiosaque consilia in perniciem Regis & Reipublicæ promouere, prædas tanquàm in hostico agere. Ea nunc ab illis postulari, quæ saluis legibus, saluâ dignitate Regia concedi non possent: vt videlicet leges in proximis Comitibus legitimè latæ, priuati, quem illi flagitant, conuentus auctoritate abrogarentur, vt pœnis, quas ob non illatam Rauam in ærarium publicum ex bonis Reipublicæ pendi solitam quartam reddituum partem meruerunt, soluerentur, vt suarum Regiarumque actionum Comitialiumque Decretorum lecti ab illis arbitri, auctoritatem illis præbente seditiosorum cœtu, iudices essent. Insolitam eam & perniciosam esse publici consilij cogendi rationem, vt Rege viuente & incolumi, quiuis alius conuentui præsit: facile sanè apparere, quid Palatinus velit; nempe vt remoto præsidio Regio, ipse armatis septus, omnia pro arbitrio suo ageret; & si occasio daretur, inermes opprimeret. His per Stanislaum Sulouium Secretarium suum Rex ad Zolkienium mandatis datis, illud prætereà adiecit: se quidem hactenus Zolkienij solius fidei salutem suam permisisse, proinde curæ illi eam esse debere, ita vt existimet, & dignitatis simul & securitatis Regiæ rationem sibi esse habendam: nunc & eos quos Regi infensos esse constat, ambiguos de Rege spargere sermones, & Batthorem Transilvaniæ Principem palam præfetre, se eorum conatibus non defuturum: videret Zolkienius, ne si ille tam graues iniurias, salutisque Reipublicæ discrimen diutiùs dissimulet, Rex alia præsidia sibi parare, & suæ, & Reipublicæ securitati aliter prospicere cogatur. Pupugit ea legatio Zolkienium, maximè cùm non ignoraret, se maleuolorum sermonibus peti; suspecta quoque illi erat Potociorum factio, Regi impensius addicta: his rem Valachicam esse permissam, exercitus attributos, sprete in eo sua consilia: suadebat enim Regi, & quidem, vt exitus postea docuit, prudenter, ne nostri Valachiam attingerent, ne Constantino armis eum Principatum assererent, ne Turcica arma irritarent: hæc & alia remissiorem eum faciebant, quominus promptè Regiæ voluntati se accommodaret. Ita tamen ad ea quæ Sulouius Regis nomine ad eum detulerat, respondit: imprimis petebat, ne Rex quidquam de fide suâ addubitaret, quadraginta annorum obsequio ac toties pro patriâ fuso sanguine, partum decus sibi ita carum esse, vt vitæ potius quam existimationis discrimen adire velit. Se non ignorare Regiæ salute & dignitate omnium salutem contineri, ad eam tuendam, nec animum nec vires sibi defuturas: adductum in Rusiam exercitum, quod ijs apud quos ad Zauichostum castra posuerat,

Regis ad Zolkienium mandata.

Causa cur Zolkienius remissus erat in coercendis Rocossianis.

*Explicat
Zolkieuius
quid Palati-
nus Craco-
uiensis in sen-
derit.*

posuerat exigendâ annonâ grauis esset, frequentesque de eo ad se quere-
læ nobilitatis deferrentur; sed si Palatinus ceterique Rocossiani quid
moliri velint, in promptu fore cohortes, ad eos in officio retinendos. Et
iam si Palatinus tergiueretur, diuersaque consilia per occasiones captare
videatur, contentum tamen fore data à Rege præteritis suis actionibus
venia, etsi præterea sufficienter illi caueatur, quod legibus præscripto
tempore, pensionem quartanam non soluerit, id impune fore, neque eo
nomine se in ius attractum iri: certò præterea constare sibi Palatinum
expertem esse cuiusvis in perniciem Reipublicæ cum Bathoreo conspi-
rationis. Hæc quidem tunc Zolkieuius, at Palatinus quasi harum rerum
ignarus, per omnes occasiones aliam dabat significationem voluntatis
suz; idque imprimis sibi curæ esse ostendebat, vt pro auctoritate perso-
næ, vniuersam Rempublicam representantis secum ageretur. Adhuc
Radiuilus arma non deposuerat, & licet Carolus Chodkienicius illi ita
immineret, vt se loco mouere non posset, tamen fouebat adhuc clande-
stina consilia, eaque cum Palatino communicabat, misso ad eum Sigis-
mundo Nisicki, homine sectæ Calvinianæ, quem tamen Palatinus
quamuis Catholicæ religionis quondam acerrimus vindex, suorum con-
siliorum moderatorem habere videbatur; ita vt sub eius nomine re scri-
pta responsaque darentur eius conuentus, in quo reliquæ Rocossiano-
rum continebantur.

*Bernardus
Macieioius
Cardinalis
& Archie-
piscopus Gnes-
nensis Syno-
dum Petrico-
uia celebrat.*

*causa conuo-
cata Synodi.*

*Controuersia
equestris or-
dinis cum
Ecclesiastico.*

Bernardus Macieioius Cardinalis & Archiepiscopus Gnesnensis, sub
initium mēsis Octobris Synodum Prouincialem Petricouia obibat. Ad-
erant ferè omnes Episcopi Regni, & è Clero præcipui; nam cum in
præteritis Comitij Varlauiensibus multa ab equestri contra sacrum or-
dinem iactata essent, quasi is prerogatiua iuris sui ceteris grauis esset:
vehementerque flagitatum esset, cum hætenus Ecclesiastici contende-
rent, bona sacris vsibus semel adscripta, etiam si diuturno tempore à sæ-
cularibus possessa, tamen neminem posse etiam longissimi temporis cur-
su vsucapere, hæreditatesque sacras sine legitimâ causâ olim interuersas,
semper vindicari posse; vt tandem Rex lege datâ statueret modum &
tempus, quo constaret, quæsi quoquo modo iuris possessio. Deinde
sæpè euenire, vt equestris ordinis homines, grauius iniurijs à spirituali-
bus afficiantur; id tamen impune fieri, quod eo nomine accusati, ad
Curiam Romanâ prouocando, actores quibus & Canonicum ius igno-
tum est, & ad tam longinquum iter suscipiendum, iurisque impensas
sumptus non suppetunt, palam eludant: cum è contra spirituales iure
Regni facilè iniurias suas vindicent: iniquum sanè videri non omnes qui
eodem corpore Reipublicæ continentur, pari eodemque iure censeri.
Cæterum cum ordo sacer hoc nomine in Comitij compellatus, nihil se
hac de re nisi ex Synodi sententiâ respondere posse ostendisset, eò tota
ca quæstio reiecta fuit: simul vt istic ex ordine sacro legerentur, qui cum
secularibus de abolendis componendisque mutuis controuersijs agerēt,
statue-

statuerentque) cum iam antea in Comitibus ordo Equestris suos quoque ad hoc negotium tractandum conficiendumque plenâ cum potestate Commissarios dedisset. Hoc eodem tempore Palatinus Cracouiensis novos ad Varšaviam cœtus cogebat, quare rati Episcopi ad manus suâ pertinere, si eam alioque qui illi adhærebant, interposita sacri ordinis auctoritate admonerent, ut à cœpto desisteret; talem ad eos dederunt epistolam. Sibi in Synodo res Ecclesiasticas tractantibus, non abs re visum, *Epistola Episcoporum ex Synodo ad Palatinum Cracouiensem.* ad præsentem quoque afflictæ Reipublicæ statum oculos reflectere. Et quidem ut primum harum dissensionum initia oriri ceperunt, se in magno metu fuisse, ne patria supremum discrimen adiret, cum & Servator ipse omne Regnum civili discordiâ distractum, periturum verissime pronunciauerit, & tot clarissimorum regnorum eversorum exemplis doceamur, absque concordia nullam Rempublicam stare posse. Nihil hætenus à se prætermisissimum, quod ad conciliandos animos in mutua perniciem exacerbatos pertineret: sed irato ob scelera hominum Deo, non esse datum locum monitis suis. Eò postremo ventum, ut armis & apertâ acie decertaretur, & ea fierent, ac nunc etiam fiant, ut in ipsis Patriæ visceribus talia à ciuibz ciues patiantur, quæ bella secum adferre solent, ac Respublica suis nudata prædijs, vilibus etiam hostibus pateat. Livoniam ardere bello, captum à Sueco Bialocamenum, eundem hostem imminere Rigæ, alijsque eius Provinciæ oppidis & arcibus, infestam esse maritimam oram, infestos portus Regni, quibus amissis, aut impeditis, actum fore de nostris facultatibus: nunc certè vniuersam Reipublicæ salutem periclitari. Quæ ecquis Patriæ amans siccis oculis conspiciat? quis non ingenti dolore afficiatur? Se quidem quibus functio spiritualis diuinitus demandata est, Deum testari, nihil sibi optabilius esse salute Patriæ, in quâ nati essent, cuius beneficio viverent, nihil carius libertatibus equestris ordinis, quarum auctores fuisse maiores suos probè nossent: in ijs tuendis conservandisque suum officium desiderari, etiam si quoduis discrimen subeundum foret, se passuros non esse: nunc si quid tale vrgetur, leuioribus remedijs sanari posse. Ad ea ut animum adijcerent, arma deponerent, novos cœtus ne cogerent, ac etiam atque etiam dispicerent, quid incommodi secum adferant, quanto solatio hostibus nostris sint acerbæ & sanguinolentæ civiles discordiæ, hortari se & monere. Synodum quidem diu teneri non posse, ceterum ad Cardinalem Maciejouium, ad quem cura eius rei, pro eo loco, quem primum in Republica tenet, pertinet, referrent de hoc negotio, qui cum alijs, quorum copiam habere poterit Episcopis, se medium interponet, Regemque subditis conciliare, totumque hunc motum componere adnitetur. Moderarentur illi vicissim suis affectibus, voluntatesque suas, etiam si non nihil de iure decedendum esset, mitioribus consilijs accommodarent: multa tempore ipso sanari, & ubi pax constituta fuerit facile reliqua confici posse. Se deinceps ad ea omnia quæ Reipublicæ bono peti & postulari

lari poterunt, obtinenda, auctores adiutoresque futuros : interim vestem istam mutua societatis ne discinderent, lacerarentque.

Non iniucunda fuit Palatino Cracoviensi ealegatio, ad mentem plane eius, à nonnullis ex ordine sacro qui ei clam fauebant, & ob veterem amicitiam non omnino depressum volebant, conscripta & composita. Perhonorificum enim illi videbatur, se ab ordine Ecclesiastico ambiri, neque sua destinata ab eo palam damnari, usurum se deinceps eius auctoritate, vel ad commouendum populum, vel certe cum maiori auctoritate ad transigendum cum Rege. Igitur oblitus eorum quid Zolkienius cum eo, quid ipse vicissim cum Zolkienio egisset, quid Zolkienius pro eo Regi sponderet, aliam concordiae telam ordini coepit. Itaque literis Episcoporum responsum ex sententia Palatini datum nomine Rocossianorum est eiusmodi : commemoratis ijs quae hactenus acta sunt, ostendebant se omni culpa vacare, & frustra tentatis omnibus medijs, quibus Regem ad satisfaciendum Reipublicae erroresque corrigendos adducerent; ad extremum cum nihil monita proficerent, ac nouis in dies iniurijs animi hominum exacerbarentur, iure ad abrogandum illi imperium processisse. Non sibi, sed Regi imputari debere, ea quae postea euenerunt, se tamen iam ultro recedere à decreto abrogati Regi regni, & libenter permissuros causam Reipublicae quam hactenus promouerunt, arbitrio status Ecclesiastici : cum Cardinali hac de re omnium nomine Palatinum Cracouiensem, cui totius conuentus intentio optime nota est, acturum. Legationis verò ad Cardinalem missae haec summa erat. Gratum esse sibi hoc status Ecclesiastici Reipublicae pacificandae studium, cuius auctorem fuisse ipsammet Cardinalem minimè dubitarent; facturum eum officium Principis Senatus, si seriò ad eam rem animum adiecerit, quod eo modo fieri posset. Vocaret vniuersum Senatum Cardinalis ad locum aliquem tutum in centro ipso Regni, istic consilium iniretur, & rationes pacandae Reipublicae praescriberentur, ac quid Rex Reipublicae debeat declararetur; Cardinalis deinceps more maiorum, qui vel inuitos Reges cogeant ad praestanda ea quae ex pacto & legum praescripto debebant, Senatus vniuersi auctoritate fretus, officij sui Regem admoneret. Rex captos Herburtum & Pekoslauium dimitteret. Bona ablata restitueret. Negotium Abbatiae Tineensis (de eà inter Stanislauum Sulouium, Regià promotione nitentem, & Albertum Baranouium Monachum à Monachis electum lis erat) relinqueret. Securitati eorum qui partes Rocossianas secuti sunt caueret. Id effecturum Cardinalem, & nisi id fiat, vel si remissius hoc negotium tractetur, aut si Senatus suo munere non defungatur, se alijs medijs vsuros, & fore nouissima peiora prioribus. Quoniam scita praeteritorum Comitiorum à multis improbantur, efficeret Cardinalis, ne ij qui ad leges corrigendas, componendasque inter spiritualem & secularem statum differentias, auctoritate Comitiorum designati sunt, suscepto munere fungantur,

*Responsum
literis Episco-
porum à Ro-
cossianis.*

*Summa lega-
tionis Rocos-
sianorum ad
Cardinalem
Macietouium.*

tur, fore ei rei aliud commodius tempus, posteaquàm Respublica pacata erit. Ad ea Cardinalis Palatino Cracouiensi respondit. Eam & suam, & aliorum Episcoporum fuisse mentem, vt Rocossianos ab extraordinarijs conuentibus dehortarentur; hactenùs quidem in eo erratum fuisse, quod passim hominum cœtus cogerentur, vt tumultu magis quàm consilio negotia publica à priuatis hominibus tractarentur, se auctorem non fore rerum nouarum, nec Senatum priuatâ auctoritate conuocaturum, cum id Regium munus sit. Comitia potiùs more maiorum indicenda, atque in ijs publica tractanda negotia, interim pacatè se gererent ij qui extraordinarios eiusmodi cœtus flagitant, quorum securitati datis à Rege literis satis iam cautum esse. Bonis quenquam spoliatum esse sibi non constare. Turbulentos homines captos, liberos fore, si quis cauerit eos modestè se gesturos. Litem de Abbatia Tinecensi iudicio Summi Pontificis decusum iri. Eos qui ad corrigendas leges, & ea de quibus inter Ecclesiasticum & Equestrem ordinem disceptatio est componenda designati sunt, non esse causam cur quis munere suo defungi prohibeat: cum id negotium diu iam flagitatum, & magno Reipublicæ incommodo neglectum, nunc tandem vt definiatur maximè optandum sit.

*Responsum
adhuc Car-
dinalis Ma-
cieioij.*

Cùm verò Zolkieuius, quasi à Cardinali & Episcopis pacis tractandæ negotium, quod ipse antea inchoauerat interceptum esset, cum Cardinali datis literis exposulasset, respondit ille: non eo animo suo aliorumque Episcoporum nomine conuentum Rocossianum compellatum fuisse, vt sibi aliquid in eo negotio, quod probè nossent à Zolkieuius inchoatum, & propositis acceptisque conditionibus penè ad exitum deductum esse usurparent, sed vt propensos ad concordiam Rocossianorum animos confirmarent: quare vrgeret ille cœptum opus, exigeretque eas conditiones, quas iam acceptauerant. Sed Palatinus cùm animaduerneret, Cardinalem minùs spe suâ opportunum esse destinatis suis; & vt res erat, quod Cardinalis cùm in aula Regiâ maneret, non ex propriâ sententiâ responsa dare videretur: primum quidem Petro Tiliçio Cracouiensi, & Alberto Baranouio Cuiaviensi Episcopis, qui Varsouiam nomine Cleri ad componendas cum Equestri ordine controuersias venerant, persuadet, vt propositas Cardinali conditiones vrgerent; sed cùm horum quoque iudicio meritò reprehensa fuisset minùs æqua postulatio, ostensumque quò eiusmodi Palatini arrogantia tenderet, ille rursus vniuersum Senatum ac Nobilitatem per literas certiore facit, Regemque hac onerat inuidiâ, quasi is propositas ab ordine Episcoporum pacis cōditiones respueret, simulque petit consilium, an sibi ab ijs resilire liceat. Docet quantum inde libertatibus Regni immineat discrimen, si earum defensor in ordinem redigatur, si ad mandatum Regium Senator quali præteritarum actionum rationem redditurus se sistere cogatur. Se hactenùs in hoc negotio cum dispendio non modò fortunarum, sed gratiæ etiam

*Littera Zol-
kieuij ad
Cardinalem,
eiusq. respon-
sum.*

*A Petro Tyli-
cio Episcopo.
Cracouiensi
& Alberto
Baranouio
Vladislauensi
reprehensa
postulatio
Palatini
Cracouiensis.*

*Palatinus
Cracouiensis
Senatus &
Nobilitatis
consilium ex-
quirrit, quid
ulterius fa-
ceret.*

cum omnes
Senatores
Palatino
Cracouiensi
suadent, ut
pacis condi-
tiones am-
plectatur, so-
lus Castella-
nus Craco-
uensis alte-
rius est sen-
tentia.

Annus
Christi
1608.

Bernardus
Maciejovius
Cardinalis
Archiepisco-
pus Gnesneu-
sis obit.

Eius dolores.

Idem in nu-
ptiis Regis
fuit Legatus
de latere.

Palatinus
Cracouiensis
Regi se sub-
mittere cun-
ctatur.

etiam Regiæ verlatum esse, vitam ipsam potius profundere, quam tute-
lam libertatum Regni deferere paratum fuisse. Facile quemuis animad-
uertere posse, salubre & rebus præsentibus accommodatum fuisse con-
siliū, Senatus conuocandi, sibi ab Episcopis propositum, Regi quoque
ipsi magis expediebat in eo confesso negotium hoc definiti: cæterum ex-
plicarent illi quid hac de re sentirent, idque eo candore, & eâ erga Pa-
triam fide, quæ non modò posteritati placeret, verum etiam cuius in
exacto Dei iudicio essent rationem reddituri. Ad eas literas omnes ferè
Senatores in eandem responderunt sententiam, suaseruntque Palatino,
alijs postpositis consilijs, pacis conditiones per Zolkieuium propositas
amplecteretur. Solus Ioannes Ostrogus, Castellanus Cracouiensis Pa-
latini postulatis se obsecundaturum, & nisi Cardinalis Senatum conti-
nuò conuocet, id se pro eo loco, quem in Republicâ tenet, facturum
Regi significauit.

Annus Christi supra Millesimum sexcentessimus octauus iam inchoa-
tus erat, ad cuius initium primis Ianuarij diebus Cardinalis Maciejovius
Archiepiscopus Gnesnensis lentâ tæbe consumptus cessit è vitâ, vir pius
magis, quàm tractandis negotijs Reipublicæ idoneus, floruit & popu-
lari fauore & gratiâ Regis, à quo ex Episcopatu Luceoriensi primò ad
Episcopatū Cracouiensem, dein ad Gnesnensem Archiepiscopatum pro-
motus, primas in Senatu partes tenuit, & licet tot auctus esset opibus,
multisque extraordinariè subsidijs iuuaretur, semper tamen egere visus
est. In nuptijs Regijs Legati (quem de latere vocant) munere functus,
cùm deinceps Sedem Episcopalem, protenso supra velo, ad instar eius
quo Reges vti solent, ex aduerso Regiæ sedis posuisset, idque decus Car-
dinalitiæ & Episcopali dignitati deberi contenderet: Rex è contra id
pati nollet, re ad Summum Pontificem delatâ, iussus est Cardinalis ve-
lamen illud honoris tollere, & hæc prima fuit illi cum Rege dissensio:
vnde postea fauisse Rocossianorum conatibus existimatus est: creditum
etiam à nonnullis contumaciam Palatini Cracouiensis, eius conuiuentiâ
foram fuisse. Ac Palatinus quidem omnium Senatorum acrioribus li-
teris perstrictus, & à Zolkieuiopotissimum liberiùs pro iure amicitie
obiurgatus, hærebat tamen; sed cùm Zolkieuius minacibus literis col-
luuiem militum, quorum fiducia Palatinus in Stæzicensi Præfecturâ
subsederat, disiecisset, Zamoscium concessit, tutum munitumque op-
pidum, in eo loco præstolaturus, si quæ occasio rei nouandæ se offerret,
vel si Castellanus Cracouiensis, ut se facturum receperat, publicum con-
uentum ediceret. Merito iam Regi mora ea suspecta esse cœperat, ve-
rendum enimerat, ne factiosi homines resumpris viribus adscito Castel-
lano Cracouiensi, iterum nouas turbas cierent: præsertim cùm Zolkie-
uius, etsi optimâ fide in negotio pacificationis versaretur, tamen quòd
vel à Palatino illuderetur, vel ipse etiam ob arctas sanguinis necessitudi-
nes minùs acriter cum eo ageret, parum hætenùs effecisset. Itaque Rex

vt

vt aduersariorum machinationibus vires opponeret, & arma ostentaret, Ioannem Potocium à Valachiâ cum ijs copijs quas illic habuerat euocauit, & ad vniuersos Senatores dedit literas, quibus monebantur, vt contra conatus aduersæ partis sibi præstò essent. Nec Castellanus Cracouiensis, quemadmodum se facturum ostenderat, Senatum conuocare ausus; cum videret omnes, Palatino Cracouiensi excepto, in aliâ esse sententiâ, ac neminem suis edictis commotum iri: ac prætereâ vereretur, ne si rerum nouarum auctor esset, alijs omisiss ipse ab exercitu Regio peteretur. Igitur Palatinus, cum parum prosperè ea quæ destinauerat procederent, simul se desertum videtis, totum se postremò Zolkieuij potestati permittit. Conditionum quibus Regi reconciliaretur, hæc summa erat. Vt ne ampliùs priuatâ auctoritate conuentum illum vel indiceret, vel indici postularet. Ad Regem veniret, errati veniam peteret, fidem renuntiata obedientia labefactatam, resumpto iurisiurandi sacramento firmaret. Rex vicissim benignè eum cæterosque qui in hac dissensione sectam eius secuti fuerant reciperet. In Comitijs proximis legitimis postulatis, si quæ talia fuerint, arbitrio Senatus & ordinum Regni annueret; sancitâ omnium rerum ac iniuriarum obliuione.

Cæterum cum sub idem tempus non solum à domesticis internisque moribus, nondum sedatis, & quodammodò recrudescentibus, Reipublicæ immineret periculum; verum & cum vicinis Hungaris Moschisque incerta pax, in Liuoniâ verò apertum bellum esset, consilij capiendi causâ, Rex ad se primarios Senatores euocauit, diemque vigesimum quartum Mensis Aprilis, quâ Cracouiam venirent, designauit. Venerunt frequentes satis, pertæsi tot molestiarum, quibus finem dari nemo erat qui non cuperet; maximè quod cum Palatinus Cracouiensis diuersum Rege absente conuentum vrgeret, hic legitimè indictus, quem tamen ille subterfugere vel calumniari non posset, necesse erat vt indiceretur. Hæc autem erant quæ in consilio nomine Regis proponebantur. Quibus modis & rationibus pax interna componi posset. Quibus conditionibus auctoribus præteritæ secessionis indulgendum, veniaque illis danda esset, & è contra qui pertinaciùs arma retinerent, qualiter in ordinem redigendi. Liuoniæ bello Suetico laboranti vnde præsidium parandum, pecuniæ in eum vsum ex ærario Rauensi depromenda, an potiùs aliunde acquirenda, & num Sueco petenti dandæ induciæ. Temere sub signis ditiones Molchouiticas infestantes quomodò coercendi, & an Internuntijs rediuiui Demetrii fides habenda, ijque vt à legitimo Principe missi tractandi. Priuatorum Procerum domestica dissidia, audacesque in mutuum perniciem armatorum insultus, vt coercendi. Dictis à Senatoribus sententijs, conclusum est, clementiâ potissimùm Regiâ domesticum tumultum sedandum, petendumque à Rege, vt publicæ quietis causâ suas iniurias benignè indulgere velit, spemque faciat breui Comitia indicturum, & quæ ordines vniuersi legitimè à se petierint facturum. Interea

*Rex consilij
capiendi cau-
sâ præcipuos
Senatores ad
se euocat.*

*Summa pro-
positorum à
Rege in consi-
lio.*

monendum Palatinum Cracouiensem, vt Senatus arbitrio se permitteret, & secundum oblatas à Zolkieuio conditiones, acceptatasque Regi reconciliaretur. Alios item eiusdem secessionis auctores & comites, pari modo admittendos; aspernantes verò Regiam gratiam, & nonos tumultus cientes, præsidio legum, & si necesse foret, armis etiam coercendos. Ad scribendum in præsidium Liuoniæ exercitum, ex Cracouiensi thesauro monilia depromenda, ijsque pignori datis, pecunia quæ centum millium florenorum summam expleret acquirenda: eo etiam residuum ex ærario Rauensi pecuniæ impendendum. Negotium induciarum Sueticarum Carolo Chodkieuicio committendum. Ne quis sine scitu Regis signa ditioribus Moschouiticis inferret edicto publico prohibendum. Internuntios Demetrii placere admitti, auditos autem tantisper retinendos, donec cōpertum habeatur, quò noui istius impostoris conatus euadant: interim literas nomine Senatorum Regni ad Procures Moschouiae dandas exquirendumque; cur legatos Regios contra ius gentium detineant, aliosque nobiles viros in nuptiis Demetrianis interceptos non dimittant, eo adiecto, id præter scitum & voluntatē Regiam fieri, quod aliqui ex nostris hominibus ad famam rediitui Demetrii eò concesserint; sed & hos Moschouiam omisso, si vicissim ij, qui citra ullam culpam istic detinentur dimissi fuerint. Priuatos priuata arma circumferentes, monendos Regis & Senatus nomine, vt continuò arma deponant, si parere noluerint, in ius vocandos, contumaciores verò etiam acrioribus modis coercendos. In eum sensum facto præscriptoque Senatusconsulto, prima ea cura Senatui fuit, vt Palatinum Regi reconciliarent. In grauem is inciderat morbum, & crescente eo in dies, viresque depascente, ita conciderat, vt publico concilio interesse non posset, & lecto affixus, ægrè responsa daret: Neque tamen ea res impedimento fuit, quominus Senatus cœptum pacis conciliandæ opus prosequeretur, scriptis omnium, qui præsentibus erant nomine, ad Palatinum Cracouiensem hoc sensu literis. Quibus hætenus medijs usus sit Senatus, vt eos qui in ciuili dissensione à publico consilio secessionem fecerant, ad concordiam adduceret, non latere Palatinum: spretas fuisse fraternas suas cohortationes, armatisque cohortibus temerè conceptas opiniones promotas, excitatum in Republicâ tumultum, & postremò acie de iure certatum: id cuius culpâ euenisset, Deum qui meliori parti fauit indicauisse. Sed deinceps quoque & Regiam semper omnibus qui in contrariis erant partibus patuisse clementiam, & Senatus in conciliandâ eâ singulare enituisse studium; dimissos à Rege fuisse exercitus, nec in victos fauitum: omnes hætenus id votis omnibus exoptasse, vt pax Reipublicæ restitueretur; ipsum Palatinum nonnullis significasse, se arbitrio Senatus statuturum; eandem Palatini voluntatem senatui & Palatino Kijouiensi (Zolkieuus secundum mortem Constantini Ostrogij proximè eâ dignitate à Rege ornatus erat) explicatam esse. Nunc igitur conditionibus, de quibus

Littera à Senatu ad Palatinum Cracouiensem

quibus hactenus actum est ad trutinam iudicij expensis, censuisse Senat-
 um, vt Kiiouienſis Cracouiienſi Palatino eas nomine publico offerret.
 Non dubitare ſenatum amplexurum ſecuturumque Palatinum Craco-
 uienſem concordē ampliffimi ordinis conſenſum, deſiderioque omnium
 ſtatuum ſatiſfacturum, nec Regis gratiam aſpernaturū. Veniret itaque,
 ſequē ad diem decimam ſextam Maij ſiſteret, ſpondere ſenatum, ſi eius
 voluntati paruerit, ac præſcriptis conditionibus ſatiſfecerit, non modò
 eum ſecurum fore, ſed priſtinum etiam dignitatis gradum recuperatu-
 rum, & Regiam clementiam experturum. De ijs quæ hactenus in diſcep-
 tatione fuerunt, in Comitijs proximis actum iri, eā eſſe Regem volunta-
 te, vt ad præſtanda ea quæ ordines Regni legitimè popoſcerint, promptū
 paratumque ſe fore profiteatur, vniuerſum denique Senatum in eiſdem
 Comitijs libenter ſua ſtudia ad obtinenda decernendaque ea, quæ expe-
 dire publicæ ſaluti videbuntur, accommodaturū; cætera ex Petro O/ga
 Iudice Leopoliienſi, per quem eiufmodi literæ mittebantur, quæ ad
 hoc negotium pertinent, Palatinum intellecturum. Simul ſcripto con-
 ceptæ conditiones, quibus ad Regis conſpectum admittendus eſſet Pa-
 latinus, eius tenoris miſſæ. Pacatus, & eo comitatu, quo antea vti conſue-
 uerat, Cracouiam veniret. Nullos milites, nullum bellicum appara-
 tum ſecum adduceret. Publicè & in præſenti Senatorum conſeſſu, &
 poſtea in proximis Comitijs fateretur, ſciretne ultra ea quæ iam in Ro-
 coſſianis conuentibus vulgauerat aliqua, quæ palàm proferri oportere-
 ret, & ſi nihil reliquum tale, quod hactenus in ſuſpicionem vocabatur
 ſuper'eſſet, idipſum declararet, nec amplius inani expectatione vulgi
 animos detineret, aut ad rerum nouarum ſtudium cuiquam occaſionem
 præberet. Ad Regis conſpectum & in Senatum admiſſus tali vteretur
 oratione. Sereniſſime Rex, Domine Clementiſſime, In omnibus præte-
 ritis actionibus deſtinatiſque meis, non ea fuit mens mea, vt maleuolo
 animo erga Maiestatem Veſtram eſſem, dignitatemque eius, quam vi-
 tæ ſalutiſque meæ diſpendio paratus ſemper fui tueri oppugnarem: ſed
 quia ita mihi priuatim videbatur, quaſi publicæ ſaluti diſcrimen immi-
 neret, neque à Maiestate Veſtrâ conditionibus, de quibus inter eam,
 & Ordines Regni in Comitijs Electionis conuenerat ſatiſfieret. De eo
 quoniam aliter & Senatus, & Ordines Regni iudicant, ego eorum
 ſecutus ſententiam nihil ampliùs mihi arrogabo. Peto à Maiestate
 Veſtrâ, vt & ea quæ hactenus à me ſuſcepta geſtaque ſunt, benignè
 mihi indulgeat, & deinceps gratiâ Regiâ me complectatur; ego
 viciffim recipio me non modò deſtinata mea à quibus iam recedo
 non promoturum, ſed etiam fide integrâ & humillimis obſequijs
 gratiam Maiestatis Veſtræ promereri admiſſurum. Et non ſolùm ipſe
 id facturum me polliceor, ſed alijs auctor futurus ſum, vt de poſitis re-
 rum nouarum ſtudijs iure & legibus Regni præſcriptis medijs, ſub feli-
 ci Maiestatis Veſtræ imperio contenti ſint, neque villos conuentus agant,

Conditiones
 quibus ad
 Regis conſpe-
 ctum admiſ-
 ſus Palatinus.

Verba Pala-
 tino à Senatu
 præſcripta,
 quibus Regem
 deprecaturus
 erat.

& si quid tale à quoquam tentatum fuerit, me pro officio fidelissimi Maiestatis Vestrae Senatoris, syncerè opponam. Ac si fortè cui videor, eò quòd in conuentu Rocossiano obedientiae Maiestatis Vestrae renuntiauerim, semel datae fidei derogasse, nunc me fidemque meam obstringo denuo & vinculo sacramenti ad parendum Maiestati Vestrae obligo. Reliquae conditiones hae erant. Scita praeteritorum Comitiorum arbitrio futuri conuentus relinquantur, si quid in ijs mutandum videretur. Iam verò quia priuatà auctoritate indicti conuentus & coetus coacti, tantorum motuum Reipublicae maximè perniciosorum causam praebuerunt, deinceps Palatinus non modò se illis aperto vel tacito fauore non immisceret, verùm etiam vnà cum Rege & Senatu eis obuiam iret: per hoc tamen nihil derogatum censeatur, praescriptis legibus Regni tuendarum legum & libertatum modis. Priuatas quae Palatino cum Senatoribus ac Regijs magistratibus interueniunt inimicitias, eas iudicio Senatus definiendas permitteret, ipse interim pacatè se gereret, cum vicissim & illi idem facere teneantur. Eos qui in hac secessione Palatino adhæserunt, fidemque abrogato temerè Regi regno exuerant, postquam eam dato nouo iureiurando resumpserint, ac legitimis medijs gratiam Regiam quaesierint, facilem & promptum ad eam aditum habituros. Conditiones istas simul cum literis nomine Senatus scriptis, detulit Petrus Ozga ad Palatinum, qui cum idem sibi in votis fuisse respondisset, breui & succinctae praeteritarum suarum actionum facta commemoratione, constanter affirmavit, eò etiam omnia sua destinata spectasse, vt saluis Regni iuribus imperium Regium firmum esset: nunc tam amicè Senatus inuitatione vocatum, se, quamuis aeger sit, venturum, & eò libentiùs omnes rationes Regis placandi amplexurum, quando intelligat Senatu ipsum affirmante & pollicente, Regem paratum esse, in ijs de quibus hactenùs actum est voluntati & desiderio ordinum Regni sese accommodare.

*Palatinus
Cracouiensis
Regem depre-
catur.*

*Regis nomine
Cancellarij
ad Palatinum
oratio.*

Venit tandem Cracouiam die decimà sextà Maij, quem Zolkieuius obuiam progressus, ad conspectum Regis deduxit. Rex tum diuturno acrioris febriculae morbo debilitatus, cum non satis vires, vt in publicum prodiret suppeterent, sede sedentaria elatus exlanguis & pallidus, Senatu praesedit. Ad ingressum Palatini assurrexit Senatus, & ille in primo limine subsistens, ex praescripta formula verba ad Regem fecit. Respondit Regis nomine Cancellarius Regni, Vel ipsa, inquit, perturbati Reipublicae status commemoratio, grauis & peracerba est Regi Maiestati: vnde cunq̃ue illa ortum habuit, omnes certè in summum adduxit discrimen, dignitas Regia violata, depressa auctoritas Senatus, leges consuetudinesque Patriae immutatae, libertas in licentiam versa, salus patriae periculosi certaminis aleae obnoxia facta, fides Principi debita, quae semper ceteris nationibus praecellere existimati sumus infamata. Si quae suspicio imminentis periculi animo obuersabatur, cur ea Senatu non patefacta

facta est? cur in Comitibus more maiorum non proposita? cur iudicio & examini eorum quorum id in Republica munus est non subiecta? sed priuato magis arbitrio fidere visum, & extraordinarijs uti medijs, quibus id effectum est, ut tot Reipublicae calamitates, & cruenta dissidia, vix satis deplorari possint. Eo maiorem dolorem ex eo capit Regia Maiestas, cui Rex Regum curam salutis publicae in hoc Regno per liberam electionem ordinum tradidit, quominus sibi conscia est, se vnquam muneri suo deesse voluisse aut aliquam iustam causam tantis motibus dedisse: cumque Rex semper paratus fuisset, iustis postulationibus subditorum annuere, vis certe ad ea obtinenda vel extorquenda minimè fuit necessaria. Et quoniam superiorum actuum te ipsum paenitet, & saluis legibus fidem tuam Regiae Maiestati obstringis, vicissim & Regia Maiestas, cum salutem publicam priuatis suis iniurijs libenter anteponeat, benignè ea omnia quibus se offensum merito arbitratur, oblivione perpetua abolita esse vult, rata pari, qualem ante expertus est, sinceri animi voluntate, te erga se deinceps futurum. Deumque precatur, ut his quas in vindictam scelerum immisit poenis exolutos, nos pacato & florenti Reipublicae statu perfrui concedat. Versus deinde Palatinus ad Senatum, *Palatini Cracouiensis ad Senatum sermo.* Volui, inquit, iam pridem in hoc amplissimo consessu comparere, si quaedam hactenus impedimento fuissent, idque in meliorem partem interpretentur. Caeterum cum me arbitrio Senatus paritum recepissem, feci id quod vobis visum fuit, & caetera me executurum polliceor. Et quoniam id à me postulatum fuit, hic ut proferrem, si quid praeterea quae in antea actis conuentibus à me vel scripto vel dicto vulgata sunt superesset, quod patefacere oporteret, ingenuè fateor, nihil tale reliquum esse, & ea quae hactenus à me prolata fuerunt, ex sensu priuato opinioneque mea originem habuisse. Existimaui summam Reipublicae agi, & eius quod illi imminere arbitrabar periculi auertendi causam, Deum testor me omnia fecisse. Nunc id mihi optatissimum est, ut mea cura Respublica pristinae tranquillitati restitatur, si quid praeter vestram intentionem hactenus à me factum gestumue est, id mihi fraternè indulgeri peto. Ad ea Ioannes Zamoscus Archiepiscopus Leopoliensis quod primum tunc in Senatu teneret locum. Aduersa Regiae Maiestatis valetudo *Nomine Senatus eadem responsum.* breui sermone me uti iubet, nec ego facundiam vnquam exercui. Gratulatur sibi Senatus non frustra susceptos fuisse labores, in conciliando te Regi, multis lesò iniurijs; utiliùs certe tot curae & sumptus alibi impendi potuissent, quod & tibi honestiùs fuisset, & Reipublicae magis salutare: praestitit sane is ordo quod sui manetis fuit. Haec est dies quam fecit Dominus, exulemus & laetemur in ea. Satis quidem hactenus magni documentum dedimus fidei nostrae erga Principem, satis in curandis Reipublicae vulneribus sumptuum impendimus, neque ordinem istum amplissimum, vel salutis, vel fortunatum, vel exultationis, quae maxima merito censeri solet iactura detertere potuit, quin munus suum exqueretur,

queretur, & dissociata diuulsaque membra vinculo charitatis adstringeret, obliuioneque potius, quam vindictâ, tot acceptas iniurias aboleret. Quantum eo nomine Senatui debeas, qui maiorem tuæ securitatis & dignitatis, quàm ingentium offensarum rationem sibi habendam existimauit, velim tecum ipse expendas: maximè cum negari non possit, tuis actionibus & priuatim, & publicè omnes meritò fuisse offensos: utque hæc semper Senatus improbauit, constanterque damnauit, ita nunc nec tibi ipsi, ea quæ à te suscepta gesta que sunt, placere existimat. Ac quemadmodum hîc proximè passus es, nihil te scire ampliùs, præter ea quæ scripto & sermone in præteritis conuentibus in medium attulisti, id & in futuris Comitijis te facere, palamque fateri oportebit, ne deinceps quifquam inani opinione ad tumultus ciendos feratur. Sed tot perfunctos periculis & calamitatibus, id vel maximè solatur, quòd Regia Maiestas senatus sui preces aspernata non fuerit, priuatas offensas Reipublicæ cōdonauerit: hunc Regium animum & præsens ætas summâ veneratione prosequetur, & posteritas nostra gratâ recolet memoriâ. Cætera Regi cum alijs communia sunt, sic bellici decoris partem Duces, partem milites sibi vsurpant, clementiam & benignitatem, quâ erga ciues vteris, tibi soli Serenissime Rex acceptam ferimus, simulque eo nomine vniuersus Senatus tibi gratias agit, & rogat, ut non defatigeris in cōseruandis viris bonis; eâ re & vniuersum Polonum nomen tibi ad obsequium obstrictum reddes, & Diuinum fauorem heroicâ istâ animi magnitudine, ac verè Regijs virtutibus promereberis.

*Rei gesta series
edicto
Regio ad no-
titiâ om-
nium deduci-
tur.*

His eo die peractis mox consultatum conclusumque fuit, ut tota rei gesta series, in modum edicti & Senatusconsulti promulgaretur. Explicatum eo fuit, Regem ut hætenus nihil non egisse, quo pax Reipublicæ restitui posset, ita postremò arbitrio Senatus totam eam causam permisisse: venisse & Palatinum Cracouiensem in Senatum, & postquàm conditionibus à Senatu præscriptis satisfecisset, receptum esse à Rege in gratiam, reliquis, si idem fecerint, aditum quoque patere, nec quenquam exclusum iri. Seditiosos turbulentosque manere pœnas legibus præscriptas, eas, nisi reliquerint, & ad officium redierint Regem executurum irrogaturumque: nec siturum, ut impunè quis deinceps vel armatos cœtus cogere, vel Rempublicam seditiosis conuentibus perturbare audeat. Comitia potius proxima vnusquisque expectaret, in ijs actum iri de his, quæ adhuc vel corrigenda, vel de nouo statuenda ordinibus Regni videbuntur: quorum legitimum concordemque confessum, Regem libenter comprobaturum, nec vllas rationes pacandæ Reipublicæ, stabilien- & que pacis cum incremento iurium & libertatum Regni non acceptaturum. Dimisso cōconuentu, noua quædam Reipublicæ facies & spes affulgere visa est, certatim Rocossianorum partium hominibus ad reconciliandum Regem confluentibus; nec vllus fuit, quem indignum venia Rex censeret; etsi atrocibus quorundam dictis, à famosis libellis læsus

*Summa be-
nignitatis in
Sigismundo
III. exem-
plum.*

læsus esset. Inter alios etiam Herburtus, qui nefariæ cum Batthoreo Transilvania Principe in Regem conspirationis conuictus erat, qui priuatim multas cædes fecerat, Lublinum aliaque nonnulla oppida excusis mercatoribus fortunis spoliauerat, ac liberis hominibus pecunias imperauerat, datâ cautione quod deinceps quieturus esset, dimissus est. In eo etiam conuentu Alberto Baranouio Archiepiscopo Gnesnensi renuntiato, in Vladislauensi Episcopatu successor datus est Matthias Pstro-
konski de Buzenin; Episcopus Premisliensis Regni Cancellarius. Sed nos id quod nobis propositum fuit executi, finem scribendi facimus, hoc tantum adjicere libet; his ipsis diebus cecidisse è vitâ Mariam Caroli Archiducis Austriæ olim vxorem, Constantiæ Reginæ Poloniæ matrem. E Bauaricâ familiâ illi genus fuit, nupta, vt dixi, Carolo Archiduci, & numerosâ susceptâ sobole, marito vita functo, liberorum curam gessit, in quibus educandis ita versata est, vt domus ea pietatis, & omnium virtutum sedes esset. Virilis planè animi matrona, & cui Respublica Christiana debet, præter filios summis imperijs destinatos, tres præterea Reginas magnorum Regum matres, Annam & Constantiam Sigismundo Poloniæ, Margaritam Hispaniarum Regibus nuptas.

Matthias
Pstrokonski
Episcopus
Premisliensis
Regni Can-
cellarius Episcopus
Vladislauensis
Dominatus.

Mors Maria
Bauarica Archiducis
Austriæ.

*Causa cur Sigismundus Rex Polonia bellum Moschis intulerit
ad Imperatorem Matthiam missæ.*

SARMATICIS populis, qui partem eam Orbis quæ Septemtrio dicitur, & longè lateque etiam in Orientem protenditur infederunt: eadem origo, lingua moreisque semper fuerunt. Et quamuis ij diuersis nominibus insigniti imperia diuisa haberent, cognati tamen sanguinis necessitudo, nunquam ita vel mutuis odijs, vel æmulatione quæ inter pares maximè locum habet extingui potuit; quin mutuis foederibus societatibusque iuribus se obstringerent, affinitatibus coniungerent, & quodammodo vnius originis populum se esse profiterentur. Ante mille annos etsi obscura Sarmaticæ gentis rerum gestarum memoria exstet, quod nemo esset qui eas literarum monumentis consignaret, tamen ex bellis quibus illi Imperium Orientis sæpè infestauerunt, & ex vestigijs propagati Imperij appareat, Russos potentia & opibus multum valuisse. Summæ rei præerat is qui Kijouiam in potestate habebat, quò nomine quidquid modò Moschorum appellatione censeretur, continebatur. Nec pigebat Basilium & Constantium Orientis Imperatores, datâ Volodimiro Kijouensium Duci, Suentosilai ex cōcubina filio, acri & bellicoso viro in vxorem sorore Annâ, pacem initâ affinitate redimere; quod accidisse circa annum Domini Nongentesimum septuagesimum primum, vel paulò infra Scriptores tradunt. Sed cum Volodimirus vt rebus gestis, ita prole felix duodecem reliquisset filios, atque Glebo & Borysso Kijouia &

Sarmata
Orientis imperium infestauerunt.
Inter Sarmatas Russi potentia & opibus multum valuerunt.
Kijouensis ditionis nomine quidquid Moschi tenent continebatur.
Basilus & Constantius Orientis Imperatores
Volodimiro Kijoua Duci sororem suam Annam in matrimonium dederunt Anno 971.
Volodimirus inter filios domum patris.

quid-

inter eos dis- quidquid modo Russiæ, Podoliæ, Belzeni & Kiouienfi Palatinatibus
cordia. censetur concessa, cæteris filiis alias regiones, nempe Nouogrodum,
Suentopelcus cenfetur concessa, cæteris filiis alias regiones, nempe Nouogrodum,
Chroua Dux Poloscum, Turouiam, Rostoniam, Muromum, Dereum, Vlodimi-
Boleslus Cho- riam, Porocanum, Smolenscum, Plescouiam, Votiniam attribuisse;
bri Polonia orto mox inter fratres dissidio Glebo & Borysso cæsis, Suentopelcus et-
Principu Va- iam expulsus est. Qui cum ad Boleslaum cognomento Chrobri Re-
fallus anno gem Poloniæ confugisset, atque ope illius cæteris fratribus victis Princi-
1008. patum Kiouiensem recuperasset, Vassallum & fiduciarium Principem
Iaroslau le Regi & Regno Poloniæ fore professus est; quæ sub annum Domini
Suentopelci Millefimum octauum acciderunt: quo tempore Poloni Christiana reli-
frater rebellis gione paulò antè initiati, Regioque decore parto, virtute & rebus gestis
à Boleslao clarescere cœperunt. Decimo post anno cum Iaroslau Suentopelci fra-
victus & tri- ter Kiouienium Dux, rebellasset; victus is quoque ab eodem Boleslao
butarius ef- Rege, leges conditionesque pacis quas victor dedit, accepit, tributum-
fectus. que se depensurum pollicitus est. Huius Iaroslai sororem Casimirus Mo-
Iaroslau sor- nachus Rex Poloniæ cum in vxorem duxisset, indulgentius erga affinem
rem accepit se gessit, atque aliquantisper de summo iure decessit; neque aliud ab eo
in matrimo- nisi contra omnes hostes auxilia exegit. Boleslaus audax, Casimiri filius
nium Casi- matre Russa genitus, Isaslaum Iaroslai filium, à fratribus Kiouienfi
mirus ex Principatu exactum restituens, Regni quoque Poloniæ maiorumque
Monacho di- suorum ius asseruit; namque victis ijs qui Isaslaum Principatu deiece-
spensatione rant, cum summæ rei præesse iussit, & vectigal Poloniæ Regibus soluen-
Apostolica, dum, non pecuniæ tantum sed rerum etiam omnium ad victum cul-
Polonia Rex. tumque corporis pertinentium imposuit: quæ ab anno Millesimo sexa-
Boleslaus Au- gesimo nono compluribus deinceps consequentibus annis gesta fuisse
dax Isaslaum memorantur. Hæc sunt vetusta Polonici Imperij in Russos iura, quæ
Ducem Chi- longo temporis tractu istic propagata viguerunt, neque vnquam ex inte-
iouensem gro interuersa sunt; nam & Boleslaus Kriuoustius aliquoties rebellantes
deiectum re- Russos armis fregit, & Boleslaus Crispus cum victore exercitu ad Kijo-
stuit, & uiæ usque mœnia progressus, à victis condiciones exegit. Accidit aliquot
vectigal Regi post annis, vt Tartari Scythica gens immani mole effusa Russiam in-
Poloniæ sol- primis ingenti clade affecerit: duodecim Principes vno prælio victos
uendum im- conciderit; vastatisque Poloniæ & Hungariæ Regnis, terrorem nomi-
ponit. nis sui Europæ intulerit: ac postremo partem illam Russiæ quæ in Orien-
Boleslaus tem & Septemtrionem vergit in suam redactam potestatem, graui serui-
Kriuoustius tute oppresserit. Cæteri Russiæ Principes partim in ius ditionemque
aliquoties Regni Poloniæ cesserunt, partim à Lithuanis subiecti sunt, nam ij Smo-
rebelles Russos lenscum, Poloscum, Rostauiam, Vlodimiriam, Magnum Nouogrodum,
domuit; idem & vniuersum Seueriensem Ducatum tenuerunt; vniuersasque has Pro-
fecit Boleslaus uincias cum Vladislaus Jagello ad regnum adscitus esset, Reipublicæ
Crispus Polonæ vnà cum Lithuania addixerunt. Anno demum Millesimo qua-
Tartari Rus- dringentesimo septuagesimo primo Casimiro Jagellonide rerum in Po-
siam incur- lonia potente & bellis Pruthemicis Hungaticisque occupato, Ioannes
sarunt & Moschouia
duodecim
Russie Duces
vno prælio
deleuerunt, &
partem Russiæ
occuparunt.
Aliqui Russiæ
Principes in
ditionem Po-
loniæ conces-
serunt, aliqui
à Lithuanis
subiecti.
Lithuania
Regno Poloniæ
vnita.

Moschouæ Dux excusso Tartarico iugo, occupato imprimis & omnibus thesauris spoliato magno Nouogrodo, partisque ingentibus opibus; Vlodimiriensē, Tuerentē, Mosaiscensē, Sudailisaisē, Pscouiensem, Rosanensem, & magnam partem Seueriensis Ducatus, partim dolo, partim vi, nonnulla etiam falso successionis nomine occupauit, & patrimonium quondam Regni Poloniæ, Magnique Ducatus Lithuaniae, maiorum sanguine partum, ad se transtulit. Idem Alexandro Regi, cui filiam matrimonio iunxerat, immemor affinitatis Anno Millesimo quingentesimo Drohobusum, Toropetum, Biallam, Branscum genero abstulit: Seueriensēque Duces leui de causâ Regi offensos, & iam antea suis ditionibus à Moscho exutos, in suam fidem (sed cui mox illi sanguine litant) pertraxit. Eius filius Basilus Anno Millesimo quingentesimo decimo tertio Smolenscum arcem longâ obsidione fatigatam, Glinscio transfugâ & proditore Russis qui in præsidio arcis erant prodicionem suadente deditibus fraude intercept: & procul dubio promouisset ulterius vim potentiamque suam, nisi Sigismundus Primus, felicissimo ad Orsam prælio, octuaginta Moschorum millibus partim cæcis, partim profligatis incensum regnâdi libidine animum ambitiosi hominis compressisset, atque ad petendam deinceps pacem coëgisset. Hæc est illa hæreditarij & internecini belli, quod inter Moschos & Polonos hoc tracto seculo vario euentu gestum est, causâ. Nec nunc de intercepta ab ijs auulsaque à Regno Liuania querimus: nam hanc ac præterea aliquot arces à Lithuania abstractas recentibus Stephani Regis Poloniæ victorijs fractus, Ioannes Basilij biennialibus vix impetratis inducijs restituere coactus est. Filius istius Ioannes Theodorus, mitis ingenij Princeps & religioni ad superstitionem usque addictus, fraude Hoduni vnâ cum fratre Demetrio adhuc impubere, extinctus est. Hodunus rerum potitus viginti annorum cum Rege Sigismundo III. inducias iecit, sed fraude partum imperium diu retinere non potuit: nam sceleris sibi conscius ad falsam rediuiui Demetrii famam concidit, moxque veneno sublatus periiit. Pseudo-Demetrius procul dubio ignotæ stirpis homo, & vt postea compertum est, monasticæ vitæ quam primò professus erat desertor, non tam Polonorum ope, (quamuis hac quoque priuatorum studiis comparatâ eum subnixum fuisse negari non potest) quàm Moschorum fauore Principatum adeptus, de nouis cum Regno Poloniæ fœderibus sancendis consilia inire cœpit. Missæ eius rei causâ publico Principis Procerumque nomine Moschouæ solennes legationes, petita dataque à Regiâ Maiestate facultas, accipiendæ nouo isti Demetrio in uxorem Mariæ Georgij Mnîzek Palatini Sendomiriensis filiæ: constituta pacta matrimonialia, inuitata Regia Maiestas, ac nobilissimi è gente Polonâ ad cohonestandas nuptias. Cuius rei causâ cum & legati Regij, & multi nobiles Poloni, illustri loco nati, freti nouæ amicitæ, gentiumque iure, eo profecti fuissent, inter ipsa hospitalis mensæ sacra, concita

Ioannes Moschouæ Dux magnam Russiæ partem occupauit.

Idem Alexandro Polonia Regi genero suo aliquot arces abstulit, & Seueriens Duces ad se pertraxit.

Basilus Moschouæ Dux arcem Smolenscensem prodicione intercept 1513.

Aliquot arces in Liuania & Lithuania abstractas Stephanus Primus Polonia Rex à Mo. ihs recuperauit.

Ioannes Theodorus Moschouæ Dux exstinctus fraude Hoduni, qui veneno sublatus.

Demetrius impostor Moschouæ Ducatum adeptus.

Idem in uxorem accipit filiam Georgij Mnîzek Palatini Sendomiriensis filiam.

Demetrius cecus est.

*Moschorum
in legatos ca-
terosq, Polo-
nos crudeli-
tat.*

tâ à Suiscio seditione, cæso inprimis Pseudo-Demetrio, legati Regij violati, & sub custodiam dati, alij crudelissimè cæsi, omnes bonis exuti in carceres coniecti sunt. Poterant Moschi, si Demetrius iste nouus ijs inuisus fuit, priusquàm eò Poloni venissent excutere impostoris iugum, & se in libertatem vindicare; sed occasionem exsaturandi in genus Polonum odij præstolantes, amicitiae specie deceptos & irretitos oppresserunt; vt quâ fide cum vicinis agere solcant testatam facerent. Licuit tam insigni acceptâ iniuriâ Regiæ Maiestati bello prosequi fœdifragos, contumeliamque vlcisci: nec enim quisquam fœdere cum Hoduno icto, quod cum personâ illius extinctum erat, eum teneri dicere potuit. Sed cum non temerè sibi eò descendendum existimaret, iureque potius quàm vi experiri mallet: legatos novos, qui & ius gentium violatum quererentur, & res clarè repeterent eò misit; qui & ipsi à Suiscio sub custodiâ habiti, & vltra annum detenti sunt. Captorum cæsorūque in Moschouiticis nuptijs iniuria cognatos affinesque eorum ita affecit, vt de eâ referendâ consilia inire cœperint. Hi insciâ Regiâ Maiestate, & inconsultâ, atque etiam, cum id palàm factum esset, seuerè prohibente, coadunata militari manu, fines hostium transgressi, tantos mox progressus fecerunt, vt cæsis aliquot Moschorum (quid enim virtuti iusto accensæ dolore arduum & difficile esse potest?) exercitibus, sub ipsâ Metropoli Moschouiae constiterint: intra mœnia hostem submouerint, ac penè obfœssum, pedem ex vrbe efferre prohibuerint. Hac necessitate fractus & adactus Suiscius cum legatis Regijs agere cœpit de pace constituendâ: erat iam inuisum nomen Suiscij apud Moschos, passimque Tyrannicum & impotentem eius dominatum Proceres aspernabantur: quippe eâ crudelitæ imperium exercuerat, vt quadraginta & ampliùs hominum millia Senatorij & militaris Ordinis suâ sententiâ diuersis temporibus capitali supplicio addiderit, multa alia inaudita sæuitiæ facinora ediderit, omnia cæde & sanguine compleuerit. Quare multi ijque primarij viri egerunt cum legatis atque alijs Polonis, quos Suiscius serò ductus poenientiâ, & vinculis dimittebat, suaderent Regiæ Maiestati, vt ad capeffendum Moschouiticum imperium, extinctâ veterum Russiæ Ducum stirpe, illi ipsi maternum genus secundùm Iagellonicam domum ex eadem gente ducenti debitum animum adijceret. Hæc cum ad Regiam Maiestatem delata essent, & satis appareret, exacto, quod futurum erat, Suiscio, Principatum illum vel ad Demetrium, quem cæso illi priori impostori quo fucum imperitiæ multitudini facerent subrogauerant, deuolutum iri: vel certè Moschos desperatione adactos sub Turcicum aut Tartaricum imperium, quemadmodùm antea fecerunt, concessuros, aut denique Principem aliquem externum nomini Polono infensum adscituros: persuaderi sibi passâ est Regia Maiestas, vt hac de re ex publico ordinum Regni consensu cogitationem susciperet. Profecta itaque eò est Regia Maiestas cum exercitu, à Moschis ipsis accersita, & rei benè gerendæ præclara

*Suiscius rerū
potitus, Mo-
schus inuisus.*

*Moschi Sigis-
mundum
Tertium ad
Moschouia
Ducatum ca-
peffendum
inuitant.*

*Causa profe-
ctiois Sigis-
mundi Regis
in Moscho-
uiam.*

clarâ occasione inuitata ; primò quidem vt vetustum ius regni tot sæculis non temerè vsurparum, sed legitimè quæsitum firmaret, deinde vt interceptas auulsasque à Regno & Magno Ducatu Lithuanix ditiones recuperaret ; tum vt illatas iniurias violatumque temeritate Suiscij ius gentium vindicaret : postremò quæ prima & potissima ipsius protectionis fuit causa , ageret curaretque ne mutatio illius Septentrionalis Imperij, cui tot Principes, Catholici & Christiani nominis iurati hostes imminabant, aliquod detrimentum Reipublicæ Christianæ adferret. Non latebat Suiscium plerosque è suis pronis in Regiam Maiestatem animis pro-^{Suiscij cum}pendere, suamque Tyrannidem vulgo inuisam esse ; igitur circumsp-^{Carolo Su-}ctanti cuncta consultissimum visum, cum Carolo Sudermano, Regiæ^{dermania} Maiestatis hoste consiliorum societatem inire : ratus hunc & opportu-^{Duce conspi-}ratio.^{ratio.} num fore suis rebus, & omni ope adnifurum, vt Regiæ Maiestatis conatus in irritum reciderent. Nec inanis hæc erat opinio, nam Carolus alienis opibus suum in Regiam Maiestatem odium expleturus, acceptâ grandi à Suiscio (qui tot sæculis à Principibus Moschouix congestam rem in eum vsus effudit) pecuniæ summâ, militē ex Germanis, & Gallis atque Hollandis magno numero primo quoque tempore conscribendum curat : partem istius exercitus in Liuoniam ad stabiliendas res suas eo vsurus mittit, longè maiorem in Moschouiam transportat. Ac in Liuoniâ quidem virtute Caroli Chodkieuicij Lithuanicarum copiarum supremi Præfecti effectum est, vt nihil memorabile exercitus is efficere potueritistic ; imò pluribus amissis, irritò vbique conatu inde excedere, & in Moschouiam signa transferre coactus fuerit. Cæterum Suiscius tantis auctus subsidijs, non modò subditos se in fide & officio continere posse confidebat ; verum etiam omnino sibi persuaserat, id se tantis copijs, quas selecto ex Moschis quadraginta millium exercitu firmauerat consecuturum, vt Regiæ Maiestatis & Polonorum vires breui in angustiam redactas minùs sibi formidabiles efficeret. Iam Regia Maiestas Smolenscum eo tempore obsidione magis, quàm oppugnatione preme-^{Smolenscum}bat ; salutari sanè consilio, ne militem suum, munitissimæ arcis impedi-^{obsessum à}to & difficili accessu in discrimen conijceret ; spesque interim affulgeret^{Rege.} ex successu rerum, hostes depositâ pertinaciâ ad æquas condiciones descensuros ; sed creuerunt obsessis mox animi, postquàm intellexissent Demetrium Suiscij fratrem cum exercitu potenti ad soluendam obsidionem venire. Quadraginta Moschorum, (vt dixi) octo externi militis erant millia, non deerant qui relicto Smolensco contra hostem rotis viribus eundum esse censerent, contrâ magis ex dignitate Regiâ visum continuare obsidionem, parte exercitus ad arcendos hostes missâ. Partitis itaque copijs Stanislaus Zolkienius Palatinus Kijouiensis Regni militiae Magister ire contra hostes iussus, summâ curâ & celeritate effecit, vt prius ad hostem perueniret, quàm is quenquam sibi oppositum iri, & pugnae copiam facturum, suspicari potuisset. Commisso itaque ad Clu-

*Capto Suisco
& exercitu
Moschouitico
futo Moschi
Principem
dari sibi pe-
tunt.*

*Moschi se nul-
lus imperium
nisi Vladislai
Principis
agnituros fi-
dem dant.*

*contra quod
postea tumult-
um excitant.*

finum praelio, quamvis Regius exercitus hostili longè numero impar ef-
set, Ducis tamen prudentia, & virtute militum, fusi fugatique hostes,
exutus externis praesidijs & à Moschis destitutus Suiscius, in potestatem
Regiae Maiestatis vnà cum duobus fratribus redactus, ad Castra Regia
transmissus est. Soluti metu & imperio Suiscij Moschouiae Proceres, con-
tinuò cum Zolkieuio agere coeperunt, de stabili aliquà certaque trans-
actione constituendâ, quâ exclusis impostoribus Regij sanguinis Princi-
pem habere possent, Serenissimumque Poloniae Principem Vladislauum,
quidam fide integrâ, nonnulli fraude, quod mox ex euentu patuit, dari
sibi petebant. Sed cum paulò iniquiores conditiones proponerentur, de-
que illis inter Zolkieuium, & eos conuenire non posset, reiecta ea res ad
arbitrium Sacrae Regiae Maiestatis. Interea quò animum suum erga Re-
giam Maiestatem & Serenissimum Principem Vladislauum, & qua men-
te essent, palàm testarentur; vniuersi populariter fidem dederunt, nul-
lius vnquam se imperium agnoscere velle, nisi Serenissimi Principis
Vladislai; adiectae conditiones, firmata & stabilita pacta; ac ne quis
ambigere posset eos integrâ fide agere, immissum vltro in Urbem, re-
ceptumque Regium praesidium: communibus copijs submotus grauis
Metropoli hostis impostor Demetrius: denique nihil suspectum, sed
omnia pacata & tranquillâ videri poterant, ijs qui fraudis Moschouiti-
cae ignari, rem ex praesenti statu aestimarent: Missi ad Regiam Maiesta-
tem legati, qui conditiones, secundum quas Imperium Vladislao Princi-
pi deferrebat proponerent, darique eum sibi Principem postularent.
Erant eius legationis Principes Galicinus, & Mikiteuicius Metropolita
Rostouiensis, quorum ille Principatum ipse ambiebat, hic quò defun-
ctis Moschouiae Ducibus affinitate connexus esset, ad filium suum supre-
mam potestatem deferri cupiebat: vterque priuatas spes agitantes, clan-
destina fouebant consilia. Quare fines mandatae legationis transgressi,
non modò de conditionibus quò ad eorum voluntatem scriptae, non im-
meritò Regiae Maiestati suspectae erant, quidquam remittere volebant,
sed res quoque ex suo sensu interpretantes omnia turbabant. Moniti de-
nique ab ijs qui in Moschouia summæ rei praeerant, vt voluntati Regiae
Maiestatis se accommodarent, non modò non paruerunt mandatis su-
premi consilij; verum etiam ita se gesserunt, vt non obscure appareret
eos res nouas moliri. Eorum clandestinâ machinatione effectum est, vt
populus rei ignarus, factâ conspiratione seditionem mouerit, atque in
Regium, quod in ipsâ Metropoli volentibus Moschis relictum erat præ-
sidium, impetum fecerit: paucos à multis facile opprimi posse credide-
rant; sed tantâ virtute veteranus multisque bellis exercitatus miles, con-
citata multitudo sustinuit, vt multis millibus caesis reliqui vrbe ex-
acti, vrbs ipsa flammis absumpta fuerit. Quod damnum ingens sanè, &
vel hostibus ipsis luctuosum suae imputent Moschi perfidiae; ab ijs enim
orta seditio, concitatusque in perniciem Polonorum tumultus, non nisi
incendio

incendio & nobilissimæ vrbis excidio cohiberi, & vis extrema arceri potuit. Atque hæc est Moschorum perfidia, quâ in Regiam Maiestatem, & Serenissimum Principem Vladislaum vsi sunt; & quidem non omnes, nam fuerunt multi clari & illustres viri, quibus constanter seruata fidei laudem libenter Regia Maiestas attribuit. Posarscius postremæ notæ homo, & Trubecius specimen desertorum priuati commodi causâ credulo nimis populo imponunt, vt ipsi rebus præsent, atque Rempubli-
 cam sui arbitrij faciant, nihil intentatum faciunt, dummodò impediant, ne Principatus ille, sub legitimi imperij ius potestatemque veniat. Dicant quid velint, comminiscantur rebellionis causas, nullam iustam legitimamque inuenient, quam æquo rerum æstimatori probare possint, atque perfidiæ & periurij crimen à se amoliantur. Regia Maiestas, ius Regni, & magni Ducatus Lithuaniae, quin vrgeat, intermittere non potest, recuperatas arces & ditiones quæ suis præsidijs tenentur, cum ea retroactis seculis iuris Reipublicæ Polonæ fuerint sibi eripi non sinet, eos qui fidem suæ Maiestati dederunt, & partes Serenissimi Principis Vladislai secuti sunt, deferere, alienum à suâ dignitate existimat. Interim ij qui istius negotij moderandi componendique sibi partes deposcunt, diligenter dispicerent, expenderentque quid potissimum ex vniuersæ Reipublicæ Christianæ vtilitate fieri oporteat. Cui rei cum omnes conatus suos laboresque susceptos Regia Maiestas deuouerit, si quæ rationes ad hoc accommodatæ proponuntur, eas se, vbi illis publicæ saluti, tranquillitati ac suæ dignitati, & Reipublicæ Polonæ iuribus satis prospectum consultumque viderit, libenter complexuram profiretur.

De rebus Silesiacis Discursus.

IVRE merito Serenissimus Princeps Dominus Sigismundus Poloniae & Sueciæ Rex commoueri debuit, cum intellexisset status & Ordines Silesiæ, nouâ quadam confœderatione vrgeri & cogere ordinem Ecclesiasticum, ad præstandum secundum formulam ab ijs conceptam iuramentum; neque enim vel ipsi Silesij diffiteri possunt, liberalitate Regum Poloniae, ortum habuisse primas in Silesiâ Ecclesiarum fundationes, illis quoque earum patrociniū deberi: & tot transactis seculis, Serenissimos Reges Poloniae difficillimis quibusque temporibus, vt patronos non potuisse intermittere, quin periclitanti in eâ Prouinciâ rei Ecclesiasticæ opem ferrent; maximè cum intelligerent, nihil istic nouari potuisse, quin id mox ad perturbandum statum Regni sui deriuaretur. Hinc gratesante Hussitarū rabie, ne pestis ea Silesiam inficeret, ne quod in alijs Bohemiarum Regni Prouincijs factum est, in Catholicos & viros Ecclesiasticos si arcus.

*Iurisdictio
Episcoporum
Poloniae per
Silesiam;*

*Episcopi
Vratislaviensis
in Polonia.*

*Abbas Pa-
radisiensis
possessiones in
Silesia.
Ecclesia Or-
louiensis in
Silesia Abba-
tis Tinecensis
subest.*

*Præpositus
Ninensis &
Bitomien-
sis subiectus Præ-
posito Mie-
chouien-
si.*

*Silesia olim
pars Poloniae.*

cos faueret, obstitit auctoritas Vladislai Iagellonis Regis Poloniae: & merito quidem, si enim id fieri fuisset, simul iurisdictiones Archiepiscopi & Episcoporum Poloniae, quæ per eam prouinciam latè extenduntur, violari permisisset. Habet Episcopus Cracouiensis in Silesiae partibus per Ducatum Teschinensem, & Dominium Ptinense, vicinamque Seuerienti Ducatui oram, amplam iurisdictionem. Eodem nomine Episcopus Polnaniensis magnam Silesiae partem Polnaniensi Palatinatui confinem complectitur. Vicissim Episcopus Vratislaviensis (qui Archiepiscopum Gnesnensem vti Suffraganeus Metropolitanum agnoscit) per ditiones Regni Poloniae Territorij Vielunensis, Ostresouien- & aliquâ ex parte Palatinatus Calissiensis iurisdictionem itidè exercet. Abbas Paradisiensis bona præcipua foundationis suæ in Silesiâ possidet. Abbas Tinecensis Ecclesiam Orlouensem in Ducatu Teschinen- Abbatis itidem titulo insignem, in immediatè Monasterio Tinecensi subiectam habet. Præpositus Miechouien- Ordinis s Canonico- Regularium Diui Augustini, Serpulchri Hierosolymitani Custodum Generalis Præfectus, & Patriarchæ Hierosolymitani Vicarius, eiusdem Ordinis Præpositos immediatè sibi subiectos Ninensem videlicet & Bitomensem ordinat, instituit, & summâ cum potestate illis præest. Hæc communis iurisdictionis vicissitudo, hic coniunctarum prouinciarum nexus præter communia vicin- nitatis iura suo iure postulat, ne quid Silesij decernant, quod statum Regni Poloniae perturbet; quod Ecclesiasticam iurisdictionem afficiat, ne Serenissimus Rex Poloniae ferri leges Ecclesijs suo patrocínio subiectis, bona earum diripi, personas ad iniqua iuramenta cogi patiatur. Meminisse autem Silesij deberent, vnde exciderint, cuius olim corporis membra fuerint, quid Poloniae, quid Regibus ipsis ob sanguinis communionem, ob vicinitatis iura, ob mutuorum commerciorum vsum debeant: quæ si rectè expenderent, animaduertent profectò, maiorem sibi habendam fuisse rationem paternæ cohortationis, quàm Serenissimus Rex Poloniae eos à turbulentis consilijs abducere conatus est. Eadem plus quoque ponderis habuisset apud ipsosmet status & Ordines Regni Bohemiae, si iidem vetustæ amicitiae iura potius tueri, quàm nouis consilijs vicinorum Principum, animos irritare maluissent. Aiunt illi quidem non coactos sed persuasione inductos esse, Prælatos, Abbates & reliquos omnes Capituli Vratislaviensis templi Cathedralis Canonicos, ad firmandum cum ijs, qui aliter de religione sentiunt fœdus: hoc quàm verum sit testatur decretum sub nomine Principum, Ordinum ac statuum Augustanæ confessionis, in vtraque Silesiâ vltimo die Mensis Septembris Anno Millesimo sexcentesimo decimo nono publicatum, in quo inter alia hæc continentur. Simili modo ad eandem diem vigesimam primam Octobris (sic tamen vt pridiano vespere urbem ingrediantur) peremptoriè & sub pœnâ confiscationis omnium

omnium bonorum, beneficiorum, reddituum, & facultatum citabuntur omnes Catholici status tam spiritualis, quàm secularis, excepto tamen vnico statu Ducatus Teschinenſis, vtpote cuius administratoribus huius negotij per peculiarem conuentum curandi facultas commissa est. Præterea etiam omnes commendatores & status minores, omnes Canonici Capituli sancti Ioannis & sanctæ Crucis, alijsque Prælati, Abbates & Catholici religiosi Ciuitatis Vratislauiensis, qui ad eum vsque terminum dilationem sui iuramenti impetrarant; hi omnes ad dictam & constitutam diem confœderationi iam sæpius monitæ sua nomina dare, eamque solenni iuramento confirmare tenebuntur. Hæc est vestra inclyti Ordines suasio, imperare, cogere, vim, exilium, bonorum ademptionem minari: & horum metu, liberos homines ad sancendum Catholicæ veritati contrarium fœdus, ad iuramentum vestræ voluntati consentaneum præstandum adigere. Crediderim ego nullum, cui aliquid Catholici vigoris inesset, sponte tam indigno Christiano nomine periurio, se conscientiamque suam contaminaturum fuisse, omnesque, qui in vestras iurarunt leges, simul ac liceret fassuros, se inuitos metu propositæ pœnæ iurasse. Sponte videlicet iurarunt, quibus atrox pœna propolita fuit, & qui iam prius vestris Decretis Magistratu moti, officijs & dignitatibus exuti fuerunt: quos, quantum in vobis fuit, nullum ob crimen, nisi quòd Catholici essent, indignos qui aliquo loco censerentur, quibus rectè quid committi & credi posset, quique aurâ Patriæ fruerentur iudicastis. Vestra Decreta sunt, in Ducatibus hæreditarijs non nisi Euangelici Capitanei tolerantur: item quacunque in vrbe hætenus Senatus saltem ex Catholicis constitit, deinceps tot Senatores Euangelici illi adiungantur; sic tamen vt Consules semper Euangelicæ confessioni addicti, & ad gubernacula rerum necessarijs dotibus instructi sint. At verò in locis & Ciuitatibus quæ frequentiam Euangelicorum gaudent, de expressâ sententiâ confœderationis, subſellia, Senatus, aliaque Urbana officia tantum Euangelicis cedere & permitti debent. Et ne verbis id magis quàm re agere videremini, eodem Decreto maioris Glogouizæ Senatu Catholico exauctorato, in locum eius Euangelicos subrogari mandatis. Taceo in multis locis, acerbè & contumeliosè tractatos sacerdotes, bonisque omnibus exutos: in exilium actos monachos Branouienſes, per tormenta de thesauris Ecclesiæ interrogatos: & cum cupiditati quæſitorum supellex Ecclesiæ non responderet, grauissimè in eos sæuitum: pulsos reliquos, sacrû Monasterij patrimonium in priuatos vsus redactum. Hæc est merces vestræ societatis, hæc fides ieti fœderis, hæc constantia recens initæ cum Catholicis amicitie: eò nempe vestra spectarunt consilia, vt odio in Ecclesiam Catholicam concepto, nomen ipsum Catholicum aboleretis: idem mox in Lutheranos decreturi, quos nunc blando & communi vobiscum Euangelicorum nomine mulcetis. Et vt eò reuertar, vnde

orlus sum, nec potuit nec debuit Serenissimus Rex Poloniæ intermittere, quin Status & Ordines Ducatum Silesiæ, acerbissima quæque in Ecclesiasticos & Catholicos decernentes, Regum Poloniæ vetustas foundationes abolentes admoneret, ne quid hac in re nouarent. Episcopus Vratislaviensis tota Diœcesis, quæ Metropolitana iure Ecclesiæ Gnesnensi subest, filia matris opem, Episcopus Suffraganeus Archiepiscopi Gnesnensis & Primatis sui auctoritatem implorat. Illustrissimus Dominus Archiepiscopus Gnesnensis pro munere suo ad Regium confugit patrociniū, petitque ne optimus Princeps iura Prouinciæ suæ Metropolitana conuelli, ne Prouinciā ipsam, vni semper Primati à tot seculis subiectam discerpi & dilacerari, ne iurisdictionem spiritualem patiatur confundi. Defuisset profectò Serenissimus Rex muneri suo, si tacitus hæc spectaret, si eiusmodi rebus nouis se permoueri non testaretur. Accipiant id in quamcunque velint partem Silesiæ, ac ipsimet Status & Ordines Regni Bohemiæ, vniuerso sanè constabit orbi, constabit & posteritati Serenissimum Regem Poloniæ iura Ecclesiarum, quibus patrociniū debet, salua esse voluisse; ad quæ tuenda & conseruanda, communicato cum ordinibus Regni sui consilio, nec animus, nec facultas illi deerit.

Responsio ad septuaginta rationes, quibus ficti nominis Eques, dum Serenissimo Regi & Poloniæ, ne se motibus Hungaricis & Bohemicis immisceant persuadere conatur, falsis rationibus iura Regni interuertere nititur.

AVDACIAMNE tuam magis an incitiam mirer, quisquis es? qui veluti quidam nouus consiliarius Serenissimo Regi Nostro, cur nos motibus Bohemicis immiscere non oporteat, septuaginta rationes, longè quidem à rectâ ratione, cui fœdera regnorum, vicinorum Principum coniunctiones, salus denique publica innititur, alienas obtrudere ausus es. Pudet te nominis tui, in tenebris videlicet natum, nec in publicum prodire ausum. Caluinum certè oles, licet Polonum & Equestri loco natum, te esse profitearis. Ego verò te, si Silesius es, fœdifragum & rebellem; si Polonus, iurium Patriæ proditorem dixerim: nec molestè ferre debes, si te his nominibus cohonestauero, cùm verum nomen tuum latere volueris. Sed vnde iste animus tibi? cùm tot Regium latus cingant Senatores vsu rerum periti, auctoritate graues, ætate venerabiles, in consilijs capiendis, & explicandis sagaces, Patriæ optimè cupientes, fide integrâ salutem Reipublicæ curantes, tu tenebrio omnium rerum imperitus, inter tot lumina facem seditionis accendere, Regiam Maiestatem procacibus dictis incestare, amplissimum Ordinem inuidiâ grauare, denique omnis dissensionis semina spargere audeas? Tu Deo, tu Regi,
tu

tu Patriæ fidelis ? fidei Catholicæ hostis , Regis osor , Patriæ , quam tuis consilijs perditum is , proditor , tu pacis avidus , cui id vnum in votis , vt ciues optimè inter se consentientes mutuis odijs accendas ? Præfari principio te conscientia stimulis , Religionis Catholicæ zelo , eâ , quâ Serenissimo Regi te obstrinxisti fide , studio denique erga domum Regiam , & amore Patriæ adductum , ad dissuadendum , ne Hungari & Bohemi bello à nobis laceffantur , processisse ; laudarem animum tuum & institutum , si sincera ageres fide : sed cum blando velamine tectus simiam agas , præclarus videlicet libertatum , & iurium Reipublicæ custos (oppugnatorem rectius dixerim) detrahenda tibi larua ista est , ac tua detegenda mendacia. Graues istas & arduas rationes tuas , ex penetrali , vt tu existimas doctrinæ civilis , & moderandæ Reipublicæ petiras omnes facili negotio tibi concedam.

Bellum non esse mouendum libens volensque audio , addo etiam delirare (vt tu principio asseris) eum , qui alieni (quemadmodum tu facis) negotij patrocinium suscipit ; neque ea refellam , quæ de bellorum temerè susceptorum inoommodis à te adferuntur. Quis enim ignorat , motis semel armis , quantæ calamitates mox Regnis & imperijs immineant : euerfiones vrbiũ , populationes prouinciarum , status Reipublicæ mutationes , hæc & alia bella secum adferunt. Neminem ego esse arbitror , qui Serenissimo Regi nostro suasor sit , belli contra Boëmos suscipiendi ; sciunt omnes quibus pactis & fœderibus , pridem iam regna ista mutuo obstricta sint : ijs denique legibus Regia apud nos potestas circumscripta est , vt non sit integrum supremo Principi arbitrio suo , & inconsultis ordinibus omnibus bella suscipere : sed enim nec pactis , nec iure gentium nos prohiberi , quin vicinorum & amicorum Principum stipendio inuitati , militiam priuato nomine profiteamur , tu solus id ignorare videris ; non est nostrum iudicare , quis , quo iure nitatur , quis iustius induat arma , Boëmine , qui datam fidem Regi fregerunt , an Cæsar ? qui ius suum maiorumque suorum vindicat , dum ea lis sub iudice est , licuit licebitque iure pactorum quæ inter laudatissimæ memoriæ Poloniæ & Boëmiæ Reges icta sunt , militare Polonis sub signis Regis Bohemiæ , contra omnes illius hostes. Hæc pauca de bello.

Silesiam à Regno Polonia ita auulsam esse , vt nullus eius prouinciæ recuperandæ iurisque asserendi locus nobis relictus sit , Episcopatumque Vratislauiensem beneficio & liberalitate Regum Poloniae fundatum dotatumque negare , impudenter mentientis audacia est. Quis vnquam præter te , homo sine fronte dixit vel scripsit , primum Episcopum Smogorouensem à Miecislao Rege Poloniae vt Doctorem tantum , non vt Episcopum , Regni Senatorem , cuius in Senatu primæ secundum Episcopum Cracouensem , qui tunc Archiepiscopali dignitate fulgebat , partes essent , institutum fuisse ? Excute omnia vetustatis monumenta , maiorum traditiones , priuilegia Episcopatus Vratislauiensis , vniuersæ Silesiæ iura ,

Poloni priuatum sub signis vicinorum Principum militare possunt.

Silesia olim pars fuit Regni Poloniae. & Episcopatus Vratislauiensis à Regibus Poloniae fundatus.

iura, instituta, Principum denique si qui adhuc vetusti ortus supersunt, ut quidem superesse nonnullos non inficior, origines, hos omnes sanguine beneficio Regum & Principum Poloniae in lucem prodisse, nisi caecus es, perspicias; & Episcopatum Vratislaviensem beneficio Regum Poloniae creuisse, illustratumque & principali dignitate donatum, vel inuitus fateberis. Quidquid nunc Silesiae Ducatus nomine continetur, olim in ditione Regni & Regum Poloniae fuisse, clarius est, quam ut pro-

*Filij Boleslai
Criuousty
discordes, quo-
rum maiori
natu Vladis-
lao Silesia à
fratribus as-
signata.*

batione egeat. Sed cum Anno 1140. secundum Boleslai Criuousti mortem, filij ipsius partito Principatu ob ambitionem & impotentem dominatum Vladislai natu maioris, dissiderent, ac postremo pullo Vladislao, cum is ditionem paternam armis frustra repeteret, eò communium amicorum interuentu res deducta est, ut fratres Principes exulem & opis alienae egentem in gratiam reciperent, portionemque hereditatis paternae, non eam quae iure naturae, iuxta praerogatiuam aetatis, illi debebatur, sed quae victoribus accommodatior visa est, Silesiam videlicet vniuersam, quae Maioris Poloniae pars fuit, assignarent; cuius quidem possessionem filij demum ipsius eo vita functo, adierunt. Tres hos fuisse memoriae proditum est, Boleslaum, Miecislauum & Conradum, vulgò

*Quae postea
inter filios
eiusdem Vla-
dislai tres
partem diuisa.*

Lasconogum dictum (agnosce, si Polonus es, Polonica nomina & cognomina) ij ex consilio patris Boleslai Crispi supremi Regni Poloniae Monarchae, Silesiam inter se eadem lege partiti sunt, ut imperium supremum in Polonia Monarchae, (qui Regiae dignitate, ob eandem Diui Stanislai Episcopi Cracouiensis per Boleslaum Regem cognomine Audacem perpetrata, abrogata, omnibus Prouincijs ad Regnum pertinentibus, summam & Regiam potestate praerat,) agnoscerent, & inter fiduciarios Regni Principes censerentur. Et Boleslao quidem Vratislaviensis tractus, Miecislao Ratiboriensis & Opoliensis; Conrado verò Glogouiensis & Crosnensis obtigit, tota verò eorum ditio ad Bohemorum, Morauorum, Misnensium, & Saxonum fines extendebatur, à reliqua Polonia interiectis siluis diuisa. Et haec quidem gesta sunt, cum iam ante centum annos Casimirus eius nominis primus Rex Poloniae, sedem Epi-

*Casimirus
primus Rex
Poloniae sedem
Episcopalem
Byczyna
Vratislaviam
transtulit.*

scopi, quae primum Smogorouiae, deinde Biciniae fuit, Vratislaviam transfulisset: cuius tu dotationem Henrico Duci Silesiae adscribis, ei ut dies & annus in diplomate à te prolato adscriptus, indicat, qui Henrici Barbati & Heduigis, quam Christiani Catholici inter Diuos relatam pia veneratione colunt, filius & paternarum ditionum haeres cum esset, Tartaris, qui tum vniuersam Poloniam caede & ferro vastabant, exercitum ex toto Regno Poloniae collectum, ad Legnieiam anno Christi 1242. obiecit, ab ijsque in acie fortiter, ut sanguine Regum Poloniae ortum

*Henricus
S. Heduigis
cum Tartaris
depu-
gnans peregit
gloriosè.*

Boleslai Criuousti abnepotem decuit, caesus pugnans occubuit. Sed ego non temerè suspicor te cum antiquitatis testimonio niti velles, cumque expilato Archiuo Ecclesiae Vratislaviensis hoc diploma surripuisses, Henrici IV. Henrici III. filij, nomine magis quam re dicti Probi, huius qui

ad

ad Legnitiam occubuit, Principis pijsissimi nepotis, qui circa annum Christi 1283. Thomam Episcopum Vratisslauiensem bonis spoliavit, ætate esse abutum, diplomatiq; falsum adscripsisse annum. Multa sunt quæ tuam arguunt fide: primum est quod is, cuius profers privilegium, Ducis Cracoviæ & Sendomiriæ titulum usurpat; at Henricus qui circa annu 1240. vixit, nihil unquam iuris sibi in istis provincijs usurpassè legitur; eius demum filius Boleslaus Calvus, qui itidem Thomam primum Episcopum Vratisslauiensem captum bonis omnibus exuerat, à Proceribus Cracoviensibus sub absentiam Boleslai Pudici accitus, alienum imperium inuaserat, eoq; mox eiectus, titulum tamen amissorum Ducatum retinebat. Similiter & Henricus IV. anno Christi 1289. proditione civium Cracoviensium, cum eiecto Vladislao Loetico Cracoviam occupasset, licet mox ab eodem pulsus, inani tamen alienarum ditionum titulo nomen suum illustrari voluit. Hunc eundem esse auctorem à te prolatis diplomatis verba ipsa in eo contenta testantur. Meditantes, inquit, & sollicità reuoluentes indagine, qualiter per nos, & nostros progenitores Ecclesia Beati Ioannis in Vratisslauià, nec non bona, possessiones ipsius Ecclesiæ atque Monasteriorum, aliorumq; piorum locorum possessiones & prædia, quæ eidem Episcopatu sunt subiecta multiformibus ac diversis iniurijs, pressuris, & gravaminibus infinitis in nostræ salutis dispendium hætenus fuerunt desolata, quorum etiam damnorum æstimationem, propter infinitatem ipsorum ad certam non possumus reducere quantitatem, in satisfactionem damnorum ipsorum, & restorationem violentiarum illatarum, tam personis, quàm prædijs supradictis, pro salute animæ nostræ ac progenitorum nostrorum, in remissionem peccatorum, quæ quacunque temeritate commisimus, & quæ sequuntur. Hanc tu liberalissimam Henrici (qui quorū in ordine fuerit, idcirco non exprimis, ut, quemadmodum dixi, falso adscripto anno, vetustatem huic privilegio arroges) Ducis Silesiæ Episcopatus Vratisslauiensis dotationem appellare audes, cum idem ipse ingenuè profiteatur Ecclesiam eandem suā suorumq; progenitorum iniuriā infinitis affectam fuisse damnis, & nunc non dotari (nec enim vel unico auctam esse prædio contextus privilegij ostendit) sed quasi in integrum restitui & ijs libertatibus, quæ Deo consecratis personis, bonisq; Ecclesiæ vlibus adscriptis, omni iure debentur donari: nisi restitutionem Bandouicensis districtus dotationem interpretari volueris. Quibus autem iniurijs Ecclesia Vratisslauiensis à progenitoribus Henrici IV. & ab ipso affecta fuerit, & nos suprà attigimus, & qui hæc plenius explorata habere voluerit, euoluat annales temporum illorum. At verò Henricus secundus, à quo, ut ratio anni à te (nec enim dubito, quin dolum machinatus fueris, & falsum anni numerum supposueris) in privilegio falso illi adscripto convincit, hoc idem privilegium datum esse deberet, non erat cur quidquam iniuriæ Ecclesiæ Vratisslauiensi à se vel à progenitoribus illatæ agnosceret Pius iste & nomine

*Henricus Dux
Silesiæ illatā
Ecclesiæ Vra-
tisslauiensi
damna com-
pensat.*

Iaroslau
Episcopus
Vratislauen-
sis Silesia Dux
Henrici Se-
cundi patris
patrimo-
nium suum
Ciuitatem
Nyssam cum
suo territorio
Ecclesia Vra-
tislauiensi
donauit.
Regum &
Regnorum
iura priuatis
transactio-
bus nequeunt
transferr.

Anno 1180.
Silesia Du-
ces comites
Lenciciæ cele-
bratis inter-
fuerunt:

ibi acta Syno-
do Episcopus
Vratislauiensis
interfuit.

Item Anno
1222. Maso-
uia Dux
contra Prus-
sas bellum ge-
renti ad-
fuere, & fun-
dationem E-
piscopatus
Culmensis tra-
tam habuere,
Episcopus,
Palatinus, &
Castellanus
Vratislauiensis.

mine & re Princeps optimi Patris Henrici Barbati filius, nihil vnquam tale non modò facto, sed ne animo quidem designauit. Patruì verò ip-
sius Iaroslai Episcopi Vratislauiensis beneficio, eadem Ecclesia insigni-
ter aucta est; nam cum is Boleslai cognomento Proceri, filius, ac Boles-
lai Criuoustij Monarchæ Poloniæ pronepos esset, & ex paternâ in Silesiâ
ditione Nissensis ciuitas cum territorio iure hæreditario illi obtigisset,
totum illud patrimonium Ecclesiæ Vratislauiensi iure perpetuo donauit
& adscripsit. Sed hæc ad conuincendum te, fidemque scripto tuo de-
mendam sufficient. De iure, quo Silesia in potestatem Regum Boemiæ
venerit, addam nonnulla; illud initio præfatus, Regum & Regnorum
iura priuatis transactionibus transferri nō posse, cum patrimonium Rei-
publicæ alio iure quàm priuatae possessiones, censeatur, nec vllam aliam
diuisionem admittat, nisi eam quâ integrum nihilominus permaneat,
spondentibus partialibus Vassallis, se in potestate Supremi Regis vel
Principis permanfuros. Hac lege Silesiæ Duces Poloniæ Principibus ob-
strictos fuisse, & ducentis propè annis, ex quo sortitione filijs Vladislai,
Boleslai Criuoustij filij, Silesia cesserat, inter Principes & Vassallos Re-
gni Poloniæ conscriptos mansisse, omnia vetustatis monumenta testan-
tur. Itaque vt eiusdem sanguinis Principes, quotiescunque de salute
communis Patriæ consilium capiendum erat, simul conueniebant, &
Comitia obibant: vt cum anno Domini 1180. Casimirus Boleslai Cri-
uoustij filius Monarcha Poloniæ ea Lenciciæ indixisset, aderant fiducia-
rij Principes, ac inter alios Boleslaus Procerus Vratislauiensis Dux, Hen-
rici Barbati pater: ibi quoque actæ Synodo Ziroslaus Vratislauiensis E-
piscopus interfuit, tertium ab Archiepiscopo Gnesnensi locum tenens.
Anno item 1222. Principes Poloniæ Lesco Albus, Henricus Barbatus
Vratislauiensis, Conradus Masouiæ, alijque cognati & fiduciarij Regni
Duces, cum Prussi eo tempore nondum sacris Christianis initiati Cul-
mensem & Lubauensem tractum à Regno per vim abstraxissent, bello
illis indicto, ditiones ab hostibus occupatas armis recuperarunt: ac par-
tâ tantâ victoriâ, ne erga Deum, quem in bello feliciter conficiendo
propitium experti sunt, ingrati viderentur, Conradus Masouiæ Dux, ad
quem interceptæ & recuperatæ ditiones pertinebant, Culmensem Epi-
scopatum, attributis illi compluribus eius oræ territorijs, liberaliter dota-
uit, assentientibus & priuilegium signantibus Lesco Albo & Henrico
Barbato. Hoc idem priuilegium inter alios Episcopos Poloniæ in Syno-
do Louiciensi, eius rei causâ à Vincentio Archiepiscopo Gnesnensi in-
dictâ, sigilli appensione comprobauit Episcopus Vratislauiensis; ac in-
ter eos qui præsentibus aderant Senatores recensentur, Derfco Palatinus,
& Sobellaus Castellanus Vratislauienses: communi videlicet consilio
bellum susceptum, communibus viribus gerebatur; neque eo tempore
Silesij alio quàm Poloni nomine censebantur, fraternâ vt inter Principes,
sic inter subditos constante amicitia & societate. Paulò posteriori quo-
que

que tempore, nimirum anno 1226. cum Suentopelcus cliens olim & subditus Regni, Pomeraniam, cui beneficio Lesci Albi præerat, alio quam fiduciario iure sibi usurparet, imperiumque derectaret, Lescus communicato cum Henrico Barbato Vratislaviensi Duce consilio, Comitum Gansane actis interfectus. *Comitibus Gansane actis interfectus* Henricus Barbatus, ibique vulneribus affectus, & Lescus Albus accusatus. *Henricus Barbatus Vratislaviensis Dux, Boleslai Pudici tutor.*

adesset iudicio, & causam dicere iussus erat, ex improviso incautos Principes circumvenerat. Cæsus Lescus Albus, Henricus verò Vratislaviensis vulneribus affectus, & mortuus existimatus, fidissimi aulici sui corporis obiectu, extremam perniciem vitavit. Neque tamē ea res Henricum Vratislaviensem deterruit, quin secundum infelicem Lesci Albi exitum, delatam ad se, Procerum Regni & Grimisslauæ matris voluntate, filij ipsius Boleslai, (cui postea perpetuò servata castitas Pudici nomen peperit) tutelam, contra Conradum Mazoviæ Ducem, idem ius ambientem, susciperet: quam & gessit optimè, & fortiter pupillum tutatus est, legibusque optimis sancitis, cum iam Boleslaus adoleuisset, munere tutorio se abdicavit, liberam administrationem hæreditariarum ditionum illi relinquens. Mox idem, inclinantibus ad eum odio Vladislai Sputatoris Proceribus maioris Poloniæ, earum ditionum magnâ ex parte possessionem adiit, & anno Christi 1238. cum è maiori Poloniâ in Silesiam proficisceretur, in itinere Crosnæ è vitâ discessit. Neque tamen morte illius societas illa discerpta est, adeò ut aliquot post annis Tartaris, gente immanissimâ, immensis agminibus Poloniam, Silesiam, vicinasque Prouincias vastantibus, ac Boleslao Pudico Monarchâ Poloniæ intra munitiones se tenente, vniuersa propè Polonia sub signa Henrici Pij concesserit: qui factâ ad Legnitiam Barbaris copiâ pugnæ, fortiter quidem, sed non satis felici successu depugnauit, vniuerso propè exercitu ad internecionem cæso, ipse quoque gloriosè in acie vitam profudit. Et hætenus quidem fida inter Silesios Polonosque Duces mansit societas. Quamuis enim Boleslaus Caluus, Henrici, qui ad Legnitiam occubuit filius, ad Cracouiensem Principatum, absente Boleslao Pudico, euocatus esset, possessionemque eius adiisset; tamen mox pulsus, eâ quoque maioris Poloniæ parte, quam auus ipsius Henricus Barbatus quæsierat, excidit. Dissidio deinde Ducum Silesiæ, potissimum turbante res Henrico Duce, Bohemiæ Regibus via patefacta est, dolis & malis artibus interuertendæ & occupandæ Silesiæ. Quod eò facilius factum fuit, cum in diuersas factiones diuiso Regno Poloniæ, primum quidem Principes inter se capitalibus odijs dissiderent, deinde infelicitè per Præmislaum Maioris Poloniæ Ducem, Regiâ dignitate resumptâ, & mox eo cæso, ad Venceslaum Regem Bohemiæ, factione paucorum, ficto iuris titulo translata, nemo esset qui summam rei capefferet. Quamuis enim Vladislaus,

*Vladislaus
Locticus verum
in Poloniâ
potitus.*

*Ottocarus
Rex Bohemia
Oppauam in
Silesiâ vi oc-
cupauit.*

*Silesij Duces
ad familiam
Lucemburgi-
cam tunc in
Bohemiâ re-
gnantem de-
clinant, inter
quos Bohemus
discordias
excitabat.*

*Venceslaus
Rex Bohemia
quâ ratione
Vratislaviâ
potitus.*

dislaus, cui exigua statura corporis Loctici, siue Cubitalis, nomen de-
dit, Siradiensis Dux, vir animi excelsi, maiora viribus suis ausus, secun-
dum mortem Lesci Nigri fratris sui, eiusdemque Regni Monarchæ,
Regni habenas capeffere conaretur, & bis rerum potitus, bis imperio,
semel priuatâ factione, iterum Boëmorum armis deiectus, tertio demum
confirmatis viribus, omnia in suam redeffisset potestatem; non eæ tamen
eius vires erant, vt distractum scissumque in diuersas partes Regnum
vnire Ducelque cognati sanguinis dicto parentes reddere posset: imò
ijdem crescentem Vladislai fortunam peroli, exarsere animis, & paucis
exceptis, ferè omnes alienâ ab eo erant voluntate. Iam antea Boleslao
Pudico regnante, Ottocarus Rex Bohemiæ Oppauam interceperat,
mox Henricus Probus Vratislaviensis Dux, dum omnia miscet, & alio-
rum inhiat ditionibus, Venceslai Regis Bohemiæ adscitâ societate, Ca-
simirum Opoliensium Ducem metu suæ potentiæ, vt se ditionemque
suam Boëmo subderet, adegit anno Christi 1289. Et de interceptâ quidẽ
Oppauâ expostulauit Boleslaus Pudicus cum Rege Boëmiæ, mutuo ob
eam rem Oppauæ Anno 1223. factò conuentu: sed in viginti annos fa-
ctis inducijs, disceptatio quoque de iure eius ditionis dilata & suspensa
est. Sed, vt paulò antè commemorauimus, Vladislao Loctico rerum in
Poloniâ potiente, cum non æquis oculis felicitatem ipsius Silesij Duces,
cognati ipsius aspicerent; &, quod mirandum, Mazouij Principes pa-
truales ipsius prosperis illius aulis nimum inuiderent; ad Ioannem Boë-
miæ Regem è Lucemburgicâ familiâ, conspiratione factâ, inclinare
cœperunt. Nec defuit sibi Boëmus in tam opportunâ occasione, cap-
tandis Silesiorum animis, cum ijdem etiam inter se dissiderent, vt parri-
cidali bello tota arderet Silesia, Henrici Quinti Vratislaviensis Ducis fi-
lijs, partito patrimonio inter se, quâ dolo, quâ apertâ vi decertantibus;
Boëmo interim res suas alendis inter fratres discordijs agente. Iam an-
tea Venceslaus Boëmiæ Rex, ijdem ferè artibus nonnullas in Silesiâ di-
tiones interuerterat, & sui iuris, sublati veris Dominis, sanguine Regum
Poloniæ ortis, fecerat: reliqui erant Vratislaviensis, Legnicensis, & Bregensis
Ducatus; quos inter se fratres Henrici Quinti filij, Henricus, Boleslaus, &
Vladislaus partiti, dum reliqui adesis opibus patrimonium prodegerunt,
in Henricum, cui Vratislavia obtigerat, conspirant: in primisque Bole-
slaus, suasu & ope Ioannis Regis Boëmiæ fretus, negotium illi facessit,
ditionemque fraternam latrocinij more incurfat. Implorat Vladislai Re-
gis Poloniæ cognati sui opem Henricus, seque & sua omnia eius fidei
committit. Vindicat ille clientem, recipit in potestatem Vratislaviam,
& compescit audaciam Boleslai; cæterum dedititium Principem Henri-
cum res suas sibi habere iubet, quem mox Boëmus ad se accersitum, &
blandè acceptum, commemoratione fraternæ iniuriæ, cuius ipsemet
incensor & auctor fuit, eò perculit, vt Closko accepto, Vratislaviam
sibi cederet. Ijdem artibus cum Vladislaum cum Boleslao commisif-
set,

set, Legnicensi quoque ditione potitus est. Atque hæc sunt Boemici, vel potius domus Lucemburgicæ (huic enim soli Principes Silesiæ se deditisse diplomata deditio-
 num, quorum complura in Regio Cracou-
 uensi archiuo reperiuntur, testantur) in Silesiam iuris initia, quæ legi-
 timane sint, sub iudice lis est. Ais tu Casimirum Regem Poloniae de
 Silesiâ cum Ioanne Rege Boëmiæ transegiſſe, & iure omni se abdicaf-
 ſe: neque ego nego; ſed an id fieri potuerit, & an id, quod eo tempore
 inter Reges actum eſt, ratum eſſe poſſit, diſcutiendum eſt. Et ipſa qui-
 dem, quæ in medium à te proferitur iuris abdicatio (quanquam dubito
 an ſyncerè proferatur, cum in Archiuo Regni Poloniae nihil tale conti-
 neatur) nihil aliud in ſe continet, niſi priuatam Regis Caſimiri cum
 Ioanne Rege Boëmiæ, & Carolo ipſius filio tranſactionem, quâ ius ſuum
 tantum, & non Regni, præſatis Regibus, & non Regno Boëmiæ, con-
 donat, quibus & hæredibus illorum extinctis priſtino iuri Sileſia reſti-
 tuenda eſt. Et cum hæc ipſa tranſactio publico Regni Ordinum con-
 ſenſu approbata non ſit, cum perſonis contrahentibus eam extinctam,
 putandum eſt: neque enim in poteſtate Regis ullius fuit patrimonio
 Reipublicæ priuatas offenſiones redimere, maximè talibus prouincijs,
 quæ non armis quaſitæ, nec dediticiæ, ſed ex corpore Regni ſunt, qua-
 lis eſt Sileſia vniuerſa, quales erant Duces Sileſiæ, qui & iure naturali (Re-
 gibus enim Poloniae orti erant, & portionem Regni tenebant) & iure
 ſcripto, quo tanquam fiduciarij Principes Regno obſtriçti erant, in di-
 tionem alterius, ſe ditioneſque ſuas transferre non poterant; nec à toto
 Regni corpore, ex quo creuerant, vlllo pacto alienare: vt deditio illo-
 rum, quâ domui Lucemburgicæ ſe adiunxerunt, etiamſi id vel armis
 coacti, vel ſponte feciſſent, rata eſſe non poſſit. Quanquam ne tum qui-
 dem vniuerſa Sileſia ceſſit in ditionem domus Lucemburgicæ: Bernar-
 dus enim Suidnicenſium Dux, idemque Vladislai Regis gener, manſit in
 fide, quâ Regno Poloniae obſtriçtus erat, & Wiſchouenſe ſiue Frauen-
 ſtatenſe territorium, cum Ciuitate eiſdem nominis, à Caſimiro Rege
 armis recuperatum, hætenus etiam in ditione eſt Regis Poloniae, vt
 & Ducatus Oſnencimenſis & Zatorienſis; Seuerienſis item à Sbigneo
 Oleſnicio Cardinali & Epifcopo Cracouienſi à Duce Theſinenſi emptus
 ac Regno vnitus. Non latebat quidem Reges Bohemiae, non plus iur-
 is deditios Sileſiæ Principes ad eos transferre potuiſſe, quam ipſi ha-
 buerint, & cum vetuſto iure Prouinciæ eæ ad Regnum Poloniae perti-
 nuerint, perfidiâ eorum qui illas obtinebant à toto corpore auelli non
 potuiſſe: itaque crebris tranſactionibus inanem iuris titulum firmare
 voluerunt, Regno Poloniae, extinctâ ſtirpe Regiâ, ad exteros Ordi-
 num voluntate tranſlato, qui iuris Regni minùs curioſi, paſſi ſunt do-
 mus Lucemburgicæ in Sileſiâ imperium propagari. Quanquam Vla-
 diſlaus Jagello Poloniae Rex non aliter foedus cum Venceſlao Impera-
 tore,

*Sileſij Duces
ſoli Lucem-
burgicæ fami-
liæ ſe deditiſſe.*

*Tranſactio
Caſimiri Re-
gis Poloniae
cum Ioanne
& Carolo
Regibus Bo-
hemia an va-
lida?*

*Tranſactio de
Sileſiâ inua-
lida eſſe oſten-
ditur.*

*Parti Sileſiæ
hætenus eſt
in ditione Re-
gis Poloniae.*

*Reges Bohæ-
mia ius ſuum
in Sileſiam,
quod nullum
erat, crebris
tranſactioni-
bus firmare
voluerunt.*

*Venceslaus
Imperator
ratione Sile-
sia subsidia
contra omnes
hostes Vladis-
lao Iagelloni
polluitus.*

*Ipsius Bohemi
Casimirus
Poloniae Re-
gem Silesia
haeredem sa-
tentur.*

*Idem alia
occasionibus
facientur.*

*Cur Poloni
haecenus Sile-
siam non re-
petierint.*

tore, eodemque Rege Boëmiæ sancire voluit, nisi ut is illi nomine Ducum Silesiæ, cum sexcentis lanceis, & totidem balistarijs, se contra quemvis hostem auxilio futurum polliceretur; cuius rei extat diploma in Archiuio Cracouiensi Anno 1395. conscriptum. Eidem contra Cruciferos bellum gerenti anno 1414. (ad quod vniuersos Regni Principes exciuerat) aderant & Silesij Duces, Bernardus Opoliensis, Ioannes Ratiboriensis, Boleslaus Celsinensis, Conradus Olesnicensis, Venceslaus Zeganensis, Ioannes Lubinensis, Conradus Albus Kozlensis, & Venceslaus Opauiensis. Denique Sigismundus Imperator, idemque Rex Boëmiæ, eidem itidem Vladislao Regi, si Agathiam viduam, quæ cum Venceslao Rege Boëmiæ proximè vitâ functo nupta fuit, in matrimonium duxisset, dotalem Silesiam vltro offerrebat. Hæc circa annum 1421. acta fuisse monumenta legationum testantur. Eiusdem Vladislai filius Casimirus, penè adhuc puer, à Bohemicis accitus, & Rex ut esset postulatus, Silesiorum inprimis Ducum fauore, ad eam dignitatem promouebatur: & tum quidem Alberto Austriaco potiores partes tenente, Regnum adeptus non est, sed aliquot post annis, ductâ eiusdem Alberti iam tum vitâ functi filiâ Elizabethâ; secundum mortem fratris coniugis suæ Ladislai Vngariæ & Boëmiæ Regis ac Boëmiæ Regni, ex transactione dudum cum domo Lucemburgicâ inita, materno iure (Sigismundi enim Imperatoris eiusdemque Regis Boëmiæ filia fuit) hæredis, agnoscentibus idipsum Bohemis per coniugem filiosque suos eam regni hæreditatem creuit. Fassi sunt idipsum Regni Boëmiæ Proceres, qui publicâ ad Regem Casimirum missâ legatione, literis etiam in Nouâ-domo Sabbato post festum SS. Philippi & Iacobi Apostolorum anno 1467. scriptis Elizabetham Reginam Poloniae filiosque Casimiri Regis, veros & legitimos Regni Boëmiæ Provinciarumque ei adiunctarum hæredes agnoscunt, & ad capeßendum regnum inuitant, idemque datis ad Proceres Regni Poloniae literis, profitentur. Mox aliquot annis transactis, iidem Regni Boëmiæ Ordines, anno 1471. in Comitij Cutnensibus Vladislaum Casimiri filium uti hæredem Regni (verba expressa in priuilegio Electionis) Regem Boëmiæ renuntiant, cuius ille possessionem adiit, & ius hæreditarium, ad filium Ludouicum, & ad filiam etiam Mariam Ferdinandi Imperatoris vxorē, transmisit. Fratres quoque suos primò Ioannem Albertum, deinde Sigismundum, quorum vterque Reges Poloniae deinceps fuerant, collatis illis nonnullis Ducatibus in Silesiâ, in societatem eius hæreditatis adsciuit. Et mirabitur quispiam siluisse tanto temporis spatio Polonos, nec ius suum vrisse, cum Reges eorum ad hæreditatem Regni Bohemiæ vocarentur, cum quodam modo interuersum ius in pristinū statum eâ ratione restitui videretur. Hæc quæ à me allata sunt, non idcirco dicta putes, quasi classicum cancrevelim, & Polonos meos ad ius armis recuperandum incitare,

incitare, sed vt ostendam te rerum ignarum, falsò asseruisse, ita nos Silesiæ imperio excidisse, vt nunquàm aspirare ad illud nobis liceat. Veniet sanè tempus, cùm vel Silesij ipsi memores vnde exciderint, ad sua redibunt principia, neque Polonis vel nunc defunt, vel impòsterùm deerunt rationes asserendi iuris sui, quod nec temporis præscriptione auferri, nec priuatis transactionibus interuerti potuit. Paci publicæ à nobis consulitur, & vbi arma nostra exerceamus, satis superque occasionum nobis est. Non temerè Poloni in Christianos stringunt gladios, barbaris vndiq; cincti nationibus, quas virtute & sanguine suo arcent, ne totis agminibus in Europam se effundant, ne cædibus & incendijs omnia misceant. Nec sanè in Moschos pruritu vel dominandi libidine arma sumpta à nobis sunt, vt tu asseris; fuerunt iustæ & legitimæ causæ, quæ nos eò impulerunt, vt gentem solo nomine Christianam, cæterùm feritate barbaram, moribus incultam, pacta & fidem datam ad temporum & occasionum momenta accommodantem, Turcicà & Tattarica societati superbientem, Christiani nominis inimicam, bello impeteremus: cuius suscepti & gesti, non adeò, vt tu reris, nos pœnitet; etiam si aliqui non desint, qui consilia euentu metientes mulsent & obmurmurent; ignari quanti momenti res sit, receptis amplissimis prouincijs, quæ dudum à regno auulsæ erant, ferocem & hæreditarium hostem, enervatum viribus ita coercuisse, vt pacem penè supplex peteret, præscriptasque acciperet condiciones. Est, eritque immortalis Sigismundi Regis hæc gloria, quòd suo filijque sui Vladislai ductu, tantas res in eà valla Septentrionis parte gessit, quantas vel quouis maximus Princeps gerere vnquam potuisset. Sed ad Episcopatum Vratislauensem reuertar. Smogorouia hic primò institutus fuit à Miecislao Rege, non, vt tu iugaris, vt Episcopus esset scholæ Rector, sed eadem qua cæteri in Polonia dignitate & prerogatiuâ Episcopi, Regni Princeps & Senator, qui & sacrorum Præses esset, & quocumque res posceret, Principibus consilij copiam faceret. Eius Episcopi sedem Catimirus primus Rex Poloniae, qui anno 1040. Regni habenas suscepit, quique ducentis propè annis eor, quos tu Ecclesiam Vratislauensem dotasse fingis, præcesserat, quæ, vt dixi, Smogorouia erat, primùm Bicinam, mox Vratislaum transtulit, cuius sanguine ortus Iaroslav Episcopus Vratislauenfis, Boleslai Proceri filius, & Boleslai Criuultij pronepos, Nissam paternam videlicet suam portionem ei, vt tu non negas, attribuit.

Subest & hætenus Episcopus Vratislauenfis iure Primatiali Archiepiscopo Gnesnenfi, & semper eius iurisdictionem agnouit, & dubijs aduersisque rebus suis patrocinium quoque expertus est. Vt cùm Boleslaus Calus anno Christi 1257. Thomam Episcopum Vratislauensem, templum Gorcense ritu Christiano dedicantem, nefariè cepisset, & in vincula coniecisset; Fulco Archiepiscopus Gnesnenfis impium Episcopi violatorem diris deuouit, consultoque Summo Pontifice Alexandro IV.

Iaroslav Episcopus Vratislauenfis
Nissam, patri-
monium suum,
Ecclesie Vratislauen-
si donauit.
Episcopus
Vratislauen-
sis Suffraganeus
Archiepiscopi Gnes-
nenfis.
Archiepiscopus
Gnesnenfis
Episcopum
Vratislauen-
sem semper
protegit.

militiam cruce signatorum, per totam provinciam contra eum promulgavit, atque ad transactionem cum Episcopo ineundam compulit. Huius Boleslai impium facinus, cum Henricus cognomento Probus, re ipsa turbulentus & seditiosus Princeps, Vratislaviensis Dux æmulatus esset, ac circa annum Domini 1283. Thomæ II. Episcopo Vratislaviensi, illius quem Boleslaus Calvus ceperat, ex sorore nepoti, grandem pecuniæ summam imperasset, eaque negatâ ditiones Episcopi & sacri Ordinis inuasisset, & mox Decimas omnes usurpasset, Iacobus cognomento Suinka Archiepiscopus Gnesnensis, coactâ Lenciciæ Synodo, de sententiâ consilij, Henricum communione Christiani populi exclusit, ac Vratislaviensi civitati, cæterisque qui in ditione illius erant sacris interdixit: nec antea pœnâ solvit, quàm Henricus Episcopo satisfecisset, illo privilegio, cui tu falsò, ut antè ostendi, annum Domini 1240. quo Henricus Pius à Tartaris ad Legnitiam cæsus, rerum potiebatur, adscripsisti. Successu temporis cum Ioannes Rex Bohemiæ, occupatâ magnâ parte Silesiæ, Episcopo Vratislaviensi Nancero gravis esset, multisque eum iniurijs affecisset, eo demum vitâ functo, Pretzlaus Pogorelicius Polonus, gente Grimalius, Episcopus Vratislaviensis, nolens volensque ita transegit, & in Patronum Ioannem Boemiæ Regem adoptavit, ut iura Ecclesiæ Metropolitanæ salua manerent, quibus, etiamli maximè vellet, Episcopus Vratislaviensis derogare non potuit, sed nec voluit quidem: quàm productum à te deditionis Episcopalis diploma vereor an verum sit: solùm enim Grotkouiensis Arcis & oppidi, à Boleslao Bregensium Duce empti nomine, Pretzlaum in fide & clientelâ Regum Boemiæ se fore professum esse Annales tradunt. Et cum aliquot exactis annis Carolus Quartus Imperator, idemque Boemiæ Rex, à Clemente VI. Pontifice Maximo contenderet, ut Episcopatus Vratislaviensis Archiepiscopo Pragensi subijceretur, obstitit Casimirus Rex, ac per Legatum suum Albertum, Cancellarium Dobrynensem, à Pontifice obtinuit, ut ius Archiepiscopi Gnesnensis ratum esset. Nemini itaque mirum esse debet, si nunc Episcopatus Vratislaviensis Hæreticorum armis oppressus, opem Regis nostri implorat; si Rex noster se ei deesse non posse prohtetur, si suam auctoritatem, ne vis ei fiat, interponit: nam ut antiqua illa, vnde fluxerit fundatio Episcopatus Vratislaviensis taceamus, certè iurisdictionem Archiepiscopi Gnesnensis tueri ad Regiam dignitatem & officium pertinet. Addo nihil in Episcopatu Vratislaviensi, nihil in Silesiâ Poloniæ vicinâ, in statu Ecclesiastico novari posse, quod connexas illi Regni Poloniæ Ecclesias & ditiones non afficiat, quibus certè Rex patrociniū debet, nec permittere illi licet, ut Archiepiscopi Gnesnensis primatialis prærogatiua, ut Episcopi Cracoviensis, Episcopi Posnaniensis, ea quam in plerisque Silesiæ partibus habent iurdictio violetur: ut bona Abbatiarum Poloniæ, quæ in Silesiâ sunt, per vim occupentur: nisi fortè falsò de vi

*Causa ob
quam Rex Po-
loniæ Episcopo
Vratislaviensi
patrociniū
debet.*

Hæreti-

Hæreticorum Clerus Silesiæ queritur, & ea, quæ ab eo extorta sunt impia iuramenta, sponte præstitit, & non denunciata bonorum ademptione, confiscatione (vt ex decreto in consilio Principum & statuum Silesiæ die ultimo mensis Septembris Anno 1619. edito apparet) adactus coactusq; est. Quæ cum omnia fiant eo potissimum fine vt extincta Catholica religione, oppresso & exacto Clero, Episcopatus Vratislauiensis, nobilissima Metropolitana Prouinciæ Gnesnensis portio, de medio tollatur, & quod in alijs Germaniæ partibus factum, possessiones Deo consecratae in profanos cedant vsus; merito Illustrissimus D. Archiepiscopus Gnesnensis modernus, exemplo maiorum suorum, Fulconis & Iacobi Archiepiscoporum Gnesnensium, à quibus violatores Ecclesiæ Vratislauiensis, grauissimâ censurâ notatos fuisse, supra memorauimus, nunc quoque hi ij, qui nunc impijs decretis in Silesia Ecclesiam Catholicam oppugnant, Hæretici non essent, gladium spiritualem in eos stringeret, dirisque omnibus deuoueret: sed cum illi excusso semel obedientiæ freno, sacra diuinæque omnia contemnant; quod Turcis vel quibusuis barbaris Ecclesiam Vratislauensem occupantibus faceret, Principis, cui ad tuenda iura Ecclesiarum gladius datus est, & qui magnorum quondam in Polonia Regum, Episcopatus Vratislauiensis fundatorum & patronorum, sedem tenet, quique vel eo ipso nomine quod Catholicus sit, tutelam & patrocinium Ecclesiæ debet, opem implorat. Nec Serenissimo Principi Carolo Archiduci Austriæ, Episcopo Vratislauensi, vitio quicquam vertere debet, quod in literis (quas tu nescio vnde, & quâ fraude surreptas, ad concitandam optimo Principi inuidiam, publici iuris fecisti) ad Illustrissimum Archiepiscopum Gnesnensem datis, ingenuè profiteatur, Ecclesiam Vratislauensem filiam esse Gnesnensis Metropolitanae, à Regibus Poloniae foundationes accepisse: vtrumque enim adeo verum est, vt qui id negare voluerit, idem proprium esse asini rudere negauerit. Illud fortasse tibi displicet, quod idem Princeps feuda caduca rebellium in Silesia vasallorum, nostris hominibus offerre videatur; & quamvis ille per modum consilij id proponat, tamen ego te hac vice isto libero metu. Non ita appetentes sumus alieni, vt inuitante occasione ad prædam præcipientes ruamus. Sed vt his omissis ad alia veniamus; interrogo te, quo autore fretus asserere audes, Serenissimum Regem nostrum, patrium & hæreditarium Regnum Sueciæ iam olim ob religionis persecutionem amisisse? quem ille persecutus est? Recense, in quem Suecum, eo quod non Catholicus esset, mucro Regius desinuit? Audeo affirmare nullum esse, quem non eodem, quo Catholicos complecteretur favore, modò fidem datam seruaret. Possum enumerare complures illustres viros Suecos, lumina nobilitatis illius Regni, quamuis non idem cum optimo Principe de religione sentientes Regi tamen addictissimos & fidelissimos esse: & fuisse; Ericum Sparium Regni Cancellarium, columnen Suecici Senatus, à Carolo Suderma-

*Carolus Su-
dermanus re-
gnandi cupi-
ditate Suecia
regnum inua-
sit.*

no ob seruata Regi fidem , lqualore carceris diu maceratum , po-
stremò cæsum. Hanc eandem sortem subierunt alij Senatores fideles
Regi , & , quod mireris , Abrahamus Archiepiscopus Vpsalien-
sis , quamuis Lutheranus. Non religionis causa in Sueciâ agebatur :
regnandi libido Carolum eò impulit , vt legitimi Principis impe-
rio abrogato , nefariè patruus nepotis , subditus Domini , fractâ
fide , violato sacramento , Regnum inuaderet , & ius alienum con-
tra omne fas vsurparet : quod vt ille , ita & filius ipsius , non fa-
uore populi , non amore ciuium , sed , vt tyranni solent , stricto tue-
tur ense. Sed tu patronus rebellium Bohemorum , hoc quoque ar-
gumento vti voluisti , quo illi , prout & Sueci nonnulli suam perfidiam
excusant. Crudelis , vt ais , Ferdinandus in Bohemos , acerrimus Pro-
testantium hostis , cùm tamen neminem proferas quem occiderit ; quem
bonis in Bohemiâ spoliauerit ; quem in exilium egerit. Vestra sunt ista ,
& vestri similia. An non ab authoribus seditionis Bohemicæ , ijsque
priuatis hominibus , armis Pragæ obsessa curia , violati & è fenestris
præcipitati concilij Regij Præsides , exuti & spoliati bonis Catholici ,
expilata templa , profanata monasteria ? Hoc iure vos potiores estis , si
fraus , periurium , & vis , alicuius iuris nomen meretur. Pergis , & Sere-
nissimo Regi inuidiam apud tui similes conciliare vis , quòd ille Iesuita-
rum consilio nitatur , quòd Aurei velleris Princeps sit , quòd fama sit
eum nouæ militiæ nomen daturum , & hæc quorsum ? Ad extirpationem ,
inquit , Hæreticorum ista omnia collimant. Quis vnquam Chri-
stianorum id in votis non habuit , vt extirpatis hæresibus vna in vniuerso
orbe sit fides , idem omnium de religione sensus ? Tibi , vt video , schis-
mata , tibi hæreses placent ; placent igitur dissensiones , placent bella ,
quæ hoc fonte oriri ipsa docet experientia. Sed Iesuitæ ab alijs luculenter
defensi , quorum officium non aliud , nisi vt aliarum religiosarum per-
sonarum , quæ ornamenta sunt Ecclesiæ Catholicæ , doctrinâ & exem-
plo propagare pietatem , ac cultum diuinum , hæreses impugnare , &
monstrare iter rectum ijs , qui errore seducti à veritate Catholicâ aberrarunt :
in quo munere cùm ijs sedulò versentur , offendunt aduersarios , vt
eos æquis oculis intueri nequeant , & eodem quo lupi canes ouium cu-
stodes amore prosequantur. Habet Rex Consiliarios ex sacro & profano
ordine lectos , habet Magistratus Aulæ : horum , non Iesuitarum , con-
silijs negotia publica tractantur , & expediuntur. Sed hæc non noua ca-
lumnia , & sæpius , vt dixi , refutata. Aurei velleris insigne Serenissimus
Rex volentibus omnibus Ordinibus Regni in Comitibus Varsaviensibus
ritè & legitimè suscepit , exemplo Diui Sigismundi Primi , Aui sui , qui
eumdem honorem non est aspernatus. Sed tu frustra suspicaris , eum
hoc nomine magis addictum & obstrictum ad tuendam rem Catholi-
cam existimari posse. Iam inde ab ineunte ætate ita ille animatus , vt
pro fide Catholicâ , quam materno fluxit ex vbere , vitam & sanguinem
profun-

*Aurei velleris
insigne deti-
lit Sigismun-
dus Primus
Polonia Rex
& Sigismun-
dus Tertius.*

profundere, si id necessitas poposcerit, non indignum Maiestate suâ censeat. Quæ res ut ad adipiscendum regnum Poloniæ illi potissimum suffragata est, ita nunc quoque Maiestatem ipsius tuetur, & amorem subditorum conciliat. Quod quidem te acerrimè, ut video, torquet, torquebitque malos omnes, eò magis, quò illustriorem coronam pietati Regiæ fata destinant.

Filios Regios ingentium terrarum Dominos, delectabili opinione constitui, tu primus interpres mentis malevolæ stultè iocaris: sunt eruntque illi tales, ut quivis Reipublicæ Christianæ benè cupiens, eos publicæ salutis natos libenter fateatur. Sciunt omnes eà felicitate à Regibus Poloniæ suscipi liberos, ut eos tuendæ rei Christianæ impendant. Nec plura quæsieris; Vladislaus Iagiello reliquit filium sui nominis, qui pluribus de Turcis partis victorijs, ad extremum memorabili ad Varnam pugna, gloriôsè occubuit. Pronepotem Ludovicum Hungariæ & Bohemiæ Regem, qui ad Mohacium contra perpetuam Solimani felicitatem decertans pari fato occubuit. Casimirum Sanctum ob virtutes Christiano Principe dignas, inter Divos relatum. Sigismundum Primum, sui avi Regem Regum, Patriæ Patrem: nec ullum è gente Iagiellonica nominare licet, qui non propriâ eâque præclarâ laude floruerit. His maioribus, eo sanguine Serenissimi Principes nostri orti crescunt, (rumpantur ut ilia Codro) eâ spe ut Christiana Respublica, non minimum subsidij ab ipsis expectare possit. Tuus iste novus Carolus Magnus, quid Reipublicæ Christianæ causâ præstiterit, an vel semel contra Turcas & Tartaros aliosue barbaros in acie steterit, nusquam audimus. Serenissimo Principi Vladislao nostro non novum iam æstates & hyemes continuare bello, pati incommoda militiæ, versari in acie, laceßere hostem, pugnam conferere. His virtutibus Magni nomen Carolum primum sibi peperisse, non nego: Poloniam ab illo fuisse subiugatam, nemo verè dixerit; idem enim ostendere deberet, quo tempore Polonia iugum imperij excusserit. Sed de antiquitatis memoriâ, & quæ in hoc genere in utramque partem dici credique possunt, tecum non contendam: tu interea tuo isto novo Carolo ne nos terreas, nec tantos nobis finge merus, ut novas istas contra legitimum Magistratum conspirationes, vel Turcas ipsos, quos à seditiosis Bohemis & Hungaris in perniciem Reipublicæ Christianæ evocari fama est, veriti, non nisi ex tuâ proditoris sententiâ dignitati & salutis nostræ consulamus. Non ita acisæ nostræ vires sunt, & quamvis non adeò florente Reipublicæ statu, qualem Platonis finxit sententia, gloriemur; habemus tamen rationes tuendi iuris nostri; neque hactenus quisquam (absit dicto invidia) impune nos laceßit. Sed Poloniæ tuo iudicio horrendæ idololatriæ obnoxij commovere nos non debemus. Scio quid tu nomine idololatriæ cavilleris. Hæreticum est, & iam non novum, Catholicos hoc nomine allatrare; sed vel ruptis licet inferni claustris ipse triceps prodeat Cerberus,

rus, latrare quidem poterit, Catholicam tamen Ecclesiam à Christo ita fundatam, ut ne portæ quidem Inferi quidquam in eam possint, erroris convincere non poterit. Quæ de statu Regni nostri, pacis interregni tempore tuendæ causâ, factâ confœderatione in medium adducis; ea perinde ad externos quosvis pertinent, ut lyra ad asinum. Verborum, eæque leues, hætenus inter Catholicos, & eos qui diuersum ab ijs sentiunt, intercesserunt concertationes, de vi, de eadē numquam ne per somnium quidem cogitatum: verum tui muneris est hæc ipsa inculcare, & consentientes optimè Ordines falsis suspicionibus, quasi dato belli signo, inter se committere. Sed nihil agis furialis Aleæto, pacata sunt Polonorum ingenia, & licet interdum non idem sit omnium de religione sensus, omnibus tamen constant iura, amicitia, & fraternus amor. Id tu æquo animo pati non potes, ac ut & Regem & Senatores apud imperitum vulgus in suspensionem voces, multa clam fieri, non omnes Senatores ad consilium adhiberi, paucorum eorumque seditiosorum sententias exquiri, sceleratè fingis. Exemplum adfers superiori anno concessam facultatem Humanaio militis conscribendi, in scio, ut ais, Senatu; quem consultum fuisse, Regiæ literæ (quas te fraude surripuisse, cum talia consilia maioribus tantum Senatoribus communicari soleant, fatearis necesse est) à te typis excusæ testantur: nec est quod cauilleris, non ad omnes datas fuisse, cum nemo sit qui hoc nomine queratur. Quos autem seditiosos Senatores denotes nescio; eos fortè, qui, à tuis nerijs consilijs cum alienum gerant animum, saluti & dignitati patriæ optimè consulunt. Verum non mirum à te Optimates nostros ita tractari, cum nec Regiæ Maiestati parcas, cum Regem officij sui lineas enormiter transiisse, iura Nobilitatis, permissa Iesuitis bonorum coëmptione, grauitè læsisse, ab eodem ob religionem ius inæquabiliter dici, impuro ore blateres, dignus qui læsæ Maiestatis poenas exoluas, quæ te Deo ipsi Regiæ dignitatis vindici exoluturum non dubites. Postremò dirum superiore anno arsisse cometam, Regum interitus & Regnorum mutationes portendentem; quiescendum igitur, & tantisper dum hostes communes nostri, maiores vires sumant, indormiendum ex astrorum signis mones. Alios ista terreant; nobis tu non persuaseris, ut tantoperè istis permoueamur, ac salutem publicam non à Dei potius voluntate, quam ab astris dependere persuaderi nobis patiamur. Non cometa, sed regnandi libido seditiosis facem in Bohemiâ accendit, cuius qui futurus sit exitus, incertum est, nisi quod animus non temerè prælagit, optimæ causæ Deum perfidiæ ultorem non defuturum. Quis autem isthic primus induit arma? quis supremum Magistratum violauit? quis fidem datam rupit? quis denique alieni regni ius usurpauit? Notum est orbi vniuerso: nec excusationes Bohemorum, Cæsarem Ferdinandum non legitimo iure adepti regni, vel crudelitatis accusantium, tales sunt quæ perfidiæ notam ab illis amoliantur. Non nouum hoc Bohemis oppugnare

Reges:

Reges, & vt vetustiora taceamus, à ducentis annis vix vnum vel alterum Regem Bohemię fuisse Annales testantur, qui non vel à subditis captus, vt Venceslaus Rex, vel non oppugnatus, vt Sigismundus Imperator, Ladislaus Alberti filius, Vladislaus Casimirides, (cuius filius Ludouicus ob non missa à Boëmis subsidia ad Bohacium concidit) Ferdinandus Imperator, Rudolphus, Matthias, postremò Ferdinandus, ritè iam coronatus. Infelicitasne sit ea gentis vt tales Reges habeant, cum quibus semper decertare necesse sit; an ij mores, vt facilè datæ fidei obliuisci non ingloriosum nec turpe existimetur, æquis censoribus iudicandum relinquo. Ad te finem scriptioni meæ impositurus redeo, quisquis es; si Silesius vel Bohemus, non miror quòd hostis noster cùm sis, perniciofa consilia nobis suppedites, ac malè de nobis, iuribus nostris, & de domo Regiâ sentias. Si Polonus (quanquàm dubito vllum adeò malà mente esse, vt patria iura falsis argumentis conuellat) dignum censeo, qui proditionis conuictus, dignas poenas scelere tuo luas.



DISSERTATIO

DE IVRE REGNI POLONIÆ

AD RVSSICAS MOSCHOVITICASQUE DITIONES.

*Suentoslai
Kijouienſium
Duci filij*



*Quos Princi-
patu geſſe-
runt*

*Volodimirus
ceſis ſtatibus
vicinos popu-
los domat,
Corſonum
Imperatoris
Conſtantino-
politano eri-
pit.*

*Volodimirus
duodecim
filios reliquit.*

VENTOSLAVS Kijouienſium Dux, Iori & Orgæ fi-
lius, è Piecingis eius oræ quâ Danubius in Pontem
influit populis, duos ex iuſtâ vxore Iaropelcum &
Olgam, tertium Volodimirum ex concubinâ ſuſcep-
tum, reliquit filios. Hunc circa annum Domini no-
ningentefimum ſeptuageſimum primum Nouogro-
denſibus petentibus Principem dedit; Iaropelcum Kijouienſibus, Ol-
gam Pereafſlauienſibus præfecit. Sed Olgo à Iaropelco occiſo, Volodi-
mirus vir magni animi, cæſo itidem Iaropelco, vtriuſque fratris Princi-
patum occupauit; ac vicinis populis Bulgaris, Croatis, Dulopijs, Iaſi-
gis, domitis, Corſonum Imperatori Conſtantinopolitano eripuit: mox
Annâ Baſilij & Conſtantini Imperatorum, qui anno Noningentefimo
ſeptuageſimo quinto regnare cœperunt, & per annos quinquaginta
Conſtantinopolitanæ rei præfuerunt ſore, in matrimonium anno no-
ningentefimo nonageſimo ductâ, ſimulque Chriſtiana religione ſuſce-
ptâ; reddidit. Is quoque Premyſſiam & Czeruenum arces Mieciflao Re-
gi Poloniæ eripuit. Cum duodecim filios procreaſſet; viuens adhuc
Principatum inter eas partitus eſt: fuerant autem populi & vrbes, quæ
in diuiſionem ceſſerant, Kijouia, Nouogrodum, Polofcum, Turouia,
Roſtauia, Maromum, Dereui, Vladimiria, Torocanum, Smolenſcum,
Pleſcouia, Volhinia. Cæterum Patre mortuo, orto inter fratres bello,
Suentopelcus Kijouiam, Glebo & Borifſo fratribus dolo occiſis, occu-
pat: mox ab Iarollaſo fratrum necem vlcifcente ſuperatus, & Kijouienſi
Principatu eiectus, ad Boeſſlaum cognomento Chrobri Regem Poloniæ
confugit. Is eâ occasione ereptam Patri ſuo Premyſſiam recuperaturus,
anno Milleſimo Octauo, fines Ruſſiæ ingreſſus, victo Iarollaſo, Kijouiam
fame adactam, in ſuam poteſtatem redigit, & Suentopelco reſtituit: ac
Iarollaum viribus recuperatis bellum inferentem, iterum proſligat. In
Kijouienſes parum ſyncerâ fide Suentopelco ipſo conniunte ſecum
agentes, ac milites ſuos clâm trucidantes, animaduertit, urbem ipſam
diripit, arcem communit, obſidibus acceptis, ac tribus in Boryſthene
fixis columnis regreditur victor.

*Boeſſlaus
Chobri Iaro-
ſlaum ad Bu-
gum proſligat
anno 1018.*

Anno Milleſimo decimo octauo idem Boeſſlaus Iarollaum occupatâ
Kijouia, bellum Poloniæ inferentem, ad Bugum ingenti prælio ſuperat:
ac victor pacis fert conditiones, tributumque imponit. Boeſſlao mor-
tuo, cum Ruſſi Iarollaſo & Mieciflao Ducibus rebellaſſent; Mieciflaus

Rex

Rex Anno Millesimo vigesimo sexto, arma in eos sumpsit, ac interceptas quidem ab eis arces recuperavit; Iaroslauum tamen in ordinem non redegit, qui mortuo fratre, Monarchæ, seu Iedynowladec titulum primus usurpauit, ac potentiam auxit. Id Mieciłlai Regis, Rixæ vxoris imperio obnoxij, ignauia factum. Pulso demum cum Rixâ matre Casimiro, Russis diuturno interregno adeo animi creuerunt, ut penitus Polonicum Imperium excusserint. Calimiro deinde restituto, accisis Regni viribus, non armis, sed conditionibus cum Iaroslao rebeli tractatum: ac ut pax firmior esset, Casimirus sororem illius matrimonio sibi iunxit, iusque auitum & paternum (auxilijs tantum contra omnes hostes pactis, quæ Iaroslauus contra Maslaum rebellem Casimiro tulit) affini remisit. Iaroslauus vniuersæ Russiæ Monarcha quinque filios reliquit, qui cum inter se de Principatu certarent, Isaslauus natu maior Kijouien- sis Dux pulsus à fratribus, ad Boleslai Audacis, Casimiri Monachi filij, cognati sui opem confugit: qui auiti iuris asserendi causâ, ultro eam occasionem arripens, magno exercitu Russiam ingressus, Visaslao Poloscum fugiente, Kijouia spontaneâ deditione potitur. Poloscum per legatos in suam potestatem redigit, ac Isaslauum regnare iubet; hæc anno Millesimo sexagesimo nono gesta fuisse scribuntur. Mox pulso iterum Isaslao, iterum clienti fert opem Boleslaus, cæsis Russis, Kijouiam diutius obfessam, postremo vi capit. Isaslauum, imposito ei non tantum pecuniæ, sed rerum etiam omnium, ad victum cultumque corporis vectigali, Monarchiæ Russiæ præesse iussit. Is ex consilio Regis cognati inter filios, Regi fidem obstringentes, partitus Principatum, Stopelcum Polocentibus & Nouogrodensibus, Vladimirium Smolenscijs, Iaropelcum Vissogrodiensibus præficit: sibi summo Imperio, & cum adiacentibus Prouincijs Kijouia reservatâ. Exacto ob eandem Diui Stanislai Boleslao Audace, Russi penitus defecerunt; idque impunè ob quietum Vladislai Hermanni ingenium. Anno demum Millesimo centesimo primo, Boleslaus iuuenis Criuouisti Russos Poloniam hostiliter ingressos fudit: & cum postea Zbitislauam Suentopelci, siue Stopelci, Kijouien- sis Ducis filiam in vxorem accepisset, foedus cum Russis pepigit. Inuaserat Kijouiensem Principatum Vladimirus Iaroslai Vladimiriensis Ducis & Zbitislauæ Reginæ Poloniæ patruus; cuius insidias veritus Iaroslauus anno Millesimo centesimo decimo octauo ad Boleslaum affinem fugit: quem cum Boleslaus Vngaris in auxilium aduocatis restituere vellet, Anno Millesimo centesimo vigesimo tertio arma sumit: Iaroslauum cum septem milibus nostrorum præmittit: eoque minùs cautè hosti oblato cæso, Boleslaus Kijouiam obsidione cingit, & nonnisi donis & muneribus exoratus, pacem hosti dat, pactis contra quosuis hostes auxilijs; quæ cum sæpius imperaret, Russi anno Millesimo centesimo trigesimo quarto auctore Iaropelco Vlodimiri filio Kijouien- si Duce rebellant: hunc Boleslaus alijs interim bellis occupatus, astu Petri Vlostoiciij capit: & graui ære accipit.

Boleslao mortuo Russi rebellant, unde bellum cum eis gessit. Mitenslaus anno 1026. Iaroslauus Kijouia Dux Monarcha, seu Iedynowladec titulum usurpauit. Russi Polonorum imperia excusserunt. Casimirus Primus conditionibus cum Iaroslao tractauit, & sororem eius in vxorem accepit. Iaroslauus Russiæ Monarcha quinque filios reliquit; qui cum de Principatu certarent, Boleslaus Audax Isaslauum aliquoties iussit, & ius regni in Russiâ asseruit. Kijouia in potestatem redactâ. Idem Boleslaus Isaslao tributum imposuit. Isaslauus imperium inter filios partitus. Pulso ab eadem S. Stanislai Boleslao Russi penitus defecerunt. Boleslaus Criuouistius Russos Poloniam hostiliter ingressos fudit. & post Stopelci Kijouien- sis Ducis filiam in matrimonium accepit.

*Eiusdem cum
Rusis bella
usque ad an-
num 1138.* xere mulctatum, cum is in fide & clientelâ Regum Poloniæ se fore iura-
*Boleslaus Crispus
pro Iaslaao
conatus.* ret, dimittit; sed fœdistragus Vngaro quodam Villiciam prodente, mul-
*Distracto di-
uisionibus
Chyoniensi
Ducatu Ha-
liciensium
potentia cre-
uit.* tis hominibus cæsis, vel captis diripit. Eum ulturus Boleslaus infesto
*Casimirus
Iustus Mecis-
laus Halici-
ensium Du-
cem pulsum
restituit.* agmine Russiam petit, ac longè lateque populationem extendit, mox
*Vlodimirus
Haliciensium
Dux idem
Polonus iurat
1185. & Casi-
mirus pugnan-
ti suppetias
fert 1190.* inde fraude Russorum Haliciensium in insidias præcipitatus, ignaviâ cu-
*Idem fecit
Romanus Vlo-
dimiriensis
Dux.* iusdam Palatini malè pugnat; circa Annum Domini Millesimum cen-
*Visto & occi-
so ad Zauichostum Vlo-
dimiro Lescus
Polonia Mo-
narcha Colo-
mano Hun-
garia Regis
filio cum Sa-
lomeâ sorore
Haliciense
Regnum do-
tale dedit.* tesimum trigessimum octauum, Boleslaus Crispus, pulsum Kijouiensi
*Pulsus Colo-
manus, &
restitutus à
Polono, à
Rusis veneno
sublatus.* Principatu Iaslaaum restituere conatus, ob eius ignaviâ re infectâ re-
*Daniel fidei
eiurans schis-
ma, à Legato
Sedis Aposto-
licæ Regis ti-
tulum obti-
nuit, sed rur-
sus in errorem
relapsus hostis
Polonorum
fuit.* dit, Anno Millesimo centesimo quadragesimo septimo. Paulò ante hæc
 tempora distracto Ducum diuisionibus Kijouiensi Principatu, Hali-
 ciensium potentia creuit; quorum Dux Mecislaus quasi nothus à fratri-
 bus Wseuoldo Betzensi & Vlodimiro Haliciensi pulsus, ad Casimirum
 Iustum confugit; qui magno prælio ad Haliciam Russis superatis, Me-
 cislauum fide ab eo accepta Haliciensibus præfecit, Anno Millesimo cen-
 tesimo octuagesimo secundo, magnamque partem Russiæ suæ potesta-
 tis fecit. Sed Mecislao non multò post veneno sublato, Vlodimirus ope
 Polonorum eiectis Vngaris, qui Haliciam interceperant, Principatum
 adeptus, iurauit fidem & obsequium Polonis, atque Anno Millesimo
 centesimo nonagesimo ex fœdere Casimiro pugnantî præstò adfuit:
 quod & Romanus Vlodimiriensis Dux in Mosgauiensi prælio ex formu-
 la itidem fœderis præstitit; ob quam causam Anno Millesimo centesimo
 nonagesimo septimo mortuo Vlodimiro, acceptâ prius ab eo fide, Ha-
 licienlibus à Nicolao Palatino Cracouiensi Lesci curatore præficitur.
 Sed dum immemor beneficii bellum Poloniæ infert, ad Zauichostum
 victus & occisus est. Inde cum Lescus Colomano, Andreæ Regis Vn-
 gariæ filio, cum Salomeâ sorore Haliciense Regnum dotale dedisset, is-
 que ab Episcopo Cracouiensi coronatus esset, Russi omnes externi Prin-
 cipatus & religionis odio in Colomanum conspirant, ac eum pellunt,
 regnumque auxilio Polonorum & Hungarorum repetentem vincunt,
 iterumque restitutum veneno tollunt, Daniele Romani filio rem stre-
 nuè gerente, qui postea quoque Haliciense Regnum occupauit, ab Opi-
 sone Legato Sedis Apostolicæ fictâ schismatis eiuratione obtento Regis
 titulo. Sed Gracâ fide in errorem relapsus, religionis Christianæ hostes
 Lithuanos & Tartaros, quò Polonorum vires infringeret, ad infestan-
 dam Poloniam incitauit. Paulò antè Potoucij in Russos Tartaros immi-
 serant, qui cæsis duodecim vno prælio Russiæ Ducibus, totam pænè à
 stirpe gentem deleuerunt; eamque partem Russiæ, quæ in Septemtrio-
 nem & Orientem vergit, vectigalem fecerunt: quæ in eâ seruili condi-
 tione usque ad Ioannem Moschouiæ Ducem, qui circa annum Domini
 Millesimum quadringentesimum septuagesimum nonum primus bar-
 baræ seruitutis iugum excussit, permansit. Cæteri Russiæ Duces, vel in
 noui Haliciensis Regni corpus coaluerunt, vel Lithuanis adhæserunt:
 qui quondam Russorum humiles & abiecti serui, dominorum suorum
 clade

clade elati, & breui partâ potentiâ, primò quidem cum Russis initâ so-
 cietate, Suarnone & Mendaco (hic ille est qui mentita Christianâ fide
 Rex Lithuanie est renunciatus) ducibus, maxima damna nostris, contra
 quos (Russorum, in nomen & religionem Polonam capitali odio flagrà-
 tum, persuasionibus) euocati erant, intulerunt. Zemouitum Ducem
 Masouiorum cum Conrado filio interfecerunt. Sed cum à Polonis for-
 titer reprimerentur, Russorum paulò antè socij in eosdem arma vertunt;
 & partim spontaneâ concessione, partim vi, Kijouiensē, Nouogroden-
 sē, in Seueria Kiernouiensē, Lucensē, Vladimiriensē, Branscen-
 sē, Polocensē, Vitepskensē, aliasque vicinas Russiæ prouincias sub-
 iugant. In eo rerum statu cum florentissimum quondam Russiæ Impe-
 rium versaretur, Haliciensium regnum, Leone Danielis filio sterilitè &
 viuis sublato, ad Troidemi Masouiorum Ducis filios, Mariâ sorore Leo-
 nis genitos, deuenit: quorum maior natu Boleslaus aditâ secundum
 auunculi mortem hereditate, cum fraude Russorum vno religionis no-
 mine ipsis inuisus, dato veneno extinctus esset; frater ipsius similem ve-
 nitus casum, in Calimirum Regem, accepta ab eo terra Belzensi, ius he-
 reditarium transfudit: cuius prætextu ille vetustum ius Poloniæ assertu-
 rus, Anno millesimo trecentesimo quadragesimo, meridionalem Rus-
 siam totam armis subactam, in formam prouinciæ redegit. Et cum reli-
 quam Russiæ partem Lubartus Gedimini filius dotis prætextu usurparet,
 idem Casimirus Anno millesimo trecentesimo quadragesimo nono, ete-
 ctis Lithuanis recuperavit; ac cum Rege Hungariæ, vt titulo Russiæ
 deinceps abstineret, transiegit. Certatum deinceps vario euentu cum Li-
 thuanis de Russiæ possessione, post mortem Ludouici Regis proditione
 Hungarorum, quos in præsidij arcium Ludouicus reliquerat, ad Li-
 thuanie Duces translatis; donec adscitus in regnum Vladislaus Iagiello,
 in cuius coronatione feudales Russiæ Duces, nimirum Nouogroden-
 sium, in Seueriâ Kiernouiensium, Lucensium, Vladimiriensium,
 Branscensium, Kijouiensium, Regi, Reginæ Hedvigæ & coronæ
 Regni Poloniæ fidem & obsequium iurarunt. Id attestantur com-
 plura diplomata in Archivo Cracouiensi, quorum indices infra re-
 ferentur. Mox à coronatione missus à Rege Vitoldus, Poloscum & Smo-
 lenscum in potestatem Regis redegit. Anno deinde millesimo trecente-
 simo nonagesimo secundo, Theodoro Duci Vladimiriensi, Iagiello Rex
 Poloniæ Seueriensē Ducatum, acceptâ ab eo fide quòd in potestate
 Regum Poloniæ mansurus esset, attribuit; missoque Vitoldo, Orsam &
 Vitepscum recuperat, ac Odruscensē & Smolenscensē Ducem in fi-
 dem recipit. Postremò Glebum Ducem Smolenscensē, sæpius rebel-
 lem, Magistratu mouet, & cum Basilio Moschouiæ Duce amicitiam cō-
 trahit; cuius nomen circa hæc ferè tempora, obscurum antea, innotef-
 cere cepit. Nam non multò post, idem Vitoldus recepto prius Anno
 millesimo quadringentesimo tertio Smolensco, Anno millesimo qua-
 dringente-

Lithuanie ma-
 gnâ parte
 Russiæ po-
 tuerunt.

Haliciensium
 regnum ad
 Masouie Du-
 ces deuolutū,
 quorum vnus
 illud Casimi-
 ro Poloniæ
 Regi concessit.

Casimirus
 Poloniæ Rex
 Russiam in
 formam pro-
 uinciæ redegit.

Inter Polonos
 & Lithuanos
 de possessione
 Russiæ certatū
 eam post mor-
 tem Ludouici
 Regis Hunga-
 ri ad Lituanos
 transferunt.

Vladislaus Ia-
 gielloni Russiæ
 Duces fidem
 iurarunt.

Moschouie
 Ducis nomen
 clarescere co-
 pis.

Vitoldus contra Russos progressus.

Vladislao Iagellonide ad domandos Turcas & Casimiro fratre eius ad asserendum regnum Hungariae & Bohemiae intento nouis Moscho- uic Ducibus magnam Russia partem ademerunt.

dringentesimo sexto superato flumine Vgrâ , in Moschos vnâ cum Zbigneo Brzezio Marschalco Regni, ac multis Polonis expeditionem suscepit : & abactâ prædâ , iterum anno sequenti vsque ad Occam fluuium populabundus peruenit , Rozanensemque ditionem populatus , conditiones pacis Basilio Moschouicæ Duci dedit. Eo tempore Branscum , & Starodubum arces in Seueria, Suidrigelo beneficio Regis Vladislai tenebat : neque enim eâ tempestate dubium erat Regis Poloniae in illas gentes imperium ; quod Iagiello matre Mariâ Tuerensium Ducis filia genitus, ipse postmodum Sophiâ, Kijouiensis Ducis filia & vnicâ reliquâ superstitite, vxore ductâ, susceptis ex eâ filiis, tantò magis quæsitum dudum olim Boleslaorum labore Regno Poloniae ius, sibi posterisque suis firmauerat. Vitoldus verò aliquoties infestis armis terrorem nominis sui in eas partes ita pertulit, vt ipsi Nouogrodenses, liber & immunis Russiae populus , maximis viribus & opibus pollens , pacem mercari , ac ingentibus donis victorem placare coacti fuerint. Sed enim Vitoldo Duce & Vladislao Rege Poloniae fatis concedentibus , neglecta admodum res Russica fuit, dataque occasio nascenti tum primùm Moschouicæ Principum ambitioni , noui proferendi imperij. Nam Vladislaus Iagellonides in ipso ætatis flore, felicissimis successibus Poloniae & Vngariae regnum adeptus, ad domandos Turcas animum adiiciens, vt cætera alia, ita curam in Septentrionem vel retinendi vel proferendi imperij intermitit. Casimirus item frater ipsius dum pænè eodem consilio , Hungaricum & Bohemicum regnum, hæreditario vxoris suæ iure asserere, illudque in filios suos transferre nititur, magnâ auitæ ditionis iacturâ fecit. Nam Ioannes Moschouicæ Dux, eo potissimùm imperante, Anno 1471. excussio iugo Tartarico, occupato inprimis & omnibus thesauris spoliato Magno Nouogrodo, partisque ingentibus opibus, Vladimiriensem, Ioroslauensem, Tuerensem, Mosaiscensem, Sudalscensem, Pscouiensensem, Rosanensem, ac magnam partem Seueriensis Ducatus, partim dolo, partim vi, nonnulla etiam falso successione nomine, interuertit ; & patrimonium quondam Regni Poloniae, Magnique Ducatus Lichuanie, maiorum sanguine partum, ad se transtulit. Idem quoque postea Alexandro Rege (cui filiam suam matrimonio iunxerat) rerum potente, immemor affinitatis, Anno millesimo quingentesimo Drohobusum, Toropetum, Biallam, Branscum genero abstulit ; agrumque Smolenscensem populatus est , Seueriensisque Duces leui de causâ Regi offensos, & iam antea suis ditionibus à Moscho exutos, in suam fidem (cui mox illi sanguine litantur) recepit. Cuius filius Basilius Anno millesimo quingentesimo decimo tertio, Smolenscensem arcem longâ obsidione fatigatam (proditionem Gliriscio proditore, Russis qui in præsidio arcis erant suadente, fraude dedentibus) cum præfidiarijs interceptit : & procul dubio vlteriùs promouisset arma, nisi Sigismundus Primus , felicissimo ad Orsam prælio, tot millibus Moschorum cæsis , incensum regnandi libidine ambitiosi hominis animum

animum compressisset; atque ad petendam deinceps pacem cōgisset.

Et ex his quibus facillè colligere potest, quàm vetusto iure regnum Poloniae Russiae terras sibi subiectas habuerit, & quibus vicissitudinibus legitima possessio interrupta fuerit. Quae omnia abolita fuisse, Russiamque vniuersam iterum in ius potestatemque regni, deditioe eorum, qui Iagiellone Rege Regiâ dignitate aucto coronae Regni Poloniae se adiunxerunt venisse, infra adscripta diplomata sufficienter conuincunt. Cum enim probè nossent maiores nostri, Patrimonium Reipublicae Russiae Ducatus, qui olim bello & successionibus parti, imperio Regum Poloniae subiecti fideque & obsequio obstricti erant: partim Ducum quorundam secessione, partim Lithuanorum, qui excusso iugo seruitutis, eos, quibus olim tributum pendebant, in suam potestatem redegerant, vi & potentia, iniquissimis Reipublicae nostrae temporibus à reliquo Regni corpore auulsos, & abstractos fuisse, eâ conditione Vladislauum Iagiellonem Hedugis haeredis Poloniae regium connubium, & regnum ambientem votis potiri permiserunt, ut ea quae tū in potestate ipsius fuerunt, regno restitueret, ac suas insuper ditiones in vnum Reipublicae corpus coalescere pateretur. Hinc Octo Duces Lithuaniae in ipso Coronationis Regiae actu Regi, Reginae, regno, fidelitatem iurant: hinc ea rata fore vades dati Duces Vitoldus, Skirgello, Fieodor, Luchar- di Dux Lucensis, cuius rei testimonia extant, literae eorundem Ducum, qui hoc, ut vocant, obstagium in se recepisse agnoscunt.

Ac praeterea Demetrius Koributh Vladislao Regi, & Hedugis Reginae, & Coronae Regni fidelitatem pollicetur, & se regno vnit. Datum in Lucko die B. Seuerini Anno millesimo trecentesimo octuagesimo sexto. Idem alio diplomate hoc idem spondet Anno millesimo trecentesimo octuagesimo octauo.

Skirgello Dux Lithuaniae Vladislao Regi & Hedugis Reginae ac Coronae regni Poloniae homagium praestat, fidem & obedientiam pollicetur; semper se adhæsurum regno cum castris & possessionibus, & si sine prole decesserit, ditiones suae ad Coronam regni pertinebunt, ita tamen ut liceat sibi Ecclesiae contribuere. Datum in Lida feriâ tertiâ post festum B. Viti, Anno millesimo trecentesimo octuagesimo septimo.

Alexander, aliàs Wigmunt, Dux Kijouiensis, Vladislao Regi & Hedugis Reginae, ac Coronae Regni fidelitatem promittit, se & terras suas, regno Poloniae perpetuò subiicit. Die Inuentionis sanctae Crucis Anno millesimo trecentesimo octuagesimo octauo.

Simeon Laguni, post commissam sibi à Rege Vladislao magnam Nouogardiam, promittit Regi, ac regno cum omnibus subditis suis fidelitatem, Anno millesimo trecentesimo octuagesimo nono.

Simeon Iurgiewiez Dux Vladislao & Hedugis ac Coronae regni Poloniae homagium fidelitatis praestat, ac se regno incorporat. Datum Sen-

Vladislauus
Iagiello eâ
conditione in
Regem Polo-
niae assumptus,
ut ea quae
ipsius in pote-
state erant
Regno Poloniae
restitueret.
Octo Duces
Lithuaniae in
coronatione
Regis Vladis-
lai Iagiellonis
fidelitatem
Regno Polo-
niae iurant.

domiriæ in octauâ Resurrectionis Domini Anno millesimotrecentesimo octuagesimo nono.

Idem datus hominibus de magnâ Nouogrod in Tutorem & Gubernatorem, Vladislao Regi & Heduigi Reginæ, ac Coronæ regni Poloniæ se adhæsurum perpetuò pollicetur. Sendomiriæ die Dominico Conductus Paschæ Anno millesimo trecentesimo octuagesimo nono.

Vitoldus Dux Lithuaniae, indultâ sibi à Rege culpâ rebellionis; ac restituto sibi patrimonio per Vladislaum Regem, conformat se voluntari ipsius, Heduigi Reginæ, & Coronæ regni Poloniæ se cum omnibus bonis suis subijcit. Datum in Ostrowo die Sancti Dominici Anno millesimo trecentesimo nonagesimo tertio.

Anna Ducissa Lithuaniae pro Alexandro Vitoldo marito suo, Reginæ Heduigi cauet, eum omnia impleturum, quæcunque Vladislao Regi & regno promisit. Datum in Ostrowo die. vi. suprâ.

Theodorus Dux Vlodimiriensis, fatetur se terram Seueriensem à Vladislao Rege & Heduigi Reginâ & Regno Poloniæ ac Principatu Lithuaniae ad gubernandum suscepisse; promittitque se Regi & regno adhæsurum. Datum Vislicia feriâ sextâ post octauam Ascensionis Anno millesimo trecentesimo nonagesimo tertio.

Est præterea diploma Ruthenico idiomate scriptum cum hac annotatione: Quinque Duces Russiae Regno Poloniæ fidem suam obstringunt.



STANISLAI ZOLKIEVII

GENERALIS EXERCITVVM REGNI POLONIÆ

D. V. C. I. S.

*De bello Turcico Epistola deliberatoria,
ab Auctore in Latinum versa.*

IGILLVM Regni monile à Regiâ Maiestate Vestrâ fidei meæ concreditum, nolui committere huic periculo; ad quod subeundum non inuitus accingor. Explicavi alijs literis causas, cur omissis tutioribus fortiora consilia amplectar. In hoc Reipublicæ statu plerisque omnia in deterius interpretantibus, & obstinato animo recta consilia damnantibus, aliter fieri non potest. Privati quoque mei respectus eam mihi necessitatem imposuerunt, opprobria, detractiones (ad ferendum vel magnis animis molestissimæ) passim citra meam culpam in me iactatæ. Nunc etiam nisi Valachis petentibus suppetias ferrem, daretur occasio sermonibus maleuolorum quibus ego potissimum peterer. Eò res deuenit; ut aut (quod Deus largiatur) vinceamus hostes, vel (quod auertat) ille nos vincet. si (quod absit) aduersa Reipublicæ fors ceciderit, nolo superstes esse: diu id iam in votis mihi fuit, & volens extremum subibo fatum, pro fide sanctâ Catholicâ, pro Maiestate Vestrâ, pro Republicâ, licet ab hac laborum & periculorum eius causâ susceptorum gratitudinis loco opprobria retulerim; non possum tamen nisi optimè cupere Patriæ meæ. Eorum quæ optimo animo à me facta sunt, præmium in cælis me consecuturum confido. Quod si, ut spero, Deus nostris contra hostem conatibus fauerit, ad minus mordaces peritorum linguæ conticescent. Hæ sunt præter alias causæ, cur hoc consilium secutus sim, vniuerso consentiente exercitu: reliqua quæ euentura sunt, secreto Dei arcano continentur. Habes, Serenissime Rex, Domine mi, magnum negotium. Bellum cum Turcis non est ludus. Vel Turcarum conatus, qui ad nostræ Reipublicæ & totius orbis imperium adspirant, refrenandi sunt, vel tibi, si (quod absit) Respublica perierit, regnum amittendum. Illic, Serenissime Rex, oportet intendas vires animi & ingenij tui. Non desunt, fauente Deo, in hoc amplissimo regno rationes, modò eas amplecti velimus, his periculis obuiam eundi; sunt facultates tanto bello sustinendo pares. Argumento sint superioribus annis in vno pænè momento tot milliones pecuniæ coaceruati, quibus à milite foederato Rempublicam eliberauimus; præter extortam

ab ijs annonæ & victus nomine à subditis magnam pecuniæ partem. Huius tamen tam ingentis exactionis nullâ in Russia signa apparerent, nisi in locum eius perpetuæ Tartarorum illius prouinciæ populationes successissent. Tantò magis nunc cùm agitur de extirpatione cultus Dei nostri, id quod barbari intendunt, agitur de incolumitate & salute Reipublicæ, de libertate; denique cùm omnia quæ unicuique cara sunt in discrimen vocantur, non est parcendum fortunis & facultatibus. De modo & ratione huius belli gerendi iure meo dicere possum, me diuturnâ experientiâ aliquid affecutum esse: legi multa, in promptu habeo exempla plurima: possem aliquid consilij adferre, sed res non est eius epistolæ, tantæ molis minimè capax, præsertim cùm in conspectu sit hostis, & ego in ipso discrimine plura scribere non possim. Dico simpliciter, si Respublica Patria mea carissima, defensuo bello intra fines Regni, idque viritim imperatâ publicâ expeditione, eaque legibus in Comitij Electionis Henrici Regis circumscriptâ, Turcicum bellum sustinere decreuerit, actum est de nobis, perijmus. Quod si hostem, ditiones eius ingressi, adoriemur, & infestabimus; non est desperandum de victoriâ. Et quis scit an non is modus sit, quo Deus decreuit de hac barbarâ & abominandâ gente, pœnas sumere, & Christianos è turpi liberare seruitute? Mentionem fecit Illustris Dominus Palatinus Posnaniensis, in scripto typis euulgato, me viuente Rege Stephano conscius fuisse secreti consilij, de bello, quod ille Rex contra Turcas meditabatur, communicatis cum Sixto Quinto Pontifice Maximo, & Philippo Hispaniarum Rege consilij; Moschos quoque per Ioannem Petri Suyscium, arcanis practicis plerosque suis conatibus fauentes effecerat. Poloni (quantum mihi scire licuit) quatuor tantum eius consilij conscij fuimus. Nondum ea destinata ita maturuerant, vt Regni Ordinibus communicari & proponi possent; mors deinde Regis Stephani omnia hæc dissoluit. Ita tamen inter socios belli conuenerat: Rex Stephanus cum Terrestribus, Dux Parmensis cum naualibus copijs in Græciâ ad Hellespontum, siue Archipelagus, conuenirent, viresque coniungerent ac simul terrâ marique hostem oppugnarent. Per Valachiam nostris finibus vicinam propterea Rex Stephanus exercitum ducere nolebat, quod vereretur ne ab hoste, ripam Danubij tenente, transitu prohiberetur: quod nobis nunc minimè timendum; cùm tot Cosacos naualis rei peritos, qui Danubio cymbis constrato exercitum traducere possint, habeamus; quorum illo tempore vix centesima pars erat. In summâ is belli gerendi modus, ea vnica via salutis. Concludo hanc epistolam, tibi que Serenissime Rex, Dominum, valedico. Conscius mihi sum, idque ad Tribunal Dei mox compariturus, confirmo, me fideliter & syncerè Maiestati Vestræ seruiuisse: si quâ in re (homo enim sum) id quod debui non præstiti, veniam deus mihi Maiestas Vestra, & filium meum, si fortuna belli ei pepercerit, Regio patrociniocomplectatur. Deus Optimus Maximus Maiestatem Vestram

Sixti V. Pontificis Maximi de inferendo Turcis bello cum Stephano Polonia Rege consilium.

Vestram seruet in longæum tempus, ad propagandam gloriam nominis sui, & Rempublicam hanc augendam; denique Maiestatem Vestram sanctam vitam, participem faciat æternæ beatitudinis, ubi ipse viuit & regnat cum Filio & Spiritu sancto verus & æternus Deus. Bari in ipsâ ad ipsum exercitum protectione, die vigesima quinta Augusti Millesimo sexcentesimo vigesimo.

Maiestatis Vestræ fidelis consiliarius, & humillimus seruator, Stanislaus Zolkiewski Cancellarius & Supremus exercituum Regni Capitaneus.

E P I S T O L A,

Narrationem belli Turcici ad Chocimum gesti continens, ad GREGORIUM XV. Summum Pontificem, nomine SIGISMUNDI III. Polon. & Suecia Regis scripta.

CUM dubijs & aduersis rebus meis regnorumque meorum periculis, quæ ob illatum mihi à communi Christiani nominis hoste Turcâ bellum imminebant, Sanctitatem Vestram summo per de me fuisse sollicitam satis compertum habeam; ad illam etiam imprimis de præsentis rerum mearum statu referre volui: Magnum id equidem fuisse periculum, & maius reliquis omnibus, quæ unquam Respublica Christiana sustinuit, facile quivis ex eo collegerit, quod in perniciem meam, vel potius totius Europæ, duo potentissimi hostes Turca & Tartarus, ambo ingentium exercituum Imperatores, & debellati orbis terrores, vno eodemque tempore conspirauerint, vires coniunxerint, copias omni apparatu bellico ac eâ militum multitudine, quam nunquam hætenus Europa vidit, instructas, finibus ditionum mearum admouerint; eo animo, ut vno impetu, quasi nemo illis esset repugnaturus, omnia sub suam potestatem redigerent. Fateor, Beatissime Pater, me expensâ periculi magnitudine, meritò initio addubitasse, an solius regni mei viribus, vel primum hostis impetum sustinere possem. Videbam tot Reges, tot Imperatores ab eo hoste longè minoribus copiis cæsos, victosque, vel certè turpi conditione pace redemptâ acerbissimum barbaricæ seruitutis iugum subiisse. Caterum cum semper eâ voluntate fuerim, ut optarem, vel capitis mei periculo, omne Catholicæ religionis & communis salutis discrimen excipere; eo animo venienti inimico obviam eundum decreui, ut ille intelligeret rem sibi esse cum eo Principe, qui & superbi hostis minas contemneret, & armati potentiam non reformidaret. Exercitu itaque comparato, Ducibus ijs, quorum præclaram sæpius in re militari virtutem expertus fueram, mandavi ut in hostem ducerent: filium etiam meum Principem Sigismundum Vladislaum, summo cum imperio ad exercitum misi: ipse denique aduocato

Procerum regni consilio, comitijsque eius rei causâ indictis, vniuersis regni ordinibus adnitentibus, bellum totis viribus gerendum decreui. Maturauerat hostis aduentum suum, eâ vsus celeritate, vt non modò vsurpatæ à Tureis profectionis morem non obseruauerit; verùm etiam famam ipsam, nuntiosque omnes prauenerit. Id ita fore suspicati Duces mei, inuocato Dei nomine, exercitum Catholico more lustratum expiatumque, transmisso fluuio Tyrâ, qui meas hostilesque ditiones dirimit, in hostico collocarunt, castra, loco ad arcendum hostem peropportuno posuerunt, eaque vallo & aggere munierunt. Vix crediderat hostis suis nostrorumque viribus expensis, nostros vel comparere ausos, falsoque sibi renunciari existimabat, eos ultro obuiam processisse: cæterùm cum in conspectu vterque esset exercitus, quasi destinata sibi prædam conspicati barbari, ita clamore excitato in exercitum meum impetum fecerunt, vt non nisi victoriâ potiti pedem relaturi viderentur. Sed enim ea fides, constantia, & virtus meorum militum fuit; vt non solùm vanam barbarorum vociferationem contempserint, verùm patefactis portis temerè subeuntes, pecudum instar ceciderint, longè à vallo submotos, fugientesque in castra compulerint, cadaueribus hostium campos interiacentes strauerint. Irritauit ea res barbari iuuenis bilem, vt in eos quidem qui loco cesserant acerbissimis sæuaret pœnis, alios verò propositis ingentibus præmijs ad capeffendam pugnam alliceret: sed factò sæpiùs eius rei experimento, totiesque magnâ strage repulsis, & toto campo palatis Turcis cum appareret copijs tantùm eos superiores esse, cæterùm vbi ad arma ventum fuerit, & virum viro contuleris, non animo, non armis, non arte belli, non vigore aut viribus corporis parem Polono esse Turcam; ad alias conuersus artes barbarus, atque quò nostros eâ quâ abundabat multitudine circumueniret, longiùs à castris protrahere conabatur. Sed is quoque patuit dolus, nostri enim gnari quò hostiles tenderent conatus, explicatis sub vallo copijs, pugnae aleam se subire paratos esse ostenderunt. Ita cum hostes sæpiùs fusi fugatique propiùs accedere nollent; & nostri vicissim non nisi sub ipsis castris armatam explicatamque aciem tenerent, leui deinceps certamine res acta. Ad extremum fessi hostes, & spe deiecti, cum quotidie suos non in acie modò cadere, sed ex diuturno castrorum situ vulgatis passim morbis absumi, meque vniuersâ Nobilitate excitâ in itinere esse cernerent, primi per internuntios pacis mentionem fecere; superbis primò, vt barbarorum mos est, propositis conditionibus; mox ijs acceptis, quas eius rei causâ ab Ordinibus Regni destinati bellici Consiliarij tulerunt. Is exitus fuit tantorum conatum, quibus barbaries vniuersa in perniciem meam, regnorumque meorum hoc anno incubuerat. Recepit se Turcarum Imperator priorque ex campo (hæc enim vna ex conditionibus latis erat) suas subduxit copias; amissis præcipuis quibusque militibus, & belli Ducibus, amisso aut corrupto belli apparatu, victo similis. Sed ego Diuinum recolo

recolo & agnosco patrociniū, Deo salutē partam me debere profiteor. Scio me plenam non consecutum victoriam, sed tamen id adeptū quod hactenū Principibus Christianis in votis fuit: vt tantus hostilis apparatus frustra esset, & ambitiosis inflatus victorijs, tandem vincere dedisceret, atque ne palmo etiam terrā ē meis ditionibus adempto arma deponeret. Neque scio an in præsenti rerum Christianarum statu magis id optabile non fuerit, quā ipsā potiri victoriā: non enim is est Turca, qui semel victus vires resumere non possit: non armis, sed sæculis vincendus est. Eius rei documento esse possunt vel Romani Imperatores, de Hungariā cum illo ambiguo semper Marte certantes, vel potentissimi Persarum Reges totiam sæculis dubio euentu bella cum eo hoste gerentes. Descendissem ego in certamen socialium virium fiduciā, sed quā ex dubiā, quā incertā sint, quā periculosē ijs credi possit, animaduertit Sanctitas Vestra. Ardet internecino bello Germania vniuersa, ac Hungarię Bohemięque vicina regna. Serenissimus Imperator Romanorum, cognatus & affinis meus, ita domesticis distinetur armis, magis vt ipse auxilio egeat, quā vt alteri opitulari possit. Cæteri Principes Christiani, vel à nobis imminentique ditionibus nostris periculo remoti, vel priuatis bellis occupati, nihil certi pollicebantur. Sanctitas Vestra ipsamet tot periclitantis & penē labentis Reipublicę Christianę distracta curis, quantum præstare posset, iam antea mihi declarauerat. Continuis præterea bellis, & acceptā superiori anno clade, vires regni mei accisę; in comparando quoque nouo exercitu, bellicoque apparatu ita exhaustę erant, vt maioribus ijsque diuturnis expensis minimē suffecissent. Ab alterā parte Suecus perduellis meus, Hæreticus, idemque Turcarum iuratus socius, traductis per mare copijs, Liuoniam iuris Polonici prouinciam hoc ipso tempore infestabat: demum à rebellibus Cæsareis, ijsdemque Catholici nominis hostibus, Hungaris, & Bohemis, omnia suspecta erant. Pacem itaque pacisque conditiones à meis præscriptas, & à Turcā acceptatas probaui. Factum meum is reprehēderit, qui à periculo remotus, alieno discrimine famam fortitudinis captare vellet. Sanctitatem Vestram non dubito in optimam partem accepturā pro publicā salute sollicitudinem meam, & eam quam secutus sum conseruandi mei regnorumque meorum status, consiliorum rationem. Filius meus Princeps Vladislaus, ita in hoc bello versatus est, vt eius virtus hostibus ipsis admirationi fuerit: hæc sunt Regię eius indolis rudimenta, hæc heroici animi facinora; quæ ille tot iam bellis exercitatus, & ad virtutem formatus, Reipublicę Christianę & imprimis Catholicę religioni iuuandę, deinceps deuouet. Hunc ego ex me natum, ijs eruditum monitis, quæ ad salutem publicam curandam pertinent, præceptis paternis obsequentem, & nomini Catholico deuotum, Sanctitati Vestrę tanquā communi parenti filium commendo. Viuat in sinu Ecclesię sanctissimisque Sanctitatis Vestrę benedictionibus cumulatus, totum se publicę

publicæ utilitati impendat. In eam spem & reliqua mea succrescunt soboles, & ego ipse quâ mente iuuenis fui, & nunc prouectâ ætate idem sentio; dulce, decorum, & optabile esse pro religione Ecclesiæque Catholicæ mori. Eâ voluntate ut reliqui quoque Principes Christiani sint, consentientibusque studiis ad salutem communem tuendam incumbant, ego & opto imprimis, & me, quotiescunque res poposcerit, & securæ sacri fœderis proponantur conditiones, si non ducem, socium certè rei gerendæ fore polliceor. Quod reliquum est me, regnæque mea gratiæ Sanctitatis Vestræ diligentissimè commendo.

Imperatori Romanorum FERDINANDO II. de eodem bello relatio, facta à SIGISMUNDO III. Polonia & Suecia Rege.

GRAVIS quædam periculossimi belli tempestas, & proximè superiori & hoc anno incubuerat regnis ditionibusque nostris, vniuersâ propè barbarie ad inferendum nobis bellum conspirante. Iam antea certiore feceramus Maiestatem Vestram, quantum ex eo nobis, quantum deinceps vniuersæ Reipublicæ Christianæ impenderet periculum, cuius etiam admonueramus præcipuos quoque Christianos Principes. Atque utinam nostra ad extinguendum commune incendium, apud omnes, cum quem deberet habuisset locum cohortatio, iam dudum ij qui Maiestati Vestræ rebelles sunt, positis armis ad officium rediissent: & si cæteri Principes ad animum reuocassent, dum nos bello petimur, ijs quoque par mox imminere supremi exitij & barbaricæ seruitutis discrimen, Turcicæ res temeritate huius, qui nunc isthic rerum potitur, si maturè & seriò id à reliquis Principibus Christianis animaduersum fuisset, fatali periodo succubissent. Scimus Maiestatem Vestram toto hoc tempore fraterno affectu sollicitam fuisse de statu nostro: nam hoc coram eo qui legationis munere nostro nomine apud Maiestatem Vestram nuper functus est, & sæpè per internuntios literasque declarauit: & procul dubio omnia quæ à supremo rei Catholicæ Præsidente in tali rerum statu expectari poterant, auxilia Maiestas Vestra præstitisset, nisi ob domesticorum perduellium arma, eam curam quam publicæ saluti debet ad priuatum statum dignitatemque tuendam referre coacta fuisset. Nos itaque deserti ab omnibus, solius huius regni viribus, ingentis huius & periculosi belli molem sustinendam suscepimus, & Deo nobis opem ferente sustinui-
mus. Quantis viribus iuratus Christiani nominis hostis nos aggressus fuerit, quàm ingentes exercitus finibus nostris admouerit, vix ij credent qui remotiores sunt: Maiestati Vestræ ea res ignota esse non potest, cum internuncius Maiestatis Vestræ, qui in aulâ Constantinopolitanâ versatur, magnam partem earum copiarum ac bellici apparatus viderit. Tantus certè fuit exercitus quantum hætenùs trecentis istis annis, ex quo Ottomanica potentia Christianis innotescere cœpit, vix vnquam Europa viderit,

derit, idque vel ex eo conijci potest, quod duo terrores orbis Turcarum & Tartarorum Imperatores in vnum coierint, exercitus coniunxerint, & amplissimas ex tota barbaria collectas vires, Valachicis Moldauicisque auctas copijs in vnum contulerint. Contra tantam vim & truculentos immanium hostium conatus, nos vicissim primo vere comparatum exercitum, maturè expedinimus, viribus quidem & numero longè minorem, sed ad omnem subeundum casum animo parem. Ac vt & subditis nostris & vniuerso orbi constaret, nobis in tali casu nihil antiquius fuisse publica salute; filium nostrum Serenissimum Principem Sigismundum Vladislauum, Maiestatis Vestrae sororium, ad subeundum primum discrimen belli morandisque hostiles successus, & vt nostro nomine exercitui praeslet milimus, ipsi subinde vniuersa Regni Nobilitate viritum euocata subsecuturi. Cum verò ij quibus secundum filium nostrum cura exercitus à nobis mandata erat animaduertissent, hostem celerius quam quiuis suspicari potuisset traiecto pontibus Danubio Valachiam exercitibus suis, vt in fines nostros crumperet, impleuisse, ipsi quoque Tyrà fluuio, qui nostras, Turcicasque ditiones dirimit superato, loco satis tuto & opportuno castra, quā hosti Cameneciam oppugnaturum transcundum erat, posuerunt, eaque vallo modico fossaque cinxerunt: eo animo vt vel pro castris explicatis copijs pugnae copiam hosti facerent, vel si maior vis ingrueret intra munitionem, (intra quam etiam Chocimum, arcem exigua illam quidem, sed naturā propè inexpugnabilem, quæ antea iuris Turcici fuit, receperant) se continerent. Et hostis nihil moratus vltimis Augusti Mensis diebus, castra sua nostris admouit, victoriæque & praeda certus, vniuersis copijs ea oppugnare adorsus, tantā mox acceptā calamitate à nostris reiectus, & in sua castra repulsus est; vt promptissimo quoquo è suis amisso animaduerteret, cū viris fortibus rem sibi esse. Cumque iterum & deinceps sæpius, vt mos barbaris est, assultibus terreret nostros, neque tamen iustā acie decertare vellet; postremò quadraginta & aliquot dierum continuis, ijque non leuibus, velitationibus fatigatus, plurimis & in oppugnatione castrorum campestribusque congressionibus, & fœdā quæ exercitum barbarorum inuaserat lue amissis, speque eā, quā & exercitum nostrum vno impetu se deleturum, & finitimas regni nostri munitiones expugnaturum superbè crediderat, deiectus, primus per internuntium vt vtrumque suspensis armis de pace ageretur poposcit. Audierat iam nos in itinere esse, & eum quem vniuersa Regni Nobilitate excitā paraueramus ducere exercitum; quæ res ne à nostris qui in Castris erant sciri posset, interclusis omnibus itineribus curauerat. Itaque ij qui neque de aduentu nostro certi aliquid comperit habebant, & licet iam in itinere nos esse suspicabantur, seriùs tamē nos venturos sciebant, cū hostis eas quas nostri ferebant, & quibus hactenus inter Poloniae Reges Turcarumque Imperatores pax lterit, acceptaret condiciones; & cū denique à nobis & vniuersis Regni Ordinibus

nibus id ij quibus summa rei commissa erat, in mandatis haberent, ne in præsentis rerum statu oblatam pacem aspernarentur; fecerunt id nobis quidem inconsultis, ut satis æquis conditionibus cum hoste transigerent: ea inter alias adiecta, ut hostis, ne pax extorta videretur, prior castra moveret, exercitumque abduceret. Itaque die nona Octobris ambo Turcarum & Tartarorum Imperatores, pactis iureiurando confirmatis, abducto exercitu è conspectu nostrorum abierunt. Neque sanè nos existimamus quenquam benè sensatum, & præsentis status totius Christianitatis gnarum improbatum hoc consilium à nostris susceptum, & per nos comprobatum: id enim reliquum erat, ut etiamsi noster exercitus diutius sustinisset hostes, ad extremum irritatis animis discederetur, nosque bellum haberemus: & vel exercitum magnis, & ijs quibus accisæ continuis bellis regni nostri copiae pares non essent impensis, in hibernis retinere, vel certè Tartaris maiorem ditionum nostrarum partem vastandā relinquere coacti fuisset. Paranda iterum erant alia arma, noui in ætatem scribendi exercitus, nisi fortè quis inani socialium armorum & subsidiorum spe nos lactare voluisset. Sed enim & Maiestas Vestra imprimis ita domesticis distinetur bellis, ita impijs perduellium subditorum oppugnatur armis, ut suo arbitrio rem gerere integrum illi non sit: & reliqui Principes Christiani non satis intelligere videntur, quantum periculum ijs, si (quod absit) nos succubuerimus, si is Sarmaticus paries qui hætenus immani barbariei ne se totis in perniciem Europæ effundat agminibus obstitit, corruerit, immineat. Quanquàm non tantoperè istam pacem fœdusque ietum efferimus, ut ei plurimum confidamus: scimus à barbaris pacta, etiam iurata, temporibus accommodari; scimus fluxam & dubiam eorum esse fidem. Interim tamen dum vniuersus Christianus orbis bello civili & domestico distinetur: dum nusquam auxilia conspiciamus, dum à plerisque inuidis, & nostræ cum Maiestate Vestrâ coniunctionis, & imprimis Catholicæ religionis osoribus, nos aperto bello peti, & in perniciem nostram, regnorumque nostrorum consilia cum barbaris, societatemque belli nefarij iniri animaduertimus; dum denique & alijs & hoc bello fessi, & exhausti, ad resumendas vires aliquantisper quiescendum nobis ducimus, pars consilij fuerit, honestæ pacis prætextu ita cum barbaris transegisse, ut ij tamen iam experti quid nos armis possimus, non ita promptè in posterum suo arbitratu nos bello petant. Erit aliud tempus, alia occasio, quam dudum vniuersus orbis Christianus expectat, eamque dari votis desiderijque exoptat, quam barbaricâ seruitute fratres nostri pressi præstolantur; cum Principes Christiani, positis civilibus armis, seriam cogitationem de extirpandâ hac nefariâ impiorum hominum peste suscipient. Imprimis autem Maiestatem Vestram ea cura & sollicitudo maximè condecet, tum quòd pro eo loco quem in Republicâ Christianâ tenet salutis publicæ præcipuam debeat tutelam, tum verò quòd ipsa, regnaque ipsius hæreditaria,

ditaria, æquè ac nostra, serpenti latè incendio, barbaricæque immani regnandi cupiditati maximè obnoxia sint. Nos sibi is hostis destinar, non prædæ modò & proferendi imperij causâ, verùm quòd satis exploratum habeat, si vel Poloniam (quod Deus auertat) subiugauerit, se in penetralia Germaniæ & transmarina etiam regna facilem aditum habiturum; vel si reliquias Hungarici regni sui iuris fecerit, non magno negotio reliqua adiecturum. Ad nos quod attinet, si ita acciderit, ut nos primos impetus hostis excipere necesse fuerit; non recusabimus supremum subire discrimen, nostroque periculo publicæ salutis fortunam experiri. Quod quidem in eo quo proximè perfuncti sumus periculo, promptè & nos præstitimus, & Serenissimus Princeps Vladislaus filius noster, qui impetum hostilem primus sustinuit, & qui in acie ipsâ contra barbaros stans Orbi vniuerso testatum fecit, sibi vitâ ipsâ cariorem esse salutem & dignitatem Reipublicæ Christianæ.

De Statu rerum Polonicarum ac militari confederatione, quæ Anno MDCXXII. accidit, Dissertatio, & querela.

INTEMPERANTIS iudicij fuerit, profiteri se scire omnes causas præsentium calamitatum, quibus Sarmaticus noster orbis iactatur; latent illæ in arcano Dei secretario; nos ignari pœnas pendimus, vel, ut Christianè loquar, patientiæ rudimentis imbuimur, & exercemur. Caterùm nemo vitio verterit, si quis priuato studio & patriæ afflictæ amore inquirere velit, non illa arcana quæ nostram fugiunt notitiam, sed hæc quæ cuius nota & obuia sunt: scitum est enim Deum ipsum hæc immittere flagella arbitrato suo, sine optimo. Quid enim aliud à summo bono proficisci potest? Ita tamen eundem hæc ipsa moderari, ut ratione & discursu quibus indagare possit: fontem & originem malorum, quæ semper emanare solent vel ex publicis, quibus impunè Diuina Maiestas læditur, sceleribus, vel ex eorum qui Reipublicæ præsunt erroribus. Ac regnum quidem vel Respublica nulla adeò felix fuit, ut omnino careret ijs, qui priuatis in Diuinas humanasque leges actionibus committerent: ne illa quidem Hebræa gens à Deo electa, sanctificata, & legibus diuinitus datis erudita, immunis fuit ab hoc hominum genere, illo etiam tempore, cum penè præsentem quotidie cerneret Deum, cum cælesti cibo pasceretur, cum paternè ab eo foueretur. Sedenim nihil deterius fieri potest, quàm si cuius impunè peccare liceat, si soluta frænâ legum auaritia, in fortunas, sæuitia & libido in corpora palàm grassetur; si deterrimus quisque tantum audeat, quantum ei libitum fuerit. Id verò est quod omnis execratur barbaries, viuere ferarum more, ut illi prisci, qui passim culta incultaque loca peruagantes vnguibus & pugnis, dein

fustibus , atque ita porrò *pugnabant armis , quæ post fabricauerat rursus.* Expendamus paululùm statum Reipublicæ nostræ. Inconsultus libertatis amor, dum iidem leges ferunt, qui pœnis obnoxij sunt, & impunitatis desiderio, iuris, quo tot seculis patria stetit, conuellunt fundamenta , nos eò redigit, vt liberi pessimo cuique seruiamus. Nulla legum, nulla magistratus reuerentia , nulla posteritatis verecundia : tantum quisque audet quantum habet virium. Dudum iam agricolas miseros aspero seruitutis iugo pressimus , nunc ijs orti vicem nobis rependunt , armati & militiæ adscripti lixæ calonesque in nos sæuiunt : egentiores hæcenus potentiorum erant obnoxij iniuriæ, hi dum frustra implorant tarda legum subsidia, nunc agmine factò graues sunt omnibus , nec iure sed vi rem reperiunt. Quanquàm ferendum esset , si læsi tantùm suas vltimùm irent iniurias : non ij qui innoxij sunt, tantas darent pœnas : non plebs culpæ omnis expers , fortunis ante alios exueretur , ad supplicium deposceretur, rapereturque. Sed perturbato statu legibus quondam firmatæ Reipublicæ , non mirum si nullo ordine fiant omnia , si non fontes , sed ij qui magis iniuriæ obnoxij sunt , potissimùm petantur ; si scelerata manus sacra priùs quàm profana impio ausu contamine. Dico & prædico ijs, qui nunc alienas calamitates securi intuentur , fore mox tempus cum eadem in illos redundabunt. Omnium rerum vicissitudo est ; nunc hi, nunc illi sub incudem tribulationis mittuntur : nec finet æquus rerum arbiter , vt parte vnâ saluâ altera exitio detur. Peccauimus omnes , omnes etiam subituri sumus pœnas : nunc fluunt egentiorum lacrymæ, squalidi Sacerdotes visuntur & gementes : à domo Dei exoritur Diuini iudicij vindicta : sed istæ lacrymæ vnum petunt fontem , ex quo bibent omnes peccatores terræ : ac ij potissimùm qui dum possent his malis obuiam ire , non iuerunt. In nullius iniuriam dictum velim, dicendum est tamen , malè à plerisque accusari leges nostras ; quanquàm enim perniciosus (vt ita loquar) rogationibus & scitis vigor earum eneruatus sit ; cæterùm tenenti imperij habenas & prudenter eas moderanti, haud arduum fuerit his ipsis legibus, addo & libertate saluâ, nauis Reipublicæ cursum salubriter moderari. Sedenim dum placidi regiminis normam vsurpamus, nec timemur, nec amamur : hisque sublatis licentiæ retinaculis , toto impetu fertur rapidus torrens improbitatis. Olim ressecanda erant hæc vlcera , nec malo fauore blandiendum improbis : spectauimus adulteria , periuria impunè fieri : fuitne quisquam nostrum qui hæc crimina lege & pœnis coërceri peteret? Iam nundinationes iudiciorum & corruptelas , Senatorum artibus tractari , publicas in fauorem vnius ad perniciem priuatæ personæ leges publicâ comitiorum auctoritate ferri , bonis omnibus gementibus vidimus. Casta fortè & integra sunt Comitij iudicia : sed vbi apertior fauor , vbi perniciosior dissimulatio inualuerit , publica scelera an
ex

ex præscripto legum puniendâ sunt deliberatur : non quod res non li-
 queat, sed ut peccati moræ iudicialis ij, qui implorant deterreantur.
 Inter tot lumina Regni lecti Senatus, fauor apertus, si amici causa inci-
 derit, si de facto con sanguinei quæritur, gratia imprimis locum habet:
 nec pudet suprema potestatis iuratos Iudices, dispendio existimationis
 palam alienæ culpæ invidiam ultroscibile, deprecari crimen, excusare
 scelus, denique ut manifesti flagitij conuicti rei videantur innocentes,
 sunt nocentes Iudices. Illud ipsum sacrosanctius Regni Tribunal quàm in-
 cestum, quàm perniciosum sit, nemo non videt. Imprimis ambitio in
 legendis Iudicibus manifesta, privatarum causarum patroni & prius-
 quàm iudicijs præsumt iam empti & corrupti iudices destinantur. Vidi-
 mus non pecuniâ modò, sed illecebris etiâ, ne dicam stupris nobilium
 matronarum sententias addici, adolescentes imperitos, iuris ignaros, im-
 petuosos, suo lucro, suæ libidini addictam habere vitam, honorem, for-
 tunas optimi cuiusque, & annuo illo regno ita innoxijs grates esse, vel
 vel iniquissimâ contumacia transigere potius expediat, quàm iustissimam
 etiam rem iudicio eorum permittere. Regiæ Curia iudicia si modò ex-
 pedita essent, si istis quoque lites ob Principis occupationes facilius ad
 iudicium admitterentur, longè reliquis integriora censeripossent. Quan-
 quàm & ea nimiam Præsidum iuris usurpatione, & arrogantiâ exasperari
 nonnemo queritur, sed cum peruersâ iudiciorum normâ, omni iniusti-
 tiâ, omni iniuriæ aditus pateat, cum passim innocentium fama & fortu-
 nâ calumnijs obnoxia sint, cum impunè grassetur libido, dominetur
 licentia, ij qui curam salutis publicæ se gerere iactant, omnia alia accu-
 sant, & hæc quæ cuius nota sunt dissimulant: at certè si rem certè expen-
 deris perniciosi morbi originem, quo patria nostra laborat, ad vnum cor-
 ruptelæ iudiciorum fontem facile reduceris. De Rege eiusque munere *Causa præci-
 pua malorum
 in Poloniâ,
 corrupta iu-
 dicia;*
 non est meum disquirere; sacrum id nomen & venerandum, nec temerè
 in suspicionem vel inuidiam vocandum. Errant qui mutatione Princi-
 pis statum Reipublicæ corrigi posse existimant: quem enim alium repe-
 riant omnis prorsus expertem culpæ? arma felicius & expeditius tracta-
 bit, sed ab armato periculum libertati imminebit: liberalior erit, sed
 patrimonium Reipublicæ profundet: in explicandis consilijs cunctatio-
 nem non adhibebit; sed idem mox, temeritate pessundabit: denique
 blanditijs & speciosis munusculis, verborumque illecebris dementatis
 animis subditorum, crudelitate Neronem, impietate Copronymum, fla-
 gitijs Heliogabalum, referet. Postremò illud menti infixum sit, Reges
 diuinitus dari, nec depelli posse, nisi Deo annuente, errores eorum fe-
 rendos esse, ut reliqua quæ fortuito cuenire solent. Sed profectò frustra
 queri videmur, in plerisque decesse muneri suo Regem; cum ille in omni-
 bus à Senatus arbitrio dependeat; nihilque suscipiat, nihil nisi ex com-
 muni omnium sententiâ decernat. Caterum in consilijs suscipiendis tra-
 ctandisque, non quid Reipublicæ expediat, sed quid priuatim commo-
 dum

Militaris
austriaca.

dum sit, ab alijs spectari manifestum est. Illud vinaculum, quo salus rectè gubernatarum ciuitatum nititur, nimirum amor publici boni, procul exulat, nec in Patriâ nostrâ locum habet. Nemo gratis esse probus vult, nemo nisi emptus nauare Patriæ operam: omnes præmium experiri, nullus laborem: auctorati ciues ære, non amore, Rempublicam spiam perinde curant, vt alienum, scilicet mercenariâ fide & animo. Equestris & militaris ordo in obeundo munere, in bellis gerendis, non militare decus, non ex victo hoste spolia, non insignia gloriæ, sed domesticam cogitat prædam: hac saginatus prodit in aciem, hanc in castris tacitâ conspiratione sibi ante omnia deuouet, & antequàm mereatur, in immensum aucta stipendia numerat. His rudimentis tiro imbuitur, idem veteranus audaci temeritate vsurpat, lixæ denique & calones ceteræque castrenses fordes id impijs votis præsumunt, vt bello quoquo modo finito, conspiratione factâ, alienas fortunas prætextu hybernæ stationis abligurare, & ciuium facultatibus ditescere liceat. Vidimus nostro seculo ditissimum Moschouæ imperium expilatum à milite nostro, tot sæculis congestos thesauros in prædam ei cecisse, nihil tamen eorum in Patriam relatum; egentes & nudos excessisse homines nostros, & quâ facilitate opes quæsierant, eadem illas ipsas prodegisse. Nuper quoque Hungaria, Bohemia, Silesia, Austria, etiam prædæ nostris fuerunt: iidem tamen mox longè egentiores, quàm eò profecti erant, domum inde redierunt, inopes ac famelici. Proximâ æstate miles noster septem circiter menses in cogendâ annonâ exegit, mox non nisi per vnum mensem in castris parum castis habitus adeò acrem sensit famem, vt maior pars exercitus eâ interierit: non quòd id quod opus erat, & eo amplius, non habuerit, sed assuetus rapto viuere, & corrumpere annonam, eadem ratione corruptâ castrensi disciplinâ quæsitâ prodegit, vt iterum auidius aliena rapiat prodigatque. En nunc tot mensibus reparat vites, haurit & deglutit Reipublicæ patrimonium, sacræ profanæque opes ei in prædam cesserunt, pecunia omnis eò congesta publicè & priuatim imperata, tributaque exacta. Voraginem potius & immensam Charybdim dixeris, quàm homines; nam hi iam dudum tot rapinis expleti satiatiq; fuissent, & vel communis humanitatis reputatione, calamitatibus aliorum hominum eiusdem linguæ, eiusdem gentis, concuiam suorum indoluissent: hi acerbiores indies crudelioreſque cædibus, flagitijs, expilationibus, grassantur; nec iam quærunt an sit quod rapiant; extorquent potius & abradunt, non quæ in vsum cedant, sed vt calamitatem calamitati accumulent, idque præcipuè spectare videntur, vt quàm pessimè de genere suo & de patriâ mereantur. Vnde isti nati? quâ gente? quo sanguine? quibus imbuti disciplinis? facinora expende, animumque immani crudelitate ferocientem, dices barbarorum esse progeniem, nam maiores nostri longè aliter animati arma tractabant. Experimento comper-
tum est, quoties ij vicinis externisque vel Hungaris, vel Germanis misceren-

miscerentur, benigniores, mitioresque cæteris se præbuisse: ut præ aliis soli exuta omni barbarie Christianis moribus imbuti esse viderentur. Et tunc nullæ leges erant quæ modestiam militi imperarent, nunc postquam ex tanto numero in publicâ monumenta relatae sunt, cum plena legum militarem disciplinam iubentium & præscribentium volumina habeamus, omnia in peius ruunt, & immanis crescit licentia. Mores nempe alios induimus, & externâ feritate imbuti, à priscâ humanitate recessimus: & cum antea non tam disciplinâ, quàm ingenij & naturæ bonitate præclare nos gereremus, nunc iis quæ in nostros feruntur mores legibus efferamur, & cum contra eas nitimur, immanitate omnem barbariem superamus. Neque est cur id crimen parentibus imputemus, quasi nos vitiosiores genuerint: aliunde & alio fonte hæc deriuata perniciēs animos gentis nostræ infecit: quamdiu apud nos viguit auctoritas Principum, legitimique Magistratus potestas, erat quoque vel inter ipsos milites certamen virtutis, studium pietatis, amor Patriæ, adipiscendi per recte facta honoris desiderium, animus nobilis, & ingenua quædam benè de salute publicâ merendi cupiditas. Sed qui primus militi maius stipendium numeravit, eum corruptorem bellicæ disciplinæ dicere fas fuerit. Necessitas eò impulit plerisque dum post excessum primum Sigismundi Augusti, deinde Stephani Regum res ad interregnum rediit: sed prius illud sine armis solâ disceptatione civili transactum est, & citra belli discrimen stetit; in hoc posteriori ita partium æmulatione, vel potius ambitione certatum est, ut ne ipsa quidem Regis electio, nisi ab armatis & infestis institui transigi que potuerit. Sic dum vtraque factio vires copiasque quibus se muniat, auget, licitationi occasionem dedit militum ad incrementum stipendij flagitiose signa transferente, maximè quod ij qui Austriacum Archiducem fouebant Germanicis opibus abundare exultarentur. Hoc inescatus lucello miles, ne in aliis quidem bellis augendi stipendij cogitationem deposuit, hincque ortum habuit prima illa conspiratio; præsertim quod plerique (quia eis non benè cum Rege conueniebat) ambitiosius quàm par fuit fouisse militares conatus existimati sunt, patiente & ferente Principe. Crescebat interim militaris audacia; maximè posteaquàm primæ conspiracy auctori id impune cessit: dixerat is causam in Comitibus, sed dum alius in alium confert culpam, & nonnullis non ingratis esset, Ioannis Zamoscij Regni Cancellarij, eâ ratione infringi potentiam, non tam absolutus quàm iniudicatus discessit, pessimo & pernicioso ad posteritatem exemplo. Mortuo deinde Zamoscio, per occasionem Rocossiani tumultus plurima militi indulta, id etiam permissum, ut publicis consultationibus misceretur: id verò incitamentum fuit seditiosis animis ad augendam audaciam, adeò ut cum Rege præsentem ad Varcam pugnandum esset, palam flagitauerint rem controuersam suo iudicio permitti, Regiumque & Senatorum capita sui iuris & arbitrij ut essent. In tantum certè ea seditio creuerat, ut nisi statim

*Quo tempore
& quare
maius stipen-
dium militi
concessum.*

petentibus id concessum fuisset, Regem & Senatores contrariæ factioni prodituri viderentur; sed prudenter, quamvis inania postulantibus indulgendo elusa sunt militaria studia, ac sequenti die aliquot seditio-
nis auctoribus supplicio affectis corruptæ disciplinæ consultum. Secundum prælij ad Gufoniam commissi euentum, cum varia spectaret miles, ea spe aliquantisper hæsit, quod crederet bona aduersæ factionis prædæ cessura. Interim nata Moschouitici belli occasio distraxit coalescentes occasiones. Pars magna, Ducum priuatorum suasu, ad ficti Demetrii famam militiæ nomen dedit: quod inconditâ multitudine, & quidquid maximè turbidum & seditiosum in utroque exercitu fuit, concedente, Respublica veluti sentinâ leuata aliquantisper respirare potuisset; nisi mox publico quoque regni nomine bellum Moschis inferri placuisset, non antea legitimè ad calculum deductis impensis, quibus tantæ molis res perficienda foret. Hinc sæpè importunè flagitatum stipendium dilatumque: spe etiam stipendiorum illecti illi qui Demetrio militauerant: denique tot promissis largè militi factis, onerata Regia & Reipublicæ fides, ut modum omnem excederet. Et quamvis ij qui Regi Smolenscum obsidenti à consiliis erant, cum ab illis ratio promissorum peteretur, dicerent, ita Regiam fidem obligatam esse, ut præcipua stipendiorum pars ex ærario Moschouitico peteretur; tamen miles æmulatione & discordiâ Ducum exacerbatus, conspiratione factâ signa infesta Patriæ intulit, promissaque stipendia per vim solidè exegit, ac impunitatem sceleratæ coniurationis pari ratione extorsit. Nec postea cum ij qui capita factionis erant in ius vocarentur, eâ quâ oportuit seueritate in illos animaduersum; nonnullis contendentibus fidem datam seruari oportere: aliquorum tamen famæ nota iniusta, magis noxij appellati quidem, ut facti perniciosi rationem redderent, sed vel in ipso Senatu non deerant, qui tanti criminis reis patrocinaarentur. Aliquot deinceps intercesserunt anni, cum semper miles memor rapinarum idem spectaret, idem affectaret, ut conspiratione factâ ius fasque omne exueret. Sed dum viueret Zolkieuius, idem acerrimus talium factionum osor & impugnator, idemque ultor metuebatur; hinc pessimi cuiusque ortum in eum odium, causam quoque exitio tanti viri præbuisse existimari potest. Eo cæso cum primum bello Turcico urgente miles ad signa vocari cœpit, nulla alia vox magis frequens fuit, quàm confœderatio: eam non infimus quisque tantum, sed præcipui in ore habebant; illi etiam qui eam horrebant, vel se horrere simulabant. Nondum exactè putatæ erant rationes, quantus exercitus esset futurus, quibus impensis colligeretur, quanto tempore bellum esset duraturum, & tamen conspiraturos milites, vix aliquis erat qui non auguraretur. Sed ecce opinione omnium celerius confecto bello multum superesse patuit collectæ ad impensas eius belli pecuniæ. Magna ea erat communis lætitiæ accessio,

accessio, quod & duo nominis Christiani hostes, vel terrores potius, incassum, nec sine suo damno nos lacerauerint: & Respublica soluta omni aliâ curâ nihil militi deberet, imò ad alias etiam expensas satis prouisum esset. Verùm infederat animis multorum expedire, ut miles con-
 spiratione factâ nouum aliquid flagitaret: posse eadem ratione Re-
 gem in ordinem redigi, & interim tale aliquid euenire, quod res no-
 uas cupientibus commodum esset. Sensit id miles, & in castris adhuc
 non obscurè præsetulit, quid animo volueret: nec deerant rationes
 impediendæ tam nefariæ conspirationis, si vel vnus fuisset, qui curam
 ei rei impenderet. Præerat exercitui Stanislaus Lubomirscius Pocilla-
 tor Regni: secundâ famâ, & vera reputantibus conseruati exercitus & rei
 gestæ illi palma debebatur; nam Chodkieuicio cùm summa rei com-
 missa fuit, socium laboris Rex ei addiderat Lubomirscium: mortuo
 verò Chodkieuicio, in illum omnis cura incubuit, qui Turcis pacem
 vel poscentibus vel offerentibus, Castrensis consilij sententiam secu-
 tus, acceptauerat. Quæ res cùm Regi & plerisque aliis parum grata
 esset, vulgoque iactaretur, si res seriò acta fuisset, debellari potuisse,
 factum est ut curâ exercitus in alios translatâ, coiret nefaria conspira-
 tio, cui pauci imprimis maximè seditiosi nomina dederunt: & in iis
 qui à Rege ad soluenda stipendia, exauctorandumque militem missi
 fuerant, non erat ea auctoritas, ut gliscentem coniurationem cohibe-
 re possent. Tum verò vniuersus exercitus, postquàm primis coniura-
 tionis auctoribus cuncta impunè cessisse, plerosque è proceribus fau-
 tores adesse, multos è Nobilitate res nouas poscere animaduertit;
 spretâ Regis & legum maiestate, specioso nomine quasi Reipublicæ
 statum reformaturus, nefariam conspirationem init; Alexandrum Ko-
 uenecium, iam antea priori conspiratione prædis publicis inescatum
 & iisdem inbiantem, ducem legit; Magistratus item nouos, consilia-
 rios bellicos, iudices, è corpore suo constituit, armatas cohortes per
 prouincias spargit, Regiis Ecclesiasticisque colonis ut quisque iugera-
 tim decem florenos soluat, imperat, imperatumque tam inmensum
 tributum, ad amissim cum incremento duorum florenorum, quos
 impij exactores victus nomine sibi deberi confixerunt, per vim extor-
 quet: grauissimis præterea exactionibus, concussionibus innoxiam
 plebem mulctat: denique iam securitatis certus leges Regi & Reipu-
 blicæ præscribit, se non quieturos, nisi quina stipendia trimestria sibi
 soluta fuerint; ea sibi deberi, quod vallum castrense præter morem
 Equestri militiæ tutatus fuerit, multa passus, multis damnis affe-
 ctus: postulare præterea ut Comitia indicantur, in quibus & impu-
 nitas conspirationis sanciantur caueaturque, & leges ad discipli-
 nam militarem conseruandam olim latæ abrogentur, Respublica &
 Nobilitas maioribus libertatibus augeatur, rationes exactorum tri-
 butorum à publicis Quæstoribus reddantur, Regis Senatusque pote-

Stanislaus
 Lubomirscio
 rei ad Choci-
 mum contra
 Turcas gesta
 gloria debe-
 tur.

Militaris
 conspiratio
 quomodo
 coalescit.

*Quomodo
finita.*

stas circumferibatur. Cum eiusmodi denunciatoriis mandatis missi ad Regem Nuntij permouerunt demum aulicum consilium ad seriam de publicâ salute suscipiendam cogitationem. Sed circumspicientibus cuncta, deerant aliæ rationes sedandæ multitudinis, nisi vt præcipuos quosque eorum promissis allicerent, Stanislauum Lubomirscium aliosque huic turbulento negotio componendo adhiberent: ita per Nuntios Regios gratiosis diplomatibus largitionibusque delinito animo pessimi cuiusque id impetratum, ne miles Regios reditus, quemadmodum iam destinauerat, interciperet: & vt non alienum animum à concordia ineunda se gerere ostenderet. Lecti Senatus Principes qui eius rei curam susciperent, sed plerique detrectauere negotium, quod desperarent aliquid effici posse: & fortasse erat nonnemo, qui non ingratum haberet eam con-
spirationem, grauem Regi, perniciosam Ecclesiastico ordini. Kiiouien-
sis & Lublinalis Palatini, aliquot præterea ex assignatis à Rege, vene-
runt Leopolim, cum militibus acturi: sed præcipua in Lubomirscio vis,
qui & partâ proximo bello auctoritate, & priuatis largitionibus peruenit
vt miles certis conditionibus se in potestate Regis futurum polliceretur.
Conditionum hæ præcipuæ: tertium trimestre stipendium exercitui vt
vltra id quod promeruerat solueretur; impune id fore quod exercitus
conspirasset Principes Senatus vt cauerent, Rexque ipse id ita fore Regio
verbo polliceretur: in proximis Comitibus publicâ auctoritate vt ea securi-
tatis cautio comprobaretur: militum deinceps vt maior ratio haberetur,
essentque certi menses, in quibus vacantia beneficia solis militibus con-
ferrentur. His aliisque similibus mandatis instructi militares Nuntij,
vnâ cum Senatoribus aliisque, qui Regio nomine cum militibus transi-
gebant, iuerunt ad Regem Varsauiam. Interea tamen nulla miseris agri-
colis requies, grassante vbique milite, & signa circumferente. Annus est
is, in quo præter solitum, pretium annonæ excreuit; nam & segetes ma-
lè prouenerunt, & pleraque fata messimque iam paratam exundantes
fluminum aquæ abstulerunt. Hinc grauior acerbiorque ea exactio acci-
dit, vt passim homines fame enecentur, rapiente milite si quid vspiam
parati est, sæuiente etiam in corpora, vbi rapinæ non est materia. Serui-
lem patientiam mirari vel detestari potius libet: flagitiosè imperantibus
turpiter paretur ab omnibus: pauci Principes Senatus precariam immu-
nitatem obtinuerunt: nemo vnus reperitur qui palam hæc militiæ dede-
cora aspernetur: regij consilij moderatores penes supplices sui rationem
haberi ab incondita multitudine petierunt: reliqui omnes (heu turpem
nostrorum temporum notam!) saluis legibus, saluo Reipublicæ statu,
foedissimi cuiusque libidini & avaritiæ obnoxij sumus; lixæ calonesque
in nos ius exercent. Quamuis enim Rex indulserit omnia ferè ea quæ
ab illo petebantur, promississentque seditionis Duces interea militem à
prædis extorquendæque annonâ cessaturum; nihil tamen ea res auxiliij
tulit, reputante pessimo quoque leges & magistratus timidorum repagu-
la

la esse, perpetratum admissumque scelus facilius veniam habere. Sed libet paucis perstringere summam responsi à Rege confederatis militibus dati. Imprimis ostenditur, etsi miles præter ius & consuetudinem ea sibi arroget quæ ad illum non pertinent, tamen Regem id temporum iniuriæ tribuere. Causæ exponuntur cur Comitia, quæ miles indici flagitauerat, non fuissent indicta, nempe quod annona carior solito sit, & opes Regni exhaustæ; memoraturum tamen Regem nec dilaturum comitia, quamprimum commoditas eorum celebrandorum venerit, atque satisfactorum desiderio hac in re exercitus, quod publicâ auctoritate in Comitibus securitati militum caveatur: interea acturum Regem effecturumque ut ii Senatores, quos miles nominatim ut securitatis datæ cautioni subscriberent, poposcerat, id faciant, cum id & ipsemet Rex, & qui præsentés aderant Senatores iam fecissent. Neminem ad Comitia militum citatum iri, id Regem prohibuit, neque literas mandati ex Cancellariâ suâ edisiturum; postulatum terni trimestris stipendium militi ut ad diem nonam Iulij ex integro repræsentetur; Regem curaturum: cautio securitatis data à Rege, & manu eius subscripta, quamvis à nemine in dubium vocari possit, id ipsum tamen ratum fore Regem sponione manus, & verbi publicè professum esse, & fidem suam nominatim Stanislao Lubomirskio eo nomine obstrinxisse. Legibus, quibus militaris ordo se coarctatum queritur, non nisi in Comitibus derogari posse; daturum operam Regem ut eiusmodi leges, in proximis Comitibus abrogentur, reliqua quoque quæ non nisi in Comitibus præstari possunt, eò rejici, ut ea quæ de præmijs militum, mensiumque in quibus beneficia vacua solis tantum militibus conferrentur assignatione, & cætera huius generis quæ à militibus postulabantur. Interea iniuriam à confederato milite passî, arbitrio præsidû factionis militaris ut damna sibi resarciri petant, curaturosque eosdē ut quisque tuto adire militare illud iudicium queat: curæ hæcenus fuisse & deinceps fore Regi, incrementa libertatum Equestris ordinis, quibus nihil esse derogatum vult. In redimendis ab hoste captiuis, Regem nunquam priuatis facultatibus quantum ex permitterent pepercisse, idque eum deinceps facturum, & Ecclesiasticos viros hac piâ liberalitate se à nemine vinci situros. Arcibus ad fines Tartarorum Turcarumque positis, deinceps Regem eos præfecturum, qui præsentés istic excubias obeant. Responsum hoc actis Cancellariæ Regiæ insertum iri; unde sigillo Regni signata exempla & transcripta, cunctis poscentibus authenticè extradentur: eorum quorum exercitus rationem à Rege haberi petit, non irritas preces fore; gratificaturum ijs Regem per occasiones quæ interea se offerrent. Eos denique qui ob priorem Moschouiticam conspirationem in ius vocati sunt, non amplius eo nomine appellatos iri, nominatim Cieklińskio & Iaykouio (ambo erant conspirationis Moschouitiæ antesignari, & ob id famosis decretis notati) Regem in Comitibus indulgentiam facti impetraturum. Nolo meum inter-

interponere iudicium; sed dispiciet posteritas, an ex usu Reipublicæ fuerit tam demissè, tam indulgenter omnia permittere militibus. Sicut verum fallus vates, ceterum euentus docebit irritamentum id fore pessimo cuique ad similes ausus. Frustrà ab hoste externo pericula metuilimus, cum domi flagiosa indulgentiâ, & indignâ viris fortibus patientiâ seditionis semina fouemus; erumpent hæc mox in perniciem Patriæ, nisi maturè prospicimus.

Anno Domini millesimo sexcentesimo vigesimo secundo prodierat in lucem nomine Dignitariorum, Officialium, & Nobilitatis Palatinatum Posnaniensis & Calissiensis, acris quadam & libertates status spiritualis conuellens protestatio: ad eam tum hortatu Illustrissimi Archiepiscopi Gnesnensis Laurentij Gambicy, Auctor respondit, & postea, cum Polonica esset, in Latinum traduxit.

NON est nouum regna & imperia Catholica, mutuis inter se dissidijs agitari, & sæpè vnum contra alium statum, potissimum cum aliquid ab illis poscitur, insurgere, oneraque alterum in alterius humeros deriuare. Iam olim apud nos idem accidit; sed modò sub titulo & nomine Dignitariorum, Officialium & totius Equestris Ordinis, Palatinatum-Posnaniensis & Calissiensis, nescio quis dedit in publicum, contra Catholicam Ecclesiam, contra ordinem Ecclesiasticum, acre quoddam & inuidiosum satis, & ad tollendas ac cassandas leges, & libertates; huic sacro ordini non solùm in hoc inclyto Regno, verùm etiam in alijs vicinis Christianis imperijs à tempore cuius memoria non extat irrogatas & liberaliter donatas, scriptum, illudque Actis ijsdem publicis insinuauit. Hunc ego nunquàm Catholicum esse crediderim, nec agniturum eiusmodi figmenta ex suo prodijisse cerebro. Sciunt illi qui verè sunt Catholici, quid Ecclesiæ, quid Ordini spirituali debeant, ut iura vetusta tueri teneantur: vident furore Hæreticorum noua condita statuta, quæ in seriem legum irreperunt, nusquam vim legitimam tenuisse, & semper illis obnuntiatum fuisse; nec denique usu forensi approbata esse. Non ad Catholicos igitur verto sermonem meum, sed ad istos qui ob diuersos de religione sensus à cæteris Catholicis se seiunxerunt, qui in diuersas scissas sectas, in variasque distracti opiniones, planè nihil credunt, nihil in vnũ sentiunt, nisi si quæ occasio offertur nocendi Ecclesiæ, à stirpe euellendi spirituales ordinem, qui non solùm in Republicâ, sed & in Ecclesiâ oderunt Clerum, & frustra ali existimant. Ad Catholicos hoc tantùm dixerim, si quis inter istos Schismaticos reperitur, (quamquàm ego neminem ibi reperiri existimo) quòd non sit Catholicus; ijs enim assentitur, quibus status spiritualis odio est, altare sacrum abominationi; sa-
cro-

cro sanctum Sacrificium & cæteri Christiani ritus, dum donationes vetustas adimunt, & sub potestatem legum secularium spirituales redigunt, contemptui. Sed hæc, ut dixi, non faciunt veri & synceri Catholici, sed alij hostes nostri. Non est mirum quod impugnent sacerdotes, qui olim contra ipsum cælum pugnare auli fuerant, ipsumque solio deturbare Iouem. Fœtida & abominanda proles Gigantea, iam dudum quatit cælum, & infernalibus aucta viribus, quidquid veneni in se habet, illud totum vomit contra Ecclesiam, contra fideles; neque vnquam vllum tempus fuit, quo Ecclesia Dei ab illis non infestaretur. Quid, Deus bone, vtrūne ita semper vexabimur? Respondet præclare Apostolus: Oportet hæreses esse. Equidem regnum hoc inclytum propè per sexcentos annos ab hoc infelici lolio immune fuit; cauit semper ne fœce abominandæ hæresis inficeretur: quod piæ eiusdem leges & Priuilegia sanè diuinitus scripta testantur. Priscis illis temporibus non videbatur angusta maioribus nostris Polonia, & quamuis arctioribus circumscriptæ terminis, abundè suppetebat contra hostes vires, nomenque eius cunctis circumiectis nationibus formidabile fuit. Simul atque arctissima legum claustra, quibus regnum hoc fuit septum Hæreticorum audacia perfregit, & fœdam religionem huc intulit, hoc quod hætenus nos exercet malum creuit etiamsi ne cresceret omnibus legibus Regni prohiberetur. Illæ solennes statuum & Ordinum vnanimi consensu factæ confœderationes, hæreticum omnem pro hoste habituros, vitam & bona ipsorum confiscaturos, nec vllum ciuem non Catholicum viuere passuros, huc spectabant, ne quenquam vel clàm vel palàm esse Hæreticum sinerent. Sed ego in memoriam reuocare constitui nonnullas conciuum meorum contra statum Ecclesiasticum flagitationes, quæ potissimum vltimis Imperij Sigismundi Primi annis, & multò magis tempore Augusti, Stephani, & modernæ Regiæ Maiestatis exortæ sunt. Cætera deinceps ad hoc genus pertinentia non dissimulanter tangam.

Grandis & horribilis erat illa coorta contra Ecclesiam tempestas, cum Martinus Lutherus monachus libidinis priuatæ explendæ causâ signum contra eam extulit, bellumque aperto Marte gerendum indixit: citò deinceps huius peruersæ doctrinæ venti ad nos penetrarunt, ac animos pios impio veneno infecerunt. Primo impetu contra Ecclesiam factò, præcipuum illud hæreticorum studium fuit, ut legibus iniquis Status Ecclesiasticus circumscriberetur, ut iurisdictioni seculari subijceretur, & ad onera personalia ferenda cogeretur. Nec deerat occasio cum Solimanus Turcarum Imperator inaudita felicitate elatus, contra Christianos vertit vires: à quo capto anno millesimo quingentesimo vigesimo primo Castro albo in Hungariâ, dein Anno millesimo quingentesimo vigesimo secundo Rhodo insulâ, demum Anno millesimo quingentesimo vigesimo sexto Ludouico Hungariæ & Bohemiæ Rege, Sigismundi Primi ex fratre nepote, ad Mohatium cæso, vniuersi Principes Christiani, sed in-

primis

*Bonorum
Ecclesiastico-
rum taxatio
tempore Si-
gismundi
Primi quam
cautè facta.*

*Quæ praei-
dicta Eccle-
sia leges.*

primis Regnum Poloniae meritò ob tam vicini parietis casum contremuit. Et quamvis Solimanus calente adhuc victoriâ, è castris misisset literas ad Sigismundum Primum Poloniae Regem, quibus casum esse in acie Ludouicum magno suo dolore significabat, cæterum ne de amicitia suâ addubitaret Sigismundus, rogabat; insuperque sesquimille Hungaris captiuis se spectante decollatis, Pilecium & Macieiouum Polonos in gratiam eius signumque constantis amicitiae vitâ donasset; tamen prudens & bellicosus Princeps nequaquam fidendum sibi existimauit: verum de bello & defensione Reipublicae cogitare coepit. Inter alias defendendae Patriae rationes ea imprimis fuit inita, vt publica bonorum aestimatio fieret, atque secundum eam quisque sumptum ad bellum conferret. Hæc bonorum aestimatio Anno millesimo quingentesimo vigesimo septimo consensu omnium permissa fuit, & spirituales bona sua taxari permiserunt: sed vide quàm cautè, & citra præiudicium iuris eorum; verba legis sunt: Licet bona Ecclesiastica nunquam aliàs subiecta erant oneri bellicæ seruitutis, vt quæ per Serenissimos Prædecessores nostros Poloniae Reges & Duces sunt ab initio foundationis Ecclesiarum ad vsum duntaxat & onera Ecclesiae collata, &c. Lege hæc vberius in ipso Legum contextu. Hæc igitur taxatio ita cautè perscripta est, vt ius nostrum minimè lædere videatur; nam & personæ spirituales quæ huic taxationi præessent, ex spiritualibus lectæ, & Nobilitas, præter hanc subditorum suorum taxationem, etiam onere publicæ expeditionis tenebatur. Summa necessitas id à nobis, vel potius maioribus Nostris exegit, quæ omnem frangit legem: sed cum Equester ordo eiusque subditi idem tunc onus ferrent, non querimus hanc legem esse perscriptam, sicut nec aliam Anno millesimo quingentesimo quadragesimo quarto, vbi lustratio bonorum omnium tam Regionum & Spiritualium quàm Nobilium decreta fuit: quia, vt supra dixi, æquè Nobilitatis subditos ac nostros stringebat. Cæterum si his etiam temporibus urgente summâ necessitate fraternè talia à nobis peterentur, qui sanguinem ipsum Nos Patriæ debere profiteamur, non essemus alieni, quin vel bona Ecclesiae taxarentur, vel subditi nostri par obsequium Reipublicae atque subditi Nobilium præstarent. Verum posteriori tempore alterius generis & longè ab illis diuersæ constitutiones iniquæ & spiritualibus graues in volumen legum irrepsérunt, videlicet, Anno millesimo quingentesimo trigesimo octauo, ne Spirituales Notarij sint. Anno millesimo quingentesimo quadragesimo tertio statutum de Cortesanis, & quid ad iudicium Spirituale pertineat, de Annatis. Deinde Anno millesimo quingentesimo quinquagesimo, de alendis per Abbates filijs Nobilium, de foro Spiritualium in actionibus tam ciuilibus quàm criminalibus, cum personis Spiritualibus intentantur, de excommunicationibus & iurisdictione spirituali, de Decimis. Et vt cæteras legum constitutiones, quas meritò exleges dixeris, silentio prætereamus, Anno demum millesimo sexcentesimo septimo, & millesimo

millesimo sexcentesimo nono, dum illa fatalis rerum in Poloniâ commotio subsecuta est, omnem furorem hostes nostri in nos effuderunt, ferentes leges plenas iniquitatis, plenas iniustitiæ ab odio Hæreticorum profectas contra omnia iura spiritualia & temporalia, statum ipsum Reipublicæ vniuersalem conuellentia, nobis contradicentibus & publicè reclamantibus. Vis illa omnino fuit, & in seditione potius quàm in fraternâ concordia latæ leges: in Sacerdotes Christi & in ipsum summum caput Ecclesiæ concepta rabies ab his qui nouas doctrinas nouamque religionem secuti, nihil aliud spirant, nisi vt statum spiritualem nouis legibus circumscribant, pulsaque & in exilium actâ vetustâ religione & pietate, novos spargant errores. Ex hoc fonte prodiit hæc ipsa contra ordinem nostrum iniquissima & impia protestatio, quæ quia velut vno tractu omnes Ecclesiarum immunitates à radice ipsa excindit, paucis ad eam respondere conabimur. Inprimis id quasi certum & indubitatum asseritur ab ijs qui hanc protestationem concinnarunt, solos spirituales liberos esse à bello gerendo, subditos eorum eodem quo secularium hominum onere teneri. Deinde aiunt in præteriti anni expeditionem, dum ipse Turcarum Imperator ad Chocimum bellum nobiscum gereret, nihil omnino à statu spirituali collatum impensumque fuisse; non ex bonis in vsum Ecclesiarum coemptis expeditionem vllam factam, non Scultetos eò missos; denique quòd longè maiorem partem bonorum spirituales in Regno habeant, & nulla ferè onera sustineant. Sed nos à primo puncto ordiamur. Apparet eos, qui hanc protestationem condiderunt, aliud quidpiam quàm leges cogitasse, odio mero ductos. Aliter certè ea de re iura disponūt. Repetamus animo illud tempus, quo maiores nostri Euangelium & lumen Catholicæ veritatis Româ missum receperunt; quis credet quòd viros Apostolicos conscientiarum suarum rectores ita admiserint, vt eos, quos tanquàm cælo missos venerabantur, seruitute tam personali, quàm reali, ac bellicis denique oneribus obstringerent? Exstant tot Priuilegia Regum & Principum, quibus Archidia & Metricæ Ecclesiasticæ refertæ sunt; Spirituales & Spiritualium subditos à bello & belli obsequijs immunes esse. Illud ipsum Statutum Sigismundi Primi, cuius proximè mentionē fecimus, sub nomine Taxatio fundorum, latè & sufficienter hoc idem explicat his verbis: Bona Ecclesiastica nunquàm subiecta erant oneri bellicæ seruitutis. Et paulò inferiùs: Domini spirituales permiserunt non grauati bona sua Ecclesiastica, hætenùs semper libera, cum his quæ ad defensionem obligata sunt, in præsens taxari: ita vt Dominorum secularium taxabuntur. Quid clariùs? quidûc illustriùs dici potest? vnde maior differentia bonorum Nobilium à Spiritualibus declarari? hæc ab illis gubernantur, qui altari Diuino addicti sunt, cætera omnia ij gubernant, quorum professio & munus ipsum bellum est, qui vltro hoc onus in se susceperunt, vt suis suorumque impensis Patriam vniuersam tueantur, vt statum Spiritualem

& Ecclesias armis suis propugnent: res quidem hæc clara apertaque est, nec magnâ indiget explicatione.

Alterum punctum est spirituales in anni præteriti contra Turcarum Imperatorem vniuersali expeditione nihil omnino præstitisse, nihil in sumptus belli impendisse. Dicitur equidem potest liberè & ingenuè, nullum vnquam tempus fuisse, nullum Reipublicæ periculum, nullum motum priuatum, quin spirituales ad eum componendum, vbi necesse erat, quâ pecunijs conferendis, quâ alijs subsidijs præstandis, concurrerint; quod & leges ipsæ & publicè actæ illis gratiæ testantur. Sed hæc ab ingratis filijs perinde accipiuntur, ac si Patres isti petentibus ingratis filijs ouum porrigerent scorpionem. Non considerat Nobilitas spiritualium subditos in militare stipendium tot contulisse tributa, inusitato antiquis temporibus exemplo, nam is contribuendi modus tum primùm institutus est, cùm Nobilitatem domesticæ quietis dulcedo, & bella viritim gerendi tædium subiit. Oblita est, quàm insignem pecuniæ summam subsidij nomine status Ecclesiasticus Reipublicæ donauerit. Ignorare videtur hac eadem expeditione bona Ecclesiæ, cùm in eius ciuitatibus, oppidis, villis collectus miles com meatum contraheret, seque reficeret, ad extremam penè vastitatem redacta esse, totamque huius expeditionis molem maiori ex parte solos Ecclesiæ & Regios subditos tulisse. Ad extremum quis nescit spiritualium Principes magnam istius belli partem capessuisse? Archiepiscopus Gnesnensis cum Cuiauiensi & Plocensi Episcopis, toto huius expeditionis tempore in aulâ Reginalis Maiestatis versati sunt: Episcopus Cracouiensis, vt Cracouiæ præesset & fines Hungariæ tueretur, ibidem iusta præsidia tenuit. Quid dicam de Illustrissimo Episcopo Cuiauiensi? qui sumptu maximo supra tercentum homines cum Serenissimo Principe Vladislao ad castra misit? Eorum tamen iuuandæ Reipublicæ studium potius vituperatur quàm laudatur. Erant in ipsomet exercitu supra centum Sacerdotes, qui sine præmio seruiuerunt, gratuitamque operam saluti animarum impenderunt. Sed Ecclesiasticæ possessiones in oculos multorum potissimum incurrunt: hæc profecto sunt pretia peccatorum, sunt vota fidelium: quorum pars Academijs, Vniuersitatibus, ad fouendos Magistros & Præceptores, qui instituendæ & erudiendæ iuuentuti dent operam; pars Monasterijs, in quibus magnus numerus Equestris ordinis hominum religiosa instituta sequentium continetur; pars Xenodochijs, Nosocomijs, egentibus, ægris, & quauis calamitate pressis sustentandis cessit. Quidquid hoc nomine ad Ecclesiam venit, Deo sacrum est, neque Polonico, neque vnquam vllò iure vetitum. Nouæ istæ sunt, nec maioribus nostris vnquam vsitatæ querelæ, grauem esse sacrum ordinem seculari statui, plus iusto & nimium Ecclesiam possidere, eiusque possessionum amplitudinem in publicæ defensionis iacturam vergere. At vellem hi qui ita queruntur considerarent, quantoperè antiquæ Ecclesiarum, Monasterio-

rum,

*Quid semper
Reipublica
causa præsti-
terint Eccle-
siasticis?*

rum, fundationes diminutæ sint : quantæ possessiones ab ijs alienatæ : quot bonis nunc potitur Nobilitas quæ olim Ecclesiæ addicta fuere : cuius quidem rei vel sola Tinecensis Abbatia, vt alias Ecclesias taceam, testimonio esse potest, quæ ex amplissimis Regum liberalitate primitus habitis possessionibus, vix tertiam portionem duabus amissis, & in ius Equestri ordinis iniquitate temporum & diuersis calamitatibus traductis retinet.

Verùm iniustæ contra Ecclesiasticos querelæ caput est, de Sculteris, siue Aduocatis bonorum Ecclesiæ bellum non militantibus vti debent, cùm iuxta legem à Rege Casimiro latam, tum eremocidium (alitum terminum Iurisconsulti Polonici vocant) quo Ecclesiastici, rerum potente in Poloniâ Sigismundo Augusto, damnati sunt, quod ad diem producendis immunitatum & libertatum Priuilegijs constitutam indictamque non adfuerint. Risum mihi mouet ille velut alitus terminus, vel vt Latini loquuntur eremocidium, in quod Ecclesiastici Rege Sigismundo Augusto inciderint. Quasi verò maiores nostri ad eiusmodi concertationes iuridicas descenderint, eoque se ij qui Principem locum in Regno tenent demiserint, vt more priuatorum hominum lite cum Nobilitate contenderint. Quare omisiss his quæ vana & inania sunt, potius ad explicanda Casimiri Magni Statuta ac edisserendum, vnde & quando sint orti in Poloniâ Aduocati, siue Sculteti, quod illorum fuit officium, quo tempore cæteris Regni Nobilibus eos in bonis proprijs instituere primùm licuit, & quomodò deinceps illorum conditio mutata.

Ingens error est quorundam, qui existimant fuisse aliquando in Regno Poloniæ talem militarem ordinem, qui militiam ferret, qui equum conscenderet, ad bellum iret, & cætera officia præstaret. Prima & antiquissima Scultetorum seu Aduocatorum initia, sub Boleslao Pudico Poloniæ Principe fuerunt, circa annum millesimum ducentessimum quinquagesimum. Id patet ex plurimis Priuilegijs circa ea tempora datis, quæ ego non solum apud Nobiles, verùm etiam in Regio, & aliquarum Ecclesiarum archiuis vidi. Non absimile vero videtur Henricum Barbatum Ducem Vratislaviæ, cùm pro Boleslao Pudico iuvene adhuc tutorio nomine Poloniam administraret, & deinceps quoque Posnaniensem & Calissiensem Ducatus in suam potestatem redegisset, veluti Teutonici iuris & peritum & scientem, huc secum ius Teutonicum & Scultetos ac Aduocatos intulisse. Id pro comperto ferè habetur, Cracouiam Urbem Poloniæ nobilem à Boleslao Pudico fuisse ornatam iuris Teutonici prærogatiuâ, eamque auctam à Lesco Nigro, Anno millesimo ducentesimo octuagesimo quinto, totumque Urbis eiusdem regimen ciuibz nationis Germanicæ commissum, eò quod contra Conradum Masouiæ Ducem, arcem & fidem illi seruassent, multisque alijs modis de eo præclare meriti essent. Quod genus regiminis Teutonici in alia oppida villasque Regias introductum, deinceps etiam sensim à spiritualibus, & secularibus, qui

*Que origo
Sculcetorum
in Poloniâ.*

tali iure desiderabant gubernari villas suas; fuit expetitur, moxque à Ducibus & Regibus benignè concessum: cuius quidem concessionis ea forma fuit, vt Princeps diceret se transferre hanc vel illam villam ex iure Polonico in ius Teutonicum. Quale autem quondam fuerit ius Polonicum ita habet: Olim illà pietate vixerunt Maiores nostri vt dominus cum subdito in ius veniret, Iudicem Regium adiret, ius posceret: eius rei extat exemplum in praxi iuris nostri Polonici etiam his temporibus. Introducto verò iam iure Magdeburgensi, cum aliquis ius suum petebat, illud quilibet, siue villanus, siue vrbānus aduocatus, Regiā auctoritate datus Iudex, reddebat. Sed cum id tandem læsis graue visum esset; lata lex est de iure Polonico locando, in causâ cædis & vulnerum: Ius autem Polonicum tale est, vt ciuitas vel dominus subditi inculpati in fundo bonorū suorum tres nobiles sistat, quorum vnus Iudicis, alter subiudicis, tertius Notarij vices obeat, qui in fundo seu loco delicti iustitiam in causis cædis & sanguinis administrent. Habetur hac de re Statutum Casimiri in Nieszoua Anno millesimo quadringentesimo quinquagesimo quarto, & Sigismundi Petricouiz Anno millesimo quingentesimo trigesimo octauo. Pater itaque iam olim sub Casimiro Magno Scultetos fuisse introductos, potissimum ad præsidium rusticorum contra Nobiles, qui in plebem rusticam nimium sibi vsurpabant: origo nominis illorum vel ex Latino sermone Auscultatores, vel ex Italico simpliciter Scultatores. Afflixerat præterea supra modum vniuersam ferè Poloniam ingens illa & fatalis incurio Tartarorum, qui sub Annum Christi millesimum ducentissimum duodecesimum se in Europam effuderunt, lateque ferro & igne multos per annos in Christianos sæuientes, vniuersam Poloniam, Vngariam, Bohemiam, & cæteras prouincias Germanicas deuastarunt; ad extremum impunè per Poloniam grassati, cum Anno millesimo ducentissimo quadragésimo secundo ad Legniciam Henricus Pius S. Hedwigis filius, ingenti ex reliquijs Polonicis, qui adhuc supererant, fortium virorum quos poterat collecto exercitu, se illis opposuisset, ingenti terrore fumiferæ imaginis afflatu nostris iniecto, fraudè diabolicâ victoriam obtinuerunt, ipsumque imprimis Henricum Ducem crudelissimè necauerunt, promiscuum denique vulgus donec supererat passim interemerunt. Tanta Poloniæ per Tartaros deuastatio, causa fuit, vt huc Germani euocarentur: nam cum illi Polonis in agro colendo sagaciores & multò diligentiores sint, eos Maiores nostri ad rem agrariam constituendam euocarunt, tribuendo etiam ijsdem villarum & agrorum locatoribus iurisdictionem, quò rem familiarem curando, agros colonis diuiderent, censum ab eis exigerent, iustitiam cooptatis sibi ex villarum incolis Scabinis administrarent. Fiebat id auctoritate Principis; nam tam Ecclesiastici, quàm etiam seculares viri inde legebant, inde deducebant homines certos, qui partem aliquam etiam ingentem fundi apud Nobilem emebant, sed decima v. g. pars fundi emptori iure perpetuo cedebat, ille

ille verò vniuersum agrum domini colendum suscipiebat, in eo ædificabat, rusticos alios locabat, & tanquàm paterfamilias suæ domi agebat: nisi quòd census domino debitos ad diem certam reddebat. Idem, vt supra diximus, læsis iustitiam implorantibus, accitis duobus ad se Scabinis, administrabant: hic est verus & genuinus Scultetorum seu Aduoca-^{Vera scul-}torum fons & origo. Prodeat nunc aliquis & dicat vtrùm Sculteti ali-^{torum origo.}quando in bello fuerint? vtrùm peditatum suppleuerint? vtrùm aliquando in acie steterint? & sunt nonnullæ descriptiones vniuersi exercitus tempore expeditionis publicæ quas vnicuique videre licet. Intelligere inde quivis poterit, quali quis equo federit, vt in acie steterit, denique quis & alterius latus custodire debuerit. Maiores nostri selectam quandam militiam habuerunt, nec eam rusticæ genti vnquam communicare vo-^{Qualis olim milita in Polonia fuit.}luerunt: equite non peditate in bellis utebantur: ipsa Nobilitas arma insigni militare tenebat, rei agrariæ curâ aduocatis Scultetis & rusticis relicta. Idque non sine causâ Maiores nostri faciebant, nam si Nobilitati rustici mixti fuissent, Nobilis desertæ stationis accusatus, parem sibi genere non habuisset, quem testem adhiberet se in bello eum locum qui ei obtigerat tenuisse: quæ quidem causa etsi nobis valdè levis videtur, cæterum illis temporibus, quibus alius bellandi modus erat, valuit. Pri-^{Quando Plebey ad militiam assumpti.}mum sub Casimiro Magno vltimâ domus Piaſtanæ progenie, ea aucto-^{Quando Plebey ad militiam assumpti.}randi militis ratio mutata est: dispersas etenim reliquias regni cùm persequeretur, & intra angustos terminos hostibus resisteret, Russicæque imperia, quondam suum labore Boleslaorum, Vladislaorum, Casimiro-^{Quando Plebey ad militiam assumpti.}rum conquestum patrimonium, recuperaret & Coronæ Polonicæ iungeret, ex hominibus conditionis plebeïæ, colendis agris tam Regijs quàm spiritualium & secularium adscriptis, exercitum collegit. Atque inde illud statutum de subditis tam spiritualium quàm secularium creuit, quod æquè Nobilitatem ac statum Ecclesiasticum affecit. Idque testatur eiusdem Casimiri factum ad ciuitatem Pyzdry: nam cùm ibi ingentem Cruciferorum exercitum sustinere non posset, rusticos vndeque ad se aduocauit & vallo inclusit. Denique idem eò tandem progressus est, vt successu temporis subditos spirituales & seculares ad locanda castra, struenda valla, & quæuis similia opera adhiberet. Quæ quidem seruitus necessitate & vi (fatendum enim est) sub Casimiro primùm inducta, postea desijt. Inter cæteras Equestris ordinis prærogatiuas & libertates, quas idem status à Ludouico dicto Lois accepit, hæc erat vna eaque præcipua, quòd sublati omnibus oneribus, quæ hunc ordinem & eorum subditos grauabant, solam duorum grossorum contributionem de quolibet manso agri pendere tenerentur, sumalia ista dicebantur: vice versa militaris ordo spon-^{que}dit se onus militiæ contra omnes hostes sponte sine omni exceptione laturum. Hinc nullus Historicorum, tam frequentibus generalibus sub Vladislao Iagiellone Rege bellicis expeditionibus, mentionem facit Scultetorum spiritualium & secularium; iura-

que omnia silent, de tali ad bellum rustico apparatu. Sed potissimum ad Grunealdum, ubi ordinatissima fuit publica expeditio, ac optime qualis species exercitus, quis & quo loco pugnaverit, qui fugerint, qui substiterint, quis & à quo captus fuerit descriptum est, mentio aliqua rusticorum vel Scultetorum facta fuisset; quam tamen nullam usquam reperiri certissimum est. Rectè expendit Matthias Smogolecius in eo libro quem de exorbitantijs Spiritualium prudenter scripsit, unde ille qui passim obijcitur paragraphus in Casimiri tertij statutum irrepsit? Przytuscius hæreticus id imprimis telum protulit non ex statuto, ut postea ipse & Herbortus fatetur, sed ex registris Cancellariæ. Erat fortasse aliquis qui futura belli cum Turcâ pericula expenderet, eaque conciperet scripto, quod postea in Cancellariâ inter alia reliquit. Metus ingens post cædem Vladislai ad Varnam omnes inuaserat, nec deerant, qui quâ priuatim, quâ publicè de bello eo loquerentur; sed aliquid certi hac de re statutum fuisse haud scio. Denique etiamsi hac de re in aliquo consilio publico actum fuisset, certi nihil statui poterat, nisi id quod publico assensu comprobatum fuisset: præsertim in re tam incongruâ & absurdâ, ut Sacerdotes & eorum subditi ad militandum cogerentur. Plena sunt Archiua Ecclesiarum clarissimis munimentis, quæ nos bonaque nostra hac seruitute eximunt; & res in vniuersum absurda est, Clericum vestiri armis, vel curare ea quæ ad arma pertinent. Sciuisset olim Sigismundus Primus utrùm Sculteti Patre suo regnante bellum gesserint; sciuisset & adhuc memoriâ tenuissent eo tempore Maiores nostri, qui sub Casimiro totum penè imperij tempus publicis expeditionibus exegerunt, nec vnquam in volumen legum interi passi fuissent hæc verba. Bona Spiritualium Ecclesiastica numquàm subiecta erant oneri bellicæ seruitutis, ut quæ per Serenissimos Prædecessores Nostros Reges Poloniae & Duces sunt ab initio foundationis Ecclesiarum ad vnum duntaxat, hoc est ad onera Ecclesiæ, collata, multisque immunitatibus donata. Id ut vides non ex registris Cancellariæ, sed ex legum statutorumque medullâ depromptum, satis magno præsidio Spiritualibus esse potest, nec alio egent munimento. Quod si quispiam statutum illud Casimiri Magni producat, quo omnes tam Spiritualium quàm Secularium Sculteti ad labores militiæ coguntur, an non videt eodem suos subditos, quo & Spiritualium cogi, & ipsummet Equestrem ordinem quasi in laqueum seruitutis præcipitari? Excitate igitur, si vobis placet, à mortuis vestros Scultetos, eosdemque in antiquum statum restituite, producite in aciem, pugnate; tum demum nos Spirituales cum nostris Aduocatis subsequemur: quæ res quàm absurda quàmque grauis esset nemo non videt. Verus iuris est regula; neminem antiquum & præscriptum possessorem iura sua exhibere teneri: aduocati & Sculteti semper fuerunt & existimati sunt subditi dominorum suorum, & res ipsa loquitur Scultetum esse cuius domini & villæ scultetum, ut relatiuè sibi cohæreant. Ita disponit Statu-

Statutum Casimiri Magni his verbis: Cùm officium Scultetorum semper existat seruale, & ad officium dominorum suorum stare & facere iure teneantur. Et Vladislaus Iagiello eos æquiparat colonis, quos nostri Emetones vocant. Cùm Scultetus, inquit, vel emeto de agro seu hereditate sua absque culpa domini fugerit, &c. Vides apertè quo nomine vel eo ipso tempore, cùm nascerentur & cùm in Colonias deducerentur, appellarentur: vili planè & ignobili tanquàm gens solo addicta & bello inepta, & præterquàm parandæ annonæ vt emetones cæteri idonea. Nec diu quidem inter eos & maiores nostros stetit concordia; nam cùm hi qui quodammodò gradum aliquem nobilitatis conscendisse sibi videbantur, altiùs se erigerent, iniurias & molestias inferrent, interdum Aduocatas potentioribus inuitis dominis venderent, & nō pro subditis sed pro vicinis se gererēt, publicè supplicauit Nobilitas in Comitijs Anni millesimi quadringentesimi vigesimi terrij Vladislaus Iagielloni Regi Nobilitati impensè fauenti, vt statutum de inutili & rebeli Sculteto conderet, scultetumque siue Aduocatū rebellem ad domini potestatem redigeret. Quamobrem is eam sanxit legem, vt deinceps Scultetus inutilis ad ius terrestre vocatus summam quam in Scultetia inscriptam haberet tolleret; domino bonis cederet. Hoc iure freti maiores nostri, tam Seculares quàm Spirituales, incontinenti repetierunt à suis subditis bona sua, idque tanquàm directi domini, & iure communi adiuti. Quòd si quis obiecerit, videri Nobilium quidem Scultetias ad eximendum propositas, de Spiritualibus fileri; Respondeo, Ne hos quidem exceptos esse, & vbi lex non distinguit nec nos distinguere debemus: & præsertim in verbis legis generalis de materia rei in qua nulla est differentia vel distinctio loquentis; cùm præsertim ex iure nostro antiquissimo, pari iure Spirituales & Nobiles bona sua regant, iurisdictioneque & dominio eodem planè vtantur. Diuturnā proinde consuetudine firmatum fuit, vt Spirituales æquè ac Nobiles restitutā pecuniā bona sua ab aduocatis seu Scultetis redimerent. Officia eorum, vt ex præscriptis prærogatiuis & priuilegijs patet, erant vel sementem agri dum seminatur custodire, vel census à subditis exigere, vel siluarum curam gerere, vel itinera expedire, vel (idque rarò & in abundantioribus foundationibus) cum domino, ad fines regundos aut etiam ad bellum proficisci; sed hæc postea in alios vsus, in quos dominis visum fuit conuersa sunt. Pleraque Aduocatiæ restant adhuc in bonis Regiæ Maiestatis, & nonnullorum Spiritualium; Regiæ quidem in præmia benè meritorum cesserunt, præsertim ditiores: hæc quæ in bonis Spiritualium inueniuntur, quis alius tenet, nisi fratres nostri viri nobiles & benè meriti, qui cum alio nomine expeditionem ad bellum faciunt, quid plura ab eis exiguntur? Cæterum libenter status Spiritualis benè meritis de Ecclesiā elargitur eiusmodi agri portiones: quòd si quis intemperantiùs se gesserit vel domino molestus fuerit, vocatur in

Vnde statutum de inutili Sculteto.

ius, & velut indignus beneficio priuatur, id quod rariùs fit, sed hac de re satis. Habet ad extremum hæc ipsa protestatio, mentionem proximè præteritæ bellicæ expeditionis, nec ego de eâ silebo. Frustrà de eâ inculcant Sacram Regiam Maiestatem: fecit plus quàm potuit, certè plus quàm debuit; misit filium suum eximiæ planè indolis iuuenem; misit, inquam, carissimum pignus in ipsam belli flammam, misit ad exercitum iam vndique ab hostibus cinctum. Quid istic egerit? quàm sedulò rem gesserit? vt hosti ipsi terrori fuerit? narrent alij qui præsentés erant. Quàm pauci, quæso, reperti sunt, qui Regio filio, & Patriæ vitam fortunæque in eo periculo deuouerint? non inficior quidem, fuisse inuentos aliquos æternâ memoriâ dignos, qui eo animo Principem secuti sunt, vt pro eo & patriâ vitam & quidquid fortunarum habebant amitterent: cæterùm ex tam numerosâ Nobilitate paucissimi ij fuerunt. Non defuit tamen Patriæ Ecclesiasticus ordo; nam & Serenissimum Principem stipendio Pauli Wolucij Episcopi Cuiariensis auctoratum militum robur ad castra euntem secutum est, & ex contributione aliorum Spiritualium auctior istic numero stetit exercitus: reliqui in præsidijs non inermes manserunt. Rex postea, non eo quo decuit apparatu instructus, inter hosticos exercitus iter fecit: alij sunt subsecuti, sed non eo numero, non eo ordine, quo tenebantur. Ditiores Nobiles passim coëmerunt bona pauperiorum, neque erubescunt sine debito comitatu expeditionem publicam exequi, immemores olim Casimirum Magnum statuisse. Tenetur igitur quilibet miles secundùm quantitatem & possessionem bonorum suorum & reddituum ad Rempublicam certis armatus hominibus ire. Nunc aliter omnia fiunt, is qui decem villas habet, & qui vnâ tantùm vel dimidiam pari numero comitatus it ad bellum, ordo nullus, necessitas nulla, quæ intra septa cogat dissolutos. Inde prouenientes iacturas sacerdotali militiâ sarcire impium & abominandum. Fungantur potiùs Sacerdotes intra Ecclesiæ septa officio suo, Deumque nobis impetrent propitium: Rustici & omne Emetonum genus agrum aret, & excolat; miles bella tractet: bella gerant fortes, ita constabunt & cohærebunt omnes Reipublicæ partes: Spirituales interim non deserent Patriam: sed id faciant rogati non coacti, nec legibus perniciosi, reclamante & contradicente ordine Spirituali promulgatis, circumscripti, iuribus immunitatibusque suis semper saluis. Sed illud imprimis mirum est, hos Patriæ amatores, qui hac protestatione statum Ecclesiasticum accusandum censuerunt, solius Ordinis sacri errores notasse; ea quæ ante omnia censuram poscebant, silentio præterijisse. Belli quidem expeditio proximè præterita exacta & ordinata haud esse potuit: nam insolita hostis urgente celeritate, properè excita sedibus suis tarda & bellorum oblita Nobilitas, non ita armata, non ita instructa, non ita in ordinem redacta & composita, vt olim Maiores nostri, bellum actura ibat. Cæterùm non Sacerdotes tantùm, quibus solis vacatio belli

iure

iure competit, sed integræ etiam Prouinciæ cùm bellandum esset sua priuilegia, suas prærogatiuas obiecerunt; & tamen isti magnifici censores, Sacerdotes tarditatis accusant; alios ne nominant quidem. Vbi illa tandem decoris bellici æmulatio? ubi illud certamen? cùm integri Palatinatus contenderunt vt ipsi primi in acie confligerent, vt pro Patriâ, pro Rege, pro Republicâ, sanguinem profunderent? Nunc quantum de generauimus! Vellemus vt in primâ acie starent Sacerdotes, rustici, Sculteti, ipsæ denique mulieres. Opto equidem Patriæ meæ & fratribus meis aliam mentem, eosque animos, quibus olim Maiores nostri formidabiles erant cunctis gentibus. De eo cogitandum, de eo consulendum esset: Protestationes discordiarum semina, perniciem patriæ allatura ferunt, quare illas iurisconsultis relinquamus; consilia verò nostra eò vertamus, vt omnes vnanimis, omnes omnium Ordinum status Rempubicam capeffant, Patriamque labentem fulciant: stet Sacerdos ante altare Dei, & incruentum sacrificium offerat; laboret arator, & victum competentem suppeditet; Ordo militaris armis & fortitudine Patriam tueatur.



THOMÆ ZAMOSCIO,

Dum Regni Vice-Cancellarius renunciaretur, data.

CIO ego magnos & industrios viros, quos præclaræ virtutes magis quàm fauor vel aura popularis, summis admovent magistratibus, non egere alienis monitis, sed per se satis sufficere & esse perspicaces, ad exploranda omnia muneris sui officia: neque tamen ignoro, sæpè eosdem intra modestiæ fines ita animum continere, vt non agrè admodùm ferant, se moneri, præsertim ab ijs, qui proximè eodem magistratu functi, recenti memoriâ tenent, quibus potissimùm ex causis, in tractandis maioris momenti negotijs, soleant minùs præuisæ exoriri difficultates; vt interdum etiam vel oculatissimos rerum ministros grauitè offendere, & in suspensionem non rectè gesti muneris venire contingat. Ego iure me id vsurpare posse mihi videor, quod ij qui nuper procellosum emensi pelagus, varijsque iactati tempestatibus, interdum ad scopulos leuiter allisà naui, eà tamen saluâ, portum iam tenent: tales enim sine reprehensione cuiusquam, cæteros è portu in altum vela dantes suo iure non solùm monere, sed etiam summo studio ijs præcipere debent, & tempestatum rationem, & prædonum & locorum: quòd naturæ ipsius ductu, ijs faueamus, qui eadem pericula ingrediuntur, quibus nos perfuncti sumus; eosque nostro periculo doceri cupiamus, quid cauendum, quid fugiendum, quidue sequendum illis sit; quâ arte tumescentes frangendi fluctus, vela vt ventis accommodanda, vt vel eminentes, vel cæci scopuli euitandi; quali velificatione, dum minùs secundi spirant venti, vtendum. Possem & ego te, Thoma Zamosci, dum delatum tibi Regio & Senatus iudicio in his Comitijs munus Vice-Cancellarij cæteri gratulantur, paucis admonere eorum, quæ mihi eundem magistratum gerenti in considerationem ex vsu rerum venerunt. Id vt faciam & obseruantia, quâ te mihi ob heroicas tuas virtutes colendum venerandumque iam pridem desumpsi, & multò magis amor impellit. Nec tamen à me expectes, vt tanti officij omnes partes complectar, nec enim eæ sunt meæ vires, vt tantum mihi assumam; & procul dubio ea res longiorem & acuratiorem posceret lucubrationem, euagandum enim esset per omnes Reipublicæ recessus, explicandæ publicorum consiliariorum rationes, leges Patriæ, mores & instituta maiorum, indaganda, sed tu hæc omnia vex te petes, vex illo omnibus numeris absoluto, rectè & magistratus & Reipublicæ gerendæ exemplari,

Illustri

Illustri Ioanne Zamoscio Patre tuo. Ego ea tantum commemorare institui, quæ quotidiani usus sunt, & quæ magis te ipsum munus hoc gerentem, quàm Reipublicæ statum concernunt.

Inprimis igitur enitendum tibi erit, ut te talem in hoc magistratu exhibeas, qualem te vota publica iam pridem animis designarunt, salutem publicam plus quàm priuatam curantem, Regiæ dignitatis studiosum, ad omnes Respublicæ partes intentum, imminencia pericula è longinquo indagantem, remedia malis publicis maturè providentem, assiduâ curâ ne quid Respublica detrimenti capiat prospicientem. Hæc quotidiana tua meditatio sit, Vice-Cancellarius Regni sum; Respublica, salus, dignitas Regis & Patriæ, custodia legum, pax & tranquillitas publica, curæ meæ commissa est. Ego arbiter & æstimator meritorum ac virtutis optimi cuiusque: per me Regi innotescere debet industria eorum, qui Patriæ operam nauare & possunt & cupiunt, qui præmijs ornandi, qui magistratibus gerendis idonei: per me preces omnium Regijs auribus insinuandæ, & quasi ostium liberalitatis aperiendum: ego calamitate & iniuriâ pressis præsidium, pupillis & viduis patrocinium debeo: à me Rex, qui me in tanti magistratus fastigio collocavit, à me Senatus, cuius concordii suffragio locum hunc conscendi, summam rei deposcit; me ciues, me socij intuentur; de me meisque actionibus hostes & inuidi sententiam ferunt; meæ omnes actiones cunctorum censuræ obnoxia sunt. Ita expensis minimis officij tui momentis, eò omnes tuos intendes conatus, ut muneris tui partes impleas. Omnibus quidem, qui te negotiorum suorum causâ conuenire voluerint, domus & porta tua pateat, sed præcipuè ijs qui aliorum iniurijs pressi tuo patrocinio eguerint, quique per te sua desideria ad Regem deferri petierint; quæ iusta ne sint an verò minùs æqua non tantoperè tibi expendendum censuerim, habeant hoc sanè miseri, & ij qui in publicis, & præcipuè bellicis obsequijs, adessis opibus, nonnumquàm minùs opportunè satisfieri sibi flagitant, solatium, ut non repulsi, sed in meliorem spem erecti à te & ab aulâ recedant. Neque enim mihi eorum probantur mores, qui primo aditu spem petentibus præcidunt, & non satis meriti vniuscuiusque ratione expensâ, ferunt sententiam, repulsamque, quæ per se satis grauis est, acerbiorē ipsâ vultus austeritate faciunt. De quo genere multa dici possent, sed ego haud ignarus eximie humanitatis tuæ, quâdam singulos complecteris, summum omnium amorem hætenùs tibi conciliasti, parciùs de his ad te. Collega tuus Iacobus Zadzik Episcopus Culmensis, nuper supremus Regni Cancellarius renunciatus, vir clarissimus, tibi que (quis enim te, nisi qui ipse amari indignus sit, non amet?) sincero animi affectu coniunctus, eam omnium consensu existimationem sibi peperit, ut nemo illo conciliandarum amicitiarum petitor esse censeatur, quibus quàm multos in toto hoc Regno complectatur, & vicissim quantoperè ipse ambiatur, nemo non videt. Pares quidem sunt vestræ & eiusdem potestatis

Quid curandum Cancellario & Vice-Cancellario.

statis functiones, sed ille iudicijs imprimis præest, eaque ita moderatur, ut dum præsens in aulâ versatur, omnia decreta Regia sub eius censura & nomine prodeant. Ad eum pertinet externorum Principum missas ad Regem legationes excipere, responsa dare, legatis Regijs mandata legationum præscribere, rationes obitæ legationis ab eis reposcere, consilia publica in Senatu auspicari, quæque in consilium veniunt, Regio nomine proponere, Comitiorum apparatus omnem expedire. Hæc illo absente omnia quoque ad te pertinebunt, sed & illo præsentem, si aliqua pars huius oneris exceptis iudicijs (neque enim ea communicari solent) Regiâ voluntate tibi deferetur, per te sustinenda erit. Neque ego metuo, ne quod sæpè fieri videmus, ex æmulatione aliquâ inter vos voluntatum dissociatio oriatur. Scies tu pro tuâ prudentia & animi moderatione, tantum deferre prærogativâ honoris & ætatis maiori Collegæ, quantum & mos antiquus exoptat, & tua dignitas patietur: ille vicissim, tanquam accuratissimus amoris parandi magister, & constanti sinceritate ab omni simulatione alienus, quique nullo magis detrimento, quam amicorum, quos penè in sinu fovere ac tanquam auri talenta custodire consuevit, iacturâ commoveri solet; & qui aliquando magno cuidam viro querenti per eum amicos à se abduci, Fateor, inquit, id fieri, cum à te eos facile & temerè deferri videam, responderit; talem se tibi præstabit, ut nullum unquam alium desiderare possis tanti magistratus socium. Et quidem non ita te aulæ addiximus, non eo fine rogati magistratus dignitate auctum ornatumque voluimus, ut discinctum gladio, exarmatum & rude donatum censere quisquam posset. Sæpius ab aulâ recedendum, & arma tibi tractanda ac bella gerenda erunt, quibus ab ineunte ætate assueuisti, quæque summâ cum tuâ laude, & eorum quorum ductu res gesta fuit commendatione gessisti: prædicant omnes, vel in ipsis periculis tuam animi magnitudinem, & periculorum contemptum, dum morte venale decus heroicâ æmulatione sectaris. Sed & illa non minùs præclara, & ut veriùs dicam, propria tua laus, quod licet opibus & copijs plerisque par fueris, plures etiam superaveris, semper tamen modestiæ tuæ memor, ad parendum magis, quam aliquid plus tibi arrogandum te comparaveris; palamque non magis verbis, quam re professus fueris, te vel tuo Clienti, si eum Rex exercitui præfecerit, pariturum, & sub eius signis militaturum. Nemo sanè existimaverit eam vocem humilis aut abiecti animi esse; enimverò magnifica ea professio est, & militari Patriæque amante viro digna, non multum sibi arrogare, ubi salus publica poscit; submittere fasces magnitudinis suæ; nec æmulatione gloriæ corrumpere publicam utilitatem; fovere aliorum industriam; pati ut minores per virtutem ad præclaras actiones enitantur. Audisti ipe & meritò execratus es, impiam ambitionis vocem, cum non nemo diceret, non se siturum, ut alter militaris gloriæ decus, quasi sibi vni debitum, suffuretur, ut in consortium famæ rerum præclarè gestarum veniat. Detestabilis est hæc & pernicio-

nicioſa admodum Patriæ inuidia, tu vt facis fouebis beneficiâ tuâ apta idoneaque & ad præclaros pro Patriâ & religione conatus ſulcpiendos nata ingenia, eoſque qui de Republicâ optimè mereri poſſunt, non ſolum non deprimes, ſed ab ipſâ tolles humo, & in theatro rei benè gerendæ collocabis. Hoc heroës, hoc maximè vel magnos decet, hoc dum tu facis parem te ijs exhibes, quos ob æquanimitatem vtilem Reipublicæ, gratiſſimam bonis omnibus, mirata & venerata eſt priſca ætas. Ibis deinceps & tu pari animi æquitate, per hunc virtutis tramitem, ad ſummum illud gloriæ decus, quod Pater tuus vir verè magnus totius orbis teſtimonio conſecutus fuit. Sed hæc non huius temporis. Pietas ſyncera ſemper tibi cordi fuit: hæc vel vna effecit, vt omnium bonorum conſenſu magiſtratu hoc dignus cenſereris; hæc tibi vniuerſi ſtatus Eccleſiaſtici & piorum omnium ſtudia conciliaſti: igitur & dum hunc magiſtratum geris, omni ſtudio enitendum tibi cenſebis, vt piorum & pietatis ſis promotor, vt iura & immunitates Eccleſiaſticae, quæ legibus Regni cõtinentur, tuo patrocinio tutæ ſint, vt vniuerſus ordo ſpirituælis, quæ prima & præcipua Reipublicæ pars eſt ſalutis & dignitatis ſuæ aſſertorem & propugnatozem te habeat, & tibi deſenſorum iurium prærogatiuarumque ſuarum debeat beneficium. Caue autem ne in hac re imiteris eos, qui vt populo ſe venditent, nō ſeriam, ſed quodammodò ambiguum ſulcpiunt ſacri ordinis deſenſionem, ac vtriſque parti ſe venditant; quaſi verò dubitandum veniat, vtri parti ſauendum ſit. Nam ſi rem benè expenderis, ſacraſque illas maiorum noſtrorū leges, ex ipſis pietatis & religionis Chriſtianæ fontibus propagatas, accuratè inſpexeris, facilè animaduertes, nunc delicta maiorum à nobis lui; & niſi templa refecerimus, iuriſdictionem ſacram ſacro ordini reſtituerimus, belli exactionumque militarium bonis Eccleſiæ adſcriptis immunitatem, quæ pridem legibus noſtris indulta eſt, tribuerimus, Rempublicam noſtram violatę pietatis, oppreſſionis iurium Eccleſiaſticorum argui poſſe, nec facilè felices belli paciſque tempore ſucceſſus habituram, & delicta maiorum luituram, niſi hæc vulnera, quæ libertatibus Eccleſiaſticis illata videmus, legitimâ ſatiſfactione conſolidet; debeat, inquam, inter alios tibi hunc magiſtratum gerenti Eccleſia hoc beneficium, quod tibi viciffim ſacris comprecationibus & ſanctiſſimis ſacrificijs rependat. Magnum hoc erit rerum gerendarum ſubſidium, te dum vel arma tractas, vel publica geris negotia, piorum votis ambiri, ad tuam intentionem & deſiderium preces ſacras fundi, ſacrificia offerri. In gerendo magiſtratu præter pari poteſtate Collegam, alios muneris tui ſocios & miniſtros habes, inprimis in iudicijs, quæ tibi abſente Collegâ exercenda erunt, ad ea iure & inſtituto maiorum adhibebis ante alios Regni Referendarios, vel alterum eorum. Ita ſanè antea in uſu fuit, vt Referendarius accitus ad iudicia à Cancellario ſtatim veniret, & in hac parte voluntati illius ſimul & muneri ſuo ex præſcripto legum ſatiſfaceret, nec integrum iudicium aſſeſſoriale cenſeretur,

T

retur,

*Qui ſocij
ſunt laborum
& miniſtri
Cancellario-
rum.*

*Rescripta
Referendariorum
censura
Cancellarij
vel Vice-
cancellarij
subiungunt.*

*Latinitatis
studium in
Cancellariâ
Regiâ, &
qualis.*

retur, nisi præfente Referendario. In quo quidem iudicio eius officium est, non solum ut interrogatus dicat sententiam, verum etiam ut ex indiculo, in quo causæ iudicandorum inscribuntur, eosdem seruatō ordine per præconem acciri iubeat, ac denique decretum quale Cancellarius ex sententiâ consiliariorum, quam tamen, si aliter illi visum fuerit, sequi non tenetur, pronuntiauerit, partibus referat. Iudicia quidem Cancellariorum summæ olim potestatis erant, neque enim illi, quemadmodum alij magistratus qui delegatâ potestate iudicant, per citationem compelli possunt, ut sententiæ latæ rationem reddant; vltro tamen appellanti Regem parti, ob reuerentiam Principis, interdum deferunt, nisi vel causa similis iudicata fuerit, vel binæ conformes inferiorum subselliorum sententiæ præcesserint, vel denique res de quâ lis est minoris pretij & æstimationis fuerit. De iudicijs pauca hæc innuisse suffecerit; hoc vnum addam: omnia Referendariorum rescripta, quæ non nisi in causis colonorum & glebæ in bonis Regalibus adscriptorum sub eorum subscriptione emanare debet, censuræ Cancellarij aut Vice-Cancellarij obnoxia esse, & in illorum errores iustâ liturâ animaduerti posse. Regentem Cancellariæ opto ut talem fortiaris (quem iure tuo tuæque voluntate fortiri tibi fas est) qui omnes in scribendo tuos sciat & possit leuare labores: penes te sit censura illius scriptorum, quæ ut tersa & Latina, nec tamen affectatæ elegantiae, quam scholis delegare solemus, sint, curæ semper fuit maioribus nostris, passimque Cancellaria Polonica apud externos Principes iam inde à temporibus Petri Tomicij, quem Cancellariorum normam & quasi Patrem veteres dicebant, satis elegans & erudita censebatur. In omnibus quidem rescriptis, quæ sub nomine Regis prodeunt, ne legibus contraria sint serio animaduertendum est. In ijs autem quæ ad externos Principes, siue officij causâ, siue in Reipublicæ aut priuatorum etiam negotijs, scribuntur literis, tum in formandis legationum præscriptis, dignitatis Regiæ & Reipublicæ habenda est ante omnia ratio. Regens autem Cancellariæ tuæ vellem ut à te vno dependeat, à te promotionem expectet, nec sine te aliorum affectet suffragia, semper ad nutum tuum paratus exequi quidquid mandaueris, nihil ad scribendum Regi offerat, nisi quod tu antea videris & probaueris; neminem Regi, idque nomine tuo tantum, commendet, nisi quem tu commendandum iusseris; in omni ad Regem accessu reuerentiali timore illum perfundi velim, ut qui non suo sed tuo iure cum Rege agendi potestatem habeat, tibi que vni rationem reddere teneatur. Quâ de re non te ego commonefaciendum putarem, qui omnis elegantiae, quæ magnum & eruditum virum decet, affectator es; sed quia publicam causam agimus, hoc quoque intermittendum non censui. Quantum in te erit enitere, ut omnia quæ tuo nomine, & ex tuâ Cancellariâ prodibunt, graui & accurato iudicio, tersa & usu receptâ elocutione scripta, siue Latinâ siue Polonicâ, prodeant: & ut talia sint, etsi Regentis id munus sit, illiusque censura sufficere videatur, tu tamen ipse, quantum

tum fieri poterit, censebis & corriges, existimabisque etiam in minimis rescriptis exultationis ac dignitatis tuæ causam agi. Sigillum Regium ex prisca Cancellariæ disciplinâ nulli vnquam ita concredebatur, vt absente Cancellario eo signare posset: præsentem itaque te idque solo, & omnes signandas literas ex indice quotidie conscribendo recensente, vir spectatæ fidei ceræ signum Regium imprimat, officio suo functus, sigillum tibi à te solo seruandum restituat. Nullas autem omnino literas, nisi à certis Notarijs antea subscriptas, ad signandum recipiat; tales autem qui subscribant ipse deliges, quorum & industriæ & fidei tutò tuam dignitatem credere possis. Velim eos elegantia scriptionis (nam in omnibus etiam priuatis, quamuis patrij idiomatis, rescriptis eius rationem esse habendam censeo) cæteris præstare, iuris patrij notitiâ non vulgari præditos esse, nullo omnino priuato commodo à recto iudicio & officio abduci: sed tu quotidianus eorum censor, si quem eorum inscitiam labi compereris, admonebis; si aliqua fraudis suspicio apparuerit, iure subscribendi priuabis; quâ in re serio & seuerò iudicio te vt i volo, vt in vnum animaduersione cæteros metu contineat, sciantque omnes te & officij & dignitatis tuæ esse curiosum. Tribus id munus aut ad summum quatuor committere suffecerit; alij omnino, etiam si sibi sapere videantur, ab subscribendi audaciâ arceantur. Metricæ Regiæ (vsitatis enim vtendum est verbis) talem præficies, qui ex præscripto legum, contractuum omnium scribendorum plenam notitiam habeat: is quoque fide emineat, eamque tibi sacramento obstringat; omnia Priuilegia, Regiorum beneficiorum rescripta, etiam & mandata maioris momenti ad acta referat, eaque singulari curâ conseruet, & tu nempe iubebis, vt is qui Regio sigillo signat literas, nullum omnino Priuilegium nisi actis Metricæ insertum extradat. Iudiciali Notario eodem, si fors iudicandi tibi contigerit, vteris, quæ Collega tuus huic negotio adhibet: est is sanè vir probus, & eius artis peritus, dignus qui tuâ benignitate foueatur. Magna quoque pars laboris tui erit in subscribendis manu tuâ ijs rescriptis, quæ more institutoque maiorum signata è Cancellariâ Regiâ prodeunt. Longum esset percensere omnia, neque certis finibus ea contineretur, & persæpè arbitrio Cancellariorum vel errore officialium hæc mutatur, vt interdum Regi ad subscribendum ea obtrudantur, quæ à Cancellarijs subscribi debuerant. Mandatorum quidem omnium, quibus magistratus ciuitatum & Oppidorum Regia decreta exequi iubentur, subscriptione nunquam olim Regia manus fatigabatur. Ex eodem genere censerim meritò possent, mandata ad iurisdictionem vrgendam exercendamque iustitiam pertinentia. Eius generis & formæ omnia rescripta, ne Regi ad subscribendum porrigerentur, & olim ita fiebat, & ego dum hoc Magistratu fungerer, ordinaueram. Tu facilius, quod Collegam habeas prisca instituti generum, & tecum consentientem, statues hac de re quod expedire magis vtrique vestrum visum fuerit. Tutoris dandi ius arbitrio Cancellariorum

*In tutoribus
dandum quid
aduertendum.*

permissum. Magnâ hîc quoque cautelâ vtendum est : nam plerique vt pupillum expilent , vt puellam suâ potestatis factam venali & conditionali desponatione bonis paternis & maternis spolient , hoc onus ambiunt , vt inter cætera publicæ iniustitiæ (quam totius Patriæ exitio vereor ne aliquando expiare cogamur) argumenta , hæc tutelarîs fraus censerî debeat. Additur quidem semper clausula , vt is qui tutelam petit eius gestæ rationem reddere teneatur , sed quàm multas vias malitia hominum & iniquissimorum legum interpretum audacia reperit , ad omnes iuris & æquitatis rationes infringendas , ita vt sæpè etiam ij quibus iure proximæ cognationis tutela debetur , (quæ clausula semper in rescripto tutoriæ adijcienda est) prætextu dati à Rege tutoris , vel potius eius potentiâ excludantur ? Vix quidem caueri satis potest , vt hac in re non erretur : illud vnum censuerim , vt vbi suspicio nimis affectatæ tutelæ apparuerit , aliquis ex eodem districtu vir bonus adiungatur. Vitrico & Nouercæ (odiosa sunt hæc & defunctis parentibus & superstitionibus liberis nomina) ne vnquam hoc munus demandetur. In ciuitatibus & oppidis tam Culmenfis quàm Mariæburgensis iuris tutorem dat magistratus ; qui si segnior fuerit , iubetur id facere mandato Regio interdum & decreto. Rescripta quæ vocamus Subleuantia diuersi generis sunt : ea quidem quæ in causis ciuilibus eduntur , subleuationis nomen propriè sibi vendicant ; ciuilem proscriptionem ob contemptum decretorum iudicialium vel Castrensi vel Supremi Regni Tribunalis decreto factam suspendunt ; parti quæ proscriptæ & condemnatis in iudicio comparendi , & contumaciam suam vel ignorantiam editarum citationum , vel malè & per errorem obtento processu excusandi potestatem faciunt. Eadem vis est saluorum conductuum quibus ij releuantur , qui ex causis in iure expressis , interdum etiam fraude aduersariorum , infamiâ quæ apud nos capitalis pœna est , iudiciali decreto notantur. Sed interest an decreto Comitiali , quis infamis pronuncietur ; tali enim , nisi ex consensu omnium ordinum in alijs Comitij beneficii salui conductus dari non potest. Castrenses & Tribunalitiæ infamiæ censuræ Cancellariorum aliquâ ex parte subsunt , vt si quis per fraudem & in ius legitimè non vocatus circumuentus sit , beneficio Regij salui conductus comparendi coram iudicio & illegitimè se condemnatum fuisse , allegandi facultatem habeat : sed necesse est , vt merè , & vt vocant in contumaciam iuris processus obtentus sit ; nam si vel per procuratorem à se constitutum , vel per se in aliquo iuris termino comparuisse reus conuictus fuerit , terminus ille rei iudicatæ vim habet , nec subleuatione vel saluo conductu sisti infringiue potest. Itaque talia beneficia legitimè conuictis amplius concedi non possunt , quamuis vltimus bannitionis vel infamiæ terminus absente reo exierit , si fortè is in anterioribus iudicijs personaliter vel per procuratorem comparuerit , ac de termino conseruato ita ei constiterit , vt eius ignorantiam legitimè opponere non possit. Habet quoque iure victus

iur

*Rescripta
subleuantia
quotuplicia
& quibus
concedenda &
quæ in omni-
bus rescriptis
diligentia ad-
hibenda.*

ius querelæ contra Procuratorem, si is sine mandato, & ut præsumitur, fraude & cum parte aduersâ factâ conſpiratione, tuendum ſibi eum ſuſceperit, & per colluſionem vinci ſe paſſus fuerit; & quamuis vix vnquam talis inſimulatio vera eſſe reperiatur, ſubuenitur tamen eo modo iure victo Regij reſcripti ſubleuatione, vel in cauſâ criminali ſaluo conductu. Obſervari tamē vidi, & ipſe quoque ſecutus ſum, ut ſi in cauſâ cædis Procurator rei ſcrutinium in iudicio produxerit, illoque lecto reus condemnatus fuerit, perinde ſit, ac ſi per procuratorem inſcriptum comparuerit, beneficiumque ſalvi conductus illi amplius concedi non debeat. Itaque diligenter & accuratè euoluenda & exploranda ſunt munimenta proceſſuum iuridicorum, indagandumque num aliquid in ijs lateat, ne error aliquis ſubrepat: nam nulla in re ſagaciores ſunt iudices ſupremorum Tribunalium, quàm in notandis Cancellariæ Regiæ erroribus, obliti quidquid auctoritatis habent hinc ad illos deriuatum fuiſſe. Dantur & ſalvi conductus Regijs ſubditis contra poſſeſſores Regiorum fundorum, ciuibus & oppidanis contra magiſtratum (quâ in re peculiare ius habent ciuitates maiores Prusiæ) dantur & in Ducali Prusiâ Nobilitati, ne Princeps vel eius vicaria poteſtas facto, ſed iure contra eos procedat. Subditis verò Nobilium & Eccleſiaſticorum, tam oppidanis, quàm glebæ adſcriptis, contra dominos ne dentur ſalvi conductus, legibus vetitum eſt. Interdum etiam ſi pars iure victa ſatisfactione, & tam rei principalis, quàm mulctarum legalium ſolutione in integrum reſtitui velit, huic quoque, etiam ſi vetuſtior & præſcripta bannitio fuerit, non negandum videtur ſubleuationis beneficium; cùm veteri iure cautum ſit, & quotidianâ praxi idem confirmetur, bona in perlucris obligata præſcriptione amitti non poſſe. Abolitis vel per decretum, vel factâ inter partes compoſitione (quæ authenticè exhibenda & videnda eſt) bannitionibus, reſtituitur in regnū Regio reſcripto bannitus, ſimiliter & infamis, niſi cædis perpetratæ reus fuerit & proinde publicæ poenæ obnoxius, de quâ tranſigere legibus prohibitum eſt. Priuilegia item faciendi præconis publici, quem Miniſterialem vocamus, ex Cancellariâ Regia indiſcriminatim dantur, non inſerto eius qui creandus eſt nomine, & abſque connotatione diei quo tale diploma editur. Uſu antiquo id inductum, cùm aliàs nullæ omnino literæ ex Cancellariâ emanare debeant, niſi integris lineis & abſque lacunis, in quibus deinceps aliquid inſcribi poſſit, denique menſe, die & anno quo ſcriptæ ſunt adiecto. Ad commoditatem celerioremq; curſum eorum qui vel in priuatis Regijs negotijs, vel in publicis mittuntur, inſtitutæ ſunt ſubuectiones, quas Regia & nonnulla etiam Spiritualium oppida magno cum onere præſtant ij qui tali vecturâ vtuntur, neceſſe eſt ut exhibeant mandatum Regium, Cancellarij aut Vice-cancellarij manu ſubſcriptum, quale te nunquam niſi iuſſu Regio conceſſurum perſuaſum mihi eſt. Vix ad alia quàm quæ commemorauī Cancellarij manum ſuam admovent, oculis tamen omnia luſtrare debent: ipſas etiam cita-

tiones, quamuis ab alijs visas & probatas, Comitiales quoque, ne talis error obrepât, qualem nuper accidisse vidimus, cùm Episcopus criminis vis perpetratae accusatus, tanquàm aliquis è plebe contra sacri ordinis dignitatem & libertatem, dicaci & probrosâ dicâ proscinderetur. Scio & alia exempla. Itaque meritò Petrus Tilficus, dum Vice-Cancellariatum deponeret, gloriatus fuit, nullam vnquam etiam citationem signatam fuisse quam non viderit legeritque. De me idem confirmare possum, nunquàm me redargutum fuisse, quòd aliquid me incio Regio sigillo signatum fuerit, & certè nunquàm me puduit mei iudicij, nec fedulitatis & diligentiae poenituit: semperque in promptu mihi erant rationes, si quis fortè quereretur, (neque enim qui immeritò querantur, deesse possunt,) quas opponerem, meque iure fecisse ostenderem. Magnus is labor, sed vt existimatio tuta sit, quæ etiam fidelissimis vix tutò vnquam conceditur, enitendum est, vt ei par esse possis. Commissiones ad fines inter bonam Nobilium quàm Ecclesiasticorum & Regia, regundos; Reuisiones quibus bonorum ab vtrunque Regionum fines statuuntur; mandata item, quibus Capitanei ex lege animaduertere in bannitos iubentur, itemque ad cognoscendas appellationes, quæ à Magistratu vrbs Cracouiensis interponi solent, (quas Rex nisi Cracouiæ sit præsens iudicare non potest) deputatio Iudicum, hæc & his similia manu alicuius Secretarij aut Notarij subscripta, & sigillo Regio signata è Cancellariâ eduntur; sed commissiones ad regundos fines, vt non nisi interrogato Rege extradantur, vsu receptum est. Prolixus essem, si omnia persequi vellem: puto me tamen magis notiora, quæ in vsu sunt, attigisse. Ipse vsus tibi reliqua ob oculos ponet, quæ omnia referes ad normam iuris & legum, non solum nostrarum, sed quæ ipsis pandectis Codicibusque Imperatorijs continentur, & quæ Saxonici, quæ Culmensis iuris auctores condiderunt. Denique ad ipsos Sacrorum Canonum fontes interdum recurrendum, & ex ipsis salutaris consilij principijs consilia petenda. Id maiores nostri fecerunt, qui talibus institutis volumina legum Patriarum constare voluerunt. Riserunt hæc corrupti æui nostri tempora: sed prudentiores intelligunt, prudentissimè à maioribus nostris publicæ saluti prouisum fuisse. Illud prætereà nec sine causâ adiiciendum putaui, præter Senatorium munus incumbere Cancellarijs necessitatem quandam tuendæ Maiestatis Regiæ, & eorum iurium, quæ ad eandem Maiestatem conseruandam pertinent: si quis ea infringere voluerit, publicè & priuatim enitendum tibi censeas, vt Regiæ dignitatis defensor sis & habearis. Bonorum prætereà Regionum iuriumque contra eos, qui peruersâ legum interpretatione ea interuertere nituntur, accuratum custodem & defensorem. Liceat alijs Senatoribus, quanquàm nemini id licere existimandum sit, vel auræ popularis captandæ causâ, vel certè quia nonnunquàm ignorant, quantum Reipublicæ intersit Regiam conseruari dignitatem, & possessiones redditusque Regios non diminui, interdum sententiam suam flectere ad fauorem

Commissiones ad fines regundos & similes quomodo extradenda.

Cancellarij Regiæ dignitatus defensores esse debent.

rem priuatorum, & leuitate iudicij labi; Tu in eiusmodi Regijs causis, quæ maioris momenti fuerint, quæque patrocinio magistratus tui defendi debent, publicam sustinebis personam, ac paratus meditatufque dices sententiam. Cuius rei gratiâ si quid tale vel in iudicium vel in disceptationem Comitalem adducendum crit, tu te ab iurium Regionum defensore, quem Instigatorem appellamus, maturè admoneri curabis; ne si incautus talia negotia tractanda susceperis, vel ignorantix vel erroris argui possis, & serò te poeniteat, quod magnis & præcocibus ingenijs sæpè accidere videmus, dictæ sententiæ, cùm Cancellariorum dictatantquam oracula quædam excipi, & in vtramque partem notâ censoriâ signari soleant. Id verò facies magnorum Cancellariorum exemplo, quibus curæ fuit eximix cuiusdam prudentiæ opinionem tueri, & non solum ea quæ voluminibus legum continentur complecti, sed illa etiam quæ diuturno vsu, quem legum optimum interpretem meritò dicimus, introducta & quasi per manus ab ijs qui olim hunc magistratum gesserunt tradita sunt, constanter defendere. Pater tuus laudator semper fuit priscorum institutorum, quæ diuturno Cancellariæ vsu, dum adhuc iuuenis esset, hauserat. Errabimus & nos, si ab ijs recesserimus. Tu ea tueberis, semperque existimabis legibus antiquis virisque Rempublicam nostram seruatum iri. Tueri autem potes præsentem Reipublicæ statum, cùm & illustri loco natus sis, & inter multos non sis inferior opibus, & si omnia circumspexerimus, non admodum inuidiâ præualente graueris, nihilque in præteritum reprehendendū, multa laudanda habeas. Quod si maiores respexeris, si vetera Zamoiscianæ Tarnouianæque familiæ decora intuitus fueris, magnam tibi necessitatem imponi senties, in hoc magistratu sedulò capeffendæ Reipublicæ: illa trophæa & triumphi, quos tui paterni maternique sanguinis maiores, victis Reipublicæ hostibus, gloriosè ad æternam posteritatis memoriam fixerunt gesseruntque, te ad pares pro patriâ ausus suscipiendos incitabunt, tibi que addent calcar ne vllâ excusatione, dum Regis & Patriæ salus tuam poscet opem, te tuearis, ne priuatorum negotiorum moles, ne vel ipsius vitæ discrimina te auocent à curâ & custodiâ Reipublicæ. Vides quantis viris debeas ortus & sanguinis tui initia: patrem habuisti & Cancellarij & Supremi exercituum Ducis summâ cum laude munere functum, nunquàm victum, semper victorem, ad extremum vsque vitæ spatium rerum præclarè gestarum prosperitate fruente; eundem non magis in armis, quàm in togâ, ad quam natus esse videbatur, egregium ciuem. Quanta in vno homine notitia antiquitatis; quantæ literæ; quanta legum non magis Patriarum quàm exterarum scientia? idem miles acerrimus, belli dux prudentissimus, Senator grauissimus, & ad quosvis magistratus capeffendos maximè idoneus. Quid de Tarnouiâ, quæ mater tua, speculumque sanctitatis muliebris fuit, dicam? hæc eâ familiâ orta est, quæ fecunda fuit magnorum virorum, qui per omnia quæ monumentis maiorum

nostrorum continentur tempora belli pacisque artibus floruerunt: sed vel vnus Ioannis Comitis à Tarnow supremi exercituum pro Regno Poloniae Ducis, clarum & illustre nomen suffecerit, quod suo splendore ita domi forisque claruit, ut exteri quoque laudum ipsius celebritate adducti eum monumentis ingeniorum suorum ornandum existimarunt. Te talium familiarum illustrem surculum, quid agere, quo animo esse, quantâ contentione ad summum decus eniti oporteat, præclare tu quidem per te ipse expendis, facisque ut nemo non fateatur, te maioribus tuis esse dignissimum, & mox celebrem eorum gloriam adæquaturum. Ea quidem tua est indoles, ut etiam si in alia familiâ eluxisses, tuis viribus summum decus adepturus esse videreris: vixdum iuuenis & iam iudicio Regis maximi Senator, amplissimarumque prouinciarum Praeses & Palatinus factus, ibi rudimenta ponebas futurae tuae magnitudinis, ubi alij desuisse satisfuerit, ut non immerito nos tum dixerimus celeriore esse virtutis tuae quam ætatis cursum. Talis olim fuit Regis de tuâ industriâ existimatio, tale nunc postremo eiusdem accessit iudicium, & quidem omnium bonorum calculo approbatum. Quis non libenter vidit te Vice-Cancellarium renunciari? adiuuari tuas opes, tuam industriam publicæ salutis, te, quem cæteri si in otio viueres felicissimum putabant, negotijs onerari? Arcent alij Principes penè à conspectu suo eos qui opibus excellent, quorum industria eminet, suspecta illis est optimi cuiusque virtus. Te Rex optimus, verus Pater Patriæ, ultro acciuit, nec tuas opes, nec tuam dignitatem suspectam habuit, sed virtutem adamauit. Tu vicissim, prout hactenus fecisti, te totum Patriæ, cui natus es, Regi, qui te iudicio suo ornauit, Ecclesiæ, cui obsequium debes, impende. Sed ego te currentem cur moneo? rogare magis debeo, ut in optimam partem accipias monita mea, ab optimo affectu profecta; quæ si tibi grata fuisse comperero, monebo amplius, reprehendam quæ improbanda censuero, laudabo quæ digna commendatione existimauero, assentationis expers, verus amicus tuus.

ERRATA IULII BELLI

LAUREÆ AVSTRIACÆ SCRIPTORIS,

TAXANTVR.



ON eo animo Lauream Austriacam à Iulio Bello surisconsulto concinnatam, belli in Germaniâ gesti ab Anno MDCXVII. narrationem continentem, legendam susceperam, vt quidquam in eâ notarem, quod hominis à liuore & inuidiâ alieni censurâ dignum videretur: semper enim aliena minùs scrutanda rimandaque censui, permittendumque vnicuique scriptori, vt suo arbitrio tantum pro laude gentis suæ nitatur, quantum res ipsa, illi meliùs quàm nobis, qui ab aliorum narratione pendemus, nota sinit. Enimuerò si Auctor ille intra cancellos suscepti negotij se tenuisset, si Regni & Regis Poloniæ vel nullam mentionem fecisset, vel certè & veritatis & Regiæ dignitatis, & nominis denique Poloni, aliquam rationem sibi habendam duxisset, non solùm intacta sua maneret Lauream, verùm etiam nobis suffragantibus & tantis Ferdinandi Augusti Imperatoris rebus gestis, & bello victorijsque post hominum memoriam maximis, parto decori fauentibus, splenderet, eadem nouis illustrata triumphis: cui nos quoque nihil detractum volumus, sed quosdam falsarum narrationum næuos, qui illius obscurant nitorem, abolendos suscipimus: illud initio præfati, nostra nos tantùm agere, veritatem, vt nihil ampliùs dicam, odio obfuscatam, veriori relatione illustrare, calumnias quibus Regis & gentis nostræ dignitas perstringitur, abstergere velle, in alienâ tamen Republicâ & Historiâ curiosum esse nolle.

Video Bellum, etli sæpè fateatur commodè & opportunè Polonos Casari auxilio fuisse, eosdem tamen frequentius latrocinij nomine insignire, illis cædes innocentum, incendia, populationesque oppidorum, Silesiæ Moraviæque vastitatem imputare. Ignarum denique quam gentem maledictis incessat, Cosacos Polonosque confundere. Scire equidè *cosaci quod genus hominum, vbi domicilium habent.* debuerat, Cosacos gentem quidem esse quæ Polonico imperio continetur, sed sedem domiciliumque suum in finibus Regni, Turcico, Tartarico, & aliquâ ex parte Moschouitico Imperio obiectis habere, sæpè terrâ sed frequentius mari rem gerere, furtiuis excursionibus, potissimùm ijs in quorum cōfinijs versantur Christiani nonuinis hostibus graues molestosque esse; si exercitu, cui pares non sunt, maioreque hostili vi vrgentur, intra vastos Boryltenis (qui nobilissimus est Europæ fluuius ac inter arduas & inaccessibiles rupes multis effectis insulis, pluribus ostijs

*Cosaci unde
Moschy dicti.*

in mare Ponticum effunditur) recessus se recipere: illic tutos esse, nec fame (nam pecore & carne ferinâ piscibusque abundant) ad deditionem cogi posse, ab antiquis Græcis Nisouios, quasi Insulanos, appellatos; Scriptoribus priscis notos, cum sæpè commemorant hoc genus hominum paruis cymbis, quarum singulæ non plures quadraginta milites capiunt, per ostia Borystenis egressum, Asiæ minoris Thraciæque littora peruagatos esse, ac excursionem factâ vrbes & oppida expilasse, ipsi Regiæ vrbi Constantinopoli non semel terrorem incussisse, quod & hisce annis aliquoties factum fuisse scimus. Id hominum genus ex varijs diuersisque nationibus, plurimum tamen Slauonicâ coaluit: interdum & Turcæ, & Tartari, Valachi, Hungarique ad eos transfugiunt; si quis capitis pœnam scelere commeruit, ex toto Polonico Slauonicoque Septentrione ex Thraciâ, Moldaviâ, Valachiâ ad tutum impunitatis asylum eò se confert. Religio omnibus vna, nempe ea quam in secessione ab Ecclesia Catholica & vniuersali Constantinopolitani Patriarchæ Schismaticis ritibus variarunt: pro eâ se mori paratos esse profitentur, nec quenquam eorum qui aliter de religione sentit ad suum admittunt consortium; Slauonicâ tantum lingua omnes loquuntur. Fidem Regi & Reipublicæ constanter semper seruarunt: cæterum quadraginta proximis istis annis, numero & fortunis quas ex Asiaticis prædis corradunt aucti, prædia quoque & domicilia in oppidis Regijs & nobilium habere cœperunt, in quibus & vxores & res pretiosiores deponerent, cumque & locorum Domini, & Regij Præfecti eos censu ac tributis grauarent, & quasi in seruitutem redigere vellent, irritati, sæpe illis rebellarunt: ita orto ex libidine & cupiditate priuatorum dissidio, aliquoties eos publicis armis & impensis coërcere opus fuit. Genus militiæ eorum potissimum pedestre, singuli sclopeto longiori & frameâ armantur; castra quæ curribus ac maioribus tormentis tam in fronte quam per latera muniunt, mobilia habent, seruatisque curruum & structæ aciei ordinibus, hostem adoriuntur, interdum, si res poscit, venientem excipiunt pugna stabili. Sed de Cosacis gestisque eorum longior esset instituendus sermo, si omnia exequi vellemus. Ad Bellum redeo, qui Polonos à Cæsare in Austriam euocatos Cosacos appellat: aliud illud militiæ genus fuit, equitum leuioris armaturæ, vsitatum nostris, maximè contra Moschos & Tartaros, agminibus in gyrum actis, pugnam nunc cedendo nunc instando ciere adsuētis. Sed in Moschouia ab annis viginti sex tumultu (cui se nostri spontaneâ militia impostori cuidam qui se filium Basilij Moschouix Ducis finxerat, operam nauantes ab initio immiscuerant) excitato, dum quisque rem strenuè gerere nititur, fuere nonnulli, qui celeri per vastum illud Septemtrionis Imperium excursu, nouâ quadam bellandi arte militem imbuerent. E quorum numero Lisouius nobilis Lithuanus, per aliquot annos non contemnendi agminis ductor, arma per totam Moschouiam nusquam fixa sede circumtulerat, hostem multis damnis affecerat,

militem

militem suum prædis agendis exercuerat. Eo vitâ functo postquam pactis cum Moschis publico nomine inducijs, omnes exercitus Regio mandato inde excedere iuberentur, Lisouiani (nam hac denominatione in memoriam Ducis sui appellari voluerunt) aliquanto licentiosius à signis discedere nolentes, in Regno versati sunt: postremò cum multi de ijs quererentur, legeque latâ, nisi intra certum tempus arma deponerent, omnes infami proscriptione notarentur, decretum fuisset, in partes Cæsaris primùm, in Hungariam factâ irruptione, mox per Silesiam ac Morauiam Viennam vsque transgressi sunt: acciti ab ijs qui nomine Cæsaris militem inscijs Ordinibus Regni & Rege potiùs dissimulante quàm concedente ad signa cogebant. Facit eius rei mentionem Bellus dum libro primo suæ Historiæ scribit: Regem Poloniae validam militum manum Cæsari contra Bohemos submissurum fuisse, nisi Tartaricâ impressione aliò hos milites destinare coactus esset. Sed Cæsar non amplius nisi id de quo pactis inter Reges & Regna Poloniae & Bohemiae dudum cautum erat, videlicet ut si necessitas postularet liceret vtrisque in mutuis ditionibus ad suum usum militem scribere, eumque sine signis, sine agmine, ne occasio damni daretur educere, postulare poterat. Vñs est Cæsar non sine ingenti nostro damno hoc iure, dum in Bohemiâ Austriaque bello à seditiosis impeteretur, dum ab excursionibus Hungarorum ne ipsa quidem Viennæ suburbia tuta essent, dum Cæsaris res in angusto versaretur: vñs inquam hoc iure est magis, ut dixi, dissimulante quàm permittente Rege, qui hac in re per leges Regni non nisi consensu Ordinum accedente vicinorum Principum desiderio se accommodare potest. Sed liceat nobis vel serò queri, ita ab illis quibus in Poloniâ militis auctorandi negotium à Cæsare mandatum erat, erratum fuisse, ut nunquam miles legitimus sed temere lectus ad signa Cæsarea cogere-tur, stipendia potiùs promitterentur quàm exhiberentur, Duces & Centuriones è voluntarijs prædæ spe excitati manipulos rapacium agminum, non antè in Cæsaris ditiones inducerent, quàm nudos & egentes prædis domesticis satiaissent. Sæpè ipsa cõtremuit Patria, suas exhauriri opes, infame militiæ genus ad nutum Cæsaris moveri; intereà Legum severitatem & disciplinam militarem contemni ac euerti: denique decus illud pristinum armis à Maioribus nostris partum, hoc militiæ genere pessum ire, & non immeritò sæpiùs ab ipso Laureæ Austriacæ Scriptore latrocinij nomine insigniri. Sed heus mi Belle, cur igitur toties à nobis isti latrones expetiti? cur eorum ad signa Cæsarea cogendorum non postremæ auctoritatis viris negotium demandatum? cur denique sæpè, ut tu ipse fateris, Cæsar per legatos, per literas, sibi eos submitti petijt? nempe ut latrocinio istic grassarentur, ut nullus eorum in bello vsus esset. At sanè Cæsar ipse ingenuè fatetur, semel atque iterum eorum hominum operâ salutem suam conseruatam, imperiumque assertum. Tu hæc ignoras? accipe rei gestæ seriem. Cùm, ut tu ipse non diffiteris, Cæsaris res in arcto essent,

*Pacta inter
Polonia &
Bohemia re-
gna de feri-
bunda milite.*

*Polonorum
militum pro
Cæsare con-
tra Hungaros
egregia facta.*

sent, Ducesque eius castris exuti, ægrè mœnibus Viennensibus & suam & Cæsaris salutem tuerentur, ac ingentibus copijs ex vniuersa excitis Hungariâ Berlemius grauis esset Austriæ, impuneque per eam cædibus & incendijs grassaretur, nemo negauerit furorem impetumque ipsius fractum & reuocatum fuisse, excursionem Lisouiorum in eam Hungariæ partem, quam vti Regno Poloniæ confinem Transylvanus grandi munierat præsidio, exercitu septem millium Hungarorum Duce Racocio finibus Regni admoto. Tanto tum impetu hi, quos tu latrones vocas, ut Cæsari quem premi sciebant gratificarentur, in Hungaros irruerunt, ut quamuis multò pauciores hostibus essent, nec sex millium numerum explerent, protritit tamen hostibus, & fugato Racocio longe lateque populationem extenderint: atque eiusmodi per Hungariam sparserint incendia, ut ad ea extinguenda ex Castris Gaborianis nec imperio nec ordine seruato properandum Hungaris fuerit: ipseque Gaboreus penè ab omnibus suis desertus retro cedere, & Austriam deserere cogeretur. Erat tunc occasio præclarioris in gratiam Cæsaris nauandæ operæ, id enim huic militi Lisouiano destinatum erat, amoto præsidij Racociani obice, ingenti que excitato tumultu, per ipsam perrumpere Hungariam ac Gaborem insperato territum casu, & frustra de retinendis copijs laborantem aggredi: sed æmulatione vnus ex Ducibus qui rei militaris ignarus penè inuitis ab ijs qui priuatâ ducti ambitione, alienæ virtutis & industriæ decus nomini suo adstruere nitebantur, obtrusus, factum est, ut excitatâ discordia, excussoque iugo imperij eius, qui illud sibi arrogauerat retro conuersis signis eò vnde progressi erant reuerterentur. Hæc mense Nouembri Anno MDCXIX. acciderunt cùm Comes Altenius Cracouiæ hæreret, ac nomine Cæsaris renitentibus nobis, eiusmodi homines sponte militiam professuros ad signa vocaret. Ingemuit tunc Patria nostra, attrita solutæ disciplinæ militis damnis & iniurijs: benè quidem omnes cupiebamus Cæsari, à suis oppresso subditis, & pium bellum gerenti, sed interim iure querebamur Cæsareos Legatos in cogen- dis copijs excedere fines fœderibus præscriptos: intra fines Patriæ nostræ vexilla licentiæ erigere, nostris infestos agris, suis parcere, militem non pecunijs sed promissis auctoratum, incolarum Regni fortunis per vim ereptis vestire, armare, & saginare. Itaque Rex ipse quem semper Cæsari fauisse, & porrò fauere sciunt omnes tot commotus suorum iniurijs, coactus est armatâ manu admota, metu eiusmodi colluuiem magis terrere, quàm ad officium reuocare: quæ versus Silesiæ fines aliquot agminibus itinere suscepto, cùm ijsdem diebus nunciaretur, Cæsarem non tantum ab hostibus vrgeri, sed ob suspectam Viennensium fidem in summo esse, ni citò sibi subueniretur periculo, licet tota contra Cæsarem in armis esset, vnà cum adiunctis Prouincijs Bohemia, passimque transitus omnes armatis tenerentur præsidijs, illi inquam latrones frustra prohibentibus Cæsaris hostibus armis sibi viam patefecerunt, tantum-
que

que itineris spatium quo Vienna à finibus Poloniae remota est , quinque diebus emensi , quasi diuinitus delapsi insperatum Caesari praesidium attulerunt : quam grati eo tempore hospites , testatur oratio quâ nomine Caesaris excepti fuerunt. Itaque Viennam immissi tantum terrorem ciuibus incusserunt , ut arma ponere , eaque in manus eorum quibus hoc negotium à Caesare demandatum erat tradere coacti fuerint. Tangit hanc Historiam Bellus sui Commentarij libro IV. sed ut ostendat quàm parum faueat nomini Polono satis ieiunè & perfunctoriè , quasi nihil actum fuerit eorum militum aduentu , neque Caesar in summis angustijs constitutus eorum operâ conseruatus. Pari ratione cùm Historiam victoriæ ad Pragam per Bauarum de Bohemis partæ exequitur, *Ad Pragam in conflictu cum Bohemâ à Polonis mutuum victoria factâ.* nullam penè mentionem facit eorum , quæ à Polonis præstita fuisse constat , nempe Equitatum Hungaricum , in quo maximam spem rei benè gerendæ Bohemi collocauerant , pulsum profligatumque , huiusque victoriæ initium factum , Bohemis fugâ sociorum territis , Bauaricis verò tanto facinore animis auctis. Non negat Bellus Hungaros Polonis in acie fuisse obiectos , sed ne quid laudis illis tribueret , scribere maluit Hungaros Panico potius quàm Polonico terrore motos loco cessisse. Non referam alios præclaros Lisouiorum in Bohemiâ ausus , sæpeq; eos non inuitos iussu Caesarianorum Ducum hostem aggressos , eximia militaris fortitudinis specimina edidisse , sæpè periculis consultò obiectos in ipsa ruisse pericula. Sed qualescunque illi fuerint , certè natio Polonica in vniuersum non meruerat ut sub nomine Cosacorum vel Lisouianorum à Scriptore Laureæ Austriacæ carperetur. More (inquit idem) gentis capto nouo Hungariæ oppido debacchati sunt ; sæuitum cæde immani etiam in foeminas & impuberes , loca ipsa Deo consecrata polluta stupris. Hiccinè Polonorum mos est , ea videlicet religio & pietas , quam in hoc Septentrione soli ita retinent , ut nullis perfidiæ Lutheranæ facibus se inquinari vnquam sinerint , numquàm à professione Catholicæ veritatis recesserint ? Nec sanè perspicio cur Bellus potissimùm Polonos crudelitatis & sæuitiæ crimine oneret ; quasi verò vel Dampierus vel Buquoius mitiores fuerint , blandiùs cum hostibus Caesaris egerint : omnes nempe qui Caesaris stipendia merebant ad bellum , ad cædem , ad incendia , ad populationes conducti euocatiq; fuerant : is rem strenuè egisse putabatur qui plures Bohemos & eorum socios occidisset , expilasset , fortunis spoliasset , latiusque populatione extensâ Caesaris hostibus terrorem incussisset. Id cùm Poloni agerent iubente & volente Caesare se agere sciebant , cùm cæteri quoque Caesaris militares Duces exemplo ijs præirent , & quâ parte poterant hostibus damna inferrent. Risum mihi sæpè interdum & bilem mouit , auctoris in describendis rebus ad bellum illud spectantibus inciticia ; inter Archiducem Carolum & Principem Vladislauum pactionem factam fuisse de auxilijs subministrandis , quis credet

nisi status iuris nostri ignarus? Triginta Cosacorum millia à Rege Poloniae finibus Silesiacis admota, alibi etiam eosdem multorum millium numero vel Hungariam vel Silesiam vix ingressos caesosque. Si à te Indica Historia Belle scriberetur, impunè tibi talia proferre liceret, nec enim quisquam nostrum eò sciscitatum profisceretur, utrum ea quæ narrares vera essent: nunc cum rem temporibus & penè in oculis nostris gestam fide Cæsarei Historici ad notitiam posteritatis prodis, à nobis in ijs quæ notissima sunt facile refutari potes. Neque ego amplius commemorabo ea quæ tu fide tuâ in Austria, Bohemiâ, Moraviâ, & Silesia gesta fuisse asseris, neque ea quæ contra Polonos scribis magni deinceps æstimabo, nec denique expendam aliquidne operæ isti siue Cosaci, siue latrones à Cæsare euocati Cæsari nauauerint: ad ipsam venio Poloniam, & tua in Patriam meam maledicta paucis perstringam. Inprimis autem à te peto cur tibi in mentem venerit, ut Lauream quam capiti Austriaco necere instituisti, dedecore nostro vndique conquisto augere volueris? quasi verò in solâ erretur Poloniâ, & nulla sit Respublica quæ quandoque aduerso euentu non laboret. Nimiùm tuis Germanis faues, & ita in amorem Patriæ effusus es, ut cæteros floccifacere videaris: vereor ne in te id aptè dici possit quod in quendam Historicum ingeniosus scripsit Poëta: Nec malus es ciuis, nec bonus Historicus. Itaque extra Germaniæ fines egressus, quasi Rubicone superato veritatis aleam in dubium euentum ieceris, quidquid in buccam venit promiss. Anno Domini MDCXVIII. Turcarum Imperatorem Cosacorum prædis & rapinis irritatum, fœderi quod cum Rege Polono haberet renunciaſſe, ingentemque Turcarum exercitum adiunctis quadraginta millibus Tartarorum, in fines Poloniæ immiſſiſſe; ab his maiora hominum memoria Podoliæ arma illata, & insuper Præfectum Regionis qui cum tribus millibus militum illis se obiecerat, ita profligatum, ut omnibus amissis tribus tantum socijs comitatus fugâ euaserit. Siste stylum mi Belle, & vnde ista habeas recensere, nos qui tunc in Poloniâ viximus nihil tale vidimus, nihil audiuiſſimus. Irritari à Cosacis Turcarum rabiem, eorumque fines hostiliter inuadi, non nouum, nec primùm eo anno factum: Tartaros furtiuis excursionibus prædas ex agris qui in finibus vasti & parum culti longè lateque patent, agere propè quotidianum. Acciderat aliquid eiusmodi illo anno, ut maioribus viribus is hostis ad populationem vicinatum sibi Prouinciarum accinctus in nos incubuerit, sed in ipso Regni limine Stanislaus Zolkieuius Regni Cancellarius & exercituum Dux, castris positus ita compressit hostilem audaciam, ut non multum circumactò agmine iter vertere, & partim accepto partim illato, quod à vago ac fugitiuo hoste vix caueri potest damno regredi coactus fuerit. Cæterum tunc nec Prouinciæ Præfectus nec tria militum millia cæsa sunt. Idem

si veritatis violatæ argui noluiſſet Principis Vladislai in Moſchouiâ prægreſſus vel ſiluiſſet vel diligentius rei geſtæ ſeriem indagaeſſet. Penuria annonæ Principis exercitum laboraſſe. Comitijſ Mashæ (crediderim huius nominis oppidum nullibi exiſtere) habitis noua auxilia illi decreta fuiſſe, illum denique irrumpentibus in Poloniam Turcis & Tartaris conſilium belli contra Moſchos gerendi deſerere coactum fuiſſe: quæ omnia præſectò à veritate remotiſſima ſunt. Mox libro III. Principem Vladislauum pactis cum Carolo Archiduce mutuis auxilijs Sileſia exceſſiſſe memorat; cùm eâ de re nec actum quidquam fuerit, nec agi potuerit. Eodem libro Regiam cum Senatu per literas de motibus Tranſyluanicis & Bohemicis inſtitutam deliberationem ita procul vero narrat, vt planè appareat eum in alienâ & ſibi ignotâ verſari Republicâ. Non perſtringam omnia, vnum ſaltem ſcire cuperem; cur taceat, Carolum Archiducem Episcopum Vratiſlauenſem, tunc ingenuè faſſum eſſe, & Episcopatum Vratiſlauenſem beneficio Regum Poloniae, qui olim legitimi domini totius Sileſiæ fuerunt donatum fuiſſe, & deſenſionem iurium ſuorum ad Regem Poloniae pertinere? Paulò poſt idem recenſet ſedecim & mox viginti millia Polonorum Duce Humanai in ſuperiorem Hungariam & Tranſyluaniam irruiſſe, ſed ſubductis rationibus conſtat non plures quinque millibus fuiſſe qui id facinus auſi, Ordinibus Regni minimè probantibus temerè priuato conſilio pacem publicam turbari. Ditrichſtemium in Poloniam cùm à Morauis in ius vocaretur transfugiſſe, & opem Regis imploraſſe nemo noſtrum audiuit. Polonos à Præfecto Caſſouienſi ad Zipsium caſos, ad fictam belli fabulam pertineat: vt illud penè eodem folio, quaſi triginta millia Polonorum Sileſiæ finibus imminerent, à Rege iſthic collocata, vt terrore Bohemos & Sileſios in fide Cæſareâ continerent. Mox idem ſcribit Regem Poloniae quieti ſe dediſſe, & Heiducis mandaſſe ne Turcas infeſtarent. Nec memor Bellus (vt ſæpè labens memoria) quod paulò antè militaſſe ſub ſignis Humanai dixerat Polonorum ſedecim & aliàs viginti millia, libro IV. contrahit calculum, & non niſi ad quatuor mille redigit, qui in obſequio Humanai & Alteinani fuerant, eos ad Cæſarem opportuno & neceſſario illius tempore veniſſe, cùm fatetur agnoſcit beneficium gentis maiorem Cæſaris quàm Patriæ curam habentis. Nihil ampliùs dicam de proſperis Polonorum ſub ſignis Cæſaris ſucceſſibus, decæde eorum in Sileſiâ & Morauia; vbicunq; occaſio data eſt Bello Polonici nominis gloriam obſcuſcandi non parcit ſtylo, pungit acriter, & à Cæſare euocatos Cæſari operam nauantes prædones latroneſq; nominat. Interea, inquit Bellus, contigit Magnum Moſchouiæ Ducem decedere anno nempe MDCXX. ſed parce mi Belle, res longè aliter ſe habet. Poſt Borriſſum Chodunum primus in Moſchouiâ (ſi impoſtores, qui duo pari auſu ac felicitate ſolium illius imperij conſcenderant, excipias) imperauit

Basylius Suiscius, qui virtute nostrorum tyrannidem eiurare coactus, ac captivus Regi Sigismundo publicè in Comitibus Varšaviensibus, nuper amplissimarum Europæ & Asiæ ditionum Regnator traditus, mox anno post in carcere vitam cum morte commutavit, cum priusquam captus esset, vniuersa Moschouia sacramento fidei Serenissimo Principi Vladislao Regio filio se obstrinxisset. Res iam in tuto esse videbatur, Principem eo Imperio potuisse potiri: neque sanè pauci rebelles qui suis rebus studebant, ac Michaëlem Fedorouicius, qui nunc usurpat Imperium, promouebant obstitissent, ni Rex Poloniæ suis potius quam filij auspicijs rem gerere maluisset: etenim periculosum videbatur iuueni adhuc Principi laxare fræna, ne imperio gentis nondum satis domitæ se, suosque in exitium daret. Itaque dum ipse Rex tardiori apparatu in Moschouiam expeditionem molitur, gens fidei non admodum tenax, Patrem in locum electi à se filij sibi dari causata, ad arma conclamat; Moschouiam Metropolim gentisque caput quæ præfidijs nostris tenebatur, prius in Vrbe excitato tumultu, dein cum nostri in interiores munitiones se recepissent, strictâ cingit obsidione; quâ ultra vnius anni decursum continuatâ, nostros iam fame enectos & arces Moschouiae in deditionem recepit. Regnat iam ibi Michaël Federouicius annis fermè quindecim, neque interim quisquam qui se Moschouiae Principem dicere aliquo prætextu posset vitâ functus est, nemo Cracouiæ qui Imperium Vladislao, iam pridem à Moschis adscito, sed perfidè deserto deferret, comparuit. De Marschalco Regni, quasi per eum Rex Poloniæ Carnouensem in partes suas pertrahere rebellibusque Silesijs receptum & patrocinium offerre voluerit, ea quidem talis fabula est, vt ne Cæsarem quidem qui Regis nostri candorem perspectum habet fidem ei habiturum existimem. Ad describendam Polonorum in Valachiâ cædem quæ Anno MDCXX. Mense Octobri acciderat, dum se accingit Bellus, imprimis Historiam de Gratiano texit, à veritate omnino alienam; neque enim Gratianus suspicione amicitiae Poloniæ in odium Turcis venerat, sed cum iuberetur, ad bellum Polonis inferendum in aduentum Turcarum commeatum parare, Prouinciasque quibus præerat ad arma cogere, detestatus impium pro Machometanis contra Christianos bellum Valachis ipsis auctoribus, & fidem se illum non deserturos dantibus, rebellionem à cæde mercatorum Turcicorum qui lassus (oppidum id vbi Principes Valachiæ sedem & domicilium habere consueuerunt) negotiabantur, orsus est: ac Stanislaus Zolkieuio Regni Cancellario exercitusque Generali Prefecto scripserat, se paratum esse cum vniuersâ Valachiâ in fidem & clientelam Regis Poloniæ concedere. Non erat præceps Zolkieuij consilium, audiuerat à maioribus natu, nunquam prosperè cessisse Polonis Valachiæ usurpationem, ipse quoque cum propè ad septuagesimum

Gratianus
Moldaua
Palatinus cū
totâ Molda-
uiâ in clien-
telam Regis
Poloniæ se
concessurum
pollicetur.

gesimum annum accederet, multa viderat, multa legerat. Veniebat in mentem veterano & perito Duci; Turcas in proximo esse, facile Tartaros acciri posse, Valachos quos Gratianus adfore & in castra ipsius, modò Tyram fluvium transgrederetur venturos pollicebatur nihil contra Turcas ausuros, & fidem citò mutaturos: se non amplius tria millia militum sub signis habere, tantundem ex voluntarijs amicorum, quorum plerique magis fortunam eius, quàm ipsum amabant haberi posse: denique receptis in clientelam Valachis parum inde emolumentum ad Rempublicam redundaturum: cùm ea Prouincia summo discrimine è faucibus Turcicis eripienda foret, & bellum contra tam potentem hostem, cui Principes Christiani haecenus obsistere non potuerunt, diuturnum ac inexplicabile suscipiendum. Ne tamen occasione rei benè gerendæ deesse videretur, rem ad Regem detulit. Erant in consilio Regis qui tum Varsoviae agebat, nonnulli pacati viri qui suaderent extra fines quibus Regnum terminatur, non esse exercitum ducendum, sua potius tuenda, quàm aliena inuadenda: Gratiano, vt sæpè aliàs eiusmodi transfugis receptum sine noxâ Reipublicæ dari posse, Valachiam tam exiguis copijs occupari non tutum videri. Denique exercitum eum qui nunc sub signis est florem esse militiæ Polonæ, nec temerè hosti obijciendum, ne si succubuerit, præcipuæ vires veterani exercitus succidantur. Sed cùm vnus consilij aulici princeps bellum spirans tunc quoque frustra militem haberi nisi bellum gerat disleret, potiusque arma expedienda, in hostem eundum, Valachiam hosti eripiendam, sedemque futuro bello ibi parandam suaderet, in eam sententiam scriptæ ad Zolkienium à Rege literæ, permissum tamen eidem vt rem suo arbitrio gereret. Ille verò non ignarus suam socordiam in aula notari, non vltra moratus, versus fines Valachiae mouit. Putares illum motæ mentis fuisse, qui cùm filium vnicum & alterum ex fratre nepotem, ambos Zolkienios præstantis indolis iuuenes, & Stanislaum Koniecpolium generum suum militiæ Campestris Præfectum, ac suum in bellis vicarium secum traheret, non tamen de augendo exercitu cogitasse, non militem suâ pecuniâ quæ illi ex amplissimis opibus suppetebat conduxisse, denique fallacibus Gratiani promissis plectum & fidei illius innixum non explorato hostilem terram intrasse. Venit & Gratianus in Castra, inuidiosas opes quas breui corraferat secum trahens, desertus à suis & exiguo domesticorum comitatu septus: simulque nuntiabatur Turcas Scanderbego summo militiæ Thraciæ Præfecto, & Tartaros fratre Hani Ducibus magnis in nostros effundi agminibus. Vltra sexaginta millia hostium erant; tertia pars tanti exercitus è Turcis, more suo armatis, ac bellicas maiores minoresque machinas secum trahentibus constabat: eò iam processerant nostri, vt regredi nec tutum, nec honestum esset; igitur consultantibus de rationibus expediendæ publicæ priuatæque salutis, tutissimum visum,

*Zolkienius
Moldauiam
cum exercitu
ingressus*

Eius cum
sexaginta
millibus
Turcarum &
Tartarorum
conflictus ad
Czoczoram.

vetus Czoczoræ munimentum, quod olim Ioannes Zamoscius dum à Tartarorum Principe iisdem in locis premeretur, infederat, & summâ cum laude hostis conatus eluserat, occupare, ducto restauratoque vallo. Assultabat hostis interim timoremque nostris exprobrabat, illi vicissim extra munimentum productis copijs, semel atque iterum non infelici ausu cum hoste conflixerant, multos è barbaris ceciderant, sed postremò cum sinistri lateris acies productior esset, nec suis constaret numeris, in eam Turcæ factò impetu perruperunt, & se nostris immiscuerunt: turbati isthic ordines, & qui è nostris memores militaris decoris resistere ausi sunt cæsi (non plures quadringentis) cæteri intra vallum amissis aliquot signis se receperunt. Quiete vnus diei interpositâ, nam & hostes non sine ingenti damno multis è suis amissis, pluribus vulneribus debilitatis abscesserunt, iterum nostri cum appareret hosti in patienti campo resisti non posse, nec diu commeatum Castrensẽ si obsidionem tolerare necesse foret duraturum, consultant de modo subducendi in tutiorem locum exercitus. Erant plurimi nobiles viri in exercitu, nam præter Zolkieuios & Koniecpolium Valentinus Kalinowski Præfectus Camenecensis, Martinus Kazanowski, Samuel Korecki, Volmarus Ferensbach, Stephanus Chmielecki Potocij duo & reliqui turmarum quas partim Reipublicæ stipendio, partim suis sumptibus auctoratas ducebant Præfecti, non satis inter se concordēs & plerique Zolkieuiο infensi. Consilium illius erat per aliquot dies eludere munimentis hostis impetum, eum mox fatigatum & commeatu destitutum, prædæque magis quàm pugnae audum abscessurum: interim ex euentu se prospecturum quæ consilia deinceps capere oporteat, sibi quidem in animo esse ferro per hostem viam aperire, modò paulisper animi militum perturbati in spem & audaciam erecti fuerint. Idem ferè sentiebat Chmielecius quo nemo melius Tartaricorum stratagematum gnarus putabatur. Sed Kalinouius vir aliàs bello strenuus tunc vel fatali necessitate, vel vt Zolkieuij consilio improbato eum desertum ab omnibus hosti proderet, contradixit. Se vnum scire, quâ parte hoste non sentiente, vniuersi securè euadere possent, fluuium Diesam qui partem castrorum ambibat, quamuis vliginosus & lutulentus sit, vno & altero loco vadabilem esse: se habere Valachos quibus transitus omnes benè noti sunt; ijs ducibus se vsurum. Fauorabili persuasione non solùm Gratianum, sed & alios plerosque traxerat in suam sententiam, vt Zolkieuiο tam timidum & periculosum facinus improbanti obstreperent, moxque veluti signo dato qui salutem esse vellent vt se sequerentur conclamarunt. Iam sol ad occasum vergebat, cum à conscijs per castra discurrentibus vox spargi cœpta, deferi exercitum fraude Ducum, sibi quemque consulere oportere: sic tumultu excitato vniuersi veluti panico timore consternati, ruebant eò, quò iam Kalinouius quasi noto suis vado

Persuasione
Kalinouij
multis ex Re-
gio exercitu
deserto Zol-
kieuiο fugâ
sibi consulere
volunt;

vado se in flumen præcipitem iecerat. Accurrit Zolkieuius signoque quo à cæteris dignosci poterat erecto se vniuersis conspiciendum præbet, flagitiosum consilium detestatus, eos qui nondum in alteram ripam euaserant, vel aquis absorpti non fuerant, partim imperio, partim pudore à turpi fugâ reuocat, periculum præfens, in quo illi qui primi euaserant versarentur, demonstrat: & iam audiebantur gemitus eorum, qui in angustiis itinerum à Valachis præoccupatis immani cæde iugulabantur. Tanta erat in castris confusio, is tumultus, ut si hostes id scire potuissent, facili negotio ad internecionem vel omnes deleuissent; sed attoniti quoque ij, & dolum suspicati, euentum rei præstolabantur. Id conspiciatus Chmiecieus qui septingentos sub signis habebat per medias hostium armatus euasit acies, suis omnibus saluis, existimantibus barbaris aliquid aliud agi, & in suam perniciem clamorem tumultumque excitatum. Noctem eam insomnem egit Zolkieuius, dum timidos, dum varia suspicione suspensos firmat, & ad meliorem spem erigit, ipse multa per se, cætera per Koniecpolium exequitur. Orta lux detexit quantum exercitui virium detractum esset, nam præter eos qui in acie fortiter occubuerant circiter bis mille & quingenti in tumultu & fugâ vel flumine merisi, vel ab hoste impio trucidati numerabantur. Constitit deinceps neminem eorum euasisse, cum nec pretiosiora quæ auro repensâ fuissent Kalinouij & Gratiani cadauera reperiri potuerint: in castris solitudo ingens, vix duo millia militum supererant: sed in vallo lixæ & calones steterunt, reliqui extra munimentum egressi hosti quasi pugnae copiam facturi ostentabantur. Et is ferrius aliquanto compererat suo voto fauere fortunam: magis igitur quam antea adsultabat castris, vimque maiorem admouebat, sæpe elusus, sæpe victo similis abscessit. Nulla nostris via alia salutis patebat, nisi quam manu & armis aperirent. Igitur septimâ obsidionis die, relictis & igne corruptis impedimentis, armati extra vallum egressi in conspectum hostium venerunt, densâ acie, nec vsquam hosti opportunâ, & ubi is propius copias admouebat sclopetorum ictibus arcebat. Per aliquot dies frustra assultu hostis aciem rumpere voluerat, multos è suis amiserat, postremo cum iam reducere copias vellet, iamque in tuto ad ipsos Regni fines nostri se esse existimarent, à lixis & mancipijs ingens in castris orta est seditio: verebantur ij ne in tumultu ad Czechoram rerum direptarum ratio ab illis repeteretur, & fortè aliquis ex Ducibus id parum opportunè minatus fuerat. Non deerant hostium in castris exploratores, qui confusas res, alios fugere, alios turbare, neminem imperio contineri nuntiarent. Scitum est vulgatumque sæpius, multos à paucis vinci posse; fama fert non nisi quadringentos Tartaros tunc irruisse, qui beneficio noctis vsi palantes dispersosque ad libitum ceciderunt, præcipuos quosque captiuarunt. Zolkieuius cum

Sed à Valachis castris in fugâ, alij à Zolkieuius reuocati.

Id incio hoste accidit.

Exercitus Polonicus ad summas reductus angustias, instructâ acie ad fines Poloniae contendebat.

*Seditionem
in exercitu
calones exci-
tant, quâ ho-
stes vsu nostros
profligarunt,
cæsus & ipse
Zolkieum.*

nec fugere honestum putaret, nec in manus hostium venire vellet, ver-
so in hostem vultu, & ignoratus quis esset, pugnans, aliquot acceptis
lethalibus vulneribus occubuit, cum maior pars militum quibus vita
decore militari fuit potior, fugâ euasisset. Hæc est clades illa quâ ma-
iores nostri nunquam maiorem acceperunt, non quod, ut Bellus re-
fert, viginti millia militum perierint, cum etiam si captiui ad numerum
cæsorum adijciuntur, plures tribus millibus non occubuerint, sed quia
alter è Ducibus cæsus, alter captus, & flos nobilitatis, ac veteranæ mi-
litæ valdè succisus fuerit, denique tantum auri argenti que in redimen-
dis captiuis expensum, quantum magno aliquo bello parando satis es-
set. Inter cæsos, inquit Bellus, ipsius Magni Cancellarij filius fuit. Za-
moscius quidem Cancellarius decimo quinto ante acceptam eam cla-
dem anno obierat, vnico relicto filio, qui in omnibus Patri simillimus,
non solum viuit, sed etiam virtute propriâ ad paternum decus capef-
sendum viam sibi patefecit: iuuenis adhuc Senatoriâ dignitate iudicio
Regio ornatus, & deinceps Regni Procancellarius renunciatus. Nar-
rat deinceps Bellus, paulò antè (dicere debuisset paulò post) Regem Po-
loniæ Comitæ Regni Varsaviæ habuisse. Quæ in ijs ad consultandum
proposita fuerint mendosè recenset, vti & illum nefarij parricidij quo
Regis caput à motæ mentis homine appetitum fuit, conatum, multis
farcit fabulis. Vratislaviæ originem refert auctor ad Vratislauum primum
Silesiæ Ducem. Perstringit huius Scriptoris oculorum aciem, Poloni-
ci nominis memoria. Vratislauum nescio quem fingit Vratislaviæ condi-
torem Polonum, sed cum supremum fuisse Poloniæ (cuius nomine &
Silesia cum alijs latè patentibus Prouincijs continebatur) Monarcham
non asserit; fatetur tamen olim (dicere debuerat semper) Silesiam fuis-
se iuris Polonici. Addo ego iniquissimo iure à Regno auulsam domus
Lucemburgicæ, quæ in Bohemiâ eo tempore regnabat, sed præcipuè
Ioannis Regis & Caroli IV. Imperatoris eius filij, astu deceptis Ducibus,
& callidè eò inductis vt crescentem Vladislai Loctici Regis Poloniæ
Patruelis sui gloriam, secessione ab Imperio Polonico imminuerent, se-
que domui Lucemburgicæ subijcerent. Sed hac de re alij vberius. Re-
gem Poloniæ à Cæsare viginti quatuor millia militum auxilij nomine
contra Turcas petiisse firmat Bellus libro V. Commentarij sui. Sed ad
propiora veniamus, non tuum est Belle magnitudinem belli & periculi
quod non magis Regno Poloniæ quàm Reipublicæ vniuersæ Chri-
stianæ Anno MDCXXI. à Turcis imminabat, ne dicam describere, sed
etiam animo comprehendere. Repete, si vis, acta superioris æui, in-
uenies quotiescunque Turcarum Imperator, ex eo tempore ex quo in
Europam pedem intulit, contra Christianos in acie præsens stetit toties
cæsos exercitus, prouincias vel munitissimas arces amissas fuisse. Si-
gislinundus Romanorum Imperator idem quæ Hungariæ & Bohemiæ

Rex,

*Semper im-
prosperè Prin-
cipes Chri-
stiani cum
Turcis bella
gesserunt.*

Rex, quamvis propè vniuersam Germaniam accito etiam Ioanne Burgundiae Duce in armis haberet, adeò tamen infelicitè in campis Nicopolensibus cum hoc hoste pugnavit, ut vniuerso amisso exercitu, ac Duce Burgundiae capto, vix ipse exigua cymba euaserit. Vladislao nostro ad Varnam contra Amurathem decertanti, nec inuicti animi robur, nec plurimae de Turcis partae victoriae suffragatae sunt, quominus aduersae fortunae succumberet, & velut innocens victima ad aram caesa saeuientis hostis impetum quo ad extinguendum nomen Christianum ferebatur moraretur. Pari fato occubuit Ludouicus noster ad Mochacium, qui fiducia consanguineorum, impar certamen cum potentissimo hoste susceperat, ac ab eis desertus, à suis verò (liceat vera fateri) proditus fatali Hungariae occasu concidit. Vos ipsi imperante Rudolpho Secundo Machometi Tertio Agriam oppugnanti & expugnanti obuiam iuistis, bini Imperatorij exercitus, Germaniae Bohemiaeque robora: Duce Maximiliano Archiduce vniuersa Hungaria, ac Sigismundus Batthoraeus cum copijs Transylvanicis sub signis erant: victi hostes per vniuersam Germaniam nunciabantur; interim Agria munitissima arx amissa, Maximilianus castris exurus, amissis impedimentis agrè saluus euasit. Non exprobrandi causâ hæc à me commemorantur, sed tamen unicuique æstimanti periculi magnitudinem facillè apparebit cum maiori potentiâ quàm vsquam aliàs Christiani oppugnati fuerimus, cum maximi Turcarum Tartarorumque Imperatores, ad delendum euertendumque funditus Regnum Poloniae, triennali apparatu Asiae Europaeque militaria agmina finibus nostris admouerint, cum nos ipsi & superioris anni clade perculsi, & tunc ab omnibus socijs destituti, à Sueco etiam foederato barbarorum amico oppugnati fuerimus, nos primos diuino fretos auxilio docuisse, eum hostem vinci, illius audaciae frænum obduci, crudelissimum impetum cohiberi posse: nihil ille eorum obtinuit quæ voluit, ne vnus palmi spatium ex agro nostro decerpset, & qui antea victis conditiones dare solebat, eas victo similis, caesus è suo exercitu plus quàm sexaginta millibus accepit: denique qui neminem nisi fugatum victumque in acie videre assueuerat, ipse nostris arma tenentibus primus ex acie cedere coactus est. Conditiones in speciem magis scriptae, neque tamen quidquam in ijs adiectum quod veteribus pactis non contineretur, vel barbaro hosti ad votum cederet. Denique is exitus eius belli fuit, ut Turcae eam expeditionem exosi, auctores eius grauissimis poenis multauerint, Osmanum ipsum Imperatorem Regno deiectum primâ nec antea vnquam audita seditione mactauerint. Hoc decus, ea gloria Deo duce, Sigismundo III. & Vladislao eius filio ac genti Polonae feliciter obtigit: hanc tu, sed frustra tuis falsis relationibus obcurare nisus es: sed etiam si Septentrio noster non tam illustribus abundet

*Primi Polani
Turcas vinci
posse ostenderunt.*

*Turcae odio
infausta in
Polonos expeditionis
Osmanum
Imperatorem
interfecerunt.*

*Feudum
Prussicum
extinctum
bis, iteratò ad
Electores
Brandebur-
genses trans-
latum à Si-
gismundo
Tertio.*

abundet Scriptoribus, fama tamen ipsa seræ posteritati tradet, quantum nos eo bello de vniuersâ Christianâ Republicâ meruerimus, quantumque ij nobis debeant, qui si nos occubuissemus nostrâ casuri erant ruina. Viuet perpetuò (etiâ si obganniat inuidia) eius rei memoria, atque clarescet sæclis innumerabilibus. Deinceps leuiter & ieiunè attingit Bellus insigne Regium beneficium, quo Rex & Regnum Poloniæ Georgium Vilhelmum Marchionem Brandeburgensem hoc anno ornauit. Poterat sanè si non tantoperè gentis Poloniæ dignitate offenderetur, altius repetere originem Feudi Prussici, iam secundò, cum priùs à Sigismundo Primo domui Brandeburgicæ collatum extinctum esset, ad Electoralem domum liberalitate Sigismundi Tertij translaturum: poterat meminisse & conditionum quibus Electoralis domus genti nostræ obstricta est, & quo splendore Elector ipse priusquam Varisauiam ingrederetur, à Rege exceptus fuerit, cum non quingenti Cosaci, ut ineptè Bellus refert (nec enim aula Regis Poloniæ è Cosacis constaret) sed bis mille splendidissimorum Equitum per turmas diuisa agmina, totidem pedites, Rex cum Senatu extra Urbem obuiam progressus Electorem in campo salutarit exceperitque. De pactorum cum Turca sancitorum conditionibus melius siluisses, quàm ut apparet, ignarus quid ipsis contineretur multa de tuo sensu adiecisses. Quæ de actis cum Rex Poloniæ Gedani Anno MDCXXIII. esset scribit, ponamus nonnulla ab eo verè dici; illud sanè vix credi potest, Regem eâ Maiestate, eâ ætate, eâ in omni vitâ modestiâ, choreas duxisse saltantemque in publico se spectandum præbuisse, credat Iudæus apellæ, non ego. Sed si indulerit aliquantis per huic honestæ oblectationi Princeps multis oneratus curis, ideòne id Commentarijs tuis inferere debueras quasi nihil aliud esset in quo sty-lum exerceret? sed sicco (quod aiunt) pede transis virtutes, imitamenta vitiorum in publicum prodis. Multa prætereo in quibus admoneri posset Bellus ne alienæ messi falcem imponat, ne bellis à nostris gestis sinistra relatione detrahat. Non ille nos æstimauit quales sumus, quid possimus, quantum & quam ob causam de nobis Suecus aliquid abraferit, quàm longè ab eo distet, ut potentissimi Regni opes eius nefarijs ausis succumbant. Nescit, ut video, Bellus latè patere Regnum Poloniæ; Tartariam Cracouiâ centum quinquaginta Germanicis milliaribus distare: coarctat ille hos terminos, & Tartaros viginti milliaribus intra fines Regni progressos quindecim tantum à Cracouiâ milliaribus abfuisse narrat. Ad pacem cum Sueco constituendam non alio fine mentem flexeramus, nisi ut exemplo maiorum cum barbaris potius, quàm cum Christianis bellando arma exerceamus: pactæ erant annuæ induciæ volente etiam Rege, de perpetuæ pacis conditionibus tractatus suscipi debuerant. Sederat quispiam qui ostenderet non benè consuli Domui Austriacæ, si Suecus arma quæ in Liuoniâ tunc habebat, in Germaniam

niam transferret, seque cum Cæsaris hostibus coniungeret : aliud proinde suadebat, vicitque hæc sententia. quare nobis acceptum ferre debet Austriaca Laurea quod tam diu Suecum, ne cum cæteris Cæsaris hostibus socialia arma coniungeret, distinuerimus. Carptim percurrimus vanitates Belli, qualis illa; Arnoldinum conscribendorum in Poloniâ militum causâ à Cæsare ad Regem missum. Polonos in Valachiâ à Bethlehemo victos cæsosque. Ducatus in Silesiâ Oppoliensem & Ratiboriensem cū comitatu Glacensi iuniori Poloniæ Principi in feudum à Cæsare collatos. Graues & asperas condiciones eidem Principi dum in Episcopum Vratislaviensem eligeretur à Capitulo latas præscriptasque fuisse. Vnum Cosacum ex iis quos Solinscius in Silesiâ astu concidit, viginti auri myriades pro suâ vitâ obtulisse, apud reliquos ducenta aureorum millia reperta, alios Cosacos à Tartaris Turcis proditos cæsosque. Hæc & alia cur Austriacæ Laureæ cū multis sint referta mendaciis inseruerit, mirum meritò videri debet. Leuiora hæc & silentio transmittenda. Illud quod suauiter & cum quodam gustu refert Bellus; Mensè Martio Anno M. DC. XXVI. magnam Polonorum stragem à Suecis editam fuisse; Ducem quoque periisse; sex mille equos, sexcentos currus, opulentam prædam abductam. Sed quis ille Dux? quasi ignota hætenùs fuerint eorum qui exercitui apud nos præfuerunt, nomina. At ego ingenuè & constanter assero, nullum isthic Ducem Polonum, vix quemquam è Polonis militem fuisse. Ioannes Sapicha è Lithuanis Proceribus non ampliùs bis mille equites peditesque sub signis habebat. cum his gloriolæ captandæ causâ propiùs ad ea loca quæ ab hoste tenebantur accesserat, incautè & non exploratis insidiis confederat. Notum id erat hosti, qui per sylvas & niues eluctatus semisopitos inuasit dissipauitque : nec tamen Dux ipse (vt Bellus ait) nec quisquam è nobilioribus cæsus, aut captus, nec equi aut currus intercepti : fugâ turpi vniuersa ea Lithuanorum manus eò se subduxit quò hosti aditus ampliùs non patebat, & suis qui metu perterriti flagitiosam fugam consciuerant, mens non læua fuisset, hostis in ipso victoriæ ardore ad internecionem deleri potuisset. Nulla isthic interuenit proditio, nec quisquam ex Senatoribus eo nomine infimulatus. & Rigenes quinto ab eo tempore anno iam erant in potestate hostis, qui tamen ob prodicionem pœnas luisse, auctore Bello, dicuntur. Transit deinceps Bellus cum Sueco in Prussiam, eaque vt ab hoste occupata fuerit, paucis perstringit : vno verbo dicere potuisset nullam aliam machinam admotam fuisse, nisi fraudem, & eorum qui in præidiis erant prodicionem. Tuta erant littora Prusiæ, si portus Pilauiensis meliùs custoditus, si Suecus Electori Brandenburgico affinitate coniunctus, si non à Germanis eiusdem cum Sueco religionis ea ora habitata fuisset. Patuit Sueco Pilauia, patuit Elbinga, patuit Mariæburgum vbique à ciuibus Hæreticis libenter exceptus. Quid multa? intra dies duodecim plura munitissima oppida vix quoquam resistente in suam redegit potestatem. Quod si

fides

fides eorum qui præfidiis præerant non tam adeò hosti fauens fuisset, vel in capiendo Pilaiensi portu, vel in Elbingâ aut Mariæburgo expugnando, multum illi sudandum fuisset. Nec proditores eâ exultatione uti possunt, quasi de subsidio desperassent, nam & Prussica Nobilitas intra vnum mensem in armis erat, & Rex celeriter actò delectu, magno animo hosti obuiam iuit : captam itaque Elbingam dicere nefas esto, proditam ut & alias arces concedo. Quæ deinceps subsecuta sunt, quidûc hostis egerit, ut nostri illi obstiterint, ut variâ fortunâ bellum ductum fuerit, cæsi hinc & inde multi, sæpè Suecus periculosè infestatus, bis corpore plumbeam glandem exceperit, aliquoties penè è manibus Polonorum euaserit, non est huius loci narrare. Nusquam alibi quàm in bello fortuna suum exercet lusum : non eo inficias nos quoque toto triennio variè iactatos fuisse : si quis causam scire velit cur non iis viribus quas per alias occasiones exercere consueuimus, huic hosti rettiterimus, hanc ego assigno : inuitis ple-risque Ordinibus Regni id bellum gestum fuisse, nunquam consentientibus omnium voluntatibus decreta subsidia, Duces belli lectos, qui à Germanicis, iisque Hæreticis penderent consiliis, sæpè desidia, sæpius perfidiâ laboratum, multæ occasiones rei benè gerendæ intermissæ. In vniuersum tamen rebus consideratis non rectè existimat, si quis credit solidam bellicæ virtutis gloriam ex hoc bello Suecum decerpisse : cæsus & in deditio-nem acceptus ad Hamersteinum vniuersus eius exercitus; signa peditum equitumque propè triginta relata : Strefelius & Teisfeliæ capti & in triumpho ostentati : Gustauus ipse ad Meum primo assultu ita repul-sus, ut ferè nando ad naues in Vistulâ euaserit ; ad Dirschauiam sclopeto ictus in conflictu : ad Margeburgum eius prætoria cohors profligata; Baudisius & complures alij capti : supra mille quingentos cæsi; postremò ad Graudentum cum vniuersæ eius copię in fugam actæ fuissent, adeò ipse in periculo fuit, ut multos ictus corpore exceperit, bis prehensus, tō-ties è manibus elapsus, ad extremum amissis omnibus impedimentis, bel-licoque quem secum habebat apparatu, trepidus euaserit. Non propterea hæc à me dicuntur quasi eo bello parem quam olim Maiores nostri ex hostibus referre soliti fuerant gloriam nomini nostro pepererimus, multa sunt quæ culpari possunt, nec faciliè excusari queunt : quanquam non adeò difficilis adiici posset excusatio, neque enim, ut antè dixi, concordi omnium sententiâ hoc bellum gerebatur, nec vires belli hosti pares suppeditabantur; maximè quòd ille talia loca infederit, quæ non nisi numeroso peditatu adiri expugnarique possent : in quibus ita hæsit, ut nunquam in aciem, apertosque campos prodire, numquam pug-næ copiam facere voluerit, carptim & per opportunas quas capta-bat occasiones, extra fossas progressus nostros infestaret. Auget qui-dem numerum militum nostrorum Bellus, ut eâ re nostrum augeat dedecus, ut cum in oppugnatione Pucensi ex vniuerso Polonico exercitu decem millia à Suecis trucidata fuisse refert; sed uti aliàs, hinc quoque

quoque multum à vero aberrat. Vniuersum Pucense præsidium octingenti erant milites à Sueco impositi, ij ne excurrere & impunè grassari possent, iussu Konięcpolij Lanckoronscius cum mille ducentis maiori ex parte peditibus, prope ipsum oppidum hyberna struxit castra: inde sperabatur Suecos si ab excursionibus & prædis agendis arcerentur fame ad deditiōem cogi posse: euentus spei respondit, nam cū milites Suetici hyberno tempore mari sibi commeatum submitti non posse viderent, & extra munitionem pedem efferre non possent, quarto ex quo intra munimenta compulsi erant mense, vitam pacti, traditis transfugis & ijs qui auctores erant oppidi Sueco prodendi inde exceſſerunt. De tot millibus Polonorum cæsis, qui fuerint, & à quo cæsi dispiciat deinceps Bellus, & falsas res pro veris narrare desinat. Sed pergit, & Regem re malè gestā Dantiscum profectum, mox nescio ad quod Sauium, nam eius nominis nullum isthic extat oppidum, nullus locus, copias recensuisse, & triginta millia in ijs numerasse audacter asserit, credo vt ficto tanto numero, parum cōtra Sueticum exercitum nostros potuisse ostendat. Comitia Torunensia sine aliquo decreto subsidio soluta fuisse, & rem ad proxima quæ Varſauia, auctore Bello, tertio post mense indicta erant reiectam fuisse narrat, & nullā habita temporis ratione ad circumforaneos rumores Historiæ Cæsareæ dignitatem accommodat, vt magis rumigerulus quàm Historicus dici mereatur. Tale illud est quod initio Lib. XII. narrat mille quingentos pedites in maiori Insulā cæsos, Regem Regni (belli dicere debuisset) administrationem Konięcpolio demandasse, ad Vormitum, ad Vendam (propè septuaginta magnis milliaribus hæc oppida ab inuicem distant) à Suecis feliciter, idque successiue penè intra spatium vnius septimanæ rem gestam, & vtroque cæsos Polonos, eosdem ad Puckum magnam accepisse cladem, obsidionemque soluere coactos. Comitia Anno M. DC. XVII. Mense Februario Varſauia celebrata fuisse. Si ad numeros veritatis hæc examinare velimus, reperiemus omnia aliter facta, nec semper, vt ille prodit, prosperos Suecis fuisse successus, sæpè aduersam quoque expertos fortunam, & quod rei caput est, dum malam tuentur causam, dum iniusto & nefario conatu aliena inuadunt, non bellicæ virtutis famam, sed latrocinantis militiæ infamiam, iudicio seræ posteritatis relatu-ros.

STANISLAI
 LVBIENSKI
 EPISCOPI PLOCENSIS
 OPERVM POSTHVMORVM
 PARS SECVNDA.

MONITA

DE EPISCOPATV

RECTE GERENDO.



VI ad Episcopale munus vocantur, eos summâ ope
 niti oportet, vt & functionis eius magnitudinem, & ¹
 suas vires diligenter expendant. Rectè enim ij existi-
 mant, qui huius dignitatis amplitudinem & potesta-
 tem humanâ voce explicari non posse censent. Diui-
 num est quod suscipiunt, arduum & difficile, quod
 se effecturos profitentur. Eorum est Dei in terris obire vices, curare & ^{Episcopale}
 efficere, ne quis eorum, qui illorum fidei commissi fuerint, pereat; vt ^{munus quale}
 omnes rectam & Orthodoxæ fidei, & Christianarum virtutum, quæ so- ^{& quantum}
 læ hoc nomine ritè censentur, normam teneant, denique vt sicut in cæ-
 lo, sic in terra fiat voluntas Dei, nomenque ipsius sanctissimum hono- ^{Matth. 6.11.}
 rificetur. Et muneris quidem istius rectè obeundi rationes satis sacris in- ²
 stitutis præscriptæ sunt, neque necesse foret aliunde eas petere, si sedulò
 incubuerimus ijs non tam euoluendis, quàm opere exequendis; sed
 nescio cur ea magis animo obuersentur, quæ ipsi ab alijs accepta, non
 solum ad mentem, sed ad calamus etiam reuocauerimus. Quod te &
 fecisse, & facere scio. Ita enim simul ac munus Episcopale suscepisti, ad
 illud ritè gerendum animum te adiecisse video, vt omnes diurnas no-
 cturnalque horas ei solitudini impendendas ducas. Testis ego sum eius ^{Sedulitas in}
 studij tui, quod ne alios quidem latet, biennio isto, ex quo Episcopus ^{visitanda}
 factus es, vniuersam lustrasti Diocesim, nullus remotus locus, nullus ^{Diocesi sua}
 adeò abstrusus angulus, quem non inspexeris, salutaribusque monitis ^{Marche Lu-}
 & institutis non correxeris. Neque id in laudem tuam à me dictum ^{bienste tunc}
 quisquam ^{Episcopi}
^{Chelmen.}

- quisquā existimet, vera quidem illa & solida est gloria, quæ ex rectè factis petitur, sed eam alij suspiciant, narrentque: mihi, qui me, te alterum esse volo, parcius de tuis virtutibus dicendū est. Satis inuidiæ, nescio an merito nostro utrique nostrum incumbit: minùs æquo animo ferre videntur plerique, duos fratres nouo & hætenùs in Poloniâ vix audito exemplo, Episcopos & Senatores esse; nec desunt, qui initia fortunarum nostrarum accuratiùs inspiciant, nosque nimium creuisse tacitâ indignatione mustitent: ignari videlicet quæ rationes nostrorum incrementorum fuerint, quibus laboribus, & quanto tempore, totâ ferè ætate in obsequiis Ecclesiæ & Reipublicæ actâ, quidquid id est quod nobis inuidetur, parauerimus. Sed linamus eos suo indulgere genio, cum è contra non desint Principes, Senatus, quibus aliquando in publicis functionibus nostra qualiscunque industria placuit. de fide quidem nostrâ nullus vnquam vel questus fuit, vel dubitauit: vtriusque nostrum, postquam priuatâ optimorum parentum cura, studiorum occupationibus perfuncti sumus, institutio domestica Matthiæ Pstroconij auunculi nostri disciplinâ formata est; qui vir qualis quantū fve fuerit, faceffat modò alienæ virtutis pessima æstimatrix inuidia, vel futura ætas fatebitur. quanquam & multi viri graues, eo iam vitâ functo, quando liberum & suspitione adulationis solutum est vniuscuiusque iudicium, satis luculentum dederunt virtuti eius testimonium. Et ne alios recenseam, suffecerit Regis nostri Sigismundi III. censura, qui tantum solet tribuere Pstroconio, vt & Senatorem illum prudentem, & optimum Episcopum fuisse confirmet, plurimumque & virtutis & meritorum eius memoriâ delectetur, tantique illum faciat, vt & nos sanè libenter fateamur, plurimum Regiæ gratiæ nobis Pstroconij nomine accreuisse, facilioresq; ad honores liberalitatēque Principis aditus, nos eo titulo, quòd ex eius institutione prodierimus, habuisse. Petrus Tylicki Episcopus Crac. quamuis olim Pstroconio ex æmulatione partium parum æquus, vitâ functum non alio nomine nisi religiosissimum sacerdotem, optimum Episcopum, eum appellare solebat. Stanislaus Zolkieuius supremus Regni Cancellarius, Exercituumque Capitaneus, cuius virtuti ne aduersa quidem fata quidquam detrahare potuerunt, Cassandram Polonicam Pstroconium appellabat, quòd prudentissima illius consilia, & verissimæ de rebus futuris coniecturæ minùs æquis auribus acciperentur, parumque, vt in corruptâ Reipubl. euenire solet, efficaces essent. Sed Pstroconius, vt probè nosti, nostris etiam scriptis ab inuidiæ morfu & obliuione vindicatus est. Cæterum ita totius vitæ studiorumque illius rationes accommodatæ fuerunt, vt nihil spectasse vnquam aliud, nihil cogitatione complecti existimari potuerit, nisi, cui materno voto puer sacratus dicatusque fuit, sacerdotium. Et quamuis optimo & ingenio & iudicio pollenti, non deesset variarum rerum notitia, eâ tamen potissimum excellere contendebat eruditione, quæ ad ritè sacerdotalis Episcopalisque functionis munus

4
Matthias
Pstroconius
quantus vir
in Ecclesiâ &
in Repub.

5
De eodem iudicium Sigismundi Terti Regis Polonia;

Petri Tylicki
Episcopi
Crac. & Stanislaus Zolkieuius Cancellarius Regni Pol.

6
Matthias
Pstroconij
studium sacerdotio accommodatū.

nus obeundum maximè esset idonea. Itaque adolescens eos & in celeberrimâ Cracouien. Academiâ ingenij sui formatores ac magistros delegerat, qui non minùs pij quàm eruditi essent; & Romæ, posthabitis alijs occupationibus, soli sacrorum Canonum studio acquiescebat. A Stanisla^o Karnkouio Archiepiscopo Gnesnen^{si} postea euocatus, & Ecclesiasticis functionibus admotus, nullâ alia re magis optimo Principi & sacrorum Præsidi placuit, quàm quòd videret eum doctum, prudentem, piùmque esse sacerdotem; idoneum, qui arduum quoduis in Ecclesiâ munus obeundum susciperet. Talis in aula Regiâ, ad quam à Ioanne Tarnouio Regni Procancellario necessario suo, vocatus fuit, de eo fuit opinio, omnes vti virum sacris addictum, ab omni labe immunitatem pudicumque suspiciebant. Testis & ego sum, sæpè illum cum curis publicis distineretur questum fuisse, quòd non potius sacerdotij munia obiret, quòdque ijs magis occupationibus, quæ ad curam Reipublicæ pertinerent, quàm sacris Sacrificijs vacare cogeretur. Quanquàm ille nullis vnquam arduis etiam occupationibus impediri potuit, vt non plus temporis sacris functionibus, colendæque & exercendæ pietati impenderet; sciebat optimè meliores secernere horas, quas sacris orationibus & sacrificijs, cæteris solutus curis, tribueret. Vacabat sæpè sacris etiam lectionibus, ac inter alios Diuinarum rerum interpretes, potissimùm delectabatur aurei oris lacteo fonte D. Ioannis Chrysostomi eloquio, eius laudatos ab omnibus de Sacerdotio libros, nocturnâ diurnaque versabat manu, tantumque illius assiduâ lectione profecerat, vt quotiescunque vel in publico, vel in priuato colloquio, de Sacerdotio sermo incidere^t, Pstroconius Chrysostomi ore loqui videretur: parciùs quidem dum adhuc in aulâ esset, hac de re miscebat sermonem; sed renunciatus Episcopus Præmysliensis quòd me & te iam tum probè Regi notos, & in Reipublicæ negotijs aliquot annis, sub disciplinâ Pstroconij & Tarnouij versatos, secum duxerat, cæteris alijs postpositis curis, in eam solam incubuit, vt iniunctum susceptumque Episcopale munus rectè obiret, atque ita curandæ subditorum saluti ritè incumberet, ne suæ deesset. Multa ille sæpè nobiscum hac de re contulit; sed ego habitum ab illo Brzozouix sermonem, cum memoriæ, quæ tum tenax erat, mandauissem, dandum hoc putavi & nomini illius, & nostro fraterno amori, vt cum ambo, quod ille futurum dixerat, ad gerendos Episcopatus vocaremur, illius dicta & salutaria monita scripto comprehensa, tibi in memoriam reuocarem. Meminisse autem te arbitror, cum primùm ad Diocesim accessisset, & Brzozouium, quod oppidum est ditionis & iurisdictionis Episcopi Præmysliensis venisset, statimque Lublinum, quòd ad corrigenda Patriæ iura eorum periti, Comitiorum auctoritate lecti, conuenturi erant, quod ipse quoque ex eorum esset numero, ire cogeretur; ex suscepto itinere, quòd Lublinum hoc tempore de peste suspectum esset, reuersum, quasi in quodam portu ex periculosa tempestatis

Eiusdem adolescentia institutio.

Primo à Stanislao Karnkouio Archiepiscopo Gnesnensi;

Deinde à Ioanne Tarnouio Vice-cancellario Regni in aulam Regiam euocatus.

*7
Libri Diui Chrysostomi de Sacerdotio quàm illi familiares.*

*8
Eius iam Episcopi Præmysliensis frequens de Episcopatu sermo à Stanislao Lubieno scripto comprehensus.*

*Annus Chri-
sti 1601.*

iactatione collectum, cœpisse seriò secum expendere muneris Episcopa-
lis dignitatem, dignitatiq̃ue adhærentia onera. Annus is erat sexcentesi-
mus primus supra millesimum, isq̃ue in exitu, cùm ego tum grauissimo
menſe Nouembri oppressus catarrho, oculis annuo morbo lippientibus
admodùm laborarem. Cupiebat eo tempore Pstroconius adire Cathe-
dram suam, & initia Episcopatus sui feliciter auspicari; sed cùm Præmys-
lia ob suspicionem pestis vitaretur, ille interim dum ea lues defæuijt,
vnius mensis otium nactus, ad piam laboris qui impendebat meditatio-
nem conuersus, vt plerumque solebat tempora bonis conatibus impen-
dere, sic hoc quoque ita transegit, vt fructum secreti sui nobiscum com-
municare vellet. Vtroque itaque nostrum accersito, ita incipit:

*9
Dissertationis
de Episcopatu
munere Exor-
dium.*

*Sororem de-
functam
Pstroconius
per quietem
vidit, quæ illi
totam vitam
seriem &
superuenturos
honores, ac
mortem deni-
que prædixit.*

10

*Sanctissimos
quosque Epis-
copalem di-
gnitatem de-
clinasse.*

Non ego vos arctâ sanguinis necessitudine mihi coniunctos idcirco
legi, curarumq̃ue mearum socios esse volui, vt tantum vestrâ vterer ope-
râ, longè aliud est quod prospicio & auguror, neque me, vt probè
nostis, mea fallunt auguria: sæpè enim, vt scitis, dixi vobis, tum cùm
adhuc spes parua esset, me in Collegium Episcoporum cooptatum iri.
Iuueni mihi admodùm, cùm de vitæ statu ineundo solida agitarem con-
silia, sororem meam, quæ intra pubertatis annos, non sine sanctitatis
opinione, è viuis excessit, in somnis visam, eamq̃ue non solum quod vi-
tæ genus legerem monuisse, meq̃ue & Sacerdotem & Episcopum futu-
rum prædixisse; verùm etiam, quod hætenùs vos celaui, & à vobis si-
lentio celatum esse volo, Episcopatum Præmysliensem non esse supre-
mum dignitatis, quem fata mihi destinant gradum: ad aulam mox re-
uocabor, Vice-cancellarius & Cancellarius Regni futurus; cumq̃ue
vtroque hoc Magistratu difficillimo Regis & Reipubl. tempore (ciuili
parricidialiq̃ue bello arsuram Patriam scirote) non sine laude perfunctus
fuero, in ipso ad eum locum, qui meritis meis debetur ingressu, hæ-
surum me suspicor, & vereor ne cursus vitæ meæ idem sit, qui & aulica-
rum functionum. Aliam, vt video, quietem spondent mihi fata: nihil
quidem temerè affirmare ausim, sed nescio quid portendit subitus, nec
sine meo horrore sororis, posteaquam hæc, quæ dixi, mihi ostendisset,
à me discessus: statuatur sanè de me Deus quidquid voluerit: ego me vi-
tamq̃ue meam ad nutum ipsius ita componam, vt nec viuere tædiosum
mihi sit futurum, nec mori formidolosum. Sed ad vos redeo, auguror,
inquam, vos, posteaquam ad maturiorem ætatem peruenieritis, vtrum-
que dignitatem Episcopalem & Senatoriam adepturum, rem nescio ma-
gis nè appetendam, an omni conatu fugiendam. Video sanctissimos
quosque viros tantoperè delatum eiusmodi honorem aspernatos fuisse,
vt in speluncis latere, vitæ quoduis periculum adire, patriâ extorres esse,
& voluntarium pati exilium maluerint, quàm tanto oneri subijcere cer-
uicem. Sanctus Nilammon cuius nomen fastis Ecclesiasticis ad diem
octauam Idus Ianuarij adscriptum legimus, cùm è solitudine, in quâ
sanctissimè vixerat, pervim traheretur Episcopus Geris in Ægypto re-
nuntian-

nuntiandus, tanto pauore consternatus esse dicitur, ut inter trahentium magis, quàm deducentium manus, fufis ad Deum precibus, impetrato sine vitæ, mori potiùs, quod & obtinuit, maluerit; quàm discrimen salutis ex suscepto Episcopatu adire. Illud sanctissimum Ecclesiæ lumen, Diuus Ioannes Chrysostomus, quantoperè eam functionem vitarit, ut Sancto Basilio pià fraude imposuerit, luculenter ipse testatur. Taceo Ambrosium, Gregorium, & multos quos recensere possem, qui pari obstinatione delato honori se subduxerunt: nostra sanè ætas vix vnquam tale vidit exemplum, & plerumque non tam opus laborque quàm opes appetuntur. Neque tamen plerisque vitio vertendum censeo, quod inter minùs dignos pctitores vtrò nomen suum profiteantur, ut eos, qui cum pares ad tantum munus ferendum non sint, summo tamen studio importunis precibus, nonnunquam etiam, prò dolor, pretio ad obtinendum Episcopatum adspirant, saluari intercessione, excludant: modò ne ij quoque alià quàm virtutis & pietatis commendatione enitere, cæterisque humilitate Christianâ saluâ præferri contendant. Sed de adipiscendo Episcopatu vberior erit dicendi locus: in eum enim sermonem impetus quidam animi mei & amor vtriusque vestrùm me adducit, ut ea quæ de rectè gerendo Episcopatu, non modò lectione multorum sacrarum literarum & Canonicarum sanctionum Interpretum meditata habeo, verùm etiam quæ ab alijs summis quidem viris, cum quibus ab ineunte ætate vixi, vsu didici, institutâ oratione exequar. Vos attentas adhibete aures ijs audiendis, quæ vobis vel potiùs illis, quibus præfuturi estis Ecclesijs, olim vsui & commodo futura sunt. Ac ut ea quæ dicturus sum faciliùs à vobis percipi possint, infixaque memoriæ fortiùs hæreant, certâ mihi methodo vtendum video, & more Rhetorum partienda oratio mea. Dicam igitur qualem esse oporteat eum qui Episcopus renuntiandus est: quâ ratione ad gerendum hoc munus vocandus: quid oneris ritè ordinato Episcopo incumbat, qualemvè ille se & in Ecclesiâ & in Reipub. functione præstare debeat. Graue onus me suscepisse videtis, ampla enim & angusta est materia, si dicendo explicare & definire voluero tanti muneris vel excellentiam vel functionem.

Episcopi nomen olim quoque Græcis Latinisque Scriptoribus notum fuit: quotiescunque enim illi aliquem maiori cum potestate, quæ supra reliquos præfides esset, designabant, Episcopum appellabant. Sic Cicero ad Atticum: Vult Pompeius me esse, quem tota hæc Campana & maritima ora habeat Episcopon, ad quem delectus & summa negotij referatur. Scio à plerisque alijs magni nominis auctoribus id nomen aliâ functione designari, eos videlicet propriè dici Episcopos, qui præsumt panis & cæteris rebus venalibus, quæ in ciuitate populis ad quotidianum victum necessariae sunt. Sed hæc vtraque significatio optimè congruit functioni Episcopali; ita enim ille præesse debet, ut pascat & nutriat subiectum sibi populum: præcipuè tamen illius officium in speculatoria

11

12

Propositio.

13

Dicendi vni
partitio.

14

Nominis Epi-
scopi notatio.Lib. 7. ad
Atticum
Epist. 11.Episcopus in
Ecclesia sua
speculator.

& pastoralis functione consistere videtur. Speculatorem, inquit Domi-
 nus apud Ezechielem, constitui te. Et cum Petrum Dominus ad huius
 muneris supremâ cum potestate obeundam functionem vocaret: Pasce,
 inquit, oves meas, pasce agnos meos. Et quidem non qualemcumque
 Speculatorem agere vult Dominus eum, qui in hac speculâ constitutus
 est, non otiosum alieni periculi spectatorem, sed ita de aliena salute soli-
 citum, ut si quid alicui ex ijs, qui illius curæ commissi sunt, infaultum ac-
 ciderit, si vel in potestatem hostis venerit, vel lethali vulnere ictus fuerit,
 Speculator qui maturè periculum non denuntiavit, suo sanguine, sua vi-
 ta, neglectæ custodiæ culpam eluere debeat. Non enim in hac spiritua-
 li lucta defunt acerrimi & infensissimi hostes, qui in singula temporum
 momenta vitæ, omnium infesti insidias struant, interdum etiam structas
 sub signis infernalibus acies producant: neque vnam pugnæ speciem
 expectaueris, & nisi ad omne belli gerendi genus instructus paratusque
 sis, nihil aliud nisi tuum interitum, omniumque crudelissimam euilce-
 rationem mox euenturam cernes. In bellis quidem, in quibus nobis
 cum hoste visibili res est, aut nauali apparatu, si à mari periculum time-
 tur; aut equitum peditumque turmis, si per patentes campos hostilis ex-
 ercitus se effundat, nos instructos esse oportet, sagittarios sagittarijs, ha-
 statos hastatis, equites equitibus, pedites peditibus opponimus: insi-
 dias vel insidijs eludimus, vel aperto Marte excipimus: denique curam
 belli in Duces & Centuriones partimur, & plerumque de euentu securi,
 pugnæ aleam læti alacresque subimus, tuta latera, tuta frons, extrema
 quoque exercitus pars, suos habet defensores. Contra veteranum hostem
 dolis insidijsque assuetum Diabolum nihil securum, nihil satis tutum
 existimandum est. Episcopo ipsi armato verbo Dei omnia obeunda,
 omnia munia sustinenda sunt, ille necesse est, ut & speculatoris accura-
 tissimi & Ducis simul & militis fortissimi officio fungatur: nam si ille ces-
 sauerit, vel inducijs fraudulentis, sibi ab hoste imponi fuerit, vel denique
 omne genus luctæ spiritualis non calluerit: nouit hostis vel parte vnâ, si
 ea fortè neglecta fuerit, pyratibus prædonibusque suis eiusmodi prædæ in-
 hiantibus immisissis, perfringere munitiones: imbelles & pauidum pecu-
 dum genus ferro ferire, dente lacerare, & partâ victoriæ omni crudeli-
 tate sæuire. Sed si iuxta verbum Dei fortis armatus benè munitam custo-
 dierit ciuitatem, pacata quidem erunt omnia, hostis verò frustra rectè
 custoditis insidiabitur mœnibus, irrisus contemptusque ab ijs, quos ob-
 sidione cinxerit; sin autem Speculatore sopito murum perfoderit, etiam si
 reliqua munitio integra maneat, semel reperto, per quod intret, forami-
 ne, vix aut ne vix quidem, serò è somno euigilans Speculator idemque
 belli Dux Episcopus illius impetum retuderit. Neque sola eaque accura-
 ta custodia suffecerit, nisi idem qui id munus sustineat omnes pugnandi
 artes, quibus hostis instructus est, nouerit, & arma quæ commodè
 cuique arti & fraudi hostili opponat, prompta expeditaque habuerit.

Quid

Ezechiel. 3.
vers. 13. &
33. vers. 7.

Ioan. 21.
v. 15. & 17.

15
In Episcopa-
tu plurimum
solicitudinis
& periculi.

16

Episcopus
speculator
quasi belli
Dux & Miles
fortissimus;

LUC. 11. v. 21.

17

Nosse debet
hostes.

Quid enim profuerit vel Lutheranis vel Calvinistis, vel ipsis Arianis, quorum fraudulentum virus altas in Polonia egit radices, obstitisse, eorumque pestilentem morbum, ne sacrae oves eo inficiantur euitasse, si ij qui sub specie recti in Republicâ regiminis, quoddam aliud religionis genus introducunt, quæ sanè hæresis latissimè patet, facto agmine irruerint? Serpit hoc virus iam dudum, quod primis adhuc Sigismundi Augusti Regis annis pullulare cœpit. Ex hoc genere illi erant, qui potestate Regiâ nationale Concilium, ad definiendas sacrae fidei res indicipostularunt, qui non sacrum modò in hoc Regno ordinem, sed ipsum summæ Romanæ sedis Præsidem, temerarijs legibus circumscribere ausi sunt. Hinc illæ sanctiones, quibus, ut extra territorium latis impunè non paretur; Militet sacerdos, idemque seculari pareat iurisdictioni. Decimarum ius, etsi Diuino, Ecclesiastico, Patrioque iure Clero debeatur, in suspenso sit, neque ius legitimum petenti Sacerdoti, patrijs legibus uti liceat. Iudicia Ecclesiastica, quibus hactenus adulteria, incestus, periuria, hæreses, & similes animarum pestes coercerantur, magisne impiè an perniciosè, abrogentur. Ne promoti ad Episcopatus ad summum Pontificem se referant, sed ut filio Regni primi anni prouentus, quorum aliqua pars in signum subiectionis, more institutoque Catholico Romam mittitur, inferantur. Postremò, ut cuius quiduis in Poloniâ credere liceat; in Deum ipsum Diuolque blasphemii, ut hoc ipso nomine quòd tales sunt, peculiari lege impietatis securitatem habeant. Videtis & nunc multos esse, quorum in Conuentibus, in Comitijs, non alia auditur vox, nisi Clerum nouis legibus esse circumscribendum, coercendam Ecclesiastici iuris potestatem, prædia & possessiones sacris vsibus dicatas, vel militari seruitio, vel pensionibus grauandas, easdemque per vim & fraudem interceptas, ne repetere liceat, & sexcenta eiusmodi: idque hominibus Catholicis auctoribus dici & promoueri cernitis. Vereor ego ne ab hac peste in hac charissimâ Patria nostra Religioni Catholice, & ipsimet Patriæ supremum periculum eueniat. Hoc quidem Rege, quem diutissimè Religioni Catholice tuendæ Deus conseruet, imperante, facile Ordo noster tueri potest iura sua: pietas enim optimi Principis constanter obsistit eorum ausibus, qui malè erga Ecclesiam Catholicam Ordinemque sacrum affecti sunt: ceterùm eo vitâ functo, magnum discrimen & periculum imminere video, nisi Episcopi sacri Ordinis Duces, seriò in eam curam incumbant, ne vel sibi imponi, vel se ac iura sua per vim opprimi patiantur. Neque putandum est facile expeditumque id certamen fore; experti sunt maiores nostri, quorum plerosque ego noueram, quàm anceps sit istius disceptationis alea, cum ab vnâ parte factor populi contra Ecclesiam militet, ab aliâ Hæretici insultent, à fronte verò hi quos Politicos vocari vsus obtinuit, acrem faciant impetum. Hic, inquam, hic animis & viribus opus, & non pastoralis modo, sed penè militari industriâ, quali olim maiores nostri vsi sunt, agendum inuigilandumque

18

Pseudo-Politici hostes Ecclesiæ acerrimi;

Eorum leges contra immunitatem & dignitatem Ecclesiasticam sub Sigismundo Augusto reuerentia.

19

Eorundem conatus impij huius temporibus contra Clerum.

20

Ab ijs extremum Religionis & Patriæ imminens olim exitum.

21

Contra huiusmodi Politicos pugna difficilis.

Quales Episcopos in apponi oporteat.

22
*Stanislaus
 Karnouius
 Archiepiscopus
 Gnesnensis
 talium
 Episcoporum
 norma.
 Egregia eius
 pietas & li-
 beralitas.*

23
*Collegium
 Calisijense à
 Stanislao
 Karnouio
 fundatum.*

24
*Cura pasto-
 ralis & do-
 ctrina.*

25
*Dicendi vi-
 in Senatu &
 auctoritas.*

26
*Hieronymi
 Rozdra-
 zeuiski Epi-
 scopi Vladis-
 lauensis ex
 vite innocen-
 tiæ & sancti-
 tate nomen
 magnum
 apud omnes.*

dumque est. Olim erat familiare Episcopis nostris ijs eminere dotibus, quæ vulgi animos conciliant, auctoritatemque pariunt, sinceram videlicet pietate, eruditione, & liberalitate. Videtis Stanillaum Karnkouium Archiepiscopum Gnesnensem, senem illum quidem, sed ita animi robore vigentem, ut nec Ecclesiæ, nec Reipublicæ desit: ita verò Principis Senatus munus tuetur, ut locus is illi vni conuenire videatur: non affectata est pietas eius, sed sincera; liberalitas verò ita latè se diffundit, ut non præsentis modò ætati, sed futuræ etiam suffectura videatur: ornauit, ditauitque amplissimis opibus sponsam suam Ecclesiam Gnesnensem effecitque, ut auctis stipendijs longè frequentius sacrum illius Ecclesiæ Collegium redderetur, & triplo plures quàm antea isthic essent Sacerdotes, qui rei sacræ ritè peragenda diebus ac noctibus incumberent. Iam verò Calisij, loco satis opportuno, nobilissimo Collegio Religiosorum Societatis IESV Sacerdotum collocato, & dotato, totque Gymnasijs constructis, magnà etiam eaque perpetuò duratura in eos impensa facta, qui ex egentiore iuuentute Polonà, optimis disciplinis incumberent, & olim vsui Ecclesiæ & Reipublicæ essent, an non satis declarauit, quàm liberali esset animo? opes quidem omnes non augendis & ditandis propinquis consanguineisque suis, sed egentioribus subleuandis impendit. Nemo illi sordes obiecerit, nemo quòd maiorem frumenti & pecoris, quàm animarum Christi sanguine redemptarum curam gerat; quòd in prædiorum quàm in Ecclesiarum putandis rationibus frequentior sit, improperaue-rit. Tuetur dignitatem auctoritatemque suam, optimis & magno viro, magno Senatore dignis artibus: nec verò ille, ut cum Catone Cicero-niano loquat, in luce modò atque in oculis ciuium magnus, sed intus domique præstantior. Qui sermo, quæ præcepta, quanta notitia antiquita-tis, quæ scientia iuris Pontificij, multæ etiam ut in homine nostro literæ, ita omnia memorià tenet, non domestica modò, sed etiam externa bella; ego ita cum dicentem audio, ac si eo extincto neminem essem habiturus, à quo discerem. Hoc & aliorum de eo est iudicium. Itaque quotiescunque dicit sententiam, omnes ab ore dicentis pendere videntur; plena enim est notitiæ antiquitatis istius senis oratio, ita ut vnus & legum nostrarum patriorumque institutorum origines scire; & fœdera cum exter-nis Principibus & tuendæ salutis communis, conseruandique præsentis status rationes optimè perspectas habere videatur. His ille rebus tantam sibi parauit auctoritatem, ut omnibus sit venerabilis, ut ad conspectum tanti viri osores Ecclesiæ iurium, ne hiscere quidem audeant. Nuper quoque Hieronymus Rozdrazeuius Episcopus Vladislauiensis non elo-quentià, hæc enim in homine apud exterarum nationes ab infantià ita edu-cato, ut Polonicum idioma ægrè efferret, quæ esse potuit? non liberalita-te, etsi enim ab auaritià & ab omni turpi questu remotus esset, parsimo-niæ tamen magis, quàm moribus nostris congrueret, addictus, tenacior rerum suarum existimabatur, vnicà tantum sanctitatis & pietatis opinio-ne,

ne, ita gratus & amabilis omnibus erat, ut nemo esset, qui non eximiâ animi eius excellentia permoueretur. De Tarnouio meo, qui ei in Episcopatu Vladislauensi proximè subrogatus est, dicere incipientem, moeror, & futuri mali præfaga mens perturbat, nec ea quæ sentio fari permittit. Magnus hic est vir, & ad magna natus. Ut ille, cum Vicecancellarius Regni esset, egregiâ dexteritate, orientes ciuiles motus compressit: ut Collegæ prærogatiua senectutis & rerum gestarum gloriâ, plus sibi arroganti restitit; ut denique nuper cum Episcopatum Posnaniensem gereret, Optimates Maioris Poloniæ in admirationem venerationemque sui conuerit, & tanquam inter eos, vel ex eis natus, eximiâ animi magnitudine parem se cunctis reddidit. Summum locum illi deberi non dubito, etsi longiorem vitam fata indulserint, magno Ecclesiæ & Reipub. præsidio, futurum certo scio. Sed quæ spes nostræ? quàm fallaces? quàm nullæ? eloquar an sileam? Ostendent terris hunc tantum fata, neque ultra esse sinent. Ex vate ista. Sed utinam ego sim falsus vates. Tarnouium meum, vix dum Archiepiscopum Gnesneusem renunciatum, & eius dignitatis possessionem adeptum, fatali iectum morbo in complexu meo est vita cessurum. Mortem eius vel inimicis ipsis, ne dicam amicis acerbam fore video, liuor iste qui nunc viuum arrodit, quiescet post fata; virtus eius maximè tunc desiderabitur, cum turbatis in Patriâ nostrâ rebus, non seditio modò, sed bellum ciuile excitabitur. Videre videor totam esse sede moueri Poloniam, exercitus duci & reduci, Patriam vastari, infausti nominis campos, quorum appellatio à liuidis tumoribus & vulneribus originem trahit, ciuili sanguine fœdari. Parce miles ferro, parce ciuibz: viueres Tarnoui ad ea tempora, clauumque Reipubl. teneres, non hæc fieri permitteres. Tu ipse Zamosci, decus Patriæ nostræ, mora factorum, si superstes esses, non sineres alumnum tuum furere, vel tuo nomine ad concitandam seditionem abuti. Scio certè te & fato functum, grauiter laturum sinistrâ supremæ voluntatis tuæ interpretatione, tuis copijs, tuis opibus Regem & Rempub. oppugnari, quem & quam tu semper saluam esse voluisti. Sed ego tacenda locutus, vos arcto silentij sacramento obstringo, illud tantum addam, mihi ac vobis, quos ego laboris mei socios destino, magnam istarum calamitatum partem exsorbendam esse, meum potissimum petetur caput, in me vnum tota incumbet inuidia: ac utinam meo tantum sanguine furor is sopiri posset, non mihi acerba mors pro Ecclesiâ, pro Rege, pro Republicâ esset, libens volensque subirem fatum. Summorum virorum commemoratio, me à proposito sermone paululum seduxit; redeo & confirmo, nullum grauius aut periculosius fuisse & esse certamen, quàm id quod in ordinem nostrum à Politicâ hæresi instruitur: ad illud sustinendum magnâ prudentia, magnâ dexteritate opus est, nec ad pugnam magna nomina maiorumque imagines; sed vitæ inculpatæ sanctitas, eruditio, comitas, liberalitas adferenda, amorque & fauor ciuium conciliandis, potissimum

27

Ioan. Tarnouius Episcopus Vladislauensis Ecclesiæ & Reipub. propugnator acerrimus.

28

Prematura mors tanti viri à Pstrotonio prædictur vna cum bello intestino in Poloniâ.

29

Ad Guzanil pugna.

30

31

32

Iterum declarat quales Episcopi contra Politicam hæresim essent obijcendi.

tissimùm studio earum rerum tuendarum , quæ felici & florenti Reipub. statu expetuntur ; sit libera , nec ad adulationem composita in Senatu vox Episcopi ; ille ante omnes re ipsâ comprobet sibi curæ esse publicam salutem , hæc vna ars est ad reprimenda inuidorum studia , ad tuendam Ordinis sacri dignitatem , ad propugnanda sacrosancta Ecclesiæ iura.

33

Episcops Pa-
stores.

Sed à militiâ ad pascuarias artes reuertamur ; non enim speculatoris tantùm & Ducis in bello , sed in pace etiam , imò semper pastoris officio vult fungi Episcopum Dominus , & quidem ardentissimâ cupiditate quadam ; cùm enim terras relicturus cum discipulis fermocinaretur , ac eâ charitate , quæ tum ex recentibus manuum , lateris , & pedum vulneribus emicabat , illorum animos in sui mutuuum amorem inflammasset ; Petrum maiori præ reliquis æstu flagrantem : Amas me , inquit , Petre , siue affirmatiuè , siue vt amoris eius , qui scientem omnia non latebat , professionem eliceret , interrogauit : cumque respondisset Petrus optimè consciuum esse Dominum sui in eum amoris , non vt mortem pro gloriâ nominis sui subiret , non vt ieiunijs corpus maceraret , non vt continuò vigilaret , non vt iniuria grauatis opem ferret , non vt orphanis patris , viduis mariti loco esset , iniunxit ; sed pascere , inquit , gregem meum. hæc erit certissima tui erga me amoris tessera , si te vitamque tuam pascendo meo gregi impenderis , amoremque illum , quem ego sanguinis mei effusione erga hunc eundem gregem testatus sum , heroica imitatione expresseris : si igitur

34

Pastoris munus difficile,
in charitate
fundatum.

amas me , pascere gregem meum , vt liquidò omnibus constet , me à te amari. Magnum & excelsum , imò arduum & difficile munus Dominum designare voluisse apparet , cùm trinâ professione amoris Petrum ad illud suscipiendum sibi obstringeret. Itaque charitate , quæ summam omnium virtutum complectitur , cæteris emineat Pastor Dominici gregis , non vt olim Saul , quem ad simile munus vocatum humeris reliquo Israëlítico populo altiore fuisse sacræ literæ testantur , nam hæc corporis elatio mutabilis erat ; charitas verò nunquam excidit , sed semper eadem manet. Tantum verò eâ Episcopus præ cæteris flagrare debet , vt longè alios

1.Reg.9.

35

Quæ partes
sunt veri Pa-
storis seu Epi-
scopi.

post se relinquat. Neque enim illi aduersus lupos , qui videri & arceri possunt , vigilandum depugnandumque est , nec irrationabile pascendum pecus , cuius etiam si pastor per secordiam iacturam fecerit , vel leui pœnâ , vel æstimabili mulctâ Domino gregis satisfaciet , sed Episcopo rationabilis Christi grex pascendus est , & contra inferni belluas , ad quas arcendas ne adamantina quidem mœnia satis tuta sunt , continuò decer-

Eph.6. v.12.

Quæ mala
Pastori à gre-
ge Christi
propulsanda.

tandum. Non est , inquit Apostolus , nobis colluctatio aduersus carnem & sanguinem , sed aduersus principes & potestates , aduersus mundi rectores tenebrarum harum , contra spiritualia nequitiae , in cœlestibus. Si oculis cernere liceret infernales istos lupos , & immania monstra , quanto horrore corriperemur , tetras istas phalanges intuentes , non ferro quidem cinctas , sed dolis armatas , contra quas nemo certare potest , nisi qui arma , Diuinâ fabricata manu , è cælo missa induerit. Grande pericu-
lum

lum ab externo isto hoste; sed vide alia his nequaquam minora, Paulo Apostolo monstrante: Manifesta sunt, inquit, opera carnis: quæ sunt fornicatio, immunditia, impudicitia, luxuria, idolorum seruitus, veneficia, inimicitia, contentiones, æmulationes, iræ, rixæ, dissensiones, sectæ, inuidiæ, homicidia, ebrietates, comestiones, & his similia. Neque enim necesse fuit, ut omnia eius generis vitia scripto comprehenderet, cum his enumeratis, illis paria & ab eodem deriuata fonte, deprehendi possint. Hæc tam perniciosæ pestes, æquæ gregem ac ipsum inficiunt pastorem; cum alioquin luem, quæ ouium corpora infestat, pastor citra noxam tractare possit, fomenta adhibere, vlcerà purgare. In curandis autem animæ oculis vlceribus, cautè admodum Episcopo versandum est, tum ne quid ipse labis ex infectis ouibus contrahat, tum ut prudenter fomenta contagiosis morbis admoueatur, denique ut radices ipsas malorum diligenter inuestiget. Neque tamen temerè curationi, quæ sectione peragi solet, manum admoueatur, ne si æger contumaciter restiterit, malum magis exasperetur, vulnusque recrudescat, quod dum conscissum disrumpitur, deteriorem facit scissuram. Maximà autem discretione eum uti oportet, & dispicere, num is, qui curandus est, vltro morbum suum fateatur, opemque medici imploret; an, ut plerique, quibus & generis splendor, & partæ opes ingentes animos faciunt: quos si redarguere, & iusta castigatione coercere volueris, excandescunt, magisque irritantur. Hi blandis appellandi verbis, & leuiori tractandi manu, ut aliquando errore & morbo, quo laborant, cognito, lentis remedijs se curari patiantur; vel denique lachrymis & sacrificijs exorandus est Dominus, ut det illis animum notitiæ sui studiosum. Quid verò dicam de his, qui se ab unitate Christi ouilis segregarunt, quorum mentes impijs dogmatibus sathanas infecit, qui non doceri, sed docere volunt? Non possum celare animi mei lætitiā, quam inde capio, quod videam singulari quadam prærogatiuā gentem Poloniam à Deo donatam esse. Non patitur is ut homines nostri, vel facile in errores, quibus orbis Christianus, & maxime vicina nobis Germania infecta est, labantur; vel si quis fraude hostili seductus succubuerit, diu ut in errore perseveret. Quanto labore in alijs Regnis contra hanc pestem frustra pugnatur, quantum sanguinis ciuilius eius rei causā in Gallijs & Belgio fluxit? quot bella exorta? cum è contra in Poloniā sponte quadam hoc malum subsidat, & aboleatur. Ante annos quadraginta, ita ea lues inualuerat, ut Senatus quidem maior pars ex Hæreticis constaret, ijdem inter Equestrem ordinem non quidem numero, sed ad quasvis functiones obeundas dexteritate emerent, primasque & in priuatis, & in publicis consilijs ac Conuentibus sibi partes vendicarent. Nunc ad paucos ij redacti, & nisi nostros istos Ruthenos Græco schismati addictos, in subsidium adsciscerent, vix in publico comparere auderent. Sed & hi (ita benè sperare libet de gente nostrā, & de singulari Dei erga nos gratiā) redibunt ad officium, & ad

Galat. 5.
v. 19.

36

Eadem ipsi-
met Pastori,
nisi caueat si-
bi, tuenda.

37

Quā pruden-
tia morbos
anima in
subditis cura-
re debeat.

38

Hæresis inter
anima pestes
facile in Po-
loniā curabi-
lis.

- 39 *Si sedulitas
Episcoporum
ad sit.* sacrae Matris gremium, modò Episcopi, quorum id præcipuum mu-
*Ars artium
cura anima-
rum;* nus est, sedula cura eò incumbere velint, idque sibi persuaderi patiantur,
reliquas omnes virtutum species alijs communes esse; curam animarum,
quam rectè Diuus Gregorius Artem artium dixit, Episcopis propriè cõ-
petere. Propterea Dominus Seruator noster, cùm eos alloqueretur, quos
ad tanti muneris fastigium euehere volebat, his vsus est verbis: Quis, in-
quit, est fidelis seruus & prudens, quem constituit Dominus super fami-
liam suam. Etenim qui animũ suum excellentibus excolit virtutibus, qui
sanctitate ceteris præeminet, meritò quidem is omnium oculos in se con-
uertit; sed tamen sibi ille magis, quàm reliquis utilis est: at labor ille, quem
seruus fidelis & prudens, iubente Domino, curæ pastoralis impendit, om-
nium inseruit salutem, & benè expenso talento, vberimum adfert lu-
crum. Rectè igitur Dominus, pastoris studium erga gregem impen-
sum, amoris & charitatis erga se symbolum esse dixit. Ac optimè qui-
dem nobiscum ageretur, si hac flammâ amoris accensi ad sacerdotium
accederemus; nam proculdubio sic animatos, Diuina gratia ijs quoque
instrueret ornamentis, quæ summo fastigio digna sunt. Plus quàm An-
gelicam ambiunt perfectionem, qui sacerdotij & Episcopatus dignita-
tem suscipiunt. Etenim sacerdotium ipsum in terrâ quidem & in conspe-
ctu hominum peragitur, eius tamen functio ad cœlestium rerum clas-
sem ordinemque referenda est: non enim homo, non Angelus, non quæ-
uis alia creatura, potentia huiusmodi dignitatis auctor fuit; sed ipse Spi-
ritus sanctus, qui & nunc inuisibiliter ordinatam à se functionem exe-
quitur, & eam mentem mortalibus inspirat, vt Angelorum ministerium
animo concipiant. Quæ olim mandante Domino ad ornatum Ponti-
ficem priscae legis adhibebantur, ea omnia vmbrae erant futuræ sanctita-
tis, quæ animas Episcoporum noui Testamenti exultas esse debere, Do-
minus designabat: illa tintinnabula, mala punica, lapides pectori sacer-
dotis, itemque alij humeris eius superpositi, mitra, strophium, vestis ad
pedes vsque demissa, lamina aurea, sancta sanctorum, ingens intus
quies & silentium, sacrificij sacrosancti designabant præstantiam, ad
eius tamen dignitatem minimè accedebant. Libenter, vt scitis, bo-
nas horas impendo legendis libris Diui Ioannis Chrysostomi, ex quo
pleraque ea quæ attuli, sumpta sunt. Sed libet iam eius verbis, infi-
gnem sacrificij & sacerdotij excellentiam explicantibus, meum ad
vos exequi sermonem. Tu Stanislae; (nam ego dicendo fessus sum)
cape librum & lege. Tum ego ab eo, quem ille indicauit loco, orsus
lentâ voce pronuncio. Dum conspicias Dominum immolatum, sa-
cerdotem sacrificio incumbentem, ac preces fundentem, tum verò
turbam circumfusam pretioso illo sanguine intingi ac rubefieri, etiam ne
te inter mortales versari atque in terrâ consistere censes? an non potius
è vestigio in cœlos transfereris? an non carnis cogitationem omnem
abijciens nudo animo, mente purâ circumspicies, quæ in cœlo
sunt?

sunt? O miraculum! ô Dei benignitatem! qui cum Patre sursum sedet, in illo ipso temporis articulo omnium manibus pertractatur, ac se ipse tradit volentibus ipsum excipere ac complecti! Fit autem id nullis præstigijs, sed apertis ac circumspicientibus circumstantium omnium oculis. Num tibi ista contemptu ac despectu digna esse videntur? aut eiusmodi ut possit quis contra ea attolli atque insurgere? Visné & sancti-
 moniæ istius excellentiam alio miraculo perspicere? Ponito ob oculos ⁴³ Typus Helia
 sacrificantis.
 Heliam illum, & præterea infinitam turbam illam circumfusam, & sacrificium lapidibus superpositum, tum verò reliquos omnes admodum quietos ac taciturnos, solum autem Prophetam preces fundentem, secundum id flammam derepentè è cœlo delabentem sacrificiumque ipsum lambentem. Mira sunt ista profectò, ac stupore omnia plena. Ab illis ergo sacris, ad nostratia sacra te transfer: nec ea mira modò esse videbis, sed etiam omnem stuporem excedentia. Adest enim Sacerdos, non ignem gestans, sed Spiritum sanctum, is preces diurnas fundit, non quo flamma cœlitùs delapsa sacra apposita absumat; sed ut gratia in sacrificium influens, per illud ipsum omnium animos inflammet, & puriores reddat argento igni excocto purgatoque. Hoc ergo mysterium
 omnium maximè horrendum verendumque, quis tandem, qui sanus
 idem minimè sit, quique è potestate non exierit fastidire ac despicere poterit? Ignoras futurum nunquam fuisse, ut humanus animi captus, sacrificij ignem illum sustineres, sed funditus omnes tunc fuisse interituros, nisi magnum Divinæ gratiæ auxilium adfuisset? Nam si quis consideret, quantum id sit mysterium, ut is scilicet, qui homo ipse sit carne ac sanguine etiamnum constans, isque inuolutus, beatæ atque immortalis naturæ illi fieri propior queat: tum probè intelliget, quanto sacerdotibus honore, quantà dignitate Spiritus sancti gratia dignata fuerit: operantibus enim illis, tum sacra hæc, quæ dico, initiantur perficiunturque,
 tum etiam alia his nihilo inferiora, quæ ipsa ad dignitatis salutisque nostræ rationem spectant. Etenim qui terram incolunt, atque in eâ versantur, his commissum est, ut ea quæ in cælis sunt, dispensent: ijs datum est ut potestatem habeant, quam Deus Optimus, neque Angelis, neque Archangelis datam esse voluit. neque etiam ad alios dictum: Quæcun-
 que alligaueritis in terra, erunt alligata & in cœlo; & quæcunque solueritis in terra, erunt soluta & in cœlo. Habent quidem & terrestres Principes vinculi potestatem; verum corporum solum: id autem quod dico sacerdotum vinculum, ipsam etiam animam contingit, atque ad cælos peruadit, usque adeò, ut quæcunque infernè sacerdotes confecerint, illa eadem Deus supernè rata habeat, ac feruorum sententiam Dominus cõfirmet. Etenim quidnam hoc aliud esse dicas, nisi omnem rerum cælestium potestatem illis à Deo concessam? Quorumcumque enim, ait, peccata retinueritis, retenta sunt. Quænam obsecro, potestas hac vnà maior esse queat? Pater omnifariam Filio potestatem dedit: cæterùm video
 ipsam

ipsam eandem omnifariam potestatem à Deo Filio illis traditam. Nam quasi iam in cælum translati, ac supra humanam naturam positi, atque nostris ab affectibus exempti, sic illi ad principatum istum perducti sunt. Quid multa? Rex aliquis, si cui ex subditis suis honorem hunc detulerit, ut potestatem habeat quoscunque velit in carcerem coniiciendi, eosdemque rursus laxandi, beatus ille & admirandus iudicio omnium fuerit: at verò qui à Deo tantò maiorem accepit potestatem, quantò cælum terra pretiosius est, quantò etiam animæ corporibus præstant, hic vilem cò usque dignitatem accepisse nonnullis videri debet, ut vel in illorum cogitationem descendere queat: reperiri quandoque posse vnum aliquem ex eorum numero, quibus tanta illa quæ paulò antè dixi fuerint à Deo concredita, cui ipsi munus suum sordescat, quique donum sibi à Deo datum despiciat? Procul, procul hinc, facessat huiusmodi insania. Insania enim manifestaria despiciere tantum istum principatum, sine quo neque salutis, neque promissorum bonorum compotes fieri possumus. Nam si non potest quis in regnum cælorum ingredi, nisi per aquam & spiritum regeneratus fuerit: & Qui non manducat carnem Domini, & sanguinem eius non bibit, æternâ vita priuatur: omnia autem hæc haud aliter quàm per sacrosanctas illas manus perficiuntur, manus, inquam, sacerdotum; quæ fiet ut citra illarum opem, aut gehennæ ignem euitare quis possit, aut repositæ in cælo coronæ præmia consequi? Hi enim sunt, hi sunt, inquam, quibus tum concredita sunt spirituales parturiges, tum etiam baptismatis partus à Deo est commissus: per hos ipsos Christum induimus, vnà cum Dei Filio sepelimur, & beatæ carnis illius membra efficiamur: quo nomine Sacerdotes meritò non modò plus vereri debemus, quàm vel Principes vel Reges; verùm etiam maiori honore, quàm parentes proprios honestare. Hi enim ex sanguinibus & voluntate carnis nos genuerunt: illi verò auctores nobis sunt natiuitatis eius, quam à Deo habemus, beatæ regenerationis illius, libertatis veræ, atque adeò adoptionis eius, quæ nos per gratiam Filij Dei sumus effecti. Corporis lepram purgare, seu veriùs dicam haud purgare quidem, sed purgatos probare, Iudæorum sacerdotibus solis licebat, neque nescis quantâ cum ambitione, quanto cum studio ac concertatione sacerdotalis dignitas id temporis acquireretur. At verò nostris sacerdotibus, non corporis lepram, verùm animæ sordes, non dico purgatos probare, sed purgare prorsus concessum est. Quare iudicio quidem meo, qui istos despiciunt contemnuntque, multò sceleratiores, ac maiori supplicio digni fuerint, quàm fuerit Dathan vnà cum suis omnibus. Illi enim, tametsi Principatum ad se non spectantem sibi vendicabant; tamen miram quandam de eo Principatu opinionem animo conceperant: id quod declarauit ingens rei concupitæ studium: hi autem tum cùm iam sacerdotalis honos incrementum, ornatum, præstantiam magnam accepit, contra quam illi, sed tamen multò maiora audent. Neque enim perinde est, ad despicientiæ ratio-

Quam insanus est qui despiciat.

Ioan. 3. v. 5.

Ioan. 6. v. 55.

47
Sacerdotum honor.

48
Contemptores Sacerdotum quanto scelera se obstringunt.

rationem subducendam, honorem aliquem indebitum appetere, & tot tantaque bona fallidire: verum facinus hoc tantò illo est grauius, quantò inter se dissident internallo, fastidium & admiratio. Quis ergo tam infelici genio natus, tot tantaque bona fastidiat? Et quidem neminem existere talem dixerim, nisi quis furiarum cestro percitus sit.

Plura legere volentem, interpellat Pstroconius, Cessà, inquit, & lip-
 pientibus parce oculis, ego reliqua exequar. Hæc & multò plura S. Chry-
 sostomus, dum causas explicat, cur Episcopatus munus suscipere no-
 luerit. Et ille quidem tantus vir, cuius sanctitatem, eruditionem, elo-
 quentiam, Diuinarumque literarum notitiam, & illa ætas, qua vixit, ad-
 mirata est, & omnis deinceps posteritas communi comprobauit con-
 sensu, indignum se profitebatur, & minimè idoneum ad obeundam
 functionem Episcopalem: nos, qui ne umbram quidem, vel doctrinæ,
 vel pietatis, si cum eo conferamur, habemus, vtrò nos non vocati ob-
 trudimus. De alijs nihil dico, de me apud vos pauca. Cum me non mea
 voluntas, sed quædam vitæ ratio, & cum aliorum, tum præcipuè Tar-
 nouij mei, simul ac Vice-cancellarius Regni renunciatus est, de me opi-
 nio, ad Aulam Regis euocasset, ita duodecim continuos annos in eà exe-
 gi, vt semper mihi viderer alienum à me gerere negotium; cumque iudi-
 cio Optimi Principis, post multos exantlatos labores, binæque in Sue-
 tiam nauigationis tolerata pericula, Referendarius Regni renunciatus
 essem, & omnes imprimis Tarnouius suaderet, ne ab Aula me re-
 mouerem: feci illo inuito, simul ac occasio sese obtulit, vt rude me do-
 nari peterem, ac vt Episcopatum Præmylliensem acciperem; non opum,
 hæ enim exiguæ sunt, magnitudine adductus sum: sed diu iam infede-
 rat animo, omnes alias præter sacerdotalem functionem minimè dece-
 re eum, qui ab ineunte ætate materno etiam voto sacris obeundis addi-
 ctus est. Ætas ipsa quinquagesimi anni monebat me, ne inter seruitia
 Aulæ versarer, ne isthic contenescerem; & quoniam aliâ conditione in-
 de me explicare non poteram, nisi vt Episcopatum acciperem, feci id,
 veluti inuitum me deducantibus eò fati. Scitis ipsi qualis fuerit ambi-
 tus noster, quos prensauerimus, quorum suffragia implorauerimus. Illi
 ipsi, qui minùs æquo animo ferebant, nos Magistratu aulico ornatos, ad
 alios subinde honorum gradus succrescere, quibus suspecta erat indu-
 stria nostra, auctores accipiendi Episcopatus, promotoresque mei fue-
 runt, maturè cauentes, ne quando illis anteponeremur. Sed hæc à Di-
 uinâ pendent voluntate, ad cuius nutum me actionesque meas compo-
 nere hætenus semper studui. Hanc ipsam ad Episcopatum Præmyllien-
 sem promotionem meam, licet ea amicis quibusdam nostris, minor spe
 nostrâ esse videatur, ita accipio, vti ab eo profectam, qui in vineâ sua vni-
 cuique certum stabilemque assignat locum, in quo, & suæ & aliorum
 salutis curam gerens, diurnum denarium mereri possit. Diligenter sanè
 omnibus, qui Episcopi renunciantur, curandum est, vt recta eorum sit

49

S. Chrysost.
indignum se
censet Episco-
patu.

50

Pstroconij
qualis apud
aulam Re-
giam vitæ
ratio.

51

Eius ad Epif-
copatum
promotio.

52

Ad Episcopa-
tum temerè
electi, multos
et mepti sunt
ad res geren-
das.

Lib. 3. de Sa-
cerdotio.

Lib. 4. Epist.
52. ad Chil-
deb. Regē
Francorum.

ac legitima vocatio. Diuus Chrysostomus, sui temporis calamitatum omnium causas, ad temerarias Episcoporum electiones refert, id quod pulchro capitis & reliqui corporis firmat exemplo. Caput, inquit, valentissimum esse oportet, ut prauas exhalationes ab inferiori reliqui corporis parte sursum ascendentes dispensare, easdem ritè atque ordine componere possit. Nihil verò deterius fieri potest, quàm cum Episcopi culmen honoris præcipiti saltu conscendunt. Et ut S. Gregorius ait; Qui discipulus non fuit, inconsideratâ ambitione magister efficitur, & quod possit docere non didicit, sacerdotium tantum gerit in nomine, nam laicus in sermone pristino perseverat & opere. Quomodo ergo pro aliorum peccatis intercessurus est, qui sua primitus non defleuit? Talis enim pastor, non munit gregem, sed decipit, quia dum contradicente verecundiâ non potest alijs hoc quod ipse non facit, persuadere, quid est aliud nisi ut plebs Dominica prædonibus populanda remaneat, & inde sumat interitum, unde salutiferæ protectionis magnum deberet habere subsidium? Hæc ille. Nec quisquam sibi de fauorabili populi testimonio blandiatur, quem propria occultorum criminum arguit conscientia.

53

Quæ ratio ad
Episcopatum
vocandi Episc-
copos futuros:
Canonica
electio,
Regius fauor;

Sed iam de modo adipiscendi Episcopatus, quod secundum fuit eorum, quæ dicenda proposuimus, dicamus, de quo multa adferri possent à sacris præscripta Canonibus. Olim equidem maiores nostri, non per aulicos ambitus, nec per indigna nomine sacerdotali obsequia aulæ foribus impensa, sed ritè & Canonicè factâ electione, ad functionem Episcopalem vocabantur; non tamen negauerim, Regio quoque fauore optimos Episcopos adiutos. Sic olim Aaron Abbas Tinecensis, Casimiri Primi Regis voluntate, ad Episcopatum Cracouiensem promotus fuit. Et Zbigneo Olesnicio, nauata in Gruncualdensi bello Vladislai Iagello ni opera, ad eandem Cathedram aditum fecit. Ut meritò dubitari possit, iurenè Cromerus noster tantoperè deploret, translatam à Collegijs Sacerdotum ad Reges Episcoporum designationem. Eo equidem, & paulò superiori tempore, quo ille scripsit, multi Regiâ abusi gratiâ, perperam sedes Episcopales occupabant. Casimirus Tertius, primus iura Ecclesiarum frustra obnitente Pontifice inuasit. Quanquam & Vladislai Iagello, plus sibi in abrogando Episcopatu Cracouiensi Petro Visso, & in eius locum Alberto Iastrzembecio ambitioso homine, eodemque rapaci substituendo, iuris, quàm Regibus conueniret usurpauerat. Sed Casimirus nullâ habita ratione, vel Sacrorum Canonum, vel Iuris Ecclesiæ, vel denique summi Pastoris auctoritatis, ita Ioannem Gruscinum Regiâ potestate Episcopum Cracouiensem renunciauit, ut simul sacrilegas manus eiiciendis ex Ecclesiâ, Collegij Sacerdotum Basilicæ Cracouiensis viris sacratis admoueret, Iacobum Sienienium Pontificis Romani auctoritate nitentem, armatâ vi oppresserit, eieceritque & proscripserit. Hæc minimè Christiano digna principe ab eo facta, posteri quoque imitati sunt. Et Sigismundi Primi, quanquam aliàs religiosissimi

Regis,

54
Ex quo in Po-
loniâ olim in
eligendu Episc-
copu natus
abusus;

Regis, temporibus, scimus ambitum plurimum valuisse, cum nonnulli muliebri etiam fauore, ad adipiscendos Episcopatus iuerentur: deinde Sigismundo Augusto, res Regni moderante, ut alia ordinis nostri dedecora fileam, & Ioannes Droionius Episcopus Vladislauiensis, Hæreticorum fautor, non sine causâ, ut hæreticus audiit: & Iacobus Vchanſcius, Romanâ notatus censura, Regiâ & laicali potestate fretus, eundem Episcopatum Vladislauensem per vim inualit. Nec Stephanus Rex eâ suspitione caruit, quasi quendam Episcopatum, largitione flexus, contulisset, viro quidem digno, sed corradendis coacervandisque pecunijs nimium intento. Longè à nostris temporibus ea labes, nec alia Principis nostri mens, nisi ut maturâ deliberatione, meritisque & virtutibus expensis dignos præficiendos Ecclesiæ curet Pastores. Sed ut electio non semper optimum inuenit, ita Principum quoque iudicia interdum citra eorum culpam falli & decipi contigit. Aliquando enim generis splendor, nonnunquam emendicatus fauor, & ambitiosa eorum, qui in Republicâ plurimum possunt commendatio, obtrudit parum idoneos, Principique facit necessitatem, tales renuntiandi Ecclesiarum Præsides, quorum cum ipsum deinde pœnitet. Nollem morem hunc inolescere, qui iam paulatim serpit, priuatim Principi quidquam largiendi; etli55
Hic temporibus correctus.
enim optimo animo, nec malo fine ea fiant, nec aliter existimare oportet vel de Principe, vel de liberalitate eorum qui largiuntur; sed nescio cur apud inuidos & ignaros malè res ista audiat, & plerique eas donationes finitè interpretentur, dicantque inter dantem & accipientem naturalem quandam citra omnem consensum nasci obligationem. Neque placet nimia quorundam in obsequijs aulicis sedulitas, & ita iactata mèrita, ut sub eorum nomine magis digni & idonei deterreantur; sunt qui in Aulâ confenescere velint, quos conuersatio interdum sacerdotio minime digna delectet, qui in eligendis & reiiciendis Episcopatibus fastidiosi sunt: hunc nolo quod multum negotij habeat, illum ut opulentiorrem appeto. Nec Tylicius noster nuper adepto Episcopatu Varmienſi, satis existimationi suæ consuluit, quod munus Vice-cancellariatus, quemadmodum iure nostro præscriptum est, non deposuerit, id quidem, quoniam volente populo & Rege fecit, rectè se fecisse existimat: sed omnis in patrias leges præuaricatio mihi minimè probatur, & vereor ne olim existant, qui ad eius exemplum pessimis artibus idem usurpent, minis & terroribus, alieno Reipublicæ tempore, cum summâ ordinis nostri inuidia, suam stabiliant coniunctam auaritiæ ambitionem. Mihi de Tylicij magni in Ecclesiâ & in Repub. viri factò parciùs idcirco dicendum videtur, quòd in proximis Comitijſ hominum opinione, nescio an Regiæ voluntati consentaneâ, illius in hoc Magistratu successor designarer: verum ille feliciter fungatur hoc munere, ego me illius industriæ admiratorem magis, quàm osorem semper præstabo; nostro quoque labori non deerit campus, dum interim in Ecclesiasticæ functionis palæstra defudamus.

- 57 *Aulicorum negotiorum experimenta.* mus. Cæterum, ut nunc is est rerum status, non omnino improbauerim hunc quoque ad Ecclesiasticas functiones adipiscendas per aulicorum negotiorum experimenta cursum, per quem summos plerisque viros optimos Episcopos euasisse videmus: Lubricus equidem ille est, & si rem accuratius expendere voluerimus, vix ab ambitionis labe immunis, & idcirco ferè sacris legibus vetitus. Sanctus Gregorius triplex Simoniae genus statuit: Aliud, inquit, munus est ab obsequio, aliud munus à manu, aliud munus à lingua. Munus quippè ab obsequio est, subiectio indebitè impensa, munus à manu, pecunia, munus à lingua, fauor. Pulchreque idem sanctus Doctor ostendit excussas ab omni eiusmodi munere eum habere debere manus, qui sacrae functionis alteri conferendæ habet potestatem. Neque tamen id ita accipiendum censuerim, ut omne obsequium damnem. Si oculus tuus, inquit Saluator noster, simplex fuerit, totum corpus lucidum erit. In omni humana actione finis est, qui vel laudem vel vituperium operibus nostris conciliat: nam si quis ea intentione ad Aulam accederet, ut nudo obsequio Principi impensio, sacerdotium sibi deberi existimaret, is fortassè illiciti ambitus meritò suspectus haberetur. Sed enim cum obsequia Principibus nostris omnes debeamus, eaque cum illis præstamus, per diuersas functiones vel Patriæ, vel Ecclesiæ, utilem nauamus operam: quæ etiam non eo fine impenditur, ut in locum mercedis sacerdotum vel Episcopatum exigamus; tamen rectè & licitè Principis voluntas & liberalitas ad eos potissimum extenditur, quorum diuturna experientia exploratam habet industriam, pietatem, doctrinam, quos scit functionis Ecclesiasticæ & Senatoriæ munus præclare gesturos, idque in Republicâ nostra locum potissimum habet: non enim Episcopi nostri satis suum munus explent, si in Ecclesiastica functione, ita, quemadmodum sacris Canonibus præscriptum est, versati fuerint, alia quoque negotia illis tractanda, alia onera sustinenda incumbunt, de quibus infra vberius agemus. Non placet mihi, quod plerique iuuenes nostri Clero adscripti, simul atque è scholis excesserint, statim ad aulam Regiam se conferunt, & Ecclesiasticarum functionum ignari, secularibus occupationibus assuescunt. Antea quidem Episcoporum contubernia, scholæ erant iuuenum Clericorum, recepti inter Episcopi familiares erudiebantur, instruebantur, formabanturque ad omnem pietatem, non segni otio, non turpi desidia transigebantur bonæ horæ. Carnouius meus, Archiepiscopus Gnesnensis, cui ego, ut cætera omnia, ita iuuentutis quoque meæ prima debeo rudimenta, solers accuratusque fuit in tractanda & erudienda optimi cuiusque indole, neminem segnem, neminem otiosum esse linebat, cum semper plurimos haberet, alios sacris ordinibus destinatos, alios iam Presbyteros, cohortem ille hanc suam Prætoriam appellabat; tali comitatu illustrior erat, quam si nescio qua phalange armatâ septus esset. Possem recensere plurimos eius institutionis alumnos, partim viuos, partim iam vitæ functos, qui ab eodem
- 58 *Nisi recto fine fuerint commperata.*
- 59 *Alias reddunt Ecclesiasticos Senatorie dignitati idoneos.*
- 60 *Quod familiare fuit Stanislaw Carnouio Archiepiscopo Gnesnensi.*

in lucem producti & monstrati, satis summis in Repub. Magistratibus functi sunt, & adhuc funguntur, neque quenquam haftenus pœnituit institutionis Carncouianæ. Vigebat & adhuc viget (quanquam nunc Eius mira Ecclesiastica nobilitatis per varias functiones exercitatio. optimus senex annis fessus languere videatur) in aula Carncouij, non industria modò tractandis quibuscunque arduis negotijs par, verum etiam singularis omnium virtutum æmulatio: itaque multi viri, non modò doctrinâ, sed generis etiam nobilitate præstantes, sibi eum Ducem & Magistrum legebant, ille vicissim optimi cuiusque ingenij indagator accuratus, vnumquemque cui negotio aptus erat, admouebat: vegetior aliquis erat, eius opera in obeundis legationibus, in sacris ad populum faciendis concionibus utebatur, alium literis suo nomine scribendis, hunc maiorum monumentis euoluendis, illum præsentis æui rebus gestis memoriæ mandandis præficiebat, omnes sedulò operi esse intentos cogebat, singulorum laboris pensa frequenter exigebat. In eiusmodi palæstra virtutis & industriæ nos exercitati serò ad aulam Regiam accessimus, & quamuis in Comitijs adhuc coronationis moderni Regis, in numerum Ab huiusmodi exercitatione Carncouij accessit ad aulam Regiam Pszocouius. Regiorum Secretariorum, Carncouij & Hieronymi Rozdrazeuij Episcopi Vladislauicensis commendatione relatus essem, non nisi quarto post anno, cum Tarnouius necessarius meus Regni Vice-cancellarius renunciatus, ut publicis Cancellariæ functionibus moderandis præessem, voluisset, vocatus ad Aulam veni. Quæ res non magis mihi, quam Carncouio decori fuit, quòd ex eius contubernio productus, multis veteranis Regis Secretarijs prælatus essem. At nunc, qui per alias vias Aulæ se insinuant, eos videmus vel nullis adhiberi negotijs, vel certè impensis fessos, factâ patrimonij iactura, inglorios domum redire. Quod si qui sunt quibus ampliores facultates ad faciendos sumptus suppetunt, ij pessimâ aulicæ vitæ consuetudine corrupti ad comessationes, ad indecentes familiaritates, ad indignas sacro ordine occupationes se transferunt: hos, quamuis olim (potest enim id fieri) ad Episcopatus promouebuntur, putatisne vnquam hominibus persuasuros, ut de eorum vitæ puritate solidam concipiant opinionem? Ex Episcoporum itaque institutione satius est prodire, quam in Aulico otio corrumpi, & semel factâ existimationis iactura vilem fieri.

Sed & ad aulam nollem nisi vocatos venire clericos, eosque tales, qui 62 negotijs tractandis adhiberi & præfici possint, ætate maturâ & initiatos ordinibus, quos non pudeat (pudet enim plerisque id re profiteri, quod nomine præferunt) frequenter ad Altare Dei comparere; sacris sacrificijs faciendis instare; denique in omni genere pietatis exercendo sedulos esse, non vanæ opinionis & sanctitatis aucupandæ gratiâ (absit impia hypocrisis) sed quia id maximè decet Sacerdotes, hoc munus, hæc gloria illorum est. Memini cum Hieronymus Rozdrazeuius ex Pij V. Pont. Max. institutione, ab Henrico Rege euocatus ad Aulam venisset, ac ut in illâ pietatis officina didicerat & assueuerat, quotidie sacrosanctum Et Hieronymus Rozdrazeuius ex curia Pij V. Pont. Max. sacrificium

sacrificium offerret, primò quidem non modò apertis pietatis oforibus id mirum visum, sed nonnullos etiam Ecclesiasticos viros ægrè tulisse, illum vnum reliquis alijs eminere velle; verùm postquam solida magni viri patuerunt pietatis fundamenta, tùm demùm non Aulici modò, sed ipse Rex Stephanus plurimi eum facere cœpit, adeò vt mox multis, qui annorum & meritorum prærogatiuâ præstare videbantur, prælatum eum Episcopum Cuiaviensem renunciauerit.

63

*Idcirco etiam
Matthias &
Stanislaus
Lubienij à
Pstroconio ad
domesticam
institutionem
ab aulâ euo-
cati.*

*Ioannes
VVezyk pari
modo apud
Ioannem
Tarnouium
institutus.*

Libenter vobis talia propono exempla, & alios magis quàm me ipsum: quamuis vobis ipsis satis notum sit, mihi quoque pietatem semper cordi fuisse, & in eâ palàm exercenda inuidiorum vuculas contempsisse. Ego vtrumque vestrum ab Aulâ idcirco abduxi, quòd eâ adhuc essetis ætate, quæ accuratiùs formanda instituendaque est, sed spondeo & polliceor, olim vberriimos fructus ex hac meâ conuersatione vos percepturos, facilioremque ad omnia aditum habituros. Laudo & probò, quòd noster Ioannes Wezyk, cum quo vobis, non modò quòd eiusdem sit Sieradiensis Territorij, sed magis deinceps in studijs scholasticisque exercitationibus arctior contracta familiaritas intercedit, non tantoperè ad Aulam properet, malitque in consortio Tarnouij Episcopi Vladislauensis subsistere; ius summâ integritate pro eo dicit, & in scribendis nomine eius Epistolis operam ei nauat: Ingenium eius mihi valdè placet, parcus sermone, sed quotiescunque verba facit, licet ea titubanti linguâ, quod vitium iuuentutis magis quàm naturæ in eo est, proferat, ex ijs tamen apparet acre illius iudicium, eruditio singularis, humani diuinique iuris notitia. Quid multa? Hic quoque non in aulâ modò gratus honoratusque erit, sed fortasse olim parem cum Tarnouio sortietur fortunam, ego certè quantum in me erit, eius fauebo incrementis. Neque tamen inficias iuerim, etiam ab aulicis exercitationibus crescere posse virtutem & pietatem, sed id rarò admodum, & certè tales non nisi singulari gratiâ Dei adiuti, naufragia aulicæ nauigationis euitare, & se in portu pietatis collocare possunt. Ex eo numero his ipsis diebus renunciatus est Episcopus Culmensis Laurentius Gembicius, in quo quid priùs mirer nescio: eruditus est, pius, prudens, eloquentiâ verò ita præstat, vt ab in-eunte ætate feliciter Suadæ litasse videatur. Ibit & is per omnes honorum gradus, gratus Principi, gratus populo, & olim turbatis Reipub. rebus, comi & affabili sermone militares componet motus, gestisque magnis Magistratibus, in summo fastigio honoris positus, magno omnium bonorum dolore cedit è vita; vobis ipsis me vitâ functo, sub eius tutelæ præsidio viuendum erit, & contra omnes inuidiorum insultus delitescendum. Nec Petrus Tylicius Episcopus Varmiensis Regni Vicecancellarius, vel Italiam, vel Germaniam vidit vnquam, non studia vel Philosophiæ, vel iuris, vel Theologiæ primis quod aiunt attigit labris, totus quantus est, creuit in aula Regiâ, & tamen priuato eoque diuturno studio, in eum euasit virum, vt eum vel in Senatu sententiam dicen-

tem,

tem, vel nomine Regio responsa dantem, nemo non miretur, grauis & dignitatis plena eius Oratio, ita placide in aures hominum fluit, vt solus decorum illud dicendi & persuadendi, in quo omnis vis orationis consistit, tenere videatur. Spectata verò eius pietas, candor animi, virtutum omnium studium, ita illum exornant, vt quamuis asperior moribus esse videatur, saepeque irà, nemini tamen noxià, commoueatur, vix tamen quisquam est, qui illum non amet. Paucis adumbraui vobis iter, quod hactenus ij qui ad Episcopatus euecti sunt intiterunt, vobis quoque per eandem gradiendum erit viam, eò vos & fors vestra, & vitæ genus, & mea denique promotio ducet, quæ omnia perinde accipere debetis, ac si Deum vocantem sequeremini, ille enim his medijs & modis quos antea destinat in Candelabro Ecclesiæ suæ collocare consuevit.

64

Electio Canonica in Polonia in Regiam nominationem transiit: Inquisitio in vitam nominati. Bulla que incipit: Onus Apostolicæ seruitutis.

65

Nominatus nihil curat habet in bona Ecclesiastica ante Papæ approbationem.

Abusus non sine nota auaritia.

Factum preclarum Laurentij Goslicki ex Præmyslensi in Posnanensem Episcopatum migrans.

66

Electio Capitularis præsertim veræ vix iam vllibi aliquod extat vestigium, in cuius locum in Polonia, Regia designatio seu Nominatio succellit: hanc Reges nostri initio temerè vsurpatam, postremò concedentibus Summis Pontificibus sui iuris fecerunt. In designati Episcopi genus, vitam, moresque inquirunt, ab ijs quibus id negotium ex præscripto Sacrosancti Concilij Tridentini incumbit; nuper quoque cum ego postremò Romæ essem, piæ memoriæ Gregorius XIV. amplissimo dato rescripto, hunc ipsum inquisitionis modum luculenter definiuit. Interea antequam summus Pontifex Regiam approbat designationem, grauissimarum poenarum denuntiatione interdictum est, ne designati in Ecclesias bonaque illis adscripta, quidquam iuris sibi arrogent: sed præceptum habendi desiderium protrudit plerisque vt omnes poenarum obices audacter transiliant, & dū priuilegium anni gratiæ, quod solis vitæ functis debetur, in subsidium cupiditatis suæ adfiscunt, duos in solidum, dum ex vno in alium transferuntur, Episcopatus tenent: neque ingeniosis defunt illicitæ possessionis fucata nomina, priorem Episcopatum retinent, sub titulo exigendorum reddituum, meritis suis debitorum, alterum custodiæ eorum causa quæ illis post obuentura sunt. Auaritiæ hæc sunt noxia velamenta, quibus & nonnulli iam vsi sunt, & alij fortasse quibus eadem frons, deinceps vtentur. Aliter mecum egit Laurentius Goslicki, proximè ex Præmysliensi ad Posnanensem translatus Ecclesiam: nam cum eo prætextu reddituum Episcopatus Præmysliensis semissem à me petere potuisset, iocatus aliquantisper mecum quasi aliquid esset exacturus, postremò non tam meis rationibus, quam rei veritate & æquitate adductus fassus est, minimè æquum videri, tali pensione egentiorum Episcopum Præmysliensem ab Episcopo Posnanensi grauari: sic ille, sic alij, qui ab omni auaritiæ suspitione alieni esse voluerunt, factitarunt; nec quisquam hactenus quod sciam fuit, qui ex Episcopatu Russiæ ad opulentiores Regni Episcopatus promotus exactione eiusmodi onerare præsumeret successorem.

Sedijs quos in eo gradu excellentiores & heroicæ quædam virtutes collocâ-

*Vocationis
diuina in
ambiando E-
piscopatu
habenda sin-
gularis ratio.
Homines ma-
nifestè im-
probos non
dignatur
Deus tali vo-
catione.
Matt. 7.*

*Quod per
eiusmodi mi-
nistros diui-
ni cultus vi-
lesceret.*

3. Reg. 13.

67

*Sine vocatio-
ne Dei Epi-
scopatum an-
helantium
triplex indi-
gnitas.*

Leuit. 21.

*In primâ
parte Curæ
Pastoralis
cap. 11.*

collocârunt, vt omnium opinione digni Episcopatu censeantur, imprimis diligenter attendenda spectandaque est Dei vocatio, quæ licet non per ea signa quibus & veteris olim legis præcipui, & Christi coruscante fide plerique ad hoc munus gerendum designati & pertracti sunt, diuinitus monstrata appareat, multis tamen se prodit modis, vt eum, qui se Diuinæ voluntati totum commiserit latere nequeat. Et imprimis sciendum est à Deo non vocari manifestè indignos, nec tacitis inspirationibus tales præueniri, vt supremam istam dignitatem desiderent: si enim ille vetat dari sanctum canibus, & mittere margaritas ante porcos, quomodo impulsu tacito accerset eos, qui adinstar vel rabidorum canum irâ exæstuant, vel impurorum porcorum impuri & sordidi sædâ libidine diffluunt? Nouit ille peccatores vocare vt tales esse desinant, & efficere vt iusti atque ad omne opus & munus sacrum obeundum idonei fiant: eos verò qui sponte & libenter sceleribus se inquinant, nec resipiscere volunt, non inuitat ad sacrum ministerium, sed potius futuros peccatorum medicos ab omni crimine puros esse vult, & saltem tales, quos præteritorum actuum syncerè pæniteat. Ieroboam quondam Apostatarus decem tribuum Israël Rex, vt cultum Diuinum viliorem redderet, Deoq; maiorem inferret contumeliam, faciebat de nouissimis populi sacerdotes excelsorum: quicunque volebat implebat manum suam (oleo videlicet, quod erat signum vncti sacerdotis) & fiebat sacerdos excelsorum: sic ille ad falsorum Deorum cultum viles adhibebat sacerdotes. At Deus noster, & dum lex quondam naturalis vigeret, & postea dum scriptam idem traderet, dignitatis in eligendis sacerdotibus primam habuit rationem, de qua re dicam postea. Sed ij qui non vocati ambiunt Episcopatum, aut propter improbitatem suam vitamque sceleratam sunt indigni, aut alio quàm decet fine, ob terrenum nempè aliquod commodum adspirant, aut medijs modisque illicitis nituntur; & ferè semper hæc tria in idem recidunt, nec enim vir probus & Deum timens, vel commodi causa ambiuerit Episcopatum, vel ambitum, modis illicitis obtinere contenderit. Tales erant quos in veteri Testamento ab altaris accessu seuerò interdicto arcuit & exclusit Dominus. Omnis, inquit, qui habuerit maculam de semine Aaron sacerdotis, non accedet offerre hostias Domino, non accedet ad ministerium eius, si cæcus fuerit, si claudus, si vel paruo vel grandi vel torto naso, si fracto pede, si manu, si gibbus, si albuginem habens in oculo, si iugem scabiem, si impetiginem in corpore. Quæ omnia corporis vitia rectè animaduertit S. Gregorius spirituali sensu ad animæ maculas denotandas, à quibus puros esse vult Dominus nouæ legis sacerdotes, & tantò magis Episcopos, transferri posse. Non sit cæcus, non lippus, non albuginem in oculis, non impetiginem habens in corpore Episcopus, id est, non sit ignorans, imprudens, & cuius oculos proprij amoris inordinatæ passionis ceu quædam cataractæ obfuscârunt, quique perpetuâ libidinis impetigine exæstuet.

stuet. Non sit idem claudus, aut fracto pede, vel manu, scilicet qui non recta iret per viam mandatorum Domini, vel robore animi, magnis operibus gerendis & sustinendis pari non excelleret. Curvus denique ne sit, hoc est ad res terrenas ne continuâ propensione feratur, sed cælestia potius illi curæ sint, ad eaque & ipse omni contentione adspiret, & ceteri ut id faciant, dux & auctor illis sit. Ad extremum, non vocat Deus eos, qui ambitionis vel dignitatum, vel fortunarum studio & desiderio impulsu ad Episcopatum adspirant, qualis ille erat Simon Magus, qui munus Apostolicum vendibile esse putans, obtulit pecuniam ad mercendam sacram dignitatem, cui rectè S. Petrus respondit: Pecunia tua tecum sit in perditionem. rectè & ambizioso dici potest: Ambitio tua tecum sit in perditionem; quoniam putasti ambitu humano parari posse donum Dei: quales erant Dathan & Abiron, qui cum non essent de tribu Leui, id est, de generatione quærentium Dominum, quærentium faciem Dei Iacob, ambiciosè summum affectarunt sacerdotium: quos disrupta terra sub pedibus eorum, & aperiens os suum deuorauit cum tabernaculis suis, & vniuersâ supbitantia eorum, descenderuntque viui in infernum. Viui certè descendunt in infernum, quos libido, quos furor, quos radix omnium malorum auaritia, & nullis terminis habendi cupiditas circumscripta, ita infernali mancipauit carceri, ut cum inde se explicare nec velint, nec possint, rectè certissimas Orci victimas eos appellare possimus. Nec solum ad terrendos vos hæc à me dicta existimatote, verissima ea esse facilè exemplis conuincere possum, non remotis tantum, sed recentioribus etiam. Vdo ille Archiepiscopus Magdeburgensis, quem ferunt sanctissima Virginis beneficio, & ingenij, quo antea carebat, excellentis acumen, & dignitatem Episcopalem consecutum, cum deinceps libidinosè viueret, ac tertio diuinitus monitus, non resipisceret ab impuro Monachæ complexu, tractum ad iudicium Diuinum, accusatum, scelerisque conuictum, & dignitate Episcopali exutum, æternis addictum fuisse inferni supplicijs, remque hanc adeò manifestè actam, ut eam Deus à pio sacerdote, nocturnis precibus in Ecclesia vacante, spectari oculis, ac denique signa fuso ex cruore occisi cadaueris, in marmoreo templi pavimento perpetua extare voluerit. An non similis exitus Zauisse Curosuancij Episcopi Cracouiensis? illustri quoque is in hoc Regno loco natus, sed iuuenis, & ut reor, illicito ambitu, fratre Castellano Cracouiensi alijsque cognatis, quorum tunc erant præcipue in Republicâ partes, adnitentibus, Episcopatum adeptus, illicitis indulgens voluptatibus in Dobrouodensi prædio, fortè rusticanam puellam altius à terrâ elenatâ, aceruum fœni componentem conspiciatus, dum per scalas conscendit, & iam in cupitos ruit amplexus, in ipsâ obscæni actus lucta, lapsus ab alto, fractâ ceruice exspirauit. Curatum eius funus, in Ecclesia Cathedrali Cracouiensi celebri pompâ ab amicis ferunt: sed nec tetros abfuisse Cadæmones, ei que qui viuus secretis libidinibus satiari non potuit, sed palam

68

Act. 8. 11. 18.
& 20.Eorum vita
indigna, mors
influx.

Num. 6.

Quod ostenditur
ex exemplis.Ac primò V-
donis Archie-
piscopi Mag-
deburgensis.

69

Specul.
Exempl. dist.
9. Exem. 175.

70

Zauisse Cu-
rosuancij E-
piscopi Cra-
couensis.

71
*Petri Gam-
 rati ob so-
 lennes & lar-
 gas elemo-
 synas felicior
 post vitam
 licentiosam
 exitus.*

Psalm. 40.

lām cunctis inspectantibus, non ut homo, quem rationalis pudor abstra-
 hit à flagitio perpetrando, sed ut bellua quædam scelus impurum exequi
 voluit, cum infelicibus tripudijs parentasse: auditorque fuisse palām
 concinentes impuram (quam fortasse Episcopus viuus occinere sole-
 bat) ad meretricandum inuitationem. Tales sunt eorum exitus, qui,
 ut sacra eloquia testantur, in bonis ducunt dies suos, & in momento la-
 buntur ad tartara. Dicam vobis, quod narrante Carnouio didici: Pe-
 trus Gamratus Archiepiscopus Gnesnensis, idemque Episcopus Craco-
 uienſis, illicitā ambitione geminas opulentas dignitates consecutus, ut
 prodigus & libidinosus palām audiebat: aderat comitatus qui Episco-
 pum minimè deceret: mensam, ut cum Plauto loquar, strues patinaria
 ornabat vel onerabat potius: aderant symphonistæ, parasiti, sycophan-
 tæ, mimi, ludiones, meritò ab Italis bufones appellati; strepebat Aula il-
 licitis clamoribus, Baccho & Veneri indulgebatur. Denique in eā erat
 apud omnes opinione, ut nemo de Gamrato benè existimaret, cuncti,
 ut perditè flagitiosum execrarentur, cuius cognomen etiam nunc tur-
 pibus & obscænis facinoribus vocandis vsurpatur: vnum erat in quo
 non Gamraturum, non lurconem, non ganeonem, sed Episcopum agno-
 scere posses. Pauperum & egentiorum singularem gerebat curam, sin-
 gulis diebus ex eo numero centumerant, qui Episcopali mensā & fer-
 culis reficiebantur: dum iter faceret, duo currus onusti lineis indusijs,
 & laneis tunicis, vel si hyems esset, ex pelle ouinā confutis vestibibus, se-
 quebantur, nudus vel malè vestitus, si quis opem implorans obuius erat,
 vestiebatur, viatico etiam donabatur: hic mos, ea consuetudo familia-
 ris Gamrato erat, cum alioquin ipse in tantis opibus, ut prodigi solent,
 egeret, ac semper ferè in dies viuens alieno ære grauatus, vsuras depen-
 deret. Iam senior, iam morti proximus, nihil ex illicita victus & prodi-
 galitatis ratione remittebat, &, ut opinari licet, præteritorum facinorum
 recordatio præcipitem eum, non ad spem misericordiæ, sed ad salutis
 desperationem agebat. Sed verissimum esse quod Spiritus sanctus per
 os Dauid Regis locutus est: Beatus qui intelligit super egenum & paupe-
 rem, in die malā liberabit eum Dominus, Gamratus quoque expertus
 est. Nam cum annis fessus, &, ut dixi, morti esset proximus, neque tamen
 de supremo vitæ exitu admodum esset sollicitus, acc idit ut in peruigilio
 festi cuiusdam diei ad vespertinas preces audiendas ad Ecclesiam iturus
 accingeretur, paratusque in cubiculo aliquantisper solus subsisteret, ecce
 nota illi viri cuiusdam nobilis Curossij, iam diu fato functi persona ap-
 paret: familiariter secum mutuorum conscij facinorum diu vixerant; ex-
 horruit tamen ad visam rediuiui hominis speciem Episcopus, cumque
 ille ut metu posito secum ageret hortaretur, paululum resumpto spiritu
 Gamratus, etiamne tu viuus? & in quo tandem loco es, mortali perfun-
 ctus vitā? Respondet ille: Viuo, longeque feliciori quam vos fruor aurā.

Tum

Tum Gamratus: Tunc quem flagitijs grauatum, & turpibus libidini-
bus me, pro dolor, conficio fatentem è vitâ excessisse constat, inter eos
lis, qui fœces sunt? vix credo. Credes, inquit ille, mox, paulisper modò su-
stine. Iuuenis admodum cum in Germania essem, incidi in quendam, qui
sacrilego ore Sanctissimam Dei Matrem Virginem incestabat: ego flagi-
tij impatiens, colaphum homini impingo; nec mora, ille, vt erat arma-
tus, manu ad capulum admotâ, duellum mihi denuntiat; ego non seg-
nius stringo ensẽ, congregimur, nec diuturnum fuit certamen, nullo
accepto vulnere sacrilegum conficio. Et tunc quidem ne homicidij &
duelli crimine succumberem, fuga mihi consului. Deinceps vix aliquan-
do ea res mihi in mentem venit, sed cum suprema adesset hora, anima-
que è corpore exitura, insultantibus infernalibus hostibus conflictaretur,
& ego exitij certus nullam reliquam spem haberem; ecce mox noua af-
fuit lux: Regina cœli Angelicis choris stipata prætor aderat, diffugiunt
infernales belluæ, nescio quid horrendum frementes frendentesque:
at illa vultu benigno flexit in me misericordiæ oculos: Misesne, in-
quit, meus, defensor honoris mei peribit? Absit. Tum versâ ad Filium:
En vterus in quo conceptus es, en vbera quæ suxisti, hunc ego militem,
quibus olim te stringebam brachijs complexum tantisper tenebo, tu san-
guinem, quẽ ex meis traxisti visceribus istilla: ego efficiam vt ex eius ocu-
lis vberes fluant lachrymæ, abluendis sceleribus sufficientes. Dixerat, &
ego ex detestatione anteaetæ vitæ intimo concepto dolore singultibus
concutior, lachrymas fundo, Patrem optimum me offendisse agnosco, &
annuente Sanctissimâ Patrona mea, ingenti illius amore exardeſco, affe-
ctu non voce, nã morbi vis vsum linguæ interceperat, atque ita supremis
meis castissimâ Virgine assistente expiro. Anima è corpore egressa, Ange-
lorum ministerio fertur in cælum, illic non meritis meis, nam ea vel nulla
vel satis exigua erant, sed Diuinâ misericordia, mihi per Patronam meam
conciliatâ, æternam adeptus felicitatem verè viuo. Inde ad te nunc mis-
sus sum, vt te supremorum tuorum admonerem: dudum iam merueras,
vt tot beneficiorum acceptorum ingratus, morte ferali, ad exemplum Vo-
luptarij Vdonis mulctareris, tuæ largitiones in egenos factæ, illæ epulæ
quotidianæ mendicis exhibitæ, illæ vestes, quibus nuda Christi membra
texisti, ne ex meritis tuis in te Diuina sequeretur iustitia, prohibuerunt. Scito
autem, te ab hinc sexto mense (tantum tibi indulget clemens Pater)
moriturum, expende & dispice, quid te interim agere oporteat, nam
venia adhuc superesse locum, vel meo doctus exemplo, ne diffidas.
His dictis ille quidem disparuit. Episcopus in lachrymas resolutus,
neque eo die in publicum progressus, diutius solito solus mansit, & nisi
serò, quid sibi accidisset, ijs, quibus maximè fidebat, patefecit. No-
uerat Carnouius plerosque qui cum Gamrato familiariter vixerant,
quique supremis eius adfuerant, confirmabant illi ita vltimos sex il-
los menses, ab eo exactos fuisse, vt verè & ex animo peccata detestan-

Hebr. 10. 11.
31.

72

73

*Parentum,
non suâ vo-
luntate facti
Ecclesiastici,
parum felici-
ter cedunt.*

tis hominis omnes numeros impleret : denique sanctissimis Sacramentis ritè expiatum , cum optimâ æternæ salutis spe eum celsitudo à vitâ testabantur. Fabulas videor vobis narrare , quæ tamen luculentis testimonijs probari possunt , sed cernitis diuersos hominum exitus , & Dei miserentis inperscrutabilia iudicia : Horrendum est incidere in manus Dei viuentis, nec minùs timendum, ne facillè veniam desperemus. Ex occasione Curosuancij, venit mihi in mentem vt expendam, plusnè utilitatis an incommodi Ecclesiæ obueniat, ex promotione eorû, qui maiorum illustria nomina præferunt, & numerant pro dote triumphos. Possem multa adferre exempla, maioribus ferè semper dispendijs & iniurijs res obnoxias Ecclesiæ fuisse, cùm tales illis præessent, qui solâ generis & stemmaturæ commendatione Episcopalem dignitatem adipiscerentur : ferè enim euenire solet, vt immaturâ ætate panè adhuc pueri, & quantum onus humeris suscipiant ignari, obtrudantur Ecclesiæ, vel amicorum, vel Principum potestate, & molliusculè educati, deinceps posteaquàm adoleuerint, & statum Ecclesiasticum fastidiunt, & ad militiam obeundam parum apti sunt. In Germaniâ conuulso religionis statu, Principes Hæretici iura Ecclesiarum inuaserunt, se tamen dici Episcopos volunt. Non dissimiles ijs nonnulli Catholici, qui pari ausu, concedentibus Romanis Pontificibus (quid enim illis negarent) liberos fratresque suos talari veste indutos, nec quidquam aliud Ecclesiasticum præferentes, Episcopos renunciant, qui deinceps adulti, & panè sacerdotali pasti, tum demum deliberant, quid facto opus sit : & si alia occasio status sui tuendi non suppetit, serò demum ad rem Ecclesiasticam animum applicant. E nostrorum Regum filijs, vnum scio Fridericum Casimiri Tertij filium sacris initiatum. Hunc, cùm cæteri fratres militari-ter educarentur, mater Elizabetha Regina Poloniæ indulgentiùs habuerat, & multis annis apud se tenuerat, & ille assuetus muliebri consortio, difficulter postea meliora suadentibus obsequi voluit. Anno quidem ætatis suæ decimonono, Episcopus Cracouiensis, potissimùm matre adnitente, renunciatus fuit. Huic Petrum Tomicium, virum doctum & pium, nuper è Bononiensi studio, summâ cum laudis & eruditionis opinione reuersum, Casimirus Rex adiunxerat, vt esset actionum studiorumque illius inspectior & moderator : sed quamuis ille seuerâ quadam Tomicij grauitate permoueretur, coque veniente, pocula quibus cum sodalibus euacuandis meliores horas impendere consueuerat, citò auferri iuberet ; nihilo tamen melior factus in omnem mox erupit licentiam : mors denique eius infamis fuit, quasi ex turpi infectæ lue venereâ mulieris consuetudine contracto morbo accelerata esset. Cromerus noster hoc elogio eum prosecutus est : Fridericus procerâ statura, aspectu decoro ac dignitatis pleno, cæterum ingenio nullo, iners, ignauo otio, crapulæ & assiduis computationibus in fumo & sordibus cum gregalibus suis quibusdam marcescens, & ad extremum morbo Gallico

Gallico confectus, teste Matthia Miechouienſi medico. Haetenùs ille. Et mirum eſt, reliquoseius fratres omnes Regijs virtutibus excelluiſſe, vnum ex illis vitæ ſanctitate, vt ſtatim à mortè inter Diuos referretur meruiſſe, hunc è contra ſacris addictum, paterno maternoque voto dicatum in meliorem frugem euadere non potuiſſe; ſic vſu venit ijs, qui non ſuâ ſed parentum voluntate, ſacris functionibus admouentur, vt quaſi auro Tholoſano afflati, parum felices habeant ſucceſſus. Quis nuper non indoluit funeſto Andreæ Cardinalis Bathorei Episcopì Varmienſis exitu: is quoque voluntate Patruſ Regis Stephani ſumptâ togâ ſacerdotali, primò Canonorum Regularium Sepulchri Domini Cultodum Miechouien. Præpoſitus renunciatus, & ad Cardinalitiâ dignitatem, adiuncto Episcopatu Varmienſi. promotus, Rege Stephano mortuo, ſemper aliam vitæ ſuſcipiendæ rationem ſpectare videbatur; cumque iuſſu Clementis VIII. Pontificis Maximi, Germanicus Malaſpina Episcopus S. Seueri, cum ſacro Diaconatus ordine, & voto non amplius nubendi obſtrinxifſet, tum quoque teſtatus eſt, ſe pænè inuitum eò adigi, & mox leuitate patruelis ſui Sigifmundi Tranſyluanicę Principis, à fœdere, quod cum Rudolpho Cæſare icerat, temerè recedentis excitus, poſita Cardinalitiâ Regalem purpuram induit: ſed Tranſyluaniam iuſſu Cæſaris Michaële Valacho cum exercitu ingreſſo, fraude ſuorum proditus & occiſus, documentum grande poſt ſe reliquit, ſeriò rem Diuinam eſſe tractandam, nec ad leuis auræ ſpem ſtatum Eccleſiaſticum deferendum. Veriſſimè enim Seruator noſter: Nemo, inquit, manum mittens ad aratrum, & Luc. 9. v. 26. reſpiciens retrò aptus eſt ad regnum cælorum. Ad extremum, vt hanc vocationis Diuinæ neceſſariam conſiderationem finiamus, certiffimò ſtatuendum eſt, eos qui ſtatum Episcopalem affectant, vt dignitatibus, honoribus, & opibus augeantur, à Deo non vocari: eos autem, qui vniuerſalis Eccleſiæ vtilitatem proximorumque commodum, præcipuum ſuſcipiendæ tam ſublimis functionis ſcopum ſibi proponunt, certos eſſe debere, ſe motu cælitus immiſſo agi & vrgeri. Diligenter tamen & his expendendæ & ſupputandę ſunt (idque iuxta Domini conſilium) ſedendo Luc. 13. rationes, an ſumptus ad turrim altiffimæ perfectionis extruendam illis ſuffecturi ſint. Sed iam tranſitum ad ipſa functionis Episcopalis munia faciamus: dabitis autem veniam ſi longiori feſſi ſermone, reliquum hodiernæ diei tempus relaxationi animi & virium conceſſerimus, cras ſi liberum nobis erit, cætera exequemur.

Moris erat Piſtroconio pariori ſumptâ cœna, & aliquo pio ſermone, 76 cum nullâ re magis quàm verborum ne dicam obſcœnitate, ſed ſolutioribus etiam iocis aures eius offenderentur, mediâ circiter horâ impenſa, Piſtroconij optima vita conſuetudo. mox peractis, quibus flexis in terra genibus operam dabat precibus, & ad trutinam totius diei geſtis, ſtriçto & accurato examine reuocatis, veniaque à Domino petita, maturiùs cubitum ſe conferre; lectus non molli plumâ ſtratus, ſed culcitra aſteriori ſuppoſita, dormiturum excipie-

excipiebat, ita & semiieiuno & durioribus stratis incumbanti, parciore quoque qui modò naturæ sufficeret somnus erat, & si priori peracto somno expergisceretur, toto corpore in terram proiecto aliquantulum sacris precibus vacabat, somno interim, si necessitas postulabat, non nihil indulgens, sed ita ne ultra septem horas in lecto hæreret. Tum quoque maturè è somno expergefactus, ut aliàs semper facere solebat, nos accersiri iubet, ad dicendum secum sacri officij nocturnas horas; quibus dictis, cum iustum temporis spatium ad sanctissimi sacrificij celebrationem solitæ, & piæ preparationi impendisset, nos sonitu campani æris signo dato adfuit. Ille sacris operatus, ut semper aliàs, iterum ad preces versus, tacitâ mentis consideratione expendebat accepti beneficij magnitudinem, suauitate odoriferâ vini illius optimi perfusus, quod cælestis sponsus dignum iudicat dilectis suis ad potandum, & dentibus eorum ad ruminandum, atque in secretum cubiculum mentis suæ ingressus, præsentî Domino supplex suas & Ecclesiæ suæ necessitates eidem offerebat. Denique sepulchri Domini memor, quod cum repositum in eo esset corpus Domini, munitum fuisse signatis lapidibus, appositosque custodes, refert Euangelista, ipse custodiam Angelicam cordi suo apponi precabatur. His peractis, progressus in publicum, cum paululum expectasset, & interrogasset, an esset aliquis qui negotium haberet, qui suam opem & operam posceret; cum constitisset neminem ad præsens adesse, iterum ad cubiculi sui vicinum Musæolum se retulit, ceterisque exclusis, & nobis manere & sedere iussis, hesternâ die intermissum sermonem tali executus est oratione.

*Devotio
Pisroconij
erga Sepul-
chrum Do-
mini.*

77

*Dicendorum
in hac tra-
ctatione ca-
pit alterum.*

*Quid oneris
rite ordinato
Episcopo in-
cumbat.*

Ioann. 21.

Confusus hesternò die rem actam esse à me, quàm initio proposueram non diffiteor, nec enim solùm ea dixi, quæ de hac materiâ dicenda erant, quamvis multò plura & alio fortassis ordine dici poterant, verùm etiam cum pleraque occurrerent ab instituto dicendi genere non abhorrentia, ea quoque prætermittenda esse non putavi: neque enim præceptis solùm imbuendi estis, sed tantò magis exemplis, quæ plerumque & infixa memoriæ hærent diutius, & ad omnes præclaras actiones summâ cum laude suscipiendas expeditum monstrant iter. Nunc propositi mei memor, caput illud aggredior, in quo à nobis agatur de functionibus Episcopalibus, quæ Episcopo, posteaquam cura animarum illi iam demandata est, possessionemque Episcopatus ritè adiit, incumbunt. In eâ vero amplissimâ materia, non me penitus demittam eò, ut singula quæque perensem, dictaque auctoritate sacrorum Canonum confirmem; in ijs, quæ omnibus apparent, versabitur oratio mea. Si fortè hæc ipsa accuratius & subtilius pertractata scire volueritis, ad eos vos remitto, qui ingentibus voluminibus, Praxes Episcopales vulgò inscriptas, editis, quidquid hac de re dici potuit, complexi & executi sunt. Ego verò illud vnum Seruatoris dictum ante oculos habens, quod posteaquam renunciatus sum Episcopus, semper videtur insonare auribus meis, Pasce oves meas

meas, in tam paucorum verborum consideratione subsistam, & rudiori stylo Episcopum, qui idem sit Senator, vobis depingere adnitar. Primo tamen recensendæ mihi sunt virtutes, quibus Pastorem animarum exornatum esse oporteat: cum enim is ardui muneris functionem subiturus sit, & gregem Dominicum per viam mandatorum Domini deducturus, errabit proculdubio, & alios errare faciet, nisi iter tam anceps & difficile, illi antea optimè notum & sæpè tritum fuerit. Perfectionis statum proferatur Episcopus, ad eum autem communi Theologorum sententia tribus ascenditur gradibus, per vias quas purgatiuam, illuminatiuam, & vnitivam vocant, dispositis. Hanc Apostolus insinuare videtur illis verbis: Finis præcepti est charitas, de corde puro, & de conscientia bonâ, & fide non ficta. Amatur puritas animæ, & splendor bonorum operum, & fides ac fidelitas in coniungendo se Deo. & hinc perfectam fuisse trinam illam Domini interrogationem amoris, ut Petrus ceterique futuri animarum piscatores intelligerent, se debere esse eminentes in cordis puritate, ab omni culpa & imperfectione liberos, quantum fragiles humanæ vires sinunt. Eisdem non eis tantum virtutibus, quæ præceptis Divinis comprehensæ sunt, nam sine his puritas animæ haberi non potest, sed longè excellentioribus & heroicis operibus præditos esse oportet, quibus exculti & ornati, perpetuam habeant cum cælesti sponso unionem, qui pollicetur se dilectos suos sibi sponsaturum in fide, in iustitiâ, in misericordiâ. Excellere autem dico Episcopum debere, ac subditis suis perfectiorem esse, eâ perfectione, qua Magister discipulos, qua Pastor oves superat: quod sanctus Gregorius bonorum Pastorum idea verissima, pulchrè his explicat verbis: Tantum debet actionem populi actio transcendere Præsulis, quantum distare solet à grege vita Pastoris. oportet namque ut metiri se sollicitè studeat, quanta tenendæ rectitudinis necessitate constringitur, sub cuius æstimatione populus grex vocatur. Sit ergo, necesse est, cogitatione mundus, actione præcipuus, discretus in silentio, utilis in verbo, singulis compassione proximus, præ cunctis contemplatione suspensus, benè agentibus per humilitatem socius, contra delinquentium vitia per zelum iustitiæ erectus, internorum curam, in occupatione externorum non minuens; externorum providentiam, in internorum solitudine non relinquens. Hæc est illa Angelica (Angelos enim Dominus Episcopos in Apocalypsi appellat) perfectio, quam tantus vir Spiritus sancti instinctu descriptam nobis reliquit. Ac ut magis appareat Episcopos ad hanc esse obstrictos perfectionem, ex ipsiusmet Servatoris verbis eam colligamus, quibus sublimia illa beatitudinis consequendæ monita, in personis eorum, quos in montem excelsum seductos informabat, futuris quoque præscripsit Pastoribus; voluit enim eos esse pauperes spiritu, mites, elurientes & sitientes iustitiam, lugentes eius defectum, misericordes, mundos corde, pacificos, & patientes persecutionem propter iustitiam. Eandem Pastorum

78

*Quibus virtutibus clarescere debeat.**Episcopus perfectionem professus.*

79

*Quam sublimem.**Osee 2. v. 20.**2. Pastor. c. 1.**Panè Angelicam. Apocal. 2.*

80

*Ad eam quomodo obligati Episcopi.**Matt 5. v. 3.*

Matth. 5.
v. 19.

81

*Eiusdem per-
fectionis ty-
pus in legis
antique Pon-
tificis vestitu
adumbratus;*

82

83
*In Pontifice
Iesu Christo
crucifixo ma-
gis expressus.*

1. Cor. 1.
v. 23.

perfectionem ad tres gradus superius notatos reductam, ijs expressit similitudinibus. Vos, inquit, estis sal terræ. Ad quid? nisi ut corrupta putredine & tabo diffluentia vulnera, admoto hoc salutari condimento siccent, purgent, & sanent. Vos estis lux mundi, ut & ipsi luceant, & alios splendere faciant: vos estis Ciuitas supra montem posita, in qua tota perfectio, & illa cum Deo vnio comprehenditur, quam olim in veste poderis totius orbis imagine sculpta, referebat summus Israëliti populi Sacerdos. Et quoniam vestimentorum sacerdotalium, quibus ut antea ex Diuo Chrysostomo annotauimus, sanctitas Sacerdotij nouæ legis designabatur, facta est mentio, inspiciamus tam pretiosi ornamenti Diuinum opus, in quo duo consideranda veniunt, alterum est pretiosissimum & electissimum stamen, byssus retorta, hyacinthus, purpura, coccus bis tinctus, fila aurea; alterum pretiosi lapides in varios distincti ordines, nam in ipso pectoris cooperimento, erant duodecim lapides, in quatuor ordines distributi, tres in singulis inclusi auro, & in eis sculpta erant nomina filiorum Israël, in singulis lapidibus nomina singulorum per duodecim tribus. Erant & alij duo lapides, magni pretij auro inclusi, quorum alter dextro, alter sinistro humero ita erat affixus, ut in illo quidem sex natu maiorum filiorum Israël nomina, in isto totidem iuniorum essent expressa. Huius tam pretiosi ornatus, cum consecramur peculiari precatione fit mentio his verbis: Ut quidquid illa velamina in fulgore auri, in nitore gemmarum, & in multimodi operis varietate signabant, hoc in eius (videlicet qui consecratur) moribus actibusque clarescat. Splendere in Episcopis debet, ex intellectu & sententiâ sancti Gregorij, byssus retorta, puritas scilicet conscientiæ, adhibitâ mortificatione earum rerum, quæ possent eam aliquâ culpæ macula inficere. Hyacinthus, intētio cælestia spectans, terrena contemnens. Purpura Regium indumentum asperius quidem, ut patientiam designet, dominium tamen ac robur ad molestias magno animo ferendas præbeat: Coccus bis tinctus charitatis Dei proximique amore eiusdem penè coloris notatus: Aurea fila ad contemplationem sapientiæ cælestis referuntur. Iam in lapidibus singulis, singulas ut percenseamus notatas virtutes, longioris sermonis tela esset texenda. Sed ipsum exemplar perfectionis Iesum Pontificē, in Arâ crucis sacris operantem aspicere suffecerit: ornatus eius nuditas & paupertas: si carnis oculis credere & decipi velimus, Iudæis scandalum, gentibus stultitia; sed credentibus en pectus ornatum rationali ornamento, lapidibusque pretiosis distincto. Sardius imprimis splendet, qui coloris est ignei, terretque feras, est feruens zelus, qui instar ignis contendit omnia vitia adeò strenuè comburere, ut terreat peccatores, & ipsos peccatorum auctores Dæmones. Topazius à Plinio omnium lapidum pretiosissimus existimatus, incensus Dei & proximi amor, & ipsemet charitatis actus, ex quo oritur zelus omnium virtutum præstantissimus. Smaragdus viridi eoque excellenti colore, spem designans futu-

futurorum bonorum. Carbunculus noctis discutiens tenebras & circumstantes illuminans : Saphyrus cælesti splendidus colore, quo tamen nouæ legis Nazaræi pulchriores esse debent : Iaspis solidus & tortis ad columnas muri cælestis extruendas idoneus, quique phantasmata depellendi, id est, falsas de fide opiniones euellendi, habet vim. In tertio ordine Lygurius siue Lynacrius, huic cum Lynceis vrina congelata sit origo, humilitatem significet, conuenit; hæc enim licet pretiosa sit, oritur tamen ex consideratione propriæ vilitatis, quæ vix nisi Lynceis oculis qui non falluntur, nec falsâ tumoris imagine seducuntur, videri & agnosci potest. Non libenter enim audimus : Pulvis es, & in puluerem reuerteris. Acha- Gen. 3. v. 19.
tes suâ nigredine poenitentiam designans, aliquibus tamen qui ei insunt circulis albis, candorem indulgentiæ præferebat. Chrysolitus velut aurum perlucidum, similis colori marino, paupertas spiritus & contemptus rerum omnium, cum generosa quadam animi magnitudine; talis erat Angelus quem Daniel vidit, cuius corpus erat quali Chrysolitus. Onychi- Dan. 10. v. 6.
nus cuius color & figura vngui adfinis est, nisi quod eximio candore niteat, quo castitas rectè designatur. Berillus colorem habens inflammatum adinstar aquæ, in quâ sol suos reflectit radios, virtutis temperantiæ & abstinentiæ symbolum. Hæc sunt intimi Pontificis nostri pectoris ornamenta : en exemplar monstratum in monte Caluariæ, ad illud se conforment omnes Episcopi, & insuper utrique humero, Dei proximique charitatis geminas imponant gemmas margariti inæstimabilis. Paucis hæc ego vobis ex Ethymologicis Isidori libris; si tamen maturus & exactius ea expendere volueritis, vberiores inde thesauros vobis haurire licebit. Sed fortassis licebit nobis non solum splendorem vestitus Pontificalis tot collucentibus lapidibus illustrati, sed onus etiam eorundem lapidum considerare, qui tanto pondere gestantem premunt, ut quamuis Gigas sit, gemere eum oporteat. Magnæ & Gigantæ magnitudinis fuit mulier illa, quæ Lunâ habebat sub pedibus suis, & sole erat amicta atque ipso capite stellas contingebat, nihilominus gemebat & clamabat parturiens, & cruciabatur ut pareret : Nempè quia Draco nefarius hianti ore partum eius deuoraturus in conspectu erat. Gigas erat sanctus Paulus, qui tamen iterum Galatas parturiens, se doloribus partus cruciari testatur. Ille denique Gigas, qui exultauit ad currendam viam, cuius à summo cælo egressus, qui perditam primò, mox repper- Gal. 4. v. 14. Psal. 18. v. 16.
tam ouem humeris referens tanti oneris pondere, & in horto sanguineum sudat sudorem, & crucis grauatus magnitudine, succumbit in viâ, licet aliàs cæli terræque Principatum suis sustineat humeris. Summa dignitas est pretiosis auro insertis fulgere lapidibus, quales sunt animæ Christi sanguine redemptæ, sed si thesaurum istum vasis fictilibus inclusum expenderis, rem magni periculi esse cognosces, & Aetnâ grauius hoc onus esse fateberis. Audiamus Moysen virum mitem, virum populum illum amantem, virum Diuini honoris zelo ardentem : hic tamen 84
Muneris Episcopalis splendor onus amplius expenditur. Apo. 6. 12.
85
Quidam graue sit & periculosum, etiam exemplum illud fugientium commonstratur.

Num. c. ii.

In Reg.
Mon. c. 15.
Tom. 4.86
Episcoporum
potestas &
iurisdictio.

87

tantus Gigas, ut sub pondere quod ex curâ salutis animarum illi incumbat gemit, & penè sui oblitus vociferatur. Cur, inquit, afflixisti seruum tuum? & cur imposuisti pondus vniuersi populi super me? nunquid ego concepi omnem hanc multitudinem, vel genui eam, ut dicas mihi: porta eos in sinu tuo, sicut portare solet nutrix infantulum, & defer in terram, pro quâ iurasti Patribus eorum? Non possum solus sustinere omnem hunc populum, quia grauis est mihi: sin aliter tibi videtur, obsecro, ut interficias me, & inueniam gratiam in oculis tuis, ne tantis afficiar malis. Sic ille: sic reliqui, qui tanto ponderi vel inuiti humeros supponebant, vel quantum poterant, in abditas etiam se condendo speluncas, onus Angelicis etiam humeris formidabile fugiebant: ut ille de quo scribitur, cum electione legitimâ Episcopatus illi delatus esset, illeque periculum expendens, Abbatem virum sanctum & Prophetiæ spiritu præditum, acceptandumne esset Episcopatus, consulisset: iussus ab Abbate altum quoddam tectum, quadratum tamen & planum, nec ullis septum repagulis conscendere, & in eo posito corpore volutari; cumque id faceret, & margini proximus cessaret, Perge, inquit Abbas, semel & iterum voluere. Non audeo amplius, respondit ille, nam proximus precipitio sum: deductum inde mox, cum in humili & patenti loco idem facere iussisset, illeque citra periculum longius se volutasset; Vade, inquit Abbas, & in acceptando Episcopatu vtriusque loci discrimen ante oculos habeas. Ita ille repudiato Episcopatu deinceps vitam functus apparuisse dicitur, & narrasse se, si Episcopus factus fuisset, periturum fuisse. Neque ad terrendos vos hæc dico, sed ut admoneam cautè nimium & cum timore ac tremore ad hoc onus acceptandum vnumquemque accedere debere. Sed iam acceptato onere Pastoralis, quid potissimum hoc onere contineatur videamus. Et imprimis potestas & iurisdictio amplissima. Sunt enim Episcopi in cœtu Presbyterorum, ut Principes, decernuntque & leges ferunt suo arbitratu, maximè in Concilijs generalibus, ut ex illo Calcedonensis Concilij edicto probatur. Foras superflui, Concilium Episcoporum est: & Concilij Basiliens. decreta, idcirco vim suam non tenuerunt, quod in eo admitterentur simplices Presbyteri ad decidendas fidei causas, & plures essent Episcopis. De Abbatibus secus fortassis existimandum est; nam in Concilio Tridentino cum ei præfedisset CCLV. Patres, dicantur, nequaquam is numerus conficeretur, nisi & Abbates, & Ordinum, & religiosorum Præsides computarentur. Sed hac de re aliorum sit iudicium. Habet præterea Episcopus thronum vel solium in Ecclesiâ altius eleuatum, supremæ dignitatis signum; olim ante Cardinales Presbyteros & Diaconos locum in Concilijs generalibus habebant. Habet item Episcopus potestatem ordinis & iurisditionis. Ordinis ad conficiendum Chrisma, & alia sacra olea, ad conferendos omnes sacros Ecclesiasticos ordines, ad Ecclesias, altaria, virgines consecrandas, polluta cœmeteria & templa reconcilianda, Sacramentum

Confir-

Confirmationis conferendum, ad actualem Clericorum depositionem, & his similia. Neque enim omnia explicare nostri est instituti, uti nec iurisdictionis terminos oratione nostra exequi necesse est; multis enim & pænè infinitis numeris ea constat: neque enim Ecclesiasticæ solùm causæ Episcopi iudicio subijciuntur, sed quidquid ad rationem curandæ salutis pertinet, etiam si extra territorium fori Ecclesiastici esse videatur, huc reuocandum est: ita sacræ, ita profanæ leges voluerunt, hoc pij & optimi Principes sanxerunt. Reuoluite non amplissimos Imperialium modò legum Codices, sed Statuta nostra, piasque maiorum nostrorum sanctiones: reperietis, quantum Principes, quantum maiores nostri permiserint Episcopis, quibus olim spiritualem gladium stringentibus, cæteræ omnes iurisdictiones parebant, ac iussa exequiebantur. Hoc primùm sæculo, ac pænè nostrà memoria, impietas extorsit hunc mucronem salutis è nostris manibus. Videlicet pessimè habebat diabolum esse in hoc Regno, qui summà cum potestate, & ex nobili, ut Iurisconsultorum verbo utar, officio, Hæreses, blasphemias, adulteria, veneficia, incantationes, incestus, periuria, & id genus infernalìa monstra, quæ nunc impune perpetrantur, punirent. Libertas à plerisque prætenditur, cui scilicet graue erat potestati sacræ submittere caput, cum Principes Christiani optimi quique eà corripere & puniri ab Episcopis voluerint; soli ij, quibus pietas non erat cordi, iussa & monita eorum respuerint. Nec ad externa vos vocabo, domesticis contenti erimus. Boleslaus, cui res præclarè gestæ Audacis nomen pepererunt, à S. Stanislao Episcopo Cracouiensi monitus, ut eius dicta spreuerit, ut irà exarserit, ut sanctum Pontificem parricidiali cæde & morte sustulerit, notum est orbi vniuerso. At Vladislao Iagello, Neophytus licet, cum Gnesnæ ob pignoras ab eo facultates adscriptitiorum Ecclesiæ, Nicolaus Strosberg Archiepiscopi in spiritualibus Vicarius, sacris Ciuitati in quâ Rex morabatur, interdixisset, non modò æquo animo id tulit, verùm etiam res interceptas restituit. Acres item illæ Zbignei Cardinalis expostulationes in Senatu factæ, etsi non nihil molestæ eidem Regi fuerunt, tantum tamen abfuit, ut eas vlisceretur, ut etiam moriens, & munere quod charissimum habebat, Zbigneum cohonestaret, & obiurgatorem suorum criminum, eundem liberis suis supremæ voluntatis suæ declaratione, tutorem constituerit. Sic fecerunt reliqui omnes: ut Theodosius reprehensus ab Ambrosio, & ab ingressu Ecclesiæ, ob cædem Thessalonicæ factam, prohibitus, non erubuerit prosterni coram Episcopo, supplex veniam & poenam ad expiandum delictum, ut sibi imponeretur, petere. Noster quoque Casimirus Tertius huius nostri Regis Sigismundi proauus, post illam ad Choyniciam infelicem pugnam, cum passim carperetur, quasi ob eius minùs æquum imperium, pauperumque exactionibus militari- bus oppressionem, ea clades accepta esset, idque Deus cuidam Sanduogio Theologo Canonico Gnesnensi, viro pio & religioso manifestasset, iussisset-

88

*Impietas seu
temporum
iniquitas plu-
rimum de
liberâ agendi
potestate E-
piscopis dera-
gaui.*

89

*Eximia Epi-
scoporum li-
bertas in ca-
stiganda
Principum
delictis.
Grata Vla-
dislao Iagel-
loni.*

90

*Casimiro III.
Regi Polonia.*

- 91 *Sigismundo Augusto.* iussissetque ut Regem adiret; ille cælestibus parens monitis, impetrauit à Rege, ut exclusis arbitris cum eo agere posset. Ibi iussu Rege ut surgeret, & stans mandata Dei audiret, magna Dei beneficia, & ipsius ingratitude peccataque exprobrauit, & ni mutaret mentem, grauiora cõminatus est; æquo animo ferente Rege, acerbiorẽ admonitionem melioraque de se pollicente. Et quoniam nostrorum Regum facta est mentio, Carnouius quoque cùm adhuc esset Episcopus Vladislauiensis, cumque spargeretur Sigismundum Augustum Regem in proximis, quæ tum futura erant Comitij, nescio quid in fauorem hæreticorum decreturum, & suam quoque sententiam de religione explicaturum, exarsit zelo tuendæ religionis Catholicæ, Regemque acrioribus literis & hoc nomine, ac item quod eius libidines magno subditis essent scandalo, accusauit. Quod Rex suâ manu Episcopo rescripsit, obiurgationem Episcopalem sibi gratam esse, eamque perinde accipere, ac si paterna voce moneretur; religionis negotium se attingere nolle, præsentem vitæ suæ statum sibi vel maximè displicere, & daturum operam, ut iuuante Deo, deinceps secundiori famâ reliquum vitæ transigeret. Libenter & hoc exemplum superioribus adieci, quod non modò ad Sigismundi Augusti Regis, sed ad Carnouij quoque mei laudem spectat. Vtilis semper erat & Regibus & Regno libertas Episcoporum, cùm ij non ad adulationem composito sermone, non ut Principis animum irritarent, vel odium illi conciliarent, sed vel priuatim semotis arbitris agerent, vel publicè etiam, ne quid cum detrimento Reipublicæ fieret, obliuerent. Feruentior hæc in re & acrior fuit Ioannes Lubranski Episcopus Posnaniensis, meus, ut scitis Proauunculus. Nam cùm Ordines Regni à Sigismundo Primo vehementius vrgerent, ut vectigal quod à mercibus, quæ in Regnum inducuntur & hinc educuntur, Reipublicæ condonaret, Rexque renitens & pænè iratus capulo ensis manu admotâ sibi id eripi nõ siturum ostendisset; enimverò surgens è sella Senatoria Lubranscius, & fenestram, ex qua in circumiectam aream prospectus patebat, effringere conatus, magnâ voce vim à Rege Senatui fieri inelamat. Rex modestior & intemperie Episcopi pænè in risum solutus: Sedete, inquit, Domine Episcope, sit pax rebus, vis procul abierit. Sed hunc vitæ suæ sanctitas & existimatio, quâ æuam illud illustrauit magnum, & posteritati memorabilem fecerunt. Illud verò præclarum & sacro ordine dignum Episcoporum Poloniæ factum. Casimirus, cui cognomen Magni, non tam Regiæ virtutes, quàm procera corporis statura pepererat, otiosis libidinibus magis quam bello aptus, turpi transactione coactis Vladislauia Comitij Anno 1343. totius Pomeraniæ possessione Cruciferis cesserat, eque sigillo Regni titulum quoque eius Prouinciæ eraserat, oblitus patrem suum Vladislaum Loeticum testamento cauissè, filijque & Procerum Regni fidem iuramento obstrinxissè, ne vnquam patrimonio suo terrâ Pomeraniæ cederent, ablataque & auullas per fraudem à Cruciferis Regni Pro-

Prouincias, armis vt vindicarent. Sed tum Vladislauia, & post Calitia, vbi diplomata confecta sunt, nemo Regi oblitere ausus, non Senatores, non Duces Masouia, soli Episcopi dedecus tantum abominati, Regi nequidquam frementi obnunciarunt: datoque publicè scripto & dissensu suo manifesto, totum turpis transactionis negotium infectum reddiderunt. Quæ res tunc fortassis parui momenti videbatur esse, sed deinceps maioribus nostris ad recuperandam eam Prouinciam armis & iure adspirantibus, magno adiumento fuit ea Episcoporum renitentia, & contestatus dissensus, ad ostendendam & comprobendam causæ & iuris quo respublica nitebatur, æquitatem. Extat nunc quoque in Archiuji Cracouienfis scrinio hæc ipsa contestatio, à solis tantum subscripta & signata Episcopis, nam ceteros Senatores metu Regiæ offensæ, ne hiscere quidem ausos fuisse, credibile est. Et hæc occasione per vim ereptæ Ecclesiasticæ iurisdictionis hæc à me dicta sunt, quæ alio loco commodiùs dici poterant.

94

*Diuino iure
videtur tene-
ri Episcopus
ad residentiam,
vt patet ex
multis S.
Scriptura
locis.
Prou. 6. 27.*

Quæri quoque solet, humanonè tantum, an Diuino iure Episcopus semper in Diocesi suà esse, & per se munus Pastoralè obire teneatur, & hanc posteriorem tutiorem esse sententiam, communis Theologorum opinio meritò existimat. Sic olim Deus in veteri Testamento Aaroni eiusque filiis præcepit: Excubate in custodia Sanctuarij, & in ministerio altaris ne oriatur indignatio super filios Israel. Et alibi scriptum legimus: Agnosce vultum pecoris tui, & greges tuos considera. Hinc illa Dei apud Ezechielem expositulatio: Errauerunt greges mei in cunctis montibus, & in vniuerso colle excelsò; & super omnem faciem terræ dispersi sunt, & non erat qui requireret. Illud verò ipsum terribile quod Dominus per Zachariam minatur negligentibus Pastoribus, deserentibusque gregem suum. Sume tibi, inquit, vasa Pastoris stulti, quia ecce ego suscitabo Pastorem in terrà, qui derelicta non visitabit, dispersum non quæret, & contritum non sanabit, & id quod stat non enutriet, & carnes pinguium comedet, & ungulas eorum dissoluèt. O Pastor & idolum! derelinquens gregem, gladius super brachium eius, & super oculum dextrum eius. Quid enim aliud est Episcopus tiarà & baculo ornatus, si non fungitur suo munere, nisi idolum quoddam, cui sine vlla causà, nisi quòd extrinsecè niteat, honor exhibetur? Denique Pastoris nomine non dignatur eum Dominus, qui lupo viso fugit, tantò minùs eum, qui nullo metu, nullaque de causà gregis sui custodiam deserit; nam & hic merus est mercenarius, cum pastoris sit officium, proprias oues vocare nomine suo, educere eas ad pascua, illisque ducatum præbere. Causam autem cur tam accurata diligentia opus sit, explicat S. Paulus Apostolus: Attendite, inquit, vobis & vniuersò gregi, in quo vos Spiritus sanctus posuit Episcopos, regere Ecclesiam Dei, quam acquisiuit sanguine suo. Grande Christi gregis pretium est sanguis ex eius fusus corpore, ex eo si quid Pastoris socordia perierit, meritò Dominus ipsius quoque

Ezech. c. 34.

Act. 20.

95 sanguinem in vltionem tanti detrimenti reposcet. Nec tamen ego adeò
Episcopi non strictam rationem residentiae ab Episcopis nostris exegerim, vt si interdū
residentes non Reipublicae causā à Dioecesi abfuerint, illos continuò damnandos cen-
omnino seam. Comitia Regni obeunda illis sunt, sēpē ad Aulam veniendum, in-
damnandi in terdum grauis aliqua legatio nomine Regis & Reipub. obeunda; sed hāc
Polonia. omnia cū Ecclesiae ipsiusmet causa fiant, nec alio fine ab Episco-
Residere pa- pis suscipiantur; perinde est atque praesentes essent in suis Ecclesijs.
rum est nisi Sed neque ij qui resident, eo ipso existiment suo muneri à se satis fieri. Re-
munus Epi- sidentia enim vsum & exercitium ministerij in se comprehēdit, nec enim
scopi vna ex- ad nudum nomen demonstrandum Episcopi dicuntur, sed ad actiones
erceatur. illorum muneri incumbentes strenuē obeundas: vnde Seruator noster,
 non dixit Petro, sis Pontifex; sed pascue oues meas: & qui vocatur ad Epi-
 scopatum, non ad Principatum vocatur, sed ad seruitutem totius Eccle-
 siae; & propter officium datur beneficium. Ita quoque Cap. Quia non-
 nulli, de Clerico non residente. Alexander III. in Concilio Lateranensi
 decreuit: His tantū dandum esse beneficium, qui residere in loco, &
 curam animarum per seipsos exercere possint. Recteque concluditur ad
 residentiam duo copulatiuē requiri, alterum vt is qui beneficium habet,
 in eo resideat; alterum vt Ecclesiae in suo ordine inseruiat. Ad eiusmodi
 residētiā Episcopos obligari, satis luculentis sacrae Scripturae testimonijs
 docuimus, id & ratio ipsa suadet. Est enim Episcopus sponsus Ecclesiae, is
 autem diuinā humanaque lege pactis matrimonialibus tenetur cohabi-
 tare coniugi suae, vt eam totamque familiam suam gubernare possit, ne
 ex diuturna absentia eueniat, vt illa fidem frangat, ad instar illius mu-
 lieris, quam Salomon refert, iuuenem inescatum blandimentis meretri-
 cijs, ad suos illexisse complexus, hoc adiecto suae nequitiae praetextu: Non
 est vir in domo sua, abiit via longissimā, sacculum pecuniae secum tulit, in
 die plenae lunae reuersurus est. Ita vicissim euenit, vt per absentiam Epi-
 scopi, plura spiritualia admittantur adulteria, quae praesente Pastore eui-
 tari potuissent. Est item Episcopus Ecclesiae nauis gubernator, quae
 cū semper procellosis iactetur fluctibus, ne puncto temporis à regi-
 mine illius abesse licebit. Sic olim Noë arcam ingressus, semper in ea
 mansit, & quamuis cessasse diluuium, aquas siccatas esse, euidentibus
 experimentis didicisset, non antè egredi voluit, quā Dei voce vt egre-
 deretur monitus esset. Est Episcopus Dux exercitus spiritualis, semper
 in acie existentis, hunc instruere, hunc ordinare debet, idem belli
 signum dare, primusque in acie stare, & hostilem impetum sustinere
 tenetur. Alioquin vbi non est gubernator, ait Salomon, populus cor-
 ruct. Horrendum est exemplum, quod Scriptura refert. Moyses à Deo
 euocatus, vt legem acciperet, & per aliquot dies isthic moratus, satis
 prouidisse videbatur populo Dei, ne per suam absentiam aliquid pa-
 teretur; namque suas partes demandauerat duobus, quibus maximè
 fidebat, & quorum exploratam habebat industriam, Aaroni fratri suo
 &

& Hur. Sed populus pertæsus, ob diuturnam absentiam sui Ducis, noua consilia agitare cœpit. Petierunt, inquit, ab Aaron, vt faceret ipsis Deos, Exod. 32. qui eos præcederent. Resistere poterat sacrilegæ cupiditati, sed veritus ne vitæ subiret periculum, petijt ab eis in aures, quas cum accepisset, fecit ex eis vitulum conflatilem, quem omnes adorauerunt. Tam breuis igitur, tam iusta absentia Pastoris, tanti lapsus occasionem gregi præbuit. Et quis est, qui meliora sibi polliceatur, si Episcopatum deseruerit? Sed quia interdum abesse oportebit, illud saltem seruetur, vt 97 nisi ex ijs causis, quas Concilium Tridentinum expressit, à Diœcesi nostrâ abeamus. Abire autem licebit, si Christiana charitas, vrgens necessitas, debita obedientia, euident Ecclesiæ & Reipubl. vtilitas impulerit: idque sciente & consentiente summo Pontifice, eâ adhibitâ cautela, ne quid per absentiam Pastoris, oues detrimenti accipiant; & si non meliores, at saltem feliciores, quàm olim Moysis fuerunt, curæ pastoralis Vicarij relinquantur. Cæterum huius functionis, quæ in præsentia Episcopi consistit, munia potissimum consistere videntur in sanctissimis sacrificijs quotidie offerendis, in prædicatione verbi Dei, ac in frequenti à sacris Canonibus præscriptâ totius Diœcesis visitatione. 98 Omnis Pontifex, inquit Apostolus, ad offerendum munera & hostias constituitur. Et alibi: Omnis Pontifex ex hominibus assumptus, pro hominibus constituitur; vt offerat dona & sacrificia pro peccatis. Missam igitur qua intimè Deo coniungimur, quotidie Episcopus legitimè non impeditus celebret, luminis illustrationem non sibi tantum deposcens, sed etiam pro grege sibi subiecto, preces fundens pio gemitu, & religiosâ supplicatione Deum exorans, vt ablatis peccatorum nubibus, rorem suæ Diuinæ gratiæ & misericordiæ in agrum Ecclesiæ suæ effundat. Et ob eam causam domi capellam magnificè extructam habeat, vbi quotidie Missam vel celebret, vel audiat. Idem autem solennioribus diebus publicè in Ecclesiâ faciat. Concionandi munus adeò olim Episcopis familiare fuit, vt solis id competere videretur. E nostris Episcopis duo, quod sciam, supersunt, qui non erubescunt Euangelium: Carnouius meus, & Ioannes Demetrius Solikowski, ambo & Archiepiscopi, ambo pij, eruditi, & cæteris ad imitationem propositi. Sequor ego, & sequi adnitur quantum Dominus facultatis indulerit, cum natura denegasse videatur illam Diuinam Eloquentiæ vim, nec hætenus accesserit exercitatio, quam vobis diligentissimè commendo.

De visitandâ Diœcesi commissoque curæ Episcopali grege vniuerso 100 lustrando, exactas accuratasque regulas sacri Canones nobis proposuerunt, atque adeò eius functionis curam & executionem Episcopis demandarunt, vt si omnes Pastoralis muneris rationes expendere voluerimus, potissimum visitandæ totius Diœcesis functionem, & à sacris Canonibus iussam esse, & ad officium Episcopi pertinere repერიemus; adeò vt ipsamet residentia nullius frugis censeatur, nisi omnis

97
Quibus ex
causis possint
à sua Ecclesia
abesse.
Scilicet de
Reform.
cap. 1. &
scilicet 23. c. 1.

98
Residentis E-
piscopi qua
munia.

Hebr. 8. v. 3.

Hebr. 5. v. 1.

Sacris quoti-
die operari,
vel interesse.

99
Concionari.

100
Visitare
Diœcesim.

101
Visitationis
Etymon.

Sess. 14. c. 3.

102
Biennio quo-
vis visitanda
Ecclesia, sed
non in Polo-
niâ ob am-
plissimas
Dioeceses.

103
Strenus sua-
rum Ecclesia-
rum visita-
tores in Po-
loniâ.

nostra occupatio visitationi præcipuè deferuiat: ac cætera quidem alie-
ni ministerij auxilio nonnunquam licebit exequi, vicariaque deman-
data functione partem oneris in idoneos transferre sacri operis co-
operatores: at lustrare Dioecesim, singularum Ecclesiarum explo-
rare statum, inquirere in vitam moreisque quatumcunque persona-
rum, vitia extirpare, plantare virtutes, nosse faciem ouium suarum,
adeò proprium munus Episcopi est, vt per alium vix ac ne vix quidem
rectè & tutò expediri possit. Cuius quidem visitationis ex sacris literis
duplicem significationem colligimus, nam & vindictam quandam, pœ-
næque commeritæ exactionem denotat, vt illud Exodi 20. Visitans ini-
quitates Patrum in filios vsque in tertiam & quartam generationem: &
pacis salutisque allatæ indicium est. sic Psalmo 58. Intende ad visitan-
das omnes gentes: & Psalmo 105. Visita nos in salutari tuo: & in Can-
tico Zachariæ: Visitauit nos Oriens ex alto. Vtrumque visitantis munus,
qui & salutes medicinalesque animi morbis infligit pœnas, & aduentu
suo lætificat corda subditorum, quos fideles, & muneri suo intentos re-
perit, complectitur, vt visitatio non ineptè definiri possit; Inquisitio Vi-
sitatoris circa regimen locorum, & vitam personarum quæ visitantur,
ad sanam doctrinam, pulsas hæresibus, inducendam, bonos mores
tuendos, malos corrigendos. Sacrum Concilium Tridentinum vo-
luit, vt singulis quibusque biennijs Episcopi suas visitarent Dioece-
ses. Id quidem ijs locis in quibus arctiores sunt Dioecesium termini, com-
modè fieri potest; nostræ in Poloniâ iurisdictiones ita latè patent, vt to-
to biennio vix si singulas Ecclesias adire, nedum exactè visitare volue-
ris, circumiri possint: his alias adde functiones Senatorias, amico-
rum officia, itinerum difficultates, valetudinis discrimina, aliaque im-
pedimenta. Et hinc vel maximè apparet quantum onus, & quàm peri-
culosam functionem Episcopi in Poloniâ, & fortassis in Germaniâ, su-
stineant, quibus adeò non est expedita ratio muneris sui, quique etiam si
summo conatu nitantur, id tamen ad quod se obligatos & obstrictos es-
se norunt, exequi non possunt; quæ res plerosque deterruit, vt ne au-
derent quidem munus visitationis per se aggredi. At Hieronymus Roz-
drazeuius, Vladislauiensis, nequaquam suæ Dioecesis amplitudine
deterreri potuit, quin id munus in persona suâ feliciter & cum laude
exequeretur. Ad eius exemplum præclarè se conformat Albertus Ba-
ranouius, Episcopus Plocensis, cuius tamen rigidiores animaduersiones
& exacta quædam censura morum, non omnibus probatur, nem-
pè in aulâ Regiâ educatus, & qui numquam antea vidit alios hoc mu-
nus obeuntes, suis nititur experimentis. Sed cæteris omnibus palmam
huius laudis præripuit Georgius Cardinalis Radiuilus, Episcopus Cra-
couiensis; non ille Ducum, è quibus genus duxit, fumosis tume-
bat imaginibus; sed veluti quoddam eximie humanitatis speculum sui sem-
per similis, & cunctis amabilis vixit, nullâ vnquam labe notatus,
singul-

singularis vitæ ad numeros optimi Episcopi compositæ, laude sanctitatis conspicuus. Tenerioris erat & educationis, & valetudinis, sed ista corporis imbecillitas, animo eius zelo Diuini amoris & salutis humanæ flagranti impedimento non fuit; quin grauissimos quosque labores in perlustrandâ & recensenda vniuersa Cracouiensi Diœcesi susciperet, idque adeò secundo euentu, vt nouam quandam lucem, sparsis per omnia loca latè patentis Diœcesis singularibus sanctitatis vestigijs, intulisse videatur. Monasteria hominum vtriusque sexus, quæ olim fædo vitiorum cæno fætebant repurgata, & pristino nitore ad normam suorum institutorum restituta; Clerum officij sui pænè oblitum, formatum melioribus præceptis, & iam accuratiùs muneri suo incumbentem cernimus: tantum præstitit vnius Episcopi diligens & exacta sollicitudo; quem vtinam cæteri imitari vellent! ego sanè in hoc ipso primo meo ad Episcopatum ingressu, hoc cogito, hoc molior, vt primo quoque tempore visitationis munus aggrediar, neque antè finem huic labori imponam, quàm totâ lustrata Diœcesi, & oues meæ me cognoscant, & ego vicissim explorato illarum statu, de nomine & facie eas agnoscam: iamque & tempus & itinera ita partior, vt si non omnia Diœcesis loca primo anno adeam, sequenti deinceps anno cœptum hoc munus visitationis expediam. In eâ functione obeundâ illud ante omnia curæ esse debet Episcopo, vt se, familiamque suam, & totum comitatum ita exhibeat, ita conformet, ne quid scandali aut offensionis ex illo illiusque comitatu in quenquam deriuetur: tum vel potissimum omnibus virtutibus elucere studeat, vt quacunque iter fecerit, quæ loca adierit, vbique impressa relinquat sanctitatis vestigia: omnes modestiam, sobrietatem, temperantiam, humanitatemque suscipiant, & admirentur; in vestitu decorum seruet, nec tam in eo exquisitam elegantiam, quàm statui suo conuenientem dignitatem confectetur: à comestationibus & exquisitoribus ferculis omninò abstineat; quotiescunque hospitium vel ædes alicuius nobilioris viri (neque enim putarem ab hoc etiam visitationis genere abhorrendum esse) ingressus fuerit, meminerit se eo fine ingressum esse, vt sale purificante vlcera & vulnera fætentia exsiccet, lumineque sanctæ conuersationis infernalium tenebrarum caliginem discutiat; sermo eius sit verecundus ac purus, & non nisi de rebus diuinis: interrogationes nec curiosæ, nec temerariæ: responsiones deliberatæ, & maturi iudicij testes; omnis denique eius occupatio in susceptâ functione versetur. Sed ne videar me vos velle meis informare verbis, adijciam grauissimum Concilij Tridentini decretum. Quapropter exemplo Patrum nostrorum in Concilio Carthaginensi, non solum iubet (sancta Synodus) vt Episcopi modestâ suppellectili & mensâ ac frugali victu cõtenti sint, verum etiam in reliquo vitæ genere, ac tota eius domo caueant, ne quid appareat, quod à sancto hoc instituto sit alienû, quodque non simplicitatē, Dei zelum, ac vanitatû contemptû præferat. Omnino

104

Quid præ oculis habendum in visitationibus.

Sess. 25. c. 1.

105

Episcopis qualis vita ratio habenda præcipiè dum visitans.

verò eis interdicat, ne ex redditibus Ecclesiæ cōsanguineos familiaresque suos augere studeant, cū & Apostolorum Canones prohibeant, ne res Ecclesiasticas, quæ Dei sunt, consanguineis Episcopi donent; sed si pauperes sint, ijs vt pauperibus distribuant, eas autem non distrahant, nec dissipent illorum causâ. Imò quàm maximè potest eos sancta Synodus monet, vt omnem humanum hunc erga fratres, nepotes, propinquosque carnis affectum, vnde multorum malorum in Ecclesiâ seminarum extat, penitus deponant. Hactenùs decretum Concilij. Et licet hâc sanctione non tam visitationis modus, quàm vita Episcopi describatur, idem tamen vel potissimùm eo tempore, dum per suam Diocesi suæ sanctitatis, quâ fulgere semper debet, salutaria circumfert ac spargit monita, talem se exhibere debet, qualem sacra Scriptura, & Canones Ecclesiastici eum esse volunt. Ac meritò quidem id vel maximè præcipitur, ne Episcopi suos consanguineos collectis ex bonis Ecclesiæ opibus contenti: vetitum id semper fuit, & postea continuis ferè experimentis docemur, improsperas, nec diuturnas esse eiusmodi opes, quæ ex fructibus, vsibus pauperum dicatis, subtractæ, ad euehendas & illustrandas Episcoporum familias conferuntur. Albertum, qui postea Iastrzembecius dici voluit, tenui humilique domo natum esse constat, cum, cū pater pedes peditem Bessouam, in quâ templum parochiale erat, ad scholas deduceret, sumptu mendicato alendum, hortatus est, vt si quando ditior factus esset, parentis fratrumque suorum (sex ij erant) paupertatis & extremæ egestatis ne obliuisceretur. Ille quidem aliquantisper literas doctus, cū earum subsidio ex puluere mendicitatis paternæ emerisset, adeò monitorum patris fuit memor, vt nihil pensi haberet, dummodò opes accumularet quàm maximas, ijsque indignos augeret haeredes. Itaque ambitione & fæmineo suffragio adiutus, cū Episcopatus Posnaniensis amplissimæ opes cupiditatem eius parum explerent, finistris delationibus effecit, vt Rex Vladislaus, Petrum Vissum Episcopatu Cracouien. deiectum, Posnaniam detruderet, & Iastrzembecium Cracouiam transferret. Pœnituit quidem huius rei postea Regem, adeò vt cū Posnaniæ esset, seuocato in quoddam secretius delubrum Petro Episcopo, in genua procumbens, supplex ab eo facti veniam peteret. Sed Iastrzembecius fraude parto Episcopatu potitus, litem quoque eo nomine sibi factam elusit, magnisque coaceruatis thesauris, ingenti suo dolore à prodigis fratrum suorum filijs & nepotibus eos abliguriri vidit. Eorum vnus Derflaus Rituanius Martini Lencicien. Palatini filius, ingentem thesaurum ab Archiepiscopo magno Patruo suo clām paucis conscijs (inter quos ipse quoque fuit) defossam, viuente adhuc Archiepiscopo effoderat, ex eoque Varfauia, dum insano Euphemie Boleslai Ducis Masoniæ filia amore ardet, & ad fenestras eius frustra suspirat, quadraginta argenti marcarum millia nepotando decoxit: quam rem ita Iastrzembecium iam tum Archiepiscopum Gnesnensem ægrè tulisse ferunt,

106
De non di-
tandis ab E-
piscopo con-
sanguineis
occasione ci-
tatis Triden-
tini decreti
digressio.

107
Pessimo euen-
tu ditauit
suos:
Albertus
Iastrzembe-
cius.

runt, ut mox animi angore conficeretur. Reliqui quoque nepotes ipsius, quos ille ad summos dignitatū gradus euexerat, parem exitum habuerūt, ac tota numerosa stirpis extincta prole, tantā solitudine ambitiosi Episcopi decus & opes partæ, in alienam, eamque magna ex parte Ecclesiæ inimicam familiam, translatae sunt. De Ioanne Gruscinio gentili meo, 108
 quid dicam? eius maximè ambitione factum est, ut iura Ecclesiæ Re- Ioannes
 giæ potentiae, summo Regis Casimiri III. & Regni cum dedecore, im- Gruscinus.
 piam vim experirentur. Is cum ex Episcopatu Vladislauensi, deiecto Iacobo Sienienio, Cracouiensem inualisset, postremò Archiepiscopus Gnesnens. renunciatus, amplissimas fratribus coëmerat possessiones, de quibus cum ij, viuente adhuc Archiepiscopo, armis contenderent, eò postremo res deuenit, ut alter eorum Archiepiscopum in arce Opatouencens. obsidione cinctum, intentato mortis metu, ad iniquissimas conditiones adigeret. Sed audiamus Cromerum illius supremum vitæ exitum describentem. Obijt, inquit ille, Ioannes Gruscinus Archiepiscopus Gnesnens. cum Cracouiam à Rege euocatus venisset, repentinà correptus amentia, ita ut neque Sacramentorum in extremo vitæ articulo more Christiano particeps fieret, consentaneum exactæ vitæ exitum consecutus. Fuit enim in omne genus libidinum & audaciæ proiectus, cuius ambitione Cracouiensis Diocesis grauitè, ut suprà memoratum est, diuexata erat. Auaritiæ verò & immoderati in euehendis & locupletandis fratribus studiij, seu veriùs cupiditatis fructum, qualem oportuit, viuens non decerpit: nam eo demum defuncto, de Cosmino, quod grandi pecunia mercatus erat, inter Bartholomæum Castellatum Sendomiriens. & Nicolaum cognomento Cosmidrum, fratres eius germanos certatum est. Exequias quidem non admodum honorificas habuit, dedignantibus eum hoc honore sacerdotibus, tam Cracouiens. quàm Gnesnens. basilicæ, in quâ sepultus est. Hæc Cromerus. Addo ego prætereà, ne à fratribus quidem, quos inuidiosis opibus auxerat, honore sepulchri dignatum fuisse, & nisi multis post annis Ioannes Lascus Archiepiscopus Gnesnensis hunc honorem, extructo marmoreo tumulo, ei habuisset, ignoto posteris loco delituisset. Hanc videlicet gratiam fratres nepotesque, pane Ecclesiæ pasti, referunt Episcopis & sacerdotibus benefactoribus suis, vita functis, ut nec animæ, nec corporis eorum ullam rationem habere velint. Sed quid vetera reuoluimus, & obsoletam antiquitatem vexamus? in oculis nostris nuper extincta est Gorcana domus, cuius ille omnis, qui tantoperè splendere videbatur, fulgor, ex Ecclesiæ sacris creuit eleēmosynis, sacrilego ausu ad augendas opes familiæ conuersis. Duo erant Episcopi eius cognominis, 109
 Vriel primus Posnaniensis, qui prima iecit domus eius fundamenta, qui ta- Vriel Gorcanus.
 men moriens testamento obstrinxit successores, ne vnquam à fide Catholica desciscerent; si secus fecissent, domui, stirpique suæ exitum imprecatus. At Lucas Gorcanus Palatinus Posnaniensis potissimum aua- Lucas Gorcanus.
ritiæ

ritiæ notatur, quòd relicto statu sæculari, ambitiosè primò Episcopatum Cracouiensem concupiuerit, mox eâ spe deiectus, vt Episcopatus Vladislauiensis sibi deferretur, magnâ contentione, factionibus etiam priuatis extorserit, quem nec ad vtilitatem Ecclesiæ gregisq̃ue sibi commissi salutis curam, sed ad parandas immensas opes, ditandosq̃ue filios, & nepotes suos, iam tum hæreticos, gessit. Sed quo successu? nepotes eius perpetuâ damnati sterilitate, nullâ relicta stirpe è vitâ excesserunt: hæreditas eorum, vt Prophetæ lamentantis verbis vtar, versa est ad alienos, & quasi quodam damnata exitio, nec hos quoque ditauit, sed iterum ad alios translata dominos, certum stabilemque non habet possessionem: hæret videlicet in eâ culpa, vsurpatæ & in profanos vsus versæ rei sacræ, quæ vix in quarto hærede expiari potest. *Dzierzgowius.* 110 Archiepiscopi Gnesnens. ambitiosa tituli Comitatus vsurpatio, patrisq̃ue sui ex humili loco ad Palatinatus dignitatem promotio, simul cum illo ita extincta est, vt vix eius nominis extet memoria. Hic idem exitus Padnieuios vereor ne maneat, fata enim ipsa eos quoque vrgere videntur. Non satis fuit patruo eorum Philippo Padnieuio, quod quidquid ex bonis Ecclesiæ collegit in profanos familiæ vsus, in coëmendas amplissimas possessiones contulisset, etiam à Monasterijs abstracta prædia illis obnoxia fecit. *Philippus Padnieuius.* 111 Nuper Opatouecium cùm transiremus, nobile quondam Abbatis Tinecen. oppidum, quæro ecquis nunc eius loci Dominus sit? Stanislaum Padnieuium Castellatum Osuiecimen. respondent ciues, eius possessione & vsufructu potiri: ob quod, inquam, meritum? nepos Episcopi Cracouiensis fuit: hoc vnum videlicet sufficit, ad amplissima capienda præmia, si nepos sis Episcopi, licet iura vetent, licet directus hæres renuat, licet is qui capit, nec meritis sit, nec mereri possit, habeat tamen præmia benè meritorum: iam si vel grati essent, si tutelam bonis præstarent, ferri vtique possent. Vidistis ædes Abbatiales amplissimas Opatouecij corruisse, nullum superesse prædialium ædificiorum vestigium, ciues denique queri, quod nomine defendente omnium iniurijs pateant. Melius fecisset Padnieuius Episcopus, si illas ruinas templi & Monasterij Tinecensis, quibus ille nobilissimus locus vetustatis vitio, & non satis idoneo structo ab initio ædificio laborat, Abbati resarcire sequestratis in eum vsu fructibus prædij & oppidi Opatouecensis demandasset. Et huius quidem Monasterij ac Templi restaurati laus alterum fortasse è vobis olim manet; sed ille poenam, qua Abbatem ob probri non dubias suspensiones mulctaturus erat, vertit in commodum nepotis: & ita nisi Abbas luxuriosè vixisset, caruisset Opatouecio Padnieuius. Tales erant olim & in hunc finem institutæ ab Episcopis Monasteriorum Abbatialium visitationes, vt semper aliquid decerperent. Auduisse vos arbitror, quod ego narrante Stanislao Skarszewio Canonico Cracouiensi, viro, quem qui ob singularem animi candorem non amat, indignus ipse est qui ametur, didici: Petrum Myscouium Episcopum Cra-

Cracouiensem, Miechouiam olim diuertisse eo animo, ut in Simonem Simon Lu-
govvski Pra-
positus Mie-
chouensis. Lugouium Præpositum Miechouiensem, votis religiosis obstrictum, qui ut perditè luxuriosus audiebat, animaduerneret. Sensit re & nomine Si-
mon, quid Episcopo cordi esset, ingentem cantharum argentum quin-
gentis Taleris onerat, eumque Episcopo offert: actum transactumque
est, & tanti fuit turpitudinis pretium, turpe danti, turpe accipienti. Sed 112
Mysconij quoque opes ad inuidiam usque creuerant, tot coemptæ pos-
sessiones, vel Ducatus potius, tot basilico opere structa palatia (dubito
tamen, an vel unicam ædem sacram pari impensâ, quale in Ksmaznenfi
oppido palatium eum fecisse constat vllibi statuerit) tantum auri argen-
tiq̃ue, tot congesti thesauri cesserunt nepotibus. Maior quidem pars eo-
rum (hem quam improsp̃era rei sacræ possessio!) iam ad alios translata
est dominos. Vnius Sigismundi Mysconij præclaræ virtutes mereri viden-
tur, ut securiori & feliciore euentu patrui hæreditate potiatur, modò po-
steri quoque ipsius, pari vtille voluntate, erga statum Ecclesiasticum,
cuius ope creuerunt, sint affecti, alioquin ne his quidem diuturna futura
est bonorum eiusmodi possessio. Ephraim, dicit Dominus per Prophe- Osæ 12.
tam, pascit ventos. Quid aliud agunt Episcopi, opes suis necessarijs v. l.
congerentes? nisi ventum pascunt, qui præterlabitur, nec vnquam stabi-
lis est, nec satiatur. Quàm præclariùs facerent, si eiusmodi thesauros in
solidis Ecclesiæ petris deponerēt, vel per manus pauperū ad cæleste ara-
rium deferri curarent, ut & ipsis in die & tempore aduerso victus suffice-
ret, & militantis Ecclesiæ splendor augeretur. Ego sanè non vanus vates
prædico & denuntio, nullum vnquam bonorum ex fructibus sacris Ec-
clesiæ vsibus adscriptis, quocunque prætextu coemptorum, hæredem
diu parta possessione gauisurum. Experti sunt id verum esse ij, qui ante
nos vixerunt; deinceps quoque non deerunt exempla, & perperam vsur-
patæ rei Ecclesiasticæ, & frustratæ spei, dum quos dites relinquunt ne-
potes, eos mox nepotando bonis amissis egentes, proxima videbit poste-
ritas.

Ex occasione decreti sancti Concilij Tridentini, à proposito instituti 113
sermonis, longiùs me digressum fateor. Sed ut coeptum sermonem exe- Ad intermis-
sam de visi-
tanda Diœ-
cesi tractatio-
nem regressus.
quar, hîc, inquam, Episcopo, dum officij & muneris sui causâ vniuer-
sam lustrat Diocesim, enitendum est, ut omnes eum intueantur, quasi
Angelum Domini de cælo missum, viros graues, doctos, nulla turpis vi-
tij vel auaritiæ suspitione notatos penes se habeat, Clericorum obsequio
in priuatis cubiculi sui etiam negotijs vtatur, sciatque domum suam spe-
culi instar lucere debere, & esse veluti publicæ disciplinæ Magistrum:
nam quidquid in ea agitur, id reliqui sibi licere existimant. Itaque quod
olim Diuus Bernardus ab Eugenio alumno suo Pontifice Maximo exe-
git, id sibi dictum putent omnes: Domū Episcopi, inquit mellifluus Do-
ctor, decet sanctitudo, decet modestia, decet honestas; horum disciplina
custos, sacerdotes domestici aut cæteris honestiores, aut fabula omnibus
sunt.

Visitantis E-
piscopi fami-
lia quâ morū
probitate &
modestia præ-
flare debeat.
De confid.
lib. 4.

sunt. Multa nescias, plurima dissimules, nonnulla obliuiscaris. Sunt tamen quæ ignorare te nolim, mores quorumque & studia, nec austeritatem suadeo tibi, sed gravitatem. Non oportet ut vitia domus tuæ ultimus scias, quod plurimis scimus contigisse. Si insolentior sermo coram te insonuerit, si indecens habitus apparuerit, manus tua sit super huiusmodi, tu vlciscere iniuriam tuam. Impunitas ausum parit, ausus excessum. In vultu, in habitu, in incessu illorum qui tecum sunt, nihil residere impudicum, vel indecens patiaris. Præclare hæc sanctus Doctor, ut reliqua omnia, quæ Episcopo curæ esse debent; nam sine his visitatio rectè institui non potest; & si alium se familiamque suam Episcopus exhibuerit, vereor, ne loco salutaris pharmaci, pestiferum per suam Diocesin spargat venenum. Fastum ubique vitet, & superbiæ suspicionem; omnibus affabilem, & comem se præstet, nemo eius aditu arceatur, errantes paternè corrigat, in vitia lapsos ita castiget, ut memor sit quod & ipse circumdatus sit infirmitate, lachrymis potius suis, quam acerbioribus verbis dolorem fletumque illorum prouocet, & in spiritu lenitatis Ecclesiasticam exerceat disciplinam. Denique tiara ipsius & baculus maiora præferant insignia dignitatis, quam potestatis: quos corrigit, non infamet; veniam poscentibus, facilem se, moderatâ adhibitâ animaduersione, exhibeat: in iure dicendo æqualem seruet severitatem, nec eam gratiâ vel mutari vel variari patiatur; adiungatur facilitas in audiendo, lenitas in decernendo, in cognoscendo diligentia. Vrsos potius eos dixerim, quam homines, qui ita iracundiâ exardescunt, ut sui obliti esse videantur. Nihil est, inquit Cicero, tam deforme, quam ad summum imperium etiam acerbicatem naturæ adiungere, quod vilis planè animi est, & suos impetus regere frenoque rationis retinere non valentis. Prorumpunt nonnulli ad indecora quæuis, dum vel palàm digitos in obscænos formatos usus, ij quibus irati sunt ostendunt, vel turpes crepitus ore effingunt, vel denique alienæ vocis sonum efformando mimos agunt; ridiculi magis ipsi, quam ut alijs risum moueant: hos torquere haud necesse fuerit, ubi vino & irâ incaluerint, produnt secreta, dicenda tacendaque locuti, homines, Principes ac Deum ipsum conuitijs proscindunt, & simul atque in possessionem sermonis venerint, ipsi sibi sapiunt, ipsi se amant sine rivali, dicta sua quasi è tripode Apollinis profecta à nemine redargui debere censent, & si contradixeris exardescunt; cum verò in contentionem inciderint, terrâ cælo miscent. Tales si quando emergunt, & ijs magistratibus, in quibus summa Reipub. consistit præficiuntur, quid non audent? quid non moriuntur? ab omnibus sanè, sed potissimum ab Episcopis, in quorum mores omnium oculi coniecti sunt, adhibenda est quædam reuerentia, & quid maximè in quauis actione deceat, expendendum. Nam negligere quid de se quisque sentiat, non solum arrogantis est, sed etiam omnino dissoluti: & plerumque tales neminem amicum habent, nullum socium, nullum fidum ministrum, nullum denique qui eos interdum officij moneat:

114

Visitans Episcopi idea.

115

Impotens animus in Episcopo improbat.

116

neat: ijs tamen si quis magno animo acrius obstiterit, ita deponunt vel despondent potius animos, ut icti fuisse canes non facilius coërceantur, & in ordinem redigantur. De Ioanne Carnouio Episcopo Vladislauensi nostri Archiepiscopi patruo pleraque feruntur, quæ iracundum nimis eum fuisse arguunt. Exardescit interdum & Archiepiscopus, sed citra furorem. Tylicius magis, qui vnâ eademque hora & irascitur, & mox sui compos, suam ipse castigat immoderatam excandescentiam. Tuli ego, cum Referendarius iudicij Regijs ei assiderem, ipsius impetum modestè, at non eorum, quibus ille nimium permittebat, insolentiam; neque enim ferenda erat, sed temeritas iuuenilis grauitate senili reprimenda. Scitis quos mea signet oratio. vidi vtrumque cum in Sueciâ essemus, pal- lere periculo, metu concuti, nec eam quam alias præferre videntur, ser- uare animi magnitudinem. Risi timidam leuitatem, risumque meum conuitio infectanti, & insipientis esse in periculo ridere asserenti, alteri eorum respondi; Tu verò, inquam, desipis, qui mihi in re malâ bonam mentem, quæ dimidium mali est, inuides.

117

Sed nescio, quo pacto meus sermo, ab institutâ de visitationis munere, oratione, huc deflexit, nempe non abs re visum, vitijs virtutibusque com- memoratis, hæc vestris inculcare auribus, quæ maximè deceant, aut de- deceant tam sublimem statum. Monita salutaria à Diuo Bernardo Eu- genio tradita, sciant Episcopi sibi esse necessaria; malo illa verbis illius exequi quàm meis. Quid (inquit ille) Episcopo turpius, quàm incumbe- re suppellectili & substantiæ suæ, scrutari omnia, sciscitari de singulis, morderi suspicionibus, moueri ad quæque perdita vel neglecta? Ad vere- cundiam dico quorundam eiusmodi, scrutantium quotidie omnem sub- stantiam suam, numerantium singula, de minutis & quadrantibus exi- gentibus rationem. Non ita ille Ægyptius, qui Iosepho omnibus tradi- tis, ignorabat, quid haberet in domo suâ. Erubescat Christianus Christia- no sua non credens: homo sine fide, fidetamen habuit seruo, super omnia bona sua constituens eum, & hic erat alienigena. Mira res: satis superq; E- piscopi ad manû habent, quibus animas credunt; & cui suas cõmittant fa- cultatulas, non inueniunt. Optimi videlicet æstimatores rerum, qui mag- nam de minimis, paruam aut nullam de maximis curam gerant. Sed ut liquidò datur intelligi, patientius Christi ferimus iacturam quàm nostrâ. Quotidianas expensas quotidiano recipimus scrutinio, & continua Dominici gregis detrimenta nescimus. De pretio escarum & numero pa- num cum ministris quotidiana discussio est: rara admodum cû Presbyteris celebratur collatio de peccatis populorum. Cadit asina & est qui subleuet eâ; perit anima & nemo qui reputet, nec mirû, cum nec nostros quidè assi- duos sentiamus defectus. Nōne ad lingulas istas supputationes irascimur, vrinur, anxiamur? Quā tolerabilius rerû, quàm mentium sustineremus iacturâ? Quare, inquit Apostolus, non magis fraudè patimini? Quæso, tu qui alios doces, doce te ipsum: si tamē iâ nō docuisti pluris te habere, quâ

118

De confid.
lib. 4.Notantur E-
piscopi, magni
ad rem quàm
ad curam pa-
storalis at-
tenti.

1. Cor. 6.

tua.

119
Munus Epi-
scopale gra-
phice depictū.

tua. Transitoria ista, quæ stare tibi nullo pacto queunt; fac, vt à te trans-
eant, non per te. Riuus quâ fluit cauat terram; sic discursus tempora-
lium conscientiam rodit. Si potest torrens in agros excurrere sine læsione
fatorum, & tu, te ista sine vulnere mentis posse tractare, cōfido. Et pau-
lò infra pulcherrimis colorum luminibus, & exactiori manu depingit sub
imagine Eugenij, vniuscuiusq; Episcopi faciem. De cætero, inquit, opor-
tet te esse formam iustitiæ, sanctimonix speculum, pietatis exemplar, as-
sertorem veritatis, fidei defenforem, doctorem gentium, Christianorum
Ducem, amicum sponsi, sponsæ Paranympum, Cleri ordinatorem, Pa-
storem plebium, magistrum insipientium, refugium oppressorum, pau-
perum aduocatum, miserorum spem, tutorem pupillorum, iudicem vi-
duarum, oculum cæcorum, linguam mutorum, baculum senum, vltorẽ
scelerum, malorum metum, bonorum gloriam, virgam potentium, mal-
leum Tyrannorum, Regum patrem, legum moderatorem, canonum
dispensatorem, sal terræ, orbis lumen, sacerdotem altissimi. Hactenùs il-
le. Hanc vultus & præclaræ personæ speciem, si Episcopus per Diocesim
suam circumtulerit, an dubitandum erit, eum vtiliter munus suum ex-
pleturum?

120
Visitans Epi-
scopo in quos
inquirendū.

Non exequar cætera in quos & quomodo eum inquirere oporteat,
cùm res ipsa & materia vtrò illi sit occursura: nec defuerunt, qui metho-
dum visitationis ex intimis sacrorum Canonum penetralibus deprom-
ptam exactè tradiderunt: hoc solùm adiiciendum videtur, vix expedire,
vt Episcopus in eos inquiret, quos Sedes Apostolica peculiaribus rescri-
ptis suæ reseruauit potestati, nisi ij extra orbitam suorum Claustrorum
excesserint, & vel priuatim, vel publicè in leges sacras commiserint, sce-
lusvè aliquod palàm perpetratum non vindicauerint. Denique suffecerit
Episcopo illis contentum esse iurisdictionis finibus, quos sacri Canones
& nouissimè sacrosanctum Concilium Tridentinum posuit. Sciat autem
nihil magis infamare vel ipsum, vel ipsius comitatum quàm sordes aua-

121
Avaritia no-
ta in visita-
tione canōn.

ritiæ, à quibus non modò ob grauissimum, quod inde oritur scandalum,
verùm etiam ob iuris Canonici expressam prohibitionem, puras omninò
debet habere manus. Si alio referente mihi narratum fuisset, vix crede-
rem, quod nudiustertius vnâ vobiscum expertus sum, de illo Parocho
dico, quem de contubernio fœminæ infamatum ad me, vt scitis, acciri
iussi. Venit, interrogatusque, nec crimen diffiteri ausus, scedulam pro-
tulit, manu Notarij Episcopi scriptam & subscriptam, in quâ contineba-
tur, illum antea de impudicâ cum eadem fœmina consuetudine accusa-
tum, ac decem mulctatum marcis, pecuniam officio Episcopi dependis-
se. Parochus interea, vel simplex, vel vafer, eam apocham, quasi vt im-
pudicè palàm cum scorto consuetudinẽ deinceps, permittente Episcopo,
habere sibi liceret, interpretatus, eius præsumptæ indulgẽtiæ concessione,
corâ me, se factumq; suum tueri ausus est. Obstupui, cùm iterũ atque ite-
rũ à me interrogatus, planè impudẽter idem assereret, seq; non inuitũ mu-
liere

liere caritatum fuisse, si pro eâ redemptio accepta non fuisset; nunc post talem transactionem se alterâ poenâ plecti non posse. Quid agerem? poenâ leuiori castigatum, & scelus detestantem, eâ conditione dimisi, ut impudicam mulierem statim eijceret. Scio Gossicium antecessorem meum esse extra omnem culpæ suspicionem, neque ab illo Ecclesiasticæ disciplinæ rigorem addictum pecuniæ; sed Notarij manifesta cupiditas homini simplici præbuisse videtur interitus grandem occasionem. Ita ij solent, qui & sui & Episcopi decoris obliui, venalia omnia habent.

Venio ad postremam propositionis meæ partem, in quâ me dicturum recepi de eâ functione, quæ Episcopis in Polonia, vel primarijs Regni Senatoribus incumbit. Dico Episcopos primarios vel primos potius esse Regni Senatores; nam si rem ad initia reuocemus, principio inductæ & susceptæ in Polonia religionis Christianæ, vix vllum Senatus aut concilij publici vestigium erat; Princeps vnus & solus omnia poterat, eius voluntas, lex non scripta sed iussa, & cui non parere capitale habebatur. Episcopi primi aliunde huc acciti, ex vsu aliorum Regnorum, & ex præscripto sacrorum Canonum, hac conditione se esse non posse ostenderunt. Et Principum nostrorum pietas, non solum omnem a Regiâ iurisdictione exemptam libertatem illis indultit, verum etiam viros illos graues, eruditos, & sanctitate illustres, cum sibi & Reipublicæ utiles fore animaduernerent, eos ut Principes, ut Patres venerati, ex eorum deinceps sententiâ & consilio Rempublicam se gesturos professi sunt; illis ut leges ad formandum Ecclesiasticum Politicumque statum scriberent, illis ut ius summarium dicerent, permisit, ac penè æquatâ potestate, in consortium regiminis eos cooptarunt, concessio insuper decimarum iure, quod ex vetusto Poloniæ Principum instituto, vlitatum Regum vectigal erat. Neque mihi quisquam obiecerit Palatinos Religionem Christianam antiquiores in Polonia fuisse, facile enim cuius linguae Polonicæ non ignarus respondebit, hæc & similia nomina non Consiliariorum, sed belli & Castrensium officiorum fuisse. Extant antiquissima Regum nostrorum rescripta, quibus Episcopos Poloniæ, Principes Regni fratresque suos nuncupant. Boleslaum cognomento Chrobri victoriosum Principem, tantum Episcopis honorem habuisse testantur Historici, ut stante Episcopo, nunquam ipse sedere vellet, nisi idem etiam assedisset: id ab alijs quoque Principibus factitatum & obseruatum fuisse nemo dubitauerit. Sed illa auctoritas, Reges quotiescunque res polcebat, liberiùs monendi, redarguendi, improbis etiam eorum cupiditatibus resistendi, maiori reliquis omnibus potestate & dignitate Episcopos fuisse præditos facile conuincit. Neque mihi diu immorandum est in explicandâ & comprobandâ in Regno Poloniæ prærogatiuâ status Episcopalis; nam & nunc vel inimici nostri fateantur necesse est, & iure primarium nobis locum deberi, & in eius iuris possessione perpetuâ

122

Episcopus in
Poloniâ v-
na etiam Re-
gni Senator.

123

Senatus in
Poloniâ ex
Episcopis.
prior quàm
ex seculari-
bus.

124

Eorum docu-
mentum im-

125

Prærogatiua.

126
Contra Se-
natum Ec-
clesiasticum
ob decimarū
exactionem
factiones.

tua nos fuisse. Non deerant iam olim, qui nos loco mouere vellent, qui iuribus nostris Rempubl. grauari dicerent. Decimarum quidem, etsi eæ, vt dixi, Principibus ante susceptam fidem Christianā solui solitæ fuissent, exactionem primò impugnarūt nonnulli ex Neophytis maioribus nostris; sed inclytus Rex Boleslaus Chrobrius, seuerâ animaduersione gliscentem eam temeritatē mox coërcuit: & haud scio an maiores nostri de eo onere vnquam questi fuerint ad vsque Casimiri Magni tempora: eo regnante, & quassatum internis externisque bellis imperium pacis artibus propagante, & subditi, & Rex ipse Bozantē Episcopo Cracouiensi, decimas ob certas causas soluere detrectarunt. Tractus omnis territoriorum Lublinensis, Lucouiensis & Tzchouensis, Tartaricis, Russicis, & Hungaricis incursionibus fœdatus, vastatus, incultusq; erat: in eum, cū Rex & Nobiles nouos colonos inducerent, ab ijs exigī decimam iniquum putabant, non tamen ad rapinam versi, controuersum negotium Iaroslao Boguriæ Archiepiscopo Gnesnensi, viro sancto, arbitrari sententiâ definiendum permiserunt, & ille ex æquo & bono rem decidit, cui decreto hætenus magnâ ex parte paretur. Id actum est 1369. vitæ Casimiri penultimo anno. Cuius rei à Cromero nostro nullam fieri sub id tempus mentionem miror: sed tam solenne arbitramentum Regis assensu comprobatum in volumine legum habemus. De loci prærogatiuâ, Duces quoque Masouie

127
De loci præ-
rogatiuâ olim
inter Eccle-
siasticum
statum, &
Duces.

Masouia con-
tentio, nunc
etiam vana
inuidorum
de eadem
murmuratio.

primò in Coronatione Vladislai III. deinde in Coronatione item Casimiri III. contra Episcopos niti cœperant, veluti Principibus è sanguine Regum Poloniæ ortis, primus secundū Regem in Senatu locus deberetur; sed in eâ quoque tã graui concertatione, tenuerūt ius suum Episcopi, primæque ante ipsos Masouios Duces illis adiudicatæ sunt partes. Scio hætenus mussitare quosdam, quod ad vtrumque Regium latus assideamus, alterum Senatoribus secularibus deberi contententes: sed id quoque & nouum & insolitum, cū hætenus semper aliter obseruatum fuisset satis constet. In omnibus etiam, ijsque & antiquissimis & recentioribus Regum nostrorum rescriptis, quotiescunque fit mentio Ducum vel Principum, non alios intelligere licet, nisi Episcopos: nam ex antiquissimis Patriæ nostræ institutis, nemo Senator in consilio publico, nemo cum prærogatiuâ ferendi suffragij esse poterat, qui ex Ducum vel Principum esset sanguine. Quare ne Duces quidem Masouie in Senatu locum habebant, ad actus tamen solennes adhibiti, vt suprâ innuimus, Episcoporum prærogatiuæ frustra loci prioris affectatione detrahere conabantur; cumque in omnibus, quæ hætenus extant diplomatibus, qui præsentibus erant adscriberentur, ea & seruata est, & seruatur formula: Præsentibus Reuerendissimis in Christo Patribus Dominis (quo nomine neminem subditum, ac externos etiam non nisi Principes Rex Poloniæ dignatur) Episcopis. Tum mox disiunctiuâ coniunctione adiectâ, Nec non Magnificis: vt manifestè appareat istos inferioris esse ordinis. Neque tamen quisquam existimauerit, nos ita Episcoporum digni-

dignitatem demonstrandam suscepisse, ut alterius ordinis ius impug-
 gnare velimus; constat & his sua dignitas eximijs ornata prerogatiuis,
 nobis satis fuerit declarasse, alio nomine, & prius Episcopos Senato-
 riam in Polonia dignitatem adeptos esse; diuersò, & posterius, hoc idem 128
 munus secularibus communicatum fuisse. Itaque hi quotiescunque libi-
 dine & arbitrio Principum vel leges publicæ in discrimen venirent, vel Quales se in
functione
Reipub. olim
præstabant
Episcopi.
 vis priuatis fieret, vel iura patrimonij Reipub. conuellerentur, ne hîscere
 quidem ausi, Episcopi suâ vñ prerogatiuâ, quotiescunque opus erat, op-
 timi semper & salutare erant Regum monitores, censores etiam acio-
 resque correctores. Neque enim hi, ut seditionem mouerent, ut suam po-
 tentiam augerent, ut populi fauorem sibi conciliarent, ad obsistendum
 Principum & Regum cupiditatibus, prauisq; eorum actionibus studio,
 sed eorundem, quos monebant, Principum, & patriæ amore permoue-
 bantur, neque vel periculo vitæ, vel gratiæ Regiæ amittendæ metu, ab 129
 officio deterreri poterant; nam neque à Regum potestate eorū promotio Vnde tanta
Episcopi in
Senatu dis-
cendi & Re-
ges redar-
guendi liber-
tas:
 dependebat, & quosuis honores vitæ sanctitate citra vllam ambitionem
 se consequi posse sciebant. Itaque quod olim Solon quærenti Pisistrato
 Tyranno; Quâ tandem spe fretus sibi tam audacter obstitet? Sene-
 ctute, respondit. Idem quiuis Episcopus usurpare potest, sibi liberta-
 tem Ordinis sui constare & consuetudinem freto status sui sanctitate.
 Hoc animo D. Stanislaus ad refrænandas Boleslai Audacis libidines Sancto Sta-
nislao,
 accessit, nec calumniæ, quasi interuerso pretio fraude Piotrouiense præ-
 dium occupasset, cessit. Ita animatus Iacobus Znienensis, Archiepiscopus Iacobo Zni-
nensi Archie-
piscopo Gne-
sueni,
 Gnesnensis, castra Vladislai, fratres Posnaniæ oppugnantis, aggressus est,
 eaque ominosâ tentorij Regij ruinâ prostravit. Gedeonis Episcopi Cra-
 couiensis ille ad Miccilaum senem Apologus, ab eadem animi ma- Gedeoni Epi-
scopo Craco-
uiensi,
 gnitudine originem sumpsit. Illa Episcoporum omnium sub Casimi-
 ro Magno in causâ Prusicâ publica obnunciatio & contradictio, hinc
 profecta. Et ne omnibus recensendis immorer, illa constantissima sem-
 per, & nulla gratiæ aut fauoris aura mutabilis Zbignei Oleſnicij, ni- Zbigneo O-
leſnicio Car-
dinali Episco-
po Craco-
uiensi,
 hil quod legibus libertatibusque Regni contrarium esset admittendi, ea-
 que laudata obstinatio. Hic iunior ætate, maiorem, & cuius gratiâ crene-
 rat, Vladislauum Jagellonem sæpè redarguit, iratum etiam, sed postre-
 mò correctum, & ita æquo animo paternas Episcopi admonitiones fe-
 rentem, ut moriens suos liberos illius potissimum tutelæ commiserit. Sed
 acrior illi cum Casimiro Rege concertatio fuit, longè is patre obstina-
 tior, & magis in iram propensus, vitæ etiam Zbignei minas intenta-
 bat; sed ille paratus mori, non odio Principis, sed amore potiùs vrge-
 bat ius Regni. Diuina illa eius in Conuentu Cracouiensi pro Repu-
 blicâ vox, illa sententia, quam Cracouiensis & Sendomiriensis Palati-
 ni, cæteris Senatoribus, ne Regem offenderent, tacentibus, compro-
 bârunt, digna est, quæ omnium Annalium memoriæ ad exemplum ma-
 gni & liberi Senatoris inseratur. Et Sigismundum Augustum (nam Si-
 gismundi

- 130 *Stanislaus Carnouio Archiepiscopo Gnesnensi.* gismundi Primi imperium æquum pacatumque fuit) vel impari & parum honesto cum Barbarâ Radiuila matrimonio implicatum , vel deinceps minùs dignis Christiano Rege actionibus vitam traducentem ; qui priuatim & palàm redarguerent , non defuerunt Episcopi. Carnouius ipse , etsi eius gratiâ creuisset , sæpè acriùs cohortationibus priuatis , Regis illius aures fatigauit ; & fortasse aliquid effecisset , si cæteri quoque Senatores , quibus Regia gratia suo officio potior erat , pari studio in eam curam incubuissent. Expedit ipsis Regibus , tales habere Senatores , qui non assentatorio more , & sententiam dicant , & priuatim Principem instruant. Miserum esse Principem , apud quem vera silentur , dicebat Gordianus Imperator : expertus ipse & in Misitheo cum oburgante , fidem , & in Philippo blanditijs primò sese illi venditanti , perfidiam. Tot equidem sæculis quæ monumentis annalium nostrorum comprehensa sunt , etsi multi è sæculari statu , sui commodi causâ , nonnunquam ad rerum nouarum studia deflexerunt , Episcoporum actiones , & ipsæmet liberiores Regum obiurgationes salutem publicam , & tranquillum iustumque Principum imperium , supremam legem habebant ; nec scio , an ullus , Paulo Episcopo Cracouiensi excepto , moræ seditionis accusari possit. Nam Ioannes Muscata Episcopus Cracouiensis , quasi contra Vladislaum Loëticum Silesijs fauisset , fortè immeritis pœnas luit , quibus & Abbas Tinecensis innocens obnoxius factus , multis prædijs mulctatus est. Multa tam eximie magnitudinis animi specimina recensere possem , nisi hæc ipsa , quæ attuli , sufficere viderentur. Neque sola Respublica Polona consilij principes voluit esse Episcopos ; etiam omnes aliæ gentes olim præcipuam partem Reipublicæ & publicæ salutis , sacerdotali auctoritate niti voluerunt. Apud Ægyptios Rex idemque Sacerdos erat : Romanis exosum Regium nomen , Rex tamen sacrorum constituebatur. Si in optimè constitutis ciuitatibus , notæ virtutis emeriti ciues , sacras functiones obibant , iidem primas in Repub. partes tenebant . Christi Religione coruscante , quantum pij Christiani Imperatores Episcopis detulerint , quis nescit ? postremò labente Imperio Romano , in Germaniâ primi Principes Electores Episcopi , nunc etiam ita tuentur statum , vt nisi illi aliorum Principum ambitioni irent obuiam , totum mutuis discordijs distractum rueret Imperium. Neque Patria nostra , si rectè rationes expenderemus , parum debet statui Ecclesiastico : constat enim & retroactis sæculis , & paulò remotiori tempore , sapiùs salutaribus Episcoporum consilijs fulcitam stabilitamque fuisse Rempublicam , leges optimas ab eis scriptas , libertates prærogativasque Equestris Ordinis studiosè propagatas. Enimuerò non imus inficias , pleraque & meritò nunc in ordine nostro desiderari : pestiferis illis discordijs , quæ nascente Hæresi in Poloniâ radices egerunt , effectum esse non negauerim , vt & nos Ordini Equestri , & eius importunæ ac graues iuribus sacris flagitationes nobis suspectæ sint ;
- 131 *Miseri Principes apud quos vera silentur.*
- 132 *Alijs quoque nationibus vsitatum esse Sacerdotes publico consilio primos adhibere.*
- 133 *Aliqua iam in Ecclesiastico Senatu desiderari ostenditur.*
- ita

ita tot annis veteris amoris, & societatis rupta compage, toties sperata & tentata eorum, de quibus inter nos non conuenit, compositio coire non potest. In multis prætereà non obscurum rerum nouarum studium efficit, vt nobis secus, quàm oporteat, vel deceat, affecti sint. Postulatur à nobis vt Regem, quòd nonnullorum cupiditates largitione sua non expleat, quòd patrimonium Republicæ simul non effundat, beneficiaque sua non vxoribus tantùm eorum, sed natis etiam natorumque natis non communicet, arguamus. Nam quæ iure ab eo postulari possunt, primi essemus, qui id vrgeremus; sed hæc non vi, non seditione extorquenda; agendum cum Principe, dignitate ipsius saluâ; non cogi, sed 134
 rogari volunt magni viri. Ante aliquot annos, quanta contentione actum Cum Princi-
 est de Rege in ordinem redigendo, sinistris opinionibus onerata Prin- pe quâ pru-
 cipis existimatio, acti priuata auctoritate conuentus, concitatus popu- dentiâ agen-
 lus, arma etiam penè intentata, dum illa, quam meministis appara- dum.
 tur inquisitio, cuius nullum alium fructum vidimus, nisi dedecus no- 135
 strum, & auctum populi in Principem odium. Quod his consilijs E- Vana de Se-
 piscopi se immiscere noluerint, accusantur quali Republicæ defuif- natu Eccle-
 sent. Ego verò quoad vixero, puto & reliquos Ordinis nostri idem fastuo quere-
 facturos, nunquam seditiosis factionibus me immiscebo: non is est mo- la.
 dus saluandæ Reipub. nec ea necessitas, vt armatis cohortibus Comi- Turbulentum
 tium impleamus. Video ego à plerisque id agi, vt concitato ad si- quoddam ge-
 gna populo, ingens quædam flamma excitetur; placet quibusdam ar- nus hominū.
 matum consilium, quale olim Hungaris tumultuantibus simul & per-
 euntibus in vsu fuit. Rokos, Hungaricum nomen est; quis autem igno-
 rat gentem illam ad seditionem natam, eâ ipsâ supremum exitium sibi
 accelerauisse? Regna & imperia, quæ diuturna felicitate floruerunt, 136
 dum pacatis vsa sunt consilijs, hætenus steterunt; simul ac obten- Imperia &
 tu libertatum & inrium seditiosi ciues populum concitare, & contra Regni sedi-
 Magistratus armare cœperunt, distractis mutuis viribus, summa rerum tionis perent.
 pessum ijt. Sic Romanum, sic Græcorum amplissima Imperia extincta
 sunt, sic nobilissimi Hungariæ Regni illum splendorem, illam amplitu-
 dinem, in cineribus & semirutis vestigijs concidisse videmus. Sigismun-
 do Primo imperante, subita illa Castrensis ad Leopolim Equestris ordi-
 nis concitatio simul & cœpta & sedata, nescio cur hoc fatale Rokossi Rokoss.
 nomen sortita est, alia forma, alia facies rerum nunc apparatur. Medi-
 tata cogitataque consilia in promptu sunt. Primarius quispiam, qui nunc
 multis nominibus fauorem populi sibi conciliat, & Regis gratiâ, quâ
 nunc affluit, perniciem eidem molitur, auctor tanti, quantum nunquam
 Polonia vidit, tumultus erit. Hic, fato functis ijs, qui eius conatibus
 obstant, specioso prætextu imponet populo, accitisque in societa-
 tem Hæreticis, armatus armatos coget Conuentus nouarum, earum-
 que ex adytis quibusdam proferendarum rerum, spargetur fama, esse
 videlicet *Quiddam* (heu infelix & infaustum hoc *Quiddam*) sibi notum,

quod nisi ab omnibus sciatur, interitura sit Respub. Pelleſti hoc rumore current omnes boni maliſque, non ſecus ac ſi genti recutiſſe Meſſias natus renuntiaretur, multos metus denunciatarum nullo iure pœnarum, vel inuitos eò pertrahet; nam iſ libertatis aſſertor, hoc ipſo quòd armatus leges cæteris præſcribet, clauſtra libertatis primus perfringet. Quid Rex interim? totâ vario prætextu armatâ Poloniâ, ipſe quoque neceſſaria induet arma: in partibus eius ſtabit Senatus, Proceres omnes, & ſlos iuuentutis Polonæ miles, & exercitus, Duces, Arma vtrimque armis opponantur neceſſe eſt; quo euentu, exitus docebit. Hæc interim non ex extis, ſed ex Reipub. noſtræ conſtitutione diuinare licet, tot impenſis grauata & fatigata Rempublicam, vereor ne & ciuili reſperſam ſanguine, Regiâ clementiâ respiraturam: ſed vt corporibus periculoſo perfunctis morbo, non magis ipſe morbus, quàm eius reliquiæ, nocumentum adferre ſolent, ſic miſta illa colluies quæ ſopitis domeſticis motibus ſupererit, erumpet, & nouum Patriæ diuturnum & periculoſum pariet bellum; cuius exitum, militariſque licentiâ fædè oppreſſam Patriam, vobis videre licebit, ego tantorum malorum inſpector eſſe nolim. Sed hæ rerum conuerſiones ſi euenerint, iam nunc animo proſpicio; quantum inde odij publici Ordini noſtro accreſcet. Episcopis errores omnes imputabuntur, ab eis geſtæ Reipublicæ rationes petentur; Senatus quoque proditiſſis publicæ libertatum accuſabitur: hinc leges pernicioſæ, quas vis extorquebit, ſument originem, graues ſtatui Eccleſiaſtico, graues Principi ipſi, & magnâ ex parte ſtatum Reipublicæ mutaturæ. Satis ſuperq; negotij erit Regi & Senatui, vt tantis malis aliquod leuamentum afferant, ne Rempublicam perire ſinant. Sed hæc fortasſe feliciores habebunt exitus, nam & ego iuuenis pares à ſenibus accepi diuinationes, quæ ſi poſteâ magnâ ex parte acciderunt, à ſupremo tamen exitio diuinâ benignitate hætenùs defendimur.

138 Sed Senatoria Episcopii functio in his potiſſimùm rebus conſiſtit. In eâ quæ illi ſorte eueniet Prouincia, non magis nomine, quàm re oſtendat, ſe eſſe in ijs Conuentibus, qui in eius Diœceſi continentur, conſilij Principem & moderatorem: pietate & eruditione (addo & liberalitate quantum facultates permiſerint) præſtanti Episcopo nemo hanc palmâ inuidebit, omnes vt patrem venerabuntur, illique primas deferent partes; factiones nullas alat, diſcordes omni ſtudio ad inuicem conciliare conetur, pari & communi in omnes propendeat amore, actiones eius omnes, animi candore, & ſinceritate niteant, nemo ſubdolum quicquam de illo ſuſpicetur; neque porrò quiſquam ſuſpicabitur, ſi cunctis conſtabit, Episcopo non Principis gratiam, non populi fanorem, non ſuas ſpes, ſperataque incrementa, ſed ſolam eſſe curæ ſalutem publicam. Familiaritates & amicitias magnorum virorum, officijs ſtatum ſuum non decentibus parabit, eaſque fide ſincerâ tuebitur & conſeruabit, nec interdum amicorum cauſa laborem & iter ſuſcipere recuſet, eoſque ſibi de-

mereri

Senatoria Episcopii dignitas, in quo conſiſtat.

mereri studeat. Conuentus particulares suæ Diœcesis obire non inter-
mittat, & vni quidem, vbi commodum fuerit, eorum interlit, in alijs per
amicos necessariosque suos sibi Rempubl. esse curæ declaret. Ad publica
Regni Comitia veniat, in ijs liberè sententiam suam explicet, accommo-
datam maximè ad præsentem Reipublicæ statum. Omnino aureum il-
lud Ciceronis dictum, in animis cùm omnium Senatorum, tùm Episco-
porum præcipuè semper hære velim; Vt enim, inquit ille, gubernatori
cursus secundus, medico salus, Imperatori victoria; sic moderatori Rei-
publicæ, beata ciuium vita propolita est, vt opibus firma, copijs locuples,
gloriâ ampla, virtute honesta sit. Huius enim operis maximi inter homi-
nes, atque optimi, illum esse effectorem volo. Omnino, inquit idem alibi, 139
qui Reipublicæ præfuturi sunt, duo Platonis præcepta teneant; vnum vt
utilitatem ciuium sic tueantur, vt quidquid agunt ad eam referant, obliti
commodorum suorum; alterum vt totum corpus Reipublicæ curent, ne
dum partem aliquam tuentur, reliquas deferant: vt enim tutela, sic pro-
curatio Reipublicæ ad utilitatem eorum, qui commissi sunt, non ad eorū
quibus commissa, gerenda est. Qui autem parti ciuium consulunt, par-
tem negligunt, rem perniciosissimam in Rempublicam inducunt, sedi-
tionem atque discordiam; ex quo euenit, vt alij populares, alij studiosi op-
timi cuiusque videantur, pauci vniuersorum. Hæc ille. Imaginem mihi 140
expressisse videtur status Reipub. nostræ, & præsentium temporum, in tot
factiones diuiso Reipublicæ Polonæ corpore, in quâ videmus plerisque
velle & populo placere & Regi, diuersarum factionum simulatores: hi
& populares inflant lituos, & Principi, quasi omnia possint, ita se vendi-
tant, vt nisi sibi suisque beneficia ab eo extorqueant, suos folles non quie-
turos ostendant. Nunquam hæc arte vtetur Episcopus, nunquam eò se
demittet, vt simulatione omnibus se accommodet, laudanda laudet, in-
probanda improbet, amore non odio. Eum publicam salutem curan-
tem, opinione integritatis, & Principi & populo commendatum, Reipu-
blicæ item non rudem, sed sententiam suam rationibus & exemplis ex
optimo quoque Rerumpublicarum statu & euentu petitis, confirmare
scientem, & ante omnia sinceræ pietatis famâ conspicuum, omnes vene-
rabuntur, seque & sua illi libenter permittent, illi vni fidem habebunt,
eius consilijs priuatim & publicè acquiescent.

Sed ante omnia meminerit Episcopus se idcirco in Senatu principem 141
locum tenere, vt iura Ecclesiæ tueatur. Hæc imprimis exactè illi nota
sint, controuersiasque & lites omnes Ordini nostro ab Equestri motas
perspectas habeat, sæpè illi hoc nomine certamen subeundum erit, sæpè
pro aris sacris contendendum. In conuiujs, in confestibus, hæc potissi-
mum pertractatur materia, quod spirituales coëmptionibus hæreditatū,
magna ex parte nobilitatem & Rempub. subsidio seruitij militaris frau-
dauerint: quod fiduciariorum suos, Scultetos dictos, à quibus olim seruitium
militare præitari fuisse solitum falsò plerique credunt, ab hoc onere sub-
traxerint:

*Optimi Se-
natoris in
Reipublica
functione
partes.*

*Episcoporum
est inprimis
in Ecclesia
tuus.*

*Contra ea
qua passim
Ecclesiasticis
in Poloniâ
obici solent.*

142
Legibus mi-
quis contras-
re.

Pietate pra-
stare.

143
Totius tra-
ctationis Epi-
logus.

144

traxerint : quòd decimarum iura malè vsurpent : quòd iurisdictione & pœnis Ecclesiasticis nimium sauiant : quòd possessionibus Ecclesiasticis maiorem partem Regni occupent. Hæc & alia falsò nobis imputata ab ignaris præsumptâ temeritate obijciuntur. Iam impiæ illæ leges , quas Hæretici , & eorum fautores semicatholici in Conuentibus , in Comitijis summâ contentione perferri vrgent , vt liceat cuius quidvis credere , vt impietas ipsa & blasphemia & blasphemi securitatem lege publicâ cautam habeant. Ad hæc iure & rationibus ex iure & sacris Scripturis , ex institutis Patriæ refellenda semper paratus esse debet Episcopus , neque vnquam illi committendum est , vt Dei & Ecclesiæ causam prodidisse videatur ; etiam si fortunarum & vitæ immineat periculum constanter decertet : certissimâ fretus spe , vel Dei auxilium sibi adfuturum , vel si certè occumbendum erit , honestissimum & sacerdoti optabilem exitum se habiturum. Ea quidem Regis nostri est pietas , vt eo viuentem nihil adeò aduersum timere debeamus ; & deinceps etiam , constet modò Episcopis sua pietas , facilè illi in Regno hoc Catholico sua & Ecclesiæ iura tenebunt.

Neque ego plura de hoc genere ; ad vos nunc conuertor. Audistis ex me dictam penè vno impetu sententiam non diu meditatæ rei ; aliàs vberius & quasi per partes à me informabimini , quid vos agere oporteat , si , quod futurum reor , hac omnium maximâ & sanctissimâ dignitate aucti fueritis. Intere hæc sint mea ad vos paterna & domestica monita : ambo mei alumni estis , vtrique si non profuit , certè non obfuit mea institutio , & hic vitæ cursus , quem me decurrere videtis. Me auctore venistis iam in aliquam & Reipub. & Principis notitiam ; sacris Ordinibus initiati , altari Domini dedicati estis ; dum vixero , vobis ego Dux & Magister ero , ornabo , promouebo. Nec enim dubito vos vieissim adnifuros , vt ei quam de vobis concepì opinioni , & expectationi meæ respondeatis ; me vitâ functo nabitis sine cortice , vobis ipsis enitendum contendendumque erit , & propriæ innitendum virtuti. Non deerunt qui vestris incrementis opponent obicem , cursumque fortunarum vestrarum tardabunt : sic semper virtus non plano itinere , sed per ardua enititur , & vestra fors non tam improspéra , quàm tarda futura est. Sed nec eo fine , vel Ecclesiæ , vel Principi nauanda est opera , vt opes & dignitates accrescant , meritorum hæc sunt additamenta quædam : illa vera solidaque præmia , quæ vitâ functos manent , illud decus , illa gloria , optimo cuique calcar addere debet ad præclaras actiones suscipiendas , ad vitam denique pro Ecclesiâ , pro Patriâ , pro Rege profundendam.

His verbis suum , vt meministi , ad nos biduò habitum sermonē Pstroconius noster conclusit. Mihi quidem tum non veniebat in mentem fore , vt aliquando hæc scripto comprehenderem , neque enim vt tum erāt & res , & spes nostræ , futurum aliquando putabam , vt eiusmodi monita nobis vsui esse possent. Vberius quidem & multò locupletioribus exemplis

plis instructam hanc materiam ille nobis proposuerat, quæ tot iam elapsis annis memoriâ meâ exciderunt; in tuo fortassis penu commodius reſer-
uata pleraque, quæ à Piſtroconio dicta ſunt ſuggeres, & his noſtris accom-
modabis. Erit nonnemo, qui Piſtroconium futura aſſeruiſſe mirabitur; 145
ſed homini in Repub. verſato, & ſtatu illius gnaro, non admodum diffi-
ciliſſe poterat diuination & vaticinatio, ex coniecturis certis & mani-
feſtis. Suum equidem fortunæ ac vitæ etiam decurſum talem, qualis eue-
nit, euenturum ſæpè nobis innuit, & ſupremo grauatus morbo, etiamſi
nec vis mali tantoperè vrgeret, & medici meliora ſponderent, ipſe ſui exi-
tus certus, nullum alium admittit ſermonem, niſi de morte, de ſupremis
ſuis. Nos qui aderamus, mirati migrantis è vitâ conſtantiam, lætum hila-
remque ipſius ſemper vultum contemplantur, illudque nobis Diui Hi-
larij dictum veniebat in mentem; eos potiſſimum mortis metu concuti,
qui, vt Sanctus hic ait, contuentes longam Dei patientiam, quæ in profe-
ctum ſalutis humanæ extenditur, aduerſus conſeruos inſoleſcunt, & ſæ-
culi malis vitijſque ſe tradunt, præſentium tantum curam in cultu
ventris exercentes. Sed cum minimè putabunt Dominus adueniet, eoſque;
à bonis quæ ſpoſponderat diuidet, portionemque eorum cum hypocritis
in pœnæ æternitate conſtituet, quia aduentum deſperauerint, quia man-
datis non obtemperauerint, quia præſentibus ſtuduerint, quia vita gen-
tium vixerint, quia deſperatione iudicij commiſſam ſibi familiam, fame,
ſiti, cæde vexauerint. Non ita moritur iuſtus, qui, vt Sanctus Gregorius Hom. 13. in
ait, de ſua ſpe & operatione ſecurus, pulſanti Domino conſeſtim aperit, Euang.
quia lætus iudicem ſuſtinet, & cum tempus propinquæ mortis aduene-
rit, de gloriâ retributionis hilareſcit. Talis erat exitus Piſtroconij noſtri, vt
non morte triſtiſque illo dolore, qui ex diſſociatione animæ à corpore na-
turaliter oriri ſolet, affici, ſed rectâ ex hac lachrymarum valle in cælum,
æternum iſthic victurus, migrare videretur. Aberas tu, Reipublicæ cauſâ
cum Senatoribus, quibus ſimul cum Piſtroconio, auctoritate Comitio-
rum Regni, negotium Pruſſicum demandatum erat, in Pruſſiam profe-
ctus: ſæpè ille de te locutus, te ſæpè requiſiuit, te ſibi deeſſe doluit: hoc
vnum nouiſſimâ in luce deſiderauere oculi eius; paucioribus quàm opor-
tuit lachrymis compoſitus eſt; ego adſtiti morienti, ſupremumque eius
excepi halitum. Piſtroconium quidem cum vitæ flore, tum opportunitate
mortis diuino cõſilio & ortum & extinctum eſſe arbitror; licet enim am-
pliſſimis perfunctus honoribus, Vice-cancellarij & Cancellarij Regni ge-
ſto munere, in ipſo aditu ſummæ dignitatis, florente ſtatu Reipubl. ad 146
quam ciuili motu perturbatam, pacandam, plurimum conſilij & aucto-
ritatis ille attulerat, in ipſâ ſpe ſuſcepti contra Moſchos belli deceſſiſſet,
neque quod maximè optabat, Sigismundum Regem omnium ſui tem-
poris Regum Maximum, partâ de Moſchis victoriâ, receptâ in pote-
ſtatem gentis Vrbe Metropoli Moſchouîâ, capto Smolensco, propaga-
tis ſinibus Regni, ad extremum Oſmani Turcarum Imperatoris Europæ
atque

*Quomodo
futura præ-
dixiſſe intel-
legendus
Piſtroconius.*

*Mors eius,
quam etiam
præſcuerat,
valde pia.*

*Comment.
in Matth.
cap. 20.*

*Hom. 13. in
Euang.*

*Opportuna
Piſtroconij ex
hac vitâ mi-
gratio.*

147
Operis dedi-
catio.

atque Asiæ opibus & copijs Regnum Poloniæ inuadentis feliciter co-
ercito impetu, gloriâ fulgentem & victorem, eiusdemque decoris so-
cium & participem Vladilaum Principem Regium Regiæque indolis
filium, domitorem Moschouiæ, terrorem barbarorum, Patriæ nostræ
spem alteram conspicerere potuisset: idem tamen festinatae mortis gran-
de habet solatium, quod tot, quæ aliquantò post secuta sunt mala non
viderit. Non vidit Pstroconius tres exercitus conuersis signis ex hosti-
co, fines Regni transgressos, ab eisque laceratam Patriam, & per sum-
mum nefas, per ciues à ciuibus exactum tributum, bona Ecclesiæ ælti-
mata, & inaudito grauata censu, non ardentem inuidia Senatum, non
omnibus opibus coniuratione militari spoliata Rempublicam, & ra-
pacissimi agminis circumlata sæpius per vniuersum Regnum infesta sig-
na. Non vidit Ducibus & præcipuis quibusque è primâ Regni Nobilita-
te in Valachiâ cæsis, aut captis, amisso exercitu extremâ spe pendentem
publicam salutem; non denique sacrum Optimi Regis caput à motæ
mentis sicario parricidiali petitem ictu. Sed Pstroconij ortum, vitam &
exitum nos peculiari complexi sumus opere. Hunc de functione Episco-
pali habitum ab illo sermonem Tibi vni, optime frater, dicamus, Tu
leges, expendesque, & cum Tuis actionibus conferes. Liberè ego illius
dicta executus sum, nam & illi, quos hæc offendere possent, iam pridem
vitâ functi sunt, & si quis eorum, qui superstites sunt, se notari falsò
suspicatus fuerit, is non in se iactum rodet lapidem. Et Pstroconius, quem
& ego, vt nosti, in opere secutus sum, in commemorandis virtutibus
vniuscuiusque non siluit nomen: vbi virij alicuius mentio facienda erat,
hoc sine auctoris honoris detrimento carpebat: ita & sua laus constitit
probis, & qui secus merentur, innoxia censura, sui admonentur officij.

VITÆ ET SERIES

EPISCOPORVM PLOCENSIVM.

Cum vitâ Auctoris conscriptâ ab Andreâ Trzebicki Scholastico Plocensi, qui sequentem dedicationem priori editioni præfixerat.

Serenissimo Poloniæ Sueciæque Principi, & Reuerendissimo

Domino D. CAROLO FERDINANDO,

Dei Gratiâ Episcopo Plocensi, & Vratislauensi,

Andreas Trzebicki Scholasticus Plocensis, Regius Secretarius, Felicitatem.



INEST omnino, Princeps Serenissime, cunctis humanis rebus, velut orbis quidam, ut quemadmodum temporum vices, ita morum actionumque mortalium vertantur: sæculisque & personis intereuntibus, causæ & euentus ijdem recurrant. Luculentum eius rei documentum, Vitas Plocensium Antistitum Tibi affero. Has olim in lucem & oculos hominum Ioannes Longinus protulerat: sed iterum obliuionis nox tenebris offudit, pressitque amplius, quam vnius & dimidij sæculi spatium, donec Stanislaus Lubienius Plocensi Ecclesiæ Præsidentem fata darent: quo auctore rursus in lucem quasi postluminio fati renocantur, tanquam rerum humanarum orbe se circumagente, iterum fors ut in publicum prodeant, rediret. Caterum uti magnam illius temporis imaginem in his annis video, cum ad Plocensis Ecclesiæ utrobique regimen, & ambos scriptores reflecto oculos: ita longè fato functorum Præsulum præclariorem sortem fateor, cum nunc & scriptorem, Episcopalis atque Senatoriæ dignitatis prerogatiuâ illo clariorem, & in Plocensi Cathedrâ, pro Casimiro Masouia Duce, Carolum Ferdinandum, Sigismundi Tertij Poloniæ & Sueciæ Regis Filium, Vladislai Quarti fratrem, tot Caesarum, tot Regum sanguinem nanciscuntur. Te inquam, Princeps Serenissime, qui tot decora Ecclesiæ nostræ, quot sceptris orbis Christianus regitur, ac omnium eximium Te ipsum intulisti: innatâ benignitate, prudentiâ, grauitate, modestiâ, & hoc sæculo rarissimâ verè aurei generis particulâ, simplici & sine fūco lenocinijsque pietate

pietate conspicuum, venturisq; saculis & posteris inuidendum. Sed illis in lucro, & acceptis à presenti auro beneficijs, satis fuerit numerare, quòd Te tot virtutum perenne habebunt exemplum: utinam modò illis sit tam facile imitari, quàm Tibi pia, præclara, memoranda facere. Illud fortè unum ad exprimendam perfectiùs Longini facti speciem desiderari videtur, ut quemadmodum ille Casimiro Masovia Duci; ita Tibi Stanislaus Lubienius, de manu in manum, hoc in Antecessores suos pietatis Mnemosynon traderet: sed relege paulisper Optime Princeps, Stanislaus Lubienij, in Domum Tuam Regiam, Teq; præsertim observantia vestigia, aduertes, Tuum id quod ego afferò pridem esse, neque nouo mancupio tradendum. Tibi enim ille, quidquid pro Episcopatu Plocensi fecit, dixit, scripsit, addixit, cum prudenti consilio. Te sibi Successorem destinavit, ut post fata etiam diutiùs in Te, de charissimâ sibi sponsâ mereretur. Ego mihi id solum assumpsi, ut Mæcenatis olim mei lucubrationes Tibi debitas, nominis Tui præscriptione, velut nouo nexu Tuas efficerem. Itaque admitte benignus, maiorum Tuorum monumenta, quorum magna pars decusq; serus olim legeris.



P R O O E M I V M

A V C T O R I S.



FUNDAMENTA Christianæ religionis in Poloniâ, siue tu eam Vandaliam, aut Gothiam, quo titulo Regni, primi Reges Poloniæ, vsque ad Boleslaum Audacem vsi sunt, dicere malueris; siue vniuersum Septemtrionem Rheno & Tanai magnis Europæ fluminibus circumfusum, sub magnæ Sarmatiæ nomine comprehendendum censueris, siue denique totum hunc tractum, Scythiam Europæam, quam veteres Historici longè latius, quàm omnes alias regiones patere scripserunt, existimaueris; non primum, vt plerique opinantur, sub Miescone Duce, è Piastorū familia exordium habuerunt. Nam si ad antiquiora tempora rem referamus, Sanctus Andreas Apostolus, Scythiam Europæam, cuius appellatione vniuersum Septemtrionem, omnesque Septemtrionales nationes contineri, aliàs à nobis docendum crit, primus ex Achaiâ Istro transmissio ingressus, reuelatæ à Christo Salvatore nostro veritatis lumen, in has regiones intulit, Christianumque nomen in Sarmatiâ Europæâ, circa annum à Christo nato centesimum nonagesimum quintum viguisse, auctor est Tertullianus libro aduersus Iudeos, & Pagninus eius interpres, vt meritò gloriari possimus, religionis nostræ auctorem nos habere, maximi nominis Apostolum, inter Christi discipulos, si vocatio spectetur, primum germanum Petri, & passionis mortisque æmulum. Sed & in ipsâ missi cœlitus Spiritus S. solennitate, disertè testatur S. Lucas, adfuisse Ponti accolas; & Princeps Senatus Apostolici Petrus, inter ceteras nationes, quas suâ epistolâ alloquitur, Ponti aduenas commemorat. Denique, vt alia taceamus, Plinius secundus in epistolâ ad Traianum Imperatorem scriptâ, Bithyniam & Pontum Prouincias, quibus tum ille præerat, plenas esse Christianis hominibus testatur. Nec deinceps per annos ferè à Christo nato octingentos decrant viri pij, qui partim ex Græciâ, partim ex Italiâ & Galliâ, ac ipsamet Angliâ progressi, fouerent sementem Euangelij in agro Sarmatico, suæque prædicatione Poloniam, Russiam magnam, Bohemiam, Daniâ, Suediam, Saxoniam, Pomeraniam, Vandaliam, præceptis & mysterijs Euangelicis imbuerent, maximè posteaquàm Gregorius Magnus, primus eius nominis Pontifex Maximus, fœlicibus auspicijs, missis in Angliam doctrinæ Euangelicæ sanctissimis Magistris, Anglos veterum Saxonum (quos Sarmatiæ partem fuisse nemo dubitauerit) prolem, ad obsequium Romanæ fidei reduxit: tantis enim mox ille Anglicus fidei ager, sanctitatis & religionis effloruit incrementis, vt inde orti viri planè Apostolici, memores vnde aui eorum prodierant, totam veterem Saxoniam, Boiariam, & quidquid inter Rhenum & mare Balthicum, quidquid nunc sceptris Polonicis continetur, prædicando & docendo perua-

gati, feliciter Arctoïum Orbem fidei rudimentis imbuerunt. Non quidem eo euentu, vt simul tota regna sub iugum pietatis miserint, sed magnâ ex parte homines sedentes in tenebris, Sole veritatis illustrarint. Nec à temporibus Apostolorum defuisse putandum est, viros zelo Euangelico accensos, qui ipsa penetralia Vandalia (ita appellata est ea pars Sarmatiae, quam nobilissimus fluuius Vandalus mediam secatur, quæ nunc Polonia dicitur) penetrarint, quorum etsi labor non infructuosus fuit, memoria tamen obscurior, & nisi soli Deo nota nomina. Ad annum vsque nongentesimum sexagesimum quintum, nullus erat, qui publico nomine religionem Christianam palàm profiteretur, non quòd ea res Principum edictis vetaretur, sed quòd nullus esset, qui statum religionis ad normam Ecclesiæ Catholicæ formaret, Regibus ipsis nondum Sacramentis cœlestibus imbutis. Quanquàm quis vetat suspicari Piastrum agri Crusiciensis colonum, ob piam liberalitatem ex humili genere ad summum Principatus fastigium euectum, aliquid ex veritatis Euangelicæ lumine hausisse? Abauus is fuit Miecislai, qui à Christianis subditis suis (qui iam tum frequentes etiam ex primoribus fidem Christianam colebant) vt damnato cultu falsorum Deorum, Christianus & ipse fieret, ac uxorem Christianam Dambroucam Boleslai Bohemiæ Regis siue Ducis filiam duceret, persuasus, primus se Christianum Principem esse palàm professus est. De Piastrum quidem memorant Scriptores, illum dum hospitalitatem coleret, Sanctos Ioannem & Paulum Romanos Martyres, sub Iuliano Apostata olim martyrio coronatos, hospitio excepisse, & penu eius illorum beneficio ita auctum fuisse, vt pauper rusticus eo interregno, quod mortem Popielli Tyranni & parricidæ Principis consecutum est, vniuersum Procerum Polonorum, qui ad eligendum nouum Principem conuenerant, cœtum conuiuio exceperit, & ob eam causam suadentibus iisdem Sanctis, Rex renunciatus fuerit. Quis enim non meritò in eam veniat suspicionem, Sanctos illos vitâ iam functos, siue etiam ij Angeli fuerint, vt aliqui existimant, non nisi viro, verâ pietate imbuto, apparere, eumque pietate cœlesti imbuiere voluisse? Miecislai igitur simul atque sacro baptismo tinctus est, admonitus ab alijs Christianis, religionem eam quam susceperat, non nisi ex præscripto Summi Pontificis, IESV Christi Vicarij, ac Diui Petri Principis Apostolorum in Romanâ Cathedrâ Successoris, coli & fructuosè exerceri posse; Legatos suos misit ad Romanum Pontificem, qui suo nomine illi referrent, se & Christianum Principem esse, & cum vniuerso Regno suo in potestate Summi Ecclesiæ præsidis deinceps fore profiterentur, atque Episcopos Orthodoxæ religionis Magistros, ab Vrbe religionis & pietatis magistrâ, sibi submitti peterent. Præerat eo tempore Sedi Romanæ Ioannes Decimus Tertius, hoc ipso anno, posteaquàm Benedictus Quintus se Pontificatu abdicauit,

dicauit, vel potius ab Imperatore captus, & in Saxoniam (ubi exul mortuus etiam miraculis claret) abductus est. Ioannesque Duodecimus fatis concessit, Pontifex renunciatus; Imperatoris Ottonis Primi numerabatur annus quartus, Nicephori Phocæ Imperatoris Orientis annus tertius, cum hæc Polonica Miecislai siue Miesconis Legatio in Vrbe comparuit. Dicere ille tum potuit, veluti religionis Christianæ propagandæ minis curiosus, illud Isaïæ Prophetæ: Dices in corde tuo; quis mihi genuit istos? Ego sterilis & non pariens transmigratus & captiuus, & istos quis enutriuit? Ego destitutus & solus, & isti ubi erant? Quamobrem eâ legatione lætus Pontifex Romanus, Ægidium Tusculanum Episcopum, ad confirmandum Principem & Proceres Regni, & statum Ecclesiæ Poloniæ formandum, Sedesque & Cathedras Archiepiscopales & Episcopales erigendas, Legatum expediuit, instructum non solum ijs monitis & præceptis, quæ tanta res poscebat; verum etiam additis, ad obeundum tantum munus, idoneis viris doctis & pijs, qui nascentem in Poloniâ Ecclesiam auctoritate Episcopali, distributis per Ægidium Prouincijs, & Diocæsisibus regerent, & gubernarent. Diuidit hanc Legationem Annalium Ecclesiasticorum Illustrissimus Scriptor Cæsar Baronius Cardinalis, existimatque Ægidium quidem Episcopum Tusculanum in Poloniam fuisse missum, socios verò futuri illius laboris, ad nescio quos Vandalos, quorum Princeps Miesco esset, ablegatos fuisse; nam posteaquam de legatione in Poloniam missâ mentionem fecit, hæc addit. De aliâ legatione per eundem Pontificem in Vandaliam missâ, hæc apud Stanislaum Orichonij Roxolanum: Admonitu piorum (verba sunt Orichonij Poloni & de suis Polonis scribentis) virorum quorundam, Miescone Monarchâ (is fuit primus in Poloniâ, quæ tunc Vandalia dicebatur Christianus Princeps) cum audiuissemus esse Ciuitatem quandam Dei, cuius Antistes esset Romanus Petrus, penes quem auctoritas esset summa, ex seruitute Diaboli in libertatem Christi homines vendicandi, ab hoc ipso Ciuitatis Antistite, Miescone Monarchâ auctore, opem aduersus diaboli vim implorauimus. Itaque Ioannes Decimus tertius, Vicarius IESU Christi, Simonis autem Petri successor, exoratus à Monarchâ, Senatu ac populo, doctissimos viros Italos, videlicet Vuillibaldum, Prochorium, Iordanum, Gotfridum, Lucidum, Angelotum, Octauianum, Iulinum ad nos Vandalos ac Lechitas doctum misit. Qui & Miesconem Monarcham, & genus nostrum illi subiectum, sacri baptismatis vndis ab originali culpâ abluerent, & ex Ciuitate diaboli ablutos ac mundatos in Ciuitatem Dei transferrent, in Christi Ecclesiam dicarent, quod etiam est factum. Nam illi viri Sanctissimi; Vandaliam (siue tu malis Poloniam dici) ingressi, prædicabant nobis Christum, & gratiam eius, quâ hos in communionem suorum Deus conuocauerat celebrabant, homines turmatim ad flumina confluentes, baptizabant, Idola ex Vandalia exterminabant.

Nomina
primorum
Antistitum
Poloniæ ad
propagandam
fidei Chri-
stianam per
Romanum
Pontificem
missorum.

Addit Baronius. Quomodo autem sit cooperatus Otto Imperator, ad confirmationem Ecclesiæ Vandalorum, inferiùs suo loco dicturi sumus. Diuersam hanc fuisse legationem ab eà, quæ in Poloniam missa est, diuersitas planè Legatorum ostendit, & alia plura. Quod audis Vandalos nomine Slauorum esse comprehensos, scias in plures amplissimæque Prouincias Slauoniam esse partitam, & inter alias Vandaliam esse comprehensam, omnes verò ad fidem Christi conuersas esse quæ de iisdem Prouincijs dicturi sumus inferiùs declarabunt. Hactenus Baronius.

Non est meum cum tanto viro, quem orbis Catholicus, summum veritatis defensorem & assertorem veneratur, descendere in certamen alicuius disceptationis, sed cum veritas se ipsa manifestè prodatur, non erit incongruum, concessuro haud dubio, si viueret, ipsomet Baronio, ad eam tuendam aliquid adferre. Ex Sanderò libro de visibili Monarchiâ n. 695. hæc Baronius exscripsisse videtur; ille verò ex Stanislao Orichouio Roxolano, historiam quandam recensente, Orichouium quidem appellatione Roxolanum, Polonum tamen fuisse & Roxolanos inter Lechitas referri, quo nomine quæ olim fuit Vandalia, Polonia censebatur, quis in dubium vocauerit? cum id ipsum Orichouius à Baronio citatus fateatur, sequæ Lechitam & Polonum esse scriptis prodatur. Hic legationem eam missam esse ad Miesconem Monarcham (is ille fuit Miecillus, blandiori nomine Miesco dictus, primus in Poloniâ Christianus Princeps) disertè scribit, idem cum ab Vrbe submissos religionis in Vandaliam (quam idem ipse Poloniam, vt vidisti Lector, appellat) propagandæ causâ, à Ioanne Pontifice enumerat, primorum Archiepiscopi & Episcoporum in Poloniâ nomina recenset, ac inter alios Villibaldum, qui primus fuit Archiepiscopus Gnesnensis, Prochorium primum Archiepiscopum Cracouiensem, Lucidum primum Vladislauensem, & vt de reliquis, qui in Catalogo ablegatorum huc in Poloniam suprâ recensentur taceamus, Angelorum qui Cathedram Episcopatus Plocensis fundauit, primusque Plocensis Episcopus fuit; reliquos item prout sua cuique obtigit Cathedra, Episcopos in Poloniâ fuisse (nam octo Episcopatus ad numerum eorum qui ab Vrbe venerant, tum in Vandaliam siue Poloniâ fundati fuerunt) ab alijs Scriptoribus relatos facilè qui voluerit, reperiet. Vandalos itaque esse Polonos, & hanc Ægidij Romani, Episcopi Tusculani Cardinalis vnâ cum recensitis socijs, primis in Poloniâ Episcopis, legationem ad Polonos (siue Vandalos malis dicere) fuisse, ex ipsis Romani Archiuij monumentis satis probatur. Nec eo anno vllum alium fuisse Miesconem, qui in aliâ Vandaliam quàm in Poloniâ regnaret ostendi ac probari potest, & Vandalos à fluuiò Vandalo, qui ex montibus Carpatijs Vngariam à Polonis dirimentibus ortus, mediam secatur Poloniam, dictos fuisse manifestum est. Scimus quidem antiquioribus temporibus latius patuisse Vandalorum imperium, priusquàm patrijs sedibus exuti, ad occupandum imperium Romanum ingenti facto agmine, præter

ter complura Europæ regna , Africam etiam ipsam armis occupassent; multa illorum præclara facta leguntur ab Historicis illorum temporum scripta. Eisdem non diuersos fuisse à Lechitis siue Polono-Vandalis, eiusdem linguæ commercium luculentissimum est argumentum; quidquid modo Bohemiâ, Moraviâ, Boiariâ, nunc Bauaria dicta, Saxoniâ, quidquid Brandenburgicâ ditione, Pomeraniâ cum adiunctis Prouincijs, Lusatia, Silesiâ, quidquid denique Moschouitico, Ruthenico, & amplissimo Poloniæ Regno, ac ipsis etiam Daniæ & Sueciæ Coronis continetur, Vandalorum sedes & patria fuit, prout id sermo ipse & lingua, cuius etiam in ijs regionibus, quas Germani, vel Nemetes potius, postea occuparunt, non obscura extant vestigia, abundè testantur. Et ne hæc ex nostro sensu dicere videamur; libet hîc inferere ea quæ doctissimus Martinus Cromerus Episcopus Varmienfis, libro secundo historiæ suæ de successoribus & liberis Lesci tertij Monarchæ Poloniæ siue Vandalia, memoriæ prodidit.

Suscepit autem Lescus hic liberos mares, ex legitimâ quidem vxore Popielum, è Concubinis verò Boleslaum, Casimirum, Vladislaum, Vratyslaum, Otam, Baruinum siue Barminum, Pribislaum, Præmisslaum, Iaxam, Semianum, Zemouitum, Zemomissum, Bogdalum, Spicigneum, Spicimirum, Zbigneum, Sobeslaum, Wissimirum, Cessimirum, & Visslaum. Ex his Popielum in spem Principatus liberaliter educatum, successorem sibi viuens designauit, cæteris sacramento vt Popielo pareant adaçtis, occidentalem & maritimam oram omnem inter Albim & Habelam fluuios, quemadmodum Dlugossius prodidit, ad Oceanum & Germaniam spectantem inter eos partitus est. Et Boleslao quidem natu maximo, Baruino siue Barmino atque Bogdalo Pomerania, quasi tu maritimam dicas, obtigit: Casimiro & Vladislao Cassubia: Iaxæ & Semiano Serbia siue Sorabia: Vratyslao Rama siue Rugia, vt vult Vapouius: Pribislaum, Cessimiro & Otæ Ditiuonia, quæ nunc à nostris Lusatia, ab alijs Lusitia dicitur: Præmisslao, Zemouito, & Zemomisso ea quæ nunc Marchia Brandenburgensis à Metropoli Brandeburgo, quæ à nostris Sgorelecia vocata fuit. Reliquis reliqua eius oræ, in quibus Visslaus Mezibozum arcem, quam nunc Meideburgum siue Magdeburgum vocant: Sobeslaus Dale, quod Dalenburgum, Vissmirus in littore Oceani Vissmiriensis quæ antiquum nomen in Vismariam à Teutonicis deflexum retinet, condiderunt. Alias prætereâ complures arces & oppida Duces posterique eorum ædificarunt, & vernaculis suis linguis appellarunt, de quibus sunt Brema, vt vult Dlugossius, in confinio Frisiorum & Vestualorum; Luna quam Germani Luneburgum vocant à resplendentiâ; Bucouicia quæ à Germanis Lubeca vocatur; apud Slavos verò accolæ antiquum nomen etiam num retinet, tametsi Lubecæ quoque nomen Slauiam Etymologiam redolet; Bachiborum, Zuerinum, Lubouia siue Lucouia, Germani Mechelburgum à Michelo con-

Polonorum
imperium
olim latè pa-
sens.

ditore, eiusque oræ Duces Mechelburgenses, nonnulli Magnopolenses ineptè composito vocabulo dicunt. Item Rostocum, Verla, Suawouum, Oltrouum, Cessinum, Marlouum, Polclum, Trebessouum, Vologosum, Ciasni, Volinessum; addit Crantzius Vinetam & Iulinum, quæ omnes fuerunt Polonorum coloniæ. Et subactæ quidem atque possessæ sunt regiones illæ posteriori tempore à Francis, Saxonibus, Turingis, Frisijs, Vestualis & Hollandis, Teutonum populis, siue per ignauiam posterorum Principum Poloniæ, siue per conniuentiam, cum Duces earum Lesci huius nepotes, ab imperio Principum Poloniæ, quemadmodum dicemus inferiùs, desciiissent. hucusque Cromerus. Et hæc quidem de Successoribus Lesci, qui solus tam latè regnavit, cum interim in alijs Vandalicæ partibus à nobis commemoratis, alij imperium exercerent. Vandalis migratio ad remota regna exitio fuit. namque quidquid erat roboris, & omni iuuentute domo abductâ, propè vacuas sedes inuitati vicini populi facilè occuparunt, & Vandalicum nomen, quantum in illis fuit, extinguere conati sunt: primò quidem religionis Christianæ propagandæ prætextu, deinceps verò imperij dilatandi ambitione; soli ex Lechitis siue Vandalis Poloni, omnes omnium hostium conatus, innatâ quadam animi magnitudine, & libertatis auitæ conseruandæ amore, armis coërcuerunt, frustrâ, vt olim à Romanis Imperatoribus, vigente eorum in Germaniâ potentiâ, & à Turcis etiam, quorum opes & potentia vniuerso orbi & fuit, & est formidabilis, appetiti, illibatam hætenùs conseruant libertatem, nullius imperio, nisi quem ipsi liberis suffragijs Regem dixerint obnoxij: & in hoc Septemtrione Catholicæ Orthodoxæ religionis fortes & constantes defensores, atque conseruatores. Sed nos iam tandem ad id quod proposuimus, nempe ad recensendos Episcopos, qui Sedem Plocensem, cui nos ad præsens indigni præsidemus, à tempore susceptæ in Poloniâ religionis tenuerunt, accedamus. Sequemur autem hac in parte Ioannem Dlugossum siue Longinum Historicum, eorum qui res Sarmaticas explicarunt facilè principem. Ita autem illum nobis sequendum proponimus, vt cum is in supputatione temporum frequenter, vel memoriâ lapsus, aut certè parum in Scriptoribus Ecclesiasticis versatus videri possit, nos ad meliores calculos rem totam reuocandam suscipiamus. Vixit Dlugossus ante annos centum & septuaginta, vitalisque Episcoporum Plocensium à se conscriptas, Casimiro Episcopo Plocensi & Mazouix Duci dicauit: quam præfationem vt nos quoque hîc insereremus, Viri tanti memoria, id à nobis exigere videbatur. Agnoscet Lector stylum illius temporis, qui plus veritatis continet quàm elegantix. Sic igitur ille suam orditur Historiam:

*Polonorum
libertas, &
magnanimitas.*

Reuerendo in Christo Patri D. Casimiro Dei gratiâ Episcopo Plocensi, & Mazouia Duci, Domino meo Colendissimo, Ioannes Longini

gini Canonic. Crac. salute aternâ in Christo, qui omnium vera est salus, feliciter potiri. Non minimâ inter Cathedrales Polonia Ecclesias, Reuerendissime in Christo Pater, sed raram & insignem, ut est, cui Diuino munere nunc praesides, Plocensem reputans Ecclesiam, Pontificum eius Epigrammata sub obscuro hactenus latetia, & paucissimis nota, proferre in lucem, iuxta ac caterarum Gnesnensis Prouinciae Ecclesiarum disposui; ut illius quoque decus, etiam hoc meo qualicumque officio enitescat: claris etenim & excellentibus fulsit quandoque Praesulibus, maioribus aliquantò & praestantioribus, quàm qui debeant oculi & sub obscuritate recondi, & qui legis Diuinae & rationis, quemadmodum & te facere conuenit, regebantur praescripto. Quorum nomina perpetuâ caligine, ob defectum Scriptorum obruta, etiam nec post cineres video resurrexisse, clarorum facinorum suorum ac virtutum fructu caritura, nisi scriptura beneficio de tam iniquâ sorte fuerint vindicata. Verùm et si is neglectus in transactis temporibus, quibus neque tot libri, neque tot literae, neque tam feracia gymnasia, neque tam splendor doctrinarum lumen Regno Polonia obuerat, tolerabilior veniabiliorq; videretur, at certè impresentiarum, postquam in Vrbe Cracouiensi studium generale resplenduit, postquam pluribus Regni Polonia filiis, & his praesertim, qui ad oram Plociae, siue Mazouiticam, cuius fertur Scorpio Dominus & gubernator, nascuntur; rara & singularia Scorpione adiuuante contigerunt ingenia, scèdum & iniquum parumq; officiosum reor, ut modernorum iuxta ac priscorum illustrium heroum, & praesertim Pontificum animas, humanas simul & corpora excolentium actiones, vita, & quaeque insignia munera literae, non debeant simplici stylo & ieiuno, & qualemcunque siue à naturâ, siue ab eruditione sortiti sunt extolli, & scripturis ad perennitatem consequendam mandari, cum is labor eaq; exercitatio omnibus in commune pateat, & singulis sit ex aequo permessa, nocitura nemini, profutura vniuersis. Nascentis autem Plocensis Ecclesiae, ut sese habet omnium rerum sors, natura, & conditio, primitiae etsi fuerint ab exordio humiles, & ipsa Ecclesia, in Arce quidem locata, sed ex facili corruptibili lignorum materiâ fabricata, processu tandem temporum, & dierum, per gratiam Altissimi, largitione & prouisione Regni Ducum, Regum, Pontificum, Principum, Heroum, caterorumq; fidelium, breui coaluerunt, tantaq; sumpserunt in capite & membris incrementa, ut Plocensis Ecclesiae status, decor, fabrica, & conditio, aliarum Cathedralium Ecclesiarum

Praefatio Ioannis Longini ad Castimirum Episcopum Plocensem super viras Episcop. Plocensium.

Acad. Crac. plurimum splendoris Regno Polonia attulit.

Mazouia Scorpioni subiecta.

*Ecclesia Ca-
thedralis
Plocensis sta-
tus & am-
plitudo.*

*Quilibet Ar-
chiepiscopus
Gnesnensis est
Canonicus
natus Plocen-
sis.*

*Adhortatio
Auctoris ad
Casimirum
Episcopum
Plocensem.*

rum in Regno Polonia consistentium, sit amplitudinem supergressa. Quamvis autem priscorum negligentia, & parum vigilans cura, primorum Pontificum Plocensium, & nomina, & genus, & prosapiam obtenebrauerat, & merita, utcumq; tamen potero confisus in presidio Altissimi, studio altiori genus unicuique coaptare curabo, mores, ingressum, excessum, & sortem, ut & probitas posterorum, & nobis succedentiū, habeat quod sequatur, & quo se exerceat exemplum; & improbitas habeat terrorem, ut à suā peruersitate resipiscat. Quod ut facilius proueniat, ab Angeloto primo Plocensis Ecclesie & talis nominis Pontifice, sumemus exordium, usque ad Tuæ pietatis nomen peruenturi. Prius tamen licebit mihi præfari Plocensem Ecclesiam, eā excellentiā (quod nemini ex omnibus sub Prouinciā Gnesnensi consistentibus contigit) præditam esse, ut quilibet Gnesnensis Archiepiscopus, Canonicam & Prabendam in eā habeat, & fructus ex illā percipiens cum quotidianis refectionibus, quādo præsens est Stalo in Choro, & voce utatur in Capitulo, in quolibet Capitulari actu, & in Episcopi Plocensis electione, unde & Ecclesiam ipsam in diuinare, & pro vice suā per se aut alium administret. Opus autem hoc prius aliquot dierum lucubratione à me contextum, Tuæ Paternitati dedico, obtestans illam, ut singula legens, amuletur meliora, secuturus Apostolos merito, quos sequeris dignitate; atque id summo studio enitere, & contende, ut vitæ Apostolica sanctimoniam, obseruantiam, confirmationem, atque formam imiteris, conscensurus expleto cursu stadij, cum duodecim Orbem iudicaturis, supremum solium; & cum Paulo ultimo quidem in numero, sed primo in merito, pro virtuosissimis operibus tuis cælestem municipatum. Habes autem Pater Reuerende necessitatem indictam primam & præcipuam, optima quæque & sectandi & agendi, quatenus omnes actiones Tuæ ad formam legis Diuinæ, tam Mosaica quàm Euangelica uno eodemq; tempore percussæ effigiatæq; sint, cum vniuersa agas ante oculos tremendi Iudicis, singula & videntis & rimantis; habes & alteram necessitatem: etsi non aequè ut primam, duram, stimulosam tamen & cauteriatam. Singula enim & dicta & facta, siue bona egeris, siue quod auferat Deus, mala, in hominum post cineres Tuos versabuntur ore, & forsitan etiam à me, si fato non abrumpar, vel ab alijs superstitionibus, iuxta atque in speculo depingentur, cum perenni laude Tuā, si clara, cum perpetuā ignominia, si deformia apud posteros versatura. Habes & tertiam probitatis necessitatem, ut ex illustri Regum & Prin-

cipum

cupum Polonia sanguine satus, ad id unum omnes Tuas curas, vigilias, & studia intendas, ut Te clarissimo generi conformans, excellentiam de Te exhibeas virtuosorum operum, qui gloriaris Te natum esse magnificâ & celeberrimâ prosapia Regum & Principum Polonorum. Data Cracouia, Primâ Ianuarij Anno Domini 1478. Hæc Dlugossus.

Nos eius prementis vestigia, nostrum prosequimur cursum, & ab Angeloto Plocensis Ecclesiæ regimen auspicamur.

Angelotus I. Episcopus Plocensis.

Posteaquàm Egidius Episcopus Tusculanus, Cardinalis, Ioannis Decimi Tertij Summi Pontificis, cum suprema potestate, ad formandum statum Ecclesiæ Poloniæ siue Vandalicæ Legatus, vniuersam amplissimi imperij Polonici, siue Vandalici, ditionem & Prouinciam, animo & oculis complexus, in latè patentes Diœceses partitus esset, eas inter non tam legationis socios, quam ad gerendos in Vandalia, siue Polonia novos Episcopatus missos distribuit. Ex ijs Cathedra & Ecclesia Episcopalis Plocensis, Angeloto Romano, boni nominis & omnis, pio & erudito viro sorte obtigit. Nobilis is fuit, è stirpe antiquâ Romanâ nobilitatis genus ducens, eruditus in primis & pius, eas secum virtutes huc intulit, quæ potissimum religionis studium, in pectoribus eorum quos Christianis imbuebat præceptis nutrent. Episcopatus eius initium, ad annum nongentesimum sexagesimum sextum refert Dlugossus. Quo itidem anno, illustris & magnifica eluxit Miecislai Monarchæ Poloniæ, primi Principis Christiani, erga Ecclesiam & religionem Catholicam liberalitas. namque is viros octo Episcopali dignitate conspicuos, à Romano Pontifice, ut ex Baronio supra retulimus, in Vandaliam siue Poloniam missos, ita veneratus est, ac si de cœlo delapsi, veritatis Catholice lumen Septentrionalibus regionibus suo imperio contentis illaturi essent. Non sunt (ut ille ait) tarda S. Spiritus molimina. Ab hoc imbutus Christianissimus Princeps Miecislavus siue Miecisco, & ardore ignis cœlestis succensus, non mortuâ sed viuâ fide se pietatem colere velle, in ipso susceptæ Catholicæ religionis initio ostendit. Itaque decimas, tam ex nobilium quàm agrestium bonis, omnium frugum quæ ex culturâ agrorum totius Poloniæ colliguntur, (census is fuit qui olim Principi, dum adhuc hîc nondum Christiana religio illuxisset, debebatur, & quotannis in Fiscum decimatione, ut aiunt, manipulari assignatis ad id Regijs horreis inferebatur) vnicuique in suo Episcopatu concessit: deinde ut Episcopi in Poloniâ maiori cum dignitate rem Ecclesiasticam gerere, & Reipublicæ consulere possent, amplissimas vnicuique possessiones, vnâ cum Ducalibus iuribus, ac primo supra omnes Principi-

*Exordium
Cathedra
Plocensis, Anno
Christi 966.*

*Decime omnium frugum
ad fiscum Regium olim
pertinuerunt;
in Episcopos
postmodum
translata.*

*Aliis Sacer-
dotibus ad
sustentationē
vitæ imperti-
ta.*

Principes, qui tum in Poloniâ reperiiebantur, in publico consilio & confessu Comitiali, locum iure perpetuo contulit; ac lege latâ sanxit, ne deinceps quispiam ex suis successoribus eam sacram donationem interuerteret, neve se sacrilegij crimine contaminaret. Sed ut ad Angelotum redeamus, sedulus is fuit in promouendâ fide Christianâ: vniuersam suam obibat Diœcesim, adhibitis in consortium laboris, non solum ijs quos secum ex Italiâ adduxerat Presbyteris, verum etiam si quos ex Polonis Sacerdotio dignos habere poterat; verbo & exemplo ad pietatem formabat rudem adhuc populum, Ecclesias Parochiales ubi commoditas loci erat statuebat, Diœcesim in Parochias diuidebat, Sacerdotibus in ijs collocatis, ne quid ad vitæ sustentationem deesset, Decimas à Principe sibi donatas, prout vnicuique expedire videbatur assignabat, ornandæ inprimis Ecclesiæ Plocensis Sponsæ suæ cupidus, Collegium Prælatorum & Canonorum attributâ illis magnâ parte Decimarum suarum ita dotauit, ut Ecclesiæ Plocensis & numero Prælatorum, & opibus, vix cuiquam Cathedrali in Poloniâ Ecclesiæ illis temporibus cederet. Et quamuis sciret Canonorum munus esse, & eo nomine illis quotidianas Distributiones deberi, ut Sacrificia, & Horas Canonicas in decantandis in Choro sacris Officijs per se obirent, cum tamen videret operâ eorum ad alia negotia tractanda, sibi & successoribus suis opus fore, aliud Sacerdotum Collegium qui vices Canonorum implerent, fundauit dotauitque. Denique ut plures haberet, qui in vineâ Domini excolendâ illi, & successoribus eius adiumento essent, lectis compluribus ex iuuentute ingenuâ & nobili iuuenibus, eos ipsemet latinis literis imbuere haud indecorum existimabat, magister domi, in templo doctor, in Republicâ, in quâ etsi natus non esset, tamen ut verus insitus Sarmatiæ ciuis, ut Patriam propriam amabat, summus vir & Senator, in dando consilio Principi liber, domi castus, in publico fortis, utrobique summâ excellens prudentiâ. Obijt Plociæ Anno nongentesimo octuagesimo secundo, ibidemque honorificam accepit sepulturam, vniuersis Diœcesis suæ decoratus lachrymis.

*Obitus An-
geloti primi
Episcopi Plo-
censis Anno
Christi 982.*

Martialis II. Episcopus Plocensis.

Vluente adhuc Miecislao supremo in Poloniâ Monarchâ, Angeloto vitâ functo, datus est à Romano Pontifice Benedicto Septimo, Anno Christi nongentesimo octuagesimo tertio, Ecclesiæ Plocensi, Episcopus Martialis Romanus, & ipse, Angeloto non solum nobilitate generis, sed & sacrarum literarum notitiâ par, humanitate & benignitate insignis: cuius præclarum religionis propagandæ zelum, vel ex hoc agnoscere possis, quod ut commodius ipse per se rudem populū salutaribus instrueret monitis, linguam Polonicam magno conatu discere contenderit, tantumque profecerit, ut per se ipsum confessiones sacras excipere, & publicas

blicas ad populum conciones facere, non incongruè potuerit; quod quidem ita sedulò præstitit, vt nullam partem amplissimæ Diocesis suæ reliquerit, quam non prædicando, Sacramenta administrando, recenter ad Christi fidem conuersos Polonos pijs institutis erudiendo, Ecclesijs nouis fundandis adierit, in omnibus se præbens exemplum boni Pastoris. Denique id illi potissimum curæ fuit, vt Ministros Euangelij, à se Sacris initiatos, sibi similes, id est castos, probos, in exercenda curâ animarum non segnes redderet, ratuseorum viuo exemplo meliùs quàm doctrinâ, & rem Catholicam promoueri, & pietatem pectoribus hominum inseri posse. Nec eum sua sefellit opinio, felici enim semente vsus, mox ingentem in suâ Diocesi fidelium numerum creuisse vidit, & Deo laborum suorum fructus obtulit. Nec mirum videri potest Martialem tanto flagrasse pietatis propagandæ studio, cùm eo Pontificatum Plocensem tenente in Poloniam venerit Woytechus, siue vt eum postea Germani appellarunt Adalbertus, illustri in Bohemiâ Roseorum familiâ ortus, Ottonis Tertij Romanorum Imperatoris consanguineus. Episcopus ille olim fuit Pragensis, petentibus Bohemis, à Moguntino Archiepiscopo datus, vir sanctus & Apostolicus; sed cùm videret Bohemos durâ ceruice monita pia aspernari, & toties spretis illius salutaribus præceptis, ad sordes veteris idololatriæ relabi, summi Pontificis permissu, primò in Hungariam, deinde in Poloniam venit, atque à Boleslao Chobrio, Monarchâ adhuc & non Rege, benignè exceptus, & ab vniuerso populo omni genere piæ hospitalitatis cultus est. Hunc idem Princeps, renitentem planè, & susceptum propositum prædicandi Verbi Dei barbaris nationibus Prussis vrgentem, Archiepiscopatum Gnesnensem mortuo Roberto vacuum, suscipere magnis precibus coëgit; quem cùm ille triennio administrasset, martyrij consequendi ardens studio, subrogato in suum locum, & in Archiepiscopatu relicto fratre suo germano Radzino dicto (siue tu Gaudentium Vandalico nomine in latinum versò, dicere malueris) in Prussiam assumptis aliquot viris religiosi se contulit. Vbi Diuini verbi sementem strenuè spargens, vix vllò quæsito fructu, dum Christo sacras ad aras, arcanum offert Sacrificium, à barbaris cæsus, optatam martyrij palmam obtinuit. Hunc tantum virum non solum videre potuit Martialis Episcopus Plocensis, verùm etiam eius præclaris actionibus, singulari erga Deum amore, ad fidem Christianam sedulò promouendam prouocari. Hoc eodem Martiali Plocensi Episcopo viuente, famâ miraculorum, quæ ad Diui Adalberti à Prussis cæsi corpus Gnesnam relatum edi audiuerat, excitus Otto Imperator pacatus in Poloniam venit, atque comiter à Boleslao Monarchâ exceptus, donisque & muneribus magnificis cumulatus, coronam Regiam non tam suâ auctoritate, quàm Syluestri Secundi Papæ, cuius secum Diaconum Cardinalem Legatum de latere in comitatu habebat, capiti Boleslai imponit, Regemque esse iubet. Non me sanè mouet Dithamari & Petri

*S. Adalberti
in Poloniam
aduentus.*

*S. Adalbertus
à Prussis barbaris
Martyrio coronatur.
Boleslaus
Chobri Dux
Polonia Regis
Diademate
insignitur. &
titulo Regis
donatur.*

Damiani,

*Dithamari
de rebus Po-
lonorum fal-
sa Historia.*

*Quinque
Martyres
Camalduen-
ses in Poloniâ.*

Damiani , à Cardinali Baronio allegatorum Scriptorum auctoritas. Namque Dithamarus tot falsis narrationibus farfit suam Historiam , ut ei, uti nominis Poloni osori fides haberi non possit. Ac ut cætera taceamus, quis unquam credet, Boleslao demum Principe , Archiepiscopum Gnesnensem esse constitutum , cum parietes ipsi loquantur , ab Ægidio Episcopo Tusculano Cardinali, auctoritate Ioannis Decimi tertij Summi Pontificis , propè quadraginta antequàm Otto Imperator in Poloniam venisset annis , ita statum Ecclesiasticum formatum fuisse , ut & Gnesnæ ac Cracoviæ essent Archiepiscopi , & reliquas Cathedras tenerent Episcopi, ac Sanctus ille Adalbertus ab omnibus Scriptoribus Gnesnensis Ecclesiæ Archiepiscopali dignitate fuisse ornatus perhibeatur. Et Petrus Damiani , qui propè sexagesimo anno à susceptâ per Boleslaum Regiâ coronâ vixit , quamvis vir magnus & pius fuerit , tamen dum res externas, & longè ab Italiâ remotas scribere aggreditur, in multis falli & decipi potuit. Ut in eo , cum referente Baronio scribit , Boleslaum Regem , quendam Monachum Ordinis Camalduensium , ad Summum Pontificem petendæ coronæ Regiæ causâ ablegasse , cuius ne nomen quidem refert , nec ex quo Monasterio prodierit , significat. Extant adhuc in Maiori Poloniâ, sexto à Gnesnâ milliario, quinque Martyrum Camalduensium, regnante Boleslao, quinto à Coronatione ipsius anno , à Christo verò nato , millesimo quinto , à latronibus immaniter cæsum sepulchra, singulis cellis distincta, quorum nomina ea fuerunt , Benedictus, Ioannes, Matthæus, Isaacus, atque Christinus ; Barnabas insuper, qui cædis tempore cum abesset , martyrij coronam non est adeptus , sed postea vitæ sanctitate illis par, & vitâ functus, separato itidem à fratribus tumulo conditus est. Fuisse hos Diui Adalberti socios peregrinationis, semper antiquâ traditione credidit Ecclesia Polonica, eorumque memoriam ad diem pridie Idus Nouembris piâ veneratione colit. Si suspicari libet, existimari potest Boleslaum primum Regem Poloniæ , cum Henricum Secundum , nondum Imperatorem , sed tantum Romanorum Regem dignitati suæ minùs favere sciret , idemque icto cum Harduigo Longobardorum in Italiâ Rege, cognato & gentili suo (quippe & Longobardis eadem quæ Vandalis stirpis origo fuit) Henrici imperium impugnaret, non sub Ottone Imperatore , ut relati à Baronio auctores falsò asserunt, sed sub Henrico , qui Anno Christi millesimo secundo Rex Germaniæ appellatus est , ad firmandum ius Regium beneficio Ottonis Imperatoris partum , hunc Monachum de quo Petrus Damiani scribit, secretò ad Summum Pontificem petiit , ne quid in præiudicium iuris sui, & quæsitæ , beneficio tam Pontificio quàm Imperatorio , Coronæ Regiæ, isthic vel decerneretur, vel impetraretur , ablegasse. nam si Coronæ novum ius peteret, certè non Monachum , sed magni alicuius nominis virum , cum muneribus Summo Pontifice dignis , tam clarus & potens, atque etiam opulentus Rex, ad Urbem misisset. Sed Dithamarus

rus quàm turpiter erret, dum Imperatoris ad Gnesnam accessum refert, audiamus. Videns, inquit, à longè Gnesnam urbem desideratam, nudis pedibus suppliciter aduenit, & ab Episcopo eiusdem Vngero venerabiliter susceptus, in Ecclesiam introducit & ad Christi gratiam sibi impetrandam Martyris intercessio profusis lachrymis inuitatur. Sistamus hic paulisper stylum, & ex Dithamaro quæramus, cuiusnam Urbis Episcopus fuit Vngerus? respondebit ille paulò inferiùs, hunc Posnaniensem Episcopum fuisse; cur igitur Gnesnæ illum adscribit, cum tum Radinium Diui Adalberti germanum fratrem Archiepisc. Gnesna habuerit? Series verè historici ita habet: Boleslaum Principem, aduenienti Ottoni Romanorum Imperatori cognato suo, Posnaniam usque obuiam iuisse, ibi Ottonem & à Principe, & ab Vngero Episcopo Posnaniensi honorificè exceptum, tantà venerationem sepulchro Diui Adalberti habuisse, ut per septem germanica milliaria, (tot enim Gnesna Posnanià distat) vijs panno, iussu Boleslai constrictis, tantum itineris spatium nudis pedibus confecerit. Sed pergit deinde Dithamarus. Nec mora; fecit ibi Archiepiscopatum, ut spero legitime, sine consensu tamen præfati Præfulis, cuius Diocesi omnis hæc regio subiecta est, committens eundem prædicti martyris fratri Kadimo, (Radinum rectiùs dixisset) ei que subiiciens Reinbernum Sanctæ Cholbergensis Ecclesiæ Episcopum, Popponem Cracuensensem, Ioannem Vuio-teslanensem, Vngero Posnaniensi excepto. Factoq; ibi altari sanctas in eo honorificè reliquias cōdidit. Somniare videtur nescio quas tricas iste bonus Scriptor, & de re sibi ignotà texit fabulam, dum & Archiepiscopum, & aliquot Episcopos, corruptis, & in Polonià vix auditis nominibus, ab Ottone nobis datos temerè fingit, quos & plures alios, Summi Pontificis Ioannis Decimi tertij auctoritate constitutos iam dudum habuimus. Errantem corrigere voluit Cardinalis Baronius, asserens hos Archiepiscopatum & Episcopatus, auctoritate Archidiaconi Sacræ Romanæ Ecclesiæ Cardinalis, qui cum Ottone huic actui præfens adfuit, ordinatos fuisse. sed bonà venià tanti viri dictum sit: meminisse enim debuerat quid sub annum nongentesimum sexagesimum sextum scripserit, de misso in Poloniam, à Ioanne Decimo tertio Ægidio Episcopo Tusculano Cardinali, formatoque in Polonià Ecclesiastico statu, nosque ab eo ipso Ægidio in Polonià Episcopos ordinatos fuisse, suprà ostendimus. Sed nos auctoritate Sanctissimi Pontificis Gregorij Septimi, vrget Baronius, eiusdemque Pontificis literis probare nititur, Polonos & Ecclesiam Sarmaticam, seu Vandalicam, usque ad Annum Christi millesimum septuagesimum quartum, dignitate Metropolitica & Archiepiscopali caruisse. sed ipsum audiamus Baronium, de hac ipsa Dithamari narratione, suum iudicium adiiciente. Porro cum audis tot sacra munia exhibita ab Imperatore, scias malè ipsi ut auctori esse tributa, quæ legatus à latere cū eo missus, Archidiac. Cardinalis Sacræ Romanæ Ecclesiæ, suà auctoritate facienda curauit. Legati namque auctoritate factum oportuit, quod narrat

de Archiepiscopatu ibidem tunc erecto. Verùm an ista à Romano Pontifice probata fuerint, vehementer dubito: siquidem assertione Gregorij Septimi Romani Pōtificis, apparet vsque ad sua tempora, nondum fuisse institutam Sedem Archiepiscopalem in Poloniâ. Nam ipse scribens ad Boleslaum Ducē Poloniæ, cum Legatos illuc mittit, ad hoc ipsum agendum, hæc ait: Illud nobis primò attendendum est, quòd Episcopi terræ vestræ non habentes certum Metropolitanæ Sedis locum, nec sub aliquo positi magisterio, huc atque illuc pro suâ quisque ordinatione vagantes, ultra Regulas & decreta Sanctorum Patrum, liberi sunt, & absoluti. Deinde verò quòd inter tantam multitudinem, adeò pauci sunt Episcopi, & amplæ singulorum Parochiæ, ut in subiectis plebibus curam Episcopalis officij nullatenus exequi aut ritè administrare valeant. Pro his igitur, &c. Data est Epistola septimo Calendas Maij, Indictione decimatertiâ, anno Christi millesimo octuagesimo quarto. Hucusque Baronius.

Centum igitur & tredecim annis caruisse debebat Polonia Sede Archiepiscopali, & tam nobile Regnum fundatis iam amplissimis Episcopatibus, constitutâ & ordinatâ per Ægidium Tusculanum Episcopum Cardinalem Catholicâ Ecclesiâ, vigente & florente non solum fide, sed & pietate Catholicâ, ita vel à Summis Pontificibus, & ab ipso vigilantissimo Pastore Gregorio Septimo, cuius literæ decimo demum eius Pontificatus anno datæ referuntur; vel ab ipsis pijs tum & vigilantibus, in ipso susceptæ religionis primo fervore, Episcopis, curam Pastoralem neglectam fuisse quis credet? Series ipsa Archiepiscoporum Gnesnensium, qui quot fuerint, & quibus annis vixerint, eorum Catalogus Poloniam Archiepiscopo caruisse refellit. Duo, ut supra diximus, erant ab initio susceptæ religionis in Poloniâ fundati Archiepiscopi, Gnesnensis & Cracoviensis: ille quidem nunquam intermissâ eâ dignitate ad nostra vsque tempora, per tot successores, quos propè septingenti anni continuò suppeditarunt, retinet Sedem & præminentiam Metropolitancam; hic verò cum eadem etiam ab initio dignitate fulgeret, septem Archiepiscopos sibi inuicem succedentes habuit, quorum ultimus fuit Aaron ex Abbate Tinecensi, per Casimirum Primum Monachum ad Archiepiscopatum Cracoviensem promotus, & à Gregorio Sexto Romano Pontifice, anno Christi millesimo quadragesimo sexto confirmatus. Eius successor Lampertus Zula, primus non petito à Summo Pontifice Leone nouo pallio, dignitate Episcopali contentus fuit. Huic cum Stanislaus Episcopus, vitæ sanctitate & coronâ martyrij orbi Christiano notus, electione liberâ subrogatus esset, nec ille ob eximiam animi submissionem, intermisso ab antecessore suo titulo splendescere voluit. Gessit is Episcopatum Cracoviensem vsque ad annum millesimum septuagesimum nonum, magno & inuictò animo, ita munus pastorale obtens, ut ne Regi quidem Boleslao cognomento Audaci, parceret. Erat is Princeps bellicosus & victoriosus, sed turpibus & obscæ-

obscænis immerfus libidinibus, quo nomine cùm sapiùs à Stanislao Episcopo redargueretur, & ad extremum à cœtu fidelium remoueretur, in rabiem verius, eundem Sacris operantem, immani crudelitate, in frustra concidit. Quod quidem anno Gregorij Romani Pontificis septimo accidit, qui tanto impij Regis scelere commotus, & Poloniae vniuersæ Sacris interdixit, & Boleslaum Regem exauctorauit, executionemque edicti sui Petro Archiepiscopo Gnesneni, ac cæteris Episcopis demandauit. Cumque idem Pontifex videret Poloniam altero orbatam Archiepiscopo, hoc nomine literas suas ad Boleslaum (crediderim potiùs Vladislaum Hermanum successorem Boleslai à se Regno exuti) direxisse, eumque de restituendo Archiepiscopatu Cracouiensi monuisse, cùm eodem tempore, & eodem Pontifice Gnesnensis Ecclesia Petrum Archiepiscopum haberet. Habuit itaque Polonia semper Archiepiscopum, neque ostendi potest illum alio tempore, nisi sub initium susceptæ religionis, constitutum & ordinatum fuisse: immò verò manifestè apparet, ab Archiepiscopo Gnesneni Radimo, siue Radzino Diui Adalberti fratre, viro sancto, pio & religioso, atque in Vrbe Romanâ vnâ cum Sancto Adalberto educato, præsentè Ottone Imperatore & Archidiacono Sacræ Romanæ Ecclesiæ Cardinali, Summi Pontificis Syluestri Secundi auctoritate accedente, Boleslaum primum Poloniae Regem diademate Regio exornatum fuisse. Ad cuius rei confirmationem placuit hic inferere Epitaphium huius Regis Boleslai Chobrij, tumulo eius, quod adhuc Posnaniæ in Ecclesiâ Cathedrali visitur, vetustissimis literis & iam antiquitate arrosis scriptum, his vetustatem satis redolentibus, incomptis quidem, nec satis suis numeris constantibus, vt rude illud sæculum quiuis agnoscat versibus comprehensum.

Hic iacet in tumbâ, Princeps gloriosa columba:

Chobri tu es dictus, sis in auum benedictus:

Fonte sacro lotus, seruus Domini puta totus:

Præcogens comam septennij tempore Romam.

Tu possedisti velut Athleta Christi

Regnum Slauorum, Gothorum seu Polonorum,

Cæsar præcellens, à te Ducalia pellens.

Plurima dona sibi qua placuere tibi,

Huic detulisti, quia diuitias habuisti.

Inclyte Dux tibi laus Serenissime Boleslae,

Perfido Patre natus, sed credulâ Matre.

Vicisti terras faciens bellum quoque guerras:

Ob famam bonam, tibi contulit Otto coronam.

Propter luctamen, sit tibi salus. Amen.

Ex hoc vetusto Epitaphio animaduerte & disce Lector, olim hos qui

Epitaphium
Boleslai Chobri
primi Regis
Poloniae.

nunc Poloniæ Reges dicuntur , Slauonico & Gotthico fulsisse titulo, sed posteaquàm Gotthi hinc oriundi , sub varijs nominibus , vel Vandalarum vel Longobardorum , Bulgarorum , vel denique Gotthorum , in Italiâ, Hispaniâ, ac Africâ , noua Regna , nouaque condiderunt imperia, Poloniæ Principes , qui emissis tot nationum ad debellandum Romanum Imperium agminibus , in ipsâ vetustâ sede Regni Sarmatici, latè patentes ditiones suo continebant imperio , Polonos se dici maluisse, & sub hoc nomine, vetustam gentis Gotthicæ bellicam gloriam, & libertatem conseruasle, & quidem satis feliciter ; nam in ijs remotis regionibus , quas Gotthi olim & Vandali occuparunt , nomen, & lingua sermonis Gotthici penè extincta est , nullaque sanguinis nostri isthic extat memoria ; sed omnes hæ gentes in vetustam Hispanorum, Italorum & Gallorum appellationem transierunt , soli Poloni Vandalicam , Gotthicamque linguam retinent , & pristinae libertatis decus summâ cum laude tuentur. Suiones autem seu Sueones vetustus Sarmatiæ & Gotthiæ populus , qui vltra mare Balticum Septemtrionem versus sedem posuerunt, vnâ cum Dauis siue Dauunis, quod nomen Vandalicè antiquum sonat, vt & in Italiâ , quò Dauunus siue Saturnus ex Illyrico venisse fertur , & noui Regni posuisse initia , antiquior idem omnium Historicorum memoriâ celebratur, quos nunc Danos appellamus (hi quoque Gotthi fuerunt, & in illis locis vbi nunc Dacia est , proximas Danubio sedes tenuerunt) vnde illi Dauis inter Græcorum seruitia olim numerati , quorum illa vox ; *Dauus sum , non Oedipus* apud Terentium , vt & Gettæ à Gotthis initium habuerunt , longè imperium extenderant , sed successu temporis Nemetum linguâ (gens hæc fuit nota antiquissimis Historicis , ex quâ eos , qui nunc Teutones appellantur , traxisse originem argumento est, quòd omnes ij qui Vandalicè aut Slauonicè loquuntur, Teutones omnes Nemetes appellant) & moribus infecti , mistum Nemetico & Gotthico idiomati sermonem retinent , Gotthorum tamen & Vandalarum se esse stirpem, suorum Regum titulis testantur. Clarum est apud illos nomen Volodimiri (quasi tu dicas pacis potentis) Regis, qui primus Reges Suecis & Danis dedisse scribitur , cùm totam illam Insulam suo teneret imperio. Cæterorum quoque Regum nomina , si quis ea ad trutinam linguæ Gotthicæ expenderit , ex Vandalico sermone ea fluxisse comperiet. denique extant adhuc in Sueciâ monumenta linguæ Vandalicæ, quâ fasti

NOTA. sacri, paucis iam tantum rusticis noti, continentur. Cùm autem legis Epitaphij Boleslai quartum versiculum : *Præcens comam septennij tempore Romam* : eum vt intelligas , reuoca tibi in memoriam fuisse illo tempore moris , vt pij & Christiani Principes , depositis liberorum suorum comis , eos ad summum Ecclesiæ Catholicæ Præsidem in perpetui obsequij & piæ seruitutis signum mitterent ; id à Mieislao quoque Boleslai Parente fuisse factum, vt septimo nati sibi Boleslai filij anno, solenniter præcisam comam , Summo Pontifici Dono, eius nominis secundo offerret

offerret ac dedicaret; Chobri autem nomen illi inditum fuit à fortitudine quâ præstabat, quippe Chobri fortem, & strenuum in linguâ Gothica seu Slauonicâ significat. Sed ut ad institutum nostrum redeamus, si hos versus Baronius vidisset, haud dubiò quin antiquitatem ipsam miratus, nostræ accessisset sententiæ, & Bolellaum Chobrium auctoritate summi Pontificis, præsentis eius Legato Cardinali, ab Ottone tertio Imperatore, Coronam Regiam accepisse sibi persuaderi passus fuisset; interim ad Martialem Episcopum Plocensem, cuius vitam scribimus, reuertamur. Quicùm multa præclara in Episcopatu gessisset, ac Regis Bolellai Chobrij coronationi Gnesnæ interfuisset, quarto post eius actus celebritatem anno, Episcopatus verò sui vigesimo secundo, senio pariter & labore confectus, morbo item scabiei contracto, tandem anno Christi millesimo quinto piè obdormiuit in Domino, Benedicto Octauo Romanam Sedem tenente.

Obitus Martialis II in ordine Episcopi Plocensis Anno Christi 1005.

Martinus Episcopus Plocensis III.

Dutiùs nos & supra votum nostrum tenuit de iure in Poloniâ Coronæ Regiæ disceptatio, non incommodè nec sine fructu suscepta; ad dignitatem enim Sarmatici populi pertinere videbatur, magnis quibusdam Scriptoribus, sed rerum nostrarum ignaris, hunc ex animo eximere scrupulum, ne ampliùs ambigerent, cuius nomine Reges in Poloniâ regnare cœpissent. Martiali Episcopo Plocensi successit Martinus è nobilitate Gallicâ ortum ducens, sed Romæ educatus, & pietate imbutus. Hunc Apostolicâ Benedicti Octauæ Romani Pontificis auctoritate Episcopum ordinatum, & in Poloniam missum, læto animo excepit Plocensis Ecclesia. Eruditum hunc fuisse, & in iure Pontificio præclarè versatum imprimis constat, qui suscepto Episcopatu, in primis ad exemplum Martialis Prædecessoris sui, in omni Pastoralis functione obeunda, sese accommodare studuit, illius præclaras virtutes, piâ æmulatione ad se deriuare contendens. Nec absque digno Pontifice comitatu in Poloniam venerat; nam & multos pios & eruditos viros secum adduxerat, & complures Sacros Codices ac Canonicos secum detulerat, his vsurus ad confirmandos in fide populos sibi subiectos, cumque ipse religiosam & continentem duceret vitam, exemploque magis quàm verbo, & populum & Clerum ad pietatis studia formare eniteretur, nullâ re magis offendebatur & commouebatur, quàm si quæ vestigia in hominibus Sacro altari addictis, intemperantiæ & libidinis comperisset, castus ipse & castitatis rigidus exactor. Sacerdotes labe turpitudinis maculatos, non salutare verbi Dei pharmacum pectoribus hominum illaturos, sed turpitudinis sordibus tanquam certo veneno polluturos, ac propè necaturos existimabat. Quamobrem Presbyteros flore continentiae conspicuos, eximio prosequeretur amore, eorumque ita singularem gerebat curam, ut ad

Obitus Mar-
tini III. in
Ordine Epi-
scopi Plocen-
sis, Anno
Christi 1024.

necessitates eorum releuandas vniuersam substantiam Episcopalem piâ liberalitate partiretur. Denique cùm in Cathedrâ Plocensi decem & octo annos expleisset, febre quartanâ propè integro anno debilitatus, condito testamento, & libris quos ex Italia secum aduexerat Ecclesiæ Plocensi donatis, anno restitutæ humanæ salutis millesimo vigesimo quarto, Ioanne Decimonono Pontificatum Romanum tenente, in Poloniâ verò Miecillao Boleslai Chobrij filio regnante, vitam mortalem cum immortali cōmutauit gloriâ, & in Plocensi Ecclesiâ honorem sepulchri accepit.

Albinus Episcopus Plocensis IV.

AD Italicum iterum, eundemque Romanum res Plocensis redijt, namque Ioannes Decimusnonus Pontifex, Miecillao Poloniæ Rege petente, Albinum nobilem Romanum, Decretorum Doctorem, & Ecclesiæ Sancti Petri de Vrbe Canonicum, mortuo Martino, Episcopum Plocensem renunciat, virum sanè eruditum, & iam satis maturum ætatisque prouectioris. Hic posteaquàm de mandato Pontificis per Cardinalem Ostiensem Romæ consecratus fuit, atque delati ad se Episcopatus curam suscepit, nihil antiquius habuit, quàm vt se Sponsæ suæ præsentem exhiberet. Exculti iam erant mores & ingenia gentis Poloniæ, neque vlla extabant vestigia veteris barbariei; expertus est id magnâ suâ lætitiâ Albinus Episcopus, namque ei fines Diocesis suæ ingredienti, ita & ab Ecclesiastico, & ab Equestri ordine obuiam itum est, vt, quod dicitur, propè omnium manibus exciperetur. Prælati & Canonici numero satis amplo, veluti magnæ alicuius Reipublicæ Senatus, aduenientis sui Episcopi latus cingebant; magna etiam pars nobilitatis non mediocriter à literis latinis instructa fuit, studio potissimum Martialis & Martini, vt iam Albino Episcopatum ineunti, latinâ linguâ ferè cum præcipuis quibusque agendum loquendumque fuerit. Quâ re exhilaratus, tantò magis incumbendum sibi putauit, vt quæ ex prisco inanium Deorum cultu remanebant sordes, eas doctrinâ, & moribus suis elueret, atque ad pietatem Christianam conformaret. Hærebat adhuc in pectoribus quorundam memoria eorum, qui Dæmonibus auctoribus freti, artes lege Diuinâ vetitas exercuerant, aliosque vel pollicitatione falsæ vtilitatis, vel terrore denunciati periculi, si maleficis creditum non fuisset, terrebant. Ad hanc pestem funditus eradicandam omnes machinas admouit Albinus Episcopus, effecitque, vt Ministri diaboli fateri cogerentur, potentiores esse vires fidem Catholicam prædicantium, quàm totius infernæ potestatis; non erat grauis labor Albino, quem suscepit in excolendâ vineâ Domini, & dum vires suppetebant, tantum fecit quantum potuit; eodem tamen labore & senio, frequentique ægritudine quæ inde augebatur confectus, ad æterna laboris sui præmia, Deo vitæ auctore iubente, euocatus est, cùm in sede Cathedræ Plocensis annis sexdecim sedisset.

Obijt

Obijt Plociæ anno Domini millesimo, quadagesimo primo, & in templo Cathedrali Plocensi sepultus, cum eo tempore Benedictus Nonus Sedem Romanam regeret, ac Henricus tertius Occidentali, Michael quartus Orientali imperio præflet, ac Casimirus cognomento Monachus, è Cluniacensi monasterio, in quo religiosam vitam professus fuerat, eodem Benedicto Nono annuente, sacrisque illum votis solvente euocatus, Miecislai Regis filius, ex Rixâ Hezonis Palatini Rheni filiâ, ac Ottonis tertij Imperatoris ex sorore germanâ Malthilde nepte natus, Regium decus in Polonia hoc eodem anno susceptum præclare tueretur. Hic ille est, ad quem redimendum censu Ecclesiastico, quem nummum Sancti Petri appellamus, vniuersa Polonia Sedi Apostolicæ se in perpetuum obstrinxit, ac ut tum latè Regni patuit imperium, omnes Regni ditiones (qualis fuit ea pars Poloniæ quæ nunc Silesia appellatur, Magna Lusatia, Marchia Brandeburgensis, & Pomerania, & Prussiæ ea pars, quæ sacris Christianis iam imbuta fuerat) hoc pium & religiosum onus susceptum, multis sæculis deinceps libentissimè tolerarunt, donec perfidia hæretica hoc ipsum aboleret.

Obitus Albinus IV. in ordine Episcopatus Plocensis, Anno Christi 1041.

Casimirus i. e. Monacho Rex factus.

Nummus S. Petri à Poloniis Sedi Apostolicæ solus consuetus.

Paschalis Episcopus Plocensis V.

Hic quoque genere Italus fuit Hetruscus natione, genere nobilis, sed sanctitate & morum probitate longè nobilior. Pius erat & pietatis studiosus Casimirus Rex, nec dispendium curæ animarum facillè admittebat. Itaque simul atque Albinus è vitâ cessit, per literas, & nuncios Benedictum Papam Nonum flagitauit, ne diutiùs Sedem Plocensem vacare, & Pastore carere pateretur. Paruit hic, atque obsecutus est precibus pij Principis, huncque ipsum Paschalem ob morum suauitatem, mansuetudinem, modestiam, & pudicitiam cunctis acceptum, ac imprimis Papæ ipsi & Cardinalibus optimè notum, & commendatum, maiori etiam in ipsâ Vrbe dignitate, si diutiùs ibi substitisset augendum, inauguratum Episcopum Plociam ire iussit. Exceptus is est summâ Regis Casimiri beneuolentiâ, tum quòd ab Vrbe pietatis magistrâ, huc missus veniret, tum quòd honestate morum, & integritate vitæ, non solùm Regis, verùm etiam & Procerum omnium amorem & studia sibi conciliare optimè nosset. Res tum in Diocesi Plocensi valdè turbatæ erant, namque Casimiri iuuenis & pij Principis, Maslaus quidam è Procerum numero aspernatus imperium, Masouiam vniuersam, aduocatis in auxilium Prussis, sui iuris fecerat. Vi & armis coercendus erat; quod quidem præclare à Casimiro Rege præstitum ac effectum est, victusque Maslaus à socijs conspiracy in patibulum actus futuris Principum desertoribus exemplo est, ne datam fidem frangant, nevé altiùs conscendere contendant. Eo bello durante, fieri non potuit, quin Paschalis multas iniurias, bona Ecclesiæ Plocensis ingentia damna acceperint, quæ tamen libera-

litate Casimiri Regis, constituto Reipublicæ statu, & deuictis hostibus, refarcita fuere. Palam quidem iam in Diœcesi Plocensi cultus Diuinus vigeat, cauere tamen vix potuit, ut aliquæ clandestinæ superstitiones non exercerentur; ad hoc lolum extirpandum, sordesque ex animis iam Christo consecratorum hominum eximendas, summo studio incubuit Paschalis Episcopus, & non contentus falce spiritali, & Diuini verbi securi, gladium quoque sæcularem, & Casimiri pij Principis fauorem, contra tales superstitiosos homines, in subsidium aduocauit. Agrestes homines & agro colendo intenti, facile parebant monitis optimi Antistitis; nobiles & milites Regijs edictis armisque coërcendi erant. Sic tandem pestiferum virus à stirpe euulsum, & sincerus religionis cultus firmatus, auctore Paschali Episcopo. In quo præter iram fortasse, quod reprehendas, non reperias, (quam ratione moderatam virtutis cotem esse, viri docti existimarunt) hac ille commoueri solebat, non tamen ut affectui suo indulgeret, sed ut vitijs se infensum esse ostenderet. Sex & viginti annos Paschalis Plocensem rexit Ecclesiam, anno Christi millesimo sexagesimo septimo, debita in coelis præmia suscepturus, vitam cum morte commutauit, corpus vitæ cassum Plocensis tenet Ecclesia. Et ut tempora vitæ ipsius certioribus notis consignata habeantur, dum ille è vitâ excederet, Alexander Secundus Romæ sedit, Henricus Quartus Occidentale, Constantinus Duca Orientale rexit imperium, Boleslaus audax sceptrum Poloniae tenuit.

Obitus Paschalis V. in ordine Episcoporum Plocensis, Anno Christi, 1067.

Marcus Episcopus Plocensis VI.

V Sa est hætenus Ecclesia Plocensis Episcoporum ex Italiâ, & Galliâ accitorum magisterio, nondum enim centum & septem annorum decursu in eam excreuerat magnitudinem, ut se per se tueri, ac domitis viris suam salutem concedere posset. Quare Paschali defuncto, auctore Boleslao Secundo Poloniae Rege, Romæ, & à Summo Pontifice dare sibi Præsulem amplissima Plocensis Diœcesis postulauit. Annuuit optimus Pontifex Alexander Secundus votis & desiderijs Plocensium, lectumque ex domesticâ suâ familiâ Marcum Camerae suæ Clericum, virum pietate & eruditione præstantem, humanioribus literis, & altioribus scientijs singulariter excultum, sibi totique Curiae Romanae gratum, & acceptum, atque à se Episcopum consecratum, in Poloniam Plocensibus misit. Latium quoque huic Patria fuit, natus in Lucanis, non ignobili generis ortu, & penè à puero pietati addictus. Ut autem non sine suppellectili Ecclesiasticâ in Poloniam veniret, ac Sponsæ suæ dotem adferret, libros multos, Diuinæ Scripturæ & sacrorum Canonum scita continentes, secum aduexit, Bibliothecamque Ecclesiae Plocensis tanto beneficio exornauit & auxit. Lætæ sanè & prospera initia Episcopatus sui habuit: lætabatur vir pius, & zelo cultus Diuini propagandi incensus, in tan-

tantum iam curâ & solitudine Decessorum suorum excreuisse in agro Plocensi pietatem, ut vix iam aliqua vestigia extare viderentur spurcitiarum & superstitionum veteris impietatis, & culturæ Dæmonum. Exculta quoque Polonorum vnus Dei notitiâ; & religionis Orthodoxæ amore pectora, ac latè longeque propagata Christiana fides, non poterant nili magnam ei adferre lætitiâ, quippe qui idem optaret, idem speraret, eò toto animo ferretur, ut Deus ab omnibus cognosceretur, ab omnibus glorificaretur. Impendit is quoque Episcopus multum operæ, ut Polonici idiomatis vsum aliquem sibi acquireret, multumque cum naturâ & difficultate linguæ luctatus, tandem tantum magno labore consecutus est, ut priuatim in audiendis sacris confessionibus, & in consilijs pietatis dandis, ore & opere suo, pastoralis cura defungi posset; in Diocesi suâ visitanda, in Cleri moribus ad purioris regulæ normam formandis, sedulus & assiduus versabatur; ut plebs vsu sacratissimorum Sacramentorum aleretur, ut Sacerdotes ad excipiendas Confessiones, sacramque Eucharistiam distribuendam, ad Baptismum infantium, pijs & idonei præstò essent, omni curâ providebat. Boleslaum Secundum Regem tum Polonia habuit. Pronepos is fuit Boleslai primi, Rex coronatus numero quartus, Audacis nomen promptus ad quævis bellica pericula subeunda animus illi pepererat. Quod si sola bella gessisset, magnum & victoriosum Principem habuisset Polonia; sed ille victor hostium, victus à delicijs & illecebris Russicarum mulierum, turpi & obscenæ libidini succubuit, vniuersus quoque exercitus eodem intemperantiæ reti veluti captus, ij quoque qui sacri matrimonij legibus tenebantur, quique castis & pudicis vxoribus domi relictis in Regijs castris erant, obliti officij sui, in alienarum mulierum amplexus ruebant. Hinc ingens perniciēs & penè excidium totius Regni consecutum est. Marcus Episcopus Plocensis, haud dubio ut erat pius, summo dolore Regis magni lapsu afficiebatur: sed quid faceret externus homo, & ad quem multorum opinionione ea res minùs pertinere existimaretur? omnium Episcoporum oculi in Petrum Archiepiscopum Gnesnensem verserant, hunc vltorem Regiarum libidinum omnes poscebant, sed nec ille tantum habuit animi, ut Audacem Regem Ecclesiasticâ disciplinâ coercere auderet. Stanislaus Scepanouius Episcopus Cracouiensis, gemma Sacerdotum, castitatis exemplar, rectè gerendi Episcopatus magister & dux, in se ipsum seuerus, erga omnes benignus, animi magnitudine, quam in eo generis quoque & nobilitatis splendor augebat, totque virtutibus fretus, pro gloriâ Dei murum se contra furentem Regis audaciam opposuit; monebat, orabat, obsecrabatque sæpiùs Regem, ut cum licitis vti posset delicijs, ab illicitis & obscenis abstinere; cumque leuioribus monitis nihil omnino proficeret, imò Regem acriùs obiurgatum, adhibitis etiam secundum præscriptum Christi aliquot viris pijs, furere cædemque minari videret, frustra monitum anathematis Ecclesiastico gladio illum percellit: vetat

sacra

Boleslaus
Audax IV. in
ordine Rex
coronatus
Poloniæ belli-
cosissimus

ad illecebras
& obscenas
libidines pro-
lapsus.

*D. Stanislaus
Episcopum
suum Sacris
operantem
ad Altare ob-
truncat.*

sacra fieri in totâ Vrbe Cracouiensi vbi Rex morabatur , quo ille conui-
cio populi, qui sacris arcebat , ad meliorem mentem reuocari posset.
Exarsit impio furore sceleratus Princeps , ac Stanislaum in priuato Diui
Michaelis Archangeli facello, secreto Sacris operantem , immisissis satel-
litibus suis cædi iubet : frustra strinxere gladios impij carnifices : nam
cum nondum sacrificium Præsul finiret , ter conati sacrum ferire caput,
toties retroacti & quasi prostrati ceciderunt ; accurrit & Rex ipse , Epi-
scopumque benedictionem sacram etiam hostibus suis impertientem,
ferinâ actus rabie obtruncat gladio, & in frustra concisum (martyrij lau-
reâ, Deo æterno munerario coronandum sanctum Martyrem) coruis ca-
nibusque prædam insepultum relinquit. Hoc Regis facinore vulgato;
cùm ad Urbem ipsam eius fama peruenisset, à Gregorio Septimo Roma-
no Pontifice , vniuersæ Poloniæ sacris interdicitur , atque Rex Boleslaus
& eius successores, iure Coronæ priuantur , executio decretarum pœna-
rum Archiepiscopo Gnesnensi, & cæteris Poloniæ Episcopis manda-
tur; Rex Boleslaus inuisus cunctis , & furijs conscientiaque, effusi innoxij
sanguinis , in præceptus actus Regno excedit ; sed beneficio Dei , & Mar-
tyris, vt credibile est, non ultionem sed misericordiam exposcentis inter-
cessione ad se reuersus , depositis Regalibus insignijs, ignotus ignoratus-
que cunctis, æterno Monasterij arctioris obseruantia carceri se includit,
& vilibus ministerijs coquinæ Monachorum instruendæ addicit. sic ex-
piatus in Monasterio dicto Osiach, quod in Carintiâ situm est, piâ mor-
te extinctus est , & à Monachis tumulo cum illo titulo illatus : HIC IAC-
CET REX BOLESLAUS POLONIÆ, OCCISOR SANCTI STANISLAI
EPISCOPI CRACOVIENSIS. nam paucis ante mortem diebus , & ge-
nus & causam pœnitentiæ, Sacerdoti cui peccata confitebatur , aperuit.
Hæc quidem scribenti mihi venit in mentem , non satis prospero omi-
ne , prætermisâ Sedis Apostolicæ auctoritate , ab Ottone tertio Coro-
nâ Regiâ Reges Poloniæ exornatos fuisse. Per annos septuaginta octo,
quatuor Reges regnarunt , Boleslaus quidem Rex primus coronatus,
multum decoris, & incrementi Poloniæ adiecit , sed eius filius Teuto-
nicæ coniugis Rixæ , muliebri imperio obnoxius , vixit penè inglorius,
inuidiamque malè gesti Regni , & vxoriæ ambitionis ad posteros trans-
misit: huius quoque filius, siue pulsus, siue sponte matre Rixâ malè erga
Poloniam affectâ volente è Poloniâ excedens , puer adhuc orbam Rege
Patriam per aliquot annos deseruit, ac religiosam in Cluniacensi Mona-
sterio vitam professus , spem quoque prolis Regiæ abscidisse videbatur.
Eo absente turbatæ in Poloniâ res , partim Procerum discordiâ , partim
vicinorum ambitione in pessum ibant, laceratum Regnum, multæ amif-
sæ Prouinciæ , extremi periculi metus coëgit Polonos , vt Casimirum
quæsitum mitterent : inuitus penè is & non nisi Summo Pontifice Be-
nedicto Nono iubente , Monasterio se extrahi passus est , & Regno sus-
cepto ; multisque præclarè rebus gestis , pietatem , quâ sub Monasticâ
disciplinâ

disciplinâ imbutus fuerat, semper retinuit, felix omnino Rex, nisi ex eo Boleslaus Audax natus esset. Sic decus regium non à solo tantum, ut debuit, summo religionis Christianæ Præde, sed ab Ottone quoque Imperatore, cuius auus, & pater, plurimum iuris sibi in Sedem Apostolicam arrogauerat profectum, diu durare non potuit, & ob impietatem Boleslai Regis, cæsumque Sanctum Stanislaum, in tot penè partes, in quot Martyris corpus sacrum diuisum fuit, regnum diuisum, multisque Prouincijs truncatum, magno nostro dolore cernimus. Quomodo autem posteriori tempore, annis propè ducentis quinquaginta exactis, beneficio Summi Põtificis Ioannis Vigésimi primi, Regnum Poloniæ re-integratum fuerit, alibi à nobis dicendum erit. Caterum Marcus Episcopus Plocensis, cum nouemdecim annos in Episcopatu exegisset, ætate ac laboribus, morbisque confectus, anno Christi millesimo octuagesimo septimo, piè, pijs operibus plenus cessit è vitâ, in Ecclesiâ Plocensi, quam bibliothecâ instruxerat, sepultus, Vladislao Hermano iam non Rege, sed Monarchâ res Poloniæ moderante, cum eodem tempore Henricus Quartus in Occidentali, Alexius Comenus in Orientali imperio summæ rei præessent.

*Obitus Mart-
ci VI. in or-
dine Episcopi
Plocensis An.
Christi 1078.*

Stephanus Episcopus Plocensis VII.

HActenûs Ecclesia Plocensis contenta fuit Episcopis ab Vrbe religionis Orthodoxæ magistrâ petitis, neque nos etiam nunc pænitet, tales præfuisse Cathedræ nostræ, qui vitæ sanctitate, & eruditione, summâ cum laude præluxerunt futuris successoribus, manent etiam nunc tantorum virorum pietatis, propagandæ religionis studij, erudiendi rudioris populi, imbuendæ nobilis iuuentutis artibus liberalibus, exornandarum Ecclesiarum vestigia, neque vnquam deterentur, etiamsi tot qui illis successerunt piâ imitatione toties ea triuerint: vno verbo dicam, sex primis Diœcesis Plocensis Episcopatus fundatoribus, quidquid dignitatis, quidquid opum habet Ecclesia Plocensis debet; viuat in æterna memoriâ nomen Apostolicorum virorum, quos Sedes Apostolica huc destinauit, Roma aluit, Polonia ut patrones & suæ salutis auctores colit ac veneratur. Non tædebat Maiores nostros eiusmodi sacræ doctrinæ Magistrorum, etiamsi externi & longè petiti essent. Nec Marco Episcopo Plocensi vitâ funèto existimandum est, Prælatos, & Canonicos Ecclesiæ Plocensis, ambitione aliquâ ductos, ad electionem eius, qui natione Polonus esset, animos adieciisse. Creuerant iam educati, sub paternâ curâ Italicorum Episcoporum, magno numero aucti erant, & cum sese mutuo circumspicerent, faciliè animaduertebant & iudicabant, non deesse Sacerdotes iudicio maturos, vitæ probitate notos, eruditione præstantes, qui munus Episcopale ritè, & ex dignitate gerere possent: maxime autem eo loco dignus visus est Stephanus Præpositus Plocensis, ut quem

quem iam dudum priorem fortuna cæteris Canonicis fecerat , is idem veluti ad Episcopatum facto gradu , concordibus omnium Canonico-
rum sententijs, anno Christi millesimo octuagesimo octauo, in defun-
cti Marci locum liberâ electione subrogaretur. Non temerè suspicaba-
tur Clerus Plocensis , Vrbanum Secundum Pontificem Maximum , eâ
electione commotum iri , neque permissurum , vt cum antea simplici
Romanorum Pontificum prouisione , Episcopi Plocensibus darentur,
deinceps ad Capitulum Plocense potestas eligendi Episcopos transfer-
retur. Itaque ad Vladislaum cognomento Hermanum, post abrogatum
Polonis ius Regium , primum Poloniae Monarcham confugiunt , eius
opem implorant , suam vt apud Sedem Apostolicam auctoritatem in-
terponat, efficiatque , vt ad normam aliarum Cathedralium Ecclesiarû,
quæ liberis suffragijs electos Episcopos habent, Ecclesia Plocensis impo-
sterum componatur , iusque eligendi Episcopi , & Summo Pontifici ad
confirmandum offerendi , Capitulo Plocensi in perpetuum ratum sit.
Promouit eam electionem Vladislaus Princeps, non solum literis, sed &
nuncijs missis ad Vrbanum Papam , idque iteratis vicibus ; nam Sum-
mus Pontifex, ad primam famam factæ electionis , ægrè ferre videbatur
ius Sedis Apostolicæ sibi eripi: cæterum cum eo tempore bellum sacrum
contra Saracenos à Victore tertio , qui vno tantum anno Sedi Romanæ
præfuit , indictum & coeptum , magno conatu vrgeret , iamque eo au-
ctore, Godefredo Bullionio duce , in Syriam exercitus duceretur , mul-
tum, vt alijs Christianis Principibus, ita & Poloniae Monarchæ , quo eos
in societatem belli sacri alliceret , indulgendum illi erat. Quamobrem
serius aliquantò quàm oportebat petitioni Cleri Plocensis annuit, ac Ste-
phanum Polonum Episcopum Plocensem electum , confirmauit, re-
nunciavitque. Nobili genere is fuisse ortus creditur , ignoratur tamen
quo insigni nobilitatis, quove stemmate censeretur; modesti mores , &
quod vitæ castæ & pudicæ esset , magis quàm excellens aliqua doctrina,
hoc decus illi pepererant : quanquam nec doctrina ea deerat , quæ ad
gerendum Episcopatum requiritur : negotiorum verò publicorum tra-
ctandorum inprimis peritus habebatur , animi verò eâ magnitudine
fuit , vt non solum hæc , quæ ad Ecclesiasticam functionem pertinent,
exequeretur, verum etiam in publicis Regni consilijs, optimæ , & salu-
taris sententiæ auctor esset. Is cum Patriæ magno amore teneretur , di-
gnitatemque nominis Poloni auctam vellet, primus durum olim iugum
seruitutis, quo nobilitas Polona ad nutum imperiumque Principum ob-
stricta erat , eoque quasi vineta tenebatur, demere orsus est, idque sum-
mâ curâ, cæteris etiam adnitentibus Proceribus Regni obtinuit , vt cum
olim soli Episcopi Senatoriâ dignitate fulgerent, pauci que alij ad id mu-
nus arbitrio Regum adsciscerentur, deinceps per omnes districtus & re-
giones , Senatores Maiores & Minores, qui & in Prouincijs ius dicerent,
& Regi iudicanti, ne omnia suo arbitrato faceret , quasi libertatis custo-
des,

des, & conseruatores adhiberentur, præstoque essent. Namque ut alia, quæ à Boleslao Audace contra Nobilitatem Polonam crudeliter gesta erant, sic vel maximè rabiosa cædes, quæ idem Rex Sanctissimum Episcopum Cracouiensem Stanislaum immaniter occiderat, admonuerat Polonos, ut Principum suorum deinceps manus arctius stringerent, ne ipsi solâ libidine, sed legibus etiam ac Senatorum adscitis consilijs, imperium exercerent, cuius malè gesti in publico Regni Comitio, ratio aliquando illis reddenda esset. Cæterum Stephanus Episcopus Plocensis, conciliato sibi & generis splendore, & tantâ libertatis tuendæ atque augendæ curâ omnium Polonorum amore, gestoque magnâ virtutis & pietatis existimatione Episcopatu, calculi dolore, quo frequenter vexabatur, extinctus est Anno Christi millesimo nonagesimo nono, tenuit Plocensem Sedem annis undecim, & in eadem Ecclesiâ sepulturam accepit. Hoc eodem anno quo Stephanus Episcopus Plocensis mortuus est, exercitus Christianorum Duce Godefredo Bullionio, Hierosolyma die septimâ Iulij obsessâ, die decimâ quintâ Iulij, qui in sextanâ hebdomadæ feriam inciderat, cælis Mahometanis, per vim capta & recepta est, ac Godefredus Primus Rex Hierosolymitanus renunciatus, cum Henricus quartus Imperator Romanorum omnes Pontifices, orsus à Gregorio septimo, usque ad Paschalem secundum, impijs premeret armis, immemor quod puer quinque annorum à patre relictus, beneficio Victoris Secundi, cui pater illum moriens commendauerat, Regnum Germaniæ adeptus esset.

Obitus Stephanus in ordine VII. Episcopi Plocensis natione Poloni Anno Christi 1099.

Philippus Episcopus Plocensis VIII.

CREuerant animi Plocensis Cleri, & ad eligendum alterum è numero sui, studia voluntateque eorum incitate erant; videbant enim Stephanum, à se ex gente Polonâ primum lectum, non solum decus summum præclare gesto Episcopatu sibi & Ecclesiæ Plocensi promeruisse; verum etiam id præclaris suis conatibus consecutum, ut neminem panitere posset ad Polonum, & in Poloniâ natum, tantæ dignitatis decus, quod hætenus in potestate Summi Pontificis, & manibus ab eo ablegatorum Episcoporum erat, delatum esse. Itaque Comitij nouæ electionis, ad diem festum Beatissimæ Virginis Mariæ Assumptæ in cælum indiētis, secretis votis, per viam quod aiunt Scrutinij, omnes vnanimi consensu Philippum Decanum Plocensem Episcopum esse iubent, & ritè electum pronunciant. Nobilis hic quoque gente & genere fuit, familiâ eâ ortus quæ gentilitium stemma Doliuam habet, vir consilio & æuo maturus, tractandorum tam Ecclesiasticorum, quàm etiam politicorum negotiorum experiētiâ, quam longo rerum vlu sibi comparauerat, præitans. Hanc electionem non solum ratam habuit Vladislaus Princeps & Monarcha Poloniæ, verum etiam ipsdem Plocensis Ecclesiæ

clesiæ Prælati & Canonicis petentibus à Summo Romano Pontifice Paschali Secundo, ut eam auctoritate Apostolicâ confirmaret, electumque & confirmatum Episcopum Philippum ab Archiepiscopo Gnelnensi Martino consecrari iuberet, obtinuit. Anno igitur Christi millesimo centesimo suscepto Episcopatu Plocensi Philippus, præter alias muneris sui functiones, quas summâ cum laude obibat, totum se impendit pijs operibus, & sacris in pauperes largitionibus, pupillorum & viduarum tutor, egenorum patronus & benefactor, omniumque aliquâ necessitate pressorum defensor, virtutum amator, vitiorum hostis, piâ hospitalitatem in excipiendis peregrinis non solum ipse exercuit, sed etiam eius exercendæ alijs auctor & dux fuit. Mirum dictu, sed non noua hæc sunt pietatis incrementa, dum ille pauperes alit & vestit, dum hospites & peregrinos libenter excipit, & liberaliter fouet, dum nullum sumptum, nullum laborem in tuendis pupillis & viduis subterfugit: opes facultatesque eius tantò magis crescebant atque augebatur: diceres Deum, cui grata est in pauperes pietas, pietate & liberalitate cum Philippo Episcopo certasse. Milites quoque & nobiles vniuersi, ad exemplum Pontificis eodem pietatis studio flagrare cœperunt. Sed Philippus exactis in Pontificatu septem annis, febris tertianâ quam vno anno pertulit, ordinatâ domo suâ, sacrisque Sacramentis ritè munitus, Anno Domini millesimo centesimo septimo, vitâ mortali perfunctus, ad cœlestem euolauit, Paschali Pontifice Romanam Sedem gubernante, Boleslao verò Criuoustio iuvene admodum res Polonicas moderante.

Obitus Philippi VIII. in ordine Episcoporum Plocensis genere Nobilis de armis Dolsua, Anno Christi 1107.

Simon Gozdaua Episcopus Plocensis IX.

Philippo Episcopo vitâ functo, non erat necessaria diuturna deliberatio, quæ mentes & studia Prælatorum & Canonicorum Plocensium, quem electuri essent distraheret: nam Simonis Archidiaconi Plocensis eximie virtutes, pietate, & eruditione ornatae, facile omnium delideria ad renunciandum eum Episcopum ad se traxerunt. Diu ille luctatus, & reluctatus studijs hominum honorem eum sibi deferentium, loci tam excelsi dignitatem æstimans, de se verò quasi hoc loco minùs dignus esset submissè iudicans: sed quantò magis ille honorem à se depellebat, tantò plus studia hominum incitabantur, ad eum exornandum eâ dignitate: victus tandem precibus omnium, cessit & ipse non tam hominum, quàm Diuinæ voluntati. Erat hic Simon singulari præditus prudentiâ, modestiâ, & doctrinâ ita ab ineunte ætate creuerat, ut in adolescente adhuc, maturi iam & graues resplenderent mores. Nobilis erat, & nobili genere ex eâ familiâ quæ Gozdauam insigne gentilitium gerit, ortum ducens, & ut ea tempora ferebant, diuinis humanisque literis præclarè instructus. Grata fuit Boleslao Criuoustio Monarchæ Poloniæ, tam præclari viri ad Episcopatum Plocensem promotio; quare eam ratam habuit, patrociniūque suum electo detulit. Præerat tum

Sedi

Sedi Romanę Paschalis secundus Pontifex, cui susceptum adhuc ab Henrico quarto Romanorum Rege, contra antecessorem suum Gregorium septimum, cum eodem Imperatore ingens certamen erat: iura Ecclesię tuebantur Summi Pontifices, quę Imperator ut oppugnaret & expugnaret, iterum atque iterum excitatis Schismaticis Antipapis, turbare rem Ecclesiasticam nitebatur. Itaque eo auctore hoc etiam tempore mortuo Guiberto, qui Clemens dici voluit, operā eiusdem Henrici Imperatoris, tres alij successivē Pseudo-pontifices, Albertus, Theodoricus, & Magnulfus, inane Pontificium nomen sibi arrogarunt. Pericula denique itinerum ubique fuisse, atque omnes vias quibus Roma adiri possit, ab Imperatore obsessas, scribit Dominico illorum temporum Poëta. Atque viam Domini Petri faciebat hic hostis (Henricum Imperatorem intelligit) custodire viros, spoliare iubens peregrinos. His itinerum difficultatibus, & Schismate Ecclesiā Dei distractā, factum crediderim, ut Simon Episcopus Plocensis, non à Romano Pontifice, sed ab Archiepiscopo Gnesnensi Martino confirmari ac consecrari voluerit, Anno Christi millesimo centesimo octavo. Regnabat in Poloniā tum, ut suprà diximus, Boleslaus Criuoustius, Princeps acer & bellicosus, cui ingentium bellorum Zbigneus ex concubina a Vladislao Hermano susceptus, occasionem præbuit: namque is à patre certis Provincijs donatus, indignè tamen spurius & nothus tulit, legitimè natum Principem, summo cum imperio, ita ut decuerat, à patre renunciatum fuisse. Itaque motis armis, cū ea parum succederent, Zbigneus sapius victus, ad extremum exilio mulctatus, ad Henrici Imperatoris opem, & auxilium confugit. Latus ille hac occasione, quasi eā ratione Poloniam imperio esset subiugaturus, bellum Polonię & Boleslao intulit, sed eo demum exitu, ut commisso ad Vratislaviam prælio, acceptā ingenti clade, vix Imperator ipse saluus evaserit: campus, ubi pugnatum est plenus cadauerum, acerbum & miserabile spectaculum exhibebat, ac nostri quidem qui eo prælio ceciderant, curā victorum conquesti & sepulti sunt, hostes insepultri, & à suis deserti, canibus & volucris esca iacuere. Inde cū eò tanta vis canum convenisset, ut difficilem transitum paucis iter facientibus præberet, Caninus campus à Polonis & Germanis locus ille dictus est, & in hodiernum usque diem, utraque linguā nomen hoc is qui ibi est vicus retinet; abest autem vno à Vratislaviā milliari. Sed Simon Episcopus, quā vitę puritate, dum priuatus esset, enitebat, eā renunciatus Pontifex quasi candelæ in candelabro posita, in cunctos lucis suę radios spargebat, ieiunijs & orationibus intentus, in templo sedulus, mediā nocte ad preces Matutinas in choro cum cæteris Sacerdotibus absoluendas surgebat, sacroque officio dum in templo caneretur, quod & ipse per se quotidianis sacrificijs obibat, præsens semper aderat. Non me pigebit verbis Vincentij Kadlubconis de Karnowo Episcopi Cracouienlis, à Dlugosso rela-

tis sanctitatem huius Episcopi quâ excelluit hâc inferere. Sic igitur habet
 Dlugossus: Huius etiam Pontificis Simonis quanta probitas fuerit, Vin-
 centius Kadlubconis de Karnowo Episcopus Cracouiensis, in Chronicâ
 suâ, quam de Polonorum gestis disertis stylo contexuit, meminit ita scri-
 bens: Zelus nimirum domus Dei aureo inscribendus calamo, Simonem,
 & Alexandrum Plocenses Antistites armauerat, qui utrosque hostes, per-
 uigili solertiâ, studiosissimè ab arce Diuinâ arcere satagebât. Item in sub-
 sequentibus. Magnus quidem Alexander Episcopus Plocensis, sed ma-
 ior, ut video, Simon Alexandro, (Alexander iste successor Simonis in E-
 piscopatu Plocensi) qui Patriarchæ, & legislatoris Moyse, animando
 Polonos contra barbaros ad prælium, & pro illis feruenter prius assidue,
 donec vniuersus profligatus esset hostis, orando, in se virtutem expressit.
 Et post pauca. Adest Pontifex Simon institis & infulis Pontificalium insi-
 gnis, non tam luctu, quàm precum & suffragiorum deuotione, miserabile
 spectaculum profecutus, qui eminens exclamat: In vno tantum filioli spes
 est vincendi, non in multis victoriæ, nec mortis metuendum est discrimen,
 maximè cum pro salute agitur proximorum, quia mors corporis hominem
 non extinguit, sed ad præmium virtutis admittit. Quo dicto suos pugnæ,
 sese orationi committit, nec cessat donec omnis illa prædonum curiositas
 succumbit, paucis admodum fugâ elapsis. hæc Dlugossus. Quod autem, &
 quale id prælium fuerit, ex Martino Cromero accipe. Excurrebant Prussi,
 & Pomerani prædabundi in Masouiam, vastatisque raptim agris & pagis
 permultis, celeriter se cum prædâ domum recipiebant. Præerat tunc Masouie
 Magnus Comes, quæ à Vratislaviensi præfecturâ amotum fuisse, superius
 in Vladislao exposuimus. Is tumultuariâ manu factâ, reuertentes barbaros
 persecutus, & primâ luce inopinantes, & post populationis laborem largio-
 resque ex prædâ epulas, altum dormientes adortus, ad internecionem omnem
 illâ hostilem manum deleuit, nullo de suis desiderato. Hostes autem sexcen-
 ti interfecti sunt, capti mille ducenti. cæteri qui in proximas sylvas effuge-
 rant, sequentibus aliquot diebus ab agrestibus excepti, ac trucidati sunt,
 quin à mulieribus quoque duabus fraga legentibus vnus captus, & reuinctis
 post tergum manibus, adductus esse memoratur. Atque hæc victoria de
 barbaris Simoni Episcopo Plocensi, pietate & sanctimoniâ vitæ venerando
 seni refertur accepta, quod is & animauerit nostros in hostem, & pugnan-
 tibus ijs Dei opem implorare non cessauerit, Moysen populi Dei ducem imita-
 tus, cuius precibus, & extensione manuum, magis quàm armis atque viribus
 Analechitas profligatos esse, sacris Hebræorum literis proditum est. hæc
 Cromerus. Kadlubcus verò cuius superius fecimus mentionem, vixit cir-
 ca Annum Domini millesimum ducentessimum insigni sanctitate, gestoque
 per aliquot annos Episcopatu Cracouiensi, eo se sponte abdicauit, vitæ
 in Monasterio Andreiouiensi, sub Regulâ Diui Bernardi Clareuallens-
 sis arctioris amore incensus, ibidem sanctè, & pie actam ætatem finijt, cu-
 ius memoria nuper curâ, & diligentiam Remigiani Koniecpolij, Episcopi
 Chel-

*Kadlubcus
 Episcopus
 Cracouiensis
 Monachatum
 proficetur.*

Chelmenfis, & Abbatiae Andreiouiensis Administratoris, pietatis propagandae studiosissimi, ita renouata est, ut tanti viri iam functi sanctitas miraculis etiam declarata nunc in Polonia magis ac magis celebretur. Noster autem Simon Episcopus Plocensis, cum sedisset annos viginti & unum, plenus bonorum operum senex, Anno Domini millesimo centesimo vigesimo nono, septimo Idus Mensis Maij in viuis esse desijt, Honorio Secundo Pontifice Maximo, Romano imperio praesidente Lothario secundo Imperatore. Sed nos ut pietatis quoque, qua Boleslaus Criuouitius flagrauit, aliquod argumentum publicis monumentis inferamus, id inprimis commemorandum duximus, hunc Principem frequentissima toto imperij sui tempore bella cum Pomeranis gessisse, non alio certe conatu, aut intentione, nisi ut eos Christo & religioni Catholicae lucrifaceret. Eius rei cum vix aliquam Scriptores rerum Polonicarum mentionem fecerint, nos ex Illustrissimo Cardinali Baronio, ea in medium adferemus, quae fidem posteritati facient, Boleslaum Principem Poloniae pia gessisse bella; namque cum Baronius Annum Christi millesimum centesimum vigesimum quartum suis inserit Annalibus, ac Ottonis Episcopi Bambergensis gesta, & Apostolatum ad Pomeranos auctoritate Callisti Secundi Papae susceptum, ex Abbate Urspergeni describit, post multos apparatus Sancti Ottonis Episcopi, haec ex eodem Urspergeni addit:

Obitus Simonis IX. in ordine Episcopi Plocensis Anno Christi 1129.

His ita dispositis & stabilitis, ad Apostolatus suscepti munus, diuini Spiritus roboratus gratia se accinxit, cum iam ante a Polonorum Duce Boleslao his literis fuisset inuitatus:

Domino suo, & patri amantissimo, Ottoni Venerabili Episcopo, Boleslaus Dux Polonorum, filialis obsequij humilem deuotionem. Quia in diebus iuuentutis tuae, apud patrem meum decentissimam te honestate conuersatum memini, & nunc quoque Dominus tecum est, firmans te, & benedicens tibi in omnibus vijs tuis, si tuae non displicet Dignitati, veteres tecum renouare amicitias, tuoque consilio simul & auxilio uti ad Dei gloriam promerendam, ipsius gratia coadiuuante cupimus. Nosti enim, ut arbitror, quomodo Pomeranorum crudam barbarie, non mea quidem, sed Dei virtute humiliata, societati Ecclesiae per Baptismi lauacrum se admitti petunt: sed ecce per triennium laboro, quod nullum Episcoporum vel Sacerdotum idoneorum mihiue affinium, ad hoc opus inducere queo. Vnde, quia tua Sanctitas ad omne opus bonum prompta & indefessa praedicatur, rogamus Pater amantissime, non te pigeat nostro comitante seruitio, pro Dei gloria tuaque beatitudinis incremento, id laboris assumere. Sed & ego tuae Paternitatis deuotus famulus impensas omnes & socios itinerum, & linguae interpretes, & coadiutores Presbyteros, & quaecumque necessaria fuerint praebabo, tu tantum Sanctissime Pater venire dignare. Haec tenens, inquit Baronius, Ducis Poloniae ad Ottonem Epistola de Apostolatu ad Pomeranos susci-

piendo. Sunt Pomerani (inquit idem) populi Slauicæ, ita Slauico siue Vandalico nomine dicti, quod iuxta mare sunt positi.

Rectè quidem Cardinalis Baronius nititur testimonio Abbatis Vrspergensis sui temporis Historiam scribentis: sed animaduerrere debuerat, non Vrspergensem tantum, sed omnes eius æui Historicos Germanos, laudi nominis Poloni nimium inuidisse, offensos victorijs & Criuoustij, & eius filij Boleslai Crispi, illius quidem contra Henricum Imperatorem, huius verò contra Fridericum gloriosè obtentis. Itaque quantum in illo fuit, omnem conuersæ ad fidem Catholicam Pomeraniæ laudem alijs tribuit, de Polonis silet, & quos Lechitas appellare debuit, Lutitas ficto nomine supprimit, cum res ipsa & Annales nostri testentur, Boleslaum Criuoustium Principem Poloniæ, Anno Christi millesimo ducentesimo decimo tertio, redactâ in formam Prouinciæ vniuersâ Pomeraniâ, ei que Suentopelco Grifio, consiliario suo nobili Polono præfecto dato, ad Sanctum Ottonem Episcopum Bambergensem, in aulâ Regis Poloniæ educatum, & Cancellarij munere functum, (nam & is Slauus fuit, vt ex ipsius nomine apparet) scripsisse, eumque ad Pomeranos siue Lechitas euocasse, ita vt quod Christianam religionem Pomeraniâ suscepit, Boleslao & non vlli alij Imperatori vel Regi, Ecclesia Catholica acceptum ferre debeat. Quod autem in literis Boleslai habetur, illum promittere Sancto Ottoni linguæ interpretes, non in eum sensum accipias, quasi Sanctus Episcopus linguam Polonicam siue Slauonicam ignorauerit, cum regnante Vladislao eius Boleslai patre, Poloniæ Regni Cancellarius esset: sed quod sciret Boleslaus, eum ex Germaniâ Presbyteros huius idiomatis gnaros secum habere non posse, suos ex Poloniâ lectos Sacerdotes & Presbyteros illi se submissurum pollicetur. Extant adhuc in Pomeraniâ, iam nunc armis, & nouis colonijs Germanorum oppressâ, multi pagi & villæ, à priscis Vandalis siue Lechitis cultæ, & inhabitatæ, non obscura vestigia referentes Polonici imperij, ijeriam nunc fidem Catholicam, quantum in illis est, & per potentiam hæreticorum Principum Germanorum licet, tuentur profitenturque, à Germanis Pomeraniæ nunc dominis, Vandali dicti. Hæc hîc inferere libuit: interim ad successorem Simonis Alexandrum stylum conuertamus.

Alexander Episcopus Plocensis X.

EA fuit illius temporis Episcoporum Plocensium probitas, & sanctitas, vt si corruptos sæculi illius, & ipsius Romani Cleri mores, turpemque ambitum quo potissimum Ecclesiastici infecti erant, expendere; Episcopos Plocenses exemplo cæteris fieri, & ad imitationem proponi potuisse animaduertes. Longè alieni erant ab ambitu, & vt vidimus, inuitus Simon & penè coactus acceptauit hoc munus, quo se indignaumpiâ animi submissione censuit: inuitus & Alexander eius successor,

for, totius Collegij consensu Episcopus electus, Sedem Episcopalem conscendit. Sperare quidem hunc honorem potuit: nam & eruditione, & sanctitate præstans, omnium iudicio magis ad gerendum eum Magistratum idoneus censebatur. sed ambire noluit. Cuius electio grata fuit Boleslao Criuoustio, Principi victorioso, qui tum sceptrum Poloniæ moderabatur. Alexander autem morem & exemplum sui prædecessoris secutus, electionem suam non à Romano Pontifice, qui tum Honorius Secundus erat, sed à Iacobo Archiepiscopo Gnesnensi confirmari & consecrari voluit, Anno Domini millesimo centesimo vigesimo nono. Crediderim ego, etiamsi nullus Scriptorum nostrorum huius rei mentionem faciat, illo sæculo Romanos Pontifices ambitione Regum Germanorum pressos, Germaniâ ipsa bellis ardente, ob difficilem ad Urbem Romanam accessum, Poloniæ Archiepiscopis indulgisse eam potestatem, ut electos Episcopos iure Metropolitico confirmarent, & consecrarent. Nobilissimus fuit ex eâ familiâ quæ Dolengam insigne habet, eruditione eâ præstans, quæ ad gerendum munus Episcopale illo sæculo requirebatur. Et quamvis & Episcopus, & Senator Regni esset, magis tamen spiritali quàm seculari curæ intentus esse videbatur, cum mores corruptos, præcipuè verò Cleri corrigeret, vitia extirparet, abusus tolleretur, improborum hostis, & seuerior in eos, qui minus corrigibiles aut scandalo cæteris essent; benignus & affabilis ijs, quos virtute & præcipuè pudiciâ eminere cerneret: & ut paucis omnia complectar, hic primus generis Poloni splendorem, dignitate Episcopali fulgentem orbi ostendit. Postquam viginti annos in Cathedrâ Plocensi sedisset, Anno Christi millesimo centesimo quinquagesimo sexto, in Plocensi Ecclesiâ tamulatus est. Hunc fuisse primum qui Ecclesiam Plocensem olim ligneam è muro struxerit, ex verbis Vincentij Kadlubconis à Dlugossio relatis credibile est. Sic igitur Dlugossius habet. Meminit & huius Pontificis Vincentiana Chronica, & singulari illum laude efferens scribit Masouiam consilijs esse fortem, & vernatissimam militiæ flore, & maiestate: inter quos Alexandrum Pontificem Plocensem summâ dignum admiratione duco, qui tam diuersis & summis rebus sufficere potuerit; idem agnus & leo, idem lupus & dux gregis, idem Præsul & miles, simul armatus & deuotus, ut inter iuges armorum excubias, nihil quod fuit deuotionis neglexerit. Magnus quidem Alexander Macedo in prælijs, sed in Diuinis maior Plocensis Episcopus Alexander obsequijs, nam ut extructas ab eo Basilicas cuiuslibet inuidia silentio sepeliat, indeuotus autem quo pacto existimabitur, qui tam conspicuum Beatæ Virginis templum à primis iniciat fundamentis; & consummat, quod non tantum intrinsicis & specialibus locupletauit studijs, sed etiam armis communiuit necessarijs, vndique septum præsidijs? Ex quibus nimirum verbis elici potest, quod ipse fuit muralis fabricæ Plocensis Ecclesiæ primus iniciator. Hucusque Dlugossius.

Obitus Alexandri X. in ordine Episcopi Plocensis, Anno Christi 1156.

Vernerus Episcopus Plocensis XI.

Illuxit nouum fidus in celso & vniuersæ Sarmatiæ conspicuo Episcopatus Plocensis candelabro Vernerus; qui cùm esset Scholasticus Plocensis, ad diem secundam Maij, totius Collegij Plocensis consensu, delatum sibi Episcopatum Plocensem multùm reluctatus, sed tandem precibus omnium victus acceptauit. Si genus spectes, nobili & vetustâ stirpe ortus fuit, eâ familiâ quæ Rosam pro stemmate defert: si eruditione, eâ cæteris omnibus præcelluit; sed maior, & non nisi Vneri propria laus, quòd vitæ sanctitate, morum grauitate maximè enituerit. Electus itaque Episcopus ad Archiepiscopum Gnesnensem Ianisslaum, vt ab eo confirmaretur, & consecraretur, se contulit; à quo Louicij ritè seruatis omnibus, quæ ex præscripto Sacrorum Canonum vsurpari solent, Episcopus Plocensis renunciatus est, Anno Christi millesimo centesimo quinquagesimo sexto. Moris erat Vneri ab eo tempore quo Episcopatum Plocensem suscepit, vt ad custodiam earum virtutum, quibus egregiè ornatus fuit, semper testes vitæ suæ viros probatos & religiosos adhiberet, eorumque contubernio vteretur, vt & ad eorum exemplum vitæ suæ statum formaret, & conuersatione eorum in meliorem virum euaderet: hi cum eo in eodem dormitorio cubare soliti erant, his solis consocijs Sanctus Episcopus, cilicio, & virgâ affligebat corpus castigabatque, & non solum his exercitijs, verùm etiam frequentibus ieiunijs eò adigebat, vt spiritui seruiret: deuotus erat & religioni pietatiq; addictus, pijs operibus, & potissimùm piæ in egenos largitioni deditus: idem tamen bonorum Ecclesiæ adscriptorum defensor acerrimus. Non meis verbis vitæ ipsius præclarum exitum, sed Martini Cromeri Historici Polonici referam. Is igitur Historiæ Polonicæ libro sexto, dum Boleslai Crispi, Boleslai Criuoustij (qui Anno Christi millesimo centesimo trigesimo nono, cùm in Polonia triginta sex annos regnasset, ac contra diuersos Regni hostes quadragies semper feliciter pugnasset, eosque vicisset, ad cæleste regnum translatus, & in Ecclesiâ Plocensi, vbi & pater illius Vladislaus tumulatus fuit, sepulturam accepit) secundò geniti filij Principatum describit, hæc de exitu Vneri habet: Præerat tunc quartum decimum annum Plocensi Ecclesiæ Episcopus Vernerus, equestri Rosarum familiâ, integritate & sanctimonîâ vitæ clarus, & eleganter eruditus: ei per vim, & iniuriam Bolesla vir potens, & violentus, ex eâ familiâ ortus, quæ Soleam equi cum cruce altrinsecus superpositâ insigne gerit, Carls-cum pagum adimebat (erat autem is Castellanus Visnensis, & oram illam Prussis finitimam pro Boleslao Crispo administrabat.) Eum igitur comiter, & blandè Vernerus per se & per amicos orat & admonet, ne vim faciat Ecclesiæ: vbi nihil proficit, in ius vocat, causam obtinet, in possessionem reponitur. Molestissimè id ferebat Bolesla, multaque maledicta

ledicta in mansuetum Episcopum ingerebat, & necem ei machinari coepit. Erat ei non modica cum vicinis Prussis consuetudo, qui cum non pauci fortè ad eum vel ius petitori, vel computaturi conuenissent, acceptos lautè & benè potos, promissis etiam oneratos, noctu ad obtruncandum Vernerum, qui tunc fortè ad Biskupice villam suam venerat, cum Bieniasso fratre suo germano milit. Peragunt illi iussa, effractisque portis, in cubiculo dormientem Episcopum, cum fratre Benedicto monacho Benedictensis sectæ, trucidant. Delituerat per eum tumultum sub lecto Episcopi puer Cubicularius: is igitur auctores sceleris prodidit. re cognitâ Archiepiscopus Gnesnensis Petrus familiâ Srzeniauius, qui Ianico non multò antè successerat, de consilio & voluntate ceterorum Episcoporum, toti Prouinciæ Sacris interdixit. Motus & atrocitate facti, & interdicto Archiepiscopi Boleslaus Princeps, comprehendi Boleslam, & ex vinculis causam dicere apud se, condemnatumque in foro Gnesnensi, vbi hæc agebantur, extructo rogo cremari iussit. Bieniasus verò, post patratum illud scelus nusquam postea comparuit, creditumque est vulgò eum terræ hiatu absorptum, meritum Sancto Episcopo supplicium expendisse. Vneri corpus Ploscum delatum honorificè sepultum est. Hæc Cromerus. Dies huius parricidij adnotatur pridie Idus Februarij, Anno Christi millesimo centesimo septuagesimo secundo, vt mirum merito haberi debeat, inter Vneri & Sancti Thomæ Cantuariensis Archiepiscopi, ab Henrico Angliæ Rege cæsi martyrium, triginta & octo dies tantum intercessisse, credas eos pari fulsisse sanctitate, par quoque in cælis præmium consecutos esse. Illud sanè dolendum, quòd hætenus ignoretur sepulchrum in quo Vnerus conditus est, cum illum magnis miraculis claruisse omnes testentur Historici. Rexit Vnerus Ecclesiam Plocensem annis quatuordecim, Alexandro Romanorum Pontifice Urbem & orbem moderante, ac cum Friderico Enobarbo Ecclesiæ hoste bellum pium & Catholicum gerente.

Vnerus XL
in ordine E-
piscopus Plo-
censis à Boles-
slao Cast.
Vignensi
trucidatur
Anno Christi
1172.

Lupus Episcopus Plocensis XII.

Venero successit Lupus; nam Prælati & Canonici vnà cum totâ Diœcesi, mortem optimi Pastoris gemitu & lachrymis prosecuti, ad diem vigesimam sextam Martij, Comitij electionis noui Episcopi indictis, cum tres tribus diuersis sententijs propositi essent, breui tamen Nicolao & Martino in suum fauorem latis renunciantibus, Lupus Custos Plocensis eligitur Episcopus, Boleslao Crispo assentiente, cuius electione ad Petrum secundum Archiepiscopum Gnesnensem relatâ, atque eodem Lupo ad eum Vnieiuiam, quod oppidum in territorio Syradienfi ditionis Archiepiscopi Gnesnensis est, veniente, ab eodem confirmatus, & Episcopus Plocensis consecratus est. Hunc quoque Episcopum vt superiores Polonia dedit, genere nobili ex familiâ Gozembarum ortum

Obitus Lupi
XII. in ordi-
ne Episcopi
Plocensis, An-
no Christi
1179.

ortum ducentem, vir frugi & temperatus fuisse dicitur, sed ad iracundiam proclivior, bileque accensâ non facilè eam coërcere poterat, rei quoque familiaris parandæ, augendisque opibus magis intentus, quàm Episcopum decuit. Gessit Pontificatum Plocensem annis novem: paralyli tactus, eaque ægritudine propè anno vexatus, ad extremum sanctissimis Ecclesiasticis Sacramentis expiatus, Anno saluati mundi millesimo centesimo septuagesimo nono moritur, & in Ecclesiâ Plocensi sepelitur, cum tunc Sedem Romanam idem qui suprâ Alexander tertius teneret. Masouia verò & Plocensis Palatinatus, Casimiro cognomento Iusto Monarchæ Regni Poloniæ, pareret. Sed cum à Martino Crome-ro Lenciciæ Comitij Anno millesimo centesimo octuagesimo indictis interfuisse cum cæteris Episcopis scribatur, diutiùs eum vixisse quàm Dlugossus notat credibile est.

Vitus Episcopus Plocensis XIII.

Obitus Viti
XIII. in ordi-
ne Episcopi
Plocensis An-
no Christi
1206.

LVpo vitâ functo Vitus subrogatus est, genere Nobili natus, è familiâ Ianinâ, opulentus admodum & multarum possessionum dominus, quarum ad extremum, fundatis tam virorum, quàm mulierum Monasterijs, hæredem Christum scripsit. Canonicus is fuit Plocensis, & die Beatæ Virginis Natæ dicatâ, omnium Prælatorum & Canonicorum Plocensium consensu electus, atque à Zilislao Archiepiscopo Gnesnensi, annuente Casimiro Iusto Poloniæ Monarchâ confirmatus, & in Ecclesiâ Metropolitanâ Gnesnensi consecratus est. Literis Diuinis & humanis præclarè eruditus, virtutum omnium studiosissimus, singulari pietate fulgens, ac ardenti in Deum amore feruens, Monasteriorum Vitouiensis & Buscensis bonis paternis illis donatis, & Plocensis ex patrimonio Plocensis Ecclesiæ, compluribus villis & prædijs illi adiunctis, liberalis fundator, quæ Monasteria Monachis Ordinis Præmonstratensis attribuit, ac ut in ijs tam viri quàm fœminæ, separatis distinctæ habitationibus Deo deseruirent, Monachi que fœminarum regimen tenerent, constituit. Sed deinceps gubernatio eius Monasterij, olim non ex præscripto sacrorum Canonum per Monachos administrata, ad Episcopos Plocenses, cum summâ potestate instituendi & destituendi Præpositi, & iure in vitam, & mores sacrarum eius Monasterij Virginum inspiciendi, translata est; & ne quid iuris sibi Abbas Vitouiensis in eo Monasterio usurparet, Episcopi Plocenses legitimè euicerunt, id quod deinceps etiam Sacrum Concilium Tridentinum sanxit, & ratum esse voluit. Obijt Vitus Episcopus, Anno Christi millesimo ducentesimo sexto, cum Plocensem Ecclesiam rexisset annis viginti & septem. Quo tempore Innocentius Petri Cathedram Romæ tenuit, Philippus Romano, Balduinus Belga Comes Flandriæ, pulso Alexio Angelo paucis annis Constantinopolitano præfuit imperio.

Gossians

Goslaus Episcopus Plocensis XIV.

Iam Polonia grandi piaculo ob cædem Sancti Stanislai obnoxia, sublato Regio decore, ac ornamentis magni quondam Regni spoliata, à multis regnabatur Toparchis, qui etsi regio orti sanguine, tamen partitis inter se prouincijs, tyrannicum magis quàm legitimum exercebant imperium. Ferunt eo tempore, cùm Diuus Stanislus occideretur, pijs quibusdam hominibus diuinitus reuelatum fuisse, Regnum Poloniæ subsequenti tempore, in vltionem innoxie cædis in Sanctum Episcopum perpetrata, in multas partes discerptum iri, quemadmodum corpus Stanislai sectum fuerat; id non temerè creditum successus ostendit. Nam & Vladislus Hermanus, huius Boleslai qui Sanctum Stanislum occidit frater, susceptis duobus filijs, quorum alter Zbigneus nomine spurius, alter Boleslaus Criuoustius erat, domi natum bellum expertus est, & Boleslaus Criuoustius diu cum eodè fratre spurio ancipiti euentu bellum gessit, & ipse legitimâ prole fecundus susceptis Vladislao, Boleslao, Miecislao, Henrico, Casimiro, regnum inter illos exitioso Reipub. consilio partitus est. Existimabat quidem ille, cæteros filios suos imperium fratris maioris natu æquis animis laturos, & Vladislum cui summam rei detulerat, fraternum erga sanguinem suum amorem conseruaturum: sed regnandi libidinem frustrâ legitimis terminis circumscripseris, maximè alienâ accensam persuasione. Erat Vladislao vxor Christina Cæsare Henrico genita, cuius elatior animus magis veterem quàm præsentem spectabat fortunam, seque imperatoriâ stirpe ortam, eâ spe nuptui in Poloniam datam, vt maritus non vnus partis, sed totius Regni esset dominus, frequenter marito multâ cum exprobratione, & odio leuiorum, secretis susurris inspirabat, tantumque effecit, vt Vladislus primò tributo fratres grauare vellet, mox cùm id negabatur, ad occupandas eorum possessiones bellum susciperet; sed ijsdem arma opponentibus, ad Posnaniam victus fugatusque, qui aliena appetijt sua amisit; namque omnium Polonorum odio flagrans, ab ijsque destitutus ac memor, quâ superbiâ fratres supplices olim à se reiecisset, idem ne sibi ab illis fieret veritus, ad Conradum tertium Imperatorem Romanorum, vxoris suæ consobrinum, opem ab eo petiturus confugit: secuta maritum exulem, vxor cum liberis. Hinc bellorum maximorum causæ, hinc regni in minores etiam partes sectiones, ita vt per ducentos & quinquaginta annos, qui à cæde Diui Stanislai vsque ad Vladislum Loëticum Regem Poloniæ renunciatum intercesserunt, nunquam Polonia armis ciuilibus, ac mutuis inter se cædibus non laborauerit, ac sæpissimè proxima supremo exitio fuerit. Auulsâ per eandem occasionem maxima maioris Poloniæ pars, & totum id, quidquid Silesiæ finibus continetur cum Lusatiâ, quam Maiores nostri Lusitiam, quati

restagnan-

reftagnantem dicebant. Ex ruinis Patriæ noſtræ creuerunt Pomeraniæ Duces, olim Poloniæ ſubditi, qui commiſſo ad certum tempus regimine per fraudem abuſi, directi dominiꝝ titulum ſibi uſurparunt. Creuerunt & Brandeburgenſes Marchiones, uſurpatâ ſibi eâ Poloniæ parte, quæ nunc noua Marchia appellatur. Ruſſia quoque Boeſſaorum & Vladiflaorum victorijs domita, & in formam Prouinciæ redacta, turbatis in Poloniâ rebus, in poteſtatem Lithuanorum, gentis eo tempore ſatis obſcuræ, venerat. Hi ſanè ſunt fructus violatæ libertatis Eccleſiaſticæ, tales libidinoſorum amorum infelices euentus, vt dum monenti à Regibus non paretur Sacerdoti, regna vel amittantur, vel transferantur. Sed nos ad noſtra. Regnabat in Maſouiâ, & Plocenſi Palatinatu Conradus Boeſſai Criuouſti nepos, cùm defuncto Vito Episcopatus Plocenſis vacaret; cui vt Prælati & Canonici Plocenſes ſucceſſorem eligerent, ad diem primam Auguſti Comitia electionis indixerunt, ac dum de nouo Episcopo ſubſtituendo deliberatur, facilè omnium ſtudia in Gedeonem Scholaſticum Plocenſem flexa ſunt; erat enim nobiliſſimo Griphorum genere ortus, Sacerdotio per multos annos piè & præclarè functus, eruditus, & ad quæuis negotia ſuſcipienda maximè idoneus: ſolius cholerae intemperiem in eo reprehendere poſſis, niſi quòd ea quoque, quia breui temporis ſpatio deferuebat, non multùm præclaras illius virtutes obſcurare videbatur. Electus, electionem ſuam probante Conrado Duce, ad Henricum primum Archiepiſcopum Gneſnenſem ſe contulit, ab eoque ritè examinatus & confirmatus, Gneſnæ conſecrationis munus ſuſcepit. Magnam is quoque commendationem apud poſteritatem obtinuit præclarè geſti Episcopatus, in quo gubernando nihil vnquam intermiſit, in quo ſalutis gregis ſibi commiſſi cura & ſollicitudo Paſtoralis opem eius poſtularet. Sed enim cùm per aliquot annos pacatum Episcopatum teneret, ac Conradus Princeps iuuenis adhuc Criſtini Palatini Plocenſis, viri prudentis & bellicoſi conſilijs niteretur, victorq̃ue ſemper contra Pruſſos finitimos ſuos hoſtes euaderet, accidit vt idem Palatinus, accuſatione Ioannis Czapla Scholaſtici Plocenſis ac Cancellarij Ducis, quaſi plus ſibi arrogaret, in ſuſpicionem appetiti imperij adduceretur. His incitatus Conradus, Criſtinum de ſe optimè meritum in vincula coniicit, excæcat, & poſtremò necat. Eo ſcelere verſâ fortunâ Conradi, Pruſſi qui ſemper victi erant, ſublato è medio Criſtino Maſouiam vniverſam armis incurſarunt, Plocum ipſum oppidum Maſouiæ caput exuſſerunt, ingentique breui tempore clades accepta eſt & Eccleſia Plocenſis, ſupellectilis Eccleſiaſticæ aureæ & argenteæ incendio templi Cathedralis grandem iacturam ſubiit. Ad arcendos itaque Pruſſos, cùm Conradus cæteros Poloniæ Duces aduocaſſet, eiſque victis Culmenſem Palatinatum recuperਾſſet, Chriſtiano primo Episcopo Culmenſi redditus annuos aſſignauit: in quem vt Episcopus quoque Plocenſis Gedeon liberalis eſſet, eidem, Cromero teſte, toto Collegio Sacerdotum aſſentiente, Tar-

nouiani,

nouiam, quæ fortasse Torunia est, & Papouiam cum omnibus pagis ac prædijs adiunctis, itemque ius omne Ecclesiasticum, quod habebat in ditione Culmeni, adiecit; id, inquit Cromerus, Anno Christi millesimo ducentesimo vigesimo secundo actum est, vti videre est ex diplomate à Conrado & Gedeone supra memoratis; pariterque à Lesco Poloniae & Henrico Silesiae Ducibus, Vincentio Archiepiscopo Gnesnensi, Cracouienti, Posnaniensi, Vratislaviensi, Lubesensi, & Cuiaviensi Episcopis, consignato. Cuius exemplum extat in Archiuio regio, vnde licet colligere Archiepiscopum quoque ac cæteros Episcopos, Conrado contra barbaros adfuisse. Hunc Gedeonem Dlugossius Goslaum primum, vel molliori nomine Getkam appellat; sed diuersis nominibus fuisse appellatum grandis suspicio est. Is vbi septemdecim annis sedem Plocensem tenuit, ac precibus lachrymisque dum adhuc Cristinus Palatinus Plocensis vivebat, præclaras victorias Masouijs suis à Deo impetrauit, religionemque Christianam fundato Episcopatu Culmeni in Prussia promouit, tandem Anno Domini millesimo ducentesimo vigesimo tertio, in viuis esse desijt, sub Honorij tertij Pontificatu, & Friderici Secundi Romanorum Cæsaris imperio.

Obitus Goslai
Gryphy Episcopi
Plocensis
XIV. Anno
Christi 1223.

Ioannes Episcopus Plocensis XV.

NOuum ambitionis genus collegium Ecclesiae Plocensis occupasse videbatur, cum illo in electione, quæ mortem Gedeonis subsequuta est, in varias distracto sententias, aliquot factiones vnaquæque secum suum electum trahens, prodierunt. Ex hac dissensione biennio per eam discordiam vacauit Sedes Plocensis, frustra interea vno ex electis Guntero Canonico Plocensi, fauore Conradi Masouiae Ducis, electi Episcopi prerogatiuam sibi arrogante; nam Prælati & Canonici Plocenses, meliori & saniori vti consilio, Anno millesimo ducentesimo vigesimo quinto, abrogatâ omni aliâ electione, Ioannem Canonicum Plocensem Episcopum esse iusserunt, eundemque & confirmari & consecrari per Vincentium primum Archiepiscopum Gnesnensem curarunt. Vir nobilis is fuit, de genere Gozdauitarum ortum ducens, prudens, pius, modestus, sed ætate ad senium inclinante, ob aduersam valetudinem rebus gerendis minùs idoneus, ac podagricis doloribus continuò obnoxius. Itaque cum biennio tantum Ecclesiae Plocensi præfuisset, Anno Christi millesimo ducentesimo vigesimo septimo, morte sua vacuam Cathedram Plocensem reliquit, sacro relictus viatico, domoq; suâ ritè ordinatâ, honorem quoque sepulturae in Ecclesia Plocensi obtinuit. Accidit huius Episcopi mors Gregorij Noni Pontificis Maximi Anno primo, quo anno etiam Lesco Albus Monarcha Poloniae, fraude Suentopelci, quem Pomeraniae summo cum imperio præfecerat, & rebellantem in ordinem redigere volebat, Ganzauiae, quod oppidum est Abbatis Tremesnensis, vbi Comitum cum cæteris Principibus obibat, occisus est.

Obitus Ioannis
XV. in
ordine Episcopi
Plocensis
Anno Christi
1227.

Gunterus Episcopus Plocensis XVI.

Cum in electione Ioannis proximè vitâ functi Episcopi Plocensis, priores partes Gunterus Canonicus Plocensistenuisset, concordia tamen & boni publici causâ iure suo cessisset, facilè vitâ functo Ioanne omnium voluntates ad sui electionem recentis modestiæ memoriâ traxit; ita virtute honos, si interdum non acceptetur, cumulatior redire solet. Libepter & Conradus Masouia Princeps vidit electum Gunterum Episcopum, cui etiam in præteritâ electione suum fauorem accommodauerat, quemque videbat animi magnitudine cæteris omnibus præstantem, plurimum suis rationibus commodaturum. Nec Vincen-tius Archiepiscopus Gnesnensis eius legitimam electionem suspensam habuit; verum anno Domini millesimo ducentesimo vigesimo septimo, eundem in Ecclesiâ Gnesnensi confirmavit & consecrauit, virum planè dignum eo loco, & qui vtrumque gladium in hostes Christiani nominis stringere auderet, vtpote vir nobili genere Prussorum ortus, & tam ad bella gerenda, quàm Episcopales quoque functiones sustinendas idoneus. Is cum videret Episcopatum suum impunè à Pruthenis vastari, innoxios homines cædi, alios, simulque sexum imbellem in seruitutem abduci, eaque Conrado penè inspectante fieri, sumptis armis, defensionem Episcopatus sui suscepit, leuioribusque prælijs coërcitis Pruthenorum latrocinijs, castrum Dzierzgow, ex quo illi præ-das acturi excurrere solebant, & vbi Christianos captos detinebant, de-iecto Pruthenorum præsidio, interceptit. Sed cum hi præclari boni Episcopi ausus, ad arcendam rabiem hostium non sufficerent, idem ipse auctor fuit Conrado Masouia Duci, vt milites Theutonicos cruce signatos, & ipsos piam contra barbaros militiam, sub titulo Beatissimæ Virginis Mariæ professos, qui paulò ante à Saracenis è Syriâ eiection fuerant, misso ad Gregorium Nonum Pontificem Maximum Christiano Episcopo Prusie siue Culmensi, acciret, Chelmensemque tractum, & quidquid terræ est inter Vistulam, Mocram, & Drwenczam eis traderet, his legibus, vt contra Prussos sedulò & suis viribus bellum gererent; vbi verò eos domuissent, Chelmensem quidem ditionem redderent, cætera verò quæcunque de barbaris cepissent, arbitrio bonorum virorum, ex æquo cum Conrado seu posteris eius partirentur: Polonis ne quam vim aut iniuriam facerent, nèue hostes eorum receptarent, aut vllò fauore prosequerentur: contra barbaros autem, & à religione Christianâ alienos, vt ipsis, cum opus fuerit, præstò essent; si quid horum transgrederentur, pœnæ, quæ ingratos iure gentium manet, subiacerent; hoc est, beneficia accepta amitterent. De quibus omnibus inter Conradum & supra memoratos fratres Cruciferos, quo-

quorum tunc Hermanus de Salza summus Magister erat, cum legitima pacta intercessissent, eadem à Gregorio Nono Pontifice Maximo approbata & confirmata fuerunt. Adiecit etiam militibus illis Cruciferis idem Gunterus Episcopus Plocensis villam Episcopalem, cum insulâ magnâ, in eo ipso territorio sitam, itemque Decimas ad Episcopam suam in Culmensi ditione pertinentes. Verum ex his modò agris, quos Germani agricolæ ab iisdem fratribus Crucigeris, vti Germanis ex Germaniâ accersendi, culturi essent. Acta hæc esse scribuntur à Christo nato, Anno millesimo ducentesimo vigesimo octauo. Crediderim sanè Gunterum Episcopum Plocensem, zelo promouendæ religionis ductum, ad obtinendam à Summo Pontifice eartum rerum confirmationem, legationem ad Urbem suscepisse; nam Dlugossus testatur, cum quinque annos in Pontificatu exegisset, eum apud Viennam Austriæ, iter Romanum continuauit, rebus humanis excessisse, & illic peregrinam sepulturam obtinuisse, Anno Christi millesimo ducentesimo trigesimo secundo.

Petrus Episcopus Plocensis XVII.

SImul atque de morte Gunteri notitia Plociam perlata est, Prælati & Canonici ad diem S. Laurentij Martyris comitijs Capitularibus promulgatis, ad nouum Episcopum eligendum processerunt. Secreto itaque scrutinio quæ vniuscuiusque esset sententia, quemvè quilibet ex eis digniorem Episcopatu censeret, inquirentes, animaduersum est, Petrum dictum Romanum natione Polonum, genus ex nobili familiâ Pulcozitarum ducentem, ab omnibus Episcopum Plocensem depolci. Ex frequenti ad Urbem ad visitanda limina Apostolorum peregrinatione, cognomen Romani is adeptus fuit: vir pius, moribus grauis, sermone modestus, conuersatione suavis & iucundus, vtpote qui exteras etiam nationes viderat, & multorum populorum ac urbium mores inspexerat. In aulâ quoque Conradi Ducis ita versatus fuit, vt non solum notus esset Principi, verum etiam ob virtutem & prudentiam adeò charus, vt eius electionem consensu suo facillè ratam haberet. Vincentius quoque Archiepiscopus Gnesnensis, venientem ad se Petrum electum Plocensem paternè excepit, visaque legitimâ & Canonicâ electione, cum eo tempore in oppido Gregorowo moraretur, ibidem eundem benedictione Metropolitica ei impertitâ pleno iure Episcopum esse iussit. Is in Comitij Syradiensibus, quibus Conradus Dux præfuit, præsentem Fulcone Archiepiscopo Gnesnensi, effecit & obtinuit, vt publico Comitiorum decreto, Ecclesia Plocensis cum vniuerso suo Clero, omnium onerum, quibus bona Ecclesiæ ab impijs Principibus grauata erant, & præcipuè à statuiis militaribus, à collectis & tributis quibuscumque, tum & suffragijs (quo nomine Dlugossus intelligit Principum preces importunè a spiritualibus

pecuniam poscentium) immunitatem & libertatem haberet. Ac cùm sex annis Ecclesiam Plocensem rexisset, pulmonis vitio contracto morbo, Anno millesimo ducentesimo trigésimo octauo extinguitur, atque in Cathedrali Ecclesiâ sepelitur.

Andreas dictus Cracouiensis Episcopus Plocensis XVIII.

Illustrem & illustri ortum sanguine, terra Cracouiensis dedit Plocensibus Episcopum, Andream ex vetustâ Griforum familiâ, patre Marco Palatino Cracouiensi natum. Hic cùm esset Canonicus Plocensis, primâ die Augusti, quæ Comitij habendis dicta erat, concordibus Prælatorum & Canonicorum sententijs, Episcopus renunciatus est, Conrado Duce Masouix electioni huic consensum suum accommodante; Fulcone verò Archiepiscopo Gnesnensi munus confirmationis & consecrationis illi in Ecclesiâ Metropolitanâ Gnesnensi impendente. Pius is fuit & deuotus, Deique amore flagrans, quo accensus totum patrimonium suum, quod amplum satis in Palatinatu Cracouiensi habuit, Clementis Castellani Cracouiensis (qui Monasterium Staniatecense Monialium Regulæ Diui Benedicti struxit) liberalitatem æmulatus, in augmentum eiusdem foundationis effudit, multisque prædijs & possessionibus locupletauit. Hoc Episcopo res Plociæ moderante, impium parricidium per Conradum Plocensem & Masouiorum Ducem, in Ioannem Czaplam iuris peritum, Vladislauensem & Plocensem Scholasticum, atque Ducalem Cancellarium perpetratum est. Custos & moderator is erat datus à patre, Casimiro filio adolescenti adhuc, Vratislauiam ad Henricum Barbatum ad inuisendam sponsam eiusdem Henrici neptem profecturo; vbi cùm diutius moratus fuisset, Conradus qui de Henrico malè se meritum meminerat, & cui datam fidem sæpiùs ruperat, in eam suspicionem venit, quasi filius cum focero in suam perniciem noua consilia moliretur auctore Ioanne Czapla, quem reuocatum captumque causâ non cognitâ in carcerem coniecit, ac mox questionibus subiectum eodem furore in patibulum egit. Quæ res quantâ crudelitate acta & tractata fuerit, vt in corpus mortui sæuitum sit, malo non meis, sed Cromeri verbis exequi. Ioannis Czaplæ cadaver cùm Dominicani Fratres (quos Plocum Conradus ante aliquot annos, cōdito eis Monasterio induxerat) deposuissent, & Christiano ritu funus deducerent, Agathia Conradi vxor, mariti furori suffragata, ereptum & in plaustrum duobus bobus contumeliæ causâ vectum, nouâ furcâ ad id ex tempore ad ædem atque monasterium Dominicanorum ex aduerso Basilicæ erectâ, iterum appendi iussit. Nec tamen deterriti sunt Dominici, quin iterum id deponerent, atque honorificè sepelirent. In quo quidem euidenter Diuina iustitia apparuit, scelestâ & sacrilegâ tyranni manu, ad ultionem patrati priùs à Ioanne illo scelesti vltis: propterea quòd is iniuste & nefarie Cristini Palatini necis

cis auctor aut sanè inceptor fuerat. Et sanè huiusmodi ferè sunt furronum ac delatorum, quibus aulae & aures Principum patent, exitus. Hoc verò Conradi facinus, & patratum in sacerdotem Dei parricidium, Andreas Plocensis Episcopus, Marci Palatini Cracouiensis filius, vindicare ausus non est, ne quid & ipse à tyranno pateretur. Cæterum Petrus Archiepiscopus Gnesnensis, cuius genus & familia non memoratur recognita, maiore animo vniuersæ Plocensi Diocesi sacris interdixit. Quâ obrem excanduit quidem primùm Conradus; verùm post ad se reuersus, agnouit culpam, & Lenciciam ad Archiepiscopum, ut ille iusserat, venit, de admissio scelere Archiepiscopi arbitrato satisfecit. Louiciam villam cum circumiacentibus syluis sanè quàm vastis, Archiepiscopo Gnesnensi sempiterno iure donauit, eà quidem lege, ut is Plocensis Canonicus semper esset, & libram siue marcam auri, Duci Masouiæ eorum bonorum nomine quotannis penderet. Vladislauensi item & Plocensi Ecclesijs, idem Conradus multa largitus est, atque ita Archiepiscopus interdictum suum relaxauit, & Conradus à delegatis Pontificis Maximi Gregorij nomi, Episcopo Vratislauensi & Scholastico Cracouiensi à crimine absolutus est, cum ea quæ Archiepiscopo & Vladislauensi atque Plocensi Episcopis receperat ac donarat, vnâ cum filiis suis confirmasset. Id ad cò in Anno Christi millesimo ducentesimo quadragesimo actum est. Hæc ex Cromero. Cur autem Andreas Episcopus Plocensis, non eà animi magnitudine quæ patritiâ gente natum Nobilem decebat, in Conradum Ducem gladium spiritualem strinxerit, causam iustam quam adferamus, non habemus. Scribit Dlugossus, hoc Episcopo auctore impetratum fuisse à Boleslao Masouiæ Duce Conradi filio, ut censum annuum quem Episcopus Plocensis Castellaniæ Pultouiensis nomine, Duci Masouiæ veteri instituto dabat, nimirum sex boues, sex arietes, sex urnas mellis, in perpetuum remitteret ac condonaret, & non magno quidem tributo, sed minùs honesto sedem Plocensem grauata solueret ac liberaret. Sed nec illud silentio prætereundum est, hoc Pontifice sedente, Anno videlicet millesimo ducentesimo quadragesimo, Tartaros, seu rectiùs dixerim Tattaros, ferè enim omni linguâ pater dicitur Tatta. Asiaticam Scythicam gentem (longè diuersam & moribus & origine ab eà, quæ olim in Europâ confederat, atque nationes plurimas, ut Gottos, Vandalos, Sarmatas, Hunnos, Boios, Boiaros, omnemque eam Germaniæ partem, quæ nunc mista cum veteri Gallicâ linguâ quam Vandali Nemetam appellant complexa, à mari glaciali vsque ad Rheni ripas, & parte aliâ ad Adriaticum mare, ab Oriente Danubio, ab Occidente mari Baltico, & Oceano Germanico septa, in vniuerso Septentrione sedem imperij tenuerat, & libertatis quàm Regni amantior, suis contenta sedibus, & non nisi Romanorum potentia irritata, quid bello & armis posset ostenderat) per Russiam in Poloniam ingentibus agminibus irrupisse. Iam illi ante annum millesimum ducentesimum duodecesimum, posteaquàm In-

dorum Regis, eo occiso, imperium excussissent, ac penè vniuersam Asiam armis victores longè lateque peruagati essent, superatis angustijs Caucaſi montis, & portis ad Calpium mare perfractis, transmissio flumine Rha siue Volga, Polowcijs à campo, vt & Poloni, dictis (quos Gottos olim appellabat antiquitas, quòd nullis tenerentur oppidis, semperque arma circumferentes ad prælia Hotoui, siue Vandalicè Gotoui dicebantur) bello victis, peneque ad internecionem deletis, ac Russis ipsis quorum tum ingens inter Sarmatas potentia erat, occisis eorum duodecim Ducibus, imperio subiugatis, in campestribus locis circa Tanaim & Meotidem paludem, ac in Tauricâ Chersoneso confederant. Origo eius gentis, si linguam spectes, ad Hebræos vel Chaldæos referenda videtur: & quis suspicari non possit decem olim Tribus ita ex Palæstinâ in seruitutem abactas, vt nunquam (hoc enim decreto illos Deus apud Ezechielem damnauerat) in patriam redirent, in extremaſq; Orientis, & vt nunc vocamus, orbis noui partes translatas, illic, vt erat gens Dei benedictione foecunda ingentem sobolem, quæ ex promissione Abrahamæ factâ numerari non posset, propagasse? Hos veteribus Græcis ac Latinis pariter Historicis ignotos multis seculis delituisse, ad extremum deinde auctâ multitudine, ad quærendas nouas sedes emigrasse, & vt in alias Asiæ partes, sic & in has Septemtrionis oras venisse. Turcas verò etiam hoc nomine à Plinio appellatos circumcidi (quæ nota est Hebraici ritus) solere, idem auctor testatur. Denique & Turcas & Tartaros, legem Mahumeticam licet ob circumcisionem asperiores visam, idcirco libentiùs accepisse credi potest, quòd iam olim huic carimonix assueti essent. Hæc itaque moribus barbara, ignota & inculta gens, à Russis Polonorum hostibus, vt tunc creditum est, euocata, & in Poloniam immissa, vniuersam eam, simulque Vngariam, Bohemiam, ita est peruagata, vt aliquoties collatis armis semper victoriam obtinuerit, atque cum ad Legniciam Henricus Henrici Barbatæ & Sanctæ Hedwigis Ducum Poloniae filius, vniuersas Regni vires, accitis etiam Cruciferis, & ex Germaniâ euocatis subsidijs, illis opposuisset, & ipse, vt Boleslai Criuouſti Poloniae totius Monarchæ pronepote decuit, in primâ acie pugnans occisus, & totius Nobilitatis Poloniae militaris soboles ad internecionem profligata est, paucis admodum relictis, qui vel ante prælium inter syluas se abdiderant, vel certè è prælio fugâ euaserant. Hæc acciderunt anno à Christo nato, millesimo ducentesimo quadagesimo secundo. Quæ quidem vberius à scriptoribus rerum Polonicarum relata, vnique ex illis petere licet. Ceterum Andreas cum in Sedel Plocensi vndecim annos exegisset, varijs maceratus febribus, die decimâ septimâ Ianuarij moritur, & in Plocensi Ecclesiâ sepelitur, Anno Domini millesimo ducentesimo quadagesimo nono, Pontificis summi Innocentij quarti Anno septimo, post Friderici secundi mortem Imperio Romano vacante.

Obitus Andree Episc.
1249.

Petrus

Petrus II. dictus Brevis Episcopus Plocensis XIX.

PAruum hunc staturâ, sed ingenio acrem, animi magnitudine præstantem, sortita est Episcopum Plocensis Ecclesia. Quo genere is ortus fuerit incertum habetur, sed nobili indole, & elegantioris literaturæ scientiâ faciliè obtinuit, ut comitijs eligendi noui Episcopi, ad diem vigesimum tertium Aprilis, qui Dno Adalberto sacer est, indictis, per compromissum, ut vocant, ex Scholastico Plocensi Episcopus renunciaretur. Ad discrimen Petri primi Petrus paruus dictus est, cum hoc nomen ei natura ipsa, ut diximus, imposuisset: petentibus autem Ducibus Masouix Semouito, & Casimiro, à Fulcone Archiepiscopo Gnesnensi, Calissij confirmatus & consecratus est. Non diu tamen rei Plocensi præesse potuit, nam quinto à suscepto Pontificatu anno, cum etiam prouectioris esset ætatis, colicis doloribus extinctus est, & in Plocensi Ecclesia tumultus, Anno Christi millesimo ducentesimo quinquagesimo quarto, cum eodem quoque anno Alexander quartus Pontifex Maximus renunciatus esset, ac in Syriâ res Christianæ, captis à Melechalo Sultano Ægypti, Sancto Ludouico Rege Galliar, itemque Rege Cypri, ac Magistri Templariorum ac Hospitaliorum, vniuersoque Christianorum profligato exercitu in pessum irent; quod quidem ante hæc tempora, nimirum millesimo ducentesimo quinquagesimo Christi natu anno, accidisse scribunt Historici.

Mortitur an.

1254.

Andreas II. dictus Ciolek Episcopus Plocensis XX.

Accelerarunt Prælati & Canonici nouam futuri Episcopi electionem, quâ profecto ad diem Natiuitatis Sancti Ioannis Baptiste more veteri indictâ, Andream Ciolek siue Vitulum dicere malueris, Præpositum Plocensem Episcopum eligunt. Nobilis hic fuit de familia quæ Taurum pro stemmate gerit, callidus idem & prudentiâ seculari ad res agendas & tractandas vlu & experienciâ partâ præstans, animosus item, & in propulsandis Ecclesiæ illatis iniurijs, atque tuendis iuribus acerrimus defensor. Cumque alij in electione non postremas quoque tulissent partes, solerti prudentiâ effecit, ne ius suum vrgerent, sed sua potius suffragia ad eum deferrent. Fauebant eidem Semouitus & Casimirus Masouix Duces, quibus commendantibus Fulco Archiepiscopus Gnesnensis, Andream Episcopum Plocensem Gnesnam ad se venientem, & confirmauit, & ritu solenni inaugurauit. Sex annis rexit Ecclesiam Plocensem, quibus expletis, apoplexiâ extinctus est, Anno Christi millesimo ducentesimo sexagesimo.

Obitus Andree XX.
in ordine Episcopi Plocensis Anno Christi 1260.

Petrus III. dictus Niedich Episcopus Plocensis XXI.

Obitus Petri
3. XXI. in
ordine E-
piscopi Plo-
censis Anno
Christi 1263.

NEc Petro tertio, qui Andreæ successit diuturnus fuit Episcopatus; electus enim est consentientibus omnium studijs, & annuente Semouito Masouix Duce, per Ioannem Archiepiscopum Gnesnensem Gnesnæ consecratus. Nobili is quoque ortus est sanguine, eâ familiâ quæ Serpentem pro insigni gentilitio gerit. Sed cum admodum prouectæ esset ætatis, dum corruptos Clericorum mores magno studio corrigit, dum scandala hinc orta eliminat, dum summâ cum laude munus Episcopale exequitur, annis & morbis fractus, tertio à suscepto Episcopatu anno, ad præmia æterna euocatus, migravit è vitâ posteaquàm domum suam optimè disposuisset, ac sacrosanctis Ecclesiasticis Sacramentis deuotè expiatus esset. Quod accidit Anno Christi millesimo ducentesimo sexagesimo tertio.

Thomas I. dictus Tomka Episcopus Plocensis XXII.

Obitus Tho-
ma XXII. in
ordine Epi-
scopi Plo-
censis Anno
Christi 1270.

CUm viderent Prælati & Canonici Plocenses, aulicos Prælatos insolito exaruisse ambitu, & operam suam interponentibus Ducibus Masouix, cum alter alterum promoueret, ad dignitatem Episcopalem aspirare, aliquandiu hæserunt, neque more solito ad electionem noui Antistitis progrediendum sibi existimarunt, rati interpositâ aliquâ temporis intercapedine, prauas cupiditates & ambitiones tepescere posse. Cum tamen sine Pastore illis viuere non liceret, & ne ius eligendi Episcopi ad Sedem Apostolicam deuolueretur, die Sancti Ioannis Euangelistæ sacro, tacita inter se factâ conspiratione, ne Principum importunis precibus perturbarentur, facto compromisso, certis ex se lectis, qui nouum Episcopum dicerent, demandarunt. Et quamuis ita satis cautè procederent, euitare tamen non potuerunt, quin ad aulæ fauorem electio inclinarer. Thomas itaque Canonicus Plocensis, Masouix Cancellarius, omnium consensu Episcopatum Plocensem consecutus est. Accessit & fauor Semouiti, & Casimiri Ducum, quorum commendationi id tribuit Ianusius Archiepiscopus Gnesnensis, vt Thomam electum Episcopum & confirmaret & consecraret. Is octo annis gesto Episcopatu, paralyti iectus obiit Anno Domini millesimo ducentesimo septuagesimo, atque in Ecclesia Plocensi sepelitur. Hoc eodem Episcopatum gerente, Sara Marcussij militis filia, nobilis & pia matrona, moriens Christum & Ecclesiam Plocensem hæredem scripsit, villâ suâ patrimoniali Piaski dictâ, iure perpetuo Ecclesiæ Plocensi donatâ. Eodem Episcopo viuente, longa inter Plocensem & Culmensensem Episcopos controuersia, arbitrio Episcopi Vladislauiensis & Magistri Cruciferorum sublata est, ita vt Culmensis pagum Orechouum, ac trecenta iugera inculti adhuc agri, in Territorio Luba-

Lubauienſi daret Plocenſi Epifcopo, pro decimis & poſſeſſionibus, quas ille ſibi in Culmenſi Dioceſi, præter eas quas Epifcopo Culmenſi ſui Anteceſſores donarant, vendicabat. Quanguàm poſteriori tempore, anno videlicet milleſimo trecentefimo ſeptuagelimo octauo, inter Epifcopum & Prælatos Culmenſes alia tranſactio facta eſt, ita vt Plocenſis Epifcopus, redditis Capitulo Culmenſi iſtis trecentis in Territorio Lubauienſi iugeribus, finibus Dobrinenſis Terræ contentus, ab eo fonte ex quo fluuius Brinnica primum ortum habet, & Terram Culmenſem & Dobrinenſem diſlimitat, quidquid in Terrâ Dobrinenſi continetur, vnâ cum vtraque ripâ eiufdem fluuij ſibi reſeruauit. De quo extant Diploma, vt & illud quo Terræ Culmenſis & Maſouiæ, ſeu Palatinatus Plocenſis, in iſtis orientis Brinnicæ fontibus, vetuſtiſſimi priuilegij teſtimonio termini figuntur. Extant priuilegia vetuſtiſſima in Archiuio Plocenſi hac de re conſcripta.

Goslaus II. ſive Gedeon Epifcopus Plocenſis XXIII.

Goslaum quoque aula Ducum Maſouiæ prodidit; nam cùm illuſtri Griforum familiâ ortus eſſet, multoſque in comitatu Ducum Maſouiæ, qui tum iam plures erant, cognatos & conſanguineos, qui apud eodem Duces gratiâ & auctoritate plurimum valebant, haberet; eorum ſuffragio adiuto etiam in Capitulo ſuffragatores non deerant, quorum ſubſidio ex Cuſtode Epifcopus Plocenſis renūciatus eſt: ac tùm eo tempore Eccleſia Metropolitana Gneſnenſis Archiepiſcopo careret, ad Martinum quartum Romanæ Sedi præſidentem confugere neceſſe habuit, à quo ritè examinatus, confirmatus, & Epifcopus conſecratus eſt. Ab aula hunc veniſſe credideris, namque vt omni ſplendore exornaret Eccleſiam, omnem toto Epifcopatus ſui tempore curam impendit, aureis argenteiſque calicibus, & ſacris crucibus pretioſioreque ſupellectili Eccleſiaſticâ, & altarium, ita Cathedram Plocenſem cumulauit, vt quali no- uam dignitatem conſecuta eſſe videretur. Vigefimo ſexto Epifcopatus anno, calculi dolore grauatus viuere deſijt, anno milleſimo ducentefimo nonageſimo ſexto, Bonifacio Octauo Romano Pontifice in Cathedrâ Petri ſedente.

Obitus Goslæ
XIII. m. or-
dine Epifcopi
Plocenſis
Anno Chriſti
1196.

Ioannes II. dictus Altus Epifcopus Plocenſis XXIV.

Intra ipſas feſti Paſchatis ſacras ferias, vt celerius defuncto Goſlao ſucceſſor ſubrogaretur, Prælati & Canonici Plocenſes Plociæ congregati, Ioannem cognomento Altum, quod procerioris ſtaturæ eſſet, Scholaſticum Plocenſem Epifcopum dicunt & renunciant genere nobilem; nam è Prauditarum familiâ ducebat genus, & talem qui morum ciuilitate & humanitate, omnium tam Eccleſiaſticorum quàm ſecularium

amo-

Obitus Ioan-
nu Alti
XXIV. in or-
dine Episcopi
Plocensis
Anno Christi
1310.

amorem sibi conciliare sciret, comis enim & frugi erat, beneuolentiæque & fauoris sui fructus in omnes effundere præclare nouerat. Ducum quoque Masouizæ Semouiti & Casimiri suffragabatur illi gratia & auctoritas, quâ adiutrice facile à Iacobo Swinka Archiepiscopo Gnesnensi obtinuit, ut ab eo & confirmaretur & consecraretur Episcopus. Dum priuatus esset, boni viri iudicio omnium habebat opinionem: Episcopus factus, quasi illi dictum esset, hæc dies alios mores affert, aliam vitam postulat, veluti in alium mutatus virum, contemplationi sacræ & orationi ita intentus fuit, ut huic vni vacare videretur: neque tamen alias functionis suæ partes intermisit, quin Clerum arctiori Ecclesiasticâ disciplinâ contineret, & à vitâ turpiori exemplo castimoniz suæ coërceret. Quatuordecim annis summâ cum laude gesto Episcopatu, Anno Christi millesimo trecentesimo decimo ad immortalem transiuit vitam, & in Ecclesiâ Plocensi tumultatus est.

Ioannes III. Nalecz, Episcopus Plocensis XXV.

Obitus Ioan-
nu Nalecz
XXV. in or-
dine Episco-
pi Plocensis
Anno Christi
1318.

EXcepit Ioannes Ioannem, Polonus Polonum, nobilis nobilem; nam & is qui tertius eius est nominis, patre Abrahamo Nalacio natus est, quem Prælati & Canonici Plocenses, die Assumptæ Virginis MARIÆ ad cælum celebri, non sine aliquâ nonnullorum dissensione alium poscentium, maiori & potiori parte præualente, Episcopum Plocensem esse iusserunt; hunc & Duces Masouizæ Semouitus, Casimirus, & Boleslaus, electum libenter viderunt, & Ianisslaus Archiepiscopus Gnesnensis eo nomine compellatus, Louicij cum eò se electus contulisset, confirmauit, & ritè inaugurauit. Vir erat doctus, negotiorum Reipublicæ tractandorum peritus, idem tamen eâ opinione non caruit, quasi in vitam delicatorem & voluptates propensior esset; fama id tenuit; nos nihil certi asserimus. Octo annis præfuit Episcopatu Plocensi, ad extremum peste, quæ tum in vniuerso Poloniæ Regno grassabatur, infectus obiit, cum ante mortem & testamentum condidisset, & Sacramentis Ecclesiasticis contra supremum certamen se religiosè muniuisset. Obitus eius incidit in annum millesimum trecentesium decimum octauum, sepulchri honorem in Ecclesiâ Plocensi accepit.

Florianus I. Episcopus Plocensis XXVI.

NON rerum gestarum narrationem scribendam suscepimus, nec eo animo hæc tractamus, ut Plocensium Episcoporum Vitas, quæ longâ obliuione obscuratæ sunt, in lucem proferre velimus. Ne ipse quidem Dlugossus antiquitatis peritissimus, hæc, nisi per transennam, attigisse videtur; interdum tamen ea commemoramus, quæ cohærere temporibus illis videntur. Defuncto Ioanne tertio, subrogatus est Florianus primus, qui

qui Laskaryz vnde dictus sit, me ignorare fateor; ex familiâ Coryllorū, & domo Koscielecciorum illum fuisse affirmat Dlugossus. Corylli autem nomen in statutis nostris notum est; putant aliqui esse bacillos tenuiores nucis auellanae; exponit Dlugossus hanc familiam Coryllorum seu Aceruorum notum in Poloniâ insigni nobilitatis: fuit is Vladislaviensis & Plocensis Canonicus, concordii voce lectus Episcopus Plocensis, vir eâ tempestate prudens, maturus, modestus, scripturis Diuinis & humanis præclare eruditus. Electio ipsius cōprobata fuit suffragio, & calculo Venceslai Ducis Masouiae; nec Ianislaus Archiepiscopus Gnesnensis cunctatus est, quin eum id ipsum à se petentē, in prærogatiuâ iuris Episcopalis conseruaret, & Episcopū ritē electum renunciaret. Colica passio huic vitam ademit Pultouiæ, millesimo trecentesimo trigesimo quarto. Et cum vigesimâ primâ Iunij mortuus esset, Pultouiâ Plociam translatus, die Natalis Sancti Ioannis Baptiste sepultus est. Ex quo scire licet illâ tempestate, ambitiosas & sumptuosas sepulturarum curas nondum in Poloniâ locum habuisse. Hic primus Pultouiæ, quod oppidum arce nobile, à primis fundati Episcopatus Plocensis diebus Castellaniæ nomine censebatur, quasi in meditullio Episcopatus sui sedem posuisse memoratur. Hæc illa sunt tempora memoratu dignissima, cum post annos circiter ducentos quinquaginta nouem, post amissum in Poloniâ Regium decus, iterum hæc noua laudis corona refullit in Poloniâ, cuius recuperandæ cum multi ante Principes Poloniæ studio flagrarent, & Præmyslaus Maioris Poloniæ Dux, ex Miecisłai Criuoustij filij dicti Senis stirpe natus, Regios titulos, coronatione etiam priuatâ auctoritate vsurpatâ sumeret, nomenque suum & pingi, & nummis insculpi iuberet hoc carmine: *Reddidit hic primus victricia signa Polonis*; tamen cum id sine scitu Summi Pontificis & approbatione factum esset, successum res non habuit: nam Præmyslao, octauo à die Coronationis mense, à Marchionibus Brandeburgensibus Regni Poloniæ ratione nouæ Marchiæ subditis, iisdemque incrementorum eiusdem Regni osoribus, Rogoznij fraude proditoriâ occiso, (addunt Scriptores nostri Zaræbas quoque & Nalæcios huiuscædis conscios fuisse, quod seueriorem eum vindicem scelerum, & inhonestas parandæ rei familiaris rationes refrēnantem ferre non possent, mansisseque patrati sceleris notam in his familijs, vt neque rubris vestibibus uti, neque inter equestres homines in acie consistere eisliceret, vsque ad id prælium quo Casimirus II. cum Russis confligit) ius Regni sine scitu Summi Pontificis vsurpatum euauit. Melius Vladislaus Locticus & felicius, vir quidem exiguæ staturæ, sed ingentis animi, ad capeffendum Regium decus se accinxit. Huic Conradi Masouiae Ducis ex Casimiro eius filio nepoti, non nisi Syradiensium ditio contigerat, quorum innatâ virtute & bellicæ rei studio fretus, iam olim in spem Regni adipiscendi venerat; nam cum Lescus Niger à Bolesłao Pudico in spem Regni adoptatus, imperiumque adeptus, segnior ad maiores cu-

Obitus Floriani XXVI. in ordine Episcopi Plocensis Anno Christi 1334.

ras suscipiendas haberetur, morte ipsius, quæ anno millesimo ducentesimo octuagesimo nono contigit, circumspectis rebus omnibus, desideriaque aliorum Principum animaduersâ, tum quod Lencicienses & Sendomirienses ditiones ac Cuiavienſis magna pars ei accesserat, facile omnium animos in se vertit, effecitque ut Poſnaniæ ad nonum Calendas Maij, anno millesimo ducētesimo nonagesimo sexto, summa rei ad eum omnium consensu deferretur. Quo successu deinceps usus fuerit, qui scire vult, petat ex Cromero; ille certè apud Poetam Ianicium hæc de se testatur: *Fortunam vici cum quâ mihi bella fuere.* Diu sanè nomine Regio abstinuit, donec missò ad Summum Pontificem Ioannem Vigesium tertium, Gerardo Vladislaviensi Episcopo, ius redintegrandæ Coronæ Regiæ (frustra obnitentibus nominis Poloni osoribus, & beneficiorum acceptorum ingratis Cruciferis, & Ioanne Lucemburgico Rege Bohemiæ) Apostolicâ auctoritate concessum obtinuit.

Clemens I. Pierzchala Episcopus Plocensis XXVII.

Regnabat in Poloniâ Casimirus, Vladislai Loctici hoc ipso anno, quo Florianus extinctus est, vitæ functi filius, atque ita potestatem Regiam extendi volebat, ut in Duces quoque Masoviae iura regia non temerè usurparet, quod & in electione Clementis Episcopi Plocensis ostendit. Concordi omnium Prelatorum & Canonicorum sententia is electus erat die vigesimâ quintâ mensis Iulij, vir nobilis, eo insigni nobilitatis utens quod Pierzchala siue Roch dicitur. Obstabat illi Calimiri Regis adversa voluntas, donec tandem precibus amicorum expugnato Rege, eoque assentiente, ab Archiepiscopo Gnesnensi Ianislaſo iura Episcopalia canonicè & legitimè adeptus, & Episcopus consecratus est. Vixit in Pontificatu annis viginti tribus. Mortuus est anno millesimo trecentesimo quinquagesimo octavo.

Obijt Anno
1358.

Bernardus I. Episcopus Plocensis XXVIII.

Non recenserem hunc in Albo Episcoporum Plocensium, neque enim electus unquam fuit, sed cum Polonus esset, alium ritè electum iure & favore Romano, sede deturbare nifusest, & quod mireris, eam rem ausus homo ex familiâ Sancti Dominici. Hic auditâ morte Clementis Episcopi, confestim Innocentium Papam eius nominis sextum, cuius Poenitentiarius fuisse dicitur, adiit. Episcopatum Plocensem tenui esse censu, qui centum florenos non expleret, asseruit. Hærebat in eo quoque paterni vitij turpitudine, arguebatur à Casimiro Rege prodicionis fuisse reus; nam pater huius Bernardi, præsidio Sendomiriensis civitatis Prefectus, hostibus Regis arcem & civitatem prodiderat, eiusque prodicionis convictus, crimine læsæ Maiestatis in iudicio succubuerat, decre-

roque

toque Comitiali, & patri & filio eius Bernardo, eorumque successoribus aqua & igni interdictum erat. Nulla earum rerum mentione facta Bernardus effecit mox ut Episcopus absolutam Summi Pontificis potestate renuntiaretur, & Romae consecraretur. Ceterum Praelati & Canonici Ploccenses, iure & prerogativa sua freti, inter quos tum erat Zbilotus Praepositus, Ioannes Decanus, Nicolaus Cantor, qui & nobilitate & doctrina ceteris praestabant, statim a morte Clementis Episcopi ad electionem noui Antistitis accesserunt, ac die 7. mensis Aprilis, Ianislaum Wronski Praepositum S. Michaelis in Arce Cracouiensi, & Canonicum Plocensem consensu legitimo Episcopum renunciarunt. Non huic defuit Semouiti Ducis Masouiae patrocinium, nec Ianislai Archiepiscopi Gnesnensis fauor, quin eum rite electum, rite quoque & canonicè confirmaret & consecraret. Ortus inter eum qui a sede Apostolica promotus fuit, & Ianislaum lites, septennio perdurarunt, cum Pontifex censuris Ecclesiasticis, quibus & electum Ianislaum Episcopum, & eos qui eum elegerant, ac denique ipsum Archiepiscopum stringebat, ut ad adipiscendam possessionem Episcopatus Plocensis, a se prouisus & ordinatus Bernardus Episcopus promoueretur, vrgeret; vicissimque Semouitus Dux Masouiae, & quod plus ponderis habuit, Calimirus Rex Poloniae, hostem Patriae in Senatum sacrum adscisci non sineret. Magna iam erat in Christiana Republica Casimiri Regis auctoritas; augebat dignitatem ipsius affinitas contracta cum praecipuis Europae Principibus, & summorum Pontificum tum Auenione sedem habentium, quasi Cathedrae Romanae desertorum, non ut prius a quo ratio habebatur. Itaque Innocentius sextus, cum pro utraque parte diuersa allegarentur, ad cognoscendam causam Franciscum Gambaram S. Marci Cardinalem Presbyterum delegat, qui re cognita, ea quae Bernardo obijciebantur vera esse retulit, ac summus Pontifex datis literis secundo Idus Augusti, in loco qui noua villa vocatur Auenionensis Dioecesis, hisque quae a Cardinale Gambara relata fuerunt assentiens, censuras omnes Ecclesiasticas, quae ex petitione Bernardi Episcopatum ambientis latae & fulminatae fuerant, suspendit; negotiumque Archiepiscopo Gnesnensi, ac Episcopis Vladislauensi & Polnaniensi dedit, ut hanc ipsam suspensionem censurarum publicarent, Bernardoque quinque mensium spatium ad negotium istud determinandum praefigerent, denique Clericos Plocensis Dioecesis, a sententijs latis & irregularitatis vinculis soluerent. Vidisse se has literas scribit in Archiuio Gnesnensi Dlugossus, & nos non dubitamus, quin etiam nunc ibi reperiantur. Ita tunc ambitio viri religiosi cohibita, atque restricta fuit, ut id quod appetierat, consequi non posset.

Ianislau I. Episcopus Plocensis XXIX.

Cessit tandem ambitio canonicè & legitimè quæsito iuri, & Ianislau septimo ab electione & consecratione anno sedem Plocensem conscendit, cum interea reditus omnes Episcopales in litem quæ ambitionem coërceret insumerentur. Nec Bernardus amplius contra niti ausus, Regiamque potentiam veritus, cessit obtento per nefas iure. Itaque Ianislau pacificam Episcopatus Plocensis possessionem adeptus, dum iura Ecclesiæ tuetur, dum tam diuturno interregno corruptos mores ad meliorem frugem reducit, vix vno anno & sex mensibus exactis viuere desijt, eamque laudem sepulchro suo quod in Ecclesiâ Plocensi sortitus est, præclaro cum titulo intulit, vt defensor iurium Ecclesiæ & haberetur & diceretur, ita eo animo omnes hostium iuris Ecclesiastici insultus ferre solitus, vti virum nobilem ac magno animo præstantem decuit. Obijt anno Christi millesimo trecentesimo sexagesimo septimo.

*Ianislai vige-
simi noni in
ordine Episc.
Plocensis obi-
tus 1367.*

Nicolaus I. Episcopus Plocensis XXX.

Tres Episcopos iisdem parentibus natos, in eadem Sede sibi continuè succedentes, haud scio an vlla vnquam ætas vel viderit, vel Pro- uincia habuerit. Fœcunda bonæ prolis mater Plocia, nobilissimo genere natos fratres tales protulit, quorum felicitis successionis memoria vt æternum vigeat, eorum virtus exposcit. Quâ cum cæteris præstaret Nicolaus de Gulczewo, trium fratrum maior natus, de domo & familiâ Præditarum, Cantor Plocensis, monstratus est Prælati & Canonicis morte Ianislai Episcopi Plocensis qui in eius locum successurus eligeretur; id quod factum fuit 7. die mensis Augusti. Et ne existimes illum ambitione lectum, arcano scrutinio in Cathedrâ Episcopali collocatus est. Viderat idem haud recto ordine eos, qui antè Episcopi Plocenses renunciati erât, eam dignitatem fuisse consecutos, & gnarus id munus non nisi à summâ Sede peti debere, non amplius ad Archiepiscopum Gnesnensem, sed ad Vrbanum Quintum Romanum Pontificem se contulit, atque ab eodem Idibus Decembris electionis suæ comprobatione obtentâ, eiusdem mandato à Cardinali Hostiensi consecratus fuit. Itaque in Curiâ Romanâ negotiorum Ecclesiæ causâ aliquantulum moratus, ad Episcopatum reuersus non diu superuixit; nam altero suscepti Episcopatus anno, podagrarum doloribus grauatus, vitam cum morte commutauit, & in Ecclesiâ Plocensi sepultus est, millesimo trecentesimo sexagesimo nono Christi nati anno.

*Nicolai tri-
gesimi in or-
dine Episcop.
Plocensis
obitus anno
1369.*

Stanislaus I. Episcopus Plocensis XXXI.

Sacrum & venerabile erat in Poloniâ Diui Stanislai Martyris nomen, adeò vt maiores nostri illud temerariè vsurpare, & populariter ex senatis imponere veluti quadam religione obstricti noluerint. Nec sanè vnquam, etiamsi multa viderim & legerim, videre mihi contigit, in ijs quæ in Archiuio Regio & Ecclesiarum cõtinentur monumentis, multos hoc nomine insignitos. Episcopus Cracouiensis vnus tantùm fuit; Archiepiscopum Gnesnensem primum Stanislauum Karnkouium ætate nostrâ vidimus, nec in alijs Cathedris relatos multos huius nominis numerare licet. Caterùm humanitas & liberalitas quâ Nicolaus de Gulczewo proximè vitâ functus enituit, in eam sententiam traxit studia & volûntates Prælatorum & Canonicorum Plocensium vt primâ die Octob. eligendo nouo Pontifici dictâ, Stanislauum de Gulczewo Præpositum Vladislauensem & Canonicum Plocensem Episcopum Plocensem renunciarent: viderant eum idoneum satis esse, qui temporalem & spiritualem iurisdictionem exerceret; nam & eruditus erat, & singulari pudicitia præditus, pietate verò in Deum, & erga egenos munificentia insignis. Is quoque electionem suam niti voluit approbatione Urbani V. Romani Pontificis, quo mandante ab Archiepiscopo Gnesnensi Iaroslao consecrationis munus accepit. Ad extremum cum biennio Plocensi Ecclesiæ præfuisset, paralyti tactus, anno Christi millesimo trecentesimo septuagesimo primo cessit è vitâ.

*Obitus Stanislai Episcopi Plocensis in ordine 31.
Anno 1371.*

Dobeslaus I. dictus Sowka Episcopus Plocensis XXXII.

Cum duo fratres eadem familiâ, iisdem parentibus orti, Episcopatu Plocensi functi essent, ac tertius inter Capitulares adhuc viuus existeret eorundem germanus, Prælatos & Canonicos vel ipsa rei nouitas permouit, vt duobus fratribus præclarè Episcopatu functis, tertium successorem subrogarent. Is fuit Dobeslaus, cognominatus Sowka, qui statim post fratris decessum electus est. Accessit ad consensum Capituli Plocensis, Ducum quoque Masouiæ Semouiti & Ianussij voluntas, & Metropolitanæ Gnesnensis Ianussij electionis confirmatio, à quo etiam benedictionis gratiam electus obtinuit. Magnanimus hic Dobeslaus fuisse dicitur; nam dum toties vacua esset Pastore Ecclesia Plocensis, contigerat vt cupiditate quoque hominum possessiones Episcopales inuaderentur ac occuparentur, decimarum ius interuerteretur. Non passus est Dobeslaus hanc fieri Ecclesiæ iniuriam; nam & prædecessorum suorum negligentia, amissa recuperauit, & temerè occupata iure vindicauit; denique Terram Dobrinensem vniuersam negatam decimas, & cæteris iniurijs Ecclesiam Plocensem afficientem, Ecclesiastici interdicti fulmine ietam à cœtu fi-

delium arcuit. Hæc cum agentem dum Pultouîâ versûs Plociam proficisceretur, subita extinguit apoplexia die tertiâ Septembris. Illud sanè dolendum est, quòd tantum spatij illi concessum non fuerit, vt ante supremum exitum rationes vitæ suæ recensere, & sacris Sacramentis procurari potuisset. Ita sanè cùm trium fratrum continuata successio prosperum haberet successum, hoc vnum defuit, vt diutiùs in munere Pontificali versarentur, Episcopatusque à tribus fratribus gestus, longioris temporis spatio quàm decennio compleretur.

Stiborius I. Episcopus Plocensis XXXIII.

SEmouitus & Ianussius Duces Masouîæ, simul atque intellexerunt Dobeslaum vitâ functum esse, tantoperè vrserunt noui Episcopi Stiborij de Radzimino Archidiaconi Plocensis electionem, vt ne spatium quidem quo se Prælati & Canonici Plocenses recolligerent, dare illis vel-
lent. His igitur auctoribus sextâ die mensis Decembris, renunciatur à Capitulo Plocensi Episcopus Stiborius. Iisdem auctoribus Ioannes Suchowilkus Archiepiscopus Gnesnensis eundem die decimâ octauâ Gnesnæ confirmat, & consecratum Episcopi charactere insignit. Sed Stiborius, cùm subductis rationibus videret promotionem suam nimium acceleratam, in Curiâ Romanâ in disceptationem vocari posse, quamuis per aliquot annos eo metu se carere ostendisset, tamen cùm post mortem Gregorij XI. Romani Pontificis, qui primus Auinione Romam, veterem summorum Pontificum sedem transtulit Urbanus VI. cui Clemens Antipapa obiectus fuerat, Pontificatum iniisset, vt certiori iure niteretur, ab eodem Urbano VI. vt in possessione Episcopatus Plocensis auctoritate Apostolicâ retineretur, obtinuit, cùm præsens ipse ad Urbem accessisset, grandemque pecuniæ summam sub grandis vluræ censu, à Iudeis Cracouientibus, qui tum locupletes erant, mutuò acceptam, in soluendis sacris Diplomati-
bus expendisset, gloriæ & laudis sæcularis appetentior, quàm iuris Ecclesiastici tuendi studiosior videbatur. Idem enim ingentem censum, qui ex decimis Terræ Dobrinensis Episcopo Plocensi debebatur, & quem vt vindicaret, Dobeslaus qui proximè ante ipsum fuit, gladio spirituali totû illud Territorium mulctarat, facilè remisit, & exiguâ acceptâ satisfactio-
ne, vt verbis Dlugossij vtar, improuidè & incautè iure Ecclesiæ in perpetuum cessit, cuius cessionis, & quid hætenùs Nobilitas Terræ Dobrinensis Episcopo Plocensi debeat, extant instrumenta publica, ac transactiones, quibus ne nunc quidem Dobrinenses, quamuis in fauorem suum factæ fuerint, satisfacere volunt. Fuit autem Stiborius nobili domo, cuius insigne est Ostioia, natus, villæ Radzimino dominus, in quâ demolitâ Ecclesia olim ligneâ, nouam cocto latere struxit, ornamentisque decorauit, quâ
nunc interuersis à possessoribus eorundem bonorum Ecclesiæ eius redi-
tibus, proximam ruinæ conspiciamus. Moritur Stiborius anno Christi
millesimo trecentesimo nonagesimo.

*Obitus Stibo-
rii Episcopi. in
ordine 33.
Anno 1390.*

Hen-

Henricus I. Dux Masouia Episcopus Plocensis XXXIV.

Regio quondam Regum Poloniae sanguine ortos Duces Masouiae, eò vel egestas, vel ambitio traxit, ut cum in multas stirpes excreuissent, non contenti amplissimis ditionibus, Ecclesiastico pane nutrirì appetierint, infelici sanè successu, & ad perpetuam posteritatis memoriam deplorando. Henricus erat Semouiti Ducis Masouiae filius, Semouiti Ducis Plocensis frater, quem parentes in spem adipiscendi honoris Ecclesiastici educauerant; & ne ambigeret quem statum suscepturus esset, iuuenem admodum gradus Subdiaconatus vinculis adstrinxerant: idem ut vitâ functo Stiborio subrogaretur, magnâ contentione omnes Duces Masouiae flagitabant. Nec erat integrum Prælati & Canonicis Ecclesiae Plocensis, eum qui & iam esset in sacris Subdiaconatus Ordinibus constitutus, & qui genus ex sanguine Regum Poloniae Ecclesiae Plocensis fundatorum duceret, aspernari; illum itaque ritè electione institutâ die vigesima primâ Februarij Episcopum Plocensem eligunt, & electum Bonifacio Nono confirmadum commendant. Nec Pontifex Maximus moram ullam interposuit, quin electionem eius confirmaret; sed Henricus longè alia animo voluens, toto biennio quo Episcopatu praeuit consecrationis Episcopalis gratiam acceptare renuit, suis obsequens moribus & libidinibus indulgens; quas ut sacrilego expleret coniugio, cum à Rege Vladislao Jagellone missus, legatione apud Vitoldum Magnum Ducem Lithuaniae, tunc apud Crucigeros delitescens fungeretur, & secreta cum eo in castro Ritteruerdero negotia tractaret, visâ (ut Dlugossus ait) sorore Vitoldi (ut Cromerus) filia Ringulâ, ita in eius amorem exarsit, ut oblitus voti & instituti sui, vel potius dignitatis & generis, incestas cum eâ contraheret nuptias. Sed non diu execrandâ libidine illi licuit frui; nam intra alterum mensem veneno amoris imbutus, extinctusque est; nec eum honore sepulchri Prælati & Canonici inter Episcopos Plocenses dignum esse censuerunt; itaque inter Duces Masouiae tumultum sortitus est. Magna suspicio fuit fraude incestae vxoris fuisse e vitâ sublatum; documento cæteris esse potest, non facilè votis sacris ludendum esse, nec deserendum statum quem quis vocatione Diuinâ susceperit.

Mamphiolus Episcopus Plocensis XXXV.

AVdiuit & obstupuit atque detestata est Curia Romana ingens & indignum sacerdotali ordine facinus, Episcopum videlicet à Sede Apostolicâ confirmatum, incestis nuptijs ordinem sacrum polluisse. Itaque summus Pontifex Bonifacius IX. veritus ne ea res in exemplum transiret, nevé quis alius tantum scelus committeret, eâ ratione huic rei obuiam se ire posse existimavit, si non admissâ electione cleri

Plocensis, Italum cuius virtutem nouerat, Ecclesiæ auctoritate Apostolicâ præficeret. Mamphiolus is fuit Pontificis consanguineus, nobilis Romanus; hunc à se consecratum impensius studuit fauore Regis Poloniæ, & Ducum Masouiæ in sede Plocensi collocare. Sed cum eo quoque iam tempore, Reges Poloniæ aliquid de iure suo detractum putarent, si nutu & arbitrio summi Pontificis Episcopi, ijque externi darentur; ne id fieret, quamuis summus Pontifex pœnas & censuras Ecclesiasticas stringeret, Rex Ducesque Masouiæ, ad futurum summum Pontificem qui sine schismate federet prouocantes obstiterant. Nec Prælati & Canonici Plocenses, in tuendo iure liberæ electionis sibi defuerunt. Quadriennium in hac contentione consumptum est: quo expleto, Mamphiolus iam Episcopus à summo Pontifice consecratus, & sine possessione titulo Episcopatus Plocensis usurpato morbo grauatus, Romæ anno Christi millesimo trecentesimo nonagesimo nono moritur, & in celeberrimâ Fratrum Diui Francisci Ecclesiâ, quæ in Capitolio ad Aram cœli dicitur, cum titulo Episcopi Plocensis sepelitur.

Iacobus I. Episcopus Plocensis XXXVI.

Vidit summus Ecclesiæ Romanæ Pastor Bonifacius Nonus, arduum & difficile esse, Polonis iam veteri abstersâ ignorantia, eruditione ac pietate florentibus, dare Episcopum qui in Vrbe natus, & linguam Polonicam nesciret, & à moribus eorum, quibus præfuturus esset vitæ ratione discreparet, solas denique adepto Episcopatu quæsiturus opes existimaretur. Idem tamen, ut ius quoque supremæ Sedis, in dandis Episcopis tueretur, neque se vel à Principum voluntate, vel à Capituli postulatione tantoperè dependere ostenderet, Iacobum genere nobilem, patre Floriano milite de Kordwanowo, & matre Catharinâ, familiâ eâ quæ Sirocomla appellatur natum, Decretorum Doctorem, ac Palatii Apostolici Auditorem, summaque cum laude hoc munus obeuntem, Episcopum Plocensem à se renunciatum consecrauit. Talem ab Vrbe missum, nobilem & eruditum virum Episcopum, non licuit, nec decuit, ut vel Prælati & Canonici Plocenses, vel Duces ipsi Masouiæ acceptare renuerent. Duces quidem aliquantulum hæsisse feruntur, sed cum Iacobus & personæ dignitatem secum ferret, & Apostolicis mandatis ac etiam censuris in omnem euentum munitus esset, facilè ea omnia, quæ ad consequendam Episcopatus possessionem ei obstare poterant, vicit & submouit; virtus enim eius supra inuidiam erat, & ad cuius conspectum ambitio comparere non audebat. Diuinitus eum, & olim destinatum & tunc lectum, qui Sedi Plocensi præesset, existimare conuenit. Scribit Dlugossus hunc Iacobum primis rudimentis doctrinæ imbutum utcumque, tandem primâ quâ licebat ætate Sacerdotem ordinatum fuisse. Parochum Albæ Ecclesiæ prope Cracouiam, in eo itinere quò versus Ilkushum itur: qui

qui cū videret se minùs esse idoneum ad exercendam curam animarum, quòd scientià huic rei necessarià destitueretur, vehementi accensum fuisse eruditionis sibi comparandæ desiderio; sed quid faceret, paternæ opes si quæ erant, quas tamen exiguas fuisse putandum est, alijs cesserant fratribus, census sacerdotij vix ad quotidianum victum sufficiebat. Igitur cū humana deessent subsidia, ad diuina confugiendum sibi putauit; nam quotidianis sacrificijs & frequentibus precibus, Deum & sanctissimam eius Genitricem instanter obsecrabat, vt sibi & votis suis annuere dignaretur. Hoc dum sedulò agit, pristinamque pietatem nouà pietate cumulat, accidit vt die quodam, templum suum parochiale medià die solus orationis causà ingrederetur, ac feruentissimè animam suam coram Domino effunderet, ecce subitò conspicatur in altari maiori, iacere marsupium pecunià plenū, agnoscit Diuinum & de cælo sibi missum subsidium: reuerato sacculo, centum marcas argenti in grossis latis Pragensibus eo contineri reperit. Summa hæc grandis erat illo tempore, & nunc si ad præsentem monetæ æstimationem reducatur, ducentos circiter aureos efficeret. Latus eo subsidio Iacobus, Deo imprimis gratijs actis, iuri Parochiæ renunciat, itineri se accingit, ac ad celeberrimam Academiam Bononiensem studijs operam nauaturus properat. Iam propè ad annum trigesimum ætatis accesserat, sed tanta erat ingenij bonitas & præstantia, vt quidquid illi ad discendum proponeretur facilè comprehenderet, ita vt viris in illà Academià doctis, & eruditione præstantibus, mox & admirationi esset, & amorem illorum sibi conciliatum haberet. Non multi anni erant illi impendendi, vt eruditionis propè diuinitùs partæ testimonium consequeretur. Doctor sacrorum Canonum, factò priùs scientiæ periculo & præmissò rigidiori examine renunciandus, talis in consessu totius Academiæ comparuit, vt is honos illi etiam non petenti omnium iudicio & suffragio delatus esset. Neque sanè tanti viri eruditio Academiæ Bononiensis septis contineri potuit: nam simul atque fama eius ad Urbem venit, accitur ille eò & Palatij Apostolici Auditor renunciatur. In eà dignitate cū omnibus virtutibus fulgeret, eo vt diximus modo, voluntate summi Pontificis, ad Episcopatum Plocensem promotus est, patriamque tandem, quam quasi mūdo ignotus reliquerat, primarià dignitate ornatus reuisit. Susceptum autem munus, ita statim primo suo ingressu gerere cœpit, vt omnium animos oculosque in se conuerteret. Ipsi quoque Masouiæ Duces, qui aliquantisper honorem ipsius morari videbantur, cognitâ ipsius virtute magnoperè dolebant se illius felicitati, vel potiùs pietati, vel minimum obstaculum posuisse. Prælati verò & Canonici Plocenses, non vt Episcopum, sed veluti patrem eum venerati sunt. Et ne plura in medium afferamus, viginti & nouem annis ita gessit Episcopatum Iacobus, vt omnibus numeris absoluti Pastoris, Episcopi & Senatoris specimen exhiberet; plebis suæ curæ commissæ, non minùs verbo quàm opere Magister, & ad præclaras quasuis

actiones pietatis causâ suscipiendas dux & auctor. Huius viri operâ & liberalitate aucta auro & argento Ecclesia Plocensis, non multum cessisset splendore cuius alteri in Poloniâ Cathedræ, si eâ curâ à successoribus conseruatus fuisset, quantâ sedulitate eum Iacobus comparauerat; nam inprimis ex auro puro, iustæ staturæ imagines IESV Christi Domini nostri & Saluatoris, & duodecim eius Apostolorum fusas, thesauro Ecclesiæ Plocensis intulit; item imagines septuaginta duorum Discipulorum, ex puro quoque argento fabrefactas sumptu suo comparatas Ecclesiæ Plocensi donauit, eandemque aliâ quoque Ecclesiasticâ aureâ & argenteâ supellectili munificè auxit & locupletauit. Superiorum temporum Episcopi Plocenses passi erant decimam manipulem, pecuniariâ eaque vili æstimatione quorundam priuatorum cupiditate interuerti: id sibi nec Ecclesiæ suæ ferendum arbitratus Iacobus Episcopus, nonnullis Baronibus & militibus Masouiae litem mouit, eamque vt erat iuris peritissimus facilè in iudicio euicit. Inuidiam illi ea res peperit & odium, nam homines illi qui in iudicio succubuerant, quasi iniuriam acceperant, minas & terrores Episcopo rem Ecclesiæ agenti intenterunt, ita vt ille periculo suo motus, aliquantisper ab Ecclesiâ abesse cogeretur, non vt periculum effugeret, sed ne præsentia suâ occasionem bonis Ecclesiasticis iniuriam inferendi præberet. Quare ita se furori iratorum subduxit, vt interim in Dobrineni territorio maneret, & nonnulla prædia pro Ecclesiâ in Culmensi ditione acquireret. Reuersus deinde Plociam, cum tot annis, vt diximus, summâ cum laude illi præfuisset, domumque suam quæ non cognatorum grege, sed sponsæ suæ familiaribus constabat, disposuisset, plenus dierum bonorumque operum in Curiâ Episcopali Plocensi, die vigesimo septimo mensis Maij, quæ in diem Dominicum inciderat, Anno Christi millesimo quadringentesimo vigesimo quinto obdormiuit in Domino.

Obijt anno
1425. Iacobus
I. in ordine
36. Episcopus
Plocensis.

*Stanislaus II. dictus Pierzchala Pawul'owski, Episcopus
Plocensis XXXVII.*

OMnium rerum esse quandam vicissitudinem, rectè dixit Comicus. Vidimus proximè piam in ornandâ auro & argento Ecclesiâ Plocensi Iacobi Episcopi curam & sollicitudinem, visuri mox sumus tantum thesaurum in longè alios, quàm auctor voluit, vsus conuersum. Hæc electio quæ mortem Iacobi subsequuta est, in ipsum diem festum natiuitatis Sancti Ioannis Baptistæ, qui dies quoque Dominicus erat inciderat: studia Principum qui tum summæ rei in Masouia præerant, distracta in varias sententias, non multum spei dabant boni in electione illâ successus, & quod mireris, alium Semouitus senior Dux Masouiae, pater, alium filij ipsius Semouitus, Vladislaus & Casimirus promouebant, vt inter patrem & filios ambitione quadam acriter certaretur. Patri quidem in votis erat,

vt

vt Stanislaum Pawlowski Archidiaconum Plocensem de Gnatowice Cancellarium suum ad dignitatem Episcopalem eueheret ; filij Cristinum Nieborowski , Canonicum Plocensem genere nobilem , de domo Prauditarum , promouendum susceperant. Nec minor erat inter ipsosmet Prælatos & Canonicos dissensus, plures Cristino fauebant , pauciores senioris Principis voluntati obsecuti, Stanislaum elegerunt , & Cristinus non diu certandum sibi præsidio filiorum contra patrem existimauit , sed Viscouienti prædio contentus iuri electione parto cessit. Itaque Stanislaus fauore Principis Episcopus Plocensis renunciatus , à Martino V. summo Pontifice, Anno Christi 1425. die decima octaua mensis Decembris confirmatus, atque mandato ipsius ab Alberto Archiepiscopo Gnesnensi consecratus est. Fremebant iuniores Duces, inuitis illis dari talem Episcopum, qui ipsis vehementer displiceret. Namque ingenio vafer, callidus, facetus, & loquax, audax & profusus opum habebatur, dicacitateque sua & intempestiuis facetijs, quorum memoria in animis Principum hæere solet, præcipuos quosque læserat, sed maxime filios Ducis, qui viuentis quidem patre, mulcendo tantum suas erga illum exercebant offensas, illo verò anno millesimo quadringentesimo vigesimo sexto vitæ functo, quod diu mente coquebant odium, luctus diebus expletis in Episcopum effuderunt. Erat Stanislaus nobili genere natus, eà familiâ quæ Rochum pro insigni defert: pater ipsius villæ Gnatowice dominus Mroczo nomine, Subiudex Sochaczouensis, mater item nobilis Anna, honesti in primis & ingenui habebantur. Sed Zemouitus, Vladislaus, & Casimirus Masouiae Duces, sorore germanâ Vladislai Iagello- nis nati, nescio quâ ex causâ viuentis adhuc patre suspicati fuerunt, quasi per eundem Stanislaum Masouiae adhuc Cancellarium, in crimen læsæ Regiæ Maiestatis vocati, & ad Vladislaum Principem Auunculum suum delati fuissent. Fictanè hæc fuerit à Stanislao criminatio, & utrùm ad Regem Vladislaum delata, & quo auctore publicata incompertum est. Cromerus quidem hanc fabulam ita soluit, cum de Regis ad Comitata Lenciciensia profectioe historiam texit: Ad ea, inquit, Comitata Rex per Masouiam proficiscens, Zemouitum seniore Duces in gratiam recepit, cum is ipsi primùm per filios, deinde per se ipsos satisfecisset, de eo quod insimulatus erat, quasi in potestate Regis esse nollet; cui quidem suspicioni Stanislaus Pawlouius Archidiaconus Plocensis occasionem dederat, cum is fortè anno superiori in Synodo Lenciciensi, in qua de viginti millibus florenarum Regi Pontificis Maximi iussu ab ordine Ecclesiastico conferendis frustra actum est, negasset mandatum illud Pontificium ad Plocensem Diocesim pertinere, quod in eà ac in totâ Masouia Rex nihil prorsus iurisdictionis haberet. Atque id de sententia Ducis, cuius erat Cancellarius, & cuius auctoritate non multò post Iacobo Episcopo mortuo Plocensis Episcopus designatus erat, dixisse videbatur. Hæc Cromerus. Sed nos Dlugossium auctorem hæc eadem describentem sequi

sequi malumus, qui ut diximus, hunc ipsum Stanislaum Anno 1425. ad Episcopatum promotum fuisse asserit, motamque illi auctoribus Ducibus Masouia Semouiti filijs, statim à morte patris litem docet; multa erant quæ Stanislao Episcopo obijciebantur, & inprimis quasi ille finxisset, & crimen ingens Ducibus iunioribus Masouia imposuisset, quod illi conspirassent in mortem Vladislai auunculi sui, quod statum ipsius Regium loco mouere & pessundare destinaissent, quod foedera scriptis concepta cum Magistro Paulo de Rusdorf Ordinis Cruciferorum Prussien- sium, in perniciem Regis sanxissent. Cuius rei originalia & authentica instrumenta, quasi Stanislaus dum adhuc esset Cancellarius Masouia, à se conficta & falsa Regi Vladislao tradidisset, exindeque iram Regis Auunculi sui in perniciem nepotum exacuisset: quamobrem his contra eum obiectis, non expectato iudicii tempore, Principes Masouia possessione Episcopatus eum exturbant. Illustre eo tempore erat nomen Principum Masouia; sorore Regis Polonia Vladislai erant nati; soror verò ipsorum Cimbarka (ex quâ augustæ totius domus Austriacæ familia, quæ his etiam diebus magnitudine opum & virium cæteris præstat, deducta est) nupserrat Ernesto Archiduci Austriæ, cuius filius Fridericus, tertius postea eius nominis Imperator, multum apud summos Pontifices auctoritate poterat, ita ut Auunculum suum Alexandrum, supradictorum Ducum fratrem, ad Episcopatum Tridentinum & dignitatem Cardinalitiam promouerit. Quare graue erat certamen Stanislao Episcopo Plocensi, contra Principes tot fauoribus nitentes, & ipsi acerrimè infestis, multisque alijs accusationibus inchoatam contra eum litem cumulantibus; quæ ut melius succederent, proferebant in medium Principes instrumentum quoddam publicum, manu Magistri de Sobniewo, Præpositi Tridentini subscriptum, quo continebatur Stanislaus Pawlowski, Martinum Papam V. de incontinentiâ diffamasse, & eum notorium concubinarium appellasse. Non magnoperè quidem Pontificem innocentia suæ conscius, videbatur ea res commouere; nam ne iudex suæ causæ esset, totum negotium iusto examine, & inducendis testibus in vtramque partem probandum, demandauit Magistro Stanislao de Skarbimiria Canonico Cracouiensi, eoque tempore eadem in Vniuersitate iuris Canonici Professori celebri & famoso. Is tanquam summi Pontificis delegatus, iudicii formâ propositâ, vocatisque partibus, ita munus suum executus est, ut millesimo quadringentesimo vigesimo octauo anno, inchoatò iam iudicio, nullam diem quâ ius dici posset prætermiserit: vocati & admissi testes, acceptaque ab eis iuratâ fide examinati, idque non viles personæ, sed nobiles. Nempe tanto studio Dux Masouia Semouitus iunior, ad euertendum Episcopum Plocensem, eumque Episcopatu spoliandum incubuerat, ut dum hæc causa Cracouia tractaretur, nullam diem prætermiserit, quin iudicio præsens adesset. Vicissim quoque Stanislaus Episcopus, sibi causæque suæ non deerat, negotiumque suum per se ex-
quebatur.

quebatur. Summa autem literarum de quibus suprà attigimus, & quas Principes Masouiae ab Episcopo confectas fuisse asseriebant, hæc fuit in formam libelli redacta. Inprimis aiebant Duces, Stanislaum dum adhuc Masouiae Cancellarius esset, finxisse has ipsas literas, & propria manu confecisse, & ijs characteribus ac sigillis confecta signasse, quasi ea eorundem Ducum fuissent, cum de ijs nunquam illi cogitassent. Ficti autem instrumenti hæc fuit narratio, quasi præfati Duces Semouitus, Vladislaus, & Casimirus, præsentibus Saffino Plocensi, Stephano Gostinenfi Castellanis, se Sigismundo Vngarorum & Bohemiae Regi, Vladislai Regis Poloniae hosti, ad præstandum Homagiū obligassent, & societatem belli contra Vladislaum Regem Auunculum suum, promissis Imperatori proprii militis suo sumptu conducti trecentis hastatis sanxissent, in gratiamque Cruciferorum octingentos itidem hastatos sumptu & ære proprio in perniciem Vladislai Regis Poloniae, se semper in promptu habituros spondissent, ita ut coniunctis viribus profligato & exterminato Vladislao Rege Poloniae, totius Regni inter Cruciferos & Duces Masouiae partitio fieret, adnotatis etiam Prouincijs & regionibus, quæ Cruciferis, quæ Ducibus ipsis quasi iam partâ victoriâ cessuræ essent. Crediderunt ea tempestate multi, eò leuitatis prolapsos fuisse Duces iuuenes viuentē adhuc patre, ut hæc literæ, & hæc conspirationes, ab ijs verè fierent, cum tamen in publicum prodissent, crimen ingens perfidiæ contra Auunculum suum susceptum, fictis in Episcopum calumnijs deriuare voluisse. Sed quamuis, ut diximus, tanto conatu, & tot confictis criminibus Duces Masouiae, & potissimum Semouitus ad infamandum quali falsi criminis reum, & Episcopatu priuandum niterentur, formato tamen hic in Polonia, per eos quibus id negotium à summo Pontifice demandatum fuit legitimo iuris processu, ac testibus pro vtraque parte inductis & examinatis, totum negotium, ut erat in scripturam redactum, ad Urbem accuratiùs examinandum fuit remissum. Non veritus est Stanislaus Episcopus Plocensis, vel Romanæ Curiae, vel ipsiusmet Pontificis acre & seuerum iudicium; vbi quamuis Duces Masouiae magnorum Principum, cum quibus sanguinis iura illis intercedebant suffragijs & intercessionibus iuuarentur, vicit tamen omnes illorum conatus Episcopi innocentia, quâ luculenter probatâ, omni obiectorum criminum culpâ decreto Curiae Romanæ immunis pronunciatus est. Ceterum Episcopum omni noxâ solutum, tanto nihilominus odio, tota Ducum Masouiae familia persecuta est, ut Alexander Dux Masouiae Episcopus Tridentinus & Sacrae Romanæ Ecclesiae Cardinalis, redeunti domū Episcopo in itinere insidias struxerit, ac per Fridericum Austriae Ducem, sorore suâ germanâ Cimbarka genitum, qui postea sub nomine Friderici tertij imperium Romanū diutissimè rexit, vel potius per milites ipsius, in Oppido Frislato ceperit, & in molestum satis carcerem coniecerit, & fortasse deterius quoque ibi tractatus fuisset, nisi astu & consilio se in liberta-

bertatem asseruisset, nam dum in carcere à ciuibus oppidi illius custoditur, illis largiùs mero delibutis, & custodiam remittentibus, Episcopus qui fictà ægritudine in lecto decumbebat, vno è suis familiaribus ibi collocato, mutato habitu & vestibus, oppido egressus, ac equos quos pro se & cætero comitatu prope oppidum expectare clàm ordinauerat nactus, celeri cursu in Poloniam effugit. Vbi instante Vladislao Poloniæ Rege, Ducibus qui tot iam iniurijs Episcopo illatis satiati erant, reconciliatus est, ita vt deinceps Episcopatum Plocensem, cuius prædia & possessiones nunquam illi interceptæ fuerant, pacificè possideret. Verumtamen illum fuissè litium amantem, & lites libenter exercentem, vel ex eo apparet, quòd rebus etiam cum Ducibus compositis quieti indulgere non potuerit, pluresque simul lite nonnumquàm temerè motâ lacefferit, quorum odio grauatus, omni domestica, & quod grauiùs detestandum est, sacra etiam Ecclesiasticâ suppellectili absumpta, ac illis tam pretiosis Iesu Christi ac duodecim Apostolorum aureis, & septuaginta duorum Discipulorum argenteis statuis conflatis decoctis, egens ac omnium rerum indigus, aduersa que squinantia valetudine pressus, relictâ Plociâ Torunium migrare coactus fuerit, vbi in Monasterio Sancti Nicolai, quod Prædicatorum Ordinis Diui Dominici est, relictus & desertus ab omnibus, die vigesimâ nonâ Aprilis, millesimo quadringentesimo trigesimo nono obiit. Et nisi illius Ordinis Monachorum charitate & curâ corpus ipsius decenter terræ mandatum fuisset, vix plebeiam etiam sepulturam habuisset.

Stanisłai
Pawłowski
Episcopi Plocensis in ordine 37.
obitus anno 1439.

Paulus Gizicki Episcopus Plocensis XXXVIII.

FAusto & felici omine Paulum Gizicium non solum Plociæ, sed & vniuersæ Masouia Episcopum fata dedere. Nobili & honesto inprimis loco is natus est, eâ familiâ quæ Gozdauam pro insigni gerit: pater ipsius fuit Venceslaus Gizicki Iudex terræ Sochaczouienfis & villæ Gizice dominus, mater Elizabetha; à parentibus accuratori studio educatus, posteaquàm ex ephebis excessisset, ac in patriâ primis literarum rudimentis excultus esset, Pragam, vbi eo tempore studia vigeabant, exactioris scientiæ capeffendæ causâ se contulit: deinde maturior ætate Sacris initiatus, duo nobilissima Sacerdotia, Cracouiensem nempe & Plocensem Scholasteriam nactus, & maioribus admotus negotijs, conceptæ desuâ virtute multorum magnorum virorum opinioni præclarè respondit. Quamobrem Stanisłao Episcopo vitâ functo, omnium oculi & animi in Paulum versi, eum priuatis etiam desiderijs Episcopum designabant: cumque electionem per compromissum Prælati & Canonicis expediri placuisset, Paulus inter tres compromissarios vnus, à duobus, nimirum Ioanne Pelka de Niewieff Decano Vladislauienfi, & Magistro Paulo de Grabzewo Canonicis Plocensibus, die tertiâ Mensis Februarij electus est

est, tantâ omnium Prælatorum & Canonorum Plocensium comprobatione & applausu, vt nemo fuerit, qui non ei hunc honorem gratularetur. Duces quoque Masouie Vladislaus & Boleslaus, propensum suum erga illum animum declararunt, electionemque ipsius ratam habuerunt. Detulit Paulus Episcopus hanc electionem suam ad Eugenium Quartum Summum Pontificem, eandemque ab eo confirmari petijt, qui datis duodecimo Calendas Septembris literis eundem Episcopum Plocensem auctoritate Apostolica renunciauit. Cæterum Paulus veritus, ne dicta Pontificis Eugenij electionis sue confirmatio in dubium vocaretur, quod illi alter, Felix nimirum dictus quintus auctoritate Concilij oppositus esset, à Vincentio Archiepiscopo Gnesnensi eandem approbari voluit; à quo etiam Archiepiscopo, præsentè Vladislao tertio Jagellonide, qui postea Rex quoque Vngariæ cum esset, à Turcis ad Varnam cæsus gloriosè occubuit, die vigesima septima Decembris, quæ in diem Dominicum inciderat, Cracouie in Ecclesiâ Cathedrali sacris initiatus, & Episcopus consecratus est. Magnanimus in primis & liberalis habitus est, & tantæ auctoritatis, vt Vladislaus Masouie Dux, maximè idoneum eum existimauerit, qui se vitâ functo Semouiti & Vladislai filiorum suorum impuberum tutelam gereret, & quoad illi adolererent summè in vniuerso Ducatu rei præesset. Gessit ille hoc munus vniuersis Masouijs libenter illi parentibus, summâ cum laude, iudiciorum formâ veteri immutatâ, ita vt nemo iudicijs grauari posset, præscripsit: sportulas denique iudiciales & impensas partim sustulit, partim verò ita imminuit, ne ex iudicio contententibus graues essent, cumque ijdem Duces quos in tutelâ suâ Paulus Episcopus habuerat, fraude & veneno Gotardi Ribenij Castellani Sochaczouiensis gente Radwanij, extincti essent; ac Casimirus tertius Rex Poloniae Ducatum Masouie sibi vendicaret, obstitit ipsius conatibus Paulus Episcopus quantum potuit, ac iura Masouie tutatus est, ita vt ad Comitia Petricouensia, quò maiori auctoritate & securitate causam Masouiorum contra Regiam potentiam sustinere posset, octingentis stipatus equitibus venerit, non vi tamen, sed iure eâ causâ decisa, & Rex fauore magis iudicum quàm causæ æquitate hereditatem ditionum quas præfati Duces tenuerunt adeptus est. Non solùm autem in tuendis iuribus politicis Gizicius enitere voluit, sed multò magis ad illustrandam Ecclesiam Cathedralem Plocensem, & ad adsciscendos hos, qui in administranda curâ Pastoralis sibi præstò essent, ita animum adiecit, vt magnam reddituum Episcopaliū partem, ad fundandam & dotandam Ecclesiam Pultouiensem, quæ olim erat Parochialis, impenderit; & erectâ eadem Ecclesiâ in titulum Collegiatæ, nobilissimam dotem illi assignarit. Quo autem fine ille id fecerit, quibus subsidijs Episcopum Plocensem in posterum niti voluerit, quid Prælati & Canonici Pultouienses in patrimonio Ecclesiæ Plocensis fundati eidem Ecclesiæ & Episcopo Plocensi debeant, luculenter in priuilegio Nicolai V. summi Pontificis, fundatio-

nis Gizicianæ confirmatoriæ continetur , quod quidem & vſu tam longi temporis comprobatum , & iuri Canonico conſonum temerè à Prælatiſ & Canonicis Pultouiſiſ impugnari , ordinario iuriſ proceſſu eſſet declarandum ; quo etiam Deceſſores noſtri , redigendis , & ad officiũ Prælatiſ & Canonicis Pultouiſiſ reuocandiſ hætenùſ vſi ſunt Idem Pauluſ Episcopuſ vt tantò illuſtriorẽ foundationẽ Eccleſiæ ſuæ Pultouiſiſ redderet , Eccleſiam Parochialem Pultouiſiſ è latere cocto magnificè extruxit. Et ne ſuorum obliuſ videri poſſet, in villâ quoque paterna Gizicze, & Templuſ & Curiam cocto item latere à fundamentiſ extruxit. Viruſ magnum & eximiuſ illum fuiſſe præclaræ actioneſ declarant, vt meritò Maſouia illum, & nomen ipſiuſ gratâ recordatione venerari debeat: quæ de eo Dlugoffuſ ſcribit paucis eiufdem verbis addam, Fuit, inquit ille, Pauluſ Episcopuſ in cõſanguineoſ laſciuioſ (ita ille ſignat eum qui multuſ de boniſ Eccleſiæ familiæ ſuæ largitur) in ſinguliſ actionibꝯ, & in quaſlibet perſonaſ faſtidioſuſ, faſciſ in bilem, iuſtæ ſtaturæ, capilloſ habentꝯ criſpoſ & cæruleoſ , qui multiſ dum prouectiorẽ ætatem ageret , & iuuenilem facie monſtraret admirationi eſſet , tenuiſ & paruaſ ſcientiæ , quamuiſ ingeniuſ apud ſtudiũ Pragenſẽ excoluiſſet. Hætenùſ Dlugoffuſ. Sed Giziciuſ cùm tribuſ & viginti anniſ Sedem Plocenſẽ tenuiſſet , die vigintiſeptimâ menſiſ Ianuarij , milleſimo quadringenteſimo ſexageſimo tertio , ritè ſacriſ procuratuſ Pultouiæ obiit, diuturnâ ſcabiẽ vexatuſ , eaquẽ ad extremuſ extinctuſ , vt in Eccleſiâ Pultouiſiſ ſepeliretur, ſupremiſ tabuliſ mandauerat. Iſ cùm adhuc viueret, mutuo Vladiflauienſiſ accedente conſenſu , terminoſ quibuſ vterque Episcopatuſ & iuriſdictio vtriuſque contineretur , anno milleſimo quingenteſimo quadrageſimo quarto pepigit , vt de ſubditis fugitiuiſ cum Culmenſi Episcopuſ vel repetendiſ vel reddendiſ certam formulam conſtituit.

Pauli Gizici-
ki Episcopuſ
Plocenſiſ in
ordine 38.
obituſ Anno
1544.

Stiboriuſ II. Episcopuſ Plocenſiſ XXXIX.

Voluerat Caſimiruſ tertiuſ Poloniæ Rex , pulſo per vim Iacobo Siennio ex Episcopatu Cracouiſiſ , quem ille beneficio ſediſ Apoſtolicæ obtinuerat , lenire doloreſ ipſiuſ ſuâ ad Episcopatuſ Plocenſẽ promotione. Quamobrem etſi tunc in Lithuaniam moraretur, tamen ſimul atque intellexit Pauluſ Giziciuſ vitâ exceſſiſſe , miſit Martinuſ Wrocinki militem , & Iacobuſ Handa Notariuſ , quooſ ad diem electioni præfixam, magniſ itineribuſ decurrere iuſſit, qui ſuo nomine Iacobuſ de Siennio eligi curarent. Sed Prælati & Canonici Plocenſeſ , nihil hiſ Regiſ mandatiſ moti, electionẽ ritè inſtitutam ita quoque peregerunt, vt Stiborij de Goſcianczice Canonici Plocenſiſ, perſpectâ virtute & induſtriâ eum per compromiſſuſ Episcopuſ renunciarint. Iſ antea Pauli Gizicij Secretariuſ fuerat , multuſquẽ illi in omniſ actionibuſ & conſilijs ſuſpiciendiſ Giziciuſ tribuebat , ita vt ab eiꝯ arbitrio pende-
re

re videretur; ad extremum tamen cum iam Gizicius prouectiori esset ætate ac morti proximus, ita Stiborius apud senem odium sui mouerat, ut amplius simul esse non possent. Erat Stiborius satis competenter in literis versatus, & eruditus, genere nobili, ex familiâ Prussorum, patre Ioanne Dapifero Cernensi, matre Catharinâ natus, omni genere virtutum excultus, sola erat bilis quâ interdum plus quàm decebat, exardescerebat. Obstabat Casimirus Rex electioni & promotioni Stiborij, & Iacobo de Sienco Episcopatum Plocensem aspernante, Petrum de Pniewo Canonicum Plocensem & Gnesnensem ac Cantorem Posnanensem, nobilem de domo Nalæcz, nominatione suâ, cuius tunc prima & recentia initia in Poloniâ erant Summo Pontifici Pio secundo, missis ad eum Ioanne de Ostrorog milite, & Nicolao de Goslub, Decretorum Doctore promouendum suscepit. Idem tamen veluti ludificans Regem Poloniæ, quamuis plumbatis diplomatibus, ne Stiborius vel electionis vel confirmationis ius vrgere auderet, seuerè serioque prohibuisset, tamen Friderico Romanorum Imperatore, qui Ducibus Masouiæ consanguineis suis impensè fauebat auctore, noua eaque contraria dedit mandata, quibus Stiborio facultas dabatur, ut ille vel ab vno Episcopo secretò consecraretur. Nempe graue iam dudum odium in Casimirum Regem Pius Secundus Pontifex Maximus conceperat, ob eam causam, quòd ab eo ne possessionem Episcopatus Varmienensis, quem ardentè concupierat, adiret, impeditus & exclusus fuerat, in tantumque illa offensio excreuerat, ut in historiâ quam de Bohemis scripsit, temperare sibi non potuerit, quin Polonicum nomen omnibus probis notauerit. Sed Stiborius Pontificiâ fretus auctoritate, nequicquàm minas Casimiri Regis veritus, clam vocato ad se Nicolao Episcopo Lacedæmonienſi ex ordine Diui Francisci, qui cum Titulo Episcopi in partibus infidelium Suffraganeum Episcopi Plocensis gerebat, nemine altero accito Episcopo, in Ecclesiâ Collegiatâ Pultouienſi, ex indulgentiâ Romani Pontificis consecrari se curauit. Anno millesimo quadringentesimo sexagesimo quarto, omnium quidem prædiorum & hæreditatum, quæ in Masouiâ & iurisdictione Ducum Masouiæ erant, possessionem adiit, sed quæ erant in Dobrinenſi & Sendomirienſi Terris, eas Casimirus Rex interceperat, quas postea ubi Episcopus ei reconciliatus fuit, pleno iure illi reddidit. Præfuit Ecclesiæ Plocensi Stiborius annis septem, totidemque mensibus, moritur Pultouiæ quartâ die Maij, Anno Christi millesimo quadringentesimo septuagesimo primo, ac in Choro Ecclesiæ Cathedralis Plocensis sepelitur.

Stiborij 11.
Episcopi Plocensis in ordine 39. obitus
Anno 1471.

Casimirus I. Dux Masouia, Episcopus Plocensis XL.

Libertatis & iurium tuendorum studium, quo Prælati & Canonici Plocenses post obitum Stiborij Episcopi exarserant tantum fuit, ut cum liberis suffragijs ad electionem Episcopi descenderent,

obliti esse viderentur in cuius ditione agerent viverentque. Nam cum Duces Masovix in spem Episcopatus Plocensis, Casimirum Boleslai Varšaviensis Ducis filium, ætatis adhuc tenerioris, Sacris initiari & Subdiaconatus ordine adstringi curassent, neminem deinceps si quando Plocensis Ecclesia vacaret, ad eius regimen erant admissuri, minimè tamen eo territi cum quatuor & viginti conclave electionis die decimâ Iunij ingressi essent, duodecim ex illis Stiborium Pielscium Itemmatis Przerowa Archidiaconum, sex Casimirum Boleslai Varšaviensis Ducis filium Canonicum, sex item Andream Oporouium Iurisperitum ipsumque Canonicum Plocensem & Gnesnensem Archidiaconum, nobilem de domo Sulima, quem Casimirus Poloniæ Rex, & literis, & nominatione siue designatione suâ, & nuncio Nicolao Chrzaſtowski Vexillifero Cracou. impensius promoueri desiderabat, Episcopum dicebant. Potior iure ac à maiori parte Capituli electus erat Stiborius; sed cum videret cum Ducibus Masovix, qui Friderici Romanorum Imperatoris consanguinei sui auctoritate & promotione, quæ tum in Curia Romanâ plurimum poterat, nitebantur, certamen sibi acre & difficile subeundum fore, facile sibi persuaderi passus est, vt ius suum omne in Casimirum Ducem transfunderet. Cæterum Casimirus Rex susceptam semel Andreæ Oporouij etiam si à paucis electi promotionem, vt ius nominandorum Episcoporum nuper à se usurpatum stabiliret, constanter se usurum declarauit: hinc cum missi ad eum à Casimiro electo Legati Cracouiam venissent, supplicesque nomine Casimiri, ne honori & dignitati nepotis & consanguinei sui obstaret, & vt assensum eius electioni præberet, precarentur, respondit se quidem consanguineo suo bene velle, sed vt nondum adultum, nec per ætatem Episcopalis dignitatis capacem promoueat, sacrorum Canonum præscripto se prohiberi; denique non esse nec fore ex dignitate Regiâ, si posteaquam Andream Oporouium, virum eruditum, & optimè de se meritum, ad eum Episcopatum promouendum suscepisset, mutata, quod minimè Regem deceret, voluntate, alteri studium auctoritatemque suam deferret. Sic itaque duobus inter se contendentibus, res ad Sixtum IV. Pontificem Maximum eius auctoritate definienda delata est: ibi cum Fridericus Imperator Casimirum Ducem Masovix, Casimirus autem Rex Poloniæ Andream Oporouium promouendos à summo Pontifice peterent, Pontifex vt Imperatori potius quam Regi gratificaretur, Casimirum decem & octo annos natum Episcopum Plocensem renunciavit; Oporouio verò vt Regis quoque desiderio aliquâ ex parte satisfaceret, Varmiensem Episcopatum, remoto, & in Camenensem trãllato Nicolao Tügeno, attribuit. Hoc sanè verius crediderim valuisse in hac promotione fauorẽ Imperatorium, quam quod Dlugoffus refert, Sixtum Pontificem promissis nomine Ducum Masovix sex millibus aureorum, negotium hoc Nicolao Mniszewski Canonico Plocensi in Vrbe agente illectum, secundum Casimirum pronunciaſſe. Constat quidem Casimirum,

rum, literis tantum capiendæ possessionis causâ à summo Pontifice obtentis, ius omne Episcopale inuasisse, ac non nisi quadriennio exacto, ad sacra diplomata expedienda, Romam Matthiam de Sluzewicz Decretorum Doctorem Archidiaconum Pultouensem misisse, veritum fortasse ne si citius hoc negotium in Vrbe vrsisset, recens memoria promissi pacti, eum ad soluendam sex millium aureorum summam stringeret. Omnia nihilominus in Vrbe obtinuit nuncius Casimiri Sluzeuius; nam & poenis Canonis, quibus ob usurpatum Episcopatum tenebatur solutus est, & ut viginti duos annos natus Episcopus consecrari posset, ætatis nondum maturæ veniam à Pontifice impetrauit, accitoque ad se Andrea Episcopo Posnaniensi, posteaquam Sluzeuius ab Vrbe sacra ferens diplomata redisset, ab eodem in Ecclesiâ Collegiatâ Pultouensi Episcopus est consecratus. Non eius erat animi & ingenij Casimirus, ut ex illustri & vetustâ Regum Poloniae stirpe ortus, conceptæ de se hominum opinioni respondere posset, homo planè nihili, & ministri cuiusdam obscuræ conditionis arbitrio cuncta gerens: itaque necesse fuit, ut per electum à Capitulo Vicarium, Magistrum Nicolaum de Mierzyniec Decretorum & Legum Doctorem, Canonicum Plocensem, Episcopatus Plocensis gubernaretur: quo tamen Casimirus non recto consilio quasi grauiorem monitorem veritus, amoto, Magistrum Matthiam de Orocno Canonicum in eius locum subrogarat: quo mox intra paucos dies apoplexiæ morbo extincto, prior Administrator electus, locum quo motus erat obtinuit, Episcopatumque in spiritualibus functionibus, & iurisdictione quoad Casimirus vixit, rexit. Casimirus autem, cum nouem circiter annis nomine magis quam re Episcopus Plocensis esset, in prædio Episcopali Iunecensi, die 9. mensis Iunij, anno millesimo quadringentesimo octuagesimo mortuus, & Pultouiae tertio à morte die ad sacrarium sepultus est. Alterum hunc Episcopum Ducali sanguine ortum habuit Ecclesiâ Plocensis; vtriusque mores & ambitionem si spectaueris, videbis ambos idem voluisse, non ut Episcopi essent, sed ut bona Episcopalia possiderent, ipsque pasti, & sibi perniciem, & Ecclesiæ dedecus accelerarent.

Casimirus 1.
Dux Maso-
niae Episcopus
Plocensis
mortuus An-
no 1480.

Petrus IV. de Chotkovvo Episcopus Plocensis XLI.

HActenus alieno cortice nauigauimus, legentes vestigia Ioannis Dlugossi, quæ ille antiquitatis acerrimus inuestigator ita trita reliquit, ut ne ij quoque laude carere debeant, qui ea quæ ille scripsit secuti eadem vel correxerunt vel expolierunt. Interim cum Dlugossus ultra scribere intermiserit, nos partim historicâ hinc inde petitâ notitiâ, partim coniecturis certitudini historicæ, ubi illa defuerit, suffragantibus adiuti, ceptum prosequimur cursum; quamuis in promptu nobis sit archiuum, & acta Plocensis Ecclesiæ, quibus sæpius admonebimur, ne in scribendo extra

orbitam manum ponamus. In defuncti Casimiri Ducis Masouia locum, Petrus de Chotkowo Medicinæ Doctor subrogatur, plebeia quidem stirpe, Villâ Chotkowo, quæ ditione Episcopi Plocensis bonorum Makolinensium continetur, oriundus, sed in tenerâ adhuc ætate quotidianum victum mendicatâ stipe quærens, tãtam animi magnitudinem præsetulit, vt cum Cracouia studiorum causâ versaretur, cuidam Episcopi Cracouiensis coco quærenti, quâ Diœcesi oriundus esset, & ille Plocensi respondisset, cocoque inferente, cessurûsne esset stipe in præsens luculentiori acceptâ spe Episcopatus Plocensis, ingenuè responderit, sibi futuram dignitatem potioresse victu, licet eo vita contineatur. Itaque in Academiâ Cracouiensi non exiguâ operâ literis impensâ, mox etiam insignibus Magistri Philosophiæ solenni ritu decoratus, publicè cæteros erudire cœpit; quo tempore inter alios ei operam dabat Andreas Oporowius, qui postea eximiâ eruditione cum polleret, Regni Poloniae Procancelarius, & demum Archiepiscopus Gnesnensis fuit: Bononiam deinde, nempe eâ tempestate omnium Academiarum celebriorem, se contulit, præstantissimorumque Philosophorum & Medicorum vsus contubernio, ac Medicinæ Doctor renunciatus, tantam opinionem apud illos eruditos viros sibi conciliauit, vt ad Cathedræ quoque munus, & ad profitendam publicè Philosophiam admissus fuerit. Hac famâ cum vigeret, Boleslaus Masouia Dux, eum ex Italiâ honesto stipendio exciuit, liberisque suis, inter quos Casimirus quocque, qui proximè Episcopatum Plocensem gessit fuerat, Magistrum dedit; deinde perspectâ illius in tractandis præclarè quibusque publicis negotijs dexteritate, Cancellarium Masouia creauit, ac Sacerdotijs etiam, videlicet Præpositurâ Sancti Michaelis ac Canonicatu Plocensi auxit. Istis honoribus & fauoribus conspicuus, facilè vacante Episcopatu Plocensi, omnium animos in se vertit, vt Episcopus Plocensis renunciaretur. Itaque Comitjs electionis, ad diem Sancto Augustino Confessori & Episcopo Sacram, qui vigesimus octauus Mensis Augusti est, ac eo anno millesimo quadringentesimo octuagesimo in feriam secundam inciderat, indictis, Prælati & Canonici Plocenses concordibus sententijs hunc ipsum Petrum Episcopum Plocensem renunciarunt, quem ita electum Duces Masouia Boleslaus & Ioannes libenter viderunt, Sixtus Quartus Summus Ecclesiæ Romanæ Præses, datis Sacrarum literarum sub actu feriæ tertiæ post Festum Sanctæ Luciae rescriptis confirmavit, Andreas Oporowski, cui olim Petrus, vt supra diximus, per annos vndecim Magister in studijs obtigerat, iam tunc Episcopus Præmyssiensis, & nominatus Vladislauiensis, Regni Poloniae Vice-cancellarius, in paterno suo vico Oporowo, assistentibus sibi Iacobo Margaritenfi, & Vincentio Ennensi Episcopis, die Dominico in quem memoria Sancti Ioannis Baptistæ inciderat, infra Octauas Corporis Christi, millesimo quadringentesimo octuagesimo primo, mandato eiusdem Sixti Quarti Summi Pontificis consecrauit. Hoc suscepto

scepto munere, Petrus talentum Euangelicum copiosè diuinâ manu sibi datum non abscondit, sed tanquam bonus nummularius fecundis auxit vsuris, ipse ore suo sæpiùs verbum Dei prædicans, omnia Episcopalia munia ita obiens, vt nullam partem quæ ad hoc officium pertinet, intactam reliquerit, bonorum cultor & amator promotorque, eorum verò qui extra terminos vocationis suæ prolaberentur, corrector acerrimus, ac disciplinæ Ecclesiasticæ obseruantissimus, eleëmofynarum largitor, pauperum egenorumque tutor ac defensor. Hic Pultouiæ sub nomine Sancti Spiritus Xenodochium, in quo pauperes & infirmi nutritur struxit, Capellam item pro Mansionarijs Ecclesiæ Plocensis Cathedralis, ac domum in quâ Mansionarij à se instituti manerent, ædificauit, Ioanne Duce Masouiæ hanc foundationem adiunante, vtque iisdem Mansionarij Horas in honorem Beatissimæ Virginis MARIE Assumptæ perpetuis temporibus decantarent, ac deuotè absoluerent constituit. Prouentus Capituli Plocensis datis decimis mensæ Episcopalis auxit, idem medietatem villæ Radanowo, & Wola Radzanowska, commutatione Aduocatiae in Bogucino pro mensa Episcopali acquisiuit. Coluerat dum vixit singulari veneratione Beatissimam Virginem MARIAM, cuiusque operam sæpiùs se expertum fuisse gloriabatur, cuius quoque beneficio, vt sub patrocinio & die ipsius, qui eidem Reginae cœli in cælum Assumptæ sacer est, ex hac mortali vitâ ad cœlestem transiret obtinuit, Anno Domini millesimo quadringentesimo nonagesimo septimo, cum Sedem Ecclesiæ Plocensis annis sedecim tenuisset.

Petri II. de
Chotkovyo
Episcopi Plo-
censis anno
1497. obiit.

*Ioannes IV. Lubranski dictus Pinarius Episcopus
Plocensis XLII.*

SI quis vnquam questus est virtuti non patere gradum ad honores, eum in falsâ opinione versari, exemplo suo docebit Ioannes Lubranski Pinarius. Nullos hic iuuenis admodum spirabat & sperabat honores, nullas somniabat dignitates, sed totus pietati studiisque deditus, eas concipiebat spes, & hunc gradum quem virtute conscenderet sibi proponebat, vt, si Deo ita placuisset, Sacerdos factus, totum se sacris Ecclesiæ obsequijs dicaret: sed Deus qui exaltat humiles, aliam sternebat virtuti ipsius viam, quæ ne cogitantem quidem eò ducebat, quò difficile alios ambitio perducere solet. Erat in aulâ Regiâ patruus ipsius Gregorius Lubranski Archidiaconus Cracouiensis, vir in administratione profanorum negotiorum non sine laude versatus, cæterum idem Ecclesiasticæ functionis adeò rudis, & eruditionis expers, vt nec sacro etiam sacerdotij Ordine suæ ignorantiae conscius initiari vnquam voluerit, cum maiorem ætatis suæ partem in curandis Vieliciensibus & Bochnensibus salinis consumpsisset. Merita tamen eius & Casimirus Rex, & filius eius Ioannes Albertus tanti æstimabant, vt eum ad Episcopatum promouere

voluerint; sed ille tanto oneri ferendo cùm se imparem ingenuè profiteretur, vacante Episcopatu Plocensi, à Ioanne Alberto Rege supplex petijt, vt se quidem priuatam vitam ducere permetteret, voluntatem autem se Episcopatu Plocensi augendi, per hanc occasionem ad Ioannem Lubranscium suum ex fratre nepotem, omnibus humanis ac diuinis disciplinis excultum, Iuris vtriusque Doctorem, vitæ probitate pietatēque singulari fulgentem transferret. Placuit Principi viri modesti & ab ambitione alieni pia & honesta modestia, qui meritorum suorum maluit fructum decerpere nepotem suum, quàm si ipse hunc honorem adeptus, & eius pressus onere, etiam salutis æternæ amittendæ periculum adiret. Cùm autem Senatus Ecclesiæ Plocensis non facilè admissurus videretur, vt & sibi & aulæ ignotum, ac vix annos triginta egressum, Episcopum renunciaret, Regis mandato Fridericus S.R.E. Cardinalis, Archiepiscopus Gnesnensis, ac Episcopus Cracouiensis, ipse electioni tanquam Canonicus Plocensis natus, (etenim Ecclesia Plocensis hoc quoque inter alia decora numerat, quòd Archiepiscopi Gnesnenses nati sint, vt vulgò dicitur, Canonici Plocenses) interesse voluit; qui cùm clam promotionem Lubranscij foueret, eam tamen induerat personam, ac si desiderio huius Episcopæ adipiscendæ teneretur. Sed Prælati & Canonici Plocenses, collatis in vnum suffragijs, Nicolaum de Bartniki Custodem Plocensem utroque parente nobilem in Masouiâ natum, de domo & familiâ Dolangarum, in Episcopum elegerunt, paucis exceptis, qui Cardinalis consilij conscij, suis sententijs hunc honorem ad Cardinalem deferrebāt. Cuius auctoritas vel potius potestas tanti fuit apud Nicolaum electum, vt illius basilicis precibus victus, ius legitimâ electione partum in eum transfuderit. Cardinalis igitur eâ quam induerat detractâ personâ, sententias omnium quorum erat iam factus compos, in Ioannem Lubranscium, Iuris vtriusque Doctorem, quem, vt diximus, clam fouebat, refudit. Itaque eo auctore, frustra mussitantibus Prælati & Canonicis Plocensibus, Ioannes Lubranscius Episcopus Plocensis designatus, & à summo Pontifice Alexandro Sexto confirmatus, ac deinceps ab eodem Cardinali consecratus fuit. Nobilis is erat, loco nobili in Palatinatu Brestensi natus, ex eâ familiâ quæ Pinum pro stemmate gerit: si doctrinam, si pietatem spectes, eo honore dignissimus. Felix profectò fuisset Ecclesia & Diœcesis Plocensis, si ei tanti Pastoris virtutibus diutiùs frui licuisset; sed ille cùm in animo haberet maximis impensis Sponsam suam ornare, easque ex redditibus Episcopatus Plocensis sibi non suffecturas non temerè suspicaretur, infra vnius anni decursum, Vryele Gorcano Episcopo Posnaniensi vitâ functo, ad sedem illam tunc opulentiorē, electione Capituli Posnaniensis se transferri passus est; in quâ quanta monumenta liberalitatis suæ reliquerit, vt familiam quoque suam penè inuidiosis opibus auxerit, vt piè & religiosè vixerit, ij scripserunt qui vitas Episcoporum Posnaniensium scriptis confignarunt. In Plocensi autem Diœcesi ipsius extat

extat memoria constructum Skapense Religiosis Sancti Francisci de Observantiâ Monasterium. Hoc Episcopo translato deinceps libera quoque, qua hætenùs vsi sunt Prælati & Canonici Plocenses, Episcoporum electio voluntate Regum abrogata & antiquata est.

Vincentius I. Przerabski Episcopus Plocensis XLIII.

Siradiensis Palatinatus decus & ornamentum familia Przerabiorum, quæ inligne vetustæ Nobilitatis Nouinam habet, Vincentium Episcopum Plocensem protulit, clatum in primis & illustrem virum, à teneris annis ita educatum, literisq; & pietate imbutum, ut summum locum illi deberi consensus omnium decerneret: nec defuit Regia ad eum ornandum, & dignitatibus cumulandum voluntas. Itaque Regni Vicecancellarius renunciatus, facilè mox declaravit, se maximis quibusque Magistratibus gerendis parem esse. Erat in eo animus ingens, ad ferenda quævis pericula paratus, liberalitas & munificentia viro eo loco nato digna, eruditio singularis. Quare Regis potissimum Ioannis fauore, & promotione, Episcopus Plocensis renunciatus, & eiusdem commendatione ab Alexandro Sexto Romano Pontifice confirmatus, ac Cracoviæ consecratus, Sabbatho in Vigiliâ Epiphaniarum Domini, Anno millesimo quadringentesimo nonagesimo nono, comitatu Siradiensium Procerum cinctus, ad Ecclesiam Plocensem venit, sacrisque alterâ die solenniter operatus tanto dignitatis splendore in suâ Sede consedit, ut omnibus admirationi esset, omnesque cum eâ familiâ natum, eo dignitatis splendore fulgentem venerarentur. Neque sanè pcenitisset unquam Plocenses à tali Præsule diutiùs gubernari, nisi virtus ipsius aliud eum euocasset, & ad Ecclesiam Vladislaviensem maioribus opibus ditatam, morte Cressai de Curolwanki vacuum, magno illius Diocesis desiderio illum appetentem transtulisset. Quod quidem voluntate & assensu Regis Alexandri accedente, millesimo quingentesimo tertio, die vigesima quinta Iulij accidit, nam hoc anno & die, Prælati & Canonici Vladislavienses, tum in oppido Gorzno manentem postulatum ad eum ut Episcopatum Vladislaviensem acceptaret, venerunt. Humanum quid eum passum dicerem, quod quinquennio summa cum laude gesto Episcopatu Plocensi opulentiorẽ præoptauerit.

Erasmus I. Ciolek Episcopus Plocensis XLIV.

Quo genere, quæve stirpe genitus fuerit Erasmus Ciolek, unde prodierit, quomodo creuerit, & illa ipsa quæ vixit ignoravit ætas: gratia cum Alexandri Regis floruisse, & dum adhuc priuatus ageret, ante adeptum Regnum, illius potissimum consilij niti solitum, fuisse Alexandrum, omnis illius temporis credidit antiquitas. Quidquid sit, huius

ius Regis auctoritate Episcopatum Plocensem consecutus est, anno millesimo quingentesimo quarto; vasrum fuisse hominem & callidum, & qui Regi cuius gratiâ florebat, tyrannidem suaderet plerique credidere; vili & plebeio loco Cracoviæ natus tantum ingenio valuit, ut Episcopatum Plocensem adipisceretur, & non solum Alexander Rex cuius obsequijs & fauoribus creuerat, sed & Sigismundus primus Rex Poloniæ, operâ eius fideli & industriâ, in obeundis apud Pontificem Maximum & Cæsarem legationibus, semel atque iterum vteretur. Sed postremò missus ad Leonem Decimum à Sigismundo primo, dum ibi secreta quædam tractat consilia, eodem anno quo Leo decimus Romæ obiit, ibidemque in Ecclesiâ quæ Sancta Maria Populi appellatur, tumultus est. Obtinuerat dum in Vrbe esset à Leone decimo Pontifice Maximo, non solum confirmationem fundatâ à Paulo Gizicio Ecclesiæ Collegiatæ Pultouiensis, sed etiam ut tres Prælatuæ sub nomine Scholastici, Custodis, & Cantoris, annexis ijs tribus Parochialibus Ecclesijs Dzierzinenfi, Zlotorienfi, & Wronensi erigerentur, & locum ac stallum ante omnes Canonicos, & vocem in Capitulo haberent, utque Canonici Pultouienſes alia quoque beneficia sustentationis, & continuæ apud Ecclesiam Pultouensem residentiæ causâ acquirere, eaque legitimè obtinere possent; sed quia ille antequàm in Poloniam rediisset, in Vrbe, ut dictum est, vitam cum morte commutavit; neque hoc Pontificium indultum à Successoribus Erasmi ab Episcopis Plocensibus receptum fuit, ea res conatu magis suscepta quàm exitu, hætenus intermissa est sola Vicariorum illius Ecclesiæ ab Erasmo inchoata fundatio, & eodem rescripto Pontificio contenta, multorum subsequenſium Episcoporum liberalitate aucta perseverat, ut Canonicis more aliarum Cathedralium & Collegiatarum Ecclesiarum in stallis suis residentibus, Vicarij Divina officia peragant & decantent. Prælati verò & Canonici singuli per vices suas ordinarias Missas solennes celebrent, & quod ad residentiam pertinet, legibus sacris ac præscriptis in libello foundationis conditionibus teneantur & sint adstricti.

Raphaël I. Lesczynski Episcopus Plocensis XLV.

Successorem accepit Erasmus Raphaëlem Lesczynski, nobili & vetustâ Wienieuitarum familiâ ortum. Fuit is primò Episcopus Præmyſliensis, deinde auctoritate Sigismundi Primi, per Adrianum, vel fortè Clementem Septimum Plociam translatus, vir ita Sacerdotali & Episcopali functioni deditus, ut tamen publicas curas minimè negligeret. Viderat & præviderat fortasse ex suâ familiâ ortos, ad nascentem ipsius tempore in Germaniâ obscœnam & impiam hæresim transituros; quamobrem diligenter cavit, ne is Episcopatus cui præerat, hærefariâ labe inficeretur, suoque consilio & auctoritate eò flexit Masoviæ Duces, ut in

in Comitij Varſauienſibus vniuerſis Maſouiæ Ducatus Proceribus libenter conſentientibus , ac ſe poſteritatemque ſuam concordi voto & voluntate obſtringentibus , ſtulti & deliri Martini Lutheri errores , tunc primùm in Germania excreſcentes , in vniuerſâ Maſouiâ publico ediſto damnarent , & ne in regionem hanc veræ pietatis altricem inferri , hominesque maculare poſſent , nevé quis tale dogma profiteri auderet , ita prohiberent , vt ſi quis in eum prolaberetur errorem , poenis capitalibus vitæ fortunilque exutus obnoxius eſſet. Quod quidem decretum vniuerſa ita amplexa eſt Maſouia , vt ad hæc vſque tempora exoſam habeat omnem hæreſim , & ſola inter tot Regni prouincias ſuſceptam ſemel Catholicam pietatem , vel vitæ etiam ipſius periculo tueatur , & in publicis Regni Cōuentibus impijs hæreticorum auſis conſtanter repugnet. Cuius decreti ſeriem huc inferendam duximus. Extat in arce Pultouienſi pars quædam muratæ domus ab eo , vt titulus indicat , ſtructæ , quæ tota in ruinam prona , vel ſpontè corruet , vel breui diruenda erit. Annis nō integris quatuor præfuit Episcopatu Plocenſi ; Pultouiæ obiit , atque in Eccleſiâ Collegiatâ Pultouienſi ſepultus eſt hoc adieſto Epitaphio :

Leſcinius iacet hac poſitus tellure Raphaël,

Qui plenus magni Præſul honoris erat.

Propter virtutem per maxima facta decoram,

Hunc releua precibus Lector amice tuis.

Obijt Dominicâ Oculi Anno Domini M. D. XXVII.

Decretum contra Hereticos Ducale in Actis Ducalibus quæ circa Caſtrenſia Varſauien. habentur contentum.

Actum Varſauiæ feriâ quintâ ante Dominicam Oculi Conuentionem continuando proximâ , Anno Domini milleſimo quingenteſimo vigefimo quinto , in præſentiâ Illuſtriſſimi D. D. Ianuſſij Dei gratiâ Ducis Maſouiæ Ruſſiæ , &c. nec non Magnificorum , venerabilium & Generoſorum Felicis Brzeſki Palatini Maſouiæ , Capitanei Ciechanouienſis , Laurentij de Praznowo Cierneniſis , Ioannis Loſki de Wola Chynowska Viſnenſis , Petri Kopythowski Varſauienſis , Alexij de Lubki Wyſſogrodienſis , Ioannis de Krisko Zakroczimienſis , Ioannis de Oborij Ciechanouienſis , Michaëlis de Zaliwie Liuenſis Caſtellanorum , Nicolai Zukowski Præpoſiti Eccleſiæ Collegiatæ Varſauienſis & Ducatus Maſouiæ Camerarij , Alberti de Popielzino Canonici Varſauienſis , & Ducatus Maſouiæ Succamerarij , Pauli de Trabki Archidiaconi eiufdē Eccleſiæ Collegiatæ Varſauienſis , Thomæ Sokolowski Decretorum Doctoris & Cuſtodis , Stanislai de Strzelce Scholaſtici , Pauli de Popielzino Canonici eiufdem Eccleſiæ Collegiatæ Varſauienſis , Bartholomæi Radziminski de Miaſtkowo Czerneniſis , Budek de Naquaſino Wyſſogrodienſis,

grodiensis, Erasmi de Kobelniki Ciechanouienſis, Ioannis de Oyrzanowo Liuenſis Pincernarum; Seraphini de Obory de Zaleſie Czernenſis, Nicolai Wierzbiata Varſauienſis, Petri de Kucharj Wyſlogrodienſis, Varſauienſ. Stanislai de Woystawice Liuenſis, Iacobi de Ielenia Nurenſis, Andreæ Kieſielnicki de Boguſice Lomzenſis Iudicum; Nicolai Oborski de Lecieſſczyce Czernenſis, Stephani de Wodynie Varſauienſis, Adriani de Golymino Wyſlogrodienſis, Ioannis Ciſkowski Zakrocymenſis, Ioannis Wilicki Ciechanouienſis, Criſtini de Cubra Viſnenſis Vexilliferorum; Iacobi Gloſkowski Czernenſis, Stanislai Kownacki Viſnenſis, Petri Targoma Zakrocymenſis, Pauli Brzeſki Ciechanouienſis Succamerariorum; Nicolai de Runowo Czernenſis, Iacobi de Kozniewo Wyſlogrodienſis, Martini de Czernidla Zakrocymenſis Dapiferorum; Ioannis de Niwiſka, Czernenſis, Pauli Pniewski Zakrocymenſis Theſaurariorum; Gregorij Vliniecki Czernenſis Pincernæ, Stiborij de Mlacz Czernenſis, Matthiæ Swiderski Viſnenſis, Matthiæ de Suiaſice Varſauienſ. Alexij Cibulski Wyſlogrodienſ. Michaëlis de Czernice Ciechanouienſ. Stiborij de Michalowo Nurenſis, Subiudicum & aliorum fide dignorum. Illuſtriſſimus Dominus Princeps cum toto conſilio ſuo, volens ſectam Lutheranorum & eius falſum dogma in Ducatu ſuo ab omnibus ſubditis ſuis penitus eradicari, & ne hoc falſo errore & dogmate ſubditi ſui à fide Orthodoxâ, & Sancto ritu Romanæ Eccleſiæ ſeducantur, ex officio ſuo & auctoritate Ducali, vt verus Chriſtianæ religionis & fidei Princeps providere tempeſtiuè cupiens ita decreuit, conſtituit, & conſecluit. Vt nullus in toto Ducatu Maſouia tam in Ciuitatibus, Oppidis, quàm eorum in Villis cuiuſcunque conditionis & ſtatus exiſtat, præſertim in Ciuitate Varſauienſ. libros & falſam doctrinam Lutheri in quocunque ſermone, ſiue latino, ſiue Almanico, aut quouis alio tenere apud ſe & in domibus ſuis habere, legere, ac ipſum falſum dogma Lutheranorum profiteri, ſectam portare, tueri, & alijs eandem perſuadere præſumant. Ita tamen vt quicunque de hac Sectâ legitime conuictus & probatus fuerit, talis vitâ priuari debeat, & bona eius omnia quæcunque habet mobilia & immobilia conſiſcari, & ad theſaurum Ducalem recipi debeant. Quod Decretum Dominus Dux mandauit in omnibus Diſtrictibus & Capitaneatibus publicari, & diligenter per omnes Officiales exequi. Locus ✠ Sigilli.

Ex Metricâ Ducali ſub Sigillo Terreſtri Varſauienſi reſcriptum. Stanislauſ Smieciński Terreſtris Varſauienſis Notarius. Correxit Smieciński.

Andreas III. Cricius Episcopus Plocensis XLVI.

Iam ea tempora notanda veniunt, quibus in Poloniâ elegantioris literaturæ usus vel maximè inualuit, auctore potissimum Petro Tomicio, viro æterna memoriâ ob eruditionem dignissimo, qui adeptus Cancellarium Regni, primus genus illud diceudi & scribendi, longâ & fœdâ barbarie corruptum nitore linguæ Latinæ expolire cœpit. Ex hac palæstra & institutione prodijt Andreas Cricius Kotuicius, Tomicij ex sorore nepos, quem summo ingenio excelluisse, poemata ab ipso scripta, etiam si obscenitatis sordibus fœtere videantur, satis declarant. Tomicius certè Regni Cancellarius, nepotis à se educati ita operâ usus est, ut etiam si ab aula primò Episcopus Præmysliensis, postea Plocensis factus Cricius recessisset, si quid tamen grauioris momenti scribendum, si aliqua grauis legatio formanda contingebat, ad illum remitteret, palamque testaretur, illius subsidiariâ ope in tractandis publicis negotijs se niti, extant vtriusque mutuæ hac de re scriptæ epistolæ. Denique cum Tomicio Archiepiscopatus Gnesnensis deferretur, eâ conditione cum suscipere renuit, si is honos ad Andream Cricium nepotem suum, iam tum Episcopum Plocensem transiret; quod quidem factum est, ut viuentē adhuc Tomicio, Cricius Archiepiscopus Gnesnensis renunciaretur. Sed ut ad Cricij initia redeamus, honestis & nobilibus parentibus is cum esset ortus, & liberalitate Auunculi subleuatus, ingenioque suo & industriâ mōstratus fatis, inprimis in aulâ dignus visus est, ut Barbaræ Scepusiæ, Sigismundi primî Regis Poloniæ coniugis prioris Cancellarius esset, cuius mortem præclaro postea deplorauit poemate. Valuit & gratiâ Reginæ Bonæ Sfortiæ, cuius laudes non inuenustis versibus sæpius lusit & decantauit: sed omnium dignitatum consequendarum auctor illi & dux fuit Auunculus, ac virtus quoque ipsius & dignitas, ita ut primò Episcopatum Præmysliensem, postea Plocensem adeptus fuerit; quem cum octo circiter annis gessisset, ad Archiepiscopatum Gnesnensem, anno millesimo quingentesimo trigesimo quinto translatus est. Præfuit tractatibus qui auctore Sigismundo primo, pacis inter Ferdinandum Austriacum Romanorum Regem, & Ianussum Vngariæ Regnum potentia Turcicâ sibi usurpantem, constituendæ causâ instituti fuerunt. Vngaricâ quoque functus legatione, parem se magnis negotijs ostendit. Reperitur in manuscriptis illius defensio magis politicè, quàm Catholicè scripta, translati à statu religioso ad sæcularem Magistri Prusiæ, Ducisque titulo à Sigismundo primo cohonestati, & Romam, vbi hoc factum Sigismundi valdè carpebatur, missa. Plura scripsit metro quàm soluta oratione; illud verò egregiè, quo tunc Lutheranas de fide opiniones primùm in Poloniâ spargi cœptas, grauiissimâ apologiâ confutauerat, erroresque eorum testimonio sacrarum scripturarum impios esse ostenderat.

Ioannes Choienski Episcopus Plocensis XLVII.

Nemo miretur nos, si deinceps in scribendis Vitis Episcoporum Plocensium, maximè eorum, qui hunc locum, quasi gradum quandam, ad consequendos ditiores Episcopatus habuerunt, breuiiores fuerimus; namque ij omnes, suos in maioribus Episcopatibus sortiti sunt, vel certè sortientur, qui nobis longè ingenio præstant laudatores. Et ut à Ioanne Choienscio, ex eorum genere qui stemma Abdank gerunt, orto, Cricij in Episcopatu successore incipiam; qualis quantusque is vir fuerit, & gesti per eum Magistratus, & Cracouiensis Episcopatus summa dignitas satis ostendunt. Hic cum Cricio in Episcopatu Plocensi successisset, anno millesimo quingentesimo trigesimo quinto, non integro biennio exacto, anno millesimo quingentesimo trigesimo septimo Episcopus Cracouiensis renunciatus, eo quoque beneficio Sigismundi primi, Pauli Tertij Summi Pontificis accedente consensu, potitus est.

Petrus Gamratus Episcopus Plocensis XLVIII.

Quæ gente quæve stirpe natus fuerit Gamratus, apud neminem legisse me hætenus memini, neque vlla vestigia eo vitæ functo familiae illius extitisse crediderim; Sulinæum eum fuisse scribunt auctores, sed in quo Palatinatu, quove loco natus fuerit, haud satis constat: multis certè referentibus iuuenis admodum audiui, hæreticorum principem & antesignanum Nicolaum Reium, qui Catholicam Ecclesiam venenosus scriptis prosciderat, modumque ex formulâ Lutheri verbi Dei deprauandi, edito impiarum concionum volumine primus præscripserat, Gamrati ex sorore fuisse nepotem. Ad hunc fortasse hæreditas illius transmissa fuit, quæ tamen grandis esse non potuit. Gamratum enim prodigalitate magis quàm auaritiâ laborasse certum est. Bonæ Reginae potissimum is gratiâ floruit & crevit, id satis declaratur Epitaphio illius tumulo Cracouiæ insculpto:

*Gamratum Regina potens Bona Sfortia Petrum
Cracovia & Gnesna Pontificem statuit.*

Cuius ope etiam Vice-cancellariatum Regni, cum esset Episcopus Præmysliensis sperauerat, paratusque in Senatum ita venerat, ut eo nomine Regi gratias ageret; sed à Marschalco Regio, qui more & instituto Regni, præmissâ solenni oratione Cancellarios renunciare solet, egregiè elusus fuerat; nam is proluxiori usus oratione, facie ad Gamratum versâ, cum multa præclare de eius Magistratus dignitate dixisset, & postremò veluti Gamratum renunciaturus verba illa: Tibi Domine Episcope, sine tamen nomine illius proprio protulisset, & aliquantùm hæsisset, Gamratus, quasi id sibi dictum esset, surrexit; sed cum Rex huius ironiæ
fortè

fortè non ignarus manu extensâ ; Sedete, inquit, Domine Episcopo, non vos estis, innuisset : tum demum Marschalcus eluso & in ruborem Gamrato dato, Ioannem Choinium Vice-cancellarium Regni renunciavit. Caterùm is lusus lucro deinceps Gamrato fuit. nam Choinius non diu Episcopatu Plocensî & Cancellariatu Regni functus, cessit Episcopatu Cracouiensî Gamrato, ad quem hic ex Plocensî anno millesimo quingentesimo trigesimo octauo translatus est. Fuisse illum cùm priuatus esset, Archidiaconum Pultouiensem, Decanum Varsauiensem, Parochum Viscoutensem comperio, nulli autem Ecclesiæ Cathedrali adscribi illum potuisse, quòd in nobilitate probandâ aliquis næuus & defectus intercesserit, grandis est suspicio. Creditur certè cùm supremis fati admoueretur, longè diuersum genus vitæ quàm quod iuuentute vixerat suscepisse, & ob præclaram liberalitatem quâ erga egenos ferebatur, alijs quoque virtutibus cum eximiâ detestatione vitiorum, quorum sibi conscius erat cumulasse, mortemque ipsam satis piè & feliciter obiisse. Vidimus nos literas manu ipsius scriptas, ad internuncium Martinum Cromerum, quem ad Urbem curatum vt simul cum Archiepiscopatu Gnesnensî Episcopatum quoque Cracouiensem teneret, miserat datas, satis elegantes illas quidem, sed cùm antiquitas ipsa testetur, illum omni caruisse eruditione, crediderim alterius cuiuspiam ingenij illum partum fuisse, & à Gamrato caractere proprio transcriptum, vt Pontifici fidem faceret, se etiam eruditionis laude non carere.

Iacobus Buczacki Episcopus Plocensis XLIX.

QUæ causâ fuerit, quòd Iacobus Buczacki Ruthenus ad Episcopatum Plocensem promotus sit, certò asserere non possumus : suspicari tamen licet, ob præclara bellica domus vetustæ Buczaciorum merita, cùm is vnus è tantâ familiâ ad statum Ecclesiasticum transisset, honore Episcopali insignitum fuisse, Zlotoriensem quoque arcem in Terrâ Dobrinenfî beneficio Regio tenuisse reperitur. Ex quâ dum Plociam versus proficisceretur, Brodniciæ quod Oppidum Regiæ est in Palatinatu Culmensi ditionis, morbo grauatus vitam finiuit, anno millesimo quingentesimo quadragesimo secundo, cùm quadriennio Ecclesiæ Plocensî præfuisset. Extat sepulchrum eius in Ecclesiâ Cathedrali Plocensî hoc signatum Epitaphio:

Reuerendissimo Patri, Domino Iacobo Buczacki Dei gratiâ Episcopo Plocensî, vltimo hæredi nobilissimæ & vetustissimæ illius familiæ in Terris Podoliæ, & Russiæ positum. Mortuus anno millesimo quingentesimo quadragesimo primo, die Veneris sextâ Maij.

Colligere hinc licet, Buczacios qui nostrâ ætate vixerunt alterius stemmatis, alterius stirpis fuisse, etiamsi idem nomen gentilitium usurpauerint.

Samuel Macieio-vvski Episcopus Plocensis L.

EXimia ingenij vis, rara eloquentia, mores elegantiores, summum in Regno Poloniæ decus Macieio-vvski pepererunt, ob quos gratus Principibus, gratus & populo, magnâ auctoritate Episcopus adhuc Chelmensis, & Regni Cancellarius, post Episcopus Plocensis, ad extremum Cracoviensis, Senatorium munus sustinuit, non sine tamen invidiâ. Sigillum Regni unâ cum Episcopatu Cracoviensi retinuit, quâ gravatus in Comitibus Petricoviensibus, Anno millesimo quingentesimo quinquagesimo, urgente & cogente Nobilitate illud deposuit, & Magistratu se abdicavit. Arcanorum hunc fuisse tenacissimum ferunt, unde illud dictum Regij Morionis, quem dicere solitum fuisse tradunt, duos esse in Poloniâ qui semper mentirentur, Petrum Gamratum & Samuelem Macieio-vvskum; illum quod cum nihil sciret, omnia se scire, & omnium consiliorum participem esse affirmaret; hunc quod si quis ab eo de negotiis Reipublicæ sciscitari vellet, se omnium ignarum esse præferret. Præfuit Plocensi Ecclesiæ Macieio-vvskus ferè triennio, Cracoviam translatus, anno millesimo quingentesimo quadragesimo quinto diebus Nouembris.

Ioannes Bilinski de Ciexino, Episcopus Plocensis LI.

Multos annos in aulâ Regiâ exegerat Ioannes Bilinski, dignus qui anteâ etiam ad altiores honorum gradus promoueretur, sed ea erant illa tempora Sigismundo primo adhuc regnante, ut magis eruditi omnem excluderent ambitionem; postremis demum Sigismundi primi temporibus, tota honorum & dignitatum distributio, Rege ipso senectute laborante, in Regiæ potestatem concessit, quæ Italico orta sanguine, ingentes animo conceperat opes, quas deinde in Italiam, ut fecit, transferret; maritumque ætate fessum sui quodammodo iuris fecerat. Igitur vacante Episcopatu Plocensi, translato in Cracoviensem Samuele Macieio-vvski, multis impensis laborandum erat Bilinio, ut eo honore exornaretur; habebat fratrem germanum Iacobum Bilinium, Suffraganeum Plocensem, Archidiaconum Pultoviensem satis nummatum, & Andream Noscowium Plocensem & Pultoviensem Canonicum consanguineum suum; his adiutoribus usus, qui partim præsentî pecuniâ, partim interpositâ sponcione, ab amicis quæsitâ grandem summam pro illo in aulâ dependent. Sed Bilinium vetusta familia ea quæ lunossam, seu Agnum pro stemmate habet, Episcopum Plocensem renunciatum tantum audiuit & non vidit Plocia; eodem enim anno quo Episcopatum accepit, nempe millesimo quingentesimo quadragesimo sexto, cum die ultimâ Martij possessionem Episcopatus per Procuratorem adiisset, die decimâ octavâ Maij Cracoviæ vitam cum morte commutavit, atque ibidem honorem sepulchri consecutus est.

Andreas

Andreas Noskovski Episcopus Plocensis LII.

Non ab aulâ, etsi non sine aulæ & Regina Bonæ fauore, sed ex Canonicis qui tum præsentibus ad Ecclesiam Plocensem manebant, lectum & datum accepit Ecclesia Plocensis Episcopum Andream Noskowski. Is non alia nisi Plocensem & Pultouensem Canonicatum, dum priuatus esset Sacerdotia habuit; interim tamen cum bona Ecclesiastica administraret, ut erat industrius, rem auxerat, & grandem pecuniæ summam coaceruauerat. Cuius expendendæ, ut illa tempora ferebant, non inhonestam occasionem fata illi dedisse videbantur, cum ut paulò antea diximus, Bilinius consanguineus eius iuuandus esset, sed Bilinio intra paucos menses vitâ functo, & res & fides Noscouij in extremum discrimen adducta, videbatur: non tamen ille despondit animum, sed assumpto secum Iacobo Bilinio in aulam pergit, impensam in promotione Bilinij repetiturus pecuniam, quæ in quo sinu lateret, optimè nouerat. Fauit fortuna votis illius, nam Regina Bona, promouente facilè Regiâ nominatione Episcopatum Plocensem consecutus est. Genus illi nobile & vetustum in Territorio Zacrocymenti, Pater Florianus Noskowski de stēmate quod Lada appellatur, Mater Anna Lescinia: conditio paternarum fortunarum satis tenuis, ita ut puero cū paupertate satis luctandū fuerit; sed adolescens præclarâ ingenij indole ad maiora sibi aditū præstruxit, ac mox in aulâ quoque Stanislai & Ianussij Ducum Masouiae, Paulo Trabio eorum Procancellario, eum ad se vocante, locum habuit. Breue & fatale fuit horum Ducum imperium, uterque fraude meretriciâ extinctus est, ita ut Noscouio breuis admodum aulæ usus fuerit, & alium fortunæ cursum quærere coactus sit, ac tandem beneficio Andreae Cricij Episcopi Plocensis Canonicatum Pultouensem adeptus, priuatam vitam per multos annos egit, rei familiari augendæ potissimum intentus. Vitam illius & res in Episcopatu gestas descripsit Andreas Swiæcicius Notarius Terræ Nurensis, Noscouij è sorore nepos, ad quem Lectorem remittimus: illud prius præfati, videri nobis Swiæcicium affectu sanguinis ductum, magis encomiastem quàm historicum egisse; nos pauca ex eo libabimus. Constat sanè omnium testimonio, Noscouium & Pontificiam & Senatoriam dignitatem cum laude sustinuisse. Altero postquam ille Episcopus renunciatus est anno millesimo quingentesimo quadragésimo octauo, Sigismundus primus Poloniae Rex cessit è vitâ, cuius supremis officijs non defuit Noscouius, ut & Regina Bonæ lachrymarum confortio dolorem leniret, & Sigismundum Augustum ad capeffendum Regnum cohortatione suâ accingeret; cuius matrimonium cum Barbarâ Radiuillâ clam contractum, cum ab vniuersis Regni ordinibus vehementer improbaretur, Noscouius in fauorem Regis & minùs gratæ Reginae sententiam suam flexit: eâ verò vitâ functâ, Sigismundo Augusto,

Catharinam Ferdinandi Imperatoris filiam, infaustis auspicijs desponsatam deduxit, Olomucium usque eius rei causâ cum splendido comitatu profectus. Cùm in Senatu vehementer disceptaretur, vtrum Regina Bona, quæ non satis honesto prætextu filio & filiabus relictis, ac toto secum thesauro sublato in Italiam profectionem adornabat, retinenda esset? Noscouius etiam per vim retinendam esse censuit, Reginaque ob id ferociter illi improperanti, facetè respondisse fertur. Regem Sigismundum Augustum grandi iuuit pecuniâ, nonnullis præfecturis hypothecæ nomine ab eo acceptis, quam pecuniam in ijs Comitibus, quæ executionis appellata sunt, Rege ipso Sigismundo Augusto auctore, magno Noscouij dolore perperam collocatam fuisse iudicatum fuit, Noscouiusque eâ priuatus cùm acceptum damnum sarcire vellet, ingentem sylvarum Episcopaliū stragem fecit, Dantiscumque venum misit, adeo ut fremente Capitulo Plocensi, & hanc iniuriam Ecclesiæ factam ad Regem deferente, moneri eum oportuerit, ut ab hoc quærendæ pecuniæ modo superfederet. Ecclesiam Plocensem collatâ Cleri Diocesis pecuniâ & sumptu, ac magnâ ex parte deiectis veteribus muris, eleganti opere struxit & exornauit. Brocouiæ, quod est Oppidum Episcopi Plocensis, templum Parochiale ædificauit, Pultouiensi Ecclesiæ Collegiatæ fornicem adiecit; suâsu & hortatu Stanislai Hosij Cardinalis & Episcopi Varmienfis, Religiosos Societatis IESV Pultouiam induxit, nullo quidem suo sumptu, sed prædijs Episcopalibus aliquot in eum usum à mensâ Episcopali auulsis, fundauit, extinctâ veteri Pultouiensi Scholâ, quæ certis quibusdam decimis dotata fuit, & ad quam Magistri ex Academiâ Cracouiensi euocari solebant. Iuuenturi quæ è Diocesi Plocensi Cracouiam ad Academiam studiorum causâ se conferre vellet, domum, Bursam Philosophorum postea appellatam, cocto latere struxit, ac datis decem millibus florenorum, censum annuum ex quo aliqua pars victus studiosis illis confici posset, iure perpetuo emit. Dum Episcopatum Plocensem gereret, omnibus modis cauit, ne hæreticâ lue sua Diocesis inficeretur; cumque quidam non in Masouiâ natus, isque à religione Catholicâ alienus, vxore ductâ grandem hæreditatem hîc adiisset, omnibus modis studuit Noscouius, ut eum ab errore abduceret; sed cùm nec doctrina, nec cohortationes hominem mouerent, Noscouius bona vxoris illius maiori etiam pretio quàm par erat licitatus, datâ pecuniâ hominem pestiferum ex Diocesi abegit. Idem cùm Sigismundus Augustus præter ius & consuetudinem, Religiosis Abbatî Cœruinensis Abbatem obtrudere vellet, celeritate studia ambitionis præuenit; nam cùm Rex vellet, ut ad certam diem electio Abbatis indiceretur, Noscouius electionis tempus anteuerit, & cùm ij quos Rex promouebat nouam flagitarent electionem, Stanislao Falæcio nobili viro, & religionem professio illis Abbate iam electo monstrato, Regis offensam non veritus, egregiè ambientium desideria elusit. Exitum ipsius ex hac vitâ Swiæcicij verbis exequar. Cùm duos & viginti

viginti annos in Pontificatu egisset, effecissetque eos quibus praeuit re copiosos, honestos moribus, vita integros, ipse autem non minus opibus creuisset quam gratiâ, incidit in morbum initio non periculosum, in progressu, ut apparuit, lethalem; nam cum Brancij Templum dedicaui-
 set, siue ex vehementiore nisu, (quem inter dedicandum tingendis, ut moris est, sacro oleo parietibus adhibuit) siue quapiam aliâ ex causâ lateris dolorem contraxit, & ut quiete & medicinâ se reficeret, Pultouiam ire perrexit; ubi cum missa sibi ab amico Damascena pruna inspexisset, sumpsissetque aliquot ex ijs auidius, leui primùm horrore tentatus, mox in febrim incidit. Discesserat ab illo iam antè Venceflaus Medicus sanè perincommodè, cuius per duos de viginti propè annos operam in medendo feliciter est expertus & in amicitia fidem. Itaque remedia Christinus Drozdouius apta adhibebat, sed postquàm æger inualescere morbum indies sensit, aduocatis fidelissimis: Sacrum tempus, inquit, amici est, ut cum nihil eorum quæ ad sanandum corpus pertinent omiserim, animæ etiam, dum licet, consulam. Sacerdotem ergo quo cum secretiùs quædam communicem accersiri ad me iubetote; cui cum se totum aperuisset, commissorum criminum labe expiatus, etiam sacrosanctis religionis nostræ mysterijs ritè procuratus est. Auerterat iam animum à cura rerum inanium, ad contemplationem cœlestium, cum subitò alleuari morbo sibi visus est, ita ut etiam volucrem recenti aucupio ceptam præparari in cibum, eamque mensæ inferri iuberet; sed re compertum, vana hæc sanitatis indicia fuisse. Itaque cum iam sensim viribus collabi, & spiritu deficere videretur, Sacerdos qui aderat ex Societate IESU, nullâ circuitione vsus, spem vitæ abijcere illum iussit. Et cum diceret, æquum esse ut repetenti benignissimo Creditori Deo debitum dissolueret, non modo libenter, sed etiam cum gratiâ, ille se satis vixisse respondit, gratiasque quas posset Deo immortalis agere se dixit, quòd plurimis & maximis beneficijs hanc quoque diuturnioris vitæ vsuram sibi adiecisset, vitam se quam ab eo acceperat, libenter reddere, reliquorum gratum se debitorem mori. Hac oratione habitâ, cum inter suprema suspiria Diuinæ se misericordiæ commendaret, extremam luctam tanquam bonus Athleta adiit, excessitque è vitâ nono Calendas Nouembris, anno Orbis redempti millesimo quingentesimo sexagesimo septimo, Pontificatus verò sui altero & vigesimo, cum ipse quintum & septuagesimum exegisset. Vir magnus & memorabilis fuit, Sacerdos probus, Pontifex grauis, & ad gubernandum alios eruditus, & ut semel dicam dignior semper honoribus habitus, quàm quos gessisset. Erat staturâ satis procerâ, paululùm incuruus, capite mediocri & caluo, fronte & supercilio graui, sed ore satis benigno, naso adunco, toto denique habitu decorus, quem cum vidisses, non metueres, coleres libenter; vox clara & virilis, valetudo satis prospera etiam senî, nisi quòd herniæ molestijs interdum vexaretur. Elatus est magnifico funere, quanquam ipse non iusserat, tumulatusque

Andreas
 Noskovski
 Episc. Ploens.
 in ordine 52.
 obiit Anno
 1567.

est inter lamenta & complorationes populi, non tam vicem illius quàm suam dolentis, sepulchro quod sibi viuis parauerat Pultouiæ ad dextram Marianæ Basilicæ.

Petrus Myrzkowski Episcopus Plocensis LIII.

MYszcouiorum familia sub Casimiro Tertio maioribus opibus & Senatoriâ quoque dignitate aucta est, deinde Sigismundo primo in Poloniâ regnante, cùm Laurentius Myszkowski villæ Spytkowice dominus, Ianussum Ducem Zatoriensem suum dominum; eò quòd vsu aquæ ad piscinas illius decurrentis eum priuasset, factò eo nomine iurgio, in ipso loco qui controuersus fuit, occidisset, & ad Sigismundum primum, ad quem Ducatus Zatoriensis hæreditas hac cæde deuolvebatur confugisset, & in bello Moschouitico præclaram operam Reipublice nauasset, & cædis factę gratiam obtinuit, & ad maiores opes consequendas aditum sibi patefecit. Hac stirpe quæ ex stemmate & insigni Iastrzebecia appellatur, Petrus Myszcouius Episcopus Plocensis ortus, Canonicus Cracouien. factus, Patauij, vbi tum studia humaniora vtriusque linguæ, magnis magni nominis Professoribus eas docentibus vigeant, aliquot annos literis impendit, tantumque in eis profecit, vt inter elegantiores Scriptores non postremus haberetur. Extant Manutij, & aliorum eius temporis Italiæ Scriptorum ad eum epistolæ, ex quibus facillè quiuis colligere potest, quanti eruditio Myscouij æstimaretur. Artem quoque mendendi non vt eam exerceret, sed vt sciret, calluisse dicitur. Iam maturiore ætate cùm domum redijisset, delectatus otio, & opibus Canonicatus sui Cracouien. contentus, priuatam & nulli obsequio obnoxiam vitam duxit: denique quinquagenario maior, ob præclaram eruditionis opinionem in aulam euocatus, cùm potissimum styli elegantiam floreret, à Ioanne Przerębio Vice-cancellario Regni, Regio nomine literis scribendis adhibitus est, & tot Beneficijs auctus, vt eum nescio quis per iocum Præpositum per totam Poloniam dixerit, Secretarij Maioris munus per multos annos intermissum, vt cum maiori dignitate in aulâ versaretur illi anno millesimo quingentesimo quinquagesimo nono collatum fuit. Denique Philippo Padnieuio ad Episcopatum Cracouiensem promotò, Sigillum quoque Regni minus gerendum Regio beneficio obtinuit, ac Vice-cancellarius Regni renunciatus est. Felicia erant illa tempora, & Magistratibus Regijs maximarum opum feracia, quâ occasione Myscouius vsus ingentem pecuniæ summam in eo magistratu collegit, adeò vt cùm vitâ functo Noscouio, à quo Coadiutor muneris Episcopalis cooptatus fuerat, Plociam 15. Martij, anno 1570. ingrederetur, centum millia florenorum secum attulisse existimatus fuerit: in Plocensi Episcopatu octo annis peractis, demum Anno millesimo quingentesimo septuagesimo septimo, mortuo Episcopo Cracouien. Francisco Krasinio, cùm eodem anno

anno Stephano Regi, bellum contra Gedanenses gerenti, sexaginta milia florenorum mutuò dedisset, ad Episcopatum Cracouiensem translatus fuit; in quo cum quatuordecim circiter sedisset annis, ita familiam suam coemptis bonis & opibus auxit, ut deinceps illius ex fratre Nepotes, inter Principes Poloniae emerent; qui tamen mox totum patrimonium ingenti Patruī sollicitudine collectum prodegerunt, ita ut hereditas ex bonis Ecclesiae parta, mox ad manus alienorum transierit. In Plocensi Episcopatu nulla eius extat memoria, nisi quod partem muri arcis Pultouienſis restaurauerit.

Petrus Dunin VVolski Episcopus Plocensis LIV.

Vetusta est in Polonia, & magnae nobilitatis domus Duninorum, virtutis cultrix, & magnorum virorum ferax; eius auctor fertur fuisse Petrus Danus, quem Vladislaus Criuoultius, omnium hostium qui ad fines Regni Poloniae sunt victor, Daniā quoque in potestatem redactā, opibus tunc in illo Regno praecipuum, & ob metum tyranni solum vertere coactum, ita in Poloniam traduxit, ut is amplissimas quas habebat opes secum transtulerit, iisque auctus luculentas in Polonia possessiones, & praedia nobilissima coemerit, familiamque felici successu propagauerit. Duninus autem appellatus est, quod veteres nostri Vandali Danos Duninos quasi robustos dixerint: habet haec familia pro stemmate Cygnum, cuius surculi in multis Palatinatibus Regni sparsi haecenus conspiciuntur, sed potissima eorum in Palatinatu Siradiensi sedes, & aliquot extant oppida, quae olim in ditione eorum fuerunt. Inde ortus Paulus Dunin Wolski, sub Sigismundo Augusto supremus Regni Cancellarius fuit, susceptisque ex legitimo matrimonio aliquot utriusque sexus liberis, postremo iam praegravante aetate & vxore mortua, quietioris vitae causa Episcopatum Polnaniensem suscepit, Cancellarijque munus deposuit, nec multo tempore gesto Episcopatu cessit e vita. Hoc patre natus est Petrus Dunin Wolski, qui ut erat magni Senatoris filius, in tenera aetate accuratori studio primis literarum rudimentis imbutus, Pataviū deinceps se contulit, ubi doctissimorum virorum contubernio usus, ita in humanioribus literis profecit, ut & literatus, & ad eloquendum promptus inde redierit. Nec diu illi bene de Rege & Republica merendi in Aula Sigismundi Augusti occasio expectanda fuit; nam cum & eruditus esset & prudens, ac res Regiae poscerent, ut tali indole praeditus, ad Philippum Hispaniarum Regem mitteretur, qui negotium successionis in Regno Neapolitano, secundum mortem Reginae Bonae, quae Regi uti filio eius debebatur, vrgeret & tractaret, illi hoc munus demandatum fuit, cuius rei gratia cum in aula Hispanica per decem circiter annos mansisset, magnamque industriae laudem tulisset, sub exitum Sigismundi Augusti inde euocatus in Patriam rediit; Regeque mortuo, ac Henrico Valesio

lesio illi subrogato, tantum vel patris ipsius memoria, vel ipsiusmet etiam morum modestia doctrinæ & pietati coniuncta potuit, ut in Comitibus quæ Regi coronando indicta fuerunt, omnibus fauentibus Sigillum Regni minus illi collatum, ac Vice-cancellarius Regni renunciatus fuerit. Cumque opes paternæ fratribus cæteris cessissent, neque ille aliud sacerdotium præter Canonicatum Gnesnensem haberet, publico decreto illius inopiæ subuentum est, ut ex salinis Vieliciensibus duodecim millia florenorum annuatim illi darentur, donec per aliam occasionem aliter illi prouisum fuisset. In omnibus actionibus suis nihil nisi ordinatè gerere, & talis conspici voluit, ut ad numerum omnia fierent, certis horis, certisque spatijs ita omnia metiens, ut in exercendo etiam corpore quotidie certos passus conficeret; cibi quoque & potus ea moderatio adhibita, ut nihil nimium vnquam in eo apparuerit, ita à naturâ cõparatus, ita aulæ Hispanicæ moribus imbutus, ut hoc nonnunquam nomine cæteris fastidium pareret. Regem Stephanum Cracouiam primùm venientem Mogilam illi obuiam progressus, eleganti excepit oratione, atque in Comitibus coronationis Regis, cum Valentinus Dæbinski Cancellarius munere se abdicasset, Volscius illi successor datus est, in eius locum Ioanne Zamoscio subrogato, ita ut cum Cancellario Regni natus esset, Cancellarij munus etiam gereret. Non diu tamen hunc quoque gessit Magistratum, nam Petro Myscouio Plociâ Cracouiam translato, libentissimè hanc occasionem ab aulicis occupationibus se subtrahendi amplexus est, & Rege volente Episcopus Plocensis renunciatus. Episcopatu Plocensi adeptus diu quiescere illi non licuit; breui enim fuit à Rege missus Legatus ad Gregorium XIII. Pontificem Maximum in negotio Moschouitico; namque Moschouix Dux cum videret se armis à Stephano Rege premi, neque tantum animi haberet, ut in campum prodire, & aperto Marte illi resistere posset, ad summum Pontificem Gregorium XIII. confugit, fictâ religionis pietate pollicitus, si eo auctore pax cum Stephano Rege conficeretur, se imperiaque sua ad obsequium summi Pontificis traditurum. Cuius rei causâ, miserat summus Pontifex in Poloniam Antonium Posseuinum è Societate IESV, virum eruditum, & iam antea in Septentrionalibus oris versatum, Rege Stephano non inuito hanc legationem acceptante, quod nondum ad bellum Moschouiticum ita paratus erat, ut expensis hostium viribus certam sibi victoriam polliceri posset. Ne tamen Pontifex tales concordix conditiones ferret, quæ Regni & Regis rationibus consentaneæ non essent, legatione hac per Volscium institutâ cauere voluit. Rebus in Vrbe ex sententiâ Regis confectis, domum rediens Episcopus, reduxit secum ex Italiâ Marthiam Pstroconium, iam eo tempore qualis vir, quantusque futurus esset, eximijs virtutibus & eruditione pollicentem. Eo interregno, quod à morte Stephani Regis subsequutum est, cum in varias factiones scissa esset Respublica, ille nulli addictus parti, eum in omnibus consilijs tenuit modum, ut solius patriæ

patriæ amore, & conseruandæ Catholicæ religionis in Diœcesi suâ, quæ ab hæreticâ labe semper immunis fuit, studio duci videretur. Comitibus tamen tam Electionis, quàm Coronationis ægram causatus valetudinem non interfuit. Ad initium anni millesimi quingentesimi nonagesimi admonitus, ut ipse scribit ætatis suæ iam decursæ sexaginta annis, iplis Calendis Januarij manu suâ Testamentum condidit, quo quâ pietate fuerit, & quomodo vitæ suæ rationes expenderit, quantum Ecclesiam suam Sponsam amauerit, luculenter testatus est: supellectilem certè omnem Ecclesiasticam, tam in auro & argento, quàm etiam in vestibus sacris, quæ satis magna & elegans fuit, cum in legatione Romanâ versaretur, egregio opere & magno sumptu comparata, vnâ cum peristromatibus, ac nobilissima Bibliothecâ Ecclesiæ Plocensi Sponsæ suæ donauit. Id quidem fecit cum nullâ aduersâ valetudine magnoperè laboraret, sed quasi præsciens se breui fatis concessurum: id quod accidit; nam eodem anno, die vigesimâ mensis Augusti, cum sine vllâ morbi suspitione prandium absoluisset, & à mensa solus in cubiculum, in quo dormire solebat, se reduxisset, ibi (ignoratur quo casu) dum fenestram aperit, Pultouix mortuus repertus, & in Ecclesiâ Plocensi sepultus est. Creditum fuit, postea quàm aliquantulum somno indulisset, calescente corpore apertâ fenestrâ refrigerari voluisse, & aëre recenti perfusum in apoplexiam incidisse. Vir erat naturâ benignus, pietatis amans, in conuersatione iucundus & cunctis affabilis, eruditione præstans, & qui sermones ac colloquia grauiissimis sententijs condire probè nosset. Viscouix in oppido Episcopali, ligneâ quidem materiâ, sed commodâ satis formâ palatium condidit. Supremæ voluntatis eius executores, quorum alter fuit Decanus Plocensis ex fratre, alter Paulus Czerniewski Vexillifer Gostinensis ex sorore nepos, interuertisse existimabantur testamentum defuncti, quo nomine Decanus cum Alberto Baranouio Episcopo Plocensi, qui Volscio successerat diuturnam habuit litem.

Albertus Baranovvski Episcopus Plocensis LV.

Scribentibus historiam, nulla maior difficultas obijci solet, quàm cum recentem puper vitâ functorum memoriam scriptis inferere volunt; nam nisi eos laudibus cumulaueris, non desunt qui minimam eorum reprehensionem, sine quâ veritas ipsa sibi non constat, tanquam id à maleuolentiâ aliquâ proficiscatur, in sinistram partem interpretentur. Multos quidem liberalitatis suæ alumnos reliquit Baranovius, qui etiam nunc in viuis supersunt, ex quibus aliquem vel scripsisse; vel scripturum eius vitam non dubito. Nos ea tantum attingemus, quæ ad Episcopatum Plocensem pertinent, ad quem ille nominatione Sigismundi Tertij Poloniæ Regis, cum Anno millesimo quingentesimo nonagesimo, designatus, & successor Volscio datus esset, & Vice-cancellariatum ad volunta-

tem

tem Ioannis Zamosceij Regni sup̄remi Cancellarij, cuius fauore creuerat se accommodans, præter leges Regni diutiùs tenere vellet in Comitij Varſauiensibus, sub initium anni proximi celebratis, in quibus de Magistratu deponendo agebatur, graui Stanislai Karnkouij Archiepiscopi Gneſnensis, & aliorum Episcoporum obiurgatione perſtrictus, inuito etiam Cancellario eo se abdicauit. Omnes quidem Magistratus satis adhuc immaturâ ætate consecutus est, felicitate quadam, & quòd Ioannis Zamosceij, qui apud Stephanum Regem plurimùm auctoritate potuit, gratiam demereri ceteris meliùs nosset. Pari cursu in quouis honoris gradu assequendo cum Petro Tylicio contendisse videbatur: vtriusque non alia doctrina vel eruditio fuit, nisi quam in Cancellariæ negotijs tractandis vsu & consuetudine sibi parauerant; neuter illorum vel Philosophiæ, vel Theologiæ, aut etiam Iurisprudentiæ initia in scholis hauserat, sed Tylicius longè ingenio Baranouio præstabat, idque priuato studio fuerat consecutus, vt elegantia tam Polonici quàm Latini styli polleteret, ac in Senatu molli quodam & temperato sermone citra cuiusquam offensam sensum animi sui explicare sciret, cum è cõtra Baranouius, etiã si vel ioco ludere vellet, non nisi acriùs verbis pungere videretur, & in Senatu non omnibus eius grata esset oratio. Is tamen à Rege Stephano Tylicio prælatus, adhuc anno millesimo quingentesimo octuagesimo primo, Regni maior Secretarius renunciatus est, ac postmodum mortuo Ioanne Borukouio Episcopo Præmyſſiensi, Præposito Plocensi, ac Vicecancellario Regni Poloniæ, quasi ex asse illius hæres esset, & sacerdotia & magistratum defuncti obtinuit. Sub interregno in magnâ apud eos qui acta Regis Stephani seditiosâ factione minùs probabant, inuidiâ fuit, adeò vt in Conuocatione Varſauiensi Ordinum Regni, grande periculum adierit, ne iniuriam aliquam insignem acciperet. Venientem ad capeſſendum Regnum Sigismundum Regem in portu Dantiſcano excepit, ei que diplomata electionis nomine Procerum Regni detulit, atque deinceps toto eo tempore quo Vicecancellariatum gessit, ambiguo illius fauore vsus est, adeò vt Rex libenter videret eum deposito magistratu ab aulâ secedere. Episcopatum Plocensem adeptus, præscâ quadam seueritate eum gerere instituit, inſensus ijs, qui officij & status sui immemores, vel turpitudine aliquâ fæterent, vel munus sacerdotale non ritè exequerentur, acrior multis visus quàm gratior, & qui timeri mallet, quàm amari. Ipse in omni vitæ genere constans, grauis, & vbi res poscebat, liberalis, pius etiam & pietatis studiosus apparere contendit. In tuendis iuribus Ecclesiæ non valdè felicem eum fuisse, vel Gorznenſis causa argumento esse potest. Crisciorum in Territorio Plocensi familia nobilis & satis potens, Zielunensium honorum hæres, iam olim interuersis limitibus, ingentem fundi oppidi Gorznenſis partem vi abstraxerat: lis eo nomine illis mota, iam olim ab ijs qui Episcopi Plocenses erant continuata, vsque ad Baranouij tempora perdurarat; hanc ille dum iure prosequitur,

ita

ita Stanislai Crispii Palatini Masouia, & Capitanei Plocensis, fundi illius Gorznenlis vsurpatoris iram in se accendit, vt planè hostilem animum, etiam in publicis confectibus & sermonibus contra illum exerceret, ac in Conuentu Raciazinenli, anno millesimo quingentesimo nonagesimo secundo, factione Nobilitatis ita Episcopum oppresserat, vt ille loco confectus cedere, & alio quam quo venerat itinere domum redire cogeretur. Denique tanta iniurii potentiâ fractus, interuentu magnorum virorum, in Comitibus Varlauensibus eò se adduci passus est, vt omni iure eius fundi, de quo lis erat, cederet eidem iniquissimo iurium Ecclesiæ occupatori. Quæ res cum magno Ecclesiæ detrimento esse videretur, & ab alijs Baranoui successores neglecta esset, quartus ab eo in Episcopatu Plocensi successor, totam eam rem in integrum restituit, decreto Tribunalitio rescissis iniquissimæ transactionis & alienationis tabulis. Toto Episcopatus sui tempore, tam Senatorij muneris, quam etiam Spiritualis partes implere semper contendit, inultumque vt Cleri mores ad præscriptum sacrorum Canonum formaret, laborauit. Præscriptasque eo nomine formas, tam in Cathedrali quam in Collegiatis Ecclesijs reliquit, quas si eius successores secuti fuissent, rectum Ecclesiarum regimen ad nostra vsque tempora perdurasset: cuius autem deinceps fraude eæ perierint, nobis non satis constat. Seminarium in quo Clerici sacris initiandi alerentur, & literis imbuerentur, Pultouia sub curâ Patrum Societatis Iesv instituit, eidemque Parochiam Croleuiensem, nobile olim beneficium, tum & prædium Pakowo attribuit, domum denique in eum vsum latere cocto satis magnificam, & multorum Clericorum capacem, suo sumptu extruxit, palatium item Episcopi Plocia muro inchoatum, sed non perfectum reliquit, & in Bartodzieiouiensi prædio, eius quoque operâ domus lateritia stetit; in re familiari augendâ accuratus videri voluit, sed dum bonorum administrationem locatoribus committit, inter alia Brocouiensem clauem, iam antea per nepotem Volscij Paulum Czernieuium ad vastitatem redactum, eodem, quamuis id inuitus faceret, in administratione eorundem bonorum retento, penè ad extremum exitium redegit. Susceperat quoque Romanam peregrinationem, cum religionis causâ, tum vt Clementem Octauum cum quo illi familiaritas, dum sub nomine Hyppoliti Aldobrandini, Sacræ Romanæ Ecclesiæ Cardinalis legatione in Polonia fungeretur, intercesserat, in sede Petri veneraretur: à quo benignè acceptus ac honorificè tractatus fuit. Habuerat in animo, simul atque Episcopus Plocensis renunciatus fuit, vt prædijs nonnullis ab alijs bonis remotioribus diuendis, ac coaceruatâ pecuniâ, ampliorem aliquam hereditatem, in quâ Episcopus commodius morari posset, coemeret, & palatium insigne Varlauiæ, vbi publica Regni Comitia haberi solent, Episcopis Plocensibus constitueret: præstitit deinceps vtrumque. nã & distractis cõpluribus prædijs, bonâ Grodecensia in Palatinatu Podlachie, magnâ Episcoporum Plocensium cõmoditate emit, & palatiū gran-

de ac nobile amplis coëmptis fundis, multisque auctum ædificijs, sylvis Iablonensibus, in excoquendo latere magna ex parte consumptis & excisis, Varlaviæ extruxit. Sed cum Episcopatu Plocensi cessisset, ac nescio quid controuersie illi cum Martino Szyscouio successore intercessisset, mutatâ voluntate, cum iam Archiepiscopus Gnesnensis factus esset, hoc idem palatium Varlaviense olim publicâ voluntate Ecclesiæ Plocensi adscriptum, Gnesnensi Ecclesiæ addixit. Præfuit Ecclesiæ Plocensi annis quindecim, Vladislaviâ translatus anno 1606. cuius reliquas res gestas nos alijs scribendas relinquimus.

Martinus Szyszkowski Episcopus Plocensis LVI.

Vixit adhuc, etiamsi vitâ functus sit Martinus Szyscouius, viuunt ij qui ex eo & per eum orti, & magnis dignitatibus insigniti, non postremum in Republicâ Polonâ locum tenent: ab his Ecclesia Plocensis expectat claram & illustrem vitæ ipsius descriptionem, illis maximè notam qui cum illo vixerunt, qui ex illo creuerunt. Nobis adnotasse suffecerit illum ex Canonico Cracouiensi, beneficio Sigismundi Tertij Regis, primò Coadiutorem Stanislao Gomolinſcio Episcopo Luceorienſi, mox successorem datum, eaque omnia potissimum promotione Sigismundi Myſzkouij ſupremi Regni Marſchalci, (cuius patruus vir magni nominis Petrus Myſzkowski Episcopus Crac. à teneris annis eum in tutelam acceptum ingenio illius delectatus fuit & promouit, ac ſacerdotijs exornauit; denique iuuenem ſatis, vnum potissimum è multis, qui Cancellarij munere apud eum fungeretur, delegit) conſecutum; & cum Rex priore vxore defunctâ viduus, alteram ex familiâ Austriacâ prioris sororem germanam ſibi deſpondiſſet, ad eam deducendam vnâ cum eodem Regni Marſchalco miſſum fuiſſe, illâ adductâ gratiam Regiam meruiſſe, eademque promouente, cum Albertus Baranouiſ Vladislaviâ translatus eſſet, Episcopum Plocenſem renunciatum fuiſſe. In quo cum tredecim circiter annos Regi Sigismundo Tertio gratus ſediſſet, Collegium Patrum Societatis IESV Plociæ, villâ Lutobrok à menſâ Episcopali auulſâ, ac decimis Capitaneatus Lomzenſis attributis fundaeſſet, dotaſſetque; arcem Pultouiſenſem ruinæ proximam, ſubiectis columnis fuiſſet, Palatium Plocenſe à Baranouiſ inchoatum ædificijs promouiſſet, extinctis duobus Canoniciſ pinguioris fortunæ, ac nonnullis Episcopaliſ prædijs adiectis, menſam Capituli Plocenſis auxiſſet, Petro Tyliciſ Episcopo Cracouiſi, ex hac vitâ decedente ſubrogatus eſt, anno 1617.

Henricus Firley de Dabrowvicâ Episcopus Plocensis LVII.

Patritia Firleiorum familia non angustis Sarmatiæ terminis continetur, ſed quàm latè orbis Chriſtianus extenditur, eò uſque fama illius pro-

prouecta est. Hac is Henricus Firley, qui fuit Episcopus Plocensis, patre Palatino Cracouiensi, supremo Regni Marschalco, hæreticorum in Polonia antesignano natus, & ab Henrico Andegauensi tum Poloniæ Rege, ex cuius nomine nomen accepit è sacro fonte leuatus, ac statim patre mortuo curâ matris optimæ Catholicè educatus; & literis tam in Poloniâ quàm in Græcensi Styriacâ Academiâ imbutus, ad summum Pontificem Clementem VIII. se contulit, qui notæ sibi familiæ iuuenem eo fauore complexus est, vt eum inter Camerae suæ familiares adsciuerit, atque in obsequijs suis satis cum laude versatum in patriam redeuntem, Sigismundo Tertio Poloniæ Regi impensè commendauerit; quo fauore satis adhuc immaturâ ætate omnia consecutus est. Referendarius Regni, post Vice-cancellarius factus; his gestis Magistratibus, primò Luccorien-sis, mox Plocensis Episcopus creatus est: cuius possessionem anno millesimo sexcentesimo, decimo octauo apprehendit, eundemque Episcopatum vsque ad annum millesimum sexcentelimum vigesimum quartum, quo possessionem Archiepiscopatus Gnesnensis, ad quem translatus est, adiit, rexit. Illius sumptu & operâ, vt cætera taceam, conspicitur pons ad arcem Pultouiensem fornicato opere magnificè ltructus, hortus muro circumdatus, & ante omnia, palatium Brocouiense a fundamentis co-cto latere excitatum, cui tamen vt successor supremam manum imponeret, illius ad Archiepiscopatum Gnesnensem translatione factum est. Cætera vel præsens ætas laudabit, vel futura liberius reprehendet.

Hieronimus Cielecki Episcopus Plocensis LVIII.

SERò admodùm Hieronymus Cielecki, & penè exactâ ætate sacris ini-tiati voluit; nam cùm satis maturus ad aulam Regiam accessisset, & à Ioanne Tarnouio Regni Vice-cancellario, in numerum Cancellariæ suæ Scribarum receptus esset, in eâ deliberatione vtrum vxor ducenda, an ve-rò cælebs vita agenda esset, hæsisse visus est. Igitur per annos circiter quindecim, ita & in aulâ & Regijs obsequijs non sine laude & pro-bitatis commendatione versatus est, vt quem voto vitæ finem petiturus esset, non satis cuiquam constaret: tandem suadente Petro Tylicio Re-gni Vice-cancellario, propè quinquagenario proximus, Clericalem ha-bitum induit, maximè cùm videret sibi tot annorum decursu occasio-nem non patuisse alicuius fortunæ incrementi. Meritò sanè queri potue-rat, aulam & fortunam minùs propitiam se diu expertum fuisse, cùm ta-men omnium opinione dignè existimaretur, cuius maior haberetur ra-tio. Presbyter factus eâ pietate enituit, vt cùm omnium, tum potissimùm Sigismundi Regis oculos in se conuerteret, commendante eum Matthiâ Pstroconio Episcopo Premillen-si, & Regni Vice-cancellario, quo aucto-re missus fuit ad Principes Italiæ, ad Regias nuptias, que tū cū Constantiâ

Austriaca parabantur, inuitandos, eaque legatione cum laude obitâ, cum toto Pstroconij Magistratu inter Regios Secretarios primus haberetur, eiusque non tam ab eruditione, quàm à longo aulæ vsu quæsitâ industria spectaretur, Matthia Pstroconio Magistratu Supremi Cancellariatus ob adeptum Episcopatum Vladislauientem cedente, & eundem Laurentio Gembicio Episcopo Culmensi, cum quo Cielecio vel potius fratribus ipsius, aliqua sanguinis necessitudines intercesserant, capeffente, Regis & Gembicij pronâ voluntate, Cancellariæ Regni Maioris Regens renunciatus fuit. In quo munere obeundo non multum ille negotij, vel curæ habuit, nam & Gembicius vir eruditorum elegantissimus, non multum in scribendis literis alienæ opis indigebat, & cum eo tempore Sigismundus Rex, suscepto contra Moschos bello, biennali obsidione Smolenscensi arce cinctâ extra Regnum esset, ille verò in Polonia mansisset, ac eodem quoque anno, nempe millesimo sexcentesimo nono Pstroconio vitâ cedente Gembicius Episcopus Vladislauientis renunciatus, deinceps quoque non multum in aulâ Regia versaretur, omnis maioris industriæ exercendæ occasio Cielecio interclusa esse videbatur. Regiæ tamen Constantiæ quæ Vilnæ, Rege in Moschouia bellum gerente, degebat, ita inferuiuit, ut ea eximiâ illius pietate mota, gratum eum habuerit atque suum Cancellarium declarauerit, quem gradum consecutus, & magis intimæ familiaritatis Regiæ vsurpandæ, maiorisque fauoris comparandi facultatem nactus, adeò gratus acceptusque domui Regiæ fuit, ut Henrico Firleio Vice-cancellarium Regni capeffente, munus Referendariatus Regni, quod Firleius gesserat, vnâ cum Præpositurâ Plocensi ad illum delatû fuerit. In quo dignitatis loco collocatus, & fortunis locupletioribus auctus, diu præsetulit se omnino Episcopatum vllum non acceptaturum; cum tamen deinceps cerneret, se aliter aulicæ vitæ finem statuere non posse, & iam negotiorum eiusmodi, atque adeò gratiæ & fauoris Regij illum tæderet, vacante, ut dictum est, Episcopatu Plocensi, prioris voti & desiderij sui veluti oblitus, id quod illi ab amicis exprobratum fuit, summâ contentione eum à Rege petijt, & obtinuit. Sexagesimum primum & amplius annum ætatis agebat, cum ad gerendum Episcopatum accessit, maiorem tamen vocationis & status sui, quàm senectutis aut valetudinis rationem sibi existimauit, ac totus erat in exercendâ functione Episcopali, etiam si crebrius ad aulam euocatus sæpius à Diocesis præesse cogeretur, & grassantis eo tempore pestis periculis impediretur. Biennio in Episcopatu exacto, laboribus & rupti peritionæ casu morbum fatalem sibi acciuit, quo iam ictus, ita tamen labori sacro indulgit, ut diebus ijs qui sacrum Pascha antecedunt, omnia Diuina Officia per se exequeretur, ac solenniter etiam Sacrosanctis ad altare Cathedralis Ecclesiæ Plocensis sacrificijs obeundis, neminem alterum vices suas implere sineret; accessit acris & continua febris, quâ tandem die decimâ sextâ Aprilis piè & religiosè admodum, cum ad suscipiendum hunc extre-

extremum agonem, præclare se obfirmasset, vitam cum morte Plociæ commutauit, millesimo sexcentesimo vigesimo septimo. Vir fuit candidi planè pectoris, & in omni genere vitæ, id præcipuè in votis habuit, ne quenquam læderet, nulli ne molestus esset, nisi quod ab aliquibus paulò verbosior haberetur, citra tamen cuiusquam iniuriam. Funus eius nos, qui Nominatione Sigismundi Regis, altero à morte Cielecij die in Episcopatum Plocensem, quod quidem Cielecius dum viueret, se magnoperè optasse declarauerat, successuri eramus, curauimus, die decimâ septimâ Maij, multis eius fratribus & consanguineis, vterat ex illustri & copiosâ cognatione abundante familiâ ortus, hoc idem supremum munus illi pio cultu exoluentibus.

Stanislaus Lubiencki Episcopus Plocensis LIX.



IC vbi Stanislaus Lubiencki Episcopus Plocensis scribere ac viuere desijt, ego sumo calamum & vt vitam eius, quam ille (suorum in Episcopali Cathedra Prædecessorum ab obliuione vindex) silentio inuoluit, pro eo grati animi nexu, quo ei æternum obstringor, paucis euoluam. Etsi enim quis & quantus vir ille fuerit, præsens ætas non ignoret, tamen operæ pretium erit, notitiæ posteritatis consulere; quam Stanislai Lubienij pietatis in Ecclesiam Plocensem monumenta relegentem, fortè subibit penitiùs illum noscendi cupido. Genus illi vetustum & nobile, bisontis siue bubali caput transuerso gladio transactum insigne gerens, Pomianum vulgò nuncupatum: eò quòd Vieniuius, familiæ huius auctor, fraternæ cardis Decani Vladislauienſis reus, expiato cùm pijs, tum præclaris pro patria factis (vt tum belli erant tempora) scelere, villaque illius hæreditaria Lubanie Ecclesiæ Vladislauienſi adiudicatâ, insuper Principis iussu, auitum stemma Wieniawa, bisontis siue bubali capite ense transfixo mutauerit. Sedes familiæ huius fuit in Cuiavia, sed postmodum eâ nati, diuersa cognomina siue ex villarum possessorum nomine, siue aliunde assumpsere: hinc genus suum ducunt Socolouij, Colucij, Grabscij, & in Territorio Siradienſi Iarunti, ijsque orti Niewieſzj satis ohm clari: qui rursus ad discrimen aliorum Hebдарum nomen sibi nescio vnde petatum, induerunt. Hos & totam Pomianam stirpem decorauit Nicolaus Hebda de Niewieſz, tempore Venceslai Bohemi Regnum Poloniæ vsurpantis, Palatinus & Capitaneus Siradienſis. A quo & eius Nepote Nicolao Hebda de Niewieſz, complures (inter quas vtraque Lubna) coemptæ in Territorio Siradienſi possessiones, illustrem & locupletem in vno ambitu effecerant conditionem: sed postmodum auctâ sobole, atque inter plures hæreditate, paulò ampliùs quàm ante ducentos annos diuisâ, Pomianum genus maius quidem numero, minus opibus, diuersum cognominibus esse cœpit: nam villarum vocabula prout illæ cuique ex posteris Nicolai Hebda de

Niewiesz cesserant, distincta cognomina dominis dedere. Lubienij tulit nomen, qui vtraque Lubnâ prope Siradiam potitus est: quarum ambarum dominus, Stanislai Episcopi proavus, improspere Casimiri Tertij Poloniae Regis ad Choyniciam praelio, contra Cruciferos depugnans, summum vitae discrimen adiit: sed voto facto, se quolibet die Sabbathi dum vita suppeteret ieiunium seruaturum, illud euasit. Hac vetusta stirpe natus, Suentoslaus Lubieniski, duobus Episcopis totidemque Presbyteris filijs felix, Stanislai Episcopi Plocensis Pater fuit: Mater, verò Barbara de Zapolice Matthiae de Buzemin. Pstrokonski Episcopi Vladislauensis & Pomeraniae, Regni supremi Cancellarij soror consobrina, honesto & amplo, opibus, gloriâ, orta genere. Quod cum alijs reposito, inuenio ante trecentos annos Zapolios & Koniecpolios eosdem fuisse; atque Iacobum de Koniecpole Castellatum Rudensem, (sic eotempore Wielunen. ditio appellabatur) auctorem (vt huius nobilissimae Domus magis vetustas origines taceam) generis & stirpis extitisse; ac deinceps utrosque cum Przerębscijs, Roxicijs, Gomolinscijs, multos affinitatis nexus contraxisse, vt acta & tabulae tam Terrestria quam Castrensia Territorij Siradiensis vberius testantur. Sub talium parentum domesticâ curâ Stanislaus vsque ad id tempus ætatis, quod literis capeffendis idoneum est, habitus, ijsque quâ Siradię, quâ Calissij, loco nobilissimo Clericorum Societatis Iesv Gymnasio illustri, prompto semper & facili ingenio haustis, atque in Lenciciensis Castri Cancellariâ, iuris patrij (quod non audiendis publicè magistris, sed vsu in ijs locis in quibus Regij Præfecti ius reddunt addiscitur) cõparatâ notitiâ, relictisq; ibi diligentiae monumento manu suâ conscriptis tabulis, toto deinceps tempore, quoad Pstroconius Episcopus Vladislauensis & Pomeraniae, Regni supremus Cancellarius vixit, nō alumnus modò eius domesticę disciplinæ, sed adiutor laborū fuit. Nā in primis cum Ioannis Tarnouij, Regni Procancellarij beneficio, Regiam Cancellariam regeret Pstroconius, in aulâ Regiam euocatū Lubienium, scribendisq; Regio nomine literis adhibitū, in Sueciam (Rege capeffendi Regni paterni causâ eò proficiscente) secum duxit: deinde reuersum, grauiorumque literarum causâ, primò Gratium in Styriam, postea in Italiam profectū, illisq; doctū illinc exciuit, expertusque est iam tunc Episcopi Præmissiensis, & Regni Cancellarij manus gerens, egregiam Lubienij sui in omnibus Cancellariæ negotijs operam, & indutriam: præsertim turbulento illo tempore, quo paucorum audaciâ moti agitatiq; populi, fide ac reuerentiâ erga legitimum Principem Sigismundum Tertium exutâ, ferrum contra eundem parabant, quod mox strinxerant. Extant confecti à Lubienio cum profectiois Sigismundi Tertij in Sueciam, tum motuum ciuiliū Commentarij, sermonisq; à Pstroconio tum Præmissiensi Episcopo de rectè gerendo Episcopatu habiti monumentum: Lubienianæ erga eum gratitudinis non leue specimen. Pstroconio intra paucos dies, ab obtento Episcopatu

Vladisla-

Anno 1606.
& 1607.

Vladislauienſi morte ſublato, patuit mox Lubienſio benignitas Lauren-
tij Gembicij, Pſtroconij in Cancellariatu ſucceſſoris, Andrea Luceo-
rienſi, Petro Præmiſſienſi & Regni Supremo Cancellario, Episcopis,
Ioanne Regni Secretario, nepotibus & diſciplinæ illius alumnis, rari
præterea ingenij felicitate, & humanitatis famâ ad poſteros clari: qui
Lubienſium tunc Præpoſitum Gneſnensẽ, iudiciſquẽ pro eadem Ec-
cleſia munere in vniuerſali iudicio Regni (quod vulgò Tribunal voca-
tur) functum ad aulam reuocauit, grauioribus curis adhibendum. Cæ-
terum Lubienſius cumulatè operâ & indiſtriâ Gembicio probatâ; poſt-
quàm Prouinciã luſtrandi Archiui Regni, fratre Matthia laboris ſocio
adiuncto, à Rege naſtus, iterum ab aulâ ſeceſſit, accuratâ recognitione
illius cartophylacij peractâ, nuntio aulæ remiſſo, vitam priuatam agere
ſtatuerat: cùm apud Petrum Tylicium Episcopum Cracouiẽſem, qui
in partem laborum Episcopaliũ aſſumptum; Curia ſua Cancellarij
titulo, & Archidiaconatu Cracouiẽſi ornauerat, agentem, honos non
petentem inuenit: Felice Criſcio, Regni Supremo Cancellario, Regen-
tis Cancellariæ Regiæ munus ad eum vltro deferente. Quod ipſemet
Tylicio ſuadente ſuſceptum triennio geſſit, vſque dum Abbatia Tioe-
cenſis ſuſcepit regimen, templo ibidem magnificè & parte monaſterij
ab eo extructâ memorandum. Sed ante omnia induxerat in animum,
religionis Diui Benedicti ſacramento ibidem ſe obligare; verum deſide-
ria eius, ſecreta Regis Sigismundi deſtinata morabantur, qui vltro apud
Sedem Apoſtolicam effecerat, vt Lubienſio Vicario Abbatia illius cura,
quinquennio ampliùs continuaretur. Habebat hoc inter cætera pruden-
tiſſimi ſui arcana imperij Sigismundus Tertius, cùm recentiſſimæ ſemper
memoriae Rex, tum ante omnia quæ ei ſua virtus fortunaque dederat,
pietate in Deum, & beneficijs in hanc Rempublicam inſignis; vt Regij
iudicij trutinâ, cuiusque mores & ingenium penſando, quos probatos
habebat, in animi ſui occulto, Eccleſijs magiſtratibusque olim præfi-
ciendos teneret. Hac Regij iudicij ſtaterâ, diu examinatum Stanillaum
Lubienſium, ad Episcopatum Lucaorienſem promouendum Sedi Apo-
ſtolicæ nominauit; iamque Episcopali dignitate conſpicuum, nouo ho-
nore auxit, Procancellariatu Regni ad eum delato. Quem non ampliùs
triennio ſuſtinuit; quippe deſideranti ſe ab aulâ ſubducere, totamque
operam in gerendo Episcopali munere ponere; voto potiendi opportu-
nam facultatem Plocenſis Cathedra tunc vacua, & in Procancellariatu
egregia Iacobi Zadzik, id temporis Culmenſem, in præſentiarum ve-
rò Cracouiẽſem Eccleſiam laudabiliter moderantis merita, inuetera-
taque prudentia fama ſucceſſorem dedit. Raro quiſpiam aliàs tali ſuc-
ceſſore felix: non ob amicitiam modò, quæ ſumma inter eos à primâ
iuuentute vixit, ſed raras præterea viri, quæ Chriſtianas & morales,
quæ ciuiles virtutes. In gerendis magiſtratibus, haud ſemper magnis
magni ſuccedunt, potens enim eſt in hæc quoque ſicut per omnia hu-

Nominatus
Episcopus
Plocensis
1627.

*Adijt verò
Cathedram
1628. die
2. Maij.*

mana varietas, & vicissitudo. Ob calamitates quæ helli Suetici turbine agitata Prussia, vicinam Plocensem Dicecesim vniuersam premebant, parum prospera prima Episcopatus nactus erat, effeceratque imminens Territorio Gornensi (quod Plocensis Ecclesiæ patrimonium est) ab hoste Sueco periculum, ut ibi teneret ducentorum ferè militum præsidium, ad prohibendas saltem hostium incursiones: sed commisso paulò post in Gornensibus campis prælio, nostrisque acie victis, non in Gornense modo oppidum incendio, sed in vicina in villis aliisque oppidis templa ex-pilationibus ab hoste sauitum est. Pace tandem patriæ restituta, latior rerum facies, faciliorque ratio regendæ Dicecesis successit: quam ille medio intra censorium rigorem & incuriam tenore, institutis sæpius Cleri visitationibus, actis Synodis, ex præscripto Sacrorum Canonum, prudenter & paternè gubernans, secundam quoque partem Episcopalis in Polonia officij, hoc est Senatorium munus, implere contendit. Quidquid utile in publicum, sapientià præuisum, ore, calamo, promere, vrgere, monere, prout res poscebat magistratus, ad Comitia in tempore venire, prima etiam initia non negligere, comite semper fratre Matthia, in publicis negotijs muneribusque obeundis more nescio, nunc verò Vladislauensis Ecclesiæ pedum & infulam, Metropolitanæ Gnesnensis cruci & pallio, virtute duce, communiq; omnium plausu permutante. Nihil vnquam grauioris publicè contigit negotij, cui expediendo Stanislai Lubienij rara in capiendo consilio prudentia non adhiberetur, non fœdera sancita, non pacta cum vicinis firmata, non rescripta edita, non legati Regijs instructi mandatis, non de publicis negotijs ad ordines relatum, nisi vel à Principe, vel ijs qui Regiæ Cancellariæ summâ cum potestate præfuerunt, appellato prius & consulto Lubienio. Hoc etiam quod proximè morte Sigismundi Tertij antecessit Interregno, cùm Conuocationis conuentum, Electionis & Coronationis Comitia, splendido & frequenti amicorum & clientum comitatu obiret, nihil neque in publico consilio deliberatum, neque inter eos agitatum, qui publicè delecti, priuatis in consessibus difficiliore materias tractabant, vbi eius consilium, auctoritas, vox non interuenerint. Regno tandem communi Ordinum omnium suffragio (magno rei Polonæ bono) ad Vladislaum Quartum delato, potissimus ab eo electus est, qui nunquam interituras laudes Sigismundi Tertij Regis nostri (cui tunc & Constantiæ Reginæ sub tempus Comitiorum Coronationis parentabatur) funebri prolequeretur oratione, quâ quadraginta spatio annorum, in varijs negotijs muneribusque obeundis, nauatam optimo Principi operam clausit. Neque nescius sum, fuisse interdum reprehensam eius quasi nimiam in publicis negotijs sollicitudinem, & à plerisque habitum, qui parua etiam pericula, quadam animi ægritudine in maius acciperet: ceterum quisquis ita existimat, tribueret id potius ingenij perspicuitati, omnia scrutantis perpendentisque. In humanis vtique cùm de publicâ salute agitur, nihil tam leue esse,

ue esse, quòd non magnæ interdum rei momentum in vtramque partem faciat. Affulgente melioris æui spe, cùm Vladislaus Quartus deuictis, vel alijs solâ ostentatione armorum ad pacem compulsis hostibus, adeptum Poloniae Regnum, triumphis gloriosum, pace felix effecit: conuertit Stanitlaus Lubienius oculos liberalemque manum, ad comparanda noua sponsæ suæ Ecclesiæ Plocensi decora. Ille insignem illius Basilicæ structuram temporum iniuriâ, & diuturnâ incuriâ collabentem suffulcit, & picturis exornauit; ille in eâ Collegium vno de viginti Sacerdotum & Subdiaconorum ad psallendum nocturnis diurnisque Horis fundauit, Musæoque sponsæ suæ constituendo ornamento annuos redditus assignauit; ille diuturnæ de finibus territorij Gornensis controuersiae, recuperato amplo fundi tractu finem imposuit, atque beneficentiæ suæ partem in literas & literatos deriuans, Collegij Pultouiensis Societatis IESV, & Noscouiam Cracouiensis Contubernij inopiam, luculentis pecuniæ summis subleuauit, & insuper insignem Bibliothecam Episcopis Plocensibus donauit; in quâ posterî minoresque nostri eius in liberalissima studia amorem perpetuò legent. Non hîc stetit ardens eius cultus Diuini propagandi studium, nisi intercessisset fatale heroicorum facinorum magnis viris impedimentum, mors: quæ Varsauiæ Comitiorum causâ degentem, sexto ante supremum diem mense, languore corporis animique correptum, Viscouiae ad vltimum certamen se præparantem, die sextâ Aprilis de more quidem languidum & imbecillum, cæterâ nullâ nouâ tentatum ægritudine, recitatis pro more Ecclesiasticis precibus matutinis sequentis diei, momento temporis animi corporisque viribus destitutum, interim Sanctissimum IESV & Dei Matris nomina cientem, adstante illi Simone Pruski Societatis IESV Presbytero conscientiae moderatore sine cruciatu sensuque doloris sustulit, Anno ab adepto Episcopatu Plocensi Decimo tertio, ætatis sexagesimo septimo, Salutis 1640. Cuius supremis Matthias frater natus maior, Archiepiscopus Gnesnensis, tunc Vladislauensis, præcoci fraterni fati ictu cunctis altius confossus honorem habuit, cineresque tumulo in Cathedrali Plocensi intulit. Firmus semper Stanislaus Lubienius aduersus ea stetit, quibus vel boni plerumque indulgent, gloriam ex rebus à se gestis spernere, non quærere sciens; sed illâ spretâ ita cumulata redijt ad eum, vt eâ vel Romæ claret: prædicatoribus ibi eius virtutum, Cosmo de Torres, & Antonio Sanctacrucio ex Apostolicis in Poloniâ Nuntijs S. R. E. Cardinalibus, tum viro grauissimo Honorato Vice-comite, Urbani Octauæ Pontificis Maximi munus Nuntij hîc perhonorificè agente, ac Annibali Bentiuolo vtriusque signaturæ Referendario, qui Ioanni Alberto, Sigismundi Regis tertio genito, purpureo galero Pontificis nomine delato, in Urbem rediens, quas viderat Stanislai Plocensis Antistitis virtutes per amplè commendauit. Eo conciliatore cœpta inter Lubienium, & Guidonem Cardinalem Bentiuolum, virum scriptis suis orbi Christiano notum, atque

ob gestas præclarè Pauli Quinti Pontificis Maximi, in Belgio & Galliâ legationes, summumque ingenium & prudentiam nostrâ ætate celeberrimum, amicitia, mutuo literarum officio culta, usque ad extremum Lubienij vitæ perduravit. Inuat huc asserre illius Epistolam mihi quem Romæ singulari semper prosecutus est benevolentia scriptam, testem illius existimationis, quâ Lubienius foris etiam apud magnos viros floruit.

Commune vulnus, quod inflictum est Reipublicæ literariæ, ob mortem Illustrissimi Episcopi Plocensis, te nominatim affecit, qui virtutum sanguinisque coniunctione affinis ei eras. Quamobrem maiorem in modum tuo dolore tangor, licet cum demortui clarissimi viri nomen intueor, omnem ab animo intereorem penitus abstergendum esse existimem, cum in suæ gloriæ immortalitate, perpetuò sit vitam felicissimam ducturus. Illum enim religio Catholica propugnatorem acerrimum, eloquentia lumen eximium, Polonicus Senatus prudentiæ normam suspicient, ac mirabuntur. Itaque tantorum memoria meritorum, communi mortalium malo planè medicinam faciet, apud te præsertim, quem eâ constantiâ novi instructum, quæ novit & aduersa forti, & prospera moderato animo tolerare. Mea officia in qualibet rerum vicissitudine tibi offero. Romæ VIII. Calend. Iulij 1640. Hactenus Cardinalis Bentiuolus. Taceo quæ viri eruditissimi de Stanislao Lubienio senserint scripserintque: sufficiet illi luculentum Vladislai Quarti, non magis Poloniæ quàm ingeniorum & prudentiæ hac ætate Regis elogium, qui defunctum prudentissimi & grauiissimi Senatoris titulo dignatus est. Quare & ego hinc sisto calamum, non memoriam, quam tanti viri & patroni nulla in me delebit obliuio, nulla obliterabit vetustas.



Vita & Obitus

MATTHIÆ DE BVZENIN

Pstrokonski Episcopi primùm Pramislensis, dein Vladislauiensis, & Regni Supremi Cancellarij.

IACOBO ZADZIK,

SECRETARIO REGNI MAIORI,

Salutem & felicitatem

Stanislaus Lubiencki, tum Abbas Tinecensis, &

Regiæ Maiestatis Secretarius.



ON est opus, Vir Amplissime, multis ut verbis tibi explicem, quantum ego Matthiæ Pstroconio Episcopo Vladislaviensi debeam: Et si enim tua ætas non attigit ea tempora, quibus ego penè puer ab illo è scholis euocatus, sub disciplinâ eius adoleui; sed vel ex illo ipso) nihil enim unquam ille te celavit (vel ex me, cum olim in eodem contubernio versaremur, discere potuisti, me fratresq; meos creuisse favore ipsius. Agnosco ego id libenter, & quoad viam semper premeferam, me illi secundum Deum omnia debere. Ingratus essem, si aliter sentirem, ille enim me accitum ad se, admouit statim grauioribus curis, exercendæ industriæ præbuit materiam, iis qui tum summæ rei præerant, & quod caput est, SERENISS. REGI NOSTRO monstrauit & commendauit; effecitq; ut eo etiam vitâ functo alij de me non malè sentirent. Totum istud fluxit ex fonte beneuolentiæ ipsius. Vixi ego apud eum viginti propè annis, dictorum factorumq; eius conscius, in quibus cum summum virtutis & pietatis studium enitere animaduverterem, non in Pstroconium modo ingratulus essem, sed in publica etiam peccarem commoda, si ea reticerem, quæ breui hoc scripto comprehensa ad te mitto. Agnosces imaginem notæ Tibi virtutis, agnosces exemplar religiosi Sacerdotis, boni Episcopi, prudentis Senatoris, si modò nos ea ita ut erant delineare potuimus, volui-

voluimus quidem, ac ut hac narratio luculentior esset, quadam etiam interseruimus, quæ ad pernoscendas res superioribus annis actas pertinebant, in quibus describendis nonnihil nos opera ponere non te latet. Cui enim nos & nostrâ libentiùs communicemus quàm ei, quem licet virtutis comes felicitas altiùs extulit, & egregiis auxit honoribus, collis tamen constanter, dudum suscepta inter nos amicitie iura, quotiescunq; Te adire volumus excipis humanissimè, foues complexu. Creuisti & Tu, nec enim diffiteris, ex fonte discipline Pstroconiana, admiratus es virtutem viuentis, leges, ut opinor non illibenter, quæ nos de illo iam vita functo scripsimus. Vera autem nos scripsisse tu testis es luculentissimus, tu idem & nos & Pstroconium tueberis contra inuidia morsus, quanquam hæc nec quiquam mortuum arroserit, in quem nihil iam iuris habet. Virtus eius viuit, & florescet sæclis innumerabilibus. Precor Deum, ut amplitudinem tuam maioribus augeat incrementis, Teq; Ecclesiæ Dei, Reipublicæ, & nobis amicis tuis, diu seruet incolumem. In Cænobio Tinecensi Calendis Iunij. Anno Domini, M. D. C. XXII.

Gentilitij
Rosarum in
Poloniâ stem-
matis origo.
Poraius S.
Adalberti
frater gentis
princeps.



Rosarum gen-
tis per diuer-
sas familias
propagatio.

VI primus in Poloniâ familiam, quæ Rosam gentilitij decoris insigne gerit, propagauerit, Poraius Diui Adalberti Bohemi, à quo Septentrionales istæ regiones fidei Christianæ rudimentis imbutæ sunt, frater fuisse perhibetur. Cùm enim sanctissimus ille Antistes illustri in Bohemiâ familiâ ortus, & ob virtutes pietatem-que Pragenis Ecclesiæ Episcopali dignitate ornatus, gentis eius maximis iniurijs, (quæ eò grauiores erant, quò magis actiones populi pietatis Christianæ minimè capacis, legi Diuinæ & sacrosanctis Ecclesiæ institutis aduersabantur) permotus, ingratam patriam & Episcopalem sedem relinquens, ad exterarum regionum proferendæ & augendæ Diuinæ gloriæ causâ se contulisset; vlturi hanc contumeliâ Bohemi, odio non magis in virum sanctum, quàm in religionem ipsam concepto, tres fratres eius interemerunt, totum cum stirpe deleturi genus, ni quartus Poraius nomine, præsentis mortis periculum euitans, in Poloniâ effugisset. Is siue Principum Poloniæ, apud quos Diui Adalberti & nomen dum viueret, & memoria, posteaquàm fuso pro Christo sanguine, ad cælestem patriam migrasset, clara & accepta erat indulgentiâ, siue quod magis existimandum est, Dei singulari gratiâ incrementis fauente, non multò tempore in tantum creuit, ut posterius ipsius & opibus, & dignitate cæteris, quæ vnquam in Poloniâ claræ & illustres fuerunt, familijs pares essent: Sed cùm ex hac stirpe nati surculi, in diuersis Regni partibus, nouas de-
inde

inde sub alijs nominibus familias produxissent, gentilitiaque Rosarum signa, diuersis ex causis immutassent, Buzeniorum domus, à primo originis initio, in Siradiensi Territorio sedem fixit, vbi Buzeninum oppidum, ab eiusdem nominis non ignobili in Bohemià loco, mutuato vocabulo, à Poraio conditum, (à quo Buzeniorum etiam familia, appellationem sortita est) antiqua gentis primordia ostendit; cuius Boleslao, qui rebus fortiter in bello gestis, Audacis nomen sibi peperit regnante, annales nostros euoluenti, non ignota est memoria. Posteriori verò tempore, ferax virtutum & magnorum virorum illa propago ita adoleuit, vt & in toga, & in bello singulari laudis & gloriæ incremento enituerit; proximo quidem superiori seculo, Ioannes Gruscinius Archiepiscopus Gnesnensis, & Creslaus Curosuanscius Episcopus Vladislauiensis, vterque Rosarum domo orti, & Buzeniorum cognati, vetusti nominis splendorem recentibus auxere titulis; Gruscinius eò feliciter, quòd Andream cognomento Rosam de Boriszewice, (vicus is ditionis Buzeniorum nostrà memorià fuit) successorem in Archiepiscopatu Gnesnensi, suà promotione potissimum ad eum dignitatis gradum euectum reliquerit. Curosuanscius verò Ioannem Lascum, gente Corabitam, Rosæ familiæ consanguineum, virum omni memorià dignum, ad simile fastigium protulerit, qui à Creslao quidem educatus, atque publicis Regni Magistratibus gerendis admotus, ab Andrea verò Rosa Archiepiscopo adoptatus, vtrique & Creslao & Andrea fixis eorum memoriæ post mortem monumentis gratiam retulit. Creslao quidem in Ecclesià Vladislauiensis in marmore, ex quibus grati animi significationem quivis facile elicere potest, sculptis verbis: *Creslao de Curosuanki Episcopo Vladislauiensis, Ioannes de Lasko Archiepiscopus Gnesnensis, Cliens Patrono.* Andrea verò in Gnesnensi Ecclesià monumentum erexit, his inter alia additis: *Adoptionis memor totam denique Buzeniorum complexus suo patrocinio familiam, à quâ proximè tantis auctus erat beneficijs.* Spithconem quidem de Buzenin magnum proximè defuncti Matthiæ Episcopi, cuius memoriam prodimus, patrum Sacerdotio & Canoniatu Gnesnensi insigniuit; cæteros verò suo fauore ad ampliores fortunas prouexit, è quibus Hieronymus de Buzenin Supremus Regni Thesaurarius, vir, vt Velleij vtar verbis, in tantum laudandus, in quantum virtus intelligi potest, Sigismundi Augusti Regis gratià multum floruit; frater verò ipsius Petrus Iudex Siradiensis Terræ, quamvis infra Senatoriam dignitatem constitisset, non minore tamen virtutis & probitatis opinione apud omnes fuit, vterque quidem infelici quodam xui illius fato, relictà Ecclesià Catholicà, ad Lutheri dogma desciverat; quo fortasse factum est, vt Thesaurarij mascula soboles in filijs eius extincta sit: Petri verò, cum is filios duos reliquisset, alter quidem eorum Ioannes Capitaneus Ostrzesouiensis, magnæ expectationis iuuenis, & Regi Stephano acceptissimus, in ipso orientis fortunæ cursu immatura morte inter-

Ab eadem
stirpe profecta
Buzeniorum
domus vetu-
stissima.

Rosarum
Gentis viri
illustres.

Ioannes Gru-
scinius Archi-
episcopus

Gnesnensis.

Creslaus Cu-
rosuanscius

Episcopus
Vladislauien-
sis.

Andreas de
Boriszewice
Archiepiscop.
Gnesnensis.

Ioannes La-
scus Korabita
in eandem sa-
miliam ad-
optatus.

In suos adop-
tatores quam
gratus.

Spithco de
Buzenin Ca-
nonicus

Gnesnensis

Matthia

Pstrokonij

patruus.

Hieronymus
de Buzenin,

Supremus Re-
gni Thesau-
rarius.

Petrus de Bu-
zenin Terra
Siradiensis

Iudex.

Ioan. de Bu-
zenin Capit.

Ostrzesouien-

*Hieronymus
de Buzenin
Castell. Sira-
diensis.*

*In Buzeniorū
Gentem quā
prior Pstroko-
norum appel-
lationē inuē-
lit.*

*Ioannis de
Buzenin
Pstrokonski
pro patriā res
fortiter gesta.
Eius mors
gloriosa &
posteritas.
Matthias &
Zbigneus.*

*Matthia ex
Margaritā
Tarnouā su-
cepti filij:*

*Ioannes Ca-
stellanus Co-
nariensis,
Iacobus,*

*Zbigneus
cum Barbarā
de Gaiewniki
Matthia
Pstrokonski
Episc. Vladis-
lauensis pro-
genitores.*

*Ioannes Mat-
thia frater
Castell. Vie-
lunensis.*

*Matthia pro-
digiosa in-
fantia.*

ceptus, magno cū omnium, tum Regis ipsius dolore, cælebs adhuc in
viuisse delijt. Hieronymus proximè Siradiensis Castellanus, doctrinā,
pietate, Catholicæ religionis professione commendatus, animo liberali
& excelso, dignus maioribus suis, relictis quatuor filiis, qui etiam
nunc superstites sunt, ne nomen Buzeniorum interiret, effecit. Sed nos
his prætermisissis ad nostra veniamus. Ioannes de Buzenin, qui primus
quod in diuisione paternæ hereditatis villa Pstrokonie, trium fluuiorum,
Vartæ nimirum, Grabicæ, & Vidauizæ concursu nobilis, cum adiacentibus
prædijs ei cessisset, Pstrokonius appellatus est, susceptis duobus filiis, bello,
quod Casimirus Jagelloniades, coniunctis cum Vladislao filio Bohemo-
rum Rege ad Vratillauiam copijs, contra Matthiam Regem Hungariæ,
non multum prosperis auspicijs gessit, dum acrius quàm cautiùs murum
subit, occisus, quam naturæ debebat, Regi & Patriæ gloriosè vitam im-
pendit, vxore viduā & impuberibus liberis relictis: è quibus Zbigneus sa-
cris initiatus, vt suprà memorauimus, Canonicus Gnesnensis fuit; alter Mat-
thias, cū ad maturiorem ætatem peruenisset, meritis aliquot annorum
stipendijs, Margaritam Tarnouiam cum dotalibus prædijs in Cuiuiensi
Terrā vxorem duxit, (cuius altera soror Sieracouio, ex quā Ioannes Pala-
tinus Lanciciensis sui temporis Senatorij Ordinis Princeps, qui omnia sua
incrementa sibi debuit, natus est, nupta fuit) scēminam matronali pudici-
tiā, & singulari quodam pietatis studio præstantem, quæ marito tres filios,
Zbigneum, Ioannem, & Iacobum, aliquot item filias, è quibus vna Agnes
auia mea materna fuit enixa, innox vidua reliquum ætatis tempus religio-
sissimè transegit. E filijs Ioannes Castellanus Conariensis in Cuiuiā, sin-
gulari prudentiæ & integritatis laude floruit. Iacobus iuris patrij intelli-
gentissimus, maturitate quadā iudicij ita excelluit, vt eo nomine à cunctis
magni æstimaretur, multiq; è proceribus illius potissimū consilijs nite-
rentur. Zbigneus natu maior, animi & corporis dotibus insignis, cū pri-
mis annis militiæ deditus, & in patriā & apud exterarū nationes, in Hun-
garicis expeditionibus multis emeritis stipendijs, non exiguam bellicæ
laudis gloriam sibi parasset, demū ductā vxore Barbarā de Gaiewniki,
Ioannis Lubranscij Episcopi Posnauiensis, notæ sanctitatis Antistitis, ex
sorore nepte, omnibus ijs, quæ castam, piam, pudicamque decent mulie-
rem dotibus ornata, duos filios sustulit, Matthiam & Ioannem, quorum
iste ingenio non minùs quàm frater excellens, atque literis non medio-
criter imbutus, & sustinendis quibuscunque Magistratibus par, è duabus
vxoribus susceptis liberis ad Castellatum Vielunensem promotus, mi-
nor septem annis natu maiori fratri biennio præmortuus est. Matthiæ
pueri adhuc & infantis futuram magnitudinem, non dubijs præfagijs
Deus significare voluit, quorum illud memoriā dignum, cū vixdum
semestris in lecto positus, iniectis per famulam à recenti lotionē madidis
adhuc lineis vestibus oppressus esset, ac re serò animaduersā, iam ferè ex-
animis spumas ore voluens inde extraheretur, omnibus actū esse de illo

cre-

credentibus, sola mater illius foemina pijsissima, magno incōcussa fidei ardore prostrata in terram ad vota preceque confugit, & si puerulo Deus vita, quā agere iam trahebat, restituere dignaretur, se eum sacro Altari ad dicturam, & diuino seruitio mancipaturā sanctē promittit. Vix dicta fuerat, cum illi renunciatur puerum planē ac si nihil aduersi ei accidisset ad se rediisse. Non minūs id quod referam admirationem mouet. Puer idem trium quatuorue annorum, cum aequalibus suis colludens, impulsu vnus, seu fortuito lapsu in profluentem Vartę rapidi & verticoli fluminis aquam decidit, socijque puerili metu, ne res proderetur, diffugientibus omni destitutus humano auxilio, mirā quadam Dei cura seruatur. Fortē fortuna hauriendae aquae causā quidam ē famulis eō veniens, puerulum ita immersum, vt aqua penē vnus cubiti altitudine supremo capitis illius vertici superfunderetur, erecto tamen totius corpusculi trunco, quietē & miraculosē sedentem conspicatur, haud dubiē suffocatum credens inde extrahit, sed continuō vegetum, ac omnis noxae expertem repertum domum reducit incolumem. Ne primis aetatis annis prauae conuersationis consortio tener pueruli animus inficeretur, mater iollicita, & diligenti cura illius minimas actiones explorare solita cauit, illud identidem frequenti sermone auribus eius occinens: Matthia: Tu Deo & Altari eius desponsus es, quamobrem ita te geras, vt cum ad maturiorem aetatem perueneris, dignus ea statione cui te deuoui esse possis. His ille cohortationibus excitatus, talem se semper praestitit, vt in illā aetate, cui omnium concessione leues & ioculares lusus permittuntur, Matthias senili quadam prudentiā & morum grauitate, non modō coetaneis, sed natu quoque maioribus ad omnes honestas actiones, ac praecipuē pietatis studia exemplo & incitamento esset, cunctosque in sui admirationem accenderet. Cognitā hac eius indole Hieronymus Buzenski Supremus Regni Thesaurarius, vtrō à patre illius poposcit suis impensis & curā, in spem amplioris fortunae educandum eum sibi traderet. Honorifica ea & percommoda videri poterat inuitatio, nam Buzenio multum opibus & Regi gratiā pollenti, faciliē erat proferre iuuenem, & ad altiores dignitatis gradus maturē euehere, cum is non modō cognati sanguinis libereros, sed alienos etiam, in quibus aliquid ingenuum & liberale animaduertisset, suā beneficentiā & liberalitate prosequi, & quod aiunt, tollere humo solitus esset; ac pater quidem faciliē fortasse voluntati Buzenij paruisset, verū mater verita, ne si puer homini malē de religione Catholicā sentienti, ad eius arbitrium educandus traderetur, peruersarum doctrinarum magistros nactus, religionis Catholicae iacturam faceret, obstitit omnino, seque etsi tenuiori fortē impensā, proprijs facultatibus alimenta literis operam nauaturo filio suppeditaturam recepit. Iā in Vidauienti & Siradienli ludis literarijs tantum profecerat, vt ad capefenda Eloquentiae & Philosophiae studia idoneus haberetur: quare decimum sextum agens aetatis annum Cracouiam mittitur. Florebat eō tempore

Semestris infans penē suffocatus, matris voto vita restituitur.

Triennis in flumino submersus, miraculo ē in ripā incolumis extrahitur.

Eius pueritiā Mater pijs admonitionibus informat & sponsonem voti quā Deo obligatus erat inculcat.

Matthia in pueritiā senilis morum maturitas.

Matthiam filium Buzenio Thesaurario ad educandū deposcenti tanquam haeresi deprauato, mater pia tradere renuit.

A Scholis triuialibus Cracouiam studiorum causā mittitur.

pore Academia excellētibus, & in omni facultate eruditis viris, hos Matthias nactus, ac inter alios Stanislaum Socolouii (cuius nomen doctissimi editi libri satis celebre, & nullo vnquam tempore intermoriturum reddiderunt, quem postea Regis Stephani Theologū, ac Cracouiensē Canonicum vidimus) quo ille amico & magistro vius, non humaniora modò studia, ac Græcas literas percepit, verum etiam Diuinæ humanæque sapientiae reconditos fontes ita auidè hausit, vt quinq; circiter in eo studio exactis annis, cum discendi promptitudine, ac solertis ingenij acumine & viuacitate cunctis anteeret, nō eruditus modò, sed cumulatè doctus euaderet. Non prætermittam hoc loco id quod ab ignavis rerum temerè in suspicionem vocatur, ac si ille eo tempore quo Cracouiæ morabatur, habitum Fratrum quos Diui Francisci institutum secutos de Obseruantia appellat suscepisset, diluere; etsi enim religionis desiderium nemini in probrum cedere debeat, laudemque magis quàm vituperium mereatur, tamen leuitatis cuiusdam & inconstantiae nota, quæ in amplectendo & continuo deferendo hoc vel illo vitæ statu potissimum conspicitur, à Pstroconio nobis remouenda est. Eius igitur fabulæ hoc erat initium: Adolescentulo adhuc vixdum decimumquartum annum ætatis egresso, patruus Ioannes Pstrokonski Castellanus Conariensis, Præposituram Iuniwladiſlauienſem à Sigismundo Augusto Rege impetrauerat; rationibus illius accisis eo modo consulturus, eius Sacerdotij onere, cui cura quoque animarum annexa erat, se conscientiamque suam grauari sentiens Pstroconius, vt primùm Cracouiam venit, communicato cum pijs & religiosiſ viris consilio, patruo & parentibus significat, se tam tenera ætate munus hoc obire non posse, ac proinde se eo Sacerdotio abdicare velle; cum verò illi ne id faceret vetarent, vel si fecisset, se impensas quibus cœptum studiorum cursum prosequeretur, deinceps suppeditaturos minarentur; ille generosa quadam animi magnitudine, cuncta salutis animæ postponenda existimans, iuri eius Præposituræ inconsultis parentibus renunciat, & cum non ignoraret suos id ægrè laturus, vicissim ipse sibi rationibusque suis aliter se prospecturum ostēdit. Inde nata ea suspicio, vt cum frequentes cum Monachis Bernardinis, e quibus vnum singulari quadam veneratione colebat, sermones misceret, de suscipiendo illorum instituto consilia agitare existimaretur: id postquam parentibus renunciatum esset, continuo molliori responso recreatum, benè de sua erga se indulgentiâ & liberalitate sperare iubent, se curaturos deinceps, ne quid illi deesset: sic omnis illa sollicitudo præpostero & præcoci, benè fortasse, sed non secundum eorum qui cœlestia curant sensum, cupientis patruj studio iuueni iniecta, eximia illius constantia superata est. Sed vt ad inceptam narrationis seriem redeamus; cum Henricus Valeſius summo totius Poloniæ concursu Regio diademate Cracouiæ insigniretur, venerat eò etiam Ioannes Sieracouius Palatinus Lanciienſis: is Pstroconium ad se vocatum, & benignè acceptum, posteaquam ingenij

*Inurola-
dislauiensi
Præpositura
renunciatur, in-
de nata de S.
Francisci su-
scipto habitu
fabula.*

*E scholis eno-
catus, Ioanni
Sieracouio
Palatino Lan-
ciensi suum
probat in la-
tino sermone
progreſsum.*

ingenij & industriæ ipsius exploratis viribus eum tantum in studijs profecisse animaduertisset, vt à scholastico puluere eum amoueri, & rebus agendis adhiberi maturum iam existimaret; cùm eo tempore Rege peregrini sermonis rebus præsidente, non aliter nisi Latinè vel in Senatu sententia dici, vel in priuatis collòquijs cum Rege agi posset, ille in omnibus Pstroconij vsus operâ iuueni elegantia scriptoris florenti, ostendendæ industriæ & parandæ gloriæ campum patefecit. Carncouius ^{Eiusdem styli laudator} sanel Episcopus Cuiauiensis, vir acris & perspicacis iudicij, cùm in vnam Carncouius ^{Eiusdem styli laudator} & alteram Pstroconij lucubrationem incidisset, percontatus cuius ingenij foetus ille esset, ac Sieracouius iuuenis cuiusdam recenter è scholâ à se producti, operâ se hac in re vtî respondisset, nequaquam iuuenilem, sed longo ac diuturno vsu paratum eum stylum sibi videri confirmauit. Delectatus eâ sui Pstroconij laude Sieracouius domum regrediens eum secum abducit: eâ tempestate Sieracouius in eâ apud omnes fuit opinio- ^{Sieracouius Palatinus Lancien. Senator consummatissimus formator Pstroconij.} ne, vt nemo illo antiquitatis peritior, nemo legum & institutorum patriæ scientior, & qui in explicandis arduis & difficillimis consilijs singulari quadam facilitate magis polleret, haberetur, eam famam de se temporibus adhuc Sigismundi Primi cùm iuuenis admodum in Reipub. negotijs versaretur, ac mox Regni esset Referendarius concitauerat, diuturnoque rerum vsu summam auctoritatem sibi comparauerat, adeo vt homo mediocri, & equestri tantum loco natus, ob insignes animi & ingenij dotes ac heroicas virtutes ad summum dignitatis gradum euectus fuerit, ac inter eos, qui principem in Senatu locum tenebant, non postremus censeretur. Nactus is Pstroconij consanguinei sui solers & docile ingenium, quidquid ad pernoscendum Reipub. statum pertineret, quæ legum & institutorum Patriæ origo, quæ ratio gubernandæ & administrandæ Reipub. qui Regiæ potestatis vel Senatoriæ functionis modus, quæ partes Equestris Ordinis essent, qui expediendorum consiliorum ordo, talia discendi auido iuueni, frequenti sermone ingerens, ac identidem acta prioris æui & monumenta maiorum, ac præcipue temporis sui res gestas legendas proponens, maiori earum rerum cognoscendarum, quæ aliquando sibi & Patriæ vsui essent, studio accendit. Nec ille deerat sedulus à narrantis pendere ore, de rebus dubijs percontari, & quæ ipse in scholis didicerat, & ex Aristotelis doctrina hauulerat, ad vsum eorum, quæ à viro in rebus experto dicebantur accommodare, denique nullum tempus occasionemue quâ non aliquid disceret, prætermittere. Sic maturesciente iudicio etsi dignum existimaret Sieracouius, qui ^{Pstroconium cum nepotibus suis in Germaniam ablegat.} rebus agendis admoueretur, tamen non ignarus admodum necessariam esse ijs, qui in Reipub. versantur Germanicæ linguæ notitiam, vnâ cū nepotibus suis Ioanne & Martino (quorum alter Brestenfis, Inowlodenfis alter Castellanus, auiti decoris splendorem Senatoriâ dignitate nunc præclare tuentur) in Germaniam ablegat, id quidem parum consulto, quod Vratisslaviæ primum, mox Golbergæ, locis Hæreticâ labe infectis eos ma-

*Pudicitia &
Castitatis
cultor diligens
Pstroconius.*

nere voluisset, verum id fortasse idcirco ab eo factum, quod cum satis perspectum haberet Pstroconij maturi iudicii robur, ut eo praesente nullum ab eiusmodi peste nepotibus suis imminere periculum existima-
rit. Possem hic commemorare, quæ pudicitiae, & castitatis pericula ad-
ierit, tum iuuenis formâ & ætate florens, & quàm procaciter humani
generis hoste insidias struente à fæminis appetitus fuerit. Ille quidem bis
teruè diuinitas planè à turpi lapsu se seruatum esse, cum pios & ad virtu-
tem cohortatorios nobiscum conferret sermones, referebat, in eoque
singulare, & planè manifestum Dei adfuisse sibi auxilium, profusis ob
tanti beneficii memoriam lachrymis memorabat. Non diu ei discendæ
Germanicæ linguæ causâ morandum illic fuit; nam cum excellenti me-
moriâ polleret, paulò plus vno ei rei impenso anno tantum profecit, ut
expeditè sermone illo uti posset, eumque in omni deinceps vitâ familia-
rem haberet. Inde ubi redijt, doctus iam antea multorum exemplis, ne-
minem qui patrii iuris saltem prima rudimenta non nosset, aliquid no-
minis sibi comparare posse, cumque hæc iuris notitia non aliter, quàm
vfu comparari soleat, ijsque potissimum in ijs locis, in quibus à Regijs
præfectis ius dicitur vigeat, eò se, hortante Sieracouio, contulit, atque in

*Hortatu Sie-
racouij Can-
cellaria Ca-
strensi Sira-
dia incumbit.*

*Inter vita li-
centiosa sode-
les incor-
ruptus, imò
corruptorum
censor.*

*Pstroconium
Sieracouius
Carnconio
inter domesti-
cos adlegan-
dum com-
mendat.
Repulsam
primò passus
culpa Siera-
couij.*

Siradiensis Castri, ut vocant, Cancellariâ, vnum circiter annum istius rei
causâ egit, tantaque sedulitate ei studio incubuit, ut nouitius mox vete-
ranos, & diurnâ fori consuetudine exercitatos singularis iudicii acumi-
ne superaret, cunctis verò singulari modestiâ, & pietatis studio exemplo
esset: ita locus is qui ob inueteratam licentiam corruptela iuuentutis vul-
gò existimatur, Pstroconij incorruptos mores, & castum pudicumque
vitæ genus adeò non interuertit, ut ille multorum testimonio eam lau-
denter assecutus fuerit vicissim, ut eos quorum societate ne corrumpere-
tur periculum erat, honestissimarum actionum admiratione ad virtutis stu-
dium, sui que imitationem pertraheret, & multi ob eam causam, exijs
quibus tanti viri consortio frui contigerat, non magis iuris periti, quàm
virtutis studiosi euaserint. Sic efformatum & ad maiora nitentem matu-
rum, annis & iudicio pollentem vocat ad se Sieracouius, & quem vitæ
statum amplecti vellet, sciscitatum; cum is dudum sibi destinatum re-
spondisset, sacris Ordinibus initiari, probato eius consilio Stanislao Carn-
couio Episcopo Vladislauensi, ut sub eius viri auspicijs vitæ Ecclesiasti-
cæ primordia iniret, tradendum commendandumque proponit. Sed
Carncouius, quod eo tempore nescio quid simultatis sibi cum Sieracouio
intercederet, primam pro Pstroconio eius petitionem reiecit, mox eun-
dem ad se negotij cuiusdam causâ missum, ac strenuè illud obeuntem
obiectasque quæstiones (agebatur de matrimonio viri cuiusdam nobilis,
ritè an perperam illud contractum esset) prudenter dissoluentem: Tunc
es, inquit Carncouius, à Palatino Lanciciensi mihi commendatus? eo
annuente, subinfert ille: Quod in gratiam Palatini facere recusaui, id
exploratæ tuæ industriæ tribuo, teque libens volensque in numerum
meorum

meorum adscribo: Deinceps (verba ipsa pono) ego tibi ero in patrem, tu mihi in filium. eâ sponſione ſibi obligatum ac ſacris initiatum intimis ſuis cogitationibus adhibet, ingenium excellens, ſed modèſtum, aliàs laude nonnunquam cohortatione accendit, oſtentandæ indiſtriæ occaſiones ſubminiſtrat, æmulatione denique alieni laboris modèſtiam ipſius excitat. Nemo Carnouio exercendæ iuuentutis prudentior, vel tractandorum ingeniorum ſolertior vnquam fuit, nemo qui plures educationis ſuæ alumnos in lucem productos, ac ſummis poſteà in Rep. magiſtratus functos protulerit, cùm in eius aulâ, non indiſtriâ modò, ac arduorum quorumcunque negotiorum tractatio, verùm ſingularis omnium virtutum æmulatio, & pietatis ſtudioſum vigeret, ac complures non doctri-nâ modò, ſed generis etiam nobilitate præſtantes ſibi eum ducem, & magiſtrum legerent, ac ille cuiuſcunque ingeniij indagator diligens, alterius operâ in obeundis legationibus vti, hunc ſcribendis literis præficere, illum euoluendis maiorum monumentis, alium præſentis aui rebus geſtis mandandis memoriæ adhibere, alterius indiſtriâ quantum in ſacris ad populum faciendis ſermonibus poſſet explorare, omnes denique intentos eſſe iubere, ac ſingulorum laboris penſâ frequenter repoſcere, nec quenquam otio torpeſcere pati, laudare promptos, ſegnes reprehendere. In eâ virtutis palæſtrâ, cùm duos annos Pſtroconius ſummâ cum laude verſatus eſſet, tantum ſibi nomen apud Carnouium comparauit, vt è numero aliorum ſecernendum, & accuratiori ſtudio prouehendum iudicaret: quare pecuniâ inſtructum Romam eum ire iubet, vt in Vrbe Eccleſiaſtica diſciplinæ & pietatis magiſtrâ, ſacrorum Canonum ſtudio tempus impenderet. Haud ſegniter ille arripit occaſionē eruditionis cumulandæ, & quanquam huic potiſſimū curæ intentus, vt Canoniarum ſanctionum notitiam ſibi compararet, tamen alijs quoque Doctorebus horas ſucceſſiuas dabat; miratus præcipuè Muretum veteris Eloquentiæ ſplendorem, magno & non infelici conatu in Vrbe reſtituentem. Hæc agentem Pſtroconium, nec valetudini parcentem morbus oppreſſit, quo cùm non niſi loci mutatione leuari poſſet, Mediciq; Vrbe excedendum ſuaderent, ac pecuniâ ad ſuſcipiendum iter deeſſet, cùm parentes eum Carnouij impenſis ſuſtentari exiſtimarent, Carnouius verò, vt fit, abſentis facilè obliuiſceretur, vt aliàs, ſic & eo tempore, ſingularē opem Diuinam rebus ſuis anguſtis ſenſit Pſtroconius; nam cùm Petrus Wolski Epiſcopus Plocenſis, Regis Stephani nomine, publicâ apud Pontificem Gregorium XIII. legatione functus, ab Vrbe domum rediens in itinere intellexiſſet, hac eum vrgeri neceſſitate, continuò mandauit ſuis in Vrbe procuratoribus, curarent diligenter, ne quid Pſtroconio deeſſet, & ſi res ei ſita poſtularent, com meatu inſtructum Vrbe expedirent: quâ liberalitate ille ſubleuatus, nondum ſatis confirmatâ valetudine, non vltra Romani aëris peſtilentem auram ferre valens, itineri ſe dedit, & inuitantem ad ſe, omniaq; liberaliſſimè pollicentem Epiſcopum,

Postmodum
humaniſimè
in domeſticâ
atque aded in
filium reci-
pius.

Carnouij E-
piſcopi aula,
iuuentutis
Polonæ in
omni genere
virtutis ac
diſciplinæ
exercendæ pa-
laſtra.

Ibi loci rectè
inſtitutus
Pſtroconius
nomen &
impenſis
Carnouij
Romam prou-
ficiſſetur.

Mira Dei cir-
ca Pſtroconiū
viribus &
pecuniâ deſti-
cientem Ro-
ma prouiden-
tia.

Petri V Volski
Epiſcopi Plo-
cenſis egregia
in Pſtroconiū
munificentia.

pum, breui consecutus humanissimè ab eo excipitur; iam eodem curru quo ipse vehebatur receptum, mensæque suæ adhibitum, continuò quanti virtutem doctrinamque eius æstimaret, ostendit; nec Pstroconius quidquam sibi eo nomine arrogare, sed modestiâ cum omnibus, obsequio cum patrono certare, quo factum est, ut cum plerique è veteribus Episcopi familiaribus initio ferrent iniquiùs, eum sibi in contubernio anteferri, mox cognito eo inuidiam amore commutarint, iudiciumque Episcopi in præferendo cæteris Pstroconio spontè laudarent. Iam Carnouius Regis Stephani promotione Archiepiscopus Gnesnensis renunciatus erat, quem Episcopus Plocensis tam longinquâ peractâ peregrinatione, simul honoris & veteris amicitiae causa ut inuideret, Loucium ex itinere diuerterat; in cuius comitatu cum Archiepiscopus Pstroconium conspicatus esset, quærit quid ibi ageret? enimverò Episcopus, meus est, inquit, Pstroconius, quem à te neglectum ego ab Vrbe mecum eduxi. Sed Archiepiscopo suum itidem eum esse asserente, ac prioris iuris prærogatiuam proferente certamen amoris plenum inter eos intercessit; sed postremò cessit, ut par erat, Episcopus Archiepiscopo, Pstroconiumque commendationi suæ accessione in præcipuo gratiæ loco apud Archiepiscopum reposuit; quanquam virtus eius satis per se commendabilis, non multum alieni suffragij indigeret, cum nullum esset ita arduum & difficile negotium, cui ille summâ cum laude sustinendo par non esset, omniaque sibi demandata munia eâ dexteritate obiret, ut præclara illius animi & ingenij vis, vno omnium consensu prædicaretur: ille in obeundis legationibus suam potissimum industriam probabat Carnouio, illius in diiudicandis maioris momenti causis, in explicandis consilijs, in tractandis negotijs prudentia eminebat. Breui quidem ille laboris & industriæ suæ ipsiusmet Carnouij iudicio præmium tulit, nam cum Præpositura Louiciensis Sacerdotium nobile & ferè primum ex ijs, quorum Archiepiscopus suo arbitrio conferendorum potestatem habet, vacaret; multi que id sibi deferri peterent, ac vnus è nepotibus Archiepiscopi iuuenis admodum, ac penè puer inter competitores emineret: Carnouius præter eorum consuetudinem, qui plerumque nepotibus suis ita addicti sunt, ut cæteros quamuis digniores illis postponent, plusque speratæ suorum, quàm exploratæ aliorum virtuti tribuunt, maiorem meritorem, quàm sanguinis rationem sibi habendam existimans, Pstroconium iam antea Canonicatu Gnesnensi à se auctum, Præpositum Louiciensem renunciat. Non tam fortunarum suarum incremento, quàm eximio Patroni de se iudicio lætus Pstroconius, suscepto Presbyteratus ordine, singulari quodam pietatis ardore incensus, quali tum primum ad subeundum sacri muneris officium se accingeret, nouis ijsque accuratissimis se munire præsidijs, ad omnem occasionem intentus esse, cum alijs sacrae obseruantiae pijs operibus, tum singulis cuiuslibet hebdomadæ sextis ferijs cibi potusque omnino abstinens, inedia sponte sibi indictâ corpus

Inter Carnouium & Volsium de retinendo apud se Pstroconio certamen.

Archiepiscopo accessit Pstroconius.

Post multa virtutis & industria experimenta Præpositura Louiciensis ab Archiepiscopo defertur Pstrokonio, post delatum pauld antè Canonicatum Gnesnensem.

Sacerdotio præditus quâ pram vitam instituerit Pstroconius.

corpus macerare, cuncta exactioris vitæ instituta complecti, nec quidquam quod ad coercendos domandosque effrenatos animi motus pertineret, pratermittere. Nec defuit ad ardua tendenti certaminis occasio; Aemulorum impugnetur invidia. nam cum ij qui sua merita proprio iudicio metientes se præteritos, optimumque sacerdotium quod spe deuorant, ad alterum delatum viderent, cæca acti inuidia credulas Archiepiscopi aures varijs onerant opinionibus, iuuenem Pstroconium nec tantoperè meritum, nimium esse fortunis auctum, moderaretur suam liberalitatem, detraheret Præposituræ decimas, easque alijs qui meritis Pstroconio præstarent largiretur. Quod cum Archiepiscopus se facturum ostendisset, indignū ratus Pstroconius sibi eam fieri iniuriam, magnitudine quadam animi incensus, cessurum se potiùs beneficio, quàm passurum, ut sacerdotij cuius ille possessor esset, vetusta dos distraheretur, respondit: cumque contrà inimici acriter niterentur, ille verò constanter resisteret, Archiepiscopus postremò maturiori vsus iudicio, ne ius quæsitum alteri intercipere velle videretur, Pstroconium amplius eo nomine interpellare noluit. Agebatur Anno Domini 1584. tum annus supra millesimum quingentesimum octuagesimus quartus, quo tota ferè Polonia ingenti metu perculsa, in magna rerum nouarum erat expectatione: id ea occasione accidit. Ioannes Zamolscius Regni Res perturbata inter Polonia Procures. Supremus Cancellarius & Exercituum Præfectus, Samuëlem Zborouium, illustri ortum familià, sed ob cædem Vaponij sub Henrico Rege proscriptum, in Territorio Cracouiensi prehensum, iussu Regio, supremo supplicio affecerat. Grauior plerisque ea videbatur animaduersio, quàm leges Regni permitterent; Rexque ad tantam atrocitatem consilio Zamolscij impulsus esse credebatur, fremebantque passim omnes Zborouianæ sectæ amici, quorum pro generis splendore auitisque opibus, magna per totam Poloniam erat copia; licuisse tantum vni homini gratia Regiâ summis magistratibus ornato, ut priuato arbitrio sinistra legum interpretatione ad perniciem libertatis Polonæ, nouo & nunquam antea audito exemplo abuteretur. Igitur plerique Ad eas sedandas de consilio Pstroconij, egregiam inirationem Carnouius. Procures ac inter eos Princeps Senatus Carnouius, infecti partium fauore, pro Zborouijs in proximis Regni Comitijs niti constituerant. Sed Pstroconius conspiciatus quanto Archiepiscopi periculo, quantâ Regiæ gratiæ erga statum Ecclesiasticum iacturâ id futurum esset, si Carnouius cum factione Regi aduersâ, quæ magnâ parte ex Hæreticis constabat, se coniungeret, sagaci perualsione mentem eius ab eiusmodi cogitatione auertit, tantumque effecit, ut Archiepiscopus seruato dignitatis Archiepiscopalis tenore, nec Regi blandiretur, & præcoces Zborouiorum impetus, intempestiuasque minas moderatis consilijs temperaret. Successit postea Regis Stephani mors, Interregnumque in ipso inimicitiarum Interregnum post mortem Stephani Regis Polonia. ferore, atque tali Reipub. statu, ut de ea actum esse gnari rerum æstimatores non immeritò putarent. Summa rei more institutoque maiorum penes Archiepiscopum erat, is accepto Regiæ mortis nuntio, eadem planè horâ

Pstro-

*Pstroconius
ad faciliorem
Procerum cō-
uentiones le-
gatus à Carn-
conio.*

*Quā dexteri-
tate ab im-
pugnīs consilijs
tumultuantes
abducatur
Pstroconius.*

*In Electione
nouus Regis ad
maximè ar-
dua negotia
ab Archieps-
copo Carn-
conio adhibe-
tur Pstroco-
nius.*

*Pstroconius
potentissimis
rationib. per-
suadet Carn-
conio, eligen-
dum in Regē
Sigismundum
Suecæ ducē
Principem.*

Pstroconium ad Stanislaum Comitem Gorcanum Palatinum Posna-
niensē fortē fortuna eodem tempore in Curnicensi palatio cum Zboro-
uijs de rerum suarum statu consultantem expedit, suadet ne præcipiti
aliquo consilio se, & Rempub. in discrimen adducant, Conuentus par-
ticulares pacatē expediri sinant, de odio quo Cancellarium prosequen-
bantur, patriæ causā tantum remittant, quantum ciues priuatas iniurias
Reipub. condonare fas est, Archiepiscopum daturum operam, ut in fu-
tura Electione eorum dignitatis ratio habeatur. Mollis hæc legatio &
Pstroconij accommodata oratio magno fuit temperamento, ad retinen-
dos homines illos perferoces & potentes, quo minus vel Andreæ à Bnin
Opalinski Supremum Regni Marschalcum, non procul eo tempore ab
eis diffitum, & magno apud eos odio quod Regia consilia in maiori Po-
loniā foueret, flagrantem inuaderent, vel vniuersam Rempub. priusquam
cæteri subsidia illi ferre possent, perturbarent. In Electione ipsa celeberrimoque illo actu, cuius moderatio ad Archiepiscopum pertinet, ita se
Pstroconius gessit, ut cæteris qui cum Archiepiscopo erant, metu torpen-
tibus, ille ad expedienda maximi cuiusque momenti negotia adhiberetur.
Flexerat animum Archiepiscopi Zborouiana factio, sua sponte Austria-
cæ familiæ addictum, & suspicantem Cancellarium, vel sibi fasces im-
perij arrogaturum, aut certē talem promoturum, qui suæ voluntati ob-
noxius esset. In oculis erat hominum Andreas Bathoreus, defuncti
Regis ex fratre nepos, affinitate Cancellario coniunctus iuuenis, nisi
eum recens inuidia Bathoreæ familiæ prægrauaret, gratus populo. In
Sigismundum Sueciæ Principem, Catharinā Jagelloniā ortum, nostri ve-
luti sanguinis & linguæ Regem popularia studia propendebant; quem
cū videret Zamolscius, non tantum Equeltris ordinis consensu, sed et-
iam Annæ Jagelloniæ Reginæ opibus promoueri, nec alium haberet,
quem potentia Austriacæ opponeret, ad eum quoque flexit animum,
suamque potentiam populari fauori adiunxit. Hærebat interea Carnco-
uius: nam factioni Austriacæ penē fidem dederat, se eā inuitā ad renun-
ciandum nouum Regem non processurum: erant complures ex eius fa-
miliaribus, qui senem ostentatione periculi & discriminis, quod Ecclesia
& ipse aditurus esset, si quempiam alium Austriacæ familiæ toto orbe ce-
leberrimæ, & cuius potentia iisdem quibus orbis Christianus finibus con-
tinetur, ingentesque opes essent præponeret, distraherent; contra Pstro-
conius euidentissimis rationibus persuadendo ostendebat, in Republicā
liberā nihil magis spectari debere, quā communem omnium consen-
sum, signum certissimum Diuinæ voluntatis, cui cessura omnia, turpe
& indecorum esse, in expediendis cōsilijs permoueri metu, à quo si depen-
dere voluerimus, vetusta libertatis possessione cedendum nobis esset, pro
hac autem conseruandā, si quid grauius ingruat, mortem oppetere hone-
stum & gloriosum videri, lecto præsertim tali Principe, quem tanto de-
siderio omnes expeterent, & cuius Regiæ indolis certa quasi esset spes,
&

& non dubia expectatio ; non eas vires aut opes, quibus Austriaca familia polleret circumspectandas pertimescendasque; sed expendendum à quibus promoueatur, ex ijs plerosque esse Hæreticos, alios temulentos, & ad res grauioris momenti sustinendas nequaquam firmis niti consilijs. His persuasione atque auctoritate Andreæ Opalenij Supremi Regni Marschalci, ac Stanislai Priemscij Capitanei tum Continentis ac paulò post Curiae Regni Marschalci, quibus Carncouius plurimum fidebat, effectum est, vt Archiepiscopus à Zborouianis consilijs alienum se gerere animum ostenderet; Andreamque Zborouium Curiae Regni Marschalcum petentem, vt Candidatum suum Maximilianum Archiducem tanti nominis Principem Regem renūciaret, simulatione ægritudinis lenibus verbis emollitum à se remoueret; nam & is quòd Catholicus esset, plurimum apud Carncouium gratiā valebat, periculumque maximum erat, ne eius persuasione permoueretur; quòd fortasse factum fuisset, nisi Pstroconius intra eosdem cum Patrono parietes degens, opportunis consilijs illius animum aduersus eiusmodi sollicitationes confirmasset; quā ex re magnum sibi aduersæ factionis comparauit odium, adeò vt Stanislaus Comes Gorcanus Palatinus Posnanienfis, cū Pstroconius à Carncouio missus negotij cuiusdam causā eum adiisset, non admodum amicā salutatione, Ave, inquit, Rabi (indicans eum apud Carncouium consilio plurimum posse) illum exciperet. Comitij Electionis in eā dissensione, cuius memoria terret adhuc animos nostros, vtcunque expeditis, Carncouio circumspiciente, quemnam nouo Regi suo nomine obuiam mitteret, Pstroconius maximè idoneus visus est, qui hoc munere fungeretur, vt eum primū è suis familiaribus Regi recēns lecto exhiberet, qui in constituendā ad votum illius Electione plurimum operæ & studij ipsiusmet Archiepiscopi testimonio posuisset. Celeriter hoc perfunctus officio, Regeque eleganti oratione in naui adhuc ex personā Archiepiscopi salutato, redit ad Carncouium Pstroconius, illique periculoso illo & difficili Reipubl. tempore, cæteris Ecclesiastici ordinis metu se subducentibus, comes indiuiduus fuit, Cracouiamque electum Regem per varios circuitus, nec enim rectā expeditum iter erat, deducēti semper adhæsit, quò vbi ventum est, nactus pietatis exercendæ occasionem, post tot periculofissimi itineris difficultates superatas, ad refouendos eos Germanos, qui in eo conflictu quo Maximilianus Archidux à nostris victus, atque à mœnibus Cracouienfis vrbs fortiter reiectus, turpiter obsidionem soluere coactus est, capti ac fœdis vulneribus affecti passim, nemine miseris opem ferente, fame & vulnerum dolore extinguebantur, animum conuertit; ratus longè à Christianā pietate alienum, pati homines Christianos, quamuis antea hostes, extremā necessitate perire; quamobrē diligenter conquisitos, etsi ipse satis angustè, idque cum alijs contubernalibus suis hospitaretur, in suum deferri hospitium iubet, atque intra cubiculum indignantibus, & importunam, vt illis videbatur, commiserationem increpanti-

Magnā cum inuidiā statuer consilio Pstroconij de Rege Polon. eligendo.

Nouo Regi obuiam mittitur à Carncouio Pstroconius.

Regem eleganti oratione salutat.

Cracouiam cum Carncouio deducit.

Pstroconij pietatis studium erga milites ex conflictu saucios & fame pressos.

crepantibus ijs, qui in eodem cubiculo degebant, nec factorem varijs morbis affectorum æquo animo ferebant, inducit; ac cum ipsi opes ad curandos refocillandosque eos non suppeterent, ab Archiepiscopo & nonnullis Episcopis, cæterisque vtriusque ordinis pijs viris, emendicatâ pecuniâ medendi peritos aduocat, victum subministrat, vestes etiam plerisque comparat, suasque omnes facultates in vsum eum distrahit. Hæc ille in medijs Reipub. curis, quo ostenderet nullo vnquam tempore ijs qui pietati operam nauare cuperent, eius exercendæ materiam deesse posse. Erat eius industria, & ad res gerendas par animus, non solum Archiepiscopo, sed alijs etiam magnis plerisque viris cognitus, è quibus Hieronymus Comes à Rozdrazow Episcopus Vladislauensis, vir acerrimi iudicii, tanti ingenium & ad omnes honestas actiones præclaros Pstroconij conatus æstimauit, vt Carncouio non admodum annuente, quod se priuari tam necessario sibi homine ægrè ferret, non repugnante tamen, illum Regionum Secretariorum numero adscribi fecerit, ac simul cum Carncouio Regi impensè commendauerit, atque etiam à Carncouio contenderit, Decanatum Gnesnensè, nobile & opimum inprimis sacerdotium tunc vacuum illi conferret. Sed Carncouius non nihil eâ re offensus, quod alieno, quamuis non quæsito, sed suâ virtute comparato suffragio Pstroconius niti videretur, quamuis initio ostendisset se illius eâ occasione rationem habiturum, postmodum tamen ad suum ex fratre nepotem Martinum Carncouium, præterito Pstroconio beneficium hoc detulit. Commouit ea res animum Pstroconij, etsi enim non adeò ambitione, à quâ semper alienus erat, processerat, vt certam sibi illius sacerdotij possessionem polliceretur; tamen cum videret aliorum quoque iudicio suæ virtuti illud deberi, non poterat nisi molestè ferre eam sibi fieri iniuriam; dissimulato tamen dolore, nec quidquam de patrono questus paulatim cœpit ab obsequijs illius se subducere. Cuius rei fuit illi oblata occasio percommoda & honesta. Rozdrazeuius Episcopus Vladislauensis ad transigendum cum Rudolpho Imperatore Romanorum, totaque Austriacâ familiâ, de iniurijs ab Archiduce Maximiliano, Regno illatis, & ad tractandum de illius eliberatione, pactisque renouandis & firmandis, summâ cum potestate cum collegis ad fines Regni missus, Pstroconium è Secretarijs Regijs sibi dari postulauit, quem gnauiter in tam arduo negotio sibi & Reipubl. nauaturum operam non inani spe conceperat; respondit ille præclarè conceptæ de suâ industriâ & fide eius expectationi, cum in explicandis maximi momenti consilijs, tum in propositionibus, tractatibus & responsis scripto concipiendis, ita vt non alium ad eam rem libentiùs Episcopus adhiberet, quàm Pstroconium, reque bene gestâ, totoque eo negotio composito, Regi magnoperè commendaret. Quo factum est, vt Anna Regina Poloniæ, cum non ignoraret quanto studio Pstroconius Electionem Regis nepotis sui promoueret, & quâ fide ac industriâ in eo negotio versatus fuerit,

Hieronymi
Comitis à
Rozdrazow
Episc. Vladis-
lauensis
commendatione inter
Regios Secretarios adop-
tatur Pstroconius.

Ægrè fert
Carncouius
secessionē ad
Regis obsequia
Pstroconij,
nihilominus
eum Regi
commendat.

Rozdrazeuius
ad Austriacâ
domum lega-
to consiliorum
& itineris
socius Pstroconius.

Arebus in hac
legatione pruden-
ter gestis
iterum Regi
& Regina
commendatus.

fuerit, simul illius pietatem, & in re Ecclesiasticâ administrandâ diligentiam, industriam perspectam habens, vtrò non petenti Decanatum Varšauien. detulerit, quem tamen Pstroconius ne Archiepiscopum offenderet, non prius acceptauit, quàm ille consentiret. Nactus id sacerdotium non tam opibus affluens, quàm loci celebritate illustre, omnem suâ industriam in functione muneris sui, ritè & ad numeros, quod aiunt, explendâ, collocauit; non modò in reformando Clero Ecclesiæ, sed etiam in sacris ad populum concionibus, alijsque suâ vocatione dignis exercitijs præclarè operam collocans, ita vt Regina ipsa & religiosa Princeps, magnoperè illius in obeundâ functione sedulitate delectaretur. Cùm autem sub idem tempus Bernardus Macieiouius Episcopus Luceorienſis, Legationem Regis nomine ad summum Pontificem Sixtum V. adornaret, neque munus tantum se ex dignitate obire posse existimaret, nisi tales sibi comites adſciceret, qui rerum vsu præstarent, ac Pstroconius inter eos, qui huic rei suffecturi proponebantur, facilè principem locum teneret, vtrò ad eum Secretarij Legationis officium defert, quod ille, commendatâ ad tempus pijs & sibi addictissimis Sacerdotibus Ecclesiæ Varšauienſis curâ, eo minùs grauatè suscepit, quòd dudum illi in votis esset Urbem pietatis, & religionis magistrâ ex interuallo inuisere, simulque eadem occasione certa quædam indulta à Sede Apostolicâ obtinere. Expertus est breui Macieiouius, quanti sua, & Regis interesset, habere secum hominem non modò doctum, verùm etiam rerum agendarum peritum, namque illius potissimùm operâ, in expediendis quibusuis negotijs vsus rectè & ex sua, Regis, ac Reipub. dignitate munus hoc obiuit. Intereâ dum Pstroconius in Vrbe versatur, Rex promotus ad Episcopatum Plocensem Alberto Baranouio Regni Vice-cancellario, Ioannem Tarnouium Rolicium Regni Referendarium, Vice-cancellarium renunciat, Zamoscio Regni Cancellario renitente, ac Petrum Tylicium ad Vice-cancellariatum promouere contendente. Erat in Tarnouio præter cæteras virtutes summa animi magnitudo, quâ præstare cæteris, & nemini cessurus putabatur, nemo illo in amicitijs conciliandis clientelisque parandis promptior, vel magis expeditus fuit, ita vt præcipuos quosque, Proceres suâ familiaritate deuinctos teneret. Qui vt primùm munus hoc suscepit, gnarus quanta de se expectatio esset concepta, & ad omnes intentus occasiones, ne qua ex parte inimicis & inuidis oportunus esset, ita se ad gerendum summum eum in Repub. difficillimo Regni tempore magistratum comparabat, vt omnia munia officij sui expleret. Etsi autem complures essent in Cancellariâ Regiâ, ex quibus eum qui Cancellariæ Regens dicitur legere posset; plerique longo vsu probati, & tractandorum negotiorum gnari, cùm tamen ijdem omnes Zamoscij beneficijs obstricti, atque eidem obnoxij putarentur, præter omnem spem & expectationem, munus id ad Pstroconium absentem eo tempore, & in Italiâ agentem, nec vnquam in Aulicis expeditio-

*Decanatus
Varšauienſis.
auctus, munus
præclarè obit.*

*A Bernardo
Macieioio
Episc. Luceor.
Romani Regis
nomine Lega-
to, Secretarij
Legationis of-
ficium delatū
Pstroconio.*

*Ioannes Tar-
nouius ex Re-
gni Referen-
dario renun-
ciatus Vice-
cancellarius.*

*Is absentem
Pstroconium
Regentem
Cancellaria
pronunciat.*

petitionibus versatum detulit. Intercefferat ei antea cum Pstroconio nonnulla necessitudo, quod frater ipsius filiam Stanisłai Tarnouij Castellani Inowlodens. patrui Vice-cancellarij in matrimonio haberet, sed ille præcipue in eo deligendo industriam noti, ac explorati sibi amici, cui intimas suas cogitationes tuto concedere & committere posset, spectauerat, eoque nomine sibi commendatum habuerat, & ad complectendū

Comitate & agendi dexterritate inuidiam emulorum superat Pstroconius.

eum animum adiecerat. In eā statione positus Pstroconius, cum non ignoraret omnium ora & oculos esse in se conuersos, potissimum eos, qui diuturno aulae vsu probati, atque in negotijs versati essent, non æquo animo ferre, sibi nouitium antepōni, omnes vicissim ille intendit neruos, vt & conceptæ à Tarnouio de se expectationi responderet, & inuidis ne quam occasionem de se malè existimandi præberet, è quibus plerosque amicitia & consuetudine complexus, breui vniuersis carum

Anno Domini 1591.

acceptumque se reddidit. Annus erat Nonagesimus primus supra millesimum quingentesimum, quo Rex iuuenis & cælebs hortante Senatu de ineundo matrimonio consilia agitare cœpit. Præcipui quique suadebant Domum Austriacam legeret, ex quā vitæ & imperij consortem peteret, sed Cancellarius siue familiae Austriacæ odio, siue quemadmodum plerique tum opinabantur, quod nollet Regis potentiam tam illustri affinitate stabiliri, summâ ope niti constituerat, ne Rex, & ij qui in eā sententiâ erant, voti potirentur. Hinc nati illi nouo & nunquam audito exemplo, priuato consilio coacti conuentus, fictæ quorundam criminationes, quæ in publicum prolatae ad cōcitandum in Regē populi odium, multorum in Repub. dissidiorum sequentibus annis causam præbuerunt.

Ex primis Regis nuptijs aliqui motus in Regno;

Tarnouius quidem, cui ea vna cura erat, vt aduersis conatibus obsisteret, summâ animi magnitudine partes Regias tutabatur, in eaque contentione prudenter moderandâ Pstroconij potissimum consilij innixus, præclare factionis aduersæ destinata retundebat. Celeberrimus ille Regiarum nuptiarum actus inuito Cancellario; sed maiori parte Senatus ratum id habente, posteaquàm ritè expeditus esset, Rexque Comitia Var-

Quos Pstroconij consilij praeclare sedat Tarnouius.

sauia in Mensem Septembrem indixisset, Cancellarius ne frustrâ commotus esse putaretur, quæ de Rege in priuatis illis Conuentibus sparserat, ac si deferendi, & ad Austriacos deferendi Regni consilia susciperet, ea se probaturum in Comitij offerrebat. Origo eius suspensionis nata non aliunde, nisi quod Rex ex eā familiâ uxorem sumpsisset, quam in adeundo Regno potissimum sibi aduersam expertus erat: proferbantur Ernesti Archiducis literæ, quibus nonnullorum animos prehensabat, quibus confirmare nitebatur Cancellarius eum in spem Regni venire non potuisse, nisi Rege consentiente; de eo inquirendum esse. Contrà Tarnouius, nequaquam ex dignitate Regni & Regis fore, in Regem, nullius rei conscium leui ex suspitione inquiri contendebat: non se dubitare, quin Au-

Partes Regias egregie de sententia Pstroconij tutatur Tarnouius.

striaci appetant Regnum Polonię; ita inter mortales comparatum esse, sibi vt quisque potius quàm alteri malit; student Austriaci rebus suis fortasse

tasse hominibus nostris rerum nouarum cupidis ambitioni illorum flammis subdentibus, Regem vt à deferendo Regno, sic ab ineundis clandestinis transactionibus alienum semper gessisse animum, & nunc nihil magis in votis habere, quàm Regnum hoc diuinitus ad se suffragijs liberis delatum, quoad vita suppetet, pacatè regere; in eam spem cepisse vxorem peritam quidem ex Austriacà familià, sed publicè constitutis more maiorum pactis, solennibus legationibus præmissis, nihil in eo suspectum videri posse; denique ad abolendas veteres iniurias, stabilendamque inter Regna vicina amicitiam, vetustas necessitudines nouâ affinitate firmandas fuisse, pacem exinde stabilem, & constâtem secuturam, nec relictum iri locum suspicionibus, quæ in Regem temerè hæcenus coniectæ fuissent. Hæc vtrò citroque datis scriptis, in quibus potissimum industria Pstroconij versata est, agitabantur. Sed Tarnouio graui oppresso morbo, ob eumque in publicum non prodeunte, parum cauto quorundam consilio factum est, vt quamuis haud contaret, an eiusmodi quidpiam Austriaci à Rege postulauerint, Rex tamen tranquillandi causâ hominum animos, se ab Austriacis, de Regno illis tradendo fuisse appellatum fateretur. Mors deinde Ioannis Regis Sueciæ altero anno secuta, suscipiendæ eò profectionis, Sigismundo Regi necessitatem fecit, vt & iusta Patri persolueret, & possessionem hæreditarij Regni adiret. Paucierant qui Regem trans mare euntem sequi vellent, nec Tarnouius omnes quorum operâ in functionibus Cancellariæ utebatur, secum ducere poterat, quamobrem omnis negotiorum moles in Pstroconium incubuit, quæ quàm grauis & operosa fuerit, non attinet dicere. Res Sueticæ initio pacatæ videbantur, Rex fidei subditorum confusus inermis eò iuerat: id Carolus Regis patruus conspicatus, iniquissimis legibus, & conditionibus Regem circumscribendi, quoad occupandum Regnum viam sibi sterne-
ret, audaciam sumpsit, ausurus vel in ipso Coronationis Regiæ actu mul-
tò plura, nisi incredibili quadam animi constantiâ Tarnouij, nefarij ipsius conatus detecti & fracti fuissent: nam cum die quadam clam cum cõscijs conspiratione factâ, eo animo præter solitum comitatus in arcem Vpsalien. venire constituisset, vt Regi iniquissimas condiciones ferret, & nili ijs assentiretur, obedientiæ eius nuntium remitteret; Tarnouius longè antè quid ille moliretur sagaciter odoratus, Rege præmonito, omnes quotquot erant Poloni, qui cum Regio peditatu non vltra mille erant, in armis esse iubet, portas arcis arctâ, sed non apertâ custodiâ circumdat, Carolo cum suis ingrediendi potestatem facit, cæterâ turbâ quæ confusè arcem ingredi volebat exclusâ, indignâtem propterea Carolum, ac nescio quid contumaciùs proloquentem minaciter interpellat, ipsi & Suecis ingratum eorum erga Regem animum exprobrat, se non ignorare cuius rei causâ venerint, priùs cum vniuersis Polonis paratum esse vitam profundere, quàm pati quidquam indignum Regiâ Maiestate fieri, illum primum exitio capitis sui perfidiæ suæ licaturum. Hæc vehementi vultus &

*Regem in
Suetiam ab-
euntem comi-
tatur cum
Tarnouio
Pstroconius.*

*Infanos Sue-
corum contra
Regiam Ma-
iestatem co-
natus egregiè
retundit Tar-
nouius.*

*Pro dignitate
& securitate
Regiæ Maie-
statis in Sue-
ciâ, solus cum
Pstroconio
maioris operâ
laborat Tar-
nouius.*

*Regis ac Polo-
norum læta è
Sueciâ dis-
cessio.*

totius corporis concitatione, simul Carolo nunciatur portas Arcis custodiri; ille scelere vecors pallere primò, mox in cuius criminis suspicionem vocetur, se ignorare simulare. Actum eo die fuisset facinus memorabile, prouisumque ijs tempestatibus quæ à Carolo concitatæ, & Sueciam interuenterunt, & Regno Poloniæ maxima incommoda intulerunt, ni Rex sinistras suspiciones veritus, Tarnouij impetum retinuisset. Regina quoque tum partui vicina ad sedandam eam concertationem se interponebat, id tamen tum effectum, vt Carolus multum de ijs quæ animo conceperat remittens, longè faciliorem se præberet, seu vt veriùs dicam, cum apertè obfistere non auderet, se Regiæ voluntati obsequi velle simularet, clam tamen res suas ageret. Coronatione peractâ, cum & Rex Carolo meritò parum fideret, & ille non obscurè quid animo moliretur ostenderet, Tarnouius vt securum Regi è Sueciâ discessum, deque rebus Sueticis disponendis liberam facultatem prouideret, cum solo tantum Pstroconio communicato cōsilio, mihi mandat, vt ad certos Proceres Polonos literas Regis nomine scriberem, quibus significabatur, quo in periculo Rex esset; res ista adeò secretò transacta, tractataque est, vt non modò Sueci, sed ne nostri quidem, qui cum Rege erant priùs ea subsidia in Poloniâ parari præsentire possent, quàm circiter tria millia lectissimorum virorum Dantisci naues conscenderint, ac prosperâ vsi nauigatione, in portum Stocholmien. appulerint: fuerunt autem è præcipuis duo Czarnkouij, Andreas & Ioannes; Stanislaus Warszycki Cobrinensis tunc Capitaneus, postea Varlauiensis Castellanus, postremò nunc supremus Regni Thesaurarius; Adamus Stadnicki ab Hieronymo Gostomski Palatino Poshan. socero suo missus; Stanislaus Bykowski Castellanus Lanciciens. nunc Palatinus Siradien. Ernestus Weyher, ceterique alij euocatorum lectissimam manum secum trahentes. Inuitabat tum Rex Carolum ad leuandam de sacro fonte recens sibi natam prolem, simul de constituendis rebus Sueticis se cum illo consilia communicare velle ostendebat. Sed ille suspectum habens Regis apparatus, & ex conscientia sceleris sinistrum aliquid de Rege suspicans, excusatione vsus venire renuuit. Rex itaque summâ rei certis gubernatoribus commissâ, admirantibus Suecis tantam Polonæ gentis erga Regem fidem & amorem, qui maris immensa spatia eos emetiri coëgit, summâ omnium Polonorum lætitiâ è Stocholmensi portu sub finem Iulij, Elsnabo verò, vbi aduerso vento detentus complures dies in anchoris stetit, medio Augusto soluit, Gedanumque feliciter appulit. Hæc quæ à me commemorata sunt, parum ad Pstroconium pertinere videri alicui possunt, sed id à me propterea factum, vt ex eo æstimaret posteritas, quid de illo sentire debeat, qui tantis rebus gerendis & moderandis non modò interfuerit, verum etiam communicum Tarnouio consilio penè præfuerit; nam Tarnouius nihil maioris momenti nisi ex eius sententiâ aggredi solitus, omnia ad eum referebat, vt ab eius prudentissimis cōsilijs pendere totus videretur. In eâ cū Tarnouio

uio coniunctione , toto eius Vice-cancellariatus tempore constanter
manfit , vt nulla vnquam inter eos intercefferit animorum mutatio , in
omnibus è contra Pstroconius Tarnouio satisfecerit, voluntatiq̃ue & ra-
tionibus illius se accommodauerit , ac Regi imprimis fidẽ & obsequium,
& ad res gerendas industriad egregiè probauerit. Tarnouio autem ad
Episcopatum Pofnaniensem assumpto, auctus Pstroconius Præpositurâ
Lancicien. etfi eo loco se in Regis gratiâ esse non ignoraret, vt primâ oc-
cafione se ad aliquam maiorem dignitatem promotum iri non dubita-
ret; tamen piâ quadam confideratione , aulicas occupationes minùs di-
gnas sacerdotali ordine existimans, magnoperè cœpit affici vitæ priuatæ
defiderio , maximè cùm videret orbem aulicum esse conuerfũ, Vice-
cancellarium delatum Petro Tylicio Epifcopo Culmenfi, de cuius er-
ga se beneuolentiâ non poterat sibi multũ polliceri , quòd is Cancellarij
gratiâ promotus Tarnouianam factionem exosam habiturus existi-
maretur. Et erat occasio non importuna fcedendi ab aulâ , quòd Rex
eo tempore nuper in puerperio amiffâ vxore, nouam in Sueciam profe-
ctionem moliretur, facileq̃ue ijs qui in aliquo magistratu non effent , da-
retur facultas manendi in Poloniâ. Sed Tarnouius vbi eâ mēte intellexit
esse Pstroconium, obiurgatum amicè, grauiffimis rationibus impulit ad
mutandam fententiam, Regiq̃ue intimè commendatum in Sueciam
proficifci iubet. Plena periculi erat ea expeditio, nam Carolus apertè Re-
gis hostis claffem maritimumq̃; omnem apparatus, quo Regni Sueciæ
vires potiffimũ continentur, inuaserat, & in fuâ potestate habebat , ita
vt Rex mercatorijs nauibus ad traijciendum mare, transportandasq̃; pe-
destres copias (quæ quinque circiter millibus cenfebantur) vti necesse ha-
buerit. Dederant fidem Proceres Sueciæ , vt primũ Rex littus Sueciæ
attigiffet, se Equeftribus copijs Regis exercitum fuppleturos, venerantq̃;
non infrequentes ad Regem, postquam is primo in terram excessu, ac no-
minis fuit terrore, Calmariam arcem munitiffimam recepiffet. Suadebāt
noſtri, vt coniunctis viribus Rex terreſtri itinere penetralia Regni pete-
ret, præuenturus hoſtem, planè eo tempore imparatum, ac facile omnia
in fuam potestatem redacturus. Sed Sueci veriti, ne ſi Rex terrâ iter face-
ret militari inſolentiâ, cùm id tempus meſſis eſſet, agri vaſtarentur , dum
maturis ſuis frugibus parcut, Regem in maximum diſcrimen coniece-
runt; nam eorum , nequicquam diſſuadentibus Polonis , ſecutus conſi-
lium , conſcendiſſe iterum cum ijs , quas è Poloniâ adduxerat, copijs nauib-
us, in altum reuectus coortâ tempeſtate, ac vniuerſâ ferme clafſe toto
æquore diſiectâ, vix cum aliquot nauibus Streliburgenfem portum, quem
conueniendæ ſororis cauſâ , ac quod eò Sueticas copias venturas ſpera-
bat, potiffimũ petebat, tenere potuit. Reliquæ naues militibus onultæ,
in diuerſos eiectæ portus eundem curſum tenere non potuerunt. Non
ignarus eius rei Carolus , clafſem inprimis ad interceptendum in eo
portu Regem expedit, ipſe cum Exercitu Stechburgum verſus con-

*Tarnouio ad
Poſnaniens.
Episcopatum
euecto, ſecef-
ſionem ab
aulâ Regiâ
meditatur
Pstroconius,
iam tunc
Præpoſitus
Lancienſis
factus.*

*Eum ab hac
ſententiâ ab-
ducit obiur-
gatum Tarno-
uius & in
Sueciam Re-
gem comitari
rurfus præci-
pit.*

*Aduentus Re-
gia Maieſta-
tis in Sueciâ.*

*Tempeſtate
diſiecta Polo-
norum clafſis
& copia.*

*Res Suecica
turbulenta.*

*Poloni peri-
clitantur in
Sueciâ.*

*Ibidem peri-
culum adit
Pstroconius.*

*Magnus &
constans ani-
mus inter pe-
riclitandum
Pstroconij.*

tendit, quo etsi aliquot vexilla Equitum Sueticorum Regis stipendio inauctōratorum venissent, tamen exigua in eis auxilij spes erat, quod artibus Caroli corrupti suspectæ essent fidei, palamque ostenderent se contra Suecos alios non esse pugnaturos. Supernenit interea Carolus, ac cum id vnum cuperet, ut classi quam sub idem tempus eò appulsuram credebatur iungeretur, incautè progressus nō antè errorem agnouit, quàm à Regio exercitu, Ducibus ea opportunitate egregiè vñs circumueniretur. Planicies erat mari adiacens, septa montibus, in eam Regij Duces Carolum descendere passi, subito angustias omnes occuparunt; ab alterâ parte Regiæ naues dispositæ, ad litus latera exercitus Suetici tormentorum ictibus quatiebant. Erant in exercitu Caroli peditum equitumque circiter sedecim millia, sed non multum in bellis exercitatorum: Rex non amplius tria millia habebat peditum, quibus tamen tantum animi fuit, ut ad expugnandum hostilem exercitum loci opportunitate adiuti suffecturi putarentur. Et sanè debellatum eo die fuisset, ni Rex mitiorem secutus sententiam signum belli dare vetuisset. Nam Sueci, qui cum Rege erant, appellati eo nomine à Carolo, conditionibus æquis rem se composituros pollicebantur: fraudenè id fecerint, an à Carolo decepti fuerint, affirmare non ausim; illi se veritos esse asseriebant, ne si flos iuuentutis Sueticæ sub ictum daretur, vires Regni sui enervarentur. plerique tum suspicabantur eos nequaquam plenæ Regem victoriæ potiri voluisse, ut eo ipso suam quoque potentiam stabilirent. Ille certè dies partes Regias afflixit; nam paulò post classis Caroliana plenis in portum inuectavelis, Regias naues disiecit, partemque eam quâ Regius Exercitus tutus erat, ac ipsammet Regis stationem infestare cœpit, & breui in summas redegit angustias, ita ut noctu silenti agmine, eo loco Rex excedere coactus fuerit. Pauci è comitatu Regio equos habebant, quibus terrestri itinere faciendo uti possent. videre erat plerosque abiectis sarcinis, nisi si quid auri vel argenti in promptu erat, quod commodè apportari posset, iter pedibus emetientes, omnibus exutos impedi-
mentis. Pstroconius eo tempore magnum adiit periculum, nam equo labente parum abfuit, quin in potestatem hostis terga abeuntium infestantis venisset: Diuino tamen beneficio recuperato, mox qui aufugerat, equo seruatus est: eximia tum eius animi constantia cæteris metu consternatis enituit; nam ut erat faceto & amcenio ingenio, quid, inquit, tantoperè vos ista aduersa fors perturbat? quin ut ille Philosophus exutus opibùs: Ergo iterum ad pallium & baculum fortuna? nos quoque idem in præsentis rerum statu vsurpemus. Id cum nemo è Secretarijs Regis Stoicam sectam tristi vultu præferre solitus molestè ferret, vulgatoque Kocha^o cuius versu, non sanæ mentis eum esse qui in rebus aduersis rideret, huius iritatem Pstroconij proscinderet: Tu verò ipse minùs sanus es, (inquit Pstroconius) qui mihi in malâ re mentem bonam adimis; Ego quæ ad me attinet, ita paratus huc veni, ut ea quæ acciderunt.

runt euenire posse non dubitarem, & ad ea ferenda animo obfirmato essem: tu si hæc fieri posse antè non expendisti, non mirum si nunc metu consternaris, animoque concidas. Commissio ad Lincopincum prælio, <sup>Res Polona
producta in
Sueciâ.</sup> rebusque Regijs in angustum reductis, posteaquam Rex cum Carolo in colloquium venisset, conuenerat, ut dimissis utrimque copijs Rex nauibus Stocholmiam proficisceretur, indictisque Comitibus de mutuis iniurijs isthic transigeretur. Plena erat ea profectio periculi, & meritò suspecta omnibus: Rex tamen cum datam Carolo fidem seruare statuisset, ita se parabat, ut ad condictam diem Stocholmiæ esset, plerisque ac inter eos Tylicio Vice-cancellario, & Simone Rudnicio Regente Cancellariæ missionem petentibus: Pstroconius se Regem in omni quod accidere posset periculo non deserturum professus est, ac se mansurum cum Rege pollicitus, cæteris animum addidit, pauidos verò in ruborem dedit, quæ res fuit admodum grata Regi, qui mox animaduersis Caroli technis, compertoque sibi ab eo fucum fieri, & insidias comparari, mutatâ <sup>Cæteris mis-
sionem peten-
tibus Pstro-
conius Regi
constanter
adhaeret.</sup> sententiâ, consensâ naui classem Calmariensem portum petere iubet, expertus in eâ nauigatione maximam maris tempestatem, eaque pericula, quæ de Mense Nouembri nauigantibus euenire solent; impolito tamen Calmariae præsidio, disiectâ ventorum vi classe, ipse ad littus Pomeraniæ nauem adegit, scaphaque ad terram vectus, curru Dantiscum delatus est; ubi aliquot naues, ac inter eas illa quoque quæ Tylicius, Pstroconius, cæteri que ferè præcipui vehebantur, antea appulerant. Hunc finem habuit ea Regis in Sueciam expeditio, ex quâ Pstroconius magnam constantis animi laudem retulit, rebus suis omnibus, cum pauci essent, qui maxima damna non accepissent, saluis. Varſauiæ postquam eò Rex venisset, nactus otium, cum nullum publicum munus gereret; res in Sueciâ gestas, causasque eorum motuum explicare, & <sup>Ex Sueciâ re-
uersus Pstro-
conius Com-
mentarios
itineris Sue-
tici ac rerum
isthic gestarum
per otium
conficit.</sup> scripto comprehendere cœpit; reliquissetque egregium ingenij sui monumentum, nisi fato quodam elegans illa lucubratio nondum planè perfectaperisset. Intercedebat eo tempore non mediocris dissensio, inter Stanislaum Carnouium Archiepiscopum Gnesnensem, & Hieronymum Rozdrazewski Episcopum Vladislauensem, causas eius non attinet dicere, ne summorum virorum parum sedati animorum motus famæ, & nomini eorum notam aliquam inurant; illud tamen adijcere libet, Carnouium facili & hilari animo contemnere solitum arrogantiam aliorum, gratiam contra Rozdrazeuium, & omnia actionum momenta expendere assuetum, ac propterea suspicacem; hinc inter dissimiles orta discordia, quæ ne Reipub. negotia impediret, Rex prospiciendum ratus, dat <sup>Ex Regis
commissione
graves con-
trouersias
inter Archi-
episcop. Gnes-
nensem & E-
piscopum Kn-
saniens. com-
pone Pstro-
conius.</sup> negotium Pstroconio, eius controuersia suo nomine componendæ. Difficile admodum erat utrique persuadere, ut æquis conditionibus, de eo quod inter eos controuersum erat, transigi paterentur. obstinatio Rozdrazeuius, iurisque sui tenacior, videbaturque Pstroconius frustra niti: sed cum Rozdrazeuius præclare de ipsius pietate sentiret, non po-

terat nisi accommodare aurem dictis & persuasionibus eius, quibus tandem fractus & emollitus, totum se arbitrio Pstroconij permisit, nec Carnouius diu moratus, se quoque quidquid Pstroconius censuisset, æquo animo laturum ostendit: ita ille prudenter usus eâ potestate, æquissimo iudicio lites composuit, omnesque occasiones, quibus animi tantorum virorum inuicem exasperari possent, sustulit, ac utrique ob eam causam gratus admodum per literas Regi diligentissimè commendatus fuit. Erat tum in aulâ de eius virtute & meritis eâ opinione, ut omnium iudicio aliquo maiori Magistratu cohonestandus censeretur, cuius rei adfuit breui occasio. Ioannes Galczynius Referendarius Regni, non diuturno, sed acri correptus morbo cessit è vitâ. Rex tum iuri dicundo vacabat. igitur ne qua mora iudicijs exercendis fieret, viuo adhuc Galczynio causarum referendarum munus contra voluntatem Tylicij, qui id ad alterum deferri volebat, iubet obire Pstroconium, explorataque ipsius indultriâ, statim à morte Galczynij, cum aliàs in eiusmodi occasionibus diuturnâ deliberatione desideria ambientium torquere solitus sit, Magistratum ipsum non multum ambienti, atque omni externo suffragio destituto, sed à virtute & doctrinâ commendato confert. Dicitur non potest quantâ integritate in eo munere, quod grauissimum est, obeundo versatus fuerit. Inprimis morem inueteratum iudicati nomine, vel ut causa prius in iudicio proponeretur, sportularum vel munerum exigendorum suâ abstinentiâ sustulit, deinde pupillorum, & egenorum suscepto patrocinio, ad expediendas eorum lites, qui diuturnis iuris anfractibus, ut plerumque fit, fortunas suas corruerant, omni studio incubuit, ab omni sorde alienus, grauis in dicendâ sententiâ, expeditus in percipiendis causis difficillimis, nisi quod in explicandis animi sensibus maiorem facilitatem quidam in eo desiderarent, nec enim prompta, & fluens illi facundia fuit, prudentem magis, quàm eloquentem dixeris, quanquam nec eâ laude caruit, non modò ut meditata & improuisa, sed subita etiam promptè expediret. Sed illi in eo Magistratu magnam adferebat difficultatem non multum propensus erga se Tylicij Vice-cancellarij animus, quæ etsi omni modestiâ, & obsequio demereri studebat, tamen ille naturâ asperior, non libenter videbat Pstroconium aliquas in Regis gratiâ partes habere, vel ad spem maioris alicuius dignitatis accingi, offensus postremò, quod Præposituram Gnesnensem, quam cum Episcopatu Culmensi beneficio Regis, & Sedis Apostolicæ reseruata tenuerat, & posteaquam Episcopatum Varmien. adeptus esset, se illâ abdicauerat, à Rege Pstroconius obtinuisset. Igitur primâ quæ oblata est occasione, ab aulâ se subducendi usus, Episcopatum Præmissiens. multum dissuadente Tarnouio, cum reservatione Præpositurarum Gnesnensis & Lanciens. deferentibus ijs ipsis quibus stimulante inuidiâ gratum erat cum ab aulâ longius submoueri, acceptauit: dicere solitus, minimè conuenire ijs, qui sacris addicti essent, diutius in aulâ morari; eorum officium esse, procurare

Regni Referendarij vices subit ac dein extincto Ioanne Galczynio creatur Referendarius.

Qualem se in hoc Magistratu virum exhibuerit.

Pstroconium Gnesnensis Præpositus.

rare salutem humanam, easque inire rationes, quibus quàm plurimi ad
 rectam virtutis, & pietatis viam reduci possent. Cæterum diligenter ex-
 pendens, quem iniret vitæ statum, ita se comparabat, ut vocationi suæ
 quoad eius fieri poterat, responderet, ac memor suæ cum Carnouio con-
 iunctionis, ab illo Episcopus more solenni inaugurari voluit, ac eius rei
 gratia, & præterea voti ad aram D. Adalberti persoluendi causâ, Gnesnam
 usque profectus est, benigneque à Carnouio exceptus, & consecratus,
 cum is quantoperè fidei & pietati Pstroconij fideret, testari voluisset, sci-
 retque eum aliquot septimanis in Archidiecepsi Gnesnensi moraturum,
 totam Episcopalis muneris functionem cum illo communicavit. Con-
 uento deinde in arce Ciechocinensi Tarnouio (Episcopus Vladislauien-
 sis iam is à Rege renunciatus erat) in Siradiense Territorium, posteaquâ
 Archiepiscopum Lanciciæ iterum salutasset diuertit, atque in paterno
 prædio paulo minùs vno mense exacto, vicinas quasque Ecclesias secun-
 dum acceptam ab Archiepiscopo potestatem inspexit, statumque illa-
 rum exploravit, multa templa recens constructa consecrauit, multa
 millia hominum sacro chrismatis oleo inunxit, in eoque opere ita dili-
 gens, ac sedulus fuit, ut nec valetudini, nec sibi ipsi parcere vellet, ac
 planè rudimenta functionis suæ in aliena Diœcesi deponere studeret. Po-
 stea in Cestochouiensis Monasterij toto orbe celeberrimo Diuæ Virginis
 templo sacris operatus, votisque exsolutis, ad Episcopatum suum profe-
 ctionem suscepit; quò posteaquam peruenit, totum se planè ad obeun-
 dum officium illud diuinitùs ad se delatum effudit, non ad honorem &
 ad dignitatem, sed ad labores, & sollicitudines se vocatum dictitans. Cu-
 ius rei memor, in ipso suscepti muneris initio eò animum intendit, ut in-
 stitutâ totius Diœcesis vniuersali visitatione ouile gregemque suum ex-
 actè recenseret, quod ita præstitit, ut triennio toto huic rei impensâ ope-
 rà nullum paulò illustriorem in tota Diœcesi locum prætermiserit, quem
 non adierit, rationesque Ecclesiarum, & eorum, qui ijs præerant dili-
 genter examinaverit, ac legibus quæ ad Cleri reformandos mores, po-
 pulumque ad pietatis studia incitandum pertinerent latis, plurima in
 pristinum statum reduxit: sæpè ipse è publico suggestu concionatus,
 nunc cohortationibus, nunc sanctissimarum actionum exemplo cæteris
 præeundo, arguendo obstinatos, vnumquemque salutis suæ commo-
 nefaciendo, pij & diligentis pastoris munus obibat, & ut omnes officij sui
 admoneret, edictum contra vsurarios, & concubenarios promulgari
 fecit, grauissimas, & à iure præscriptas pœnas proponens ijs, qui eiusmodi
 criminibus tenerentur. Acciderat ut templum Cathedrale, ortâ inter
 Ioannem Thomam Droiouium Referendarium Regni, ac Capitaneum
 Præmislensem, & Stanislaum Stadnicki de Lesko pugnâ, tormentorum
 ictibus ac cæde nonnullorum in ipsâ templi sacrâ areâ perpetratâ viola-
 retur: indignè eam rem, ut par erat, ferens Episcopus, omnibus aditu Ec-
 clesiæ interdixit, eum qui seditionis auctor erat, à sacra communione re-
 mouit.

*Ut se ab aula
remoueat,
Episcopatum
Præmislensem
frustra disua-
dentibus ami-
cis acceptat.*

*A Carnouio
Gnesnensi
Archiepiscopo
consecratur.*

*In Archidie-
cesi ita volen-
te Archiepi-
scopo Epi-
scopalis officij
rudimenta
ponit, templa
consecrando,
& in visitatis
Ecclesijs chris-
mate fideles
ungendo.*

*Visitat vni-
uersam Diœ-
cesim.*

*In Templi
Cathedralis
Præmislensis
violatores
grauiter ani-
maduertit,
nihil veritus
eorum poten-
tiam ac sa-
milia splen-
dorem.*

mouit. Capitaneus is erat Præmissiensis homo potens, ac factiosus, qui
 cum initio decretis Episcopi nequaquam obsecundaturus putaretur, eò
 tamen postea se demisit, ut veluti præsentis numini sacris vestibus in-
 duto Episcopo, & extra limen Ecclesiæ progresso ad genua aduoluere-
 tur, supplexque, cunctis vehementer admirantibus, veniam facti preca-
 retur, atque impositam eo nomine sibi poenam ultro susciperet. Eadem
 animi constantia usus aliquot sacras ædes ab Hæreticis occupatas, Ca-
 tholico ritui restituit, prouisionesque earum recuperauit. In propagan-
 do cultu Diuino sedulus, non modò idoneos verbi diuini præcones con-
 quirebat, sed ipse etiam idem munus sæpè obibat. Inter alia pietatis stu-
 dia, pauperum & egenorum peculiarem curam habuit, ac ut decenter &
 religiosè in Xenodochijs Nosocomijsque degerent, omni ex parte proui-
 dit, Litaniarum vesperi quotidie recitandarum usum in eiusmodi colle-
 gia introduxit, ac lege perpetuâ id ipsum sanxit. Et ut, quemadmodum
 existimaret, curam pauperum Episcopo incumbere demonstramus,
 argumento sit, quòd designatus adhuc Episcopus, dum Rex Corcini
 peste eo tempore, & fame circaquaque grassante versaretur, ac plurimi
 eò opis implorandæ causâ confugerent, ille egenorum patrocinium sus-
 ceperit; vestes, alimentaque prouiderit, & gregem pupillorum in classes di-
 uiserit, alios artibus mechanicis erudiendos tradiderit, nonnullos obsequijs
 locupletiorum addixerit, omnium uti pater curam gesserit, aulâ totâ Re-
 gis inspectante, & optimi Antistitis pium erga egenos affectum mirante
 probanteque. Iaslicijs certè oppido Episcopatus Præmissiensis ædes pau-
 peribus alendis construxit & dotauit. Brzozoniense Xenodochium
 prouentibus annuis auxit. In coercendis puniendisque ijs, qui in aliquo
 deliquerant, seueritatem mansuetudini permixtam adhibebat, conten-
 tus sæpè si quis maximè ex Clero verborum illius efficaciam permotus
 facti poenitentiam lachrymis testaretur. Aliquem semper Sacerdotem,
 qui omnium suarum actionum inspector, & testis esset, secum habe-
 bat, eumque pietate insignem, ac potissimum aliquem è Societate IESV
 deligebat. Quo die in Episcopum consecratus est, vestem cilicinam clam
 comparatam sumpsit, totoque triennio detulit, alijs item ad domandos
 inordinatos carnis motus usus remedijs, extraordinarijs abstinentijs, ieiunio
 etiam Aduetus Domini quod illi solenne erat, quotannis exactissimè
 obseruato, se macerabat. Iam verò in Politicâ Episcopatus administra-
 tione, eaque muneris sui parte quæ ad Senatoriam functionem pertinet
 explenda, excellens admodum fuit. Exigua erat antea in Russiæ Con-
 uentibus Episcopi Præmissiensis auctoritas, quòd eâ non multum opibus
 pollens tantorum Procerum, quibus ea prouincia abundat, potentiam
 obscuraretur; Sed Pstroconius initio statim suscepti Episcopatus, nunc
 hos, nunc illos sibi adiungendo, ac officijs amorem primariorum sibi
 conciliando effecerat, ut longè aliam de se homines conciperent opi-
 nionem, existimarentque illum arbitrio alieno non addicturum sua
 consi-

Magno &
 constanti ani-
 mo Tempia ac
 redditus eorū
 ab Hæreticis
 recuperat.

Mira Pstroco-
 ni Episcopi
 erga inopes
 pietas.

In delinquen-
 tes benignus,
 in se austerus,
 cilicium quod
 die consecra-
 tionis sue
 sumpsit, ad
 triennium nō
 deposuit.

Episcopi &
 Senatoris di-
 gnitatem gra-
 uissimè tuetur
 in Russiæ
 Conuentibus.

consilia, sed ea ex animi sui sententiâ moderaturum, id quod primo, qui Visnæ erat indictus conuentu; luculenter satis ostendit; nam magno Procerum numero, qui eum honoris causâ deducebant eò ingressus, in expediendis consilijs publicis facilè primas partes tenuit, ita vt & sententia ipsius ab omnibus comprobata esset, & cum antea Senatores omnes dictis sententijs excedere loco consilij, quo Equester Ordo priuatim de rebus deliberare posset, solerent; tunc publico omnium consensu quod Nobilitas multum candori Episcopi fideret, illum, & alios Senatores retinuerit; nec aliter nisi illis præsentibus consilia sua se expedire velle ostēderit. Quantâ auctoritate in Comitij Cracouiensibus Anno millesimo sexcentesimo tertio celebratis, quæ prima posteaquàm Episcopus factus esset, fuerunt, sententiam dixerit, & quam spem de se concitauerit, non attinet recensere; illud sanè constat neminem tunc fuisse, qui partium factione infectus non esset, qui illi Vice-cancellarium, quo per leges Regni Tylicius Episcopus Varmiensis diutiùs fungi non poterat, deberi non putaret; quæ res mouit Cancellarium, vt omni conatu ad retinendum in Magistratu Tylicium lege soluentibus obtinuit. Reuersus ad Episcopatum, in eo constituendo omne tempus impendit, in primis autem de iuribus bonorum Ecclesiæ diuturnas controuersias cum potentibus vicinis ortas, & in varias lites productas, mira quadam solertiâ fustulit, finibusque certis fundum Ecclesiæ circumscripsit, ne qua deinceps de eoque quæstio oriri possit, prædia nonnulla restaurauit, vnum etiam extirpatis, excultisque agris construxit. Oppidum Iaslicienf. in finibus Regni Hungariæ situm, mercatu vini nobile, muris cingere aggressus non mediocri parte eius operis effectâ, posteris eius munitionis perficiendæ exemplum reliquit. Grauis eo tempore in Regno Polonia familiam Diui Dominici discordia agitabat. Paucorum factione seiunxerant se Monasteria Russiæ ab obsequio eius Ordinis per Poloniam Præfecti; denique eò usque ambitio discordias fouentium processerat, vt magno religionis dehonestamento, ad arma & cædes esset ventum, his illos è Monasterijs exturbantibus. Proceres plerique prout erga alteram eorum partem affecti erant, Episcopi etiam alij Russis, alij Polonis fauebant, opemque ferebant. Res agebatur magnâ contentione non in Polonia modò, sed in Vrbe ipsâ, adeò vt Clemens VIII. Pontifex Maximus, manus supremæ potestatis ad comprimendam eam seditionem admouere coactus fuerit. Igitur is dat negotium Pstroconio cognoscendæ eius causæ, qui solerti adhibitâ industriâ, posteaquàm vtriusque partis rationes expendisset, graui oratione castigatâ virorum religiosorum minus religiosâ contentione persuasit, vt depositis odijs, æquas, quas ille præscripserat, concordie condiciones acceptarent. ita tum perniciosum schisma extinctum, & dignitati Ordinis in Ecclesiâ Catholicâ suo merito illustris, optimè consultum est. Interea fit certior Pstroconius, Ioannem Tarnouium Archiepiscopum Gnesnensem supremo grauatum morbo, in summo vitæ periculo

Anno Domini
1603.

Dicta primâ
in Senatu à.
Pstroconio
sententia,
quantam illi
commendationem concitauerit.

Episcopatum
suum ab iniurijs vindicauit
ac in splendorem pristinum restituit.

A Clemente
VIII. Pontif.
Max. arbiter
ad componendas in Diui
Dominici per
Russiam &
Poloniam
controuersias
constitutus,
rem inter
disidentes feliciter composuit.
Ioannis Tarnouij Archiepiscopi Gnesnensis morbus supremus.

*Quâ ratione
in Archiepi-
scopû euectus
fuisse.*

*Quanto ap-
paratu Gnes-
nâ ingressus.*

*Qua simul-
tates inter
eum & Can-
cellarium in-
teruenissent.*

*Moritur Tar-
nouius.*

culo versari. Paulò antè is Stanislaò Karnouio immortalì memoriâ di-
gno Antistite, (qui Ecclesiam Gnesnensem, Collegiumq; eius beneficen-
tiâ suâ ita auxit, vt quod nunc cum splendorem retineat, illi potissimum
acceptum ferat) vita functo, Archiepiscopus Gnesnensis Regis beneficio
renunciatus erat, prælatus in eâ petitione Tylicio, qui magnoperè eam
dignitatem quæ prima est in Repub. concupiuerat, non solum quod lo-
cus is vetusta consuetudine Episcopis Cuiaviensibus deferri solitus fuerit,
verùm etiam quòd Tarnouius suâ animi magnitudine, partisque opibus,
& tantis quas sibi comparauerat clientelis, eorum conatus qui de Rege
in ordinem redigendo, consilia inibant, repressurus, & Regiam dignita-
tem Primatiali potestate asserturus putaretur. Quam conceptam de se
expectationem vt non modò conseruaret, verùm etiam auget, ita se
statim comparabat, vt splendore nominis sui, & liberalitate in pristinum
statum Archiepiscopalem dignitatem restitueret; cuius rei causa præter
splendidissimum & numerosum aulae comitatum, complures magni no-
minis Senatores sibi adsciuerat, qui illi præsentesset, & quorum ope-
rà in consilijs expediendis inniteretur, maioreque apud omnes esset au-
thoritate: Gnesnam eo apparatu ingressus, vt suâ magnificentia omnes
qui vnquam in eo genere clari & illustres erant, cunctorum confessione
superarit, vniuersamque Poloniam in admirationem sui conuerterit. Erat
ei idem de Repub. sensus cum Sigismundo Miscoiio consanguineo suo
Supremo Regni Marschalco, ac præcipuum hominum opinione in Re-
gis gratia locum eo tempore tenente, vtrique idem studium Regiæ di-
gnitatis conseruandæ, quorum potentia cum in tantum excreuisset, vt suâ
factione quiduis in Republicâ effecturi viderentur, Cancellarius sanè siue
quòd omnino ita existimauerit, seu inuidiæ in Tarnouium, cuius omnis
apparatus valdè illi suspectus fuit, concitandæ causâ, spargit Tarnouium
conspiratione cum Rege factâ, Regnum inuitis Ordinibus per vim in
proximis Comitibus in filium Regis Vladislaum Principem transferre vel-
le, eiusdem criminis Miscoium, ac præterea quod is accitis peregrinis
titulis Equitis Poloni modum excederet, insinuat. Erat tum quoque
in deliberatione Regis connubium, erant præterea multa Reipub. nego-
tia, totque & tam potentes factiones, vt quemnam exitum habitura es-
sent futura Comitibus, incertum esset, maximè quòd in iisdem Vice-can-
cellariatus, Tylicio Episcopatum Cuiaviens. adepto, alteri cuiuspiam con-
ferendus esset, qui ne ad eum qui alterius factionis esset deueniret, Can-
cellarius summâ ope adniti constituerat. In eo rerum statu, vt dixi, Tar-
nouius graui ietus morbo, posteaquam aliquot septimanarum ægritudi-
ne vexatus esset, piè & religiosè excessit è vitâ. Venerat ad eum Pstroco-
nius paulò antequàm vitâ functus esset, sed iam à sensibus alienatum in-
tercluso linguæ vsu eum repperat, vt nullâ de re cum eo conferre posset.
Delatam autem ad se supremâ Tarnouij voluntate testamenti curam ita
suscepit, vt nihil prætermitteret, quò ea quæ ille iussit, rata fierent, in
eaque

eaque re summam fidem defuncto amico & benefactori suo præstitit. Et ^{Eius suprema voluntas} sane nili ille suam auctoritatem interpolasset, piæ Tarnouij fundatio- ^{executor} nes, in quas ille liberali animo grandem pecuniæ summam effudit, in ^{Pstroconius iussu Louicij defuncto persoluit.} irritum recidissent. Iussis Tarnouio Louicij persolutis, rebusque illius ritè ordinatis, constituerat in Russiam ad Episcopatum reuerti, quo hominū sermoni se subtraheret, qui existimabant eum Vice-cancellarium ambire; sed cum in Comitijs, quæ iam indicta erant, insultaturos plerosque mortuo Tarnouio, famamque & existimationem illius calumnijs oppugnatos prospiceret, veritus ne & defuncti, & suam pariter innocentiam in discrimen conijceret, mutauit sententiā, tantisperq; Louicij substitit, donec Comitijs inchoandis dicta dies veniret. Quæ posteaquā appetijt, ^{Pstroconius Vice-cancellarius Regni nunciatus.} profectus Varſauiam amicis hortantibus ne sibi deesset, minimo sanè conatu summā Regis voluntate munus Vice-cancellariatus consecutus est, opus sanè maioris quàm alio vnquam tempore negotij. Videbatur enim Rex eum factioni Zamosćianæ opposuisse, vnumque è reliquis legisse cui potissimū fideret, cuius prudentiā & consilio niteretur. Comitia quidem ea, agente Cancellario rebus infectis soluta sunt, Rexque tantummodo duobus Senatusconsultis factis, quorum alterum de connubio Regis, alterum de concedendā Electori Brandenburgensi curā agri in Prussia Principis fuit, Varſauiā Cracouiam profectus est. Omnium planè tunc oculi erant in Pstroconium conuersi, in illum omnis incubuit inuidia popularis. Sed profectò est quiddam diuinum in ijs viris qui difficillimo tempore gerendis Magistratibus admouentur, vt peculiari ij Diuini numinis ope subleuati videantur. Erant plerique Pstroconio parū æqui, qui nihil minùs quàm huic Magistratui ferendo parem, & mox suo ac Regis dedecore tanto oneri succubiturum eum augurarentur. Sed ille suscepto eo munere, omnes industriæ intendit neruos, ad gerendum ex dignitate Regis & Reipub. eum Magistratum, effecitque vt non modò Regem non pœniteret hoc eum honore auxisse, verū etiam reliqui omnes faterentur, tali tempore neminem alium aptiorem fuisse, qui Regias partes contra maleuolorum conatus accuratā publicorum consiliorum moderatione tueretur. Comem & facilem se omnibus præbere, palamque animum ab omni æmulatione & maleuolentiā alienum ostendere, sincerè vel cum ijs ipsis qui non benè ei vellent agere, quasi innatum illi erat. Eà re effecit vt Cancellarius ipse, postquam actiones ipsius propiùs inspexisset, non malè de illo existimare cœperit, datisque ad eum literis, & depositā omni simultate ad capeffendam Rempub. consiliaque secum communicanda eum cohortatus fuerit. Et sanè si is diutiùs vixisset, effecisset mox Pstroconius suo candore, & sincero de rebus iudicio, vt illi non minorem Cancellarius quàm alijs qui ab ipsius arbitratu pendebant, fidem haberet, neque eò res deuenisset, quò mox vita functo Cancellario, hi qui, vt aiebant, ex mente Cancellarij præposteris consilijs ingentem in Repub. motum excitarunt, progressi sunt.

Rokosij ini-
tia.

sunt. Sed cùm Cancellarius quarto ab exactis Comitij mensē , Anno salutis humanæ millesimo sexcentesimo quinto in viuis esse desisset, non modò tota negotiorum moles in vnum incubuit Pstroconium , verùm etiam, ea quæ viuentē Cancellario à quibusdam agitata dicebantur, de indicendo Conuentu Rocossiano consilia in apertum proruperunt , auctore Nicolao Zebrzydouio Palatino eodemque Præfecto Generali Cracouiensi, viro acri, non ita pridem Regiâ gratiâ florenti, & eo offenso popularem auram sinistrâ Regiarum actionum interpretatione captanti; quæ res quantum in Repub. mali pepererit, quibusque dissidijs pacatum Regni statum exagitauerit, ac postremò ciues ipsos in mutuum perniciem armauerit, alio loco à nobis narratum est. Ad Pstroconium quod attinet, ille pacatorum cōsiliatorum auctorem se præstitit semper, tum potissimùm cernens grauari Regiam existimationem confictis criminibus, odiumque populi augeri, eò incubuerat, vt conciliandis hominum animis crescentem inuidiam minueret; ac inprimis Stanislaum Zolkieuium tunc Castellatum Leopoliensem ac Præfecturæ Exercituum Regni pro Zamoscio vicarium, vnum ex intimis amicis Zamoscij, virum recti iudicij, & priuatis rationibus publicam salutem anteferentem Regi conciliauit; effecitque vt mortuo Zamoscio huic vni, etsi Regi aliquantisper ob amicitiam Zamoscij suspecto, secundùm mortem illius cura Exercitus demandaretur: plurimùm ea res valuit ad labefactandas partes aduersæ factionis. nam cùm plerique cernerent Zolkieuium non fauere conatibus Palatini Cracouiensis, facile iidem in partes Regias cōcesserunt; Pstroconio in eam curam incumbente, vt quàm plurimos ad rectè de Rege, Regijsque destinatis sentiendum induceret. Præcipuè autem aduersa factio in inuidiam populi & odium vocabat Regem, eo quòd ille dissentientibus plerisque & dissuadentibus, Constantiam Caroli Archiducis Austriæ filiam, prioris vxoris sororem germanam, consortē thori destinaret: ea res aduersâ vulgi opinione excipiebatur, pauci & erant qui sibi id persuaderi paterentur, id Summo Pontifice annuente & sacris legibus, quibus Rex cùm prioris vxoris sorore matrimonium inire vetabatur, eum soluente, ritè & legitimè fieri posse. Hoc illud aiebant aduersarij eo matrimonio peti, vt Rex illicitis matrimonij pactis initis, Regnum Austriacis traderet; multæ sub hoc nomine sparsæ in vulgus opinionones, vanæ licet & nullo nixæ fundamento, apud credulos & in seditionem pronos fidem habebant. Et Rex quidem circa exitum anni, deducētib; in Regnum sponsam Mariâ matre, Maximiliano fratre Archiducibus Austriæ, Cracouiæ nuptias celebravit, effecitque vt sacri simul & secularis Ordinis præcipui quique eis interessent, actumque eum cohonestarent. Caterùm factio aduersa tantò magis exarsit, non in Regem modò, sed in omnes, qui Regijs destinatis non aduersati fauere ijs putabantur: præcipua autem inuidiæ flamma hæsit in Pstroconio; ille omnium sermonibus Regiarum nuptiarum conciliator, eorumque cō-

Pstroconius
Vice-cancellarius, mortuo Cancellario, difficilimo regni tempore totam negotiorum mole sustinet.

Zolkieuium
Regi conciliatum Rocossianorum conatibus opponit, & per eum plurimos in Regias partes pertrahit.

Quas ab causas Regi ab aduersâ parte conflatum odium.

Idem odium derivatur in Pstroconium, sed salid.

filiorum,

filiorum, quæ vulgò suspecta erant, auctor existimabatur. Vidit ille & præ-
uidit, Regique ipsi sæpè dixit, ea quæ mox secuta sunt euentura, suavitè
Principi, vt aliquantisper opinioni hominum sese accommodaret: sed eò
iam res deuenerat, vt nec Regi ipsi integrum esset relinere ab incepto,
nec dignitate salua poterat rescindere pacta, fidemque datam Princi-
pibus Austriacis, qui duobus Summis Pontificibus, Clemente VIII. &
Paulo V. suadentibus & annuentibus hanc ipsam Regio matrimonio de-
stinarent. Non est huius loci vt utilitates huius connubij, Regemque &
eos qui hoc consilium probant, nihil perperam egisse ostendam; hoc
tantum innuisse suffecerit, Pstroconium nunquam quidem Regi aucto-
rem huius nouæ, & vulgò non probatæ affinitatis contrahendæ fuisse,
cæterum re perfectà non secus ac si ipse princeps eius consilij esset, ita
Regem factumque eius tuendum suscepit, vt grauissimis rationibus
ostenderet, non benè eos patriæ consulere, qui Regem & Senatum eo
nomine apud imperitum vulgus inuidià onerarent; quippe seditionis &
intestinalis discordiæ causas ab ijs quæri apparebat. Quod mox innotuit,
cùm Palatinus Cracouiensis cum Hæreticis cōsilia communicare cœpisset,
atque eorum potissimum fretus potentià, primò ad Stęzicam, mox
Lublinski Conuentum egisset, generalemque totius Nobilitatis Con-
uentum, quem Rokos, petito ab Hungaris, gente ad seditionem natà no-
mine, appellare placuit, ad Sendomiriam priuatus homo, priuatà aucto-
ritate indixisset. Multa hîc commemorare possem proposita à Pstroco-
nio consilia ad eludendos conatus aduersæ factionis prudenter accom-
modata, sed duo tantum attingam, quæ salutaria fuisse, & salutem ipsam
Regi attulisse exitus docuit. Alterum est Zolkieuius reconciliata gratia
Principis, eo in aulam dissuadentibus plerisque euocato, quam rem tantà
curâ egit Pstroconius, vt cùm Zolkieuius iam ad Regem proficisceretur,
& nescio quis suspicionis scrupulus Regi ab inuidis, & Zolkieuianę laudis
osoribus iniectus esset, persuasumque vt Rex ad eum mitteret, quo ex iti-
nere domum regrederetur, obstitit constanter Pstroconius, effecitque vt
venientem Rex benignè susciperet, curam publicæ salutis illi demanda-
ret, quam ille fide integrâ gessit & sustinuit. Alterum est cùm iam Rokos-
siana factio apertam spiraret rebellionem, atque in eo res esset, vt Cra-
couiensi Vrbe præsidio firmatà, Palatinus Reipub. nomine Regem in-
gressu eius Urbis arceret, arcemque & insignia Regni in potestate suâ te-
neret, quoad Rex obiecta, vt illi dicebant, crimina coram datis à Nobili-
tate arbitris dilueret. Fit de eo consilio certior Rex, conuocato Senatu
proponitur, quid in tali casu facto opus sit, Cracouiæ cuius Arx iam
modico Palatini præsidio tenebatur, & quam Palatinus ipse mox maiori-
bus copijs ingressurus dicebatur eundem, & præuertenda celeritate ho-
stium consilia; an in Prussiam secedendum, quoad Zolkieuius qui in Rus-
siâ copias agebat cum Exercitu superueniret? plerisque Senatoribus peri-
culi Regis quàm dignitatis maiorem rationem ducentibus, & vt in tutum

*Pstroconius
tamen partes
Regis tuta-
tur strenuè
tanquam cō-
munem cau-
sam.*

*Rokossianorū
Conuentus,
quorum con-
siliis pruden-
ter obuiat
Pstroconius.*

*Cracouiam
Regi in pri-
mis occupan-
dam salubri-
ter consilis
Pstroconius.*

*Quod proce-
des in Sena-
tusconsulto &
exitus impen-
sè comproba-
uit.*

*Pstrokonski
Cancellarius
Regni.*

locum permissa hosti Cracouia Rex se cum coniuge & liberis reciperet, aut certè Varſauia vbi tum cum aulà erat subsisteret, ne quam occasione hosti armato suâ discessione vel Cracouia occupandæ conatu sui violandi præberet suadentibus, è contra Pstroconius grauissimis rationibus concessâ aduersarijs Cracouia, actum esse de Rege & Regno ostendit, eundem obuiam hosti & audendum, celeritate tantum opus esse, cætera ac iter ipsum expeditum fore, ciues Cracouienses integrâ esse erga Regem fide, nec Palatinum ita paratum esse, vt Regem præuenire possit, & si præueniatur, non ausurum eò progredi. Varſauia qui subsistendum Regi suaderent, eos longè maiori periculo personam Regiam obnoxiam facere, quid enim non ausuros hostes occupatâ Cracouia, fugæ verò & in tutiora loca sese recipiendi consilium longè à dignitate Regiâ, longè à præſenti rerum statu alienum videri, ad fallendum tamen distinendumq; hostem naues parari placuit, sparso rumore Regē Torunium vel Mariæburgum in Prussiam nauigaturum. In hanc sententiam frustra renitentibus alijs factò Senatusconsulto, ea ipsâ horâ decreta est Cracouiam profectio, eodemque die susceptum iter, vt aduersâ factione nihil minùs quàm eo tempore Regem Cracouiam profecturum suspicante, Rex priùs propè Cracouiam constiterit, quàm à Palatino eodem iter intendente id sciri possit, coactusq; sit Palatinus retrocedere reuocato properè ex arce Cracouiensi suo quod isthic erat præsidio, ne in potestatem Regis veniret; vtriusque istius consilij auctore Pstroconio suscepti Regē nunquam pænuit, & prudentes rerū æstimatores optimè rebus Regijs eâ ratione cõsultum esse iudicabât, quod & exitus rei probauit. Multa alia referre possem, quæ ille Regi vtiliter suasit; erat enim vir perspicacis iudicij & prompti consilij, quod non solùm grauitè proponere, verùm etiam prudenter explicare nouerat. Cancellarius Regni in Comitijs Regni Varſauien. Anno 1606. renunciatus, collegamq; in eo munere fortitus Stanislaum Minski ex Palatino Lanciensi, Procancellarium Regni à Rege creatū, summam tamen consilij ipse tenuit, quòd Procancellarius inuidiam apertè subterfugeret, neque earum actionum, quæ Magistratum eum gerentibus pro salute Principis intrepidè suscipiendæ erât, partem aliquam capeſſere vellet. Itaque Pstroconius, & ea ipsâ Comitia & Vislicienſem Conuentum, quæ Regiarum partium Duces, Rokosiano apud Pokriwnicam actò opposuerat, & cui Rex ipse vniuerso ferè Senatu sibi adſistente præerat, ablegato ad Rokosianos Procancellario, & mox eodem graui morbo oppresso solus obiuit, omniaque Cancellarij munia sustinuit: soluto eo Conuentu; quòd Rokosiani graues & iniustas Regi, & ijs qui cum Rege erant conditiones ferrent, motis cõtra eos copijs ad Ianouecium ventum est, vbi Palatino Cracouiensi. & Ianuſſio Radiuilo, qui Exercitui Rokosiano præerant, vel captis vel deditis, vel vt ipsi aiebant, sponte iudicio Senatus sese permittentibus, cùm non deessent qui suaderent auctores seditio- nis vel necandos, vel in vinculis retinendos, hic quoque mitioris sententiæ auctor

auctor fuit Pstroconius, negans per leges Regni licere in ciues ordinario ^{Eius contra}
 iudicio nondum iudicatos animaduvertere, maioremque motum exci- <sup>reos Rokos-
nos, mitior</sup>
 tatum iri, si illi licet id meriti, opinione tamen vulgi insontes existima- <sup>proposita sen-
tentia.</sup>
 ti, vel morte punirentur, vel contumelia afficerentur, diem potius illis
 dicendam, ut in proximis Comitijis se sitterent, causamque excitati tu-
 multus dicerent. Ita illi tunc sponfione data dimissi, cum non seruata
 fide iterum armis & non iure se tuerentur, neque vocati ad Comitia ve-
 nire vellent, non deerant qui lenta Pstroconij consilia accusarent, sed illi
 semper constitit ratio dati consilij. Secuta sunt postea Comitia anno 1607.
 Varfauiae indicta, armata illa & turbulenta, cum Castris quorum praesi- <sup>Cum Rokosi-
anis primo</sup>
 dio tuto negotia publica tractarentur, ad Urbem admotis, tertio inde <sup>pacatis consi-
lius altum.</sup>
 milliario hostium castra abessent, & inter militarem strepitum armo-
 rumque vim consilia expedirentur. Actum est cum Rokosianis ut ab ar-
 mis discederent, atque arbitrio Senatus, & totius Reipub. se causamque
 suam permetterent, sancitae plurimae leges ad stabiliendas Nobilitatis li-
 bertates, circumscribendumque Regium imperium pertinentes, satisfac-
 tum magna ex parte populi desiderio & minus aequae flagitationi. Rex
 ipse quod suum pacis cupidum animum cunctis declararet, nihil se non fa-
 cturum, quod concordiae omnium sententiae a se postularetur, testatus est,
 & fecit pleraque fecissetque multo plura, nisi orta inter Ordines Regni
 de rebus controuersis disceptatione, mutuis altercationibus Comitiorum
 tempus extractum fuisset. Postremo cum nullis omnino rationibus Ro-
 kosiani ut pacate se gererent, ab armis discederent, causam suam iudicio
 Ordinum Regni permetterent, adduci possent, cum persuasiones amico-
 rum & principum Senatus, qui ad illos Regis permissu saepe cominebant,
 cum Regis & totius Reipub. auctoritatem contemnerent, factum Sena-
 tus consultum, ut nisi intra certum diem arma deponerent, eo loco quo ho-
 stes patriae haberentur, & vi atque exercitu ad officium reducerentur. Ne-
 que tamen his illi territi, rem pene dictu incredibilem ausi non plures quam
 duo Palatini, Nicolaus Zebrzydowski Cracouiensis & Ianusius Grud-
 zinski Rauensis, ac Castellanus Parnauien. Petrus Staborowski, isque
 nondum eo sacramento quo Senatores Regi & Reipub. obligantur ob-
 strictus, nec pleni iuris Senator, pauci praeterea ex Equestri Ordine, Regi
 Regnum publice proposito edicto abrogarunt, institutum indixerunt, in-
 ter regnum promulgarunt. Erat Regia causa potior & iure, & viribus ma-
 ioribus nitebatur, itabat a parte illius & Comitiorum consensus, & uni-
 uersus Senatus, & exercitus robur. Aduersariorum est contra omnis in
 eos spes, militem Regium contra ciues arma non stricturum, facilius
 eum seditionem moturum, quam causam Regiam armis defensurum.
 Nectemerum ea orta erat fiducia, nam plerisque est Regio exercitu ea opi-
 nione imbuerant Rokosiani, quasi illi pro libertate niterentur, hi qui
 cum Rege stabant, eandem oppugnatum irent; itaque & in Castris praes-
 sente Rege variae voces audiebantur, & postmodum cum Rokosiani primi

*Armis tan-
dem decer-
tatum est.*

*Quæ circa
conflictum
egerit Pstro-
conius.*

*Victoria pe-
nes Regem
stetit.*

*Sauciorum
& caesorum in
pugna, pua &
accurata
Pstroconij cu-
ra.*

*Pstroconio
suasore in ne-
minem rebel-
lium sauiti.*

*Nullius ciuium
extra pugnam
sanguinem
fundendum,
prudens con-
siliū Pstro-
conij.*

versus Cracouiam castra mouissent, Rexque cum Exercitu eos secutus, & apud Varkam oppidum affecutus fuisset, complures militum turmae iussæ cum hoste manus conferere, imperium abnuerunt. & nisi arte Zolkieuij, seueraque in paucos seditionis auctores animaduersione, exercitus exactis proditoribus purgatus fuisset, nescio an non summo gentis nostræ dedecore, Regis eorumque qui Regias partes sequebantur, causa prodita fuisset. Nec apud Vranscum eâ alacritate animorum à Regijs militibus excepta pugna, trepidatumque & magnâ confusione res acta, Ducibus ipsis qui bello præerant, (præerant autem Carolus Chodkieuiuius dextro, Stanislaus Zolkieuius sinistro exercitus cornui) non satis inter se concordibus, ita ut Rex ipse in summo periculo versaretur, & fuga passim conturbatis ordinibus fieret. Insperata ea res accidit nobis, qui cum Pstroconio non longè à Prætoriâ Regiâ cohorte inermes substiteramus, visaque res proditori similes, idque veritus Pstroconius adaucto calcaribus equo ad Regem contendit, præfatus se cum Rege omnem fortunæ sortem excepturum, nec aliam salutis viam quæsiturum, conspicatusque vnum & alterum vexillum fugientium, vexilliferos prehendi iubet, atque penè inuitos & metu conterritos, suâ auctoritate è fugâ retrahit, atque ad Regem, qui cæteris metu turbatis & varia suadentibus, imperterriti animi Regi vigore nunquam loco moueri potuit, adducit. Mirati sunt qui præsentibus erant Episcopii animi magnitudinem, tantò magis quòd nonnulli qui in ipsius comitatu erant, nō verbis magis quàm exemplo fugam suaderent, eamque deserto Episcopo turpiter capefferent. Multa præterea alibi dicenda vel dicta. Victoria Regi obigit, pauci ex hostibus ceciderunt, sparsi reliqui quòd quemque fors tulit abierunt: cæsi in acie ut terræ mandarentur, ea verò prima Pstroconio cura fuit, ut vulneratis Medici adhiberentur, ut moribundis Sacerdotes adessent, eiusdem summa sollicitudo, nec vllum inter hostes & suos discrimen, pari omnes affectu complexus, vtrisque simul quantum res & tempus patiebatur, consultum esse cupiebat, me inter alios paterno imperio coëgit, ut partem curæ eorum qui è vita excedebant capefferem, eosque sacra ex homolegesi expiatis ad mortem Christiano ritu obeundam præpararem: feci id non inuitus cum alij deessent, qui id munus obirent. Victis prælio aduersarijs, deliberabatur quâ poenâ ij afficiendi essent, qui in acie contra Regem steterant, Rege optimo annuente & suadente Pstroconio, in neminem sæuitum, quos fortuna belli seruauit, nulli bona adempta, mansere omnes incolumes, etiam ij, qui proditoriis & iniuriæ cum Gabriele Batthoreo Principe Transilvaniae, de tradendo illi Regno, conspiracyationis rei conuicti sunt. quorum vnus Ioannes Felix Herbortus, clara & illustri ortus familiâ, eruditionis & eloquentiæ opinione tumens, leuis idem & ob egestatem ad seditiones resque nouâdas pronus, captus, cum literis proprijs conuinceretur, perniciosâ in Regem & Rempub. cum Batthoreo consilia agitaſſe, iam iam capitali supplicio vniuersi Senatus

natus sententiâ addicendus, Pstroconij qui extra aciem nullius ciuis sanguinem esse fundendum, multis ijsque efficacibus semper vrsit argumentis, sententiâ seruatus est, & post sponsione datâ, dimissus. Reliquis etiam rebellibus, vt Rex veniam daret, ac clementiâ potiùs quàm seueriori animaduersione Rempubl. pacaret, facilè benignissimo Principi persuasit: itaque Senatu quoque vniuerso in eam adducto sententiam, agente potissimum Zolkieuio, qui quòd sororem vxoris Palatini Cracouiensis in matrimonio haberet, sanguinisque arcta coniunctio inter mutuos eorum liberos intercederet, indoluissè vices Palatini, & illi iam facti pœnitenti postremò fauissè putabatur, conditiones quibus Palatinus in Regis gratiam admitteretur, præscriptæ sunt. Vocatisque ad Regem Cracouiæ eo tempore aduersâ valetudine laborantem Senatoribus Regni & Magni Ducatus Lithuanix, postquàm aliquantisper disceptatum esset, inter eos qui maiorem Regiæ dignitatis rationem habendam, & eos qui nonnihil Palatino quoque indulgendum censébant, ad extre-

Rege petijt, pariterque conceptis scripto orationibus Pstroconius nomine Regio, & Ioannes Zamoski Archiepiscopus Leopoliensis, pro Senatu illi responderunt. Ita tum pax coijt, & Respub. pristinx tranquillitati restituta est. Hæc anno 1608. mense Maio acta, cuius etiam anni initio Bernardus Macieïowski Sac. R. Ecclesiæ Cardinalis Archiepiscopus Gnesnensis cessit è vita, vir pietate insignis, genus illi clarum & illustre, quippe nepos fratris Samuëlis Macieïouij Episcopi Cracouiensis, qui Sigismundo Primo, & post Augusto eius filio regnante, Princeps Senatus habitus Regni Vice-cancellarius fuit, primis ætatis annis sub Rege Stephano militiam professus, aulici comitatus Vexillifer summa cum laude munus id sustinuit, mox abiecto balteo militari, sacris initatus atque Romam profectus, totum se Ecclesiasticis institutis imbuedum impendit, cunctis ob vitæ integrè actæ sanctitatilque constantem opinionem amabilis, primò Episcopus Luceoriensis renunciatus, mox legatione Regis Sigismundi nomine apud Sixtum V. Summum Pontificem functus, cum magnum sibi in Romanâ Curiâ affabilitate & comitate amorem conciliaflet, secundùm mortem Georgij Cardinalis Radinili, qui in Vrbe vitâ functus est, Clemente VIII. Summo Pontifice Regi eum impensè commendante, Episcopatum Cracouiensem adeptus, mox ab eodem Pontifice in numerum Sacræ Romanæ Ecclesiæ Cardinalium relatus, postremò mortuo Ioanne Tarnouio, Archiepiscopus Gnesnensis factus, minùs biennio ei sedi præfuit. Extremis vitæ annis simulas ei cum Rege intercesserat, fauissè Rokossanorum conatibus putabatur. Sed nos ad nostra, Alberto Baranouio ex Episcopatu Vladislauienti Gnesnam Regiâ designatione translato, Regiâ item voluntate Episcopatus Vladislauiens. Pstroconio delatus est, quem dignitatis Ecclesiasticæ locum adeptus, iam in portu res suas collocatas existimabat.

*Pax inter
Regem &
Rokossanos
Pstroconio in
primis labo-
rante statuta.*

*Mors pia
Cardinalis
Macieïouij
eiusq. res in
vita gesta.*

*Pstroconio
Episcopatus
Krauiensis
delatus.*

*Cancellarij
munus depo-
nit Pstroco-
nius.*

*Prusiam Du-
calem ex Re-
gis & Ordini
sententia in-
spicere & Cu-
ratori factus
Principis con-
ditiones ex
Senatuscon-
sulto præscri-
bere iussus.*

*Morbo inter-
cipitur.*

Nihil igitur nisi quod ad functionem eam ritè obeundam pertineret mente voluens, totus eò propendebat, ut quàm primùm supremi Cancellarij munus deponeret, publicarumq; rerum abdictâ curâ, Episcopi officio fungeretur. Ergo Comitibus Varſaviæ anno 1609. mense Ianuario indictis, cùm Regem Volborij, oppidum id Episcopi Vladislauiensis, Cracouiâ Varſaviam proficiscentem conuiuio excepisset, vix dum rectè inchoatis Comitibus institit apud Regem, ut quàm primùm sibi Magistratu abire liceret, quod cùm vix tandem obtinuisset, in hospitium reuersus, veluti diu desideratâ quiete partâ, mirificè lætatus est, immensas Diuinæ Maiestati agens gratias, quòd in tantâ negotiorum mole sustinendâ singulari ope sibi adfuisse: quòd enim tanto ponderi non succubuisse, quòd Magistratum eum difficillimo Reipub. tempore ita gessisset, ut nec inuidi, nec inimici quidquam haberent, quod criminarentur, soli Deo acceptum ferebat. Vna res erat, quæ animum ipsius magnoperè sollicitum habebat, dati erant auctoritate Comitiorum è Senatu, & Equestri Ordine, qui statum Ducalis Prussiæ inspicerent, formulam regiminis præscriberent, & Alberto Brandeburgico, qui eo quòd motæ mentis esset, Curatore egebat, Curatorem Ioannem Sigismundum Electorem Brandeburgensem à Rege & Reipub. datum, certis præscriptis conditionibus in possessionem eius curatellæ immitterent, ac nouo sacramento Prouinciâ illam Regi & Reipub. obstringerent: inter eos quibus hoc negotium tractandum commissum erat, princeps erat Pstroconius, eum vehementer torquebat cura suscepti istius negotij; nam inprimis ad officium suum pertinere iudicabat, omni studio promouere in Ducatu Prussiæ iam dudum pulsam isthinc, & eliminatam religionem Catholicam, id si impensius vrgerent, verebatur ne acrius obtinentibus hæreticis, status illius Prouinciæ perturbaretur, omnisque in eum culpa infecti negotij recideret: non poterat autem vllam iustam Regi adferre causam, quo illo annuente sibi liceret domi manere, quamobrem me alijsque præsentibus, sæpè Deum precatus est, ut si minùs fructuosa & salutaris Ecclesiæ, ac Patriæ hæc sua legatio futura esset, se vel morbo impediret, vel si ita diuinæ Maiestati visum foret, è vita tolleretur, voti ut mox videbimus compotem fecit Deus. Cracouiâ ad Regem venerat, accepturus mandata secundùm quorum præscriptum Prussicum negotium tractari debuerat. Sacro parasceues die, Rege templa Christiano ritu religiosè ob-eunte, cùm in deducendo & manu sustinendo Rege aliquantisper fessus esset, altera die leuiori febris correptus, non satis curato morbo Cracouiâ discessit. Volboriam properans isthinc valetudini recuperandæ Medicorum operâ adhibitâ, aliquantùm temporis impensurus; sed & Volboriæ tanta negotiorum moles eum circumsteterit, ut non modò Medicis vacare non potuerit, sed & ad necessariam etiam quietem sumendam non satis temporis ei suppeteret, crebrò eum interpellantibus amicis, quibus tantùm indulgebat, ut sibi non parceret. Sed non solum Volborij, verùm &

& in itinere deinceps Vladislauiam versus suscepto, exiguam habuit valetudinis curam, quod nimium fideret viribus suis, seque non facile morbo deijci posse existimaret. In Coualiensi primùm oppido, quod vicinum est Vladislauiae, sensit se iterum tentari morbo, die decimâ sextâ Maij Ecclesiam suam Vladislauien. ingressurus, multos proceres eius provinciae obuiam sibi progressos, magna animi hilaritate excepit complexusque est: dies erat nimio solis calore feruida, tot autem viris nobilibus, qui honoris causa obuiam prodierunt Episcopum salutantibus, necesse erat quemlibet eorum excipere, dicentem audire detecto capite, ita incaluit corpus itinere alijsque curis, & ipsâ suscipiendi Episcopalis oneris meditatione fessum, peraetis tamen ingressus ad Ecclesiam caeremonijs, finitisque salutationibus deductus ad arcem, multâ illustrium virorum frequentia mensæ assedit, & vix gustato cibo, quasi telo aliquo ictus subito se proripuit; secuti sumus abeuntem, ille verò eo morbo latus, hoc illud est, inquit, quod in ipso tanti honoris ingressu mihi euenire oportuit, ne nimium me extollerem, leui plagâ me diuina manus tetigit. Febricula erat leuior, quam ut aliquod periculum ab eâ timeri potuerit, & quæ intra vnius horæ decursum deferbuit, sed postmodum totum corpus flauâ bile perfusum ietericio siue regio morbo cum affectum esse ostendit. Aduocati Medici venam secuerunt, fluxit ater & adustus sanguis, signaque futuri & diuturni morbi apparuerunt, ac Medicis seriam affectæ morbo valetudinis curam suadentibus, ille inprimis de salute animæ sollicitus, Confessarium Presbyterum è Societate IESU, qui tum Torunensis Collegij Rector erat Corceuium accersit, huic humiliter gesta totius suæ vitæ fateretur, veniam delictorum poscit, mox ritu Catholico expiatus, me accersito quasi iam iam moriturus, Tabulas supremæ voluntatis cōficit. Mirabamur hominem ut nobis videbatur satis valentem, nec vi morbi deiectum, in continuâ versari cogitatione mortis, animo quidem intrepido, & quasi magnum quid aggredi gestiente sollicito. Testamento legitime condito, omnibusque ritè dispositis, sacrisque more Catholico expiatus, tum demum accersitis Medicis, curandum se illis permisit: lenta erat vis morbi, cuius causâ obstructio venarum messaraicarum à diuturno tempore contracta; nec enim ille nisi morbo urgente medicinis uti consueuerat, nimiam quadam suæ valetudinis fiduciâ, alios etiam irridere solitus, qui cum rectè valerent, Medicos nihilominus ad curam corporis adhiberent. Ego morbi causam ad curas & sollicitudines, angoresque animi, quos ingerendo Magistratu toto ferè Vice-cancellariatus, & Cancellariatus tempore, sine collegâ, sine vlllo leuamento, solus tantum onus sustinens pertulerat, retulerim. Medicis igitur manum admoventibus tantum abfuit, ut morbi vis decederet, ut etiam maiora incrementa sumeret, per sex continuas septimanas decubuit; hoc temporis interstitio bis recidiuâ feбри tentatus, eâque facile leuatus, non remisit animum à publicis curis, ac inprimis quotidie ferè sacrificium incruentum

*In suo in Episcopatum
atque in Ecclesiam suam
Vladislauien.
ingressu morbus inualescit.*

Curam valetudinis suadentibus Medicis, & amicis, curam animæ potius habet p̄srocinus.

Testamento condito. & procuratâ animâ curationem valetudinis tum demum Medicis permisit.

Morbi causa & occasio.

*Aura muta-
tionem fru-
stra captant
in eo sanando
Medici.*

*Raciazj
Templum in-
firmis in-
staurari cu-
rat.*

*Febri mali-
gnâ corrip-
tur.*

*Die vite sue
supremâ ad
sacellum per-
ducitur, &
Missæ sacrifi-
cio deuote in-
terest & SS.
Eucharistiâ
resicitur.*

tum offerens, immensam lacrymarum vim profundeabat, omnes qui adire ipsum vellent, facillimè admittebat, causis iudicandis aliquoties præfedit, de statu Ecclesiæ, subditorumque sollicitus, & cum, ut dixi, in cogitatione perpetuâ mortis esset, quasi tamen vitæ certus, ad extremum eius exitum nullam muneris sui functionem intermisit. Cùm tertia iam hebdomada morbi præterisset, rati Medici loci mutatione morbum decessurum, suaserunt ut Raciazum (arx est Episcopalis amœno admodum loco sita, quatuor miliaribus Vladislauia distans) proficisceretur; fecit id ille libenter, nihil tamen eâ migratione effectum, idem morbus, eadem illius vis manebat, & ut dixi maiora in dies incrementa sumebat. Non possum silentio præterire insigne Pstroconij pietatis studium, quod in hoc itinere exhibuit: Templum erat Raciazj à Rozrazeuio magnis impensis inchoatum, & ferè iam perfectum; deerant turres, altaria, fenestræ, id à successoribus Rozrazeuij, Tarnouio, Tylicio, & Baranouio neglectum, pecoraque in loco sacro (nam eius templi in veteris Ecclesiæ loco posuerat fundamenta Rozrazeuus) stabulari, ossa humana diruto ossario, à canibus & feris dilacerari & dispergi, ita indoluit Pstroconius, ut lacrymas tenere non potuerit: è vestigio igitur iubet purgare locum, fores ad portas aptare, ossarium nouum condendis fidelium ossibus construere, vitreas fenestras conficere, quæ omnia summâ celeritate, illo instante & perurgente perfecta sunt; & si diuturnior vita illi obtigisset, haud dubium quin illâ ipsâ æstate totius fabricæ opus perfectum reddidisset, sed eius rei laus referuabatur eius successori Laurentio Gembicio, qui pari tactus pietate, simul ac Episcopatum cepit, finem huic operi imposuit. Morbo in dies crescente, accessit postremò febris, quam, ut est, malignam Medici vocant, ac insuper triduo ante mortem aposthema, dextrâ faciei partem ac fauces ipsas occupauit. Nulla iam spes erat salutis, & Medicis tacentibus, ipse viribus se destitui animaduertens, nihil territus supremâ necessitate, ad mortem constanter & piè obeundam se præparabat; sermo nullus nisi de rebus diuinis, de cælesti illâ patriâ, de diuina erga genus humanum clemētiâ; quotidie sacrum Missæ officium, cùm iam destitutus viribus ipse sacris operari non posset, audiuit deuotè & religiosè; petitas ex sacris Psalmis sententias frequenter in ore habebat: *Aspersisti me*, inquit, *Domine hyssopo* (bilem enim quæ morbo causam dederat hyssopo comparabat) *& mundabor: lauabis me & super niuem dealbabor.* & *Bonum mihi Domine, quia humiliasti me.* itemque, *Paratum cor meum Deus.* ac, *Letatus sum in his quæ dicta sunt mihi: in domum Domini ibimus.* Die Principibus Apostolorum Petro & Paulo sacrâ, illi supremâ, manè vestes poposcit, vestitus (tantum adhuc illi virium supererat) ad altare quod in vicino cubiculo parabatur se deduci iubet; ibi prostratus Missæ Sacrificium Patre Simone Dolescio è Societate IESV sacra peragente audit, sacraque Synaxi refectus, vegetior quodammodò redit ad lectum. non dubitabat se eo die moriturum, nam & triduo antè quaesierat ex me,

me, quàm cito ventura esset dies Apostolis sacra: cumque ego tertio ab hinc die venturam eam respondissem, conticuit; denique cibum cum eo die caperet, Cui, inquit, vsui cibus iste, cum anima alio egeat? cumque frigore pedes ipsius rigescentes attrectarem; ne mireris, inquit, iam inde anima se subduxit, & per partes morior. Hæc lætus & quasi iocanti similis. Cum verò mors instaret, aliquantisper commotus, facie nonnihil perturbatâ: Coram Iudice meo, inquit, mox cõpariturus hac vel maxime vrgeor formidine: viximus in aulâ, Magistratus gessimus, non semper in hominibus negotijsque tractandis & expediendis æquabilem modum tenere potuimus, interdum non eâ quâ parerat intentione ad altare accessimus. Tum ego: Si quid tale est, quo ex eâ occasione grauari suam conscientiam sentit, nunc doleat. Doleo, inquit, ex animo doleo. Assurgere volenti porreximus manus: ego autem monui Confessarium, vt ita affecto cæteris abire iussis consilium daret, & indulgentiam largiretur; fecit id ille. Mox iussu Pstroconij, vniuersâ aduocatâ familiâ: Adhuc, inquit, omnes, ac videant me morientem; iam hilarior, iam totus in oratione defixus, sacrum Oleum Christiano ritu, extremò vngendus adferri iubet: aderant complures Presbyteri & religiosi viri, orantibus illis & sacras Litanias recitantibus: ille cum reliqui, ora pro eo, dicerent, ora pro me ingeminabat. Hoc Sacramento munitus, constanti vultu, intrepido animo præstolabatur mortem; & cum iam vox deficeret, orsus Domini-
cam orationem, quamuis submissâ voce, ita tamen vt à nobis, qui aurem
ori eius admoueramur intelligi posset, in his verbis, Ave Maria, Creatori
suo spiritum reddidit, adeò placidè, & sine aliquo corporis motu, vt som-
num cepisse potius, quàm mortuus esse existimari potuerit. Coluerat il-
le peculiari ritu Beatissimam Virginem, atque ab eo tempore ex quo
Presbyteri ordinem suscepit, omni Sabbatho votiui sacrificio Reginam
cæli venerabatur, nec dubito quin præsentem in ipso mortis certamine
eam salutauerit, nec temerè factum crediderim, vt in hac voce, Ave
Maria, exspirarit. Multa alia pietatis officia ab eo vsurpata, quæ hîc pau-
cis perstringam, testimonio esse possunt, quantoperè ille Dei & proximi
amore flagrauit. Summum erat in eo vitæ ab omni illecebrâ carnali
conseruandæ studium, omnes suspiciones turpitudinis, omnes familiari-
tates, quæ statum eius non decerent, vitabat; nullum vnquam verbum
ex ore eius prodijt, quod castas aures offenderet, quodue ruborem mo-
uere posset: si quid tale ab alijs diceretur, aures oculosque auertebar, vt
quantum à rerum turpitudine abesset, tantum se ab obscænitæ verbo-
rum alienum ostenderet. Crebra ieiunia, castigationes spontaneæ cor-
poris, aliæque ad domandam carnem pertinentia in vsu habebat. Ieiu-
nium Aduentus Domini solenne statumque illi erat. Curam pauperum
gerere, Nosodochia Xenodochiaque inuisere sæpissimè solebat, nec pe-
cuniam modò, sed spiritualem etiam eleëmofynam largiebatur, exhor-
tando pauperes ad ferendas æquo animo ægritudines, reliquasque vitæ
inopis

*Diem sui obi-
tus præsecur.*

*Ad vicinam
mortem (quod
piorum est)
exepidat.*

*Inter mortuis
vocibus Ora-
tionem Domi-
nicam recitat
& in verbis
Ave Maria,
placide mori-
tur.*

*Puritatis mi-
rum in tota
vita studium.*

*Penitentia
& mortifica-
tionis cultor
egregius.*

*Inopum peculiaris cura
& ratio.*

inopis molestias , incitando eos ad pietatis studium , perquirendo de statu eorum , de ratione victus. In eleēmosynis largiendis plus quā facultates suæ paterentur , sine vlllo prorsus rei priuatæ respectu , planè liberaliter profusus , dumque eo nomine à domesticis admoneretur , Dominus prouidebit , respondebat. In quo genere quid aliquando illi acciderit , Ecclesias Diœccelis suæ perlustranti , paucis referam. In pago

Insignia circa liberalitatem in pauperes quædam in eo exempla.

Cracouecio , ditionis Alexandri Ducis Ostrogiaë , templum erat Catholicum , quod idem Dux Græco schismati addictus , in Ruthenum ritum transtulerat , sed eo vitâ functo vxor illius fœmina religiosissima , iterum illud Catholicis restituerat , Romanæ Religionis dato Sacerdote : is omnium rerum egens , cū quibus templum illud recēns restitutum indigeret , Episcopo explicasset , ille non subductâ ratione pecuniæ quantam tunc haberet , iubet numerare centum florenos , in subsidium Ecclesiæ impendendos. Dissuadenti fratri meo Matthiæ Lubienksi eo tempore Canonico Gnesnens. nunc Præposito Miechouiens. qui & Cancellarius illius erat , & priuatas eius rationes tractabat , ostendentique quantum adhuc in perlustrandâ Diœcesi itineris & sumptuum faciendum esset , & quā exigua summa pecuniæ (quadringenti erant circiter floreni) Episcopo superesset , ac proinde differri oportere petitionem Parochi , dum domum Episcopus rediret , assensit ille quidem , idque agrè , cæterū comminatus est breui euenturum , vt illum ipsum sui consilij pœniteret. Dicto euentus respondit ; nam sequenti nocte arculam , in quâ & Episcopi & fratris mei pecunia erat fur abstulit. quod vt intellexit Episcopus , ne minimū quidem iacturâ rei permotus , nimiam tantū erogandi in pios vsus parimoniam eo furto castigatam esse professus , vt quamprimū domo pecunia in subsidium Ecclesiæ promissa mitteretur , mandauit. Erga inimicos & inuidos beneuolentissimus , iniuriarum quarumcunque patientissimus , non modò lædentibus non nocere , sed etiam humanitate & beneficijs eos sibi deuincire studebat. In grauissimis quibusque periculis singularem quandam animi tranquillitatem retinebat , vultusque ipsâ serenitate alijs metum demebat , illud vsurpans : Animus bonus in re malâ dimidium mali , quod quantoperè binâ Regiæ Maiestatis in Sueciam profectione , & domestico ad Guzouium conflictu præstiterit , suprâ attigimus. Nulla re aduersa magnoperè tristabatur , sinistri euentus nuntium piâ illa oratione , *Sit nomen Domini benedictum* , excipere solitus. Inter priuata pietatis exercitia solenne illi erat , qualibet media nocte surgere ad confitendum nomini Domini , & nemine conscio in genua protolui , ac deuotissimè aliquot orationes , quas pij viri eiaculatorias vocant , ex intimo cordis affectu ad Deum profundere. Quotidie totâ conuocatâ familiâ sacras Litanias recitari curabat , vesperi & manè sacris meditationibus aliquantū temporis semper impendebat , religiosos cœtus summo amore prosequabatur , e quibus Patres Carmelitanos exalceatos sanctissimi

Mira in eo mansuetudo & animi tranquillitas.

sanctissimi instituti homines ex Italiâ euocatos, suâ operâ & impensâ Cracouiâ collocavit, quos etiam factus Episcopus Vladislauienlis ad Ecclesiâ suâ Cathedralē adducere omnino constituerat. Si quando post exantlatos labores animum releuare vellet, in aliquod Cœnobium secedebat, non ut otio tempus consumeret, sed ut piâ de rebus Diuinis cogitatione, & sacrâ cum viris religiosis conuersatione se recrearet. Bina votiuâ sacrificia qualibet hebdomadâ feriâ tertiâ de SS. Trinitate, Sabbatho, ut dixi, de Beatissimâ Dei Genitrice, per se ipse deuotissimè peragebat; si quando aduersâ valetudine impediretur, per alium sacerdotem (quod tamen rarò accidit) id fieri curabat, & quoad per negotia licuit: profectis verò omnibus Sacrosanctum Missæ sacrificium cum summâ deuotione & lacrymarum profusione offerebat. Has omnes pias deuotiones, ita longâ exercitatione & continuo vsu in consuetudinem adduxerat, ut quo minùs ijs statis horis & temporibus vacaret, neque summis difficultatibus, neque negotiosi Magistratus curis, nec denique angustia temporis prohiberi vnquam potuerit. Corpus illi firmum, & ferendis laboribus idoneum, statura iustè quadrata, raro capillo, vestitæ genæ, ut propior imberbieffet; vox sonora, oratio in qua magis inuentio & iudicium, quàm elocutio eniteret; Senatoria prorsus, grauis, docta, & quæ pondere sententiarum magis quàm verborum lenocinio commendata in aures auditorum influeret. Memoriam excellenti pollebat, ita ut omnia quæ audisset legissetuè retineret: itaque sermo illius plenus erat notitiâ antiquitatis; in causis cognoscendis acere & perspicax illius erat iudicium, non tamen temerarium vel arrogans, placidè ut aliorum sententias exquireret, & non nisi ultro citroque explicatis rationibus causam definiret. Gestis tot Magistratibus, gratiâ etiam Regiâ florens, nullas reliquit opes, vix distractâ etiam suppellectili eo mortuo æs alienum solutum est, cum alias non indiligens rerum suarum haberetur, sed idem abstinens, & ab omni illicito munere accipiendo alienus cum esset, priuataque facultates, non eas quæ gerendis difficillimo Regis & Reipub. tempore Magistratibus sufficerent haberet, sumptu censum superante abundare non poterat, quotiescunq; tamen opus erat splendide & magnificè, vel in excipiendis tractandisque exteris hominibus, vel in obeundis negotijs in quibus dignitatis Regiæ & Magistratus quem sustinebat, ratio habenda erat, comparebat. Excessit è vitâ III. Calend. Iulij. Anno à restauratâ salute humanâ, supra millesimum sexcentessimum nono, ætatis suæ anno quinquagesimo sexto, Vladislauia in Ecclesiæ Cathedralis sacello, à Ioanne Tarnouio Archiepiscopo Gnesnensi exstructo & exornato, sepultus. Felicem illum diximus morte suâ, qui functus tot Magistratibus, gesta summâ cum laude Repub. eaque post Rokossianas seditiones pacatâ & pace florente, multa ea quæ mox subsequuta sunt mala non viderit. Felix es Pstroconi, qui iam pietati tuæ debito frueris præmio, de nobis & patriâ, de qua semper

Pius erga religiosos ordines affectus.

deuotionis ac pietatis exercitia.

Corporis habitudo & animæ dotes.

Inter tot quatuordecim Magistratus, nullas congestas opes.

In Vladislauien. Ecclesiâ Episcopali sepelitur.

434 VITA MATTHIÆ PSTROKONSKI AVCT. STANISL. LVB.
benè mereristudueras, vel nunc etiam sollicitus, nec enim ambigimus
te cernere, cùm in conspectu illius sis, qui omnia videt & prævuidet,
quibus iactemur procellis, quanta amatae à te patriæ immineant peri-
cula, quibus Ecclesia Dei oppugnetur machinis. Nos hæc quæ scripsi-
mus, tuæ memoriæ dicamus sacramusque, erit hoc quaecunque meæ
erga nomen tuum observantiæ monumentum, & grati acceptorumque
à te beneficiorum memoris animi non vulgare argumentum.



EPISTO.

EPISTOLARVM SELECTARVM

Decas Prima.

COSMO CARDINALI DE TORRES

Stanislaus Lubinski. *Varſaviam.*

VM te Illustrissime Domine , grauissimo Sanctissimi Domini Nostri iudicio sacro purpuratorum Patrum Collegio adscriptum mihi significatum esset; non noua ea dignitatis tuæ accessio mihi uila est , sed quæ omnium uotis iam diu destinata uirtutibus tuis debebatur. Ego certè simulac te in Regnum hoc Sanctissimi Domini Nostri & Sanctæ Sedis nomine uenientem , benigna fortuna in ædes meas intulit; ut uidi, ut complexus sum , statim id quod futurum mox erat iudicaui Tibi amplissimum deberi honorem. Taceo quod eâ familiâ natus es, quæ sæpius hac purpurâ fulsit, fuerit id cuiusdam felicitatis , quanquam & hæc ipsa comes est uirtutis. Sed illa tua pietas , illud eximium propagandæ rei Christianæ studium, illa in honorificentissimo dignitatis gradu animi moderatio , hanc tibi dudum texebat uestem, & ad hoc amplissimi honoris culmen te ducebat. Suscepisti sacræ legationis munus eo tempore , cùm res nostræ penè deploratæ essent , cùm irruentibus barbaris nemo exterorum nos non interituros existimaret: sed erat animi tui contemnere tanta discrimina , & si quid immineret periculi , ultro appetere. Sic per turbatas bellis ciuilibus Germanias transiisti, sic cineres semirutæ & fumantis Bohemiæ intrepidus calcasti, sic inter micantes Hæreticorum mucrones , strictosque in tuam perniciem enses tuæ immemor salutis , memor officij & demandati muneris euasisti, & medios arduum tenuisti per hostes iter; sic fines Regni nostri quasi in tuto res nostræ essent hilaris ingressus es: sic ego te ut Angelum Domini à sacrâ Sede missum uidi & admiratus sum, felicitatem quandam ipso excelsi animi vigore nobis spondentem. Non est, nec erit unquam obscura hæc tam eximia animi magnitudo , in suscipiendo & obeundo tam arduo & difficili munere , contemptisque periculis declarata: atque ut tu eâ in re institisti uestigijs maiorum tuorum, sic mox erunt eadem stirpe orti, qui admiratione heroicarum uirtutum tuarum ad similes pro Ecclesiâ Dei ausus excitabuntur. Floreat augeaturque tam nobilis sanguinis propago , quæ tot in omni genere uirtutis excellentes protulit uiros , qui rerum gestarum gloriâ , præcipuas orbis Christiani partes illustrarunt. Felices & nos qui te sacrâ fulgentem purpurâ in Patriâ nostrâ conspiciamus : qui non tuâ solùm causâ, sed nostrâ etiam gaudemus : te

eâ dignitate, quæ summa est esse auctum, cum ab omni ambitione semotus demandatum tibi munus in hoc Arctoi orbis theatro egregiâ cum laude obires; cum Serenissimus Rex nolter, acerrimus virtutum censor in te maximè propenderet; cum omnes omnium huius Regni Ordinum homines in admirationem amplitudinis tuæ rapti amplissimâ dignitate te dignum esse iudicarent. Nunc certè uti nemo est in totâ Poloniâ qui non eâ dignitatis accessione, quâ auctus es lætetur; qui non amplissima quæque voueat & exoptet: ita ego, ut Deus à deuotis tibi animis profecta vota rata habere, teque diu incolumem esse velit, toto pectore eum rogo. Ex Monasterio Tinecensi die XXIV. Augusti M. DC. XXII.

GEORGIO VILHELMO ELECTORI
BRANDEBURGICO

Stanislaus Lubiencki Episcopus Luceoriensis Regni Procancellarius.

CVR Sacra Regia Maiestas Dominus Noster Clementissimus, cur Ordines Regni minùs probent hanc Serenitatis Vestræ, vel potiùs Suedermaniæ Ducis cum Bethlemio Serenitate Vestrâ annuente coniunctionem, paucis ego è nomine à Serenitate Vestrâ interpellatus explicabo, ratus meam libertatem vel candorem potiùs in optimam partem acceptum iri. Eo atimò Sacra Regia Maiestas Dominus Nolter Clementissimus, ac inclyti Regni Poloniæ Magnique Ducatus Lithuaniae Ordines, Serenissimam Domum Brandenburgicam, sanguinis arctiori nexu Regibus Poloniæ dudum obstrictam, nouissimi beneficii accessione obligandam putarunt, ut contra omnes hostes amicitiarum illustriorum incremento, paratiores tutioresque essent: sed præcipua curæ Regiæ Maiestati fuit de recuperando Regno Sueciæ, quod iniuste interceptum, propinquus quidem agnatus, sed idem iuratus hostis detinet. Ad id efficiendum quid Serenissimus Serenitatis Vestræ auus, quid deinceps Serenissimus parens se allaturos, quæ auxilia conciliaturos promiserint, recens est memoria; sed illis fortasse deesse poterat occasio benè in hoc negotio de Sacra Regiâ Maiestate merendi: Serenitas Vestra statim ac Principatus possessionem adiit, multa quoque imprimis signa dedit, suæ erga Regiam Maiestatem optimæ voluntatis, quæ tamen mox collocatâ in matrimonium Regiæ Maiestatis hosti sorore suâ in dubium vocari potuissent, nisi Serenitas Vestra constanti asseueratione se infcio id factum fuisse testata esset. Non ignotæ erant Serenitati Vestræ Regiæ Maiestatis de minùs syncerâ Bethlemij erga Regiam Maiestatem Regnumque Poloniæ voluntate grauissimæ suspiciones, inde ortæ, quòd cum Turcis contra exercitus nostros steterit, quòd sæpius ad vastandas regiones nostras Tartaros incitauerit, quòd suscipiendi contra nos belli Osmano Turcarum Imperatori auctor præcipuus fuerit. Ista quidem tamquam ab homine Turcicæ

cicæ seruituti obnoxio profecta minùs non afficiebant, cæterùm clandestinæ ipsius cum hoste Sueco in perniciem Reipublicæ Polonæ & Regiæ Maiestatis conspirationes, interceptis anno superiori literis deprehensæ, affectataque sub hoc prætextu affinitas, quo ille esset erga nos animo, & quid hac nouâ coniunctione peteret, luculenter declararunt: & Serenitas Vestra hoc nomine per Internuntium Regiæ Maiestatis interpellata, ac de pernicioso Bethlemij testamentis edocta quàm alieno esset ab incunda cum hoste affinitate animo palam ostendit. Nunc mutatæ voluntatis suæ, nullam aliam Serenitas Vestra adfert rationem, nisi quòd liceat semper familiæ suæ suo arbitratu affinitates contrahere: facile quidem id concesserim, nisi ea fides quâ Regiæ Maiestati & Reipublicæ Serenitas Vestra obstricta est intercessisset; nisi Serenitas Vestra feudoligio deuincta, se hostibus Reipublicæ hostem fore sponderet; nisi seria & planè paternà Regiæ Maiestatis cohortatione, ne hominem malè erga Regiam Maiestatem animatum, nouâ cum hoste Sueco affinitate coniungi pateretur Serenitas Vestra, admonita esset; nisi denique Serenissimam sororem hosti Reipublicæ nunquam se desponsaturam promississet. Quæ cum ita sint, facile Serenitas Vestra statuere potest, quid & Sacra Regia Maiestas, quid amplissimi Ordines, de Serenitatis Vestræ sincerâ propensione sint deinceps opinaturi; & quas rationes, ne quid detrimenti Reipublica per eam occasionem capiat, inituri. Illustraturùmne sit hoc matrimonium splendorem Domus Brandenburgicæ, in Dei manu situm est; verum enim uerò terrent nos superiorum temporum exempla, vel tristissima potiùs eiusmodi affinitatis experimenta. Sigismundus Primus Poloniae Rex (cuius filia Serenissimi Serenitatis Vestræ aui mater fuit) Isabellam filiam Ioanni Zapolio tum quidem Regnum Hungariæ Budanique ipsam tenenti in matrimonium collocauerat; sed eo mox vitâ functo, infaulti nominis Regina, armis Turcicis quorum præsidio maritus nitebatur Regno cum filio exacta, nisi in Poloniâ receptum habuisset mendicatâ stipe victus ei quærendus fuisset. Nuper Sigismundo Bathoreo, cui si nil domestici splendoris inesset, satis illustris Stephano Rege Poloniae Patruo existimari poterat, magnâ spe nuptam vidimus Serenissimam Archiducem Austriæ, sed quàm tristi exitu ne commemorare quidem libet. Bethlemio an benè cum Regiâ Maiestate conueniat, nobis non satis constat; erga nos certè quâ ille sit voluntate communicatis cum Sueco hoste, in perniciem Regiæ Maiestatis & Reipublicæ nostræ consilijs ipse se prodidit. Ex usu quidem Reipublicæ nostræ nunquam fuit vt fœdus cū ijs pacisceremur qui sub alieno viuunt imperio. Ad me quod attinet, cum probè norim quàm propensâ voluntate Sacra Regia Maiestas Serenissimæ Domui Brandenburgicæ semper fauerit, ego quoque & fausta quæque Serenitati Vestræ voueo, & illud in primis opto, vt de Serenitate Vestra quàm optimè mereri possim. Allatæ quoque erant ad Serenissimum Principem Dominum Ioannem Albertum Serenitatis Vestræ litæ,

ræ, sed cùm eum titulum qui Regum filijs iudicio orbis vniuersi debetur (errore fortasse scribentis) non præferrent, ad eas nullum responsum dari visum. Humillima mea obsequia Serenitati Vestræ defero. Ciemiernicij die decimâ tertîâ Decembris Anno millesimo sexcentesimo vigesimo quinto.

CAROLO A DHONA

CÆSAREÆ MAIESTATIS CONSILIARIO

*Stanislaus Lubinski Episcopus Luceoriensis Regni
Poloniae Procancellarius.*

SPERABAMVS equidem Electorem Brandenburgicum vel suâ sponte, vel Tuâ cohortatione, vel fidei officijque sui rationibus expensis ad causam Regiæ Maiestatis & Reipublicæ consilia, conatusque suos accommodaturum, & ita fere Comes Schwartzenbergicus eius nomine legatione apud Sacram Regiam Maiestatem functus pollicebatur. Sed ecce post discessum tuum hæc interim contigerunt. Regiomontani quas suo ære conduxerunt peditum cohortes has exauctoratas præsentem & inspectante Domino Electore nauibus impositas ad hostem miserunt. Excusauit hoc factum Dominus Elector, quòd Magistratus Regiomontanus non sit omnino in suâ potestate, & pleraque arbitrato suo agat; sed non sine risu accepta ea excusatio. Optimè enim nobis notum est nutu Domini Electoris omnia istic geri, sed adeò parum cautè negotia quibus salus Reipublicæ innititur tractari, vt non sine ingenti existimationis tanti Principis iacturâ, magna suspicio subsit mutæ cum hoste pactionis. Impunè milites Brandenburgici cum Sueticis congregiuntur, colloquia & consilia miscent, & quod nuper capti milites falsi sunt, vnus idemque militum Præfectus, & in exercitu Gustavi cohorti præest, & apud Electorem eodem tempore alteram ducit. Nimis incuriosi Consiliarij Electorales videntur & publicæ salutis & Principis sui dignitatis obliti: de nobis verò ita sentiunt quasi hæc animaduertere & expendere nesciamus. Sed perniciofa consilia, vltro se produnt, nec diu fucata perfidia latere potest. Idem Comes Schwartzenbergicus receperat se effecturum, vt Dominus Elector ad exercitum nostrum submitteret mille ducentos pedites & tria maiora tormenta, ad quatiendos muros apta. Poterat id fieri sine vllò discrimine, dum à Nostrijs Bransberga oppugnabatur; sed dilata res hæc, vt hostis de hoc subsidio non solum certior fieret, verum etiam ad intercipiendam hanc militarem manum paratus esset, quâ de re communicata fuisse cum illo consilia ita liquidè constat, vt negari non possit. Nam & Schwartzenbergicus Comes ad me datis literis quasi præfagâ mente scripserat, se vereri ne ab hoste subsidium hoc interciperetur;

tur; & nos id ita fore prædixeramus, factumque est ut consultò cohortes istæ Brandenburgicæ eò ducerentur, ubi ab hoste structæ erant insidiæ; nec multum hosti in his intercipiendis laborandum fuit, ultro eo viso signa translata, & infamis facta deditio. Rem ita fuisse actam fatentur nonnulli nobiles, verè Germanâ fide Germani, qui infamiâ facti moti, ad nostros transfugerunt, testati flagitium hoc militaris prodicionis sibi magnoperè displicere, seque ignaros & à Ducibus circumuentos, eam infamiam incurrissè. Hæc tibi significanda putavi, quem non dubito doliturum, ita Dominum Electorem suis Consiliarijs obsequi, ut eius officium desideretur, & hic Princeps tot à Regiâ Maiestate auctus beneficijs, nequaquam illis respondere videatur. Exactos ex Silesiâ Cæsareæ Maiestatis hostes, nos & gratulamur & gaudemus: paremque in alijs locis successum ex animo conceptis ad Deum votis optamus. Studia & officia mea tibi defero, florentemque fortunarum & dignitatis incrementis diu valere percipio. Varsoviæ.

GEORGIO VILHELMO ELECTORI
BRANDEBURGICO

Stanislaus Lubiencki Episcopus Plocensis.

ET literas meas redditas esse Serenitati Vestræ non dubito, & de meâ erga se voluntate eo Serenitatem Vestræ esse sensu censeo, ut mea consilia, measque cohortationes ab amico pectore profectas, non omnino aspernandas esse existimet: ceterum quia in eodem adhuc hæremus vado, & officium Senatoriæ functionis à nobis postulat, ut ad omnes Reipublicæ partes intenti paratique simus, studiaque eorum qui communis Patriæ salutem & debent & possunt tueri excitemus, nemini videri debeo importunus, si sæpius Serenitati Vestræ proposita iteratis suggesserò literis. Communis causâ est quam tuemur, patria vna eademque est cuius salus nobis curæ est. Prussia sine Poloniâ salua esse non potest: in eadem omnes nauigamus naui: Serenitas Vestra propior gubernaculo & clauo, quem nili seriò hac tempestate regendum suscepit, non magnam laudem merebitur dissimulatione communis periculi. Scripsi aliquando, non id præcipuum Serenitatis Vestræ munus esse, ut hostem (cum quo Serenitati Vestræ magna est sanguinis necessitudo) paci amplectendæ idoneum reddat, quod quidem nemo improbauerit, sed aliquid ampliùs à Serenitate Vestra desiderari; nimirum ut officij sui partes diligentius expendat, quid Reipublicæ Polonæ, quid Regiæ Maiestati debeat, æquâ lance exploret. Hos intra terminos nisi Serenitas Vestra constiterit, nisi palàm Regiæ Maiestati & Reipublicæ Polonæ studium, fortunas vitamque suam addixerit, quid de Serenitatis Vestræ officio sit

fera posteritas existimatura, nemo est qui non videat. Fides est quæ Principes summi splendoris decore illustrat, possunt (etiam si minimè licet) priuati homines interdum fingere, simulare vultum, fortunæ se accommodare & magis propriæ quàm publicæ salutis ducere rationem: ij qui eminent latere non possunt, eorum non solum actiones, sed & taciti mentis conceptus conspiciuntur. Sunt multi qui Serenitatem Vestram hoc bello Prussico officio suo functam esse affirmant, plures qui multa requirunt. Ego nisi Serenitas Vestra apertè in causam descenderit, suamque Sacræ Regiæ Maiestati, quem Patris loco, idque meritò colendum pridem sibi desumpsit voluntatem comprobauerit, vires suas opesque omnes ad tuendam communem salutem contulerit, diuersis hominum iudicijs actiones Serenitatis Vestræ obnoxias fore præuideo. Malè expendunt Regni Poloniæ vires, qui eas ita Sueticis conferunt, ut non multò plus roboris in illis esse iudicent. fateor hunc hostem satis vigilare, & accumulandis nobis periculis, non tam boni viri, quàm acerrimi hostis fungi officio. Turcica in nos, Tartarica, & Moschouitica commouet arma, & iam ea nobis imminere videmus; ita tamen ab eâ parte tuti sumus, eos ferocienti barbariei exercitus obiecimur, ac si nullum in Prussia & Liouonia bellum haberemus. Citiùs Suecus fatigabitur, quàm ut vires nostras atterat; diuino nutu hæc tam ampla Reipublicæ coaluit compago, nisi cœlesti decreto dissoluenda. Frustra Moschus, frustra Turca, cum alia occuparet imperia in nostram incubuit perniciem, & Succus nondum expertus est quid concors in suâ causâ possit Polonia. Sed Serenitati Vestræ hæc satis nota sunt, cuius dignitati non benè ij consulunt, qui Serenitatem Vestram sine Rege, & sine Regno Poloniæ vel laude clarescere, vel saluam esse posse censent. Expectamus quid Christianissimi Regis Orator interim efficiet; cætera Diuina Maiestas quæ optimè causæ semper fauet moderabitur. Obsequia mea defero Serenitati Vestræ, eiusdemque gratiæ me diligentissimè commendo. Datum ex Arce meâ Pultouien si die vigesima quartâ Augusti Anno millesimo sexcentesimo vigesimo nono.

GEORGIO VILHELMO ELECTORI

BRANDEBURGICO

Stanislaus Lubien ski Episcopus Plocensis.

CONSTANS mea benè de Serenissimâ Celsitudine Vestrâ merendi voluntas, haud ignota esse potuit ijs qui vnquam in aulâ Sacræ Regiæ Maiestatis Domini mei clementissimi negotia Serenitatis Vestræ tractarunt; ita enim existimo me ea officia quæ Serenitati Vestræ præsto, simul Reipublicæ, cuius Serenitas Vestra pars est, & Regiæ Maiestati quam tam arcto sanguinis nexu contingit, impendere. Itaque & Serenita-

tis

tis Vestrae legatis ea suasi, quibus sciebam sinistras quasdam suspiciones, quibus dignitas Serenitatis Vestrae opinione populari onerabatur, utcunque aboleri posse. Quam in re si primis exorti huius in Prussia belli initijs, voluntati & persuasionibus Sacrae Regiae Maiestatis paritum, & Portus Pilauensis meliori praesidio firmatus fuisset, non adeo prompta omnia ad occupandum eam provinciam hostis reperisset. Persuasum fuit quibusdam eum nihil hostile contra Serenitatem Vestram attentaturum, & perinde non irritandum fuisse. Sed enim ij qui ita existimabant expendere in primis debebant, Serenitatem Vestram & universos Ducatus Prussiae Ordines, salva dignitate, salva fide nihil cum hoste commune habere posse, non pacta, non inducias cum eo sancire licuisse, nisi quae ex communi directi Domini sententia & assensu sancienda essent. Eae dissimulationes quibus haecenus rei gerendae occasiones elapsae sunt & hosti animum addiderunt, & studia, ne dicam fidem tam Provincialium quam militum infregerunt. Sparsi imprimis famosi libelli, palam disceptatum, hostine adhaerendum, an a societate veteri discedendum fidesque deferenda? & quidem impunè haec infamia scripta, inspectante Magistratu circumferri, Legatorum Regionum expeditionem differri, nulloque ad extremum responso dato, idque serò eos dimitti; nos qui Serenitatis Vestrae dignitatis studiosi sumus dolebamus, facileque coniciebamus, id subsequiturum ut & Provinciales in varias irent sententias & miles hostili imbueretur favore. Intermissa deinde Portus Pilauensis hyberno tempore oppugnatio, nec in aduentum hostis ad arcendum eum quidquam prouisum: sed miles per praesidia sparsus ac finibus Regni admotus, longeque a mari ubi impetus hostilis impendebat, dispositus: hinc illae induciae sine scitu Regiae Maiestatis ex mente hostili sancitae. Nec deinceps tot elapsis mensibus, ad rem gerendam opportunis vlla significatio propensionis erga Regiam Maiestatem & Rempublicam voluntatis facta, non consilia cum Regiarum copiarum Supremo Praefecto communicata, non nisi ac serò admodum subsidia militis arte hostili corrupti magis ostensa, quam submissa. Nunc Serenitas Vestra videt, quid Gustauus egerit, & quo fine callida dissimulatione mentem Serenitatis Vestrae distinuerit, cum iam palam se hostem Serenitatis Vestrae esse profiteatur, cum annonam & tributa imperet, cum Portorij Pilauensis prouentus intercipiat; haec vel olim timenda vel canenda erant, nec in casum ut nihil amplius dicam dignitas & existimatio conijcienda. Nunquam hostis Serenitatem Vestram apertè cum Regia Maiestate sentientem, viresque coniunctas habentem aggredi ausus fuisset. Nunc cum iam, ut audio, eoque nomine magnoperè lætor, Serenitas Vestra solenni coram Regiae Maiestatis legato declaratione animum suum explicauerit, nullaque amplius dubitatio superesse videatur, de propensa Serenitatis Vestrae erga Regiam Maiestatem & Rempublicam voluntate; id vnum agendum erit ut hostis intelligat, se coniunctis viribus petiturum
iri,

iri; succumbet ille, maximè cùm videat secundos Sacræ Cæsareæ Maiestatis exercituum successus, cùm Cæsaream Maiestatem, omnia Regiæ Maiestatis causâ, & facere & facturum; cùm coniunctos Principes, in communi periculo mutua sibi auxilia laturos, ignorare non possit. Deum ego precor, vt hæc Serenitatis Vestræ cum Regiâ Maiestate coniunctio, ipsi & vniuersæ Reipublicæ salutaris sit, optatamque pacem & tranquillitatem pariat. Deinde recipio me per omnes occasiones adnifurum, vt Serenitas Vestra intelligat, me vnum esse ex ijs qui Serenitatis Vestræ dignitatis existimationisque sunt studiosi, illique bene cupiunt. Humillima obsequia mea defero Serenitati Vestræ. Varſauia.

MATTHIÆ CASIMIRO SARBIEVIO
SOCIETATIS IESV SACERDOTI

Stanislaus Lubienſki Episcopus Plocenſis.

Vilnam.

SERO respondeo literis tuis, æger eram acerbissimo vexatus morbo; itaque amicorum officijs, totis sex mensibus vacare mihi non licuit; & nunc, licet morbo leuatus esse videar, residuis tamen eius adhuc ita vrgeor, vt pleno recuperatæ sanitatis fructu frui haud possim. Sed tibi vnde hæc de me? Egone nimis mediocriter in scribendo exercitatus audaci temeritate historiam scribendam susciperem? alij faciant, qui præter excellentem eruditionem etiam abundant otio; mihi à curis nullæ feriæ; & pleraque in hoc genere à me dum iunior essem scripta, nunc accuratiùs examinata, obscuro addixi carceri. Tua Diuina Poësis Romanis quoque probata auribus mihi valdè placet; sic te Lyricis vatibus inseris, vt inter Principes referri meo quidem iudicio possis; sic acutè Epigrammata nectis, vt sacra eloquia ex quibus materiam scribendi petis dulci condita sale, animos nostros penetrent. Monumenta ingenij tui non imber edax, non aquilo impotens, aut innumerabilis annorum series poterit eruere; etiam vitâ functus viues, ac per ora hominum incedes sublimi feriens sydera vertice. Miror Te à tuis, ab amœnis Musarum campis ad obscura Philosophiæ dumeta traductum, & vereor ne plerisque optimis vestrorum ingenijs aliquid inde detrimenti eueniat, quod studia ad quæ nati sint deferere iubeantur. Sed tu ad omnia præclara natus, ita Philosophiam tractabis, vt partam scribendi gloriam tuearis. Vale, nec dubita te à me amari, Deumque precare, vt mihi difficillimum munus gerenti auxilio cœlesti præstò esse velit. Viscouiꝑ vigesimâ quartâ Februarij Anno millesimo sexcentesimo trigesimo.

STANISLAO RACOVIO NOBILI POLONO

Stanislaus Lubiencki Episcopus Plocensis.

Romam.

TA N D E M accepi tuas literas, quibus exponis causas cur in Vrbe manseris; id quidem vtinam feliciter eueniat! expertus certè suali Perusiam vt primò adires, hausurus isthic ex fontibus Bartholinis & Baldinis prima iuris initia. Roma & Romani semper splendent, & in admirationem sui auocant studiosorum animos: Pompæ illæ solennes, dum Summus Pontifex vel sacris operatur, vel Vrbem lustrat, dum Cardinales, dum Principum Oratores primos suos ingressus exornant, quid aliud sunt, nisi discentium verissimæ remota: Vacua his oculorum illecebris Perusia, & solis dedita Musis; licet illic vel festis ipsis diebus priuato studio vacare libris, audita publicè secum expendere. Non desunt Magistri, qui spontè & gratis monitrent viam capeffendarum disciplinarum, nec vnquam Perusia caruit excellenti aliquo Eloquentiæ Professore. Denique Perusiæ quies, Roma semper in strepitu. Et Poniatouius meliùs rebus suis consulisset, si meis monitis paruisset. Orationem tuam gratulatoriam vidi, legique; non reprobò, moneo tamen semper vt nitaris ad maiora. Res & fortunæ tuæ curæ mihi erunt. Poniatonium saluta. Vale, & me ama atque vt te ipso non solùm doctior verùm etiam melior quotidie euadas contende. Datum Cracouiæ Calendis Martij Anno millesimo sexcentesimo trigesimo tertio.

FRANCISCO CARDINALI BARBERINO

Stanislaus Lubiencki Episcopus Plocensis.

SI quæ alia Regio, Sarmatia certè nostra in eo statu constituta est, vt cùm ferè postrema cæteris Europæ Regnis in fidem Christi concesserit, nouis subinde egeat pietatis alimentis, quæ vel maximè ex succrescentibus felicium in agro Domini palmitum fructibus promanare solent: qualis nostrâ ferè ætate extitit Beatus Stanillaus Kostka Societatis IESV alumnus, iuuenis in Principe familiâ natus, ab ipsis incunabulis singulari pietate imbutus, paucis annis expleuit tempora multa. Roma ipsa testis est qualis ipsius fuerit è vitâ excessus; testes ij qui patrocinio ipsius singularia beneficia à Deo se consecutos esse profitentur. Nos ipsi quotidianis edocemur experimentis, quantum hic iuuenis ætate, maturus & senex sanctitate, in cælo possit: non recensebo signa, & prodigia, quæ ad salutem publicam conseruandam, ad Catholicam religionem propagandam, ad Hæreses extinguendas redundantia passim cernuntur. Illud vnum concordi voce à Sanctissimo Domino Nostro vniuersa possit Sarmatia,

matia, Rexque Serenissimus vrget, ne Sua Sanctitas vota & desideria piorum omnium differat, & vt hunc qui in cœlo Christi fruitur confortio, in terris quoque eorum adscribat numero, quos singulari ritu militaris veneratur Ecclesia. Ego sanè duplici nomine me huic beato iuueni obstrictum agnosco, nam & nomen ipsius fero, & in hac Diœcesi ille natus est, cui ego pastorem sollicitudinem mihi à Sede Apostolicâ demandam debeo. Itaque maiorem in modum ab Eminentia Vestrà rogo, vt huic negotio in Vrbe feliciter celeriterque obtinendo, & conficiendo, auctoritatem suam quâ plurimum potest accommodet: simulque Regnum hoc Catholicum quantę curę illi sit declaret. Humillima obsequia mea defero Eminentię Vestrę. Datum Pultouię XVII. Kalend. Iunij Anno Domini M. DC. XXXIII.

MATTHIÆ CASIMIRO SARBIEVIO
SOCIETATIS IESV SACERDOTI

Stanislaus Lubiencki Episcopus Plocensis.

Vilnam.

TANQVAM non vnus ex meis esses ita files Sarbieui? nescis nos vltres decoris nostri habere manus, & bilem in naso? sed ego hac non vtar, ne poëtam irriter; nam hoc genus hominum facile furore corripitur, & audet, quod olim gigantes, vel ipsum Iouem summo deturbare cœlo. Meum te dixi, nam hinc natus es, vbi me Deus posuit pascere gregem suum: etiam te, non dico Vilna, sed vel ipsa Roma adoret, etiamsi in tuas laudes totum conspiret Belgium: quamuis denique diuinam ingenij tui vim me annuente magna pars orbis miretur, tamen diffiteri non potes quin meus sis. Hęc ipsa Societas, cui nomen dedisti, mea est, nam voto institutoque suo, obsequio eorum qui plus in cœtu fidelium posse existimantur, se obstrictam esse profitetur. Es igitur in censu meo; exigerem à te fructum laborum tuorum, nisi tu prior vltro soluisses, quod vix debebas. Nomen meum magnis inseruisti nominibus, & ijs ornaisti laudibus, quę non me, sed magnos decent viros: ita tamen eas dulcedine carminis tui depinxisti, vt me quoque decere videantur. Quo nomine quid tibi debeam, non facile explicare possum: dicam tamen liberè, me gloriolâ non multum affici; eorum tamen qui magno iudicio res æstimant, optimâ erga me voluntate gaudere; nam expertem me humanitatis putarem, si in me ipsum inhumanus essem. Silere te initio literarum mearum questus sum, nam vnus & alter annus abiit, ex quo nullam significationem dedisti, quo animo erga me esses. Dices me quoque pari teneri culpâ, sed vel ipsa nunciante famâ audire potuisti me publicis negotijs immersum, morbis & ætate fractum, vix spirare potuisse. Non semper in nostrâ potestate situm est, vt erga amicos officio defungamur;

tu

tu quamuis alieno obstrictus imperio videaris, liber es quâ libertate Christus te donauit, in quâ ut latus felixque viuas meique memor sis ille præstet, qui omnes saluos esse vult. Vale in Christo charissime conserue & frater. Datū Brocouij Nonis Augusti Anno Domini M.DC. XXXIII.

MATTHIÆ CASIMIRO SARBIEVIO

SOCIETATIS IESV SACERDOTI

Stanislaus Lubiencki Episcopus Plocensis. Vilnam.

PAVLO vehementiùs proximis literis accusasse videri possum silentium tuum: itaque modestiùs deinceps agam, nec proprio impetu in te ferar, sed parest tibi opponam, qui tibi stimulos admoueant; nec aliunde petam laudis tuæ æmulos, nisi ex hac ipsa, cui insertus nomen dedisti Societate. Carmen habes scriptum dicatumque ijs, qui vna Si-radiensi terrâ orti aliquantisper eminent; in hoc agmine ego postremus ut sum, ita esse cupio. Idem ego tamen huius carminis auctori, auctor fui ut scriberet, nec causam require, quis enim laudari non desideret? maximus quisque maiora cupit, & volitare per ora virum. Non seriò dictum putes mi Sarbieui, Agnosco ego me tum deprimi, cum talibus gloriolæ delicijs lactor, viri boni amici nostri, cum nihil omnino simus his nos salibus magnorum virorum censuræ propè deridendos propinant, amore non iudicio. Legi & antea, & nunc nouæ editionis tua carmina, diuini ingenij tui foetum; ad eas laudes quibus viri eruditi nomen tuum aternitati dicant & consecrant nihil addam, verè & eruditè illi de te senserunt: subscribo illorum sententiæ sine exceptione, adijcerem aliquid de meo si quid tale esset in penu, quod tuo decori inseruiret. Cæterum æquo feres animo te à me non reprehendi, sed moneri: Diui, Albertus, Stanislaus, Sigismundus, tot alij, qui vel ex gente nostrâ orti, vel olim Patroni à nostris adsciti, primis carminis tui apicibus inferendi videbantur. Pultouia, vbi primum Musis sacramentum dixisti, ne vno quidem verbo in tuis scriptis nominata; fluuiorum Rex Naruia, Bugus noster, Viltula melior quàm Thagus auri ferax, quasi tibi ignoti prætereuntur. Masouij quorum è sanguine nobile genus ducis silentur. Siletur Stanislaus Karnkouius Archiepiscopus Gnesnensis, qui quidquid facultatum habuit in Societatem Vestrâ effudit. Silentur alij qui prima per Poloniam fundamenta iecere Collegiorum vestrorum; Ioannes Zamoscus perpetuâ felicitate felix, semper hostium victor, filius ipsius Martis & Mineruæ alumnus; Stanislaus Koniecpolius Polonici exercitus Supremus moderator, quem & secundæ & aduersæ res ita erudierunt, ut vtrique fortunæ par esse possit. Quid dicam ampliùs? Sigismundus Rex ingens ille campus excurrendi in laudes magni Principis, siue pietatem

P p .

eius

eius spectes, siue belli vel pacis artes intuearis semper magnus. Sed cohibeo animi mei impetum, ne te non admoneri, sed reprehendi meritò queraris; Si vile quid pangeres, & non tuam Poësim vniuersus stupe-
ret orbis, si non in Poloniâ natus esses, & Patriæ nihil deberes, ferrem æquo animo, exteros tuis potissimum inseri scriptis: Italos Italis, Lithuanos Lithuanis, non inuideo; Masouios suæ obliuisci originis ægrè fero. satis hæc innuisse fuerit. Vale charissime frater, in hoc quod ambo Deo debemus obsequio Commilito meus. In arce meâ Brocouiensi duodecimo Calend. Septemb. Anno Domini M. DC. XXXIII.



EPISTOLARVM SELECTARVM

Decas Secunda.

ANNIBALI BENTIVOLO

VTRIVSQUE SIGNATURÆ REFERENDARIO

Stanislaus Lubiencki Episcopus Plocensis.

Romam.



ÆTIORA iam nunc quàm antea nuncianda veniunt, posteaquàm Serenissimus Rex noster felicibus auspicijs exercitui Moschouitico Smolenscum obsidenti, suas propiùs admonuit copias. Fretus is hostis & externis quæ fidei Catholicæ, & nominis Poloni inimici submiserant auxilijs, & multitudine militum suorum, quos gnari Gustauicæ militiæ Magistri toto triennio exercuerant, ita Smolenscum obsidione cinxerat, ut & obsessos intra muros arctè contineret, & contra eos qui suppetias laturos essent, vallo fossa quæ munitis amplissimis castellis, tutum se omnino fore existimaret. Et profectò artis militaris periti fatentur, hæc ipsa castella ita structa fuisse, & ita aptè disposita, ut humanâ vi expugnari posse non putarentur; nam & ab exercitu, qui supra centum millibus militum constabat defendebantur, & com meatu qui cum terrâ, tum flumine Borislhene inferebatur abundabant: neque locorum iniquitas patiebatur, ut vel obsideri hostis, vel pabulatione, cum ingentem equitatum in ipsâ haberet castris, prohiberi; vel denique ad campestem pugnam aperto Marte ineundam cogi & elici posset. Arcem Smolenscensem arbitrato suo quin hostis tormentorum vi quateret, cuniculos ageret, muros suffoderet impediri non poterat; in Exercitu Regio non plena viginti millia censebantur; exiguæ sanè, si multitudini hostium conferantur, copias: Duces hostium veterani, Seinus qui ante viginti annos hanc ipsam Smolenscensem arcem oppugnante eam Sigismundo Rege per biennium fortiter defenderat, Proscoruius inter Moschos belli virtute clarus, Alexander Leselius Scotus Gustauo Sueciæ Regi per omnia quæ feliciter gessit bella indiuiduus comes, & ita probatus, ut eum potissimum delegerit, cui copias à se & ceteris Principibus nomini Polono infestis in Moschouiam missas Moschouitico quæ stipendio auctoratas regendas committeret. Hi Duces, hic tam ingens exercitus, hæc quibus castra munita erant propugnacula humanâ vi cum expugnari non possent, Deus ipse suam cœlestem opem Serenissimo Regi attulit, atque magno animo hostem aggredienti præsens adfuit: itaque aliquot assultibus impugnatâ Moschouiticis castris Rege ipso exercitum

moderante, aciemque struente, & periculis quæ in eiusmodi oppugnationibus accidere solent caput Regium pro publicâ salute obijciente, cessit hostis, & turpiter desertis munitissimis stationibus obsidionem reliquit. Id celeriusne an felicius Serenissimus Rex effecerit, non facile est iudicare: minùs quàm intra vnus mensis spatium res tanta confecta, quæ nisi manifestum Dei adfuisse auxilium, per totum annum Regios conatus destinare & morari potuisset. Eodie (fuit is Diuo Michaeli sacer) quo Proscovius hostium Dux è Castris profugit, Rex eidem cœlestis militiæ Principi Ædem in arce Smolenscensi construendam vouit. Speramus cætera eadem felicitate successura. Quanquam ab aliâ quoque parte non mediocre nobis imminet periculum, nam Turcæ ære Moschouitico cōducti ingentem exercitum finibus Regni per Valachiam admouent. Sed illis quoque alter exercitus Stanislaus Konięcpolio Castellano Cracouiensi Duce oppositus, magno animo hostis aduentum præstolatur. Ego literas tuas die decimâ quartâ Augusti scriptas accepi, quibus quod tuum propensissimum amoris affectum erga me contesteris, gratias quàm possum maximas ago, meque ad obsequia Illustrissimæ Dominationi Vestræ totum do & addico. Ex arce meâ Brocouiensi die secunda Nouembris Anno Domini M. DC. XXXIII.

ANNIBALI BENTIVOLO

VTRIVSQUE SIGNATURÆ REFERENDARIO

Stanislaus Lubieski Episcopus Plocensis.

Romam.

AD Smolenscum feliciter hætenùs Serenissimus Rex noster rem gerit, hostem in castris delitescentem, & ab arce Smolensci longè reiectum, arctâ obsidione cinctum tenet, quem magnis affectum cladibus, spes est breui ad summas angustias reductum iri. Turcarum impij conatus in irritum reciderunt, admouerant ij finibus Regni grandem exercitum, imò fines transgressi castra castris opposuerant. Nostri Stanislaus Konięcpolius (quem dum Cracouiæ esses, vidisti) Turcis Abbati Bassa summo cum imperio præerat, olim Turcarum Imperatoris hostis & rebellis, nunc abolendæ quasi perfidiæ studiosus, & nomini Christiano infestus. Multa ille animo conceperat, sed inprimis absente Serenissimo Rege nostro & bellum Moschouiticum gerente, Prouincias Turcico imperio vicinas & opportunas se expugnaturum, & intra fines Regni hybernaturum. Fefellit eum impia spes, nam semel collatis cum nostro exercitu signis, acceptæque ingenti clade, cùm videret irritatis nostrorum animis se tutò domum regredi non posse, nisi pace constitutâ, eas à Supremo belli Duce latas condiciones impetrauit, & accepit, quas ille ex Regiæ & Reipublicæ Polonæ dignitate tulit, & nullo dâno illato magnâ parte

parte exercitus sui amissâ domum inglorius redijt. Bellum quod hîc gerimus pium & Christianum est: omnis quæ Turcarum, Schismaticorum, & Hæreticorum nomine continetur pestis, crudeli conspiratione nos petit, huic Regno ideò infesta, vt eo exciso triumphet impietas. Sed Serenissimi Imperatoris, & Serenissimi Regis Nostri felices successus, mirum est quantum animi bonis omnibus addant, & vniuersum Septemtrionem exhilarent. Si quis in vniuersum rem expenderit, ab hac parte salutem Reipublicæ Catholicæ dependere fatebitur; quæ bella intra viscera Christianorum Regnorum geruntur, ea ciuilia iure dixero. Illustrissimæ Dominationi Vestræ felicem futuri proximi anni successum ex animo opto, meaque obsequia deferro. Plociæ Calendis Decembris Anno M. DC. XXXIII.

ANNIBALI BENTIVOLO

VTRIVSQUE SIGNATVRÆ REFERENDARIO

Stanislaus Lubiencki Episcopus Plocensis.

Romam.

SVSCÉPTI contra Moschos à Serenissimo Rege Nostro belli initia, quàm secunda, quàmque felicia fuerint, tribus ni fallor epistolis, vir clarissime, significaueram; in quibus intellexisti exutum castris hostem, fulum fugatumque, & à Smolensco reiectum, castrisque intra quæ se receperat exercitum Regiæ Maiestatis admotum, ac Moschouitas miro stratagemate nuper obsessores arctâ cinctos obsidione. Hæc ad initium mensis Octobris gesta, quæ deinceps successerint paucis attingam. Hostis in spem aduenientis subsidij ita intra munimenta se tenebat, vt nunquam copiam pugnæ (nisi aliquoties furtiuè) dare vellet: magnâ ex parte tormentis res gesta, maiori hostium quàm nostrorum exitio; omnia itinera, omnes vias præcluserat Regia Maiestas, ne hostis vel lignandi, vel pabulandi causâ egredi posset. Eâ re etsi hosti frenum iniectum videretur, nihil tamen insigne effectum; nam cum per quatuor circiter menses, superbè hanc obsidionem Moschi sustinerent, nouumque exercitum quem missum iri crediderant præstolarentur, nullas pacis honestæ conditiones offerri sibi passi sunt. Id cum videret Regia Maiestas, partem iustam exercitus in ipsa Moschouiæ penetralia, Ducibus Kazanouio & Gaszenio immisit, vt & si quæ hosti venirent subsidia, auerterent, & ipsi Moschouiæ Metropoli, belli terrorem ostentarent. Successit ea expeditio feliciter, vidit ipsemet Supremus Moschouiæ Dux latè collucentes ignes, sensit gemitum subditorum suorum, nec tamen tantum vel animi, vel virium habuit, vt suam, suorumque salutem armis tueri & in apertum prodire auderet. Iam ij quoque qui à Rege obsidebantur multum de pertinaciâ remittere cœperunt; fortiter quidem à munitionibus suis sæ-

piùs nostros reiecerant, tutique ingenti vallo septi videbantur, si sola de-
esset, expugnat quæ cuncta fames; hac pressi sub finem demum Ianua-
rij velle se de pace agere ostenderunt. Nihil ampliùs quidem est quod
perscribam; sed satis felicitatis haberemus, si hoc bello hoc tantum con-
sequeremur, ut diminuta hostis superbia eum ad iustas pacis condiciones
adduceremus, & à societate Hæreticorum quorum ingentibus auxilijs
insolescebat segregaremus. Existimo te non latere, quàm latè pateat am-
plissimus ille Septemtrionis recessus, quantum Molchouia opibus pol-
leat, & si homines ij, alioquin barbari & rudes tali disciplinâ militari ut
hoc quadriennio factum est imbuerentur, mirum quâ tum ad perniciem
orbis Christiani valerent. Nihil illi aliud de Catholicis sentiunt, nisi eos
esse impios, & Turcis & Paganis deteriores, locum quem Catholicus te-
tigerit, tanquàm immundum verrunt, & eluunt, & omnem consuetu-
dinem Catholicorum auersantur. Notum est proximâ æstate eorum pe-
cuniâ Bassam Silistriensem auctoratum, ingentem exercitum finibus
Regni nostri admouisse, Hollandos, Suecos, Anglos, ab ijs foueri, & in
odium Catholicorum conduci, pecuniâ item iuuari; denique id vnicum
in votis habere, ut nomen Catholicum Romanum penitus extinguant,
& suum Schisma vel potiùs manifestam hæresim stabiliant. Sed ad tra-
ctationem pacis redeo, quam synceriori fide eos suscepturos demissio-
res iam illorum animi spondent, & nos ijs potiùs, quàm diuturno & dif-
ficili bello pacem confici cupimus. Nam cum proximè futurâ æstate
ictæ cum Suecis induciæ exeant, huius periculi maxima ratio erit nobis
habenda. Neque cum ipsis Turcis certa pax, nam etsi præteritâ æstate
diuinâ penè virtute Stanislai Koniecpolij Castellani Cracouiensis ita re-
pressi sint, ut magnâ parte exercitus amissâ regredi turpiter coacti fue-
rint, tamen hac, ut illi vocant, contumeliâ prouocati, maximè si à Persa-
rum Rege otium habuerint, arma & bellum spirare videntur. Cæsaris
quoque non satis secunda in Germaniâ fortuna, nobis ut maturè cauea-
mus nos admonet. Breui me feliciora Illustrissimæ Dominationi Vestræ
significaturum auguror; si votis nostris Deus annuerit, quem supplices
precamur ut Serenissimi Regis Nostri pro fide Catholica susceptos co-
natus secundet, felicitetque. Sed quid hoc est? in omnium penè Regum
aulis sacra fulsit purpura, Illustrissimus Honoratus noster hoc honore
dignus, cur in alio censu, & huius sortis expers? in re non multum ad me
pertinente nolo esse curiosus, quanquam magni istius viri causâ valde
cupio & Tibi Illustrissime Domine felicissima quæque. Plociæ v. Februa-
rij Anno M. DC. XXXIV.

IOANNI GEMBICIO

SECRETARIO REGIO

Stanislaus Lubiencki Episcopus Plocensis.

in Moschouiam.

MALE fit barbaræ & æterno gelu damnatæ genti, quæ vobis tantum faceffit negotium. Hoc vnum nempè deerat, vt Serenissimus Rex deuio & inuio itinere in ipsa Moschouia penetrabilia protruderetur. Quisquis huius auctor fuit consilij velim, vt ipsum tantum, & non eum cuius salute nostra salus continetur pæniteat. Tam immensos Septentrionis recessus petere, vel voto saltem ad subiugandam illam barbariem adspirare, nunquàm maioribus nostris visum. Nam tanta moles coerceri, aut in ordinem redigi vt possit, vix vnquam sperandum est. Præclarè nobiscum ageretur, si id quod iam à nobis auulsum fuit, vindicaremus, & ostentatione armorum, ac terrore belli metu hostem vagum, in pace contineremus. Doleo vehementer te tot incommodis bellici itineris affici: nam etsi animo verè nobili ea te ferre video, tamen virtutem ipsam interdum ingenti labore labefactari necesse est. Quanquam te iam rude donatum, & inter veteranos relatum obduruisse ad ista ferenda mala non temerè suspicor, nec te terreri vel tubarum sono, vel strepitu tympani, ad cuius signum meliùs quam olim ad galli cantum, somnum capere assueuisti: nec iam exhorrescis cùm

Quadrupedante putrem sonitu quatit ungula campum.

Notæ tibi sunt artes bellandi, scis quo loco tutiùs consistere, quò progredi, quò regredi, vel si interdum turbatis ordinibus aduersi quid imminet, quò te maturè recipere debeas. Iam te nunc mihi fingo, posteaquam ad nos redieris militari fastu tua præclara facinora nobis referentem, militaria præmia ostentantem, thesauris è prædâ captis tumentem; quibus sine cede & sanguine te potitum, nos mirati gratulabimur, præmia decernemus. Ego curandæ valetudinis causâ hîc per aliquot dies subsistam, nec multum à Vestrà conditione mea nunc abest; sudas tu in agmine, ego in lecto; tu sæpè esuris, & sitis; ego ferè semper; cibus ijs veteris quos ex castrensi penu habere potes: ego ijs quos in pharmacopolio paratos porrigit medicus; tibi hostilia tela, mihi chirurgi manus sanguinem elicit. Sed satis est tot lusisse verbis, illud vnum in votis est, eritque semper vt vos partâ victoriâ vel saltem compositâ pace reduces osculo & amplexu excipiamus. Commendo me gratiæ & amoris tuo. Datum Thorunij x. Maij Anno Domini M. DC. XXXIV.

HONORATO VICECOMITI
 ARCHIEPISCOPO LARISSENO NVNTIO APOSTOLICO

Stanislaus Lubinski Episcopus Plocensis.

Varſauiam.

EST cur in meliorem spem veniamus prosperioris successus, & ali-
 quando tandem amotis istis quæ impendent calamitatibus ad por-
 tum salutis fluctuantem Reipublicæ nauem nos reducturos, cum San-
 ctissimus Dominus Noster indiētis supplicationibus ad conciliandam
 Diuinam opem nos inuitet. Fæda & ignobilia bella dici ea possunt, quæ
 in Europâ Regum ambitio, & insana regnandi libido commouet. Eos
 qui talia gerunt, quæ Christiano sanguine Christianos imbuunt gladios,
 sera malæ ambitionis meritò accusabit posteritas. Ecce nunc nouus ap-
 paret hostis, non ille solam petit Poloniam, non nostris tantum imminet
 ceruicibus, per nostrum latus, per interitum Septemtrionis religionem
 Christianam extinctum it. Graui oppressi somno dormire videntur Chri-
 stiani Principes, ruit paries, qui hætenus per quadringentos annos obsti-
 tit, ne vniuersa Europa in Turcicam iret seruitutem, ne nomen Chri-
 stianum deleteretur, ne Crux Christi ludibrio esset barbaris. Hæc vident
 & fortassis rident vicini nostri, summi & præcipui Christianorum Princi-
 pes, mutuis inter se certant dissidijs, si nos perierimus, rati aliquid virium
 sibi accessurum. Minimè dubitamus quòd si hæc quæ summum exitium
 nobis minantur nota fuissent Supremo Ecclesiæ Præsidi; illum pro suâ
 erga omnes pietate declaraturum fuisse, curæ sibi esse salutem huius
 Sarmatici Regni. Eius nominis Urbanus Secundus quid non egit, vt Ma-
 chumetanos possessione terræ Sanctæ deiiceret? id sanè effecit, vt Gode-
 frido Bullionio Hierosolyma in potestatem Christianorum veniret: idẽ
 fuerunt conatus Urbani Quarti, sed impares successus. Gregorij Decimi
 feruens ille zelus, illa eius dum adhuc in Palæstinâ versaretur, & esset ele-
 ctus Summus Pontifex concio plena boni desiderij ad milites sacri belli
 habita: Si oblitus fuero tui Hierusalem, obliuioni detur dextera mea. Ad-
 hæreat lingua faucibus meis, si in principio lætitiæ meæ non meminero
 tui, mirum quantum afficit animum commouetque. Respondebant qui-
 dem promissis facta, sed dum Concilium Lugdunense eius rei causâ co-
 actum promouet, in ipso præclarissimi conatus exordio viuere desijt. Bo-
 nifacius Octauus si pereunti in Syriâ religioni Christianæ manum por-
 rexisset, fortassis non tam funesto fato concidisset. Exciderat ea quoque
 ex reliquorum Pontificum mente cura, donec duo Pij, Secundus & Quin-
 tus diuino afflati numine tantam rem ad se pertinere censuissent. Ille qui-
 dem dum in Portu Anconitano bellum molitur, viuere desijt, nec animū
 sed vires sibi defuisse ostendit: hic suis precibus obtentâ ad Naupactum
 victoriâ

victriâ cælum meruit. Vtinam tandem aliquando Christiani Principes expergiscantur, & coniuncta arma in communem religionis hostem ver-
tant, veriùs & gloriosius triumphaturi. Ego interim humillima obsequia
mea Illustrissimæ Dominationi Vestræ defero. Plociæ XXI. Maij Anno
Domini M. DC. XXXIV.

GVIDO CARDINALIS BENTIVOLVS

Stanislao Lubieski Episcopo Plocensi.

Plocin.

Venerunt ad me postremis hisce diebus Reuerendi Patres Præmy-
slaus Rudnicki & Ioannes Iamielkouski è Societate I E S V Poloni
Procuratores, multaqué disertè narrarunt de beneuolentissimo affectu
quo me tua Dominatio Illustrissima prosequitur. Id verò tam iucundum
auribus meis accidit, quàm altè cordi insedit huic singularis amoris signi-
ficationi aliqua ex parte respondere. Quare cùm nihil aptius in præsentia
suppetat quàm mea recèns edita opuscula Italicè elaborata, hæc ad te
statim per eosdem Patres deferèda curavi, vt si non facundè, saltem inge-
nuè amorem meum in te eloquentissimum Præsulem testarentur. Tribus
illa voluminibus comprehensâ videbis. Relationes primum continet,
quas dum Internuntij Pontificij munus obirem in Belgio confeci. Alter-
rum Selectas Epistolas; quæ quoniam sparsim vbique non sine erroribus
vagabantur, eas in ordinem coactas, in publicum dare permisi. Tertium
verò memorabile bellum illud persequitur, quod æquè omnium natio-
num arma ac ingenia laceffuit. A me nominatim haud alienus eiusmodi
labor videbatur, vt qui in Belgicis Prouinciis desudauerim iuuenis, in
iisdem iam ad senium vergens exercerer, atque ita Belgicum solum, quod
& mihi affinitate coniunctorum ibidem bellantium ac obeuntium san-
guinem, meumque sudorem olim biberat mea nunc etiam atramenta
sorberet. Hæc magnum luctationes meæ fructû referrent, si à Tuâ Do-
minatione Illustrissimâ quæ non solum in Poloniâ, verùm etiam in Euro-
pâ ferè vniuersâ tantam eloquentiæ ac doctrinæ famam collegit, libenti
animo excipiantur: quæ eò magis beneuolentiæ tuæ calorem requi-
runt, quò in rigidum istud seuerumque Poloniæ cælum ab eo vestium
ornatu, quem ego requirerem nudæ proficiscuntur. Et quoniam nuncia-
tum mihi est Dominationem tuam Illustrissimam contexere Polonicam
Historiam, hinc quotidie magis apparebit Poloniam iis florere ingeniis
quæ & egregiè faciant scribenda, & fortiter facta scribant. Deum orabo
vt sicuti tanto argumento parem scriptorem selegit, ita eidem vitæ diu-
turnitatem incolumitatemque sufficiat, quo suis laboribus Christianæ
Reipublicæ maiorem in modum possit prodesse. Intereà Illustrissimæ Do-
minationis Tuæ cōmodis officia mea semper spondeo fore paratissima.
Romæ decimo octauo Calendis Ianuarij Anno millesimo sexcentesimo
trigesimo quarto.

GVIDONI

GVIDONI CARDINALI BENTIVOLO

Stanislaus Lubiencki Episcopus Plocensis. Romam.

PERVENERUNT tandem ad manus meas literæ Eminentiaæ Vestræ Decimo octavo Calendis Ianuarij datæ, longum sanè & diuturnum itineris ac temporis passæ dispendium; elegantes illæ quidem, graues, & prudentiam longo rerum vſu quæſitam ſpirantes: ijs verò ſynceræ beneuolentiæ tinctæ coloribus, vt tanti viri, qualem Eminentiam Vestræ orbis Chriſtianus & æſtimat, & admiratur animum heroicum repræſentent. Acceperam paulò antè, tria monumentorum Eminentiaæ Vestræ volumina, quibus dum obita à ſe functionis ſeriem exequitur, non deſidem vel negligentem ſe in grauiffimis Eccleſiaſticis legationibus fuiſſe oftendit. Tumultuantis Galliaæ ſanguineas cædes, diuturnum in Belgio armorum ſtrepitum, varias multorum Regnorum vices, leget & agnoſcet auctore Eminentiaæ Vestræ poſteritas, & tanti non ingrata beneficij Cardinalem Bentiuolum non ſolùm magnis ortum Principibus, verùm etiam præclaris ingenij dotibus ſummum decus meruiſſe fatebitur. De me quid dicam? pudet me tantarum laudum quibus me Eminentia Vestræ onerat; ora hæc Septem ſubiecta Trioni longè remota à Parnaffo riget & friget, ingenia nihil grande moliri vel in publicum proferre audent: & neſcio an vſpiam minùs grato animo quàm hîc ſi quis verum dixerit aut ſcripſerit, excipiat. Nempe liberi populi eſt laudari magis quàm argui: olim quoque ſui temporis res geſtas attrectare, & nondum expiatis vnctæ cruoribus arma, vitia, ludulſque fortune, Principum odia & amicitias priuato contexere iudicio, ſemper habitum periculofæ plenum opus oleæ. Quæ res me quoque aliquid conantem deterruit, ne quid tale aggrederer, quòd non ſolùm ſupra vires, & ingenium meum eſſet, verùm etiam grandi me ſine fructu inuidia conficeret. Non deerūt, nec deſunt audaciores alij, qui ſui temporis res geſtas component: me vitâ functo inter monumenta mea fortassis tale reperietur, quo eorum ſtadium adiuuari poſſit. Cæterùm quibusuis res ab alijs actas memoraturis Eminentiaæ Vestræ Opera ſcribendæ hiftoriaæ abſolutiſſimum exemplar erunt, nunc mihi quia tua, & à te miſſa, eximia erga me beneuolentiæ Tuæ ſunt argumentum permagni ſemper mihi æſtimandum. Diutiſſimè viue Eminentiffime Domine religioſiſſimiſque ac magnis votis potiaris. Pultouia x. Iunij Anno M. DC. XXXIV.

GVIDO-

GVIDONI CARDINALI BENTIVOLO

Stanislaus Lubiencki Episcopus Plocensis.

Romam.

Confecto bello Moschouitico, paceque perpetuâ cum eâ gente, cum quâ & Maiores Nostri per aliquot sæcula, & nos ancipiti euentu diu armis decertauimus constitutâ, redeuntem Serenissimum Regem Nostrum magno desiderio expectamus; visuri mox victorem & domitorem latè per Asiam & Europam diffusi Septentrionis, exosculaturi illam dexteram, quæ in Moschouia non solum Moschos, sed omnes qui in exilium nominis Poloni conspirauerant, Anglos, Gallos, Suecos, & Hollandos Moschouitarum ære auctoratos, & crudelissimi in nos odij socios propè vno ictu concidit, & leges deditionis acceptare coëgit. Feliciorem huius belli euentum vix optare potuimus: minùs quàm intra vnus anni decursum, exercitus hostilis ingens, vel cæde vel fame periit; solutâ Smolensci obsidione, longè lateque peruastratâ Moschouia, amplissimis Prouincijs & ditionibus recuperatis, & cum hoste perpetua pax est constituta, & is ne ampliùs cum hostibus nostris in perniciem Reipublicæ Polonæ conspirare possit, nouâ formâ fœderis obitrictus est. Hoc tantum opus tam breui tempore confici posse nemo sperauerat, nisi nobis auxilium venisset ex alto, quod sanè nobis adfuisse gratis animis profite-mur, & Supremo Numini tantum beneficium acceptum ferimus. Serenissimus Rex noster huius belli Dux & auctor, idemque tanti parti decoris sine socio assertor, dici & æstimari debet. Ipse primus erat ad capeffendum bellum, ad stringenda in hostem arma, ad obijciendum Regium caput hostium telis, postremus ad capiendam quietem, ad indulgendum aliquid valetudini suæ, quam simul cum sanguine Patriæ impendere paratum se esse sapiùs ostendit. Nunc victor iam redit longè maius & periculoser gesturus bellum, cum Turcarum Imperator Orientis vniuersas vires finibus nostris admoveat: Serenissimus quidem Rex Comitum Regni quæ sine illo obiri non possunt priùs expedire cogitat, interim tamen magnam partem exercitus, qui in Moschouia stipendia meruerat, contra hostem Christiani nominis vertit: quanquam veremur, ne hostis celeritate suâ hæc subsidia ex Moschouia venientia præueniat. Speramus tamen multum superbo illius animo decessurum, posteaquàm intellexerit Regiam Maiestatem feliciter confecto bello Moschouitico, intra fines Regni esse. Nec desunt qui in tanto periculo gratuitam militiam professi, integris in eam rem profusis patrimonijs, iusto exercitu Duce Stanislao Koniecpolski Supremo copiarum Regni, vt hîc vocant, Capitaneo, hosti sese opponere parati sint, eiusque tardare conatus, donec ex toto Regno submissa subsidia periclitanti Patriæ ferant opem. Sed hæc omnia in manu Dei sunt cuius permissu sæpè in discrimen nos adduci, semper tamen

singulari

singulari ope ipsius nos ab interitu vindicari ultro agnoscimus. Sed quid deinceps contigerit Eminentiae Vestrae significare non grauabor, si modò intellexero, hoc genus officij & obsequij mei illi non ingratum esse. Humillima mea obsequia & submissam seruitutem Eminentiae Vestrae defero. Pultouiae XVI. Calendis Iulij Anno M. DC. XXXIV.

GVIDO CARDINALIS BENTIVOLVS

Stanislao Lubieski Episcopo Plocensi.

Plociam.

SPES nostras quas in obsidione Smolenschi Polonorum & Catholici nominis hostes Moschi penè præciderant Potentissimus ac Inuictissimus Poloniae Rex reportata de ijs insigni victoriâ mirificè erexit: ad suos enim pedes prostrata vidit ea barbarorum arma, quæ ipsi in nostrâ perniciem sumplerant. Persuaserat sibi immanis eorum furor, ab æterno frigore, quo plagæ illæ in quibus ancipiti euentu tam diu certatum est rigent, quando etiam hostilis rabies defecisset nostras copias profligatum iri. Verumtamen fortissimi bellatores Poloni, tanquam certissima cœli fulmina immisis in hostilia castra incendijs ostenderunt, se eos esse, qui etiam in medio niuium horrore, pro vindicandis Deo, & Regi suo illatis iniurijs inflammarentur. Immo verò ipse dignissimus immortalitate Rex suo docuit exemplo, nullum validius incitamentum proponi militibus posse, ad labores ac belli tædia inconcussò animo toleranda, quàm si ipsa Maiestas Regia communis periculi & conscia, & particeps in castris armata versetur. Iam prælagit animus à bellicosissimo hoc Heroë, ipsius quoque Germaniæ iam penè euersæ calamitatibus subuentum iri. Et quidem intentatas Turcarum minas haud pertimescet Vladislaus Rex, cum vel antequàm Regni coronam capefferet, Ottomanicam Lunâ aut inobscurauerit, aut cruentauerit, ac profectò existimandum sit, nunquam tanti Regis nomen hostes audire, quin eorum corda pauore pulsantur. Quæ verò sit Romæ in hisce rerum siue benè gestarum nuntijs, siue meliùs gerendarum auspicijs coniectura, faciliè Dominatio tua Illustrissima assequi poterit; videt enim in Catholici orbis Septentrionalibus confinjs palmas enasci ac lauros, religiosissimi Regis ac fortissimorum militum sudoribus irrigatas: videt ab armato illo sceptro se protegi, quod neque barbarorum viribus infringi, neque Schismaticorum conspiratione labefactari potest. Magna autem hinc seges enascitur exercendæ tuæ Dominationis Illustrissimæ eloquentiæ vt immortalitati egregia tam bellicosi Principis gesta tradas. Sanè præclara Regum facinora nisi optimorum, hoc est tui similium immortales calamos nanciscantur, intereunt ac in ipso ortu moriuntur. Nunc epistolas expecto & tuo & publico nomine scriptas; eas præcipuè quas dum Regiæ Cancellariæ summâ cum potestate præesses composuisti; in ijsdem enim tum clarissimi ingenij

ingenij tui, tum rerum sub Sigismundo Tertio Rege gloriosissimè gestarum imaginem contemplanor, meaue scripta ad eorum normam examino. Neque enim lucubrationibus meis eas laudes tribuere audeo, quas tua Dominatio Illustrissima in easdem liberalissimè congeffit, licet hunc fructum à tuâ commendatione retulisse me fateor, quod cum sapientissimum iudicium tuum improbare non possim, de iis haud timidè sentiam. Qui verò deinceps rerum status, tum ad bellum, tum ad pacem spectantium, in hac tanta locorum distantia sequetur, Tua Dominatio Illustrissima pro singulari sua humanitate quæso significet. Interea Deum orabo, ut Inuictissimum Regem Vestrum quotidie magis prouehat, eamque mentem cæteris Regibus impertiat, ut exemplum illius imitantes, ad rem Christianam firmandam, & ad hostes illius compescendos animum adiciant: eundemque Deum etiam atque etiam obsecrabo ut Tuam Dominationem Illustrissimam quàm diutissimè sospitet. Romæ Idibus Iulij Anno M. DC. XXXIV.

GUIDO CARDINALIS BENTIVOLVS

Stanislao Lubiencki Episcopo Plocensi.

TVA mihi literæ & quid inuicta Polonorum natio armis id temporis possit, & quid ingenio, declararunt: neque enim minùs potentissimi Regis virtus in tuæ eloquentiæ quàm in militarium gladiatorum splendore collucet. Video in Septemtrionali isto Christiani orbis confinio ad bellum omnia esse inclinata, sed non propterea animis despondendum esse, cum extremum hoc latus ægide adamantinâ, enseque cœlesti, hoc est inuictissimo Rege spectemus armatum. Neque minantes Turcarum legiones, Vladislao inuicto Regi terrorem incutere poterunt, qui olim adolescens, neque adhuc sceptri potitus innumeras Ottomanorum acies cum ipso Imperatore perterrefacto in turpissimam fugam coniecit, & alias bellicosissimo hoc heroë copias domini ducente Poloniae niues Asiaticorum sanguine tepuerunt, interq; frigidi istius Axis rigorem, Orientis armati populi flammæ extinctæ conciderunt. Quamuis hoc tempore ulterius spem nostram protendere debeamus: sese enim admirabilem adeò Numinis Diuini potentia in Germaniâ ostendit, ut existimemus in Poloniam quoque tam læta felicitatis auspicia extendi; iam enim sub Norlingâ vno prælio numerosus Suecorum exercitus profligatus est, iam perniciosissima Hydra quæ omnia deuoratura videbatur alterum caput amisit. Quid ampliùs restat, nisi ut penitus exscindatur, ac demum coniunctis viribus Catholici Principes armorum tempestatem in communem omnium hostem conuertant? id ita futurum confidimus, optamusque. Sed interea ut imminetia pericula amoueantur, precibus apud Deum sedulò agendum est, ac obsecrationibus impetrandum, ut

Serenissimus Polonorum Rex non solum hostilibus viribus resistat, sed etiam recuperet, ac imperio suo adiungat ea quæ Regiæ coronæ immanissimæ gentes ademerunt. Deus immittat hanc mentem Principibus ac populis ut ad barbaricam audaciam quæ cedentibus instat, instantibus cedere consuevit frangendam conspirent. Dominationem Tuam Illustrissimam Deus diutissime seruet incolumem. Romæ Calendis Octobris Anno M. DC. XXXI.

EPISTOLARVM SELECTARVM

Decas Tertia.

GVIDONI CARDINALI BENTIVOLO

Stanislaus Lubieski Episcopus Plocensis.

Romam.



I quod vnquam tempus fuit ad refrænandos conatus, frangendamque Turcicam potentiam opportunum, hoc illud nunc est, cum tantarum virium Tyrannus tantis in campum productis copiis, tanto bellico instructus apparatu, ad famam solum venientis Serenissimi Regis nostri hæret & incertus consilij quod suscepturus sit, ferocem animum metu perstrictum ad pacis studium flectit. Si prisce illi Heroës Europæi, quos pietas & religionis Christianæ afferendæ amor, ad excindendam pestem istam Machometicam sapius armare consueuerat, viuerent, haud dubio non paterentur tam præclaram rei gerendæ occasionem sibi eripi. Gallia olim talium virorum ferox, & tantæ laudis cupida, æternum sibi nomen felicissimis contra Christiani nominis hostes expeditionibus parauerat; nunc videntur omnes Christiani Principes velle vnus Regni Poloniæ periculo experiri, quantum Turcarum Imperator armis possit; quasi verò nobis pereuntibus, cæteris salutis & incolumitatis aliqua spes affulgeret. Itaque nullus nobis imputauerit, si cum nemo Christianorum Principum socialia nobiscum iungit arma, si, quod magis deplorandum est, Christiani à Christianis oppugnamur, si quorundam persuasione ad inuadendos nos Turca ipse accenditur, si denique nemo ex Regibus Christianis se commouet, nos quoque rebus nostris aliter consulere cogamur. Hoc ipso anno arma nobis paranda sunt, quæ Succis opponamus, cum quibus pactæ exeunt induciæ, nec spes est prorogandæ pacis, namque fastu hæretico tumens is hostis, indignas dignitate Regia & Regno poscit condiciones. Interim dispicimus, quis moti contra nos Orientis euentus erit: Nam utrùm syncerè is hostis pacem offerat, an verò longioribus induciis bellum nobis facere cogitet, ut fatiget, non immerito ambigitur. Et Serenissimus

mus Rex obuiam imminenti periculo, victoremque Septemtrionis se-
duce exercitum ducit in hostem, cum alias, tum præterito autumnò suis
auspiciis à Stanislao Koniecpolio, supremo exercituum Regni præfecto,
viro tuendæ patriæ nato, repressum, & à finibus Regni gloriosè fortiter-
que reiectum. Etenim bellum quod prosequitur, anno superiore cœpit;
siue ære Moschouitico conductus, ad auertendum inde illatum à Sere-
nissimo Rege bellum; siue immani illâ, quâ maiores eius arserunt, reg-
nandi incensus cupiditate, quam post occupatam Asiam, Africam, &
florentissimam Europæ partem huc sæpiùs prolatandi imperij causâ, sed
frustra Dei bonitate, vertit. Inde nobis crebra cum illo pro Deo & reli-
gione bella hæctenus sine quouis aliorum Principum, solo cælesti auxilio
gesta, quod Deus nobis continuare velit, vti cum toto corde oramus.
Sed ego priuaris rebus diu moror grauissimas cogitationes Eminentiæ
Vestræ; sisto igitur calamum, Deum precatus, vt Eminentiæ Vestram
diu seruet incolumem. Cui humilissimam meam seruitutem perpetuo
nexu addico consecroque Varsoviæ IV. nonas Septembris. M. DC.
XXXIV.

GVIDO CARDINALIS BENTIVOLVS

Stanislao Lubinski Episcopo Plocensi. Plociam.

TANTA est Inuictissimi Poloniæ Regis virtus atque felicitas, vt vel
solâ ipsius in hostem venientis famâ innumeræ immanissimi Ty-
ranni copię metu perstrictæ hæreant, atque ab intentatis minis ad inex-
spectata pacis consilia deflectant. Scilicet palàm hinc est, quid coniunctæ
Catholicorum Principum vires ad conterendum teterrimæ belluæ po-
tentiam valerent, si vel vnus Regis, quique positum habet non in
ipsis Christianæ ditionis præcordiis, sed finibus Regnum, eximium ro-
bur tantum potest, vt terrorem illis inculcat, qui paulò antè orbem
vniuersum perterrefacere posse videbantur. Sapientissimo proinde con-
silio Inuictissimum Heroëm Vladislauum Quartum in extremis Catholi-
cis orbis finibus collocavit Deus, nimirum vt fidum fortemque excubi-
torem illum eius Regni haberet in cuius vnus incolumitate vniuersæ
Christianæ Reipublicæ salus consistit. Mirabunda se licet ostendet Ot-
tomanica potentia, ingentibus Tartarorum agminibus succincta, ad-
iungant sese illi Transylvanicæ, Moldauicæ & Valachicæ copię, conspi-
ret cum Machometicâ rabie armatus Hæreticorum furor, animo pro-
pterea fortissimus Rex non cadet, qui fugare, non fugere Turcas ab
ineunte ætate didicit, quique in suis expeditionibus omnia non tam po-
litiâ, quàm prudentiâ, quàm sacris legibus ac verâ religione definit: hac
magistrâ duceque Constantinos ac Theodosios maximus iste bellator
non minùs victoriis quàm pietate in se renouabit, quos prosperis succes-

sibus innumerisq̃ue victoriis Exercituum Dominus beavit. Sed ne longior sin Tuæ Dominationi Illustrissimæ literæ admonent, quæ cum clarissimis verborum sententiarumq̃ue luminibus exornatæ, mirificè omnium animos oblectare possint, modestè tamen verentur, ne mihi legenti molestiam afferant. Quod reliquum est, tanto Regi ad ccepta strenuè promouenda vires à Deo precor, Tuæq̃ue Dominationi Illustrissimæ diuturnam incolumitatem. Datum Romæ XII. Calend. Nouemb. Anno M. DC. XXXIV.

GVIDONI CARDINALI BENTIVOLO

Stanislaus Lubienksi Episcopus Plocensis. Romam.

CV M post tot partas victorias Serenissimo Regi nostro meritò gratularemur, atque in spem felicioris successus veniremus, intercepta vota & desideria nostra fatalis & acerbus casus qui nos immaturâ morte Serenissimi Principis Alexandri vehementer perculit, & summo affecit dolore. Ipsius naturæ imperio gemimus, ob amissum Principem bono publico natum. Dolet Serenissimus Rex noster vehementer, ereptum sibi fratrem amantissimum, deflemus & nos lachrymisq̃ue ei parentamus, quem si diutiùs fata seruassent, virtus quoque ad magna quavis suscipienda prospero successu duxisset. Non dubito quin & Sanctissimus Dominus noster Regium iuuenem nuper à se visum tam citò è vitâ excessisse vehementer doleat, & Eminentia Vestra suas nobiscum coniungat lachrymas. Literas Eminentiae Vestrae vndecimo Calendas Nouembris datas accepi, ingentes laudes, quibus Eminentia Vestra Regiam Maiestatem meritò extollit, complectentes. Lætatur & nos Principis purpurei Senatus encomio, à quo nihil laudari potest, nisi laude dignum. Seruet tantùm Deus Serenissimum Regem nostrum, vouemus & sperdemus eum semper Ecclesiae Catholicae auxilio & subsidio fore. Cum Suecis nihil adhuc certi constitutum habemus, nec illi hucusque aliquam significationem dederunt, pacemne an bellum malint. cæterùm is nunc Poloniae res moderatur, qui quidquid dederint, accipiet. Humillima mea obsequia defero Eminentiae Vestrae. Datum Pultouiae duodecimâ Decembris Anno millesimo sexcentesimo trigesimo quarto.

MATTHIÆ CASIMIRO SARBIEVIO

SOCIETATIS IESV SACERDOTI

Stanislaus Lubinski Episcopus Plocensis.

QUÆ de Nestoris ætate ego ad te scripsi, non eo sensu ut tu intellexisse videris scripsi, sed veteres auctores secutus dixi Nestorem tribus seculis, hoc est triginta annis vixisse: nec is numerus annorum infra illud ævum est, cum olim Dominus longè ante dixerit: Non permanebit Spiritus meus in homine, sed erunt anni eius centum & viginti. Maxima & suprema hæc ætas erat, & quotusquisque tamen fuit qui illam consequeretur, plurimi quinquaginta, alij sexaginta, septuaginta, octuaginta annos vixerunt, eaque ætas maxima à Davide, qui post bellum Troianum circiter centum annis vixit, censebatur. Sed de Seculis audi, quæ olim ab auctoribus notata fuerunt, ea accommodata fuisse ad magnum vitæ humanæ seculum: hoc est ad annos centum viginti: itaque qui hunc numerum conficiebat, magnum vixisse seculum dicebatur. Et Nestor quia tria secula vixerat, nonaginta annos vixisse creditur, & tamen heroës illos carne bouinâ assatâ vltos fuisse, ni fallor, scribit Homerus, nam à fabis & cicere frigeret manus tantis Heroibus; vinum denique oblatis pateris, largiùs hausisse. Itaque Nestor cum nonaginta annis viueret, trium seculorum ætatem vixit. Quæ Petrus Massæus, quæ Eusebius scribunt de nostro seculo, ijs eam fidem habemus, ut peregrè allatis. Auum Tuum ad centum & nouem annos ætatem prorogasse faciliè crediderim. Videlagam centum triginta annos superstitem fuisse, da veniam dictis, ego vix credo: Vidi enim plerosque eiusmodi qui tantum vitæ sibi arrogarunt. In bonis meis Brocouienlibus accidit me Episcopatum gerente ut centum triginta annos se habere duo rustici contenderint: testem certè nullum producere poterant se eius ætatis fuisse, sed exactiùs examinati, alter centum & septem annos, alter centum itidem & quindecim vixisse reperti fuerunt. Non ita nos desipere existimes, ut annum ad lunæ cursum accommodemus, nec tantoperè ætatem nostram delicijs deditam, ut generali censurâ annos à Deo statutos imminuat: cum & nostrum ævum videat annos, vere, æstate, autumno, & hyeme constantes centenarios à plerisque transigi, & multos esse qui Davidis ætatem superent, & satis per se & sine subsidio caleant. Vides fratrem meum septuaginta trium annorum ætatem viuere, & tamen robustum esse: viderunt maiores Nostri Casimirum Tertium, Sigismundum Primum Reges Poloniæ tot vixisse annis, ut & Davidis Regis & multorum aliorum ætatem superarint. Quidni ego sperem tot annos, quot frater meus, me octo annis maior natu habet, consequi posse? Ad binas alteras literas à te ad me datas non respondeo, cum satis superque inter nos contende-

rimus. Vale mi Sarbieui quem ego puto Nestorem facundiâ longè superare, ætatem quoque eiusdem attingere posse. Brocouio XII. Calend. Augusti M. DC. XXXVIII.

SODALITATI GRACIENSI

Stanislaus Lubieski Episcopus Plocensis. Gracium.

NVLLI melius sciunt ut celeri cursu decurrat ætas, quàm ij qui legitimos vitæ annos exegerunt: horum ex numero meritò ego censeri possum, qui sexagesimum tertium ætatis meæ annum propè iam expleo, sed dum transacti temporis rationes mecum expendo, non multum me vixisse video. Præterierunt dies mei, & consumpti sunt tanquam non essent. Vixi quidem in luce hominum & ijs in Patriâ fulsi honoribus, quibus memoria mei ad futuræ posteritatis recordationem transmitti possit. Cæterum inter omnia quæ mihi diuinitus obtigerunt non in postremâ apud me est existimatione, & vitæ solatio, dum recordor me ante quadraginta annos in numerum Sodalium Spiritus Sancti Gracij cooptatum fuisse. Mansisse semper ibi animum meum sæpius iteratæ literæ meæ testantur, & quàm diu vita superstes erit, sacri vestri Sodalitij institutis me olim imbutum fuisse, nunquam obliuiscar. Vestri erit officij simul atque intellexeritis me vitâ excessisse, ea pietatis officia exhibere fratri, quæ ego alijs vicissim quantum in me fuit præstare conatus sum. Valete in Domino, meique & viui, & vitâ functi memineritis. Datum in Arce Nostrâ Brocouienti XVI. Calend. Nouembris Anno M. DC. XXXVI.

MATTHIAS CASIMIRVS SARBIEVIVS

SOCIETATIS IESV

Stanislao Lubieski Episcopo Plocensi.

EGo verò in hac tantâ Brocouij tui amœnitate nihil doctrinâ tuâ amœnitus, nihil lætius video, quam tu singulari semper humanitate condire soles. Nam ut Bugus deliciæ tuæ leniter fluat, lenis tamen tibi vel in hac ipsâ tuâ epistolâ fluit oratio, ut iucundos afflet Zephyros, nunquam tu illos tamen tam auidè excipis, quàm ego dulcem quandam & in hac æstate tuâ recentem eruditionis tuæ auram capto. Quare non properassem modò ad te, sed volassem etiam illis alis, quas mihi tu ipse addidisti, cum inuitasti. Sedenim quinæ huius septimanæ conciones, me hîc inuitum, & ad rus istud tuum anhelantem tenuerunt. Vim glaciei refrigerâtis & lenis Zythi mentio me recreauit; hoc præcipuè Varfauia caret, hoc ipsa Varca quæ eò dementiæ venit, ut Zythum suum vinum existimet, adeoque & lymphâ diluat, neque frigidâ allatitiâ opus est,
dilutus

dilutus in mensâ ponitur. Dignus profectò est prolixâ aliquâ Andræ Critij Palinodiâ. Heri Princeps Casimirus Viennam, Vice-Cancellarius Cracouiam abiire. Supremus quoque Thesauri & Cameræ Præfectus abituriunt. Te verò felicem qui nunc & abes à curis publicis & tuas pulcherrimâ amænitate demulces. Nam isti dum negotia aut fingunt aut querunt puluerem & solem bibunt. Tu è propinquo rides omnia, te-
que ipso ac tuis beatuses. Ne modò Pruscio isti Ascetri seuero & sæpiùs tibi mortem inculcanti nimium credas: ipsum enim Pruscium nuper ego per somnium vidi exanimem. Vates sum meoque nomine illi dicas ne diem quem alijs inculcat ipse habeat. Mitto illi Merlini Vaticinium quo auteras istas diluat cogitationes & iudicium ferat operæne pretium fecerim cùm specioso titulo captus in libellum decem nummos effudi. Vale Ecclesiæ Patriæ literarum decus vnicum.

MATTHIAS CASIMIRVS SARBIEVIVS

SOCIETATIS IESV

Stanislao Lubieniski Episcopo Plocensi.

AD Septentriones nos recessisse & gelu permagno adstrictos queraris? nos verò hîc æstu penè Italico laboramus: sed tu animorum fortasse frigus aliquod reprehendis; sed neque hoc accusare debes in me præsertim qui Te solem Patriæ in corde gero, ibi tu semper solstitium habes & nunquam occidis. Iam verò & in multorum memoriâ, atque adeò & ore amicissimo versaris. Doctrinam nuper tuam & eloquentiam magno in consessu Gembicij omnes ac plerique Lithuani qui bonarum literarum gustum aliquem habent supra cæteros extulere; ita cùm te absentem à nobis existimas præsentissimus es. Vitas Episcoporum Plocensium à Ioanne Iamielkouio recepi & iterum regusto: ad hanc porticum pulchram breui stemma aliquod appendam. Annales Regni ne suppressas rogo, laudantur à multis, ab omnibus desiderantur: si suppresseris, multum posteris debebis: si dederis in lucem, multum illi tibi debebunt. De concionibus contra fidei nostræ hostes habendis & hac peste eliminandâ me mones, & meritò. Sed vtinam vt tu zelo, ita ego eloquentiâ valerem! studio certè quantum possum ac curâ contendo, ac magis etiam tuâ epistolâ accensus, & pietate animatus contendam. Viue Antistitum nostrorum sapientissime & me perpetuò Tuum ama. Vilnæ ex Collegio Nostro XVI. Iulij Anno M. DC. XXXVIII.

MATTHIÆ CASIMIRO SARBIEVIO
SOCIETATIS IESV

Stanislaus Lubiencki Episcopus Plocensis.

ALTERIS iam literis tuis hac vnâ respondeo epistolâ. Amo amorem tuum quem tam luculenter in me effundis, sed vt verum fatear, iudicium tuum improbo, pudet enim me tantopere à te laudato & erudito viro laudari. Quare fraternè à te peto ne deinceps futuræ imponas ætati, sed ea de me scribas quæ in me cernis, non quæ fingi possunt. Scis sc̃pè errare amorem, & rem amatam amatoribus suis ita placere vt iudicio aberrent, quos tu ne imiteris rogo. Hodie est anniuersaria dies victoriæ ad Chocimum partē. faueat cœlum vt iterum atque iterum recentibus victorijs de hoste nominis Christiani partis solido gaudeamus gaudio. Brocouio tertio nonas Octobris Anno M. DC. XXXVII.

MATTHIAS CASIMIRVS SARBIEVIVS
SOCIETATIS IESV

Stanislaŏ Lubiencki Episcopo Plocensi.

FRVSTRA sim si silentij mei patrociniū aut ab inualetudine quā sæpiusculè tentor, aut à perpetuis sermonibus sacris, aut à Lechiade quam iterum reduco accipiam. Tanta sunt beneficia erga me tua, vt vel in lethali strato & ipsam agens animam quidquid otij & virium esset semper tibi debeam. Aliæ sunt causæ quæ mihi calamum è manu excusserūt. Popularis istius linguæ studium in quo nunc necessariò versor latinos apud me fontes adeò arefecit, vt orationis tuę flumini quę tibi in epistolis dulcissima est, quod refundam nihil habeam. Hæc causâ si ad officia respectas est exigua, si ad pudorem meum, est maxima; certè à te vel ipso candoris & ingenuitatis meæ numine facilè veniam impetrabit; quàm enim vera sit ex paucis istis lineis barbarè sterilitèrque scriptis omnino agnosces. Prætercà argumenta scribendi tanta erant, quæ calami mei arena capere non posset, & metuebam sanè, ne si apertiùs ab alijs scripta acciperes, me aut ignorantia, aut exactè nimis prudentiæ apud te accusares, & tamen omittere illa si scripsissem vix possem. Adeò ingenuus sum, vt officiosis & leuibus quibusdam scriptis, alia continere animo quæ vel te scire autumabam non potuerim. Nunc quando me officio isto soluis crebras à me epistolas habebis, & si diu viuam profectò me tibi calculo computatorio exoluam: sin minùs, mortuus ea ad cēlites perferam quæ pro Ecclesiâ & Patriâ præclarè gessisti & adhuc agis. Vale Antistitum optime

optime decus & ornamentum Poloniæ nostræ. Vilnæ ex Collegio nostro
decimâ nonâ Aprilis M. DC. XXXVI.

MATTHIÆ CASIMIRO SARBIEVIO

SOCIETATIS IESV SACERDOTI

Stanislaus Lubinski Episcopus Plocensis.

REDEVNTEM Sarbievium meum è Badenſibus Thermis ſaluto. Nō
quæro ut viuas; vivere enim te, & omnibus morbis tam pretioſo ſul-
phure quod tam longè petendum erat purgatum redire ſanum confido.
Letheam illam aquam dixerim, quæ cū corpus ſanet præteritorum me-
moriam æternâ obliuione ſopiat. Melior aura Polonica: quam poſtquàm
attigeris ipſe tibi reſtitutus videberis: venient in mentem amici, & tota
cohors tibi benè cupientium, quorum ego primus compareo, & an rectè
omnia habeant requiro. Describes itineris commoditates, loci in quo te
in aquis fouiſti amœnitatem, Urbis Viennenſis (quam olim noſtri maio-
res incoluere & Wieden, quaſi quod illuſtrior appareat, vel Viednam
quod in eâ Veneticæ habitauerunt appellauero) venuſtatem. Cætera cū
veneris nobis referes. Interim Vale meque amantem te, mutuo amore
proſequere. E prædio meo Barthodzierenſi teritiâ Octob. milleſimo ſex-
centefimo trigefimo octauo.

SALVTATIO GRATVLATORIA
NOMINE CAPITVLI VARSAVIENSIS

Cū Sereniſſimus Princeps Dominus

SIGISMVNDVS POLONIÆ ET SVECIAE REX

capto Smolenſco Varſauiam rediret Anno M. DC. XI.



I quod vnquam tempus fuit Sereniſſime Rex, quo
te ſacram hanc baſilicam ingredientem, læto &
faſto gratulationis officio excipiendum, atque
immortali Deo Tuæ incolumitatis & fortunæ au-
ctori, gratias agendas putauimus: nunc illud
certè eſt, cū te clarâ & illuſtri partâ victoriâ
ſoſpitem conſpicimus. Tenuit anxia & diuturna
expectatio animos noſtros, & quamuis fama rerum à Sacrà Maieſtate
Veſtrâ geſtarum, frequentibus nouata nuntijs, nonnihil laxamenti da-
ret

ret susceptæ sollicitudini, ac interdum etiam ad lætitiā excitaret, secundo cursu affluens fortuna; tamen (fatendum est enim) incertos belli euentus dubiosque & ancipites communis Martis casus reputantibus, non inanis metus versabatur ante oculos: ac te vnum, cuius incolumitate publica salus continetur poscentibus, nihil adeo lati nuntiari poterat, quod omnem metus suspensionem animo penitus eximeret. Nunc te omnium post hominum memoriā maximā & clarissimā partā victoriā conspectui nostro redditum læti gratantēque excipimus, & publicā omnium Ordinum lætitiā priuata quoque Collegij nostri voce testamur. Suscepisti Diuino magis quā humano consilio bellum, genere ipso necessarium, magnitudine periculosum; rebus præclarè gestis omnem antiquitatis memoriā superasti, sacra maiorum tuorum vestigia pressisti, atque felici virtutis imitatione longè illustriora reddidisti. Quæ te nunc hostilis regio conspexit, tuæque victricia sensit armā, eadem retroactis sæculis Vitoldum illustrem, & victoriosum sanguinis Tui Principem, Atauum Tuum Casimirum, Auum Sigismundum, quem non nomine tantū & vultus lineamentis, sed iis etiam virtutibus, quibus ut sui temporis Pater Regum appellaretur, promeruerat, præclarè exprimis, felicissimis victorijs easdem terras peragrantes admirata est: sed illorum fixa ad perpetuam posteritatis memoriā trophæa penè iam interciderant. Gens feritate barbara, religione superstitiosa, multitudine infinita, fide ambigua, nec magis telis quā suo cælo, suo sydere armata, aduersis nostrorum vsa opportunitatibus, quæsitum maiorum nostrorum sanguine Reipublicæ patrimonium, fraude & prodicione interceptum inuaserat. Non annos, sed secula accepti damni numerabamus, penitus iam ea macula infederat in animis nostris; nemo ultor extitit, nemo qui tantum dedecus amoliretur, ac perfidiam virtute ultum iret, repertus est; Maiestate quoque Vestra tot iam annos imperium felicissimè moderante, erat non nemo qui quereretur, nimis diuturnas hosti fœdifrago prorogari inducias. Regium est Serenissime Rex nec prouocare bella, nec timere; non illa segnis tua quies magnis Reipublicæ interpellata negotijs, nec infructuosum, nec obscurum fuitotium: sed in maioris gloriæ opportunitatem dilata virtus, & suscipiendi belli expectata occasio: cum suo ipse scelere vecors, nefariā innoxij pueri cæde pollutum amisit imperium Iodunus, alter item ille ficti nominis Demetrius, lusus magis fortunæ quā tantā fortunā dignus, & vel eo solo nomine impius, quod erga Maiestatem Vestram, cui omnia debebat, ingratus, parto impostorijs artibus Regno breui excidit: cuius ruina etsi nonnullam nomini nostro notam inuasisse videri possit, tamen eadem rei benè gerendæ præclaram ultro suppeditauit facultatem. Non satis erat sceleratæ genti, cæso Tyranno assertam tueri libertatem, versa in rabiem hospites paulò antè suos fide publicā eò profectos, in ipsis mensæ hospitalis sacris, barbarā feritate contrucidat; omnia diuina humanaque iura ac fœdera confundit. Erat ea belli causa

iusta

iusta, legitima, necessaria, cum mussitantibus cunctis & nonnullis tuæ gloriæ quæ publico bono coniuncta erat inuidis (nec enim eâ peste hominum vlla Respublica carere potest) palam dissentientibus, Tu inuictissime Rex semper pacis & honesti otij auctor, primus arma expedienda censuisti: ausus es quod vix credi poterat, eo præsertim rerum statu, nec satis domesticis sopitis dissidijs, quenquam ausurum, animo quàm viribus paratior, causa quàm copijs potior. Dicâ verum; diuino magis quàm humano consilio bellum aggressus es. Smolenscum iuris quondam Maiorum tuorum Arcem & oppidum, arte & naturâ munitissimum, magnitudine ingens, mœnium & fossarum amplitudine tutum, comœatu ac bellico omni apparatu instructum, propugnatorum copiâ ac obstinatâ audaciq̃ue ad defendendum in sui usque perniciem contumaciâ inexpugnabile, oblidione cinxisti. Initium huius rei mirer an finem? multum est quod perseveraueris, plus tamē quod non fueris veritus ne perseverare nō posses. Spectata est tua fortitudo in periculis, labor in negotijs, industria in agendo, celeritas in conficiendo, consilium in prouidendo. Multo sanè labore persuadendum erit posteritati vt narraturis credat Sigismundum III. Regem Poloniæ, eiusq̃ue exercitum in regione æterno damnatâ gelu, aduerso tempore, cælo aspero binas in castris egisse hyemes, oblidionem continuasse, hostem tuendis propugnaculis naturâ factum, & usu exercitatum, tanto numero mœnibus clausum, nunc assultu, nunc ascensu, interdum actis cuniculis infestasse. Hæsit aliquantō ad hunc scopulum fortunæ tuæ cursus, sed ita hæsit, vt Maiestas Vestra eo ipso clarior, illustriorq̃ue euaderet, atque magis solidâ potiretur victoriâ: cum interim felicissimis Maiestatis Vestræ auspicijs fortissimi Duces belli rem præclare gererent, inuictus tuus exercitus hostilis latebræ occasione vsus, hyemem asperam barbaris inferret, & alieno tempore arma tractare cogeret, atque eo ipso tempore, quod perpetuis frigoribus assuetis hostibus amicissimum alienissimum fore nostris putabatur, cum flumina ripas gelu iungunt, duratâq̃ue glacie ingentia tergo bella & sustinent & transportant, in armis atque in hostico versaretur, & hyberna æstiuus, æstiuâ hybernâ continuaret. Cæsi ingentes hostium exercitus; præter multas munitissimas arces, capta ipsa Imperij Moschouitici primaria sedes, reductus in potestatem Maiestatis Vestræ temerarius vsurpator Imperij, factæ irritæ audacis & noui impostoris artes, detecta fraus & versutia simulatam obedientiam offerentis callidæ & vassæ gentis, vt tracta in aliam atque in alteram æstatem obsidio, cōsultō ad nobilitandum maximis victorijs Maiestatis Vestræ nomen, explorandâq̃ue hostium fidem, & stabiliendum Imperium existimari possit. Nos interim de Maiestate Vestrâ solliciti & Diuini ignari consilij, ad has quas nunc Maiestas Vestra veneratura accedit aras prostrati, supplices ad cælos manus tendebamus. Vidisses Serenissime Rex, in te vnum, tuamq̃ue salutem omnium vota conferri; sacri profanîq̃ue ordinis homines cælestem tuis auspicijs opem

implo-

implorare, te vnum votis, suspirijs, ac desiderijs omnium expeti. Serò quidem, sed tandem aliquando penetrarunt voces gementis populi, auditæ preces, flexum coeleste numen; assiduitate & consilio Ducum, virtute militum, constantiâ, felicitate, & auspicijs Maiestatis Vestræ confecta res est. Captum Smolenscum: patet vniuersa Moschouia: non vicinæ modò nobis ab eâ parte gentes, sed omnis ignoti nominis septemtrio pronus Maiestati Vestræ colla submittit: vt non spem modò ac votum, desideria nostra, sed ipsius voti certam teneant fiduciam. Ingens sanè gloria, & æternâ futuræ posteritatis memoriâ celebranda, quam si nec militum robori, nec Ducum rei militaris peritorum experientiæ, nec vlli felicitati, sed Maiestatis Vestræ pietati & sinceræ erga Deum religioni adscripsero, non vereor ne quid ei detrahare videar. Tua Serenissime Rex in Deum fixa mens, semper tuæ sacræ occupationes, & in persoluendis votis & precibus impensæ horæ, hoc tantum & tam eximium decus nobis pepererunt. Nec minùs Serenissimæ Regine pium ac sanctum hac in re enituit studium, quæ Castrenses Maiestatis Vestræ labores, fufis ad Deum precibus, sudorem bellicum lacrymis, vigilias & excubias frequentibus ieiunijs, atque liberalibus in egenos largitionibus, vitæ periculum sacrosanctis incruenti sacrificij hostijs absens licet & tantis locorum diffusa spatijs, sed præsens animo cumulatè suppleuit; vt non immeritò illius quoque Maiestati veluti eius laudis consorti gratulari debeamus. Gratulamur sanè Maiestatibus Vestris & Serenissimo Vladislao, nato ad illustrandam temporum nostrorum memoriam Principi, paternarum virtutum heredi, felicitatem, incolumitatem & diu exoptatum atque omnium votis & desiderijs expetitum ad nos reditum. Tibi verò Serenissime Rex potissimùm & tuo & Reipublicæ nomine gratulamur, Deumque immortalem precamur, vt omnes cogitationes tuas hinc lætus sequatur euentus, & ne qua vnquam præsentis diei lætitiâ aduersæ fortunæ procella perturbet, vel vmbra obnubilet, sed felicibus initijs felicior respondeat successus; vt tantis virtutibus & rebus gestis gloria Imperij Maiestatis Vestræ & nouetur & augeatur.

L A V D A T I O F V N E B R I S
 S E R E N I S S I M I
 S I G I S M V N D I I I I.
 P O L O N I A R V M E T S V E C I A
 R E G I S , & c.



In theatro lugubris mœstitiæ & acerbissimi doloris positum intruemur Serenissimum & Inuictissimum Principem SIGISMUNDUM III. Poloniarum & Suecorum Regem. Ille Europæ, Asiæ, & Africæ in potentissimo Turcarum Imperatore; quem non minus fortiter quam feliciter à cernicibus nostris repulit, victor: ille late patentis Moschouæ, expugnato Smolensco, Vrbe Regiâ, ac tanti Regni, quod Europæ ingentes recessus suâ Iurisdictione complectitur, Principe Suiscio, vnâcum duobus fratribus capto, triumphator magnificus: ille immanissimæ omnium quæ sub sole extant Tartariæ nationis terror: ille omnium hostium domitor: illa pietas, illa religio, illa iustitia, ille humani generis amor, & delicia: ille, qui quadraginta quatuor & amplius annorum felicissimi Imperij successum consecutus est, vt Rex sui temporis Regum dici & haberi mereretur; ille qui Augustis domus Austriacæ connubijs, vniuersi Christiani orbis Reges & Principes illustrium affinitatum nexibus sibi deuinxerat: ille Regiæ sobolis ad salutem Reipublicæ Christianæ natæ felix Pater: ille inquam Sigismundus, qui & originis nobilitate, & Regnorum quibus præfuit felicitate, & imperij diuturnitate, omnes sui temporis Reges longè superauit, esse desijt; & se vixisse, hoc supremi exitus sui tristi spectaculo, testatur. Lacrymisne eius mortem decorare, an memoriâ Heroicarum magni Regis virtutum animos à mœrore & tristitiâ auocare conuenit, Vobis qui præsentibus adestis dispiciendum relinquo. Illas quidem poscit Domus Regia, tanto orbata parente: poscit inprimis Sereniss. Princeps Vladislaus Sigismundus, noster Electus, & Suecorum Gottorum hæreditarius Rex: poscunt omniū Ordinum & Statuum Regni Poloniæ, & Mag. Ducatus Lithuanie, quos attritos & frequentes videmus, inclyti Senatores, Equites, & Proceres: poscit denique hæc funebris pompa, ad excitandum dolorem composita: ceterum hæc omnia ad vnius alteriusve diei, vt rerum humanarum conditio fert, decursum duratura, linquamus alijs. Deflebunt Sigismundum, quos naturæ lex lachrymas fundere iubet: deflebit vniuersa Respublica nostra quàm diu nominis Polonici exstabit memoria: deflebimus nos, qui eius beneficijs creuimus, honoribusque ab eo aucti ac ornati conspiciamur. Fundemus non stipendiarias, nec tristi cohortatione extortas lachrymas; spontè illæ fluent, maioremque in pectoribus animisque nostris conti-

R r

neri

neri dolorem quàm palam ostendunt testabuntur. Sed nos interim ad alia orationem nostram conuertamus, ingensque & magnum pelagus virtutum huius qui quondam Magnus Rex, nunc exangue cadauer cernitur ingressi, in earum admiratione aliquantisper immoremur. Neque tanè quisquam existimet temerè vel audacter me hoc munus suscepisse: non temere, nam hæc prouincia nutu Tuo Serenissime Rex Vladislac ad me delata est: non audacter nimis, nam propè quadraginta annorum obsequio, plus plerisque experimenti capere potui quoad præsentem vsum seruiat. Scio ego Regias virtutes sub vulgarem censoria notæ ætimationem cadere non posse. Sublimius & maius iudicium illæ sibi deposcunt: de quibus cum multa dixerint, scripserintque, ego potissimum eas deligam ex quibus Regiam Sigismundi Coronam compactam fuisse, vel ipsa inuidia fateatur necesse est. Audeamus igitur aliquid plus genio & ingenio nostro, ordiamurque magis verâ, quàm ornata oratione susceptum exequi munus.

Plinius in
Paneg.

Christiani & Catholici Regis virtutes recēsentī viro Ecclesiastico maxime conuenit, vt dicendi initium sumat à pietate, à religione, à constanti augendi & promouendi cultus Diuini studio. Hæc enim omnium virtutū esse prima, & præcipua fundamenta, impius sit, qui negauerit: super hanc basim feliciter assurgunt parietes cunctarū perfectissimarum actionum, cum nihil rite nihilque prouidenter homines, sine Dei immortalis ope, consilio, honore, auspicari possint. Nisi fortè quispiam, vt sunt hominū ingenia, obstrepere voluerit, & cæteras quidem virtutes æmulandas Principi non negauerit, pietatem religionemque priuatorum hominum occupationem esse contenderit. Talem talesque ego, si modò tanta impietas vllibi receptū habeat, extra orbis solisque vias reiecerim, & indignos iudicauerim, qui cōmuni aurâ, communibusque vitæ subsidijs, perfruantur. Regius Vates Spiritu Sancto afflatus, cum sciret plerosque Reges vel efferrī superbiâ, vt homines se esse vix meminisse velint; vel certè, quæ summa impietas est, pietatis studia cæteris actionibus postponere; vel accendi iracundiâ, vt ad crudelitatem exercendam prono ferantur impetu, ab hac amentia auertere eos conatur: Et nunc, inquit, Reges intelligite, erudimini qui iudicatis terram, seruite Domino in timore, & exultate ei cum tremore; Apprehendite disciplinam ne quando irascatur Dominus & pereatis de via iustâ. Intelligite, vos pari cum cæteris esse conditione, naturâ mortales, necessitate & lege fati mox morituros. Erudimini, nam etiamsi terræ sitis Iudices, etiamsi ius ex æquo & bono dicatis, etiamsi viam iustam tenere videamini: nisi tamen disciplinam non terrenam, sed cœlestem apprehenderitis; nisi Domino cum timore seruiertis; nisi tremantes laudes eius decantauertis, & nomen Sanctissimum, Maiestatem illam omni Maiestate maiorem, exaltaueritis; ex hac ipsa viâ, quæ vobis iusta videtur, ita decidetis, vt vos perijsse serò quidem, sed seriò sitis dolituri. Cæteræ virtutes (inquit Valerius Maximus) admirationis tantum-

tantummodò multum, pietas verò etiam amoris meretur plurimum. Ad hanc Serenissimum Regem nostrum, non factum, sed natum vidimus; hanc ex ipsis maternis traxit visceribus, hanc fluxit ex vberibus. Meritò Sanctus Gregorius, vel ipse potius Spiritus Sanctus, dum stupendum illud inuictæ patientiæ exemplar Iobum in terrâ Hus, quæ erat erroribus impijs infecta, natum refert, id illius laudi & præconio adscribit; quòd vir pius, inter impios conuersatus, pietatis tramitem non deseruerit: esse enim bonum inter malos, plus est, quàm si inter optimos optimus appareret. Non obfuit Sigismundo, imò profuit nasci in Regno Hæretico, & eo Patre qui ad suum arbitrium religionis causam reuocabat: blandimentis, quæ iuuenilem animum facilè commouerent vrgebat Pater, sibi gratum fore, si filius suæ sententiæ, vel opinioni potius erroneæ accederet; sed & minæ, & ipsa penè vis admota, stabile pectus loco mouere non potuit, sed vera seu ficta Senatus Suetici denunciatio, cariturum Regno nisi nouæ religioni nomen daret, id extorsit, vt in perniciem potius se daturum, quàm religionem Catholicam deserturum, profiteretur. Hæc admodum iuuenis, inter Hæreticos Magistros, ac eorum & Patris imperio obnoxius, iam matre sanctissimâ femina orbarus, illius tamen monitorum memor, dixit fecitque prudenter, constanter, religiosè. Tantis initijs totus deinceps vitæ decursus optimè respondit. Ita semper vixit Sigismundus, vt eius pietatem Summi Ecclesiæ Præsides laudarent, Reges Christiani admirarentur, Ciues amarent, hostes pertimescerent: ipse inter maxima positus pericula, ea vbique tutus parata vitæ discrimina inaudita felicitate euitavit, superavitque. Dum Christi religio, dum Ecclesia Catholica, dum sincera Euangelicæ veritatis professio durabit (quæ tamen omnia ad supremum totius vniuersi exitum duratura, Christus ipse spondit) extabunt in Poloniâ & Lithuanîâ nobilissima monimenta Sigismundi Regis pietatis, magnificentiæ, liberalitatis; Templâ Basilico opere structa, Aræ, Altaria, Diuorum Statuæ auro & argento fusæ, testabuntur Sigismundum Regem, neque erga Deum pietate, neque erga Sanctos Dei veneratione, cuiquam etiam maximorum & sanctissimorum Regum concedere voluisse. Loquetur & sponte agnoscat Polonia, quæ illo regnum auspicante magnam Senatus partem, vt inferiorum Ordinum homines silentio præteream, diuersis infectam hæresibus vidit, se propè vniuersam cum amplissimis Prouincijs suis, ad veteris Orthodoxæ & Catholicæ Romanæ religionis normam, paternâ & piâ tanti Regis curâ tractatam. Neque ille ad id efficiendum vllâ vi opus habuit: sola ipsius pietas, sola erga Deum religio, erga Sedem Apostolicâ obseruantia, mentis puritas, corporis castitas vnumquemque commouere poterat, ad obseruandum magnique estimandum tantum Principem, eiusque præstantissimas virtutes æmulandas: itaque pij regiminis dulcedine, adeò mox euntium hominum animos pellexit, vt ad sui exemplum penè totam composuerit Poloniam. Multa hac de re dici possent, multa adferri, quæ for-

tasse Catholicis viris grata essent; aduersariorum verò aures minùs iucundo sono ferirent: sed ille, qui dum vixit pietatis suæ actus Deo soli notos esse voluit, ne nunc quidem, vt in publicum proferantur velle admittere credendus est. Ad alia igitur transeamus: videamus vt cæteræ Regiæ virtutes semper quidem pietati coniunctæ, & in eâ fundatæ, in illo enituerint. Iustitia inprimis quam omnium virtutum Reginam meritò viri sapientes existimarunt. Agesilaus quidem Rex, cùm ab eo quæreretur, vtra virtus esset præstantior: Fortitudo an Iustitia? grauiter respondit: Fortitudinis nullum esse vsum, nisi adsit iustitia: quòd si omnes essent iusti, fortitudini locum non superfuturum. Quàm latè ea virtus pateat, & ad omnes publicas priuatæque actiones sese diffundat, nemini obsecrum esse arbitror: hæc honores dignis; hæc præmia meritis; hæc coronas immortalis gloriæ largitur fortibus; hæc bella definit; hæc pacem moderatur; hæc Principem intra præscriptos regiminis cancellos; hæc subditos in officio, socios in fide continet: hæc fontes punit, innocentes absoluit, excindit latrocinia, regna conseruat, Principes & Reges cælo inferit. Romanos olim rerum Dominos nihil magis nobilitauit quàm iustitia: eam autem non ciuibus tantùm, amicis & socijs, sed hostibus quoque suis semper seruandam esse censuerunt; eâ domi forisque, pacis belli que tempore constanter eminere contendunt. Mirari sanè licet tanti virtutem in illâ Vrbe æstimatam, vt eilatare non liceret; ab aratro & ligone euocabantur viri fortes: ijs summa imperia, ijs Dictaturæ deferebantur, amplissimi & clarissimi victoribus triumphus decernebantur. Veteranis & emeritis militibus ea quæ ad senectutem cum honore traducendam necessaria erant, publico sumptu abundè suppeditabantur: ijs qui in acie, pro patriâ vitam profudissent, honores, laudes, Statuæ, monumenta æterna deferebantur, proponebantur, consecrabantur. Ac vt omnibus constaret, non nisi per virtutem honores haberi posse; honori ac virtuti templum dicarunt, interiecto tantùm diuisum pariete, ita vt in honoris templum, nullum esset ostium, nullus nisi per virtutis templum, in illud aditus: virtus enim causa honoris est: honor effectus virtutis: illa meritum, hic præmium: illa radix, hic fructuosissimæ radicis fructus: sine virtute nullus verus, solidus, ac diuturnus honos esse potest, & qui honore priuat virtutem, is homines priuat virtute, vt Cato dicere solebat. Quid ego hoc loco de Sigismundi Regis iustissimi iustitiâ dicam? Percurramne omnes eius Imperij annos, & tempora? Non me eò demittam, vt cuncta rimer & peruestigem. Vos plerique testes estis illum nunquàm in mandandis Magistratibus, in decernendis honoribus, ita à scopo & suæ intentionis & Reipublicæ dignitatis aberrasse, vt eum hunc vel illum promouisse, vix vnquam poenituerit: magno & acri iudicio expendens & merita & onera, non facillè explicabat, quid decreturus, quem muneri publico admoturus esset: ita plerisque cun-

stantior

etantior visus, & qui interdum desideria ambientium longâ expectatione suspensa torqueret. Vix tamen accidit, vt præter communem opinionem quenquam vel dignitate ornaret, vel præmio afficeret. Sciebat enim optimè, quantum publicæ salutis & suæ dignitatis interesset, dignos Magistratibus præficere. Est malum (inquit Spiritus Sanctus) quod vidi sub sole, quasi per errorem gradiens, à facie Principis: positum stultum in dignitate sublimi, & diuites sedere deorsum. Antiochus Syriæ Rex, Medicum consilij sui præsidem fecerat. Ludouicus XI. Gallorum Rex, futuri suo Fetialis ac Internuntij; tonfori Legati; Medico magni Cancellarij partes detulerat: ea res ita commouerat Galliæ nobilitatem, vt parum abfuerit, quin Rex Regno excideret. Nihil tale vnquam admisit noster Sigismundus, ab omni eiusmodi forde alienus, fauebat quidem virtuti, fauebat industriæ, & vt olim Hannibal: Qui hostem feriet ille mihi Carthaginensis erit: sic optimum & dignissimum Ciuem eum existimabat, qui & in Sago, & in Togâ, vtilem Patriæ nauaret operam. Altera illa pars iustitiæ, quæ lites discernit; quæ noxios punit; quæ publicam quietem tuetur; quæ Ciuēs inter se mutuâ connectit charitate & concordia; quæ bella indicit; quæ fœdera sancit, maiori quidem ex parte non est nec fuit in potestate Regum nostrorum. Sic prisca instituta Maiorum, sic leges voluerunt, ne Rex priuato arbitrio arma sumeret: ne inconsultis Ordinibus noua fœdera feriret; ne in Ciuis Poloni caput, existimationem, bona, absolutâ potestate quidquam decernendi ius haberet. Quæ res fortassis ad frenandam libidinem Regum facta, in Sigismundo certè locum non habuit, cuius mite Imperium ac legibus libertatibusque Regni accommodatum, extra suspicionem fuit, vel maioris auctoritatis, vel liberioris potestatis vsurpandæ. Ille quidem, quantum ea res ad censuram eius pertinuit, quantum conando efficere potuit & in proprijs iudicijs, quæ Regiæ Iurisdictionis esse dicuntur, nunquam à tramite Iustitiæ se dimoueri passus est: & vt ij qui Regio nomine ius dicunt, quàm optimi iustissimique ac iuris cæteris peritiores legerentur, omni studio elaborauit. Dicam id quod sentio, bonâ ventâ aliorum dictum tamen sit: Interfui & præfui Iudicijs Supremis & in Aula Regiâ, cùm Vice-Cancellarij munus obirem, & in ijs Tribunalibus, in quibus ex Equestri Ordine lecti Iudices ius dicunt: hæc quidem non possum nisi laudare probareque, vtpotè quæ veram idem repræsentant synceræ & non contaminatæ libertatis; neque ampliùs latus existimationis meæ, quòd ab inuidiâ temerè petatur, patefaciam, nisi vt hoc fatear; Regia Iudicia & in Comitijs Regni, & in Aulicâ, vt vocant Iurisdictione, quæ Fisci, ac Ciuitatum iuri Magdeburgensi subiectarum, causis continetur, casta, pura, & integra esse. Ita voluit Sigismundus Rex, iustitiæ amantissimus & studiosissimus, ita ad recti Iudicij normam sese accommodauerunt ij, quos ille lateri suo assidere, quos summæ rei præesse, quibus existimationis suæ summam committere voluit.

Sed quid ille iniustitiæ admitteret, qui priuatas suas actiones ad Iustitiæ æquitatisque regulam semper componebat: qui simulatione & inani ostentatione comparere, indignum suâ existimatione putauit: qui semper id egit, vt qualis haberi vellet, talis esset? Nescio (inquit Sanctus Hieronymus) quomodo turpiora sunt vitia, cum virtutum specie colorantur. Si dissimulauerit, delinquit dupliciter: ait Spiritus Sanctus. Simulata enim æquitas, teste S. Augustino non est æquitas, sed duplex iniquitas; quia iniquitas etiam est simulatio. Sincere & ad regulam virtutis Regis nostri examinate actiones, ceterorum qui tum cum maxime fallunt, id agunt, vt boni viri esse videantur simulationes, damnant & sceleris Hypocritici conuincunt. Hic candor, & non fictæ mentis sinceritas, præclarissimas quasque Regis nostri actiones, heroicos ac diuinos pro Republicâ conatus, secundo semper euentu prosperabat: & quamuis primis eius initijs parum propitium fortuna vultum ostendere solita fuerit, vix tamen vnquam, aliquid maius aggresso, felix defuit successus. Admirationem summam excitabat in animis gentium & magnorum Principum constanter semper culta à Sigismundo fides, quam non modò ciuibus, sed hostibus suis semper religiosè seruauit: pacta & promissa rescindere, fidem datam immutare, semel alicui destinatum honorem vel beneficium ad alterum transferre, æquè insolitum illi fuit ac iurisiurandi sacramentum irritare. Audiebat Socratem prudenter Regem Nicoclem admonentem. Omni studio contende, vt tuis verbis maior sit fides, quàm aliorum iuramentis. Animo reuoluebat sacram Dei ipsius vocem apud Zachariam Vatem. Vnusquisque malum contra amicum suum ne cogitetis in cordibus vestris, & iuramentum mendacij ne diligatis; omnia enim hæc sunt, quæ odi, dicit Dominus. Meminerat quàm acerbis, iustas tamen pœnas subierit Domus & familia Regia Saulis, ob violatum ab eo datum populis Gabaonitarum, per Iosue Ducem Hebræorum, iusiurandum ob ademptum agrum, occupataque contra datam fidem oppida, ob cædem per Saulem factam. Septem ipsius nepotes Regius sanguis, patibulo publicè affixi, pependērunt; & per summam immanium cruciatuum acerbicatem, non suâ sed maiorum suorum culpâ contractum scelus, & sacrilegium, expiarunt. Videant cæteri Principes, ludere iuramentis assueti, quid vel ipsis, vel eorum posteritati immineat, quibus pœnis teneantur, quibus tormētis aliquādo tandem impia expiaturi sunt sacrilegia, etiam si nunc exultare videantur in scelere; etiam si perfidiæ suæ palam iactent stratagemata; etiam si prospero successu ferantur, & per summum nefas occupent aliena Imperia, sanguinem Christianum atrociter fundant, sacratas Deo Aras, Tempia, aditusque sacrorum sacrilego incestent ausu, eaque omnia impunè se perpetrare gloriantur: vna veniet dies, vna hora, vel potius minimum labentis temporis momentum, cum hæc omnia inanis gloriolæ & impiæ iactantiæ falsa ornamenta istis Trafonibus, sanguine Christiano

no saginatis, triste & supremum adferent exitium. Illine qui nunquam Christiani nominis hostem in acie viderunt? qui pedem domo, nisi ad infestandas Christianas Prouincias, ad accipienda occupandaq; Regna non extulerunt? qui quotidie impias societates, impia foedera cum Turcis, cum Barbaris ferunt, ut eorum rabiem in Christianos accendant, suamque tam turpi subsidio Tyrannidem stabiliant? Illine inquam, quidquam veræ laudis, veri decoris sibi, etiam si integra laudatorum ad adulationem compositorum agmina aduocent, usurpabunt? Sed nos ad nostra redeamus, atque à Iustitiâ ad Clementiam transitum faciamus. De qua ut aliquid dicerem, cum multa præclara eius virtutis specimina quæ in omnibus Sigismundi actionibus enituerunt, tum vel maximè una eiusdem Regis vox me impulit. Nam cum errore quorundam Regis imperium fastidientium, ad arma ventum esset, aciesque eunti Regi, sub nomine eorum qui tum libertatis patronos se ferebant, structa & armata opponeretur: acri, sed breui prælio res confecta fuit, paucis caesis, reliquis aduersarijs in fugam actis. Suadebant nonnulli è fugâ retrahendos eos, qui Principes eius erroris erant: Sed Rex, absit hoc inquit, ne dum paucos noxios confectamur, innocentes multi pereant. Digna sanè vox quam omnes Reges, omnes Principes audirent: quæ in pectoribus eorum qui cæteris præsunt figeretur. Vox pietatis, vox clementiæ, vox mansuetudinis. Nemo eorum qui in aduersa acie steterant, erat, cui non hostilis esset in Regem animus, cuius non parricidij rea mens, qui non primus hastam aut gladium Regio sanguine tingere cuperet: omnes tamen Regio ore, parricidij scelere exoluti, omnes pronuntiati innocentes, non quia nocere nolissent, sed quia non potuissent. Certabatur adhuc, & bellum feruebat, fugiebant hostes mox bellum renouaturi: sed Sigismundus & iniuriæ, & periculi immemor, memor clementiæ, sisti acies iubet, militem ne Ciuem feriat, ne capita aduersariorum præcidat, seueris cohibet iussis. Commemorare possem multa alia eodem temporis momento Regiæ clementiæ argumenta: eos qui pessimè erant de Rege locuti, qui scriptis eius nomen lacerarunt, qui ante ipsum conflictum in pectore Regio se defixuros hastas promiserant, captos, & in potestatem Regis redactos, non solum honestè habitos, verum etiam statim dimissos; omnium quicumque in acie ceciderant, humata corpora: his qui aut vulnera acceperant, aut vestibus spoliati erant, nihil defuit; nam & Medici præstò erant, & Rege auctore, milites passim detractis sibi vestimentis necessitati spoliatorum subueniebant. Dies quidem illa quâ pugna commissa est, funesta bonis omnibus, tristis admodum ipsi etiam victori Sigismundo esse poterat, sed ad immortalitatis gloriam, ad famam inauditæ clementiæ eidem conciliandam, maximè accommodata. Vicit Sigismundus, non armis sed clementiâ, remisit iniurias, omnem animi offensam deposuit, cunctos ad gratiæ suæ sinum admisit, duobus non postremæ notæ, qui dissensionis illius ciuilibis, veluti

quidam litui erant, non solum erroris veniam dedit, verum etiam alterum ex ijs, summis excoluit honoribus; alterum si superuixisset, si non vitæ summa brevis spes ipsius præcidisset, non minoribus honoribus & dignitatibus aucturus ornaturusque. Tanta quidem huius virtutis laus est, ut Romanæ eloquentiæ Parens meritò dixerit: Homines ad Deos nulla aliâ re propius accedere quam salutem hominibus dando. Quam multos Sigismundus Rex suâ clementiâ flexit! ut cum prius Regijs actionibus & destinatis obsisterent, mox mutato animo, eidem adhæserint, præclarosque ipsius pro Republicâ conatus studio operaque sua adiuuerint. Verecundiam enim (inquit Seneca) facit ipsa clementia regentis. Utque frequentia eorum qui sub curâ & manu Medici salutem quærunt funera Medico dedecori sunt: sic Principi quotidiana odia subditorum. Sacra quidem Scriptura Regis thronum clementiâ & misericordiâ roborari, verissimè asserit. Et Seneca errare eum dicit, qui existimat tutum ibi esse Regem, ubi nihil à Rege tutum est: securitas, securitate mutuâ paciscenda est. Vnum est, inquit, idemque inexpugnabile munimentum, amor Ciuum. Quid pulchrius quam viuere optantibus cunctis, & vota non sub custode, sed palam nuncupantibus? Optimè Agasides Lacedæmoniorum Rex cuidam quærenti, quomodo tutò sine satellitibus regnare posset, respondit: Si ita popularibus imperet; ut liberis pater. Quod si clementia Ciuibus grata est, quid si eadem conspiciatur hosti præstita, quantam admirationem in animis hominum excitat? Suicius qui summam rerum in Molchouiâ tenuit, captus, & ex dignitate personæ vnâ cum fratribus honorificè habitus, cum fato diem extremum obiisset vitâ functus, non sepulchro sed Mausoleo à Sigismundo victore, victo hosti magnifice erecto, illatus, & ad perpetuam clementiæ memoriam condecoratus est. Non attingam cæteras virtutes, non quod existimem eas Regio decori non conuenire: sed quia ita in omnibus Sigismundi actionibus fulsere, ut vel inimicorum perfringerent oculos. In maximis quibusque periculis, in ipso vitæ discrimine, nullus vnquam eum vidit ita commotum, ut serenitatis vultum immutaret, ut non ab animi præstanti magnitudine consilium sumendum censeret. Monitus in prælio Guzouienfi, ut perturbatâ dextræ partis exercitus acie, ad laeuam quæ immota stabat signum Regium transferret, Ducibus idem suadentibus, constanter vultu renidens, ne ad vnum quidem palmum terræ loco quem ceperat se mouere voluit. Ad Lincopiam in Sueciâ arte Caroli circumuentus, & à Suecis desertus, cum paucis qui fidem seruauerant, Regemque & Polonos pro Rege mori paratos, & vitæ discrimen, non multitudine hostium, sed virtute suâ metientes, non deseruerant, urgente Carolo, pugnæ copiam fecit, atque in primâ acie, quæ tormentorum ictibus petebatur, stetit imperterritus; multitudinemque hostium & impetum longè maioris exercitus, virtute suâ sustinuit. Nec illud silentio transmittere possumus, cum Sigismundus sub alterum ex Sueciâ disces-

sum

sum Culmariensem portum peteret, vique ventorum naui, quæ Regem
vehebat, in breuia adaëta & inuersa fatisceret, periculumque esset, ne
compagibus solutis mergeretur; cymba vna superfuit, quâ Rex ad littus
euadere & salutis suæ consulere posset; quam cum esset conscensurus, &
aliquot vel timidiore vel audacior in eandem se demitterent, unusque
ex ijs quibus Regiæ salutis cura demandata fuit, strictis armis ab exscen-
su eos arcere vellet; Desine, inquit Rex, & vnumquenque salutis suæ,
quam quiuisti æstimat, quanti & ego, & vos meam æstimatis, con-
sulere. Quid memorem alia? Magni quidem momenti negotia semel
aggressus, nunquam deseruit, metu vel terrore denunciati etiam pericu-
li: sententiam nunquam mutauit; obstinatio alij visus; sed virtutes eius
expendentibus, fuit semper constans & inuictus. Quidni talis esset, qui
non solum hostium, sed quod præstantius meritò habetur, sui ipsius
semper victor extitit? Legimus magnos Reges, & summos Imperatores
expugnatis victisque hostibus, per summum dedecus, libidini & intem-
perantiæ succubuisse. David Rex, nisi adulterio domum polluisset, sine
vllâ exceptione ipsius Dei ore laudari potuerat. Ad Ticinum, ad Thra-
simum, ad Cannas, Hannibal toties Romanorum victor, Capuanis
mollioribus hybernis concidit. Alexandrum Magnum, post deuictum
orbem propè vniuersum, Babylonicæ illecebræ occiderunt. Eandem ob
causam amissa Regna, euerfa Imperia, excisas Vrbes, nulla ætas fuit quæ
non viderit; nulla natio quæ tristi experimento non senserit. Sed non sen-
sit, regnante Sigismundo Polonia: purus castusque & ab omni illecebrâ
concessæ voluptatis alienus, etiam iuuenis vixit: iuuenis inquam ætate
& formâ præstantissimus, natu longè maioribus, puritatis castitatisque
exemplo præiuit: virgineus in Regio vultu nitor, in sermone verecundia,
in omni actione ingenuus pudor, ciuibz externisque cum admirandum
& venerandum exhibebant. Faciliùs crescit quàm inchoatur virtus. Sum-
mum fuit in Sigismundo prima nascentis crepundia castitati consecrasse,
eo iactò fundamento, cætera creuerunt, & felicissimè adhæserunt: casto
castissima obtigerunt matrimonia: rara ea prosperitas, & rarò visâ. Pudet
paulò antè præteriti temporis; viderunt certè Patres nostri ab Augustâ
Domo duas Reginas huc deductas infeliciter nupsisse. Vidimus nos ea-
dem familiâ ortas, Imperatorij sanguinis duas Heroides, pias, pudicas,
optimas, sanctissimas, quæ non modò dum viuerent admirationem
quandam in animis nostris excitarunt, sed etiam tantâ relictâ prole, iam
vitâ functæ, suâ fecunditatè, ne ampliùs dicam, vt meliùs sperare in po-
sterùm possimus effecerunt. Optimus maritus Sigismundus; optimæ
priori vxori, par successit secunda: eadem vtrique virtus, eadem fecun-
ditas; idem erga Maritum amor, eadem obseruantia; ex vtraque vxore
suscepti liberi, ita educati formatique vt eodem vtero editi videantur.
Grandis hæc felicitas & vix aliquando audita è duobus Matrimonijs Na-
tos ita coaluisse, & ad commune decus promouendum conspirasse, nul-
lum

lum æmulationis, nullum ambitus, nisi qui fratri natu maiori ad Regnum aditum patefaceret, vestigium. Quatuor fratres summo & ipsi loco digni Regis filij, in frequentissimo ordinum confessu, in publico Electionis Conuentu, Fratris causam egerunt, orarunt, imperaruntque. Tantam concordiam, tantumque ad commune bonum consensum vix vnquam vlla vidit ætas. Fateamur necesse est bono Reipublicæ natos; nec grauem esse nobis hanc prolem, quæ licet numerosior videatur, quadam tamen synceræ concordie vnitate ita coaluit, vt omnes, quales olim Geriones in Hispaniâ fuisse non temerè antiquitas finxit, vnâ animâ viuere existimari possint. Horum virtuti quid vnquam arduum aut difficile esse poterit? His Regna, his amplissima debentur Imperia; illorum patrociniis, illorum tutelæ aliquando orbis vniuersus deuictis Barbaris salutem acceptam ferret, & veluti monstrorum domitoribus honores æternum manfuros decerneret. Sed nos paulò altiùs euecti, vela contrahamus & ad nostrum redeamus Sigismundum, quem diuinitus Reipublicæ nostræ datum, si quis & conditionem illorum temporum, & Interregni, quod Stephani Regis mortem subsecutum est, turbulentissimum statum, animo diligentius expendit, facillè agnoscet. Vt cætera silentio præteream, in ipsis Electionis noui Regis Comitibus, binæ acies infestæ sibi; altera viribus ferocior, & externo milite ad opprimendam patriam conducto armata; altera causâ melior, in campo steterunt: summum periculum erat, ne orbata tutore & Rege Patria, Ciuilibus armis discerperetur: aliquoties instructis exercitibus, iam iam congressuros, secreta quadam fati vis, à mutuo exitio coercuit. Candidati Regni vacantis ex præcipuis Orbis Christiani familijs comparebant; crescebat in dies ambitus, ingentes commoditates & vtilitates, ijs qui Regnum sibi deferri petebant promittentibus; plerisque etiam, heu dedecus patriæ! quâ spe, quâ præmijs allectis, operam suam ad perniciem patriæ externis Principibus pollicentibus. Leuiori manu Sigismundi causâ primò agebatur; & Legati eius (nam ita Pater mandauerat) materna potiùs iura repetebant, Electionis prærogatiuâ cæteris cedere, aut saltem non multum obniti videbantur: nullo fructu, & nullâ propè spe felicioris successus, consilia tractabantur: vis & arma in Comitio valebant; homines pacis & concordie cupidi, prodire in publicum vel non poterant, vel non audebant. Non deerant quidem nonnulli, qui in Sigismundum propenderent: Regina Anna eius Matertera, non obscure illi suffragabatur: Domus Iagellonicæ propè vltimus sarculus Magni Sigismundi Primi nepos, Regis Augusti Sorore natus in ore omnium erat. Sed reputantibus alijs, quantum ille opis & auxilij, contra potentissimos competitores, quos bello & armis quaecunque ius suum vrsuros apparebat, esset allaturus; metus quidam obuersabatur oculis, ne si iuuenem, adhuc nullis maioribus fultum viribus Regem dicerent, aduersariorum potentie succumberent. Magnus ille Ioannis Zamoscij Magni Cancellarij & exercituum Regni Supremi Ducis animus, & mens tantæ molis

molis capax, rebus fluctuantibus ac penè perditis remedium attulit. Namque is suis, quas in vsum Reipublicæ parauerat, aduersariorumque viribus ac copijs expensis, animaduertit, minimâ popularitatis & communis fauoris accessione ijs qui externis freti auxilijs minabantur, ac vim intentabant, se si non superiorem, certè parem futurum, eorumque audaciam & temeritatem facilè repulsurum; inito cum Stanislao Karnkoui Archiepiscopo Gnesnensi Regni Primate, cum quo cæteri Episcopi, vno aut altero excepto, idem sentiebant, & cæteris Senatoribus, quibus temerarij aduersariorum ausus displicebant, consilio; ex omnium sententiâ ab Archiepiscopo Gnesnensi, quem inter præsidia sua, ne vi armata ab instituto prohiberetur, receperat, more institutoque Maiorum Sigismundum Regem renunciandum curat. Audito Sigismundi nomine, noua quædam lux affulgere visa; pauere aduersarij, assurgere animis ijs, qui bonarum partium erant; vniuersa expers factionum Nobilitas, suffragium huic vni deferre. Videres nuper incessos milite campos, vexillis pacis & tranquillioris spei impleri; omnes nomen Sigismundi occinere, omnes eius auspicijs insigniri. Itum est Cracouiam, & hæc Vrbs in quâ Reges Poloniae auspicato imperia ordiri solent, iustis munita præsidijs. Viueres etiam nunc Zamosci, fatereris profectò id quod sæpius testatus es, te in omnibus concertationibus, in omnibus prælijs Sigismundi Regis fortunâ fretum, pro Patriâ caput tuum omnibus obiecisse periculis. Nondum illum videras, cum Germanicas legiones Cracouiae imminentes cecidisti, reliquos in fugam egisti. Urbem Regiam obsidione soluisti, Sigismundo deinde Cracouiam tenente, & feliciter coronato, tu iterum cum exercitu profectus, Archiducem Maximilianum, Imperatoris Romanorum filium, Imperatoris fratrem, in finibus Silesiae vires reparantem; & iam præter Germanos & Polonos, Hispanicis ac Hungaricis copijs auctum, supremumque exitum Patriæ minitantem, ad Byczynam affecutus, vicisti, debellasti, Archiducem ipsum cum præcipuis quibusque magni nominis iuris deditione in Sigismundi potestatem redequisti. Longum esset recensere omnia; per occasionem attingam nonnulla. Quantæ molis erat eo tempore Regnum Poloniae capeffere! quæ domi forisque imminebant pericula, animus ipse meminisse horret. Vniuersum Regnum in diuersas scissum factiones, iuuenili (nam Sigismundus cum Rex legeretur, vigesimum primum ætatis annum agebat) consilio restaurari, & tam dissentientes voluntates ciuium ad concordiam reduci posse, quis crederet? Iuuenis, vt dixi, erat Sigismundus, mores & instituta nostra nondum nouerat; multorum consilijs, dum sibi quisque studet, distrahebatur: sed inerat animo illius, plus quàm humana prudentia, Rege magno digna modestia, virginei pudoris decor, religio, pietas, quæ Deo inprimis, tum & hominibus amabilem illum reddebant, omnibus eius actionibus, felices ac prosperos conciliabant successus. Itaque intra vnius anni decursum, & cum Serenissimâ Domo Austriacâ, cū summa

summâ Regis & Regni dignitate transactum, dimissoque Archiduce Maximiliano, pax constituta, amicitia etiam perpetuò duratura sancita, & ijs qui ad Austriacos fauorem in Electione flexerant, venia erroris, Regis clementiâ, ac publico Comitiorum Regni decreto data. Sic concordia, sine quâ Regna esse & stare non possunt, stabilito firmatoque Imperio, eam de se excitauit Sigismundus opinionem, ut ipsius inijs felicissimos regiminis spoderet successus. Frustra minis & bellico apparatu terrere eum voluerat Turcarum Imperator Amurates III. Nam per Tartaros bellum orsus mox expertus est non cedere animo Sigismundum, sed paratum esse, vel in ipsius hostis ditionibus, quærere hostem. Cessauit illa procella, & cæteri vicini ad pacis studia animos flexerunt: pactæ cum Moscho induciæ; firmata cum Turca pax. Suecia denique morte Ioannis Regis iure ipso naturæ & successionis beneficio accesserat Imperio Sigismundi: ritè institutoque Maiorum Regni illius paterni & hæreditarij habenas capeffiuerat, iuriurandum à Suecis seruandæ fidei acceperat, pari sacramento se eisdem obstrinxerat. Felix erat Suecia tali Rege, tali pace; sed ambitio & Regni cupiditas corripit omnia, Carolus Regis Patruus, per eius absentiam, primò leui manu attrectare cœpit clauum Regni: mox totum ad se traxit Imperium per summam impietatem abdicatione nepote. Hinc bella in Liuoniâ, quam Carolus inuaserat, orta; & per aliquot annos satis à nostris feliciter gesta. Fugatus aliquoties Carolus; in Kirchholmensibus verò campis, virtute Caroli Chodkieuicij Supremi pro Magno Ducatu Lithuaniae copiarum Ducis, ita cæsus, ut penè vniuerso amisso exercitu vix ipse fugâ euaserit. Sed nihil acerbius Sigismundo erat, quàm strictos in sua viscera vertere mucrones; gentem in quâ & ex quâ natus est, alieno errore à se abductam bello persequi: itaque quantum potuit, quantumque illi licuit, à supremâ vi abstinuit. Hinc aduersæ partis creuit audacia, & Carolus malè partum Regnum, filio suo Gustauo, olim pœnas violati familiæ suæ domestici fœderis daturus iniquè possidendum reliquit. Cætera ut successerint, ut in Liuoniâ, ut in Prusiâ, & quo euentu bellatum fuerit, res tanquam nuper gesta, hæret in recenti omnium memoriâ: & Gustauum cladis aliquoties acceptæ, bisque ictu sclopeti propè lethalibus vulneribus cruentati sui corporis puto dum viueret non fuisse oblitum. Inuitus hæc commemoro, gratiora illa & magis pleno prædicanda ore, quæ Sigismundus in vindicando iure Regni, ac interceptis ab hoste Moscho Prouincijs repetendis summâ cum laude feliciter gessit. Gens feritate barbara, religione superstitiosa, fide ambigua, nec magis telis, quàm suo cœlo, suo sydere armata, quæsitum Maiorum nostrorum sanguine Reipublicæ patrimonium, fraude & prodicione interceptum inuaserat. Non annos, sed sæcula acceptæ immanis iniuriæ numerabamus; penitus iam ea macula infederat in animis nostris; nec immeritò existimabamur bellicæ laudis & decoris possessione, cessisse hostibus. Regis Stephani præclaros quidem & prosperos conatus mors inopi-

ria interuerterat : Sigismundum ne statim à suscepto Regno bellum aliquod ordiretur, quorundam nimium pacis amantium consilia arcuerāt, quanquam & ille eo semper esset animo, vt exultimaret Regium esse, nec prouocare bella, nec timere. Extincto per summum scelus tanti Imperij vnico reliquo herede Demetrio, summam rei ad se traxerat Hodunus, homo in Moschouia non magno loco natus. Fraus diu latere non potuit, extitit vltor ficti nominis Demetrius, ad cuius famam Hodunus scelere vecors, nefaria innoxij pueri caede pollutus, excidit Imperio. Nec impotitoris diuturnum Regnum esse potuit, quamuis vt id stabiliret quorundam Polonorum auxilijs niteretur. Pepigerat dum in Polonia esset Marinae Georgij Mnizek Palatini Sendomirientis filiae nuptias, statimque reuam in Moschouia potitus publico Procerum, vt gentis mos est, consensu, expediuerat in Poloniam Legatos, qui & à Rege & à patre sponsam dari peterent, eamque in Moschouiam honorifice deducerent, Regem ipsum, & plerosque Proceres, sponsae consanguineos, ad nuptias inuitauerat. Rex per Legatos officio functus; reliqui eò profecti, magis ad nuptias quam ad bellum, neque enim aliqua fraudis subesse poterat suspicio, publica fide, publico vniuersae eius gentis assensu interpolita. Vt rem in pauca contraham, in ipsis nuptialibus sacris, Moschi auctore Suiscio conspiratione facta, tumultuque excitato illum ipsum Demetrium suo arbitratu strangulant. Dicant sanè ij iure à se factum, Tyrannum impostoremque sublatum. Sed quid innoxij meruerant hospites, in quos immani sauitum est caede? Legati Regij, iure gentium sacri, cur arcta & intami circumdati custodia? erat ea iusta belli causa, & vltor poscebatur, qui & atrocissimae vindex esset iniuriae, & iniquè ac nefariè à Moschis usurpata iura repeteret. Sed ne quid temere aut inconsultò fieret, missi qui iniuriam nomini Polono factam, qui Legatos violatos quererentur, qui denique res & homines interceptos clarè repeterent. Hi quoque sine honore habiti, & serò admodum dimissi: itaque quod iustis rationibus obtineri non potuit, bello & armis repetere visum. Arx Smolensensis nostri olim iuris obsidione cincta, immissus in remotiores Moschouiae Prouincias miles, caesi hostiles exercitus, deditione in potestatem reductus Suicius, Regia ipsa Moschouiae Vrbs milite Polono inessa. Tu Vladislai Princeps omnium eius gèris consensu Rex & Imperator lectus dictusque, in tuam fidem tota videbatur venisse Moschouia; Smolenscum denique captum: tam magni momenti, & tam praeclaræ res biennio cōfectæ & totus triumphatus Septemtrio. Cur deinceps versa retro fortuna fuerit, fidelisque parum fidæ gentis nutauerit, magis silere libet, quam vulnera Reipublicæ parum gratâ manu attrectare. Manet tamen manebitque semper inclyta memoria clarissimarum Sigismundi Regis victoriarum, quibus & ius Regni asseruit & inolitam opinionem quasi eius gentis potentia nobis formidabilis esse posset, penitus ex animis omnium exemit. Quid ego alia bella & praelia commemorem? coërcitam

Nisouij militis sæpiùs licentiam : oëties ampliùs fusos fugatosque excus-
 sâ quam raptim egerant prædâ , Tartaros : Michaëlem Transyluanix
 Moldauixque Principem , multarum gentium victorem , qui Turcicæ
 etiam potentix imminere , & formidandus esse videbatur , victum &
 Moldaviâ exactum : Aaronem Valachiâ pulsum : Domui Mohilanæ in
 Valachia & Moldauia armis ius assertum? Hactenùs quidem vis Turca-
 rum ita illibata steterat , vt posteaquàm illi arma & Imperium in Euro-
 pam transtulissent , in omnibus ijs prælijs quibus ipsi eorum Ottomani-
 cæ stirpe orti Imperatores præfuerunt , semper victores euaserint. Sigis-
 mundus Imperator idemque Hungariæ & Bohemiæ Rex , coniunctis
 cum Ioanne Duce Burgundiæ viribus , primus arma Turcica maiori
 quàm vllus vnquam exercitu ad Nicopolim irritare ausus , tam tristi pu-
 gnauit euentu , vt & Burgundus in potestatem barbari hostis venerit , &
 Imperator vniuerso amisso exercitu vix piscatoriâ exceptus scaphâ igno-
 ratus quis esset solis latebris tutus , turpi fugâ euaserit. Vladislaus Iagiel-
 lonides , noster & Hungariæ Rex ingentis animi iuuenis prospero qui-
 dem aliquoties successu bella Turcica tractauit ; sed postremò Amurati
 Turcarum Imperatori ad Varnam congressus , etiam si initio pugne bar-
 barorum agmina cecidisset fugassetque , ac ipse cum delecto Polonorum
 robore in primâ acie versaretur , ipsumque Amuratem voce & manu
 posceret , & iam acinacem in eum stringeret , concursu prætoriani militis
 oppressus , iam penè victor & in ipsâ victoriâ Regium effudit spiritum.
 Solimanus in campis Mohacensibus , Ludouico Rege Hungariæ cæso ,
 septies circiter fortunam belli cum potentissimâ Domo Austriacâ quæ
 statim à morte Ludouici possessionem Regni Hungariæ adire conten-
 dit , experiri voluit : sed nec Buda intercepta , nec Vienna obsidione cin-
 cta , nec deleti aliquoties Germanorum exercitus , elicere potuerunt po-
 tentissimos Germaniæ & Hungariæ Reges , qui viuente Solimano vixe-
 runt , vt in campum & aciem descenderent , vt pugnx copiam facerent.
 Nostrâ memoriâ Archidux Maximilianus Rudolphi Imperatoris , fra-
 tris sui auspicijs , & trium exercituum Germanici , Hungarici , & Transyl-
 uanici , virtute ac robore fretus , cum Mahumeto III. qui paulò antè A-
 griensem Arcem , hactenùs inexpugnabilem creditam , vi expugnaue-
 rat & ceperat , ad Chereſteſsum signa conferre ausus , iam vicissè videba-
 tur , nisi Tartarorum audaciâ circumuenti Christiani milites , cùm se &
 à tergo , & à fronte peti , cædi que viderent , solutis ordinibus loco moti
 hosti victoriâ concessissent. Scilicet non erat in fatis vt gloriam victi
 aut coerciti Turcarum Imperatoris quisquam alius delibaret : integra
 & solida Sigismundo Regi Poloniæ seruabatur. Tu quoque Vladislæ
 Princeps arcano Dei decreto destinabaris , vt in partem huius gloriæ &
 fortunæ venires. Nunquam certè maioti vi vniuersa barbaries conspi-
 rauerat , in perniciem rei Christianæ. Iuuenis admodum Princeps , &
 odio fidei Christianæ , & immensâ gloriæ cupiditate incensus præcipiti
 ambi-

ambitione ferebatur, in eamque venerat opinionem, ut primo impetu se nomen Polonorum deleturum arbitraretur. Somniabat deinceps alia regna, alia imperia, & Poloniâ armis in suam redactâ potestatem, nullos Europæ angulos, nullos recessus sibi non peruios, nullam urbem, nullam arcem, nullum munimentum suis viribus non cessurum rebatur. Eâ impotentis & ferocis animi audaciâ elatus, ad Europæi militis quem ex omnibus Provinciis & præsidij euocauerat, experta maiorum suorum bellis robora, Asiaticos Africanosque exercitus adsciuerat: quadringenta equitum pedumque millia numerabantur. Aderat Tartarorum Imperator, centum viginti millibus comitatus, & ad longè lateque spargendam vastitatem, incendia & cædes miscendas, instructus paratusque. Tres integros annos ad parandum bellum aula Turcica impenderat: nulla alia tanto temporis spatio Purpuratos Osmanicos magis cura torserat, nisi ut quisque paratissimus compareret: tanta armorum copia, is belli apparatus, tot maiora ad quatiendos muros, tot minora ad campestem stragem edendam ænea tormenta, in exercitu erant, ut si quis ea recensere vellet, fidem eorum qui hæc non viderunt excessurus putaretur. Tantæ moli impendentis grauissimi belli quid opponeret Sigismundus, aut quam opem imploraret, quem in societatem periculi adscisceret? Æstimantibus certè eius temporis Reipublicæ Christianæ statum, ingens quidem summi exitij discrimen apparebat: spes verò prosperioris successus nulla affulgebat. Summus Pontifex, preces & Vota sub quorum patrocinio tutò constitit salus nostra, libenter deferebat. Ferdinandus Imperator domestico implicatus bello de summâ rei in certamen trahebatur: vniuersa Domus Austriacæ potentia nutare videbatur. Galliæ Rex, cuius inuicti maiores militaris gloriæ decus potissimum bellis Asiaticis nomini Gallico & posteritati suæ parauerant nihil bella aut pericula Turcica ad se pertinere aiebat. Hispanum res Austriacæ Domus in Germaniâ minùs secundæ distrahebant. Archidux Austriæ Albertus, pro Rege Hispaniæ in Belgio summâ cum potestate gubernator, in ipso vitæ exitu, quantum Reipublicæ Christianæ cuperet, quantoperè communi periculo commoueretur, luculentâ animi testificatione declarabat, & se ea omnia quæ in suâ essent manu facturum ostendebat. Reliquorum Principum Catholicorum fauor in aperto, subsidia in obscuro, vel nulla apparebant. Exijs qui de religione Christianâ aliter quàm Orthodoxa & vniuersalis Ecclesia Romana docet sentiunt; solus Serenissimus Iacobus Magnus Britanniæ Rex vidit periclitante Poloniâ vniuersam Remp. Christianam in summum venire periculum; solus ad ferendam opem studium operamque suam detulit; solus peditum lectissimorum cohortes, in suo regno cõscriptas, & suo stipendio auctoratas mari expediuit, & venisset ea manus satis opportunè, nisi in portibus Danicis fuisset retenta. Reliqui omnes eius sectæ Principes gauisuri etiam interitu nostro credebantur. Gustauus certè Suecorum Rex non aliter ac si crudelissimi Turcarum Tyranni

ranni iuratus satelles , ac Machumeticae impietatis promotor esset , tum vel maximè nos oppugnabat, nobisq̃ue perniciem & seruitutem à ceruicibus Christianorum arcentibus & amolientibus , ille per eam occasionem Rigam, totius Liuoniae ciuitatem primariam, & portu nobilem expugnabat; Liuoniam iuris nostri Prouinciam, caede & incendijs vastabat. Nihil dico quo in statu tū res nostrae essent : accepta superiori anno in Valachia clades, alter è Ducibus captus , cæsus alter , veterani militis flos & robur vno proelio concidisse videbatur. Quis non attonitus stupeat, Sigismundum Regem solâ diuini auxilij fiducia fretum, neque tantis quæ imminabant periculis, vel motum vel territum, sed maiora quàm quicquam suspicari posset ausum, Heroici animi magnitudine , hostibus perniciem , Patriæ salutem, sibi immortale decus peperisse. Summâ celeritate scripti paratique exercitus , non ij quidem à quibus victoria sperari posset , sed qui potentissimi hostis ferociam morarentur: & ille Bizantio profectus, adeò celeri cursu difficillima Thraciae itinera superauit, vt longè citius , quàm sperari potuerat , traiecto Istro , in ipsâ constiterit Valachia; mox viribus cum Tartaro coniunctis, pari celeritate ad fines Poloniae properauerit. Sed iam Chodkieuicius, cui summa rei commissa fuit , iam Stanislaus Lubomirscius, Polonicarum copiarum ductor, ambo magni viri, ambo bellicis facinoribus illustres, fines quibus Valachia à Polonia diuiditur, transgressi, in hostico ad Chocimum, audaci, sed felici consilio Castra posuerant. Tu quoque Serenissime Rex , paulò post Paternorum tuorumque quibus te superni fauores circumdabant, auspiciorum felicitatem Castris, eò à Patre missus, intuleras, omnium in te oculos conuerteras, animos fells, & de euentu sollicitis addideras, hosti qui te venisse statim sentit, metum incufferas. Interea dum Pater maiori vi bellum molitur, totiusque Regni robore excito, vniuersam in aciem ducit Poloniam: res Tuo ductu, Tua felicitate præclarè gesta ; infestatae diurnis nocturnisque incursionibus Turcicae stationes , sæpius hostis iustâ acie fusus , sæpius ab oppugnatione Castrorum cum ingenti clade reiectus, cum semper deteriori conditione suos intra munitiones reciperet , postquam Sigismundum propè iam adesse intellexit , spem quam capiendæ expugnandæque & in suam potestatem redigendæ Poloniae conceperat , deposuit. Videbat supra sexaginta millia suorum militum , qui ceteris audentiores fortioresque putabantur , ferro cæsa ; longè maiorem numerum belli & temporis incommodis absumptum , iumenta omnia corrupta ; stratos hominum equorumque cadaueribus campos. Denique venire Sigismundum felicissimum magnorum bellorum confectorem, se victum fassus, irritosque suos conatus quod nulli vnquâ Turcarū Imperat. accidit, deplorans: conditiones quibus bellū finiretur, accepit; prior Castra mouit, vt nostris signa victricia & arma tenentibus , tergo abeuntis , & impedimenta deferentis hostis, gloriosè illudere licuerit. Sint, vt fortasse non desunt, qui partæ eo bello gloriae detrahant ; qui virtuti Sigismundi Regis obmussitent ; prodeant,

deant, & aliquem vnum Christianum Principem, vel Imperatorem proferant, qui Turcicas vires tam audacter fregerit; qui ab aditu Regni ferocem Tyrannum tam feliciter arcuerit; qui ne vnico quidem terræ palmio, cum qui semper, vel integra regna, vel munitissimas arces, expugnare & intercipere solitus fuit, ditionum suarum potiri permiserit; qui hostem vincere affluctum, vinci posse tam prospero successu docuerit; qui denique tot barbarorum millibus deletis Turcarum, victoris titulum magis verè vsurpare possit. Dixi paulò ante, hoc decus Sigismundi Regis, & nemini alteri commune esse & fore; dico iterum eandem deuicti Orientis laudis hæreditatem inclyto eius sanguini deberi, ad cuius nomen vniuersa horret barbaries, quibusdam, illisque non obscuris coniecturis sibi inde exitium imminere prospiciens. Sed quid agimus? obliti videmur præsentium, rimati futura? Reuocat nos ad se Sigismundus Rex tristi quidem & lugubri funeris sui pompâ, pares animorum affectus merito à nobis exigens, cæterum morte felici, & bonis omnibus exoptando exitu mentes nostras exhilarans. Nam vt nullus vnquam hostis vidit Sigismundum, dum vixit vel periculo pauentem, vel supplicem: ita & ipsa supremi fati necessitas, promptum paratumque eum reperit ad parendum Diuinæ voluntati. Iam penè corporis vires omnes conciderant, iam inualecente vi morbi hebetati sensus agrè sua munia obibât; viuida tamen mentis, vigor idem erat; sermo nullus nisi cum Deo, aut de Deo; vultus securæ & innoxie mentis testis; totius corporis honestissima compositio, nullo mortis metu eum terreri, nullis dolorum acerbitatibus vinci & frangi testabatur. Sic cessit è vitâ, vt ij qui ab exilio redeunt, in Patriam lætus hilarisque. Semper quidem, dum vixit, toto animi conatu contendit, vt in hunc supremi exitus casum paratus esset: cæterum cum eum imminere sentiret, nullos alios vel libentiùs vidit, vel faciliùs admisit, quàm eos quibuscum vitæ & salutis suæ rationes conferre solebat: has quoque moriens ita accuratè expendit, vt si Christianæ modestiæ immemor foret liberè dicere potuisset, quod olim Titus Vespasiani filius, se nullius sceleris conscium cedere è vitâ. Nos certè id de eo credere conuenit: namque Christiano ritu, vt S. Ambrosius scribit, decedentibus, optima voluntas & desiderium sufficit. Habet gratiam Valentinianus, vel nos dicamus Sigismundus, quâ desiderauit; habet quod poposcit; certè quia poposcit accepit. Nullius itaque errati quod non lacrymis eluisset, cuius veniam à conditore suo non poposcisset Sigismundus sibi conscius, cessit è vitâ. Prosequamur illum ijsdem votis, quibus S. Ambrosius Valentinianum suum: Si quid Orationes nostræ valebunt Sigismunde, nulla dies silentio te præteribit: nulla inhonoratum te nostra transibit Oratio: nulla nox non donatum te aliquâ precum nostrarum contextione transcurreret: omnibus te oblationibus frequentabimus; si non meminerimus tui, obliuioni detur dextera nostra; adhæreat lingua faucibus nostris, si non præposuerimus te in principio lætitiæ nostræ.

*Ambr. in obit:
Valent.*

*De obit:
Valent.*

*Ambr. de obit.
Theod.*

stræ. Hos arbitror esse omnium vestrum sensus; idem cunctos tacitis vovere suspirijs. De me quid dicam? Angit me priuatus meus dolor; esse desijt is, quo viuento viuere cœpi; quo auctore, id quidquid in me dignitatis est, consecutus sum. Patere Sanctissime Rex, vt exemplo magni Ambrosij cum Theodosio suo iam vitâ functo sermonem miscantis iisdem verbis nobis vti liceat. Dileximus virum misericordem, humilem imperio, corde puro, & pectore mansueto præditum. Dileximus virum, non sibi sed Reipublicæ natum, Catholicæ religionis decus, Patrie nostræ ornamentum, nullo vnquam periculo magnoperè commotum, in ipso vitæ exitu mortis victorem. Dileximus virum, qui cum iam corpore solueretur, magis de statu Ecclesiarum, quàm de suis periculis angeretur. Ad erant præsentès Liberi, digna tanto Rege proles, genus alto à sanguine Cæsarum Regum, & quidquid in toto Christiano orbe summæ dignitatis splendore fulget, quidquid illustres familias sublimioribus titulis decorat, ac nobilitat; horum inquam sanguine Vos Serenissimi Principes progeniti, adfuistis morienti Patri: omnium Vestrûm lachrymis compositus est; nihil quod illi deesset, nouissimâ in luce desiderauere oculi eius. Semper quidem ille pia & paterna dabat documenta Vobis rectè viuendi: sed tam præclaro vitæ exitu, quid aliud egit, quidve in votis habuit, nisi vt sui, virtutumque suarum memoriam pectoribus vestris infereret; vt quibus vitæ mortalis auctor esset, eosdem pareret Christo, immortalitati consecraret, cœlo infereret? Non est quod externa exempla multum requiratis: Sacræ illæ Maiestates, Parentes Vestri, vobis ad capeffendam Regiarum virtutum viam, ad parandum summum decus ductores sunt, eruntque optimi: non aberrabitis si eorum vestigijs insistere volueritis, & porrò velle debetis; id à Vobis Sigismundus, Anna & Constantia, Rex, & Reginæ, iam cœlo receptæ mentes & nunquàm perituri Regni Reges & Hæredes, Patrio deposcunt iure, quorum ipsa nomina quid aliud designant, nisi pietatem, religionem, syncerum Dei cultum, Ecclesiæ Catholicæ & Sacerdotalis ordinis patrocinium, Sedis Apostolicæ venerationem, Ciuium amorem, pauperum solatium, castitatem, pudicitiam, temperantiam, animi magnitudinem, iustitiam, & cunctarum virtutum complementû. Quod illi fuerunt, vt Vos quoque sitis, omni conatu èniti, & contendere debetis, vt idem decus, eadem post sera fata Vos maneat gloria. Tu inprimis Serenissime Rex Vladislæ, quem & ætatis & dignitatis prærogatiuâ, cæteris altiùs extulit, quem Orbis Christianus Regio decoratum honore suscipit ac veneratur: non solùm promptè ibis per vestigia Patris tui, verùm etiam eadem tecum ortos familiâ, & faustis nutritos sub penetralibus; hos inquam, quos & naturæ lex, & magni Patris voluntas, & Reipublicæ quæ se suosque tibi vni addicit, tuam reuereri & comiter colere Maiestatem suadet, exemplo tuò duces ad culmen veri decoris. Tibi vni hoc onus ferendum est; in te Domus hæc Regia inclinata recumbit; id & Sacra Parentum manes, & Respublica à te flagitat;

tat; id denique fraternus poscit amor. Felix sanè & beata te Rege Polonia Lithuaniaque. Ad prima tua auspicia, & ut primùm vota omnium in Te vnum flecti cœperunt, quanta rerum conuersio! quanta spes affulsit melioris aui! Pax publica priuataque longo ab interuallo reuiruit; auræ pestiferæ lues extincta; prisca agrorum fertilitas rediit. Nihil dico; quanto studio ad Te Regem dicendum omnes Ordines incubuerint, ut nemo qui non te posceret, in te spem Patriæ non reponeret, fuerit; ut magni viri priuata odia, priuatas lites, mox in perniciem multorum erupturas, tuo iudicio permittere non renuerint; & tu prudens felixque arbiter, vno eodemque temporis momento, multum inter se discordes & dissidentes, ita conciliabas, ut deinceps stabili & syncerâ amicitia redintegrata priuata odia ad amorem Reipublicæ transferrent. Præclara hæc sunt initia orientis imperij Tui, cuius nullum fortius est stabilimentum Cuium amore; in cuius possessionem ita illaberis, ut nemo sit, qui te in dies non magis diligit, & non plus se tibi, ob præstantia tua in Rempublicam merita debere libens volensque profiteatur. Sed Tuæ virtutes aliud tempus, aliam poscunt occasionem, magis disertâ oratione & facundiori prædicandæ ore. Nunc ego dicendi finem facturus, non aberraturum me puto, si verbis Diui Ambrosij Sigismundum Regem Magno Theodosio, vel parem, vel certè si rectâ lance virtutes vtriusque examinentur superiorem, terræ iam mandandum non solum pio prosequar sermone, verùm etiam religiosis desiderijs & votis, supremum Sanctæ illius animæ officium impendam. Conteritur cor meum, quia ereptus est vir, qualem vix possumus inuenire: sed tamen tu solus Domine inuocanduses, tu rogandus, ut cum in filijs repræsentēs; tu Domine, custodiens etiam paruulos in hac humilitate saluos facito sperantes in te. Da requiem perfectam seruo tuo Sigismundo, requiem illam quam præparasti Sanctis tuis: illo conuertatur anima eius vnde descendit, vbi mortis aculeum sentire non possit; vbi cognoscat mortem hanc, non naturæ finem esse sed culpæ: quod enim mortuus est, peccato mortuus est, ut iam peccato locus esse non possit. Prosequamur eum vsque ad regionem viuorum, nec deferamus, donec fletu & precibus inducamus eum, quò sua illum vocant merita in montem Domini Sanctum, vbi perennis vita, vbi corruptelæ nulla contagio, nullus gemitus, nullus dolor, nulla confortia mortuorum, vera religio viuientium, vbi mortale hoc induat immortalitatem, corruptibile hoc incorruptibilitatem. DIXI.

*Ambrosii de obitu
Theodosii.*

O R A T I O
I N F V N E R E
S I G I S M V N D I I I I.
P O L O N I Æ E T S V E C I Æ R E G I S
D I C T A.



IMMORTALITATEM morte parari non temere credituri veri indagandi sagax antiquitas; frustra queri genus humanum, quod brevis æui sit, magni viri magnis conuicere experimentis: celeriores esse virtutis cursum, quam ut longo opus habeat æuo, vsu discimus. Nullum cuius virtus maturuit, immaturâ morte extingui; vita functos viuere; veræ solidæque virtuti æternitatem deberi; animum cui illa tanquam suo principio adfixa est, nunquam interire, & Catholica veritas certâ fide tenet, & Diuinæ humanæque loquuntur literæ. Ecce luculentum eius rei conspiciamus documentum. Sigismundus Poloniarum & Suecorum Gottorumque Rex Inuictissimus, si vitam eius ad naturæ leges reuocauerimus; si conditionem quâ natus est expendimus; æstimari posset esse quasi non esset: lex quippe æterna iussit, orta ut intireant, nata ut moriantur. Sed Heroicæ tanti Regis virtutes, longè à necessitate fati, à lege mortalitatis remotæ, viuunt vigentque, in memoriâ hominum fixæ & sculptæ, cœloque ipsi ubi immortalitatis quædam sedes est, insertæ. Vixit ille vitam, quâ perpetuò duraturâ propagatur immortalitas; æuo breui confecit cursum, per quem aditur æternitas; cœlum non vetitâ petit viâ, sed per arduum magnarum virtutum iter conscendit, effecitque ne & brevis æui fuisse dici possit, & morte immortalitatem consecutus, qui nunc fato functus conspicitur, vitâ viuat vitali. Magna res est priscâ nobilitatis splendescere gloriâ, auos atavosque numerare Reges, & longo Imperatorum censi sanguine, ostentare maiorum stemmata bellicis parta facinoribus, ijs ortum esse progenitoribus, quorum salute stetit vniuersi orbis salus, sub quorum tutelâ nunquâ publica nutauit felicitas. Ponamus nobis ante oculos Gotticę gentis, cum quâ nobis, si prima domus repetatur origo, idem genus est, multis seculis res præclarè gestas, & ne plura commemorem, Romanum domitum euersumque Imperium: huic Sigismundus Rex paterni auitique Magnorum potentissimorumque Regum, Regij sanguinis & generis debet primordia. Jagellonica stirps clara, si quę alia, vel rebus gestis, vel generis

ris ac sanguinis, per omnes orbis Christiani Regias familias affinitatibus partiti fœnore, vel quod nunquam vitæ in bellis contra barbaros gestis pepercerit, quòd duos sui sanguinis Reges, Vladislauum ad Varnam, Ludouicum ad Mochacium Turcarum rabiem, ab exitio orbis Christiani arcetes, salutis publicæ impenderit, & nominis sui splendore aliquot secula illustrarit. Hac Catharina Ioanni Regi Sueciæ nupta, Sigismundi Regis mater edita est. Clara & conspicua semper est habita, inclytæ Sfortiadum familiæ gloria, illustribus propagata affinitatibus, magnificis exornata triumphis. Bona Sfortia Alphonsi Regis Aragoniæ filia genita, Sigismundi Primi Coniux, Sigismundi Nostri Auia materna, inde genus traxit. Parte aliâ Austriaci nominis splendor, cuius radij angustis Europæ, Asiæ, & Africæ angulis contineri cum non possent, ad ignotos usque Antipodum, & alterius orbis recessus penetrarunt, ita fulget, vt cæteras omnes suâ magnitudine obscurer families; si Reges Imperatoresque eâ profectos recensere liberet, nimis longa texenda esset narratio. Sol nusquam vel oritur, vel occidit, quin Austriacum conspiciat, & quasi secum circumferat imperium. Albertus II. Romanorum Imperator, Sigismundi Primi Maternus Auus, Sigismundi quoque nostri, cuius ille ex filia Nepos, generis est auctor & sanguinis. Non nostra hæc esse dicet aliquis? fatemur ultro: sed quoruscunque est, qui tantis nominibus sui ortus debeat exordia; qui tot clarescat imaginibus, tot fulgeat stemmatibus? Illud proprium Sigismundi, nasci in Regno Hæretico, nunquam tamen vel modicâ erroris labe infici, pietatis & religionis studio, cæteris exemplo esse; iuueniles lusus senili grauitate temperare; ab omni quæ corporis & mentis puritatem fœdaret contagione alienum gerere animum; ad præclaros quosque ausus suscipiendos, in ipsis pueritiæ crepundijs accendi; longè lateque magni Principis de se spargere famam, remotos etiam populos ad amorem admirationemque sui allicere. Horret animus, meminisse tamen iuuat, quo in statu, secundum mortem Stephani Regis res nostræ fuerint: nihil pacati, nihil quod ad sedandas Ciuiles dissensiones pertineret, audiebatur: vbique arma, vbique Martius furor inualescebat; miles in consilio, miles in Comitio, primas tenebat partes: nullus erat qui pacem suaderet, qui insensos, & in mutuam perniciem accensos animos componere vellet; quòd si quis meliora suasurus compareret, parum aberat, quin ab ijs qui suam & Patriæ (heu dedecus!) seruitutem externis Principibus addixerant, hostis Patriæ iudicaretur. Pereundum nobis fuit, nisi ijs, qui partes Reipublicæ tutabantur, eam mentem inspirasset Deus, Regem vt Sigismundum dicerent: ad eius adhuc absentis, satisque inualidi nominis famam, & bonis Ciuibus creuit animus, & eorum, qui externâ potentia freti, aliò flexerant studia, spes labare cœperunt. Venit Sigismundus exiguo, aut ferè nullo, militum robore cinctus, sed Diuino munitus præsidio. Urbem hanc ab hoste obsidione cinctam, per medias & infestas inimicorum acies petijt, Deo duce, Deo,

Deo auctore , elusis hostium quæ iter facienti frequenter struebantur insidijs , eò quò intenderat peruenit ; cùm paulò antè eius auspicijs Ioannes Zamolcius , quem felici quodam Reipublicæ fato natum credere par est , vt extaret seræ posteritati perfectissimum exemplar amantis Patriæ Ciuis , fortissimi & felicissimi belli Ducis , prudentis Senatoris , re præclarè gestâ , hostem acie victum soluere obsidionem , ac in tutiora loca se recipere coëgisset. Deus immortalis ! qui dies ille , quàm lætus , quàm certus futuræ sponsor felicitatis ! cùm Sigismundus , tam potentis hostis victor , hanc urbem inueheretur , cùm arcus triumphales ; cùm Statuæ eius nomini sacratæ figerentur ; cùm portæ Urbis ; cùm priuatæ publicæque ædes ignibus collucerent ; cùm miles , cùm populus concordii voce felicitatem , prosperitatem , ac imperij diuturnitatem , ei comprehenderetur ; cùm denique Regium Sigismundi caput sacro cingeretur diademate , summo Antistite Stanislao Karnkouio Archiepiscopo Gnesnensi , notæ sanctitatis viro , preces & vota concipiente , eademque non irritò euentu ad sacras fundente Diuorum aras. Ab hoc orientis imperij exordio , tot annorum , quibus Sigismundus summam rerum tenuit , quasi continuus quidam torrens perpetuæ fluxit felicitatis. Archidux Maximilianus , cùm malâ quorundam ambitione ad repetendum Regnum traheretur , exactus Regni finibus , acieque victus , deditio in Regis venit potestatem : intra vnius anni decursum , & Respublica domi pacata , & cum Serenissimâ Domo Austriacâ transactum ; pax & fœdera cum externis inita Principibus. Cæteris quidem Regibus ratio regnandi etsi difficilis , non tamen adeò ardua videri debet : nam & pacem colere suo arbitrata , & dum libet bellum ordiri , in eorum potestate situm est ; nobis vix vnquam licet esse quietos. Nam , vt alios quibus circumambimur hostes taceam , quæ fides Moscho ? quæ fides Tartaro ? quæ fides Turcæ esse potest ? vix non eadem horâ pacem pollicentur , amicitiam spondent , fœdera sanciant ; mox infestis agminibus percursant campos , cædes & incendia spargunt , cultis regionibus vastitatem inferunt , fidem datam , non ad iurisiurandi religionem , sed ad suum commodum , occasionemque rei gerendæ referunt. Itaque Reges Poloniæ semper inuigilare , semper in armis esse oportet , eo felices , quod nunquam illis desit materia benè merendi de Republicâ Christianâ , parandæ immensæ gloriæ , & si ea esset ambitio , iusto & legitimo bello proferendi Imperij. Domus Ottomanicæ Turcarum arma iam propè quadringentis annis , vt taceam veteres Saracenorum in Asiâ , & Europa ferocissimos ausus , inualuere : bina Orientis Imperia , ab hac peste sub iugum missa , vniuersus Oriens turpi Mahometicæ sectæ dogmate fœdatus , duram seruitutem. Accessit Thracia , Græcia , Macedonia , Illyricus , Mæsia , & magna pars aurei quondam fructus feracis Hungariæ. Frustra Reges , frustra Europæi Imperatores , translata in Græciam arma Turcica , armis sistere voluerunt : quotiescunque fortunam & Martis aleam experiri contigit,

tigit, aut victi & cæsi, aut victis non dissimiles abierunt. Primus omnium Sigismundus noster, quadraginta abhinc annis Amurato III. vim finibus Regni admoventi, arma feliciter ostentavit, & desistere cœpto coëgit. His proximis annis Ottomanus, sævus & audax, idemque gloriæ avidus, iuuenis, excita & armata vniuersa barbarie, in societatem belli assumpto, quod hæcenus vix vnquam factum fuerat, Tartarorum Chamo (ita illis summum eius gentis Imperatorem appellare mos est) totis viribus in nos incubuit; nunquam Europa tam numerosos vidit exercitus; nullus Regum tam ingentem bellici instrumenti apparatus secum in aciem duxit; ipso nominis sui terrore, barbarus Princeps se omnia cōsecuturum satis superbè sperabat. Frustra, namque iam olim in fatis erat, vt coërciti Turcarum Imperatoris gloria seruaretur Sigismundo, & Regiæ eius Domui: vt tu quoque Serenissime Rex Vladislæ, qui castris hosti oppositis, & Patris, & Tua auspicia eò intuleras, in partem maximi venires triumphi. Hostis certè suà etiam confessione victus, magnâ parte exercitus amisâ, nullo parto decore domum redijt inglorius. Moschorum vires Maioribus etiam nostris formidabiles, quis vnquam sperare, aut cogitare potuit, cuiusquam potentiæ succubiturus? Cessere eæ Sigismundi armis, qui iusto suscepto bello, biennaliq̃ue labore Smolenscum expugnauit; urbem ipsam caput Regni Moschouiam, Basilium Suiscium tanti Imperij summa cum potestate moderatorem, eiusque fratres deditione in potestatem redegit; denique Moschos datæ fidei, qua se tibi Serenissime Rex Vladislæ obtrinxerunt, oblitos & rebelles, iterum à te armis perdomitos, eà parte Imperij, quam illi quondam à Regno, & Mag. Duc. Lithuaniae fraude auulserant, mulctatos pacis conditiones arbitrato suo latas acceptare coëgit. Gens quidem illa Parentis Tui & Tuis Serenissime Rex Vladislæ, armis toties coërcita, non aliam ob causam, violatis iuratis fœderibus arma sumpsit, nisi vt tuam augetet gloriam, vt prima initia Imperij Tui felici (quem vouemus) successu belli illustraret, consecraretq̃ue. Neque verò his tantum triumphis clarum & conspicuum esse voluerunt fata Sigismundum Regem. Tartari durum in armis genus ad vastitatem inferendam, ad prædas agendas, vsu & natura facta gens, feritate barbara, immanitate crudelis, multitudine infinita, fide nulla, superioribus seculis tantam cladem finibus Regni intulerat, vt excisis funditus Oppidis, & colonis partim cæsis, partim in tristem abductis seruitutem, ingentes campos, olim cultos habitatosq̃ue omni cultore & habitatore vacuos fecerit. Serpebat hoc malum in dies, & populationem hoste promouente, semper ex ditionibus nostris aliquid decedebat; nec quisquam erat, qui Tartarum lato apertoq̃ue campo, per suas turmas aciem struentem vinci posse crederet: nam celeri cursu & recursu pugnam ciere assuetus, incertum fugiens, an cominùs arma stringens, maiorem inferat perniciem, victus sæpè, victorem sternit humi, & dum minimè timetur, terrorem infert potiturq̃ue victoriâ. Hanc

tam

tam immanis hostis vincendi, aut saltem impunè grassandi consuetudinem coërcuit animosè Sigismundus Rex, obiectis hosti nouis colonijs, & munitis frequentissimis oppidis. Quod quidem insignis prudentiæ fuit, sine cæde & sanguine munire Imperium, tueri fines, propullare barbarorum impetus. Illud verò felicitati an virtuti imputandum, nullo vnquam Rege Poloniae, Tartarum pugna campestri toties fusi fugatiq̃ue, nunquam tot prosperis experientis probatum, vagum licet hostem teneri & vinci posse; interdum etiam ita acie in ordinem redigi, ne se loco sine suâ pernicië mouere queat. Nemo hâc à me narrationem rerum gestarum expectet: aliam occasionem, aliud tempus hâc sibi poscit, & nos triumphos Sigismundi non recensemus, sed leui signamus notâ, vt in hoc funebri actu, in hac communis doloris acerbissimâ pompâ breuiter perstrikti, aliquantisper in animis hæcant, donec præstantiorum ingeniorum opera, stylo aureo exarati, lucem publicam aspiciant. Bellica facinorâ & parua animis gloria, & militibus & Ducibus, ita esse communis solet, vt eam Reges ex integro suam esse dicere nequeant; multum huic decori detrahit fortuna; multum rei benè gerendæ occasio, virtutum tantum solida est possessio, hæc vnus cultoris sui insident animo. Quis Regum aut Principum Sigismundi pietatem, etiam si maximè pius sit, æquare possit, qui de Regno paterno periclitari potius maluit, quàm erroris Hæretici labe infici, vel quiduis impium retinendi Regni causâ Hæreticis indulgere? qui tot augustis structis Basilicis; Aris positis; & aureâ argenteaq̃ue supellectili liberaliter instructis, satis ostendit fuisse sibi curæ Diuinum honorem, qui totus Diuinarum rerum contemplationi immerfus semper, & corde & ore Deum spirabat, Deum sonabat, in Dei veneratione semper versabatur. Sigismundi Regis pietati Polonia & Lithuania debet promotos Regni fines; hostes hæreditarios toties fufos fugatosq̃ue; ius Regni assertum; bellicæ gloriæ studium propagatum; libertatis iura conseruata; & ne plura in medium adferam, quadraginta quinque annorum continuam felicitatem, Iustitiam, Temperantiam, Clementiam, animi magnitudinem, Munificentiam, Prudentiam, cæterasq̃ue magno Rege dignas virtutes ita iuris sui fecerat, vt non vsu quodam & consuetudine doctus, sed naturâ ad omnes præclaras actiones, quæ ab ijs virtutibus petuntur, suscipiendas, factus meritò exultimari debeat. Felix profectò Sigismundus, non tam vitæ actæ prosperitate, quàm quod semper contenderit, ne à fortunâ dependeret; vt suæ felicitatis Deo duce & auspice, auctor effectorq̃ue esset: voti certè compotem fecit Deus, namq̃ue ita vixit, vt vixisse eum nunquàm poenitere potuerit: ita feliciter regnauit, vt memoriam nominis sui, immortalitati consecrarit. Quis locus? quæ Regio in terris eius non plena laboris? quis adeò remotus orbis angulus, quo eius fama non peruaferit? Felicem Te fortunatumq̃ue Sanctissime Rex prædicamus, binis Cæsareæ & Augustæ Domus Austriacæ connubijs. Ambæ coniuges

ges tuæ, non tantùm Imperatorij sanguinis splendore, sed multò magis Regiarum virtutum ornamentis excelluerunt; tanta in vtraque morum grauitas; tanta in vultu maiestas, vt supra conditionem humanã diuinum quid spirare viderentur; ea pudicitia, quam magistram innocentia, & pretiosum matronalis dignitatis monile appellare possumus, vt exemplo cæteris omnibus fuerint. Constantia quidem non solùm vitæ, sed & mortis consors, tecum simul effertur, tecum simul in eodem componitur tumulo. Felicem iterum te appellamus, inclyte Rex, hac Regiã prole, quam tuo exitu mœstam tristemque tibi Genitori suo supremos soluentem honores conspiciamus: Duos quidem sacerdotalis toga augustiores reddit, quàm si & purpurâ, & diademate fulgerent Regio. Te verò Potentissime & Inuictissime Rex Vladislæ, Vos Serenissimi Casimire & Alexander Principes, quâ oratione alloquar? Tristemne augeam dicendo mœstitiã? Sed iste squalor, iste luctus, hæ quas vberes cum Serenissimâ sorore, sociâ acerbissimi doloris funditis lachrymæ solatia solida requirunt, quæ non aliunde Vobis petenda sunt, nisi ex memoriâ fixâ in pectoribus Vestris pijsimorum Parentum Vestrorum. Monita eorum quibus Vobis Regiarum virtutum viam monstrauerunt, semper hæcant in animis vestris, eos præsentem vobis adesse, vos illorum mandata accipere creditote, magni feliceque futuri, si ad eorum exempla studia actionesque vestras composueritis; non ita editi estis, non eâ stirpe nati, vt Vobis aliquando Maiestatis Maiorum Vestrorum generis nobilitate partæ, cuius hæreditatem creuistis, obliuisci liceat. Is est dignitatis Vestræ splendor, vt vel minima labe in eâ conspici possit; ij Regiæ stirpis Maiestatis latè fusi radij, vt nihil occultum celatumque esse patiantur; in excelso virtutis locati Throno omnium oculis conspici mini, omnium tacitis iudicijs designamini. Viles & plebeia animæ, homines quos fors nascendi puro proiecit sub aëre, quos altius attollere caput non sinunt feedi & ignobilis ortus initia, & quos progenitorum suorum vilitatis piget pudetque, serpant humi, & vitij immersi in sordibus flagitiorum delitescant. Vos qui Maiestatibus tot Imperatorum, tot Regum, tot Principum, quorum augusto sanguine editi estis, fulgetis: Vos inquam, augusta, vos magna & sublimia decent; à Vobis exempla petuntur, non magis magnitudinis animi, quàm modestiæ, temperantiæ & pietatis, sine quâ nihil arduum & excelsum animo cogitari & suscipi potest: vbi hæc defuerit, ipsa quoque humana vilescit prudentia, & optimæ constitutæ familiæ præceptis ruit fortuna. Vos ad omnes præclaras actiones & Sigismundus Pater, & Auunculus excitat, Hector nostri seculi Ferdinandus Imperator, errorum extinetor, Hæreticorum salutaris pernicies, monitrorum orbis Christiani pacem & tranquillitatem ambitioso impioque ausu temerantium, Hercules domitor. Vos denique vniuersa hæc Respublica, in quâ & cui nati estis, suo sinu receptos implexu fouet, fouebitque; vestris fauebit incrementis, præclaros vestros

494 ORATIO FVNEBRIS SIGISM. III. AVCT. STAN. LVB.
quos salutis publicæ causa suscepturi estis, conatus, suis promouebit con-
silijs : hæc Patria, hæc mater vestra est , huic & amorem debetis, & tute-
lam : in vobis viuit Rex noster Sigilmundus , viuit eius pietas , iustitia,
prudentia , ac inuictum animi robur. Vos ei per quem in lucem editi
estis , Vestris Heroicis actionibus æternum duraturam parietis eam ,
quam morte etiam suâ sibi parauit, immortalitatem.

F I N I S.



INDEX

INDEX

RERVM ET VERBORVM

MEMORABILIVM.

A.

- A**ron Abbas Tinecensis quomodo ad Episcopatum Craconiensem promotus. pag. 258
- Abbas* Bassa Turcarum Praefectus caesus. pag. 448
- Abdanck* nobilitatis insigne. 374
- Abrahamus* Krzewski linguae & rei Turcicae peritus. 140
- Abusus* olim in Polonia in eligendis Episcopis natus. 258. correctus. 259
- Achates* quid significet mysticè. 273
- Acies* binæ infestæ sibi in campo steterunt tempore Electionis novi Regis Poloniae post mortem Stephani. 478
- Aeta* in conuentu Vislicienfi Rocossianis significantur. 77. & 78
- Aetiones* Sigismundi III. Regis Poloniae candidæ & syncerae. 474
- S. Adalberti* in Poloniam aduentus. 311. Martyrium: corpus Gnesnam delatum. ibid.
- Adami* Calissiensis Castellani de Palatino Crac. censura. 90
- Adami* Corayscij temeritas in Comitibus Varfauiens. 46
- Adamus* Sandiuogius Czarncouius successor Andree Opalinij in Praefectura maioris Poloniae. 2
- Adamus* Stadnicki legationi ad Turcarum Imperatorem destinatus. 140
- Aduentus* primus Sigismundi III. Cracouiam per medias inimicorum acies. 489. & seq. *Aduentus* eius in Sueciam 413. ibi eius classis & copiae tempestate disiectae. ibid. sub *Aduentum* Regis in Sueciam res ibi pacatae erant, sed mox turbulenta. 13. *Aduentus* Reginae Constantiae cum Matre & Carolo Archiduce in Poloniam. 38. *Aduentus* magnae Ducissae Palatini Sendomiriensis filiae in Moschouiam. 70
- Aegidius* Tusculanus in Poloniam missus. 303
- Aemulatio* Ducum in exercitu Regio. 130
- Aemulorum* Matthiae Psstroconij impugnatur inuidia. 405
- Aequitas* simulata est duplex iniquitas. 474
- Aestimatio* publica bonorum tempore Sigismundi I. quam cautè facta. 204
- ob *Affinitatem* Domus Brandenburgicae cum Sueco contractam, fides quâ Polonis obstricta est in dubium vocata. 436. *Affinitatum* aliquot similitum mali successus. 437
- Agasides* Lacedaemoniorum Rex cuidam querenti quomodo tutò sine satellitibus regnare posset quid responderit. 476
- Agathia* Conradi Masouiae Ducis vxor. 340
- Agentes* cum externis principibus de prodendâ illis patriâ ubi iudicandi. 5
- Agessilai* Regis responsum super quaesito, quanam virtus sit prestantior, Iustitia an Fortitudo? 472
- Albertus II.* Romanorum Imperator Sigismundi I. Poloniae Regis maternus Auus. 489
- Albertus* Archidux Austriae, Belgarum Princeps quantoperè communi periculo Reipublic. Christianae commoueretur luculentâ animi testificatione declarauit. 483
- Albertus* Baranonijs strenuus suae Dioecesis visitator. 280. fuit Episcopus Plocensis LV. nominatione Sigismundi III. 383. multis functus est magistrati-

INDEX RERVM ET VERBORVM

- magistratibus. 384. sed in tuendis Ecclesiæ iuribus non satis felix. ibid. Seminarium Clericorum sub curâ PP. Societatis instituit Pultouiæ aliæque extruxit. 385. mortuo Maciejouio fit Archiepiscopus Gnesnensis. 427
- Alberto* Brandeburgico in Ducali Prussiâ curator datus. 428
- Albertus* Iastrzembecius factus Episcopus Posnanienfis, dein Cracouiensis pessimo euentu ditauit suos consanguineos. 282. qualem exitum habuerit. 283
- Albertus* Lascus Palatinus Siradiensis. 17
- Albinus* quartus in ordine Episcopus Plocensis Romæ consecratus. 318. eius obitus. 319
- Alexander* Rex Poloniæ consilijs Erasmi Cioleck niti solitus. 369
- Alexander* frater Vladislai IV. Regis Poloniæ immaturâ morte interceptus. 460.
- Alexander* Episcopus Plocensis X. inuitus Cathedram conscendit. 331. consecrari à Iacobo Archiepiscopo Gnesnensi voluit. ibid. eius acta præclara, & obitus. ibid.
- Alexander* Gafzieuius ad nuptias Demetrii in Moschouiam missus. 38. quem Cæsareo nomine appellare renuit. 71
- Alexander* Dux Ostrogia græco schismati addictus. 432
- Alexander* Konieckpolski Palatinus Siradiensis. 109
- Alexandri* Kalinouwski Capitanei Braclauiensis præclara virtus. 129. & 131
- Alexander* Leselius Scotus Gustauo Sueciæ Regi per omnia bella quæ feliciter gessit indiuiduus comes. 447
- Alexander* Magnus post deuictum penè vniuersum orbem Babylonicæ illecebræ occiderunt. 477
- Alexander* Masouia Dux Episcopus Tridentinus Stanislae Episcopo Plocensi Româ redeunti struxit insidias, ac per alios in carcerem coniecit. 359
- Alienus* Comes pro Cæsare Cracouia militem scribit. 228
- Ambitiosorum* vita indigna & mors infelix: quod declaratur exemplis. 265. *Ambitio* Caroli Sudermaniæ Ducis. 480
- Amor* ciuium inexpugnabile munimentum. 476. eo nullum fortius Imperij stabilimentum. 487
- Amurathes* III. Turcarum Imperator rupto foedere, bellum Hungariæ infert. 7. frustra terruit Sigismundum III. Poloniæ Regem. 480. ei vim finibus regni Poloniæ admouenti primus omnium Sigismundus III. arma feliciter ostentauit & desistere cœpto cœgit. 491
- S. Andreas* Apostolus Schythiam Europæam ingressus primus Religionem Christianam in regiones Septentrionales intulit. 301
- Andrea* Oporouio à Casimiro Rege Poloniæ ad Episcopatum Plocensem irritato conatu promotus Episcopatus Varmienfis à Sixto IV. Pontif. Maximo attribuitur. 364
- Andrea* dicti Cracouiensis, Episcopi Plocensis in ordine XVIII. genus. 340. cur gladium spiritualē in Conradū parricidam non strinxerit. 341. eius obitus. 342
- Andrea* II. dicti Cioleck ex Præposito Episcopi Plocensis XX. obitus. 343
- Andreas* III. Cricinus Episcopus Plocensis XLVI. in ordine, fauore Petri Tomiciij Auunculi sui varios magistratus adeptus & aliquot legationibus præclare functus est. 373
- Andrea* Noskowski Episcopi Plocensis LII. vita & acta præclara. 377. & seq. ob iniuriam Ecclesiæ suæ factam monetur à Capitulo. 378. varias Ecclesias & Collegia struxit & exornauit. ibid. qualem habuerit vitæ exitum. 379. eius oratio ad amicos. ibid.
- Andreas* Bathoreus fit Abbas Ceruenensis superstitē adhuc Abbate. 8. paulò post princeps Transyluaniæ renunciatus indignè perit. ibid. & 269

MEMORABILIVM.

<i>Andreas</i> de Borissewice Archiepiscopus Gnesnensis Rosarum familiâ ortus.	397
<i>Andreas</i> Opalinius supremus regni Marescalcus, ac Maioris Polonię Pręfectus.	2
<i>Andreas</i> Swiecicius scriptor vitę Andreę Noscouij.	377
<i>Andrea</i> Trzebicki Scholastici Plocensis ad vitas Episcop. Plocens. dedicatio.	299.
<i>Andreas</i> Comes à Tęczyn Castellanus Villicienfis.	97
ad <i>Andreouam</i> conuentui Rocossiano continuando dies pręfigitur.	108
<i>Angelicam</i> perfectionem antecellit cura animarum.	254
<i>Angelotus</i> I. Episcopus Plocensis nobilis Romanus 309. decimas à Principe sibi donatas alijs sacerdotibus in consortium laborum adhibitis impertitus est.	310. eius obitus.
ex Angliâ viri Apostolici orti veterem Saxoniam aliasque Sarmaticas Regiones fidei rudimentis imbuerunt.	301
<i>Animarum</i> cura ars artium: priuatę sanctitati pręfertur. 254. etiam perfectio-	ibid.
nem angelicam antecellit.	ibid.
<i>Animus</i> impotens in Episcopo improbatur. 286. <i>Animi</i> magnitudo aliquot Epi-	432
scoporum in redarguendis Regibus. 291. & seq. <i>Animus</i> bonus in re malâ di-	408.
midium mali.	478.
<i>Anna</i> senior regina Polonię 7. cur tam benefica Matthię Pstroconio.	408.
obscure suffragata est nepoti suo Sigismundo III. in Regem Polonię eligen-	do.
do. 478.	
<i>Anna</i> Maria Sigismundi III. filia nascitur. 6. Baptismi ipsius pompa.	7
<i>Anna</i> infans Suecię Regis Polonię soror.	15
<i>Anna</i> Basilij & Constantij Orientis Imperatorum soror.	153
ad <i>Annibalem</i> Bentiuolum vtriusque Signaturę Referendarium epistola de vi-	447 448. & seqq.
ctorijs contra Moschos & Turcas obtentis.	46. 57
<i>Antesignani</i> hæreticorum in Polonia,	473
<i>Antiochus</i> Syrię Rex, Medicum consilij sui fecit.	473
<i>Antistites</i> à Romano Pont. in Poloniã, ad fidem Christianam ibi propagandam	303
missi.	491
<i>Apparatus</i> bellici Turcarum & Tartarorum.	47. 50.
<i>Arces</i> quinque in finibus Regni ædificandas cur Rex non construxerit.	110. <i>Arces</i> aliquot in Liuniã & Lithuaniam à Stephano I. recupe-
& 110. <i>Arces</i> aliquot in Liuniã & Lithuaniam à Stephano I. recupe-	155
ratę.	314. <i>Archiepi-</i>
<i>Archiepiscopus</i> Craconiensis quando in Episcopatum transferit.	315
<i>Archiepiscopus</i> semper à susceptâ Religione Christiana habuit Polonia.	103
<i>Arianum</i> dogma amplectitur Gabriel Bathoreus.	254
<i>Ars</i> artium cura animarum.	50. 51 & seqq.
<i>Articuli</i> in Comitijs Varsauien. à Nuntijs Regi propositi. 47. 48. & seqq. ad cos-	207
dem Regis responsum.	37
<i>Astus</i> terminus, siue cremodicium, in quod Ecclesiastici Poloni Rege Sigis-	288
mundo Augusto inciderint vanum & inane.	22
<i>Athanasius</i> Vlasieus Ficti Demetrii ad Regem Polonię legatus.	261.
<i>Auaritia</i> militaris in Poloniã reprehenditur, multorumque malorum causa ex-	262.
stitit 196 <i>Auaritia</i> nota Episcopo visitanti cauenda.	403
sub <i>Auito</i> Imperatore Occidentali maiestas Rom. Imperij concidit.	<i>Aura</i>
<i>Aula</i> Regis Polonię non constat è Cosacis. 238. inter <i>Aulica</i> obsequia, nisi	
recto fine fuerint temperata, procliuis in Simoniam lapsus. 260. aliàs red-	
dunt Ecclesiasticos Senatorię dignitati idoneos. ibid. ad <i>Aulam</i> Regiam	
vocatus Pstroconius	
ab <i>Aulâ</i> quare reuocati Matthias & Sta-	
nislus Lubienij. 262. ab <i>Aulicis</i> exercitationibus crescere posse virtu-	
tem & pietatem, sed raro. ibid. <i>Aula</i> Carnouij Episcopi Vladislauenfis	
iuuentutis Polonię palæstra.	

INDEX RERVM ET VERBORVM

Aura mutationem frustra captant Medici in sanando Matthia Pstroconio. 430
Austriaca familia deducta est ex Cimbarka vxore Ernesti Archiducis, sorore Masouiae Ducum. 358. ex eâ natae duae vxores Sigismundi III. Regis Poloniae. 477. huius familiae encomia. 489
Authores Rocoſſianae factionis. 68. quâ ratione Nobilitatem suis consilijs obnoxiam facere nitantur. 75. colloquium cum Senatoribus Regiarum partium petunt. 89. auctoritatem comitiorum Varſauiensium nullam esse contendunt. 117. Sigismundo III. regnum abrogant, & quinam illi. 122. & 425.

B.

B *Althasar* Poræmbſki Tribunus Craſouienſis. 135
Bannitus abolitis bannitionibus per decretum aut aliter, Regio reſcripto reſtituitur in Regnum Poloniae. 221
Baptiſmi Annae Mariae Poloniae infantis pompa. 7
Baranoui. Vide inter Albertos.
Barbara de Gaiewniki mater Matthiae Pſtrokonſki. 398. filium ſuum ſacro Altari ſe mancipaturam promittit. 399. votum hoc ei inculcat & pijs admonitionibus inſtruit ibid. tradere renuit Buzenio Theſaurario. ibid.
Barbara Schepuſia Sigismundi I. vxor prior. 373
Barbara de Zapolice mater Stanislai Lubienſki. 390
Baſilius & Conſtantius Orientis Imperatores ſororem Annam in matrimonium dederunt Volodimiro Kijouiae Duci. 153
Baſilius Moſchouiae Dux arcem Smolenſenſem proditione intercepit. 155
Bathoreus Eſethi Dominus. 103
Bathoreus Princeps Tranſyluaniae. Vide inter *Andreas*.
Bellum quas calamitates ſecum adferat. 163. *Bellum* Moſchouiticum quàm feliciter conſectum. 455. *Bella* varia à Sigismundo III. Rege Poloniae feliciter conſecta. 482. & 491. *Bellum* quod à Turcis & Tartariſ an 1621. imminabat quàm fuerit periculolum. 187. & ſeqq. item 236
Bendzinenſi tranſactioni non fieri ſatis ab Auſtriacis malè habet Polonoſ. 4. quænam in hac tranſactione deſiderarentur. ibid.
Beneficentia aliquot Poloniae Procerum in victoſ Rocoſſianoſ. 130
Benignitas Sigismundi III. commendatur. 115. 152. & 475
D. Bernardi de familiâ Epilcopi ſententia. 289
Bernardi Macieioiij Cardinaliſ de iterato Sigismundi III. matrimonio ſententia. 28. Marinam ſiſto Demetrio Moſcho deſpondet. 37. fuit Legatuſ de latere Pauli V. 39. Auſtoreſ noui tumultuſ in maiori Polonia vt à coeptiſ deſiſtant hortatur, ſed fruſtra. 107. & ſeq. Regi aduerſuſ Rocoſſianoſ cuncti occurrunt, & orat vt futurâ victoria clementer vtatur. 125. Synodum Prouincialem Petricouiae celebrat. 142. moritur. 146. & 427. alia geſta eiſ præclara. 427.
Bernardus I. Epilcopuſ Plocenſiſ XXVIII. ex familiâ S. Dominici à Pontifice Epilcopatuſ obtinuit, aliuſque legitimè electuſ Sede deturbare niſuſ eſt. 348. & 349. vnde inter eum & Ianillaum Wronſki à Clero Plocenſi electuſ ortaſ litiſ ſeptennio durarunt. 349
Bernardus Suidnicenſium Dux fidelis Regi. 169
Berylli myſtica ſignificatio. 273
de Bethlemi minus ſyncerâ erga Regem & Regnuſ Poloniae voluntate grauiliſ ſuſpicioneſ vnde ortaſ. 436
Bieniaſuſ Vernerum Epilcopuſ Plocenſem occidit. 333
Bilſkupice villa Poloniae. 333
Bohemorum in Sileſiam iuriſ initia. 168. & ſeq. *Bohemia* Reges iuſ illud crebriſ tranſ-

M E M O R A B I L I V M.

- transactionibus firmare voluerunt. 169. Casimirum Poloniae Regem Silesiae heredem ipsimet fatentur. 170. *Bohemia* ad seditionem proni. 176. & 177
- Boianovius* Sigismundi III. ad Imperatorem Rom. Legatus. 6. iterum ad eundem cum litteris Regijs missus. 32. Praefectus fuit Custodum regij corporis. 50
- Boleslaus* Audax Maslaum Ducem Kijouensem deiectum restituit & vectigal Regi Poloniae soluendum imponit. 154. fuit IV. in ordine Rex Poloniae coronatus & bellicolissimus, sed ad obscenas libidines prolapsus. 321. unde monitus & excommunicatus S. Stanislauum sacris operantem obtruncat. ibid. & 322. quare ipse & successores eius iure coronae priuati. ibid.
- Boleslaus* Caluus Henrici Pij filius. 167
- Boleslaus* Chobri Iaroslauum Volodimiri filium vicit & tributarium effecit. 154. ad Bugum profligauit. 178. quantum Episcopis detulerit 289. ab Ottonne III. Roman. Imperatore Regali diademate insignitus. 311. eius Epitaphium quod Polnaniae vilitur. 315
- Boleslaus* Crispus aliquoties Russos domuit. 154
- Boleslaus* Kriuoustius aliquoties rebelles Russos domuit. 154. & 179. etiam pia gessit bella. 329. eius ad Ottonem Episcopum Bambergensem de Apostolatu ad Pomeranos suscipiendo epistola. ibid.
- Boleslaus* Pudico perpetuo seruata castitas nomen Pudici peperit. 167
- Boleslaus* occisor Vernerii Episcopi Plocensis cremari iussus. 333
- Bona* Sfortia vxor Sigismundi I. Regis Poloniae, auia materna Sigismundi III. 376. & 489. mortuo marito adornauit profectionem in Italiam. ibid. & 378
- Bonorum* Ecclesiasticorum tempore Sigismundi I. taxatio quam caute facta. 204
- Bonum* esse inter malos plus est, quam inter optimos optimum apparere. 471
- Borissius* Hodunus quibus artibus imperio Moschouitico potitus. 28. cum ficto Demetrio committit pugnam & vincitur. 30. cuius dux cum magna parte exercitus in potestate victoris venit. 31. *Borissio* veneno sublato imperium eius filio delatum, qui etiam mox occiditur. ibid. cum Sigismundo III. viginti annorum inducias iecit. 155
- Borissius* Volodimiri Kijouiae Ducis filius. 153
- Borysthenes* nobilissimus Europae fluuius. 225. & 447
- Bosmanus* quidam a ficto Demetrio submissus Hodunum veneno sustulit. 31
- Bozanta* Episcopo Cracouiensi decimas soluere detrectarunt Poloni. 290
- Brandenburgici* Electores iterato feudo Prussico a Sigismundo III. ornati. 238
- ijdem turbatis in Polonia rebus creuere. 336
- Branfuicus* Louiciensis ciuis. 14
- Brinnica* fluuius Poloniae. 345
- Brodnicia* oppidum Regiae in Palatinatu Culmensi ditionis. 375
- Bulla* Gregorij XIV. super inquisitione designati Episcopi. 263
- Bugus* Poloniae fluuius. 445
- Buzeniorum* domus vetustissima qua stirpe profecta. 397. in *Buzeniorum* gentem quis prior Pstroconiorum appellationem intulerit. 398. *Buzenium* oppidum in Bohemia a Poraio conditum. 397

C.

- in *Cadauer* Ioannis Czaplæ sauitum. 340
- ob Cadem* S. Stanislai regnum Poloniae diuisum. 323. & 335
- Calones* & lixae seditionem in exercitu Polonico excitant, qua vsi hostes Polonos profligarunt caeso Zolkieuo. 236
- Calui Montis* Monasterium Dominicae Crucis Ligno celebre. 102. & 135
- Camalduenses* Martyres. 312
- Cancellario* & Vice-cancellario quid curandum. 215. quinam horum ministri,

INDEX RERVM ET VERBORVM

- nistri, socijque laborum. 217. eorum censuræ subsunt rescripta Referendariorum. 218. *Cancellarij* munus & officium. ibid. *Cancellaria* Regia Polonica à latiniratis studio commendatur. 218. *Cancellarij* oculis omnia lustrare debent 221. Regiæ dignitatis defensores sint. 222
- Candidati* Regno Poloniæ per mortem Stephani vacante ex præcipuis orbis Christiani familijs comparent. 406
- Caninus* campus prope Vratislauiam cur sic dictus. 327
- Carbunculus* quid mysticè denotet. 273
- Carnouius*. Vide inter *Stanislaos*.
- Carolus* Dux Sudermaniæ Ioannis Sueciæ regis frater. 1. causa fuit difficultatum Regi Sigismundo Sueciæ regnum adeunti obiectarum. 13. vniuersum regnum vano timore impleuit. 15. ita vt populus omnia sinistra de Rege suspicaretur. 16. quo animo stipatus Proceribus & milite in arcem Vpsaliæ venire decreuerit. ibid. arcem ingressus est militibus suis exclusis. 17. in eum ne quid grauius committatur prohibet Rex, exindeq; modestior efficitur. 17. à Rege inuitatus venire abnuit. 20. & 412. Sueciæ gubernator constitutus, adiuncto ei socio consiliorum Senatu. ibid. Liunioniam captis aliquot ciuitatibus infestans cæditur à Polonis. 36. acceptâ grandi pecuniæ summâ à Suiscio Moscho militem ex Germanis, Gallis & Hollandis conscriptum partim in Moschouiam, partim in Liunioniam mittit. 157. regnum Sueciæ inuasit. 174. & 480. quantus fuerit eius exercitus & qualis. 414. ad intercludendum in portu Sigismundum classem expedit, ipse cum exercitu Stecburgum contendens. 413. circumuentus est à Regio exercitu. 414. malè partum regnum filio suo Gustauo reliquit possidendum. 480
- Carolus* Chodkieuicius quis. 23. Suecorum exercitum fugat, nouem millibus interfectis 36. quas partes in conflictu cum Rocossianis obierit. 128. & seq. Turcis & Tartaris ad Chocimum fortiter se opposuit. 484
- ad *Carolum* à Dhona Cæsareæ maiestatis consiliarium de Electore Brandenburgico Auctoris epistola. 438
- Casimiria* oppidum Cracouiæ vicinum. 7
- Casimirus* Monachus Poloniæ Rex in matrimonium duxit sororem Iaroslai Volodimiri Kijouiensis Ducis filij. 154
- Casimirus* I. Sedem Episcopalem Byczynâ Vratislauiam transtulit. 164. cum Iaroslao transiegit, sorore in vxorem acceptâ. 179. è monacho Rex factus. 319
- Casimirus* III. primus iura Ecclesiarum inuasit. 258. eiecto Iacobo Sienienio Ioannem Gruscinium Episcopum Cracouiensem renunciavit. ibid. æquo animo reprehensionem tulit. 275
- Casimirus* Iustus Mieciſlaum Haliciensem Ducem pulsum restituit. 180
- Casimirus* I. Dux Masouiæ Episcopus Plocensis XL. in ordine Andreæ Oporouio & alijs in Episcopatu adipiscendo prælatus. 364. nomine magis, quam re Episcopus. 365. eius obitus. ibid.
- Casimirus* Magnus primus plebeios ad militiam vocauit. 209
- Casimirus* Boleslai Criuoustij filius Monarcha Poloniæ. 166
- Catharina* Ioanni Regi Sueciæ nupta Sigismundi III. mater è familia Iagello-nicâ. 489
- Cathedra* Plocensis exordium. 309. ob Cleri dissensionem biennio vacat. 337
- Catholicorum* consuetudinem auersantur Moschi; locum quem tetigerint euerunt. 450
- Causæ* principales odij Rocossianorum in Regem conflati. 422. *Causa* perturbati Regij exercitus in conflictu cum Rocossianis. 130. *Causa* profectionis Sigismundi III. in Moschouiam. 156. *Causa* cur Ordines Silesiæ acerbissima quæque in Catholicos decernentes, admoniti. 160. & seqq. *Causa* præcipuæ

MEMORABILIVM.

puæ malorum in Poloniâ. 193. & seq. <i>Causæ</i> cur non confuetis viribus Poloni Sueco restiterint. 240. <i>Causæ</i> quas Sigismundus III. Polon. Rex habuit ad bellum Moschis inferendum. 481. <i>Causæ</i> excusantes Episcopum à Residentiâ. 289.	
<i>Census</i> annuus quem Episcopus Plocensis Masouizæ Duci debebat remissus	341
<i>Cerramen</i> Carnconium inter & Petrum Volscium pro retinendo apud se Matthiâ Pstroconio.	404
<i>Chamuz</i> Tartarorum Imperatoris nomen.	491
ad <i>Cherestessum</i> Maximiliani Archiducis cum Mahumeto III. infelix pugna.	482
<i>Chlopicius</i> quidam Polonus nomine Imperatoris ad infestandos fines Turcarum Cosacos illexerat. 12. in hunc Cæsar ab Ordinibus Regni Poloniæ reprehensus omnem culpam reiecit.	ibid. & 13
<i>Chmielecus</i> . Vide inter <i>Stephanos</i> .	
ad <i>Chocimum</i> Polonorum cum Turca & Tartaro bellum feliciter gestum. 187. & seqq. & 484.	
<i>Chodkiewiczus</i> . Vide inter <i>Carolos</i> .	
<i>Cholononius</i> equestris turmæ centurio.	132
<i>Chotyniec</i> villa Regia in Poloniâ.	104
<i>Chrysoliti</i> mystica significatio.	273
<i>D Chrysostomi</i> libri de Sacerdotio quàm familiares Matthiæ Pstroconio 245. indignum se censet Episcopatu. 257. omnium calamitatum sui temporis, ad temerarias Episcoporum electiones refert.	258
<i>Christiana</i> Maximiliani Archiducis soror.	39
<i>Christiano</i> primo Episcopo Culmensi redditus assignati à Conrado Masouizæ Duce. 336.	
<i>Christianorum</i> aliquot Principum cum Turcâ infelix pugna. 482. illorum in societatem belli à Sigismundo III. adscitorum nemo operam suam contulit præter Iacobum Britanniz Regem.	483
<i>Christina</i> Henrici Imperatoris filia, vxor Vladislai filij Boleslai Criuousti.	335
<i>Christophorus</i> Zbaraski Palatini Braclauiensis filius.	91
<i>Cilicium</i> quod die consecrationis suæ sumpsit ad triennium non deposuit Pstroconius.	418
<i>Cimbarka</i> soror Semouiti, Vladislai & Casimiri Masouizæ Principum nupsit Ernesto Archiduci Austriæ, ex quâ augusta domus Austriaca deducta est.	358
<i>Circassios</i> ingressus Cosinius Cosacorum Dux occiditur.	3
<i>Ciuum</i> sanguis extra pugnam non fundendus. 426. <i>Ciuem</i> dignissimum & optimum quem existimaret Sigismundus III.	473
<i>Classis</i> regia Dantisco soluens, qualis. 10. tempestate iactatur. ibid. & 413. ei præest Flamingus Succizæ Trierarchus.	10
<i>Clemens</i> I. Pierzchala Episcopus Plocensis XXVII. moritur.	348
<i>Clemens</i> VIII. Pontif. Maxim. suadet Sigismundo III. matrimonium cum Constantiâ.	24
<i>Clementia</i> Sigismundi III. varia argumenta. 475. <i>Clementia</i> virtutis encomium.	476
<i>Clericum</i> vestiri armis res absurda 210. <i>Clerici</i> iuuenes prius formandi in Aulis Episcoporum quàm Regijs. 260. ad aulam non veniant nisi vocati. 261	
ad <i>Clusinum</i> Moschi a Polonis cæduntur capto Suiscio eorum Principe.	158
<i>Collegium</i> vno de viginti Sacerdotum & Subdiaconorum in Ecclesiâ Plocensi fundatum.	393
<i>Colomanus</i> Hungariæ Regis filius è Regno Haliciensi à Russis pulsus, & à Polonis restitutus, demum veneno tollitur.	180
<i>Colucij</i> vnde genus suum ducant.	389
<i>Colum</i> oppidum obeundis maioris Poloniæ conuentibus destinatum.	107
	de

INDEX RERVM ET VERBORVM

de Comitibus indicendis deliberatio antequam Rex in Sueciam proficiscatur. 2.	in
Comitiis coronationis regiae quid cautum fuerit de hac protectione. ibid.	Co-
mitia Varſaviae indicta. 3.	in his protectio Regis in Sueciam potissimum in
discepcionem venit. 4.	Comitiorum successus. 5.
sub finem eorundem	nuntiatur Tartaris e finibus regni praedas abegisse. 6.
Comitiorum indictorum	Varſaviae pro 20. Ian. 1605. irritus euentus. 26.
item 7. Martij 1606. indicto-	rum varia expectatio 40.
in his quae tractanda erant, a Rege Ordinibus pro-	posita. 42.
horum Comitiorum initium. 46.	malus successus. 62.
& finis. 63.	Comitiorum dilationem male interpretantur Rocossiani. 106.
Comitiorum ini-	tium Varſaviae. 114.
felix progressus. 115 & finis	121
Commissiones ad fines regundos & similes quomodo extradenda.	222
Compactum Palatini Cracou. cum Regijs militibus.	125
de Compositione inter status Poloniae.	48. 51. & 110
Conatibus Rocossianorum prudenter obuiat Pstroconius.	422. & seqq.
Concionari munus Episcopi residentis. 179.	Concio Gregorij X. Pont. Max. in Pa-
lestina existentis. 452.	Concionatoris Regij acres conciones Stoccolmiae oc-
casio tumultus.	14
Concordia inter Regem & Rocossianos spes omnis praecisa. 122.	cuius tractatio ob-
lata, a Rocossianis respuitur. 126.	Concordiae initae series vt ad notitiam om-
nium deducatur edicto Regio cautum.	152
Conditiones Rocossianis a Rege propositae. 91.	quibus satisfacere renuunt Palati-
nus & Radiuilius. 93.	Conditionum quibus Palatinus Regi reconciliaretur
summa. 147.	sub quibus Conditionibus ad conspectum Regis admissus sit.
149.	
Conradus Masouiae Dux Culmensis Episcopatum fundauit & dotauit assentienti-	bus Silesijs. 166. & 336.
cur Cristinum Palatinum Plocensem necauerit. 336.	Cruciferos sub certis conditionibus in Poloniam vocauit. 338.
cur Ioannem Czaplami in crucem egerit. 340.	cuius rei culpam agnoscens Archiepiscopo
Gnesnensi de admissio scelere satisfecit.	341
Consilia praecipua a Pstroconio Sigismundo III. data ad eludendos Rocossianoru	conatus. 423. & 424.
Consilium Ioannis Tarnouij, Regi in Sueciae existenti	datum.
	15
Conspiratio militaris quomodo coaluerit & finita sit.	199. & 200
Constantia Mariae Archiducissae Austriae filia. 24.	Cracouiam ingressa. 38.
nupta	cum Sigismundo III. 39.
a Petro Tylicio regali diademate insignita.	ibid.
Constantinus Dux Ostrogiae Cosacos caedit.	3
Constantinus Hieremiae Mohilae filius Valachiae fit Princeps.	139
Constitutiones aliquot in Poloniae iniquae & spiritualibus graues.	104
Consultandi ratio Senatorum cum Nuntijs Rege absente ante inusitata.	115
Contemptores Sacerdotum quam insani, & quanto scelere se obstringant.	256
Contentio inter patrem & filios Masouiae Principes; item inter Canonicos pro eli-	gendo nouo Episcopo.
	357
Controuersia mota a dissidentibus in Religione sopita.	5 controuersia inter eque-
strem, & Ecclesiasticum ordinem. 142.	Controuersia inter Archiepiscopum
Gnesnensem & Episcopum Cuiuiensem a Pstroconiae composita. 415.	&
inter Dominicanos per Russiam & Poloniam.	419
Conuentus minores in singulis Palatinatibus instituuntur antequam ad indicta co-	mitia perueniatur. 42.
in Conuentu Prosouicensi, quid Palatinus Cracouiensis	egerit. 43.
Conuentus Stazicensis totius Minoris Poloniae. 45.	item Lublinen-
sis a Palatino indictus. 63.	Conuentus Rocossianus. 72. 73. & seqq.
Conuentus	particulares a Rege peraguntur. 109.
Conuentus seditiosorum ad Andreo-	uiam.
	113
Coricinius Secretarius Regis in confessa Rocossiano sibilis exceptus.	77

M E M O R A B I L I V M.

- Coronatio* Sigismundi III. Regis Sueciæ peracta est Vpsaliæ. añ. 1594 irritatis
vtriusque animis. 18. in *Coronatione* Vladislai Jagellonis octo Duces Li-
thuanie fidelitatem Regno Poloniæ iurant. 183. & seq. 347
- Corylli* nomen quid significet. 347
- Cosaci* quod genus hominum. 225. vnde Nisouij dicti. 226. *Cosacorum* mo-
tus in Voliniâ Duce Cosinio. 3. duorum Senatorum virtute compressus;
caesis Cosacorum tribus millibus. ibid. *Cosaci* Nisouiani Iurgouiam Turci-
cam ciuitatem diripiunt Duce Lobadâ. 11. hos Iulius Bellus cum Polonis
confundit. 225
- Cosinius* Cosacorum Dux quare in possessiones Ducis Ostrogię potissimum fer-
ro & igne grassatus sit. 3. Pizcum oppidum obsider; cæditur. ibid. supplex
fit Palatino Kijouiensi, à quo certis conditionibus dimissus immemor iuris-
iurandi nouos motus ciet, & occiditur. ibid.
- ad *Cosinum* Cardinalem de Torres epistola Auctoris. 435
- Craconia* à Boleslao Pudico iuris Teutonici prærogatiuâ ornata. 207. distat
à Tartariâ 150. miliaribus germanicis. 238. *Cracouiensis* Academia plu-
rimum splendoris regno Poloniæ attulit. 307
- Cracouecium* pagus Poloniæ. 432
- Creslaus* Curosuancius Episcopus Vladislauiensis Rosarum domo ortus. 397
- riminationes* falsæ à Palatino & Radiuilianis in Sigismundū III. coniectæ. 60.
62. & 63. eæ quàm falsæ & leues sint ostendit Hieronymus Gostomski. 96.
variæ Stanislao Paulowski Episcopo Plocensi obiectæ. 357. & seqq.
- Cristinus* Palatinus Plocensis à Conrado Masouia Ducenecatus. 336
- Cristinus* Nieborowski à filijs Semouiti Masouia Ducis ad Episcopatum Plo-
censem promotus iuri suo cessit. 357
- Cruciferi* è Syriâ eiekti in Poloniam à Conrado Masouia Ducenecati, varijsque
prædijs donati, & quibus conditionibus. 338. erant sub titulo B. Virginis
Mariæ professi. ibid.
- Culmariensem* portum cum peteret Sigismundus III. periclitante naue Regiâ
saluti omnium consuluit. 477
- Culmensis* Episcopatus à Conrado Masouia Ducenecatus. 166
- de *Curâ* ægri Prussiæ Ducis querela. 47. quas ob causas Sigismundus III. ei
Curatorem dederit. 54. & 428. *Cura* Pastoris animarum qualis. 252.
& seqq.
- ad *Czechorum* conflictus Polonorum cum LX. millibus Turcarum & Tartaro-
rum. 234.

D.

- D** *Ambrouca* Boleslai Bohemiæ Regis filia, vxor Piaſti. 302
- Dani* à Vandals Dunini, quasi robusti dicti sunt. 381
- Daniel* Romani Haliciensium Ducis filius Polonorum hostis. 180
- Danielouicius* Capitaneus Belzensis. 91
- Dantiscum* subest spiritali iurisdictioni Episcopi Vladislauiensis. 9. Vide *Ge-
danum*. 116. & 117.
- Decedentibus* Christiano ritu ex hac vitâ optima voluntas & desiderium suffi-
cit. 485.
- Decimarum* exactio impugnata à Neophytis. 290. *Decima* omnium frugum
olim in Poloniâ ad Fiscum, post ad Episcopos translata. 309
- Decretum* sub nomine Principum Confessionis Augustanæ publicatum in Sile-
siâ. 160. & seq. *Decretum* contra Hæreticos per Duces & Proceres Masouia
editum. 371. & 372
- Dedica-*

INDEX RERVM ET VERBORVM

<i>Dedicatio</i> Authoris operis de rectè gerendo Episcopatu. 298.	item Vitarum Episcoporum Plocensium. 299
<i>Defensio</i> ordinaria finium Regni Poloniae cur non praestetur à Rege. 51	
<i>Demetrius</i> verus Moschouiae hæres adhuc impuber à Borislao Hoduno occisus. 28.	
<i>Demetrius</i> fictus fingit se Ioannis Moschouiae Principis filium. 29.	accerlitus ad Regem Poloniae, oratione habitâ incerto cum responso dimissus; exercitum in Moschouiam ducit. ibid.
	eius successus. 30. pugnât cum Hoduno; vincit, & veneno necat. 31.
	imperio potitur, vxore & filio Hoduni è medio sublatis. 32. & 155.
	Legatos ad Regem mittit. 37. 481.
	eius vitia: vnde Moschorum in illum odium & conspiratio, quâ comperitâ conscios conspirationis punit. ibid.
	vsurpat Cæsareum ac Regium titulum; quare à Sigismundo reprehensus fuit. ibid.
	Marinam, Georgij Maizsek filiam in vxorem petit. 37. & 155.
	grandem pecuniam summam Palatino Sendomiriensi misit. 38.
	<i>Demetrii</i> fastus & ingratitudo in Sigismundum III. Poloniae Regem. 71.
	obtruncatur à Moschis. ibid. 155. & 481
<i>Demi</i> non vocat manifestè improbos ad Episcopatum, quare. 264	
<i>Diaboli</i> , Episcopo inuigilante, astutia. 248	
<i>Diem</i> obitus sui praesciuit Matthias Pstroconius. 297. & 431	
<i>Dies</i> fluminis Moldaniae. 234	
<i>Dietreslein</i> Cardinalis & Episcopus Olomocensis. 40	
<i>Digni</i> in petitione Episcopatus quatenus excusantur. 247	
<i>Dignitariorum</i> & Officialium nomine contra Ecclesiam acre scriptum. 202	
<i>Diaceses</i> in Polonia amplissimæ. 280	
ad <i>Dirschauiam</i> Gustauus sclopeto ictus. 240	
<i>Discordia</i> inter Duces Regij exercitus. 130.	item inter filios Volodimiri Kijouiae Ducis. 153
<i>Discursus</i> de rebus Silesiacis. 159	
<i>Dissertationis</i> de Episcopali munere exordium. 246	
<i>Dithamari</i> de rebus Polonicis falsa historia. 312.	refellitur ab Auctore. 313
<i>Dlugosius</i> scriptor quo anno vixerit. 306.	scripsit Vitas Episcoporum Plocensium; cuius praefatio hîc inserta est. ibid. & seqq.
	quod vsque historiam suam continuauit. 365
<i>Dobeslaus</i> I. dictus Sowka Episcopus Plocensis XXXII. duobus fratribus praeclare Episcopatu functis successor datus. 351.	fuit acer inurium Ecclesiasticorum defensor. ibid.
	obiit subitâ apoplexiâ extinctus. 352
<i>Dolenga</i> insigne gentilitium. 331	
<i>Doliua</i> insigne gentilitium. 325	
<i>Domniso</i> Poeta de Henrico Imperatore quid canat. 327	
<i>Donationes</i> aulicæ ad Episcopatum obtinendum dissuadentur. 259	
<i>Dominicani</i> Plocenses cadauer Ioannis Czaplæ sepeliunt. 340.	inter <i>Dominicanos</i> Russiae & Poloniae controuersiae compositæ. 419
<i>Dotis</i> & <i>contradotis</i> reginae Annae Sigismundi III. coniugis cautio. 6	
<i>Duces</i> exercitus Regij aduersus Rocossianos qui 426	consent pugnam sine morâ committendam. 123.
	<i>Ducum</i> Silesiae cum Polonis societas: & dissidij initia. 166. & seq.
	<i>Duces</i> exercitus Moschorum Smolenscum obsidentis. 447.
<i>Dumnorum</i> domus in Polonia nobilis quis auctor. 381	
<i>Dzierzgowius</i> Archiepiscopus Gnesnensis in suos profusus. 284	
<i>Dzierzgowu</i> castrum per Gunterum Episcopum Plocensem interceptum. 338	

MEMORABILIVM.

E.

Ecclēsie iuribus nequid præiudicetur in Viſlicienſi cōiuentu cauent Epiſcopi. 77. rei *Eccleſiaſtica* in Sileſiā proſpiciebant Reges Poloniæ 160. *Becleſia* Orlouienſis in Sileſiā Abbati Tinecenſi ſubeſt. ibid. *Eccleſiaſtici* in Poloniā quid ſemper Reipublicæ cauſæ præſtiterint. 206. *Eccleſiaſticorum* non ſuā ſed parentum voluntate factorum parum felices exitus 268. & ſeq. *Eccleſiaſticum* ſtatum non eſſe temere deferendum exemplo docetur. 269. *Eccleſiaſtico* virtutes Catholici Regis recensenti vnde initium ſumere debeat. 470.

Edictum Rocofſianorum. 68. & 84. *Edictum* Sigifmundi III. 84. aliud Rocofſianorum 108. & 115. *Edictum* Senatorum in Comitijſ Varſauien. 116. & 117. *Edicta* contra Rocofſianos ſcripta. 134

Elbinga à ciuibus hæreticis Sueco dedita. 239

Electiōes temerariæ Epiſcoporum quāmperticioſæ. 258. eæ debent eſſe Canonici. ibid. *Electio* Canonica in Polonia in Regiam Nominationē trāſijt. 263 *Electiōis* noui Regis in Poloniā ſumma & moderatio more Maiorū penes Archiepiſcopum Gueſnienſem eſt. 405. in *Electiōe* poſt Stephani Regis mortē, alij hunc, alij alium eligunt. 406. qui in Sigifmundum III propendeant 478. *Electores* Brandenburgici feudo Pruſſico ornati 238. turbatis in Poloniā rebus creuere. 336

Eleemoſyna & corporalis & ſpiritualis largitor Piſtroconius. 431

Elogium Vladillai IV. Regis Poloniæ de Stanillao Lubienski Epiſcopi 394. & Guidonis Cardinalis Bentiuoli. ibid.

Elſnabum regia nauis appellit cum paucis alijs, cæteris tempeſtate diſiectis. 11.

Elſnabens portus qualis, quātum inde diſtet Stoccholmia & quali itinere ibi.

Emetones in Polonia qui. 211

Epilogus tractationis de rectē gerendo Epiſcopatu 296

Epiſcopale munus quale & quantum. 243. *Epiſcopalem* dignitatem declinat S. Nilamnon, & alij 247. *Epiſcopatus* Præmiſſienſis ab iniurijs vindicatus & in priſtinum ſplendorem reſtitutus. 419. *Epiſcopatus* Plocenſis exordium. 309.

Epiſcopatus & eccleſiæ in Sileſiā à Regibus Poloniæ fundatæ 159. *Epiſcoporum* Poloniæ per Sileſiam iuriſdictio. 160. *Epiſcopi* Vratulauienſis iuriſdictio in Polonia. ibid. *Epiſcopi* nominis notatio. 247. *Epiſcopus* in Eccleſiā ſuā ſpeculator. 248. in *Epiſcopatu* plurimū ſollicitudinis & periculi. ibid. *Epiſcopatus* Speculator quaſi belli Dux & miles fortiffimus noſſe debet hoſtes. ibid. quales *Epiſcopos* Pſeudo-politicis opponi oporteat. 249. & 251. *Epiſcopi* Paſtoris officio fungi debent. 252. *Epiſcopalis* functio nouæ legis in ornatu Pontificis antiquæ legis adumbrata 254. eius ſanctitas & ſacrificij excellentia à D. Chryſoſtomo expenſa. ibid. ad *Epiſcopatum* temerē electi, inepti & inutiles ad res gerendas. 257. *Epiſcopos* futuros vocandi ratio 258. *Epiſcopo* ritē ordinato quid oneris incumbat. 270. quibus virtutibus clarere debeat, & ſubditis perfectione præſtare. 271. *Epiſcoporum* iuriſdictio & potestas. 274. in cœtu Presbyterorum ſunt vt Principes. ibid. *Epiſcoporum* Poloniæ excellens in Senatu factum. 276. quo iure ad reſidentiam teneantur. 277. quibus ex cauſis poſſint à ſua eccleſiā abeſſe. 279. *Epiſcopis* quid præ oculis habendum in Diœceſi viſitandā 281. qualis vitæ ratio habenda ibid. ex redditibus Eccleſiæ non ditent ſuos conſanguineos aut familiares. 282. peſſimo euentu id aliqui fecerunt. ibid. *Epiſcopi* viſitantis familia qualis eſſe debeat. 285. *Epiſcopi* viſitantis idea. 286 in eo impotens animus improbatur. ibid. notantur qui ad rem magis quā ad curam

INDEX RERVM ET VERBORVM

- curam pastorem sunt intenti. 287. *Episcopus* visitans in quos inquirere debeat 288 *Episcopus* in Polonia vnà etiam regni Senator. 289. *Episcoporum* in Polonia prarogatiua. ibid. & 290. Senatoriam dignitatem prius adepti sunt, quam seculares. 289. & 291. *Episcopi* vnde tanta in Senatu dicendi & Reges redarguendi libertas. 291. & 292. *Episcopi* Senatoria dignitas in quo consistat. 294. eius est imprimis iura Ecclesiæ tueri. 295. Legibus iniquis contraire & pietate præstare. 296.
- Epistola* Authoris ad Cosmum Cardinalem de Torres. 435. *Alia* ad Georgium Vilhelmum Electorem Brandenburgicum, de non seruata fide quâ Regi & Reipub. Polonæ obstrictus est. 437. 439. 440. *Alia* ad Carolum à Dhona Casareæ Maiestatis Consiliarium eiusdem argumenti. 438. *Epistola* familiares ad Matthiam Casimirum Sarbiciu Societatis Iesv Sacerdotem. 442. 444. & seqq. ac vicissim illius ad Stanislauum Lubieski. 462. & seqq. *Alia* ad Annibalẽ Cardinalem Bentiuolum de Smolensco à Moschis obfesso, liberato. 447. & seqq. *Alia* ad Ioannem Gembiciu Secretarium Regium in Moschouia degentem. 451. *Alia* ad Honoratum Vice-comitem Nuntium Apostolicum. 452. *Epistola* Guidonis Cardinalis Bentiuoli ad Stanislauum Lubieski, & huius ad illum. 453. & seqq. ad Sodalitatem Graciensem. 462. *Epistola* Episcoporum ex Synodo Petricouienfi ad Palatinum Cracouiensem 143. *Epistola* de bello Turcico Stanislai Zolkieuji ad Sigismundum III. ab Authore in Latinum versa. 185. & seqq. *Epistola* de bello Turcico ad Chocinum gesto nomine Sigismundi III. ad Gregorium XV. 187 & seqq. item ad Ferdinandum II. Roman. Imperatorem. 190. & seqq. *Epistola* Boleslai Criuoustij ad Ottonem Episcopum Bambergensem. 329. Vide *Littera*.
- Epitaphium* Boleslai Chobri. 315
- Eques* ficti nominis ab Auctore censurâ notatus. 162. & seqq.
- Equester* Ordo quam prarogatiuam acceperit à Ludouico Lois. 209
- Erasmus* I. Cioleck Episcopus Plocensis XLIV. fauore Alexandri Regis Episcopatum adeptus. 370. missus à Sigismundo Romam, ibique peritorum à Leone X. compos factus, mortuus est. ibid.
- Ericus* Brahe gubernator arcis Stoccholmiensis. 20
- Ernestus* Veicher Capitaneus Pucensis. 19
- Estoniam* quando Rex tenebatur regno Polonia restituere. 41. 48. cur id omis- sum sit. 50
- Excusatio* friuola Electoris Brandenburgici super affinitate cum Sueco contra- cta & alijs. 437. item super facto Regiomontanorum. 438
- Exempla* aliquot ambiciosorum & luxui deditorum Episcoporum. 265. & seqq. *Exempla* Episcopalem dignitatem fugientium. 273. & seqq. *Exempla* quædam insignia circa liberalitatem in pauperes. 432. *Exempla* aliquo- rum qui infelici successu affinitatem contraxerunt. 437
- Exercitatio* iuuenum Clericorum & Ecclesiasticæ nobilitatis per Pstroconium. 260 & 261.
- Exercitia* pia Matthiæ Pstroconij. 432. & seqq.
- Exercitus* Sigismundi III. aduersus Rocossianos qualis; item *exercitus* Rocol- sianorum robur & numerus. 73. & 122. *Exercitus* Regius rationem red- dit Rocossianis cum à defensione causæ regiæ deterrentibus. 74. à Rege lustratur. 84. struendi *exercitus* cura in Duces distributa. 128. *exercitus* Regij periculum ob discordiam Ducum. 131. *Exercitus* Polonicus Moldauiam ingressus ad summas reductus angustias. 235. *Exercitus* Moscho- rum Smolenscum obsidentium quantus. 447. item Sigismundi III. illos obsidionem soluere cogentis. ibid. *Exercitus* Turcarum & Tartarorum an. 1621. Polonia impendens quantus fuerit. 483
- Exhor-*

M E M O R A B I L I V M.

- Exhortatio* ad Liberos Sigismundi III. vitâ functi, ac nominatim ad Vladislauum IV. Regem Poloniae. 486. 487. & 493
Exploratores Regij Rocossianum exercitum versus Cracouiam profectum referunt. 124
Externi nulli aliquo in Poloniâ Magistratu funguntur paucis exceptis. 50
Exundatio vîstulæ mense Iulio 1593. prodigij loco habita. 7. item. 1621. quid eadem tunc & aliàs portenderit. ibid. percommoda fuit Sigismundo III. Dantiscum nauiganti. ibid.

F.

- F***abula* de habitu religioso à Matthiâ Pstroconio suscepto, vnde nata. 400
Factiones ob decimarum exactionem. 290. *Factio* Zborouiana. 405. & seq.
Factio Rocossiana. 68
Falsus Demetrius Moschouiae Princeps. Vide *Demetrius* Fictus.
Febri malignâ correptus Pstroconius, 430. & Andreas Noskowski Episcopus Plocensis. 379
Felicitas virtutis comes. 435
Felix Kryski supremus regni Cancellarius 19. Referendarij honore auctus. 63. Moderator confessus Nuntiorum Terrestrium in comitijs. 114.
Ferdinandi II. Rom. Imperatoris encomium. 493
de Feudo Prussico quid actum. 54. & 100
Fides à Sigismundo III. constanter semper culta, etiam hostibus seruata. 474. *Fide* mutuâ se obstringunt Senatores & Nobilitas sanioris consilij aduersus Rocossianos. 79. *Fides* insignis Russiæ Procerum erga Regem: & Nobilitatis Palatinatus Siradiensis. 109. *Fides* quam Georgius Vilhelmus Elector Brandeburgicus Regi Poloniae debet, quare in dubium vocata. 436 & seq.
Filij è duobus matrimonijs Sigismundi III. quàm concordēs fuerint. 477. & seqq. *Filij* Vladislai natu maioris Boleslai Criuoustij Silesiam inter se partiti. 164.
Finis comitorum Varsauensium, qualis. 121
Firleiorum patritia familia. 386
Flamingus Sueciæ Trierarchus classiæ regiæ Praefectus 10. eo tempore quo Rex in Sueciâ morabatur classem in portus Finlandicos subduxe- rat. 19.
Florianus I. ex familiâ Coryllorum electus Episcopus Plocensis XXVI. in ordine moritur. 347
Formula Confoederationis concepta à Rocossianis. 75
Fortuna nusquàm alibi quàm in bello suum exercet lusum. 240. *Fortuna* pugne cum Rocossianis initæ aliquamdiu anceps fuit. 129
Francisco Cardinali Barberino scribit Author pro obtinendâ Canonizatione b. Stanislai Kostka Societat. Iesv. 443
Franciscus Gambara S Marci Cardinalis in Poloniam Legatus. 349
Fratres tres in Cathedrâ Plocensi sibi succedentes decennio Episcopatum compleuere. 352. *Fratres* quatuor, Vladislai IV. Regis Poloniae concorditer in Conuentu Electionis fratris causam egerunt. 478
Fridericus Cardinalis, Archiepiscopus Gnesnensis quomodo promotionē Ioannis Lubranscij ad Episcopatum Plocensem fouerit. 368
Fridericus III. Romanorum Imperator filius Cimbaræ Masouiae Principum sororis. 359
Friderici Curlandiæ Ducis in conflictu Polonorum cum Suecis virtus. 36.

INDEX RERVM ET VERBORVM

<i>Fredericus</i> Casimiri III. filius Episcopus Cracouiensis vitâ & morte inglorius.	
268.	
<i>Friſſatum</i> oppidum.	359
<i>Fulco</i> Archiepiſcopus Gneſnensis cur Boleslaum Caluum diris deuouerit.	171
<i>Fumalia</i> , quæ olim dicerentur in Poloniâ.	209
<i>Functio</i> Episcopalis nouæ legis in ornatu Pontificis antiquæ legis adumbrata.	254.
in <i>Functione</i> Reipub. Polon. quales se olim præstiterint Episcopi.	291
<i>Futura</i> prædicta à Pstroconio.	251. 431

G.

G abriel Bathoreus quis: eius educatio: fidem Catholicam ciurat. 103.	Aria-
nus factus à Bathoreo Esethi Domino adoptatur.	ibid.
<i>Gaiouvski</i> . Vide inter <i>ioannes</i> .	
<i>Galicinus</i> Moschus ad Sigismundum III. missus.	158
<i>Gallia</i> olim æternum sibi nomen parauit felicissimis contra Turcam expeditioni-	
bus. 458. <i>Gallia</i> Rex in societatem communis periculi à Sigismundo III. Po-	
loniæ Rege adscitus quid responderit.	483
<i>Gansauia</i> vicus Tremesnensis Monasterij.	167. 337
<i>Gaszewius</i> in Exercitu Polonico Dux.	449
<i>Gedanum</i> ingreditur Sigismundus III. 8. quomodo à ciuibus & iuuentute ex-	
ceptus, atque à Magistratu saluatus sit. ibid. ex falso rumore tumultum excit-	
ant Gedanenses in quo Rex & Regina alijsque grauissimo perfuncti periculo. 9.	
sed ante noctem per Consules sedatus.	ibid.
<i>Gedeon</i> Episcopus Cracouiensis.	291
<i>Gedeon</i> I. Episcopus Plocensis XIV. è nobilissimo Gryphorum genere ortus. 336. eius	
obitus.	337
<i>Gedeon</i> II. ex Custode Episcopus Plocensis in ordine XXIII. renunciatur.	345.
moritur.	ibid.
<i>Georgius</i> Mnizek opem fert ficto Demetrio, quem cum exercitu in Moschouiam	
ducit 29. insignis eius animi magnitudo in pugna contra Moschos susceptâ.	
30. quomodo cum Moschistransegerit.	72
<i>Georgius</i> Wilhelmus Marchio Brandenburgensis Sigismundi III. beneficio orna-	
tus, quomodo exceptus fuerit priusquam Varſauiam ingrederetur. 238. fi-	
des quâ Regi & Regno Poloniæ obstrictus est in dubium vocata, eò quod af-	
ſinitatem cum Sueco inierit, &c. 436. & 437. ad eum tres eiusdem argumenti	
scriptæ ab Auctore Epistolæ.	ibid. & 439. & seq.
<i>Georgius</i> Radoszovſki Boxa Succameratus Vielunensis.	109
<i>Georgius</i> Radiuilus Episcopus Cracouiensis strenuus suæ Diœcesis viſirator. 280.	
à quo Monasteria hominum vtriusque sexus pristino nitore restituta; Clerus	
melioribus præceptis formatus.	281
<i>Georgius</i> Zamoscius Episcopus Chelmenſis tutor Thomæ Zamoscij.	33
<i>Germani</i> quare olim in Poloniam euocati. 208. in <i>Germaniâ</i> viſitatum in consilio	
publico sacerdotes primos adhibere. 292. <i>Germani</i> ex conflictu cum Po-	
lonis ſaucij ac fame preſſi à Matthia Pstroconio refocillati.	407
<i>Germanicus</i> Malaſpina Nuntius Apoſtolicus in Poloniâ 9. eius incautus feruor	
Stoccholmiæ.	14
<i>Getka</i> Episcopus Plocensis. Vide <i>Gedeon</i> I.	
<i>Glebus</i> Volodimiri Kijouæ Ducis filius.	153
<i>Glinſcius</i> transfuga & proditor.	153
<i>Gloria</i> vera & ſolida ex rectè factis petitur.	244
<i>Gneſnensis</i> Archiepiſcopus Episcopum Vratſſlauienſem ſemper protexit. 171.	
quilibet <i>Gneſnensis</i> Archiepiſcopus est Canonicus natus Plocensis. 308. & 368.	
hic Archiepiſcopatus est prima dignitas in Repub. Polonâ.	420
	<i>Gneſnen-</i>

MEMORABILIVM.

<i>Gnesnensis</i> Ecclesia eiusque Collegium beneficiâ Carnouij Archiepiscopi auctum.	420
<i>Godefridus</i> Bullonius Hierosolymam capit.	325
<i>Gornense</i> territorium patrimonium Ecclesiæ Plocensis.	392
<i>Gostaus</i> I. & II. Episcopus Plocensis. Vide <i>Gedon</i> I. & II.	
<i>Gottica</i> gentis cum Polonis idem genus.	488
<i>Gostomski</i> . Vide inter <i>Hieronimos</i> .	
<i>Gozdani</i> insigne gentilitium.	326
<i>Grabscij</i> in Polonia vnde orti.	389
<i>Gratianus</i> Moldauiae Palatinus cum totâ Moldauia in clientelam Regis Poloniae se concessurum pollicetur. 232. venit in Castra Zolkienij Moldauiam ingressi a suis desertus.	233
ad <i>Grandentum</i> vniuersae Suecorum copiae in fugam actae, ipso <i>Gustauo</i> vix saluo.	240
<i>S. Gregorij</i> de Episcopo temerariè electo sententia.	258
<i>Gregorius</i> VII. Pont. Max. ob eadem D. Stanislai vniuersae Poloniae sacris interdixit.	227
<i>Gregorij</i> X. Pont. Max. in Palestinâ existentis zelus.	452
<i>Gregorius</i> XI. Pont. Max. primus Auenione Romam Sedem Romanorum Pontificum transtulit.	352
<i>Gregorij</i> Lubranski Archidiaconi Cracouiensis in declinando Episcopatu animi submissio.	367
<i>Gregorius</i> Ottrepouicius. Vide <i>Demetrius</i> fictus.	
<i>Gubernatio</i> regni Sueciae ad Carolum Ducem: arcis Stoccholmiensis ad Ericum & <i>Gustauum</i> Brahe delata.	20
<i>Guidonis</i> Cardinalis Bentiuoli ad Stanislauum Lubinski, & huius ad illum epistolæ.	553. & seqq.
<i>Gunteris</i> XVI. in ordine Episcopus Plocensis eligitur, qui ad coercendas Pruthenorum in Episcopatum suum incursiones castrum Dzierzgow intercepit. 336. auctor fuit <i>Conrado</i> Masouiae Duci vt Cruciferos de Syriâ eiectos acciret. ibid. varia illis donauit. 339. eius obitus. ibid.	
<i>Gustauica</i> stirpis in Sueciâ regnum.	14
<i>Gustauus</i> auus Sigismundi III. Danos & Tyrannum de Sueciâ eiecit.	15. & 16
<i>Gustauus</i> Brahe arcis Stoccholmiensis gubernator.	20
<i>Gustauus</i> filius Caroli patris Sigismundi III.	480
<i>Guzoniensis</i> pugna praeuifa. 251. perturbatâ dextræ partis exercitus acie immotus Sigismundus III.	476

H.

H alicienſium Ruſſorum potentia diſtracto diſſenſionibus Kijouienſi Ducatu. 180. Halicienſe regnum dotale dedit Leſcus Poloniae Monarcha Colomano Hungariae Regis filio. 180. deinde ad Maſouiae Duces, ac Reges Pol. deuolutum.	181
ad <i>Hamerſteinum</i> vniuerſus exercitus Suecorum caſus.	240
<i>Hannibal</i> toties Romanorū victor, Capuanis mollioribus hybernis occidit.	477
<i>S. Hedwigis</i> filius Henricus ad Legniciam caſus.	164. & 167
<i>Hela</i> oppidum iuris Dantiſcani.	10
<i>Henricus</i> Imperator rem eccleſiaſticam turbauit. 327. bellum Polonis & Boeſlao Criuouſtio intulit: ſed ab ijs victus vix ſaluus euafit.	ibid.
<i>Henricus</i> Andegauēſium Dux multa Polonis promiſit dū in Regē eligeretur.	41
<i>Henricus</i> Pius filius S. Hedwigis cum Tartaris pugmans periit glorioſe. 164. & 167. & 208.	
<i>Henricus</i> Dux Sileſiae illata Eccleſiae Vratiſlauienſi damna compenſat.	165

INDEX RERVM ET VERBORVM

- Henricus* I. Dux Masouiae Episcopus Plocensis XXXIV. à parentibus in spem adipiscendi honoris Ecclesiastici educatus, iuuenis admodum Subdiaconatum accepit & Episcopus eligitur, sed consecrationem acceptare remittit. 353. suis obsequens libidinibus ordinem sacrum in cœtis nuptijs polluit. *ibid.*
- Henricus* Barbatus Vratillauensis Dux, Boleslai Pudici tutor, interfuit Comitibus Gansauae actis, ibique vulneribus afflictus fuit. 167
- Henricus* Firley Regni Referendarius acta in conuentu Villicienfi Rocossianis significat, eorumque cum responso redit. 77. & 79. *ibid.* Nobilitati Crac. causas actionum Regis cum Rocossianis explicat. 186. fit Episcopus Plocensis LVII. quibus ortus parentibus. 387. gestis aliquot Magistratibus transfertur ad Archiepiscopatum Gnesnensem. *ibid.*
- Herbertus* quis; eius leue ingenium: cum Gabriele Bathoreo contra Regem conspirat. 103. eius simulata erga Sigismundum Poloniae Regem fides. 104. sequitur partes Palatini Crac. & Stanilaum Stadnicium capit, moxque ipse à Stadnicijs captus certis conditionibus dimittitur. *ibid.* victis Rocossianis captus ad Regem mittitur. 135
- Hæresis* inter animæ pestes facile in Polonia curabilis. 253
- Hæretici* ex motu ciuili quid potissimum sperent. 46. per occasionem turbatae pacis publicæ hæresim augere intendunt. 58. nihil aliud spirant, nisi vt spirituales statum nouis legibus circumscribant. 205
- Hermanus* de Salza summus Magister Crucigerorum. 338
- Jeremias* Mohila Valachiae princeps. 139
- Hieronymus* de Buzenin supremus Regni Thesaurarius 397. post Siradiensis Castellanus effecit ne nomen Buzeniorum interiret. 398
- Hieronymus* Gostomski Palatinus Posnaniensis. 8 & 19. eius illustre factum in contestando erga Regem animo. 67. ostendit quàm leues & falsæ sint criminationes in Regem à Palatino Crac. confictæ. 96
- Hieronymi* Cielecki Episcopi Plocensis LVIII. vita & obitus. 387. & seqq.
- Hieronymus* Rozrazeni Episcopus Vladislauensis 8. eius nomen magnum apud omnes. 250. ex curia Pij V. Pont. Max. ad aulam ab Henrico Rege euocatus. 261. strenuus suæ diocesis visitator. 280. ad transigendum cum Rudolpho Imperatore de iniurijs ab Archiduce Maximiliano Regno Poloniae illatis mittitur in Austriam. 408
- Hierosolyma* à Godefredo Bullonio capta. 325
- Hodunus* Moschouiae Princeps. Vide *Borisius*.
- Honor* est effectus virtutis. 472
- ad *Honoratum* Vice-comitem Nuntium Apostolicum in Polonia Auctoris epistola de periculo Poloniae per Turcam imminente. 452
- Hospitalitas* Piasii erga SS. Ioannem & Paulum Martyres. 302
- Hosium* nemo vidit vquam Sigismundum III. supplicem vel periculo, dum vixit, pauentem. 485
- Hussitarum* rabies ne Silesiam inficeret prouidit Vladislaus Iagiello Rex. 159

I.

I*acobus* I. Episcopus Plocensis XXXVI. in ordine Plociam ab Vrbe per Bonifacium IX. renunciatus & consecratus missus: fuit Parochus Albæ Ecclesie prope Cracouiam. 354. curæ suæ renunciando ad Academiam Bononiensem studijs operam nauaturus properat. 355. fit Doctor sacrorum Canonum: mox ad Urbem accitus Palatii Apostolici Auditor. *ibid.* omnibus numeris absoluti Pastoris Episcopi & Senatoris specimen exhibuit. *ibid.* mirifice aureâ & argenteâ supellectili locupletauit Ecclesiam Plocensem. 356. moritur an. 1425. *ibid.*

Iacobus

MEMORABILIVM.

<i>Jacobus</i> Britannię Rex solus Christianorum Principum Sigismundo III. in com- muni periculo quod an. 1621. toti Reipublic. Christianę à Turca & Tartaro imminebat, opem tulit.	483.
<i>Jacobus</i> Buczacki Episcopus Plocensis XLIX. moritur an. 1542.	375
<i>Jacobus</i> Handa Notarius.	362
<i>Jacobus</i> Potocki Prætorij militis ac peditatus præfectus. 101. cum pedita- tu progressus Rocossianos loco cedere iussit.	125
<i>Jacobus</i> Vchanſcius Regiâ potestate fretus Episcopatum Vladislavensem in- uasit.	259
<i>Jacobus</i> Zninensis Archiepiscopus Gnesnensis.	291
<i>Jedynowuladec</i> titulus à Iaroslao vsurpatus.	179
<i>Jacobus</i> Zadzick Episcopus Culmensis.	175. 488. & seq.
<i>Jagellonica</i> stirps genere & rebus gestis clara.	175. 488. & seq.
<i>Janislau</i> Wronski Episcopus Plocensis XXIX. tandem post litem septem an- norum cum Bernardo habitam, Cathedram conscendit, 350. eius obitus.	ibid.
ad <i>Ianouecium</i> affecutus est Rex Rocossianos. 87. ibi res Rocossianorum arctæ.	89.
<i>Ianusius</i> Palatinus Volniæ sexcentorum hastatorum cohortem contra Cosacos duxit. 3. ijs cæsis vexilla ex hoste capta ad ædem D. Stanislai affixit.	4
<i>Ianusij</i> Radiuili temeritas in Comitij Varſaviensibus. 46. eius ob prehensum insolentem famulum indignatio. 62. conuentus Lublinensis Mareſcalcus factus.	66
<i>Jaroslau</i> Episcopus Vratislavienſis in Ecclesiam suam beneficus.	186. & 171
<i>Jaroslau</i> Volodimiri Kijouitæ Ducis filij à Boleslao Chobri Polonię Rege victus & tributarius effectus. 154. & 178. cuius sororem Casimirus Monachus in matrimonium accepit. ibid. is quinque filios reliquit, inter quos dis- cordiæ.	179
<i>Jarunti</i> in territorio Siradienſi vnde orti.	389
<i>Jaslicienſe</i> oppidum in finibus Hungariæ à quo muris coceptum.	419
<i>Jasſis</i> oppidum Turcicæ ditionis.	232
<i>Jedlinenſis</i> pagus à Rocossianis præſidio tentus.	127
<i>Iesus</i> Christus crucifixus exemplar perfectionis Episcopalis.	272
ad <i>Illecebras</i> & obscenas libidines prolapsus Boleslaus Audax.	321
<i>Ilza</i> oppidum Episcopi Cracouiensis.	132. & 134
<i>Immortalitas</i> morte paratur.	488
<i>Imperator</i> Rom. Polonos in societatem belli Turcici inuitare parat.	12
<i>Imperia</i> & Regna seditione pereunt.	293
in <i>Incolumitate</i> Regni Poloniæ vniuersæ Christianę Reipub. salus consistit.	459
<i>Incurſio</i> in penetralia Moschouiæ à Sigismundo Rege ordinata, Moschis obli- dionem Smolenscensem continuantibus. 449. Tartarorum in Rusſiam. 35.	36
Caroli Sudermani in Liunioniam.	264
<i>Indignitas</i> triplex eorum qui sine vocatione Dei Episcopatum ambiunt.	399
<i>Infans</i> semetris penè suffocatus: idemque triennis in fluuio submersus mira- culosè vitæ restituitur.	261
<i>Ingenia</i> iuuentutis Ecclesiasticæ qualiter excolenda.	102.
<i>Inimicitia</i> inter Palatinum Cracou. & Mareſcalcum Regni exarsere. quare.	103
item inter Stanislaum Stadnicium & Felicem Herburtum.	119. & 120
<i>Innocentia</i> Sigismundi III. à Senatoribus & Nuntijs comprobata.	349
<i>Innocentius</i> VI. Pont. Max. cur censuris Ecclesiasticis stringat Ianislaum Episco- pum & Clerum Plocensem.	407. & seq.
ad <i>Inopiam</i> delapsi quid ex motu ciuili sperent. 46. <i>Inopum</i> peculiatis cura & ratio.	418

INDEX RERVM ET VERBORVM

Inquisitio in vitam nominati Episcopi in Polonia. ad 263
Interregnum post mortem Stephani Regis Poloniae. ibid. 405
ad Ioannem XIII. Pont. Max. Legati à Miecislao Poloniae Rege missi. 303
ad Polonos in fide confirmandos eò legatum expeditur. ibid.
Ioannis I. XV. in ordine Episcopi Plocensis electi, vita & obitus. 337
Ioannes II. dictus Altus XXIV. in ordine Episcopus Plocensis moritur anno 1310.
 1346.
Ioannis III. Nalecz nobilis Poloni Episcopi Plocensis in ordine XXV. obitus. 346
Ioannes IV. Lubranski dictus Pinarius XLII. in ordine Episcopus Plocensis quomo-
do ad Cathedram promotus sit. 368. *passus est se transferri ad Sedem Posna-*
niensem. ibid.
Ioannes Choienski Episcopus Plocensis XLVII. post Episcopatu Cracoviensi po-
titus. 374
Ioannes Bilinski Episcopus Plocensis LI. eodem anno quo adeptus est Episcopa-
tum, moritur. 370
Ioannes Bohemiae Rex è Lucemburgica familia. 168
Ioannes Czaplà Scholasticus Plocensis 336. à Conrado Masovia Duce in
crucem actus, & in cadaver eius sauitum. 1340
Ioannis de Buzenin Pstrokonski pro patriâ res fortiter gestæ; mors & posteritas.
 398.
Ioannes de Buzenin Capitaneus Ostresoviensis immaturâ morte interceptus.
 397.
Ioannes Dalmata peditum Rocossianorû præfectus ad Zolkienium transfugit. 126
Ioannes Droicovius Episcopus Vladislavienfis Hæreticorum fautor. 259
Ioannes Felix Herbutus Vexillifer Leopoliensis. 135. conspirationis de re-
gno Gabrieli Batthoreo tradendo convictus & captus, sponse datâ dimis-
sus est. 426. & seq. *Vide Herbutus.*
Ioannes Gaiovvski ad Rocossianos cum litteris missus. 87. eiusdem cum respon-
so ad Regem reditus. 88
Ioannes Galczynius Referendarius Regni moritur. 416
ad Ioannem Gembicium Regium Secretarium Authoris epistola. 451
Ioannes Gruscinius Archiepiscopus Gnesnensis è Rosarum familia ortus. 397. pes-
simo euentu ditavit familiares suos. 283
Ioannes Grzymulovvski Castellanus Bidgostiensis. 77
Ioannes Iuanovicius frater Boryslj Hoduni. 30. à fratre exercitui præfectus
cum magna parte in potestatem ficti Demetrii venit. 31
Ioannes Lalcus Korabita in familiam Rosarum adoptatus, in adoptatores suos
quàm gratus. 397
Ioannes Moschovix Princeps magnam Russiæ partem occupavit. 155. A-
lexandro Poloniae Regi genero suo aliquot arces abstulit & Seuerienses Du-
ces ad se pertraxit. ibid.
Ioannes Muscata Episcopus Cracoviensis. 292
Ioannes Ostrogus Castellanus Cracoviensis 9. quid sentiat de iterato Regis
matrimonio. 33. Lublini consilij seditiosorum se ingerit, 65. motuum
civilium se pacificatorem offert; sed indigna poscere visus. 83. & seq. pri-
mus parricinium Rocossianorum suscipere visus. 135
Ioannes Pstroconski Matthiæ Pstroconij frater Castellanus Vielunensis. 398
Ioannes Sapieha cum bis mille militibus ab hoste turpiter fugatus. 239
Ioannes Sigisfinundus Elector Brandenburgicus curator Alberti Brandenburgici in
Prussia Ducali. 428
Ioannes Sueciæ Rex moritur anno 1592. 8. Cal. Decemb. I. eius obitus cur non
nisi tristis Sigismundo filio. ibid. quomodo iuri filij sui cauerit. ibid. quo
animo filium Reualiam evocatum secum in Sueciam abducere voluerit. 13.
 Sena

MEMORABILIVM.

Senatoribus aliquot Suecis reis in gratiam filij sui veniam dat.	14.	pompâ
funeris ipsius.		
<i>Ioannes Tarnouius</i> Episcopus Vladislauensis Ecclesiæ & Reipublicæ propugnator acerrimus.	251.	15
eius mors prædicitur à Pstroconio. ibid.		
ex Referendario renunciatus Vice-cancellarius Pstroconium tunc temporis absentem Regentem Cancellariæ pronuntiat.	409.	
sedat motus aliquos ex primis Regijs nuptijs excitatos, & partes Regias egregiæ defendit.	410.	
Regem in Sueciam comitatus insanos Suecorum contra Regiam Maiestatem conatus egregiè retundit.	411.	
solus cum Pstroconio pro dignitate Regis Sigismundi in Sueciâ laborat.	412.	
quâ ratione in Archiepiscopum Gnesnensem euectus.	420.	
quanto apparatu Gnesnam ingressus, & quâ ratione inter eum & Cancellarium similitates interuenerint.	ibid.	
eius consilium regi in Sueciâ existenti datum.	15.	
valetudinarius Vpsaliam ad Regem contendit.	16.	
consilia Caroli, Regis patru præuenit.	17.	
eius egregius animus in tuenda regiâ dignitate.	ibid.	
dissuadet regi matrimonium cum Constantiâ.	ibid.	
moritur, constituto supremæ voluntatis executore Pstroconio.	25. 26. 420	
<i>Ioannes Theodorus</i> Moschoniæ Princeps extinctus fraude Hoduni.		155
<i>Ioannes Veicherus</i> à Rege in Poloniam ex Sueciâ missus.		19
<i>Ioannes Radiuilius</i> quis.	35.	
eius inimicus animus in Marescaldum.	ibid.	
tumultum excitat Cracouiæ.	ibid.	
illius & affectuum temeritas.	57.	
eius malus animus in Regem, & æmulatio in Chodkieuicium.	58.	
tandem se sistit coram Rege.	92.	
datâ Regi cautione benignè excipitur.		101
<i>Ioannes Wezyck</i> apud Ioannem Tarnouium institutus.		262
<i>Ioannis Zamosci</i> regni Cancellarij de rege sinistra suspicio.	2.	
eum malè habet promotio aliquorum.	4.	
sed priuatam hanc offensam componunt Senatores.	5.	
eius virtute compressa audacia Caroli Sudermani in Liouoniâ.	23.	
dissuadet regi matrimonium cum Constantiâ.	25. & 33.	
eius in Poloniâ auctoritas.	ibid.	
& merita.	26.	
ad summum Pont epistola.	ibid.	
erga Pstroconium animus.	27. 421.	
animi dotes & felicitas in bellis gerendis.	ibid. 223.	
cum Rege agit vt indicto nouo conuentu concitati motus componantur.	136.	
eiusdem ad Zolkieuum acres literæ.	136.	
fit amicus Pstroconij.	421.	
quare infensus fuerit Ioanni Tarnouio etiam criminis ab ipso insinulato.	420.	
moritur anno 1605.	33. & 422.	
eius facta præclara, electo in Regem Poloniæ Sigismundo III.		479. & 490
<i>Ioannes Zamoscius</i> Archiepiscopus Leopoliensis nomine Senatus Palatino Cracou. respondet.		151
<i>Ioannes Zamoscius</i> Grimalius ad Rudolphum Imperatorem missus.		4
<i>Ioanne Zapolio</i> Regnum Hungariæ tenente mortuo, vxor eius cum filio Regno exacta.		437
<i>Ioannes Zbarascius</i> exercitui Regis præficitur.		88
<i>Ioannes Zebrzydoui</i> Palatini Cracou. filius.		137
<i>Isabella</i> filiæ Sigismundi I. Ioanni Zapolio Regnum Hungariæ tenenti in matrimonio data infelix fortuna.		437
<i>Isaslai</i> Iarollai filij natu maioris varia fortuna.		179
<i>Iter</i> Sigismundi III. in Sueciam.	7.	
item Cracouiam.	102.	
Viliciam versus.	73.	
Polanecium versus.	85.	
Varisauiam ad obeunda comitia.		114
<i>Iudicium</i> grauium aliquot virorum de Matthiâ Pstrocomo Episcopo Præmissiensi.		244
<i>Iudicia</i> corrupta fucere causa præcipua malorum in Polonia.		195
<i>Iulij</i> Belli errata taxantur.	225 & seqq.	
hic rumigerulus potiùs quàm Historicus dici meretur.		241
<i>Iunior Vladislauensi</i> Præposituræ renunciat Pstroconius.		400

INDEX RERVM ET VERBORVM

<i>Iunossa</i> nobilitatis insigne.	376
<i>Iurisiurandi</i> violatores seuerè olim puniti.	474
<i>Ius</i> eligendi Regis Polonis saluum. 51. <i>Iustitiam</i> distributiuam violari à Sigismundo queruntur Nuntij. 49. in <i>Iure</i> dicendo quem modum Rex teneat. 53. <i>Iurisdictio</i> Episcoporum Poloniae per Silesiam, 160. & Episcopi Vratillauensis in Polonia. ibid. <i>Ius</i> Polonicum quale olim fuerit. 208. <i>Iure</i> diuino videtur Episcopus teneri ad residentiam.	277
<i>Iustitia</i> omnium virtutum Regina. 472. quàm eius amans fuerit Sigismundus III. Rex Poloniae.	ibid. & seqq.
<i>Iustitium</i> indictum à Petro Lascio & socijs.	108
<i>Iuuentus</i> Sigismundi III. qualis. 477. 479. 489. <i>Iuuentus</i> Dantiscana quomodo Sigismundum III. exceperit.	8

K.

K <i>Adlubcus</i> Episcopus Cracouiensis Monachatum profitemur. 328. eius de Simone Episcopo Plocensi dicta. ibid. moritur non sine sanctitatis opinione. 329.	
<i>Karncontus</i> . Vide inter <i>Stanislaos</i> .	
<i>Kazanovius</i> in exercitu Polonico Dux.	449
<i>Kiioniensis</i> ditionis nomine quidquid modò Moschi tenent olim continebatur. 153.	
ad <i>Krasnostaum</i> Zolkienius castra locat.	135

L.

L <i>Actitia</i> signa edita in Nuptijs secundis Sigismundi III. 39. cum Dantiscum ingrederetur. 8. & Cracouiam.	498
<i>Lanckorona</i> arx Cracouiæ vicina Regio præsidio firmata.	137
<i>Lanckoronscius</i> cum suis cur prope oppidum Pucense hyberna struxerit.	241
<i>Lapides</i> duodecim in ipso pectoris cooperimento Pontificis antiquæ legis intertexti quid significant.	272. & 273
<i>Latinitatis</i> studium in Cancellaria Polonica.	218
<i>Laudatio</i> funebris Sigismundi III.	469. & seqq.
<i>Laurea</i> Austriaca Iulij Belli ab Authore taxata.	225
<i>Laurentius</i> Gembicins quantus vir. 262. successor Matthiæ Pstroconij in Episcopatu Vladislauensi finem templo fere perfectò imposuit Raciazij.	430
<i>Laurentij</i> Golsicki ex Præmislhensi in Posnaniensem Episcopatum migrantis factum insigne.	263
<i>Laurentius</i> Myskowski cur Ianussium Ducem Zatoriensem occiderit.	380
<i>Lechita</i> ijdem qui Vandali.	305
<i>Legati</i> externi absente Rege in Poloniâ ad quem remittendi. 6. <i>Legati</i> ad Comitiam à Rudolpho Imperatore missi. ibid. <i>Legati</i> Regis Poloniae ad externos principes missi. ibid. <i>Legatio</i> Cæsarea ad Archiepiscopum Gnesnensem Rege absente. 12. <i>Legati</i> in Austriam à Sigismundo III. missi. 32. <i>Legatio</i> Hungarica ad Pol. Regem, eiusque responsum. 35. item Moschoutica. 37. in <i>Legationibus</i> mittendis vel recipiendis quid Rex faciat. <i>Legatio</i> à seditiosis Lublino ad Regem missa. 68. & 69. <i>Legatio</i> Moschoutica de Demetrio Moschorum Principe cæso. 69. <i>Legatio</i> Sigismundi III. ad Rocossianos, eiusque successus. 74. & 75. <i>Legationis</i> Rocossianorum ad Regem Villiciam missæ summa. 79. <i>Legationis</i> Moschouticæ summa à Sumscio destinata Cracouiam. 105. <i>Legatio</i> à Zolkieuio ad Rocossianos decreta. 124. item à Rocossianis ad Cardinalem Macieiouium. 144. <i>Legatio</i> Miccislai Regis Poloniae	

MEMORABILIVM.

- Poloniæ ad Ioannem XIII. Pont. Maxim. & huius ad illum. 302. & seq. *Legati*
si à Ioanne Sueciæ Rege ad Comitiam Electionis noui Regis mortuo Stephano
in Poloniam missi, quibus mandatis 478. *Legati* Polonici in Moschoniâ
malè tractati. 481
- Leges* Politicorum contra immunitatem & dignitatem Ecclesiasticam sub Sigis-
mundo Augusto temerariæ. 249. *Leges* aliquot in Poloniâ Ecclesiæ
præiudiciosæ 204. *Legibus* iniquis contraire in primis Episcoporum est. 296.
quâ lege olim Silesiæ Duces Principibus Poloniæ obstricti fuerint. 166
- ad *Legniciam* Henricus Pius à Tartaris cæsus. 164. & 167
- Leopolis* primaria Russiæ vrbs. 104
- Lescus* Albus in Comitij Gansauæ actis occisus. 167. & 337
- Lescus* Poloniæ Monarcha victo Vlodimiro Haliciense regnum dotale cum Solo-
meâ sorore dedit Colomano Hungariæ Regis filio. 180. quos filios habue-
rit. 305. quibus imperium partitus est. ibid.
- Libertas* Episcoporum in castigandis Principum delictis multis Principibus gra-
ta. 275. & seq. est salutis publicæ in Polonia conseruatric. 292. *Libertatis*
inconsultus amor in Polonia multorum malorum causa. 194
- Liberalitas* Stanislai Lubienski. 393. & Matthiæ Pstroconij. 418
- Libidini* & intemperantiæ post victorias deditorum exempla. 477
- Libri* D. Chrysostomi de Sacerdotio quàm familiares Matthiæ Pstroconio. 245
- ad *Lincopiam* in Suecia circumuentus Sigismundus III. arte Caroli, in primâ acie
stetit imperterritus. 476
- Lisouius* nobilis Lithuanus militem suum agendis prædis exercuit. 227
- Lites* inter Bernardum à Pontifice, & Ianissam Wronski à Clero Plocensi ele-
ctos Episcopos ortæ. 349
- Littera* Regis Rocossianos à temeritate dehortantis. 87 Senautorm, Palati-
num ad Comitiam inuitantium: item Regiæ ad Ordines. 133. Barthorei ad
Herburtum. 132. *Littera* Episcoporum ad Palatinum, eiusque responsum.
143. & 144. item Rocossianorum ad Cardinalem Macicioium eiusque re-
sponsum. ibid. & 145. *Littera* Zolkieuij ad Cardinalem eum responso eius-
dem. ibid. *Littera* à Senatu ad Palatinum. 148. Vide *Epistola*.
- Lithuania* Regno Poloniæ vnita. 154. *Lithuani* magnâ parte Russiæ potiuntur,
quos inter & Polonos de possessione Russiæ certatum. 181. octo *Lithuaniæ*
Duces in coronatione Vladislai Jagellonis fidelitatem Regno Poloniæ iurant.
183.
- Littora* Prussici quâ ratione nuper à Sueco tuta futura fuissent. 239
- Liunia* Poloniæ prouincia, tota Lutheranismi infecta. 36. in eâ nullæ posses-
siones nisi ciuibus Poloniæ dantur. 53
- Lixa* seditionem in exercitu excitant. 236
- Loboda* Cosacorum Dux ad infestandos Turcarum fines Cæsaris Rudolphi pro-
missis illectus. 11
- Locum* quem tetigerit Catholicus euerrunt Moschi. 450
- Louiciam* villam cum adiacentibus syluis donauit Conradus Masouiæ Dux
Archiepiscopo Gnesnensi. 341
- Lublinensis* conuentus à Palatino Crac. indictus. 63. & 65. quàm exitiosus Rei-
pub. futurus videbant prudentiores. 68
- Lubomirscius*. Vide inter *Stanislaos*.
- Lucas* Gorcanus auaritiæ notatus. 283
- Lucemburgica* familiæ se dedidere Silesij Duces. 168. & 169. illius in Silesiam
iuris initia. ibid.
- Ludouicus* Rex Galliæ captus à Melechalo Sultano Aegypti an. 1254. 343
- Ludouicus* XI. Galliæ Rex futuri Internuntij: medico magni Cancell-
larij partes detulit. 473

INDEX RERVM ET VERBORVM

<i>Ludouicus</i> à Mortang-Palatinus Cracouiensis.	8
<i>Lupus</i> Episcopus Plocensis XII. quo genere ortus.333. eius obitus.	334
<i>Lusatia</i> quâ occasione à Polonia auulsa.	335
<i>Lustratio</i> bonorum regaliū in Poloniâ singulis quinquennijs fieri debet.48.& 55.	84
<i>Lustratio</i> Regij-exercitus.	371
<i>Lutheri</i> doctrina è Masouiâ proscripta.	273
<i>Lynacrius</i> lapis mysticè.	

M.

M <i>Acieionius</i> Cardinalis. Vide inter <i>Bernardos</i> .	
<i>Magistratus</i> vacui ritè à Rege distributi. 63. <i>Magistratibus</i> dignos semper præfecit Sigismundus III.	473
<i>Mala</i> à grege Christi propulsanda, eadem ipsimet Pastori timenda.	252. & 253
<i>Malaspina</i> Nunt. Apost. Vide <i>Germanicus</i> .	
<i>Maleuolorum</i> de Matthia Pstroconio ad Vice-cancellarium euecto suspicio- nes.421.	
<i>Malignam</i> , febrim quamdam vocant Medici.	430
<i>Mamphiolus</i> Episcopus Plocensis XXXIV. à Bonifacio IX. Pont. Max. ecclesiæ Plocensi datus : titulo Episcopali tantum usurpato moritur Romæ.	354
<i>Mansuetudo</i> mira Matthiæ Pstroconij. 432. & Sigismundi III. Regis Polo- niæ.	475
<i>Marcus</i> Episcopus Plocensis VI. ab Alexandro II. Pont. Max Plociam missus. moritur.	320. 323
<i>Marcus</i> Palatinus Cracouiensis pater Andreæ Episcopi Plocensis.	340
<i>Marescalcus</i> Sueciæ tumultum sedat. 15. <i>Marescalcus</i> Poloniæ nomine Regis respondet Palatino & Radiulo. 92. de se à Palatino Cracou. dicta refel- lit.99.	
<i>Margarita</i> vxor Hieremiæ Valachiæ Principis.	138
<i>S. Maria</i> Virgo quemdam à damnatione æterna liberat.	267
<i>Maria</i> Archiducissa Austriæ focrus Sigismundi III.24. quid Niepolomicijs cum genere tractarit. ibid. eius cum filiâ Constantiâ in Poloniam aduentus.38. in Austriam reditus.40. mors. 153. fuit mater trium Reginarum magno- rum Regum matrum.	ibid.
<i>Marieburgum</i> oppidum 8. à ciuibz hæreticis Sueco deditum.	240
<i>Marina</i> filia Georgij Mniszek ficto Demetrio desponsa.37 & 155. eiusdem in Moschouiam aduentus, inauguratio & nuptiæ.	70
<i>Maritimi</i> populi ad seditionem proni.	18
<i>Martialis</i> Episcopi Plocensis II. acta præclara & obitus.	312. & 317
<i>Martini</i> Episcopi Plocensis III. vita & obitus.	317.318
<i>Martinus</i> Bronievvski.	335
<i>Martinus</i> Lesnionolski Castellanus Podlachiæ Sigismundo III. à priuatis confi- lijs.2. eius, cum gratiâ regiâ excidisset, qualis obitus.	ibid.
<i>Martinus</i> Szyscouius in Austriam Legatus.32. ex Canonico Cracouiensi bene- ficio Sigismundi III. factus Episcopus primò Luceorientis, dein Plocensis, ac postremò Petro Tylicio in Episcopatu Cracouiensi subrogatur.386. funda- uit ac dotauit Collegium Societatis & alia Plociæ.	ibid.
<i>Marrinus</i> Wrocinski miles.	362
<i>Martyres</i> Camalduenses in Polonia.	312.317. & seq.
<i>Masalscio</i> vxor & filius Hoduni traduntur & strangulantur.	32
inter <i>Masouia</i> Duces & Ecclesiasticum statum olim de loci prærogatiua contem- ptio.290. <i>Masouia</i> Scorpioni subiecta.307. <i>Masouia</i> Duces vnde originem du- cāt.358. è <i>Masouiâ</i> veræ pietatis altrice impium Lutheri dogma proseribitur.171	
<i>Maslans</i> quidam Casimiri Regis aspernatus imperium à socijs conspirationis in pa- ribus actus.	319

MEMORABILIVM.

in *Matrimonio* Regum Poloniae contrahendo quid seruari solitum. 23. *Matrimo-*
onium cum Constantia prioris vxoris sorore inire cogitat Sigismundus III.
 24. id suadet Clemens VIII. dissuadent alij. 25. cuius ratione odium
 Nobilitatis incurrit Sigismundus Myscouius. 26. è *Matrimonio* duobus
 Sigismundi III. Nati quàm feliciter coaluerint. 477
 ad *Matthiam* Casimirum Sarbicum Societat. IESV Sacerdotem epistola ab
 Authore scripta; & illius ad hunc. 442. & seqq.
Matthias Lubienius Authoris frater. 27. eius in visitanda Diocesi seduli-
 tas. 243.
Matthias Pstroconius quibus parentibus natus. 398. eius prodigiosa infan-
 tia. ibid. semestris infans penè suffocatus, matris voto vitæ restituitur.
 iterum triennis in fluuio submersus miraculosè in ripam extrahitur. 399.
 qualiter à matre instructus & Cracouiam studiorum causâ missus. ibid. Lu-
 niwladislauiensi Præposituræ renunciat, vnde eum S. Francisci habitû susce-
 pisse nata fabula. 400. è scholis euocatus suum probat in Latino sermone
 progressum ibid. & seq. in Germaniam ablegatur. 401. hortatu Sie-
 racouij Cancellariæ Castrensi Siradiæ incumbit, & Carncouio inter dome-
 sticos eius adlegandus commendatur; 402. sed primò repulsam passus, pòst
 in domesticum atque in filium receptus. ibid. & 403. Romam profi-
 ciscitur vbi eum morbus oppressit. 403. mira erga viribus & pecuniâ
 deficientem Dei prouidentia. ibid. fit Præpositus Louiciensis. 404. Sa-
 cerdotio præditus quàm piam vitam instituerit. ibid. ab exercitatione
 Carncouij accessit ad aulam regiam. 161. ad factiosas procerum conuen-
 tiones legatur à Carncouio. 406. potentissimis rationibus persuadet
 Carncouio eligendum esse Sigismundum Sueciæ tunc Principem, in Regem
 Poloniae. ibid. magnâ cum inuidia statur eius consilio de Rege eligendo,
 cui electo obuiam mittitur, & eleganti oratione salutatum Cracouiam de-
 ducit. 407. à rebus in legatione cum Rozdrazeuio prudenter gestis Re-
 gi & Reginae commendatus, Decanatu Varfauienti donatur. ibid. & 409. ei
 Secretarij legationis officium à Bernardo Macieiouio Romam Legato de-
 fertur, atque absens Regens Cancellariæ pronuntiatur. ibid. consilijs
 suis præstò adfuit Ioanni Tarnouio Vice-cancellario, in Poloniâ & Sueciâ
 partes regias tutanti. 410. & seq. æmulorum inuidiam comitate & agen-
 di dexteritate superat. 410. Præpositus Lanciciensis factus meditatúr
 secessum ab aula regia, à qua sententia eum abducit Tarnouius & in Sue-
 ciam Regem comitari præcipit. 413. magnum periculum in Suecia adiit.
 414. constanter adhæret Regi ceteris missionem petentibus. 415. è
 Sueciâ redux commentarios itineris Suetici & rerû ibi gestarum per otium
 conficit. ibid. Referendarij Regni vices subit, & existens Præpositus
 Gnesuensis acceptat Episcopatum Præmissiensem. 257. 417. visitat vni-
 uersam Diocesim & in Templi Cathedralis Præmissien. violatores animad-
 uertit. ibid. eius frequens de Episcopatu sermo à Stanislao Lubienio com-
 prehensus. 245. sororem defunctam per quietem vidit, quæ illi totam
 vitæ feriem & mortem prædixit. 246. eius de Episcopali munere exor-
 dium. ibid. Prædicat mortem Ioannis Tarnouij vnâ cum bello intestino in
 Poloniâ. 251. Pstroconij qualis apud aulam Regiam vitæ ratio. 257.
Matthiam & Stanislauum Lubienios ab aula ad domesticam institutionem
 euocauit. 262. Pstroconij optima vitæ consuetudo, 269. & deuotio erga
 Sepulchrum Domini. 270. prædicat seditionem Rocossianorum. 293. & seq.
 quomodo futura prædixisse intelligendus sit. 297. mirè in inopes pius, in
 delinquentes benignus, in se austerus. 418. Episcopi & Senatoris dignita-
 tem tuetur in Russiæ Conuentibus. ibid. quanta eius auctoritas in Sena-
 tu. 419. Episcopatum suum ab iniurijs vindicat, feliciterque com-
 ponit

INDEX RERVM ET VERBORVM

ponit controuersias Dominicanorum per Russiam. ibid. executor supremæ voluntatis Ioannis Tarnouij constitutus iusta Louicij defuncto persoluit, & Vice-cancellarius Regni renunciatur. 27. & 421. eius in eo munere obeundo solertia, & candor animi quo Cancellarium sibi infensum comparauit amicum. ibid. mortuo Cancellario difficillimo regni tempore totam negotiorum molem sustinet. 422. Zolkieuium Regi conciliatum opponit Rocossianorum conatibus, & per eum plurimos in regias partes pertrahit. ibid. in inuidiam & populi odium vocatus, partes tamen regias defendens Rocossianorum consilijs prudenter obuiat. 423. fit Cancellarius Regni an. MDCVI. 63. 424. eius sermo ad Senatores nomine Regis. 27. ad Palatinum Crac. oratio. 95. in animandis Regijs militibus contra Rocossianos in signe factum. 129. contra eos Rocossianos mitior proposita sententia. 425. quænam in conflictu Rocossianorum egerit. 129. & 426. erga cæsos & saucios quàm pius. ibid. 130. 407. 408. 426. fit Episcopus Vladislauiensis. 153. & 427. Cancellarij munus deponit. 428. quantus vir in Ecclesia & Repub. 244. de eodem iudicium Sigismundi III. & aliorum. ibid. morbo corripitur. 428. qui in ingressu in Episcopatum suum inualefcit. 429. eius causæ & occasio. ibid. ille primùm de salute animæ sollicitus, testamento condito valetudinem suam Medicis permittit. ibid. Raciazij templum infirmus restaurari curans febri malignâ corripitur & ad mortem piè obeundam se præparat. 430. ad vicinam mortem trepidans in verbis *Aue Maria* placidè moritur. 431. puritatis fuit in tota vita studiosus, & egregius mortificationis cultor. ibid. mira in eo mansuetudo & animi tranquillitas. 432. eius pius erga Religiosos affectus, deuotionis & pietatis exercitia. 433. corporis eius habitudo & animæ dotes ibid. inter tot quæstuosos magistratus nullas congeffit opes. ibid. Excessit è vitâ ann. MDCIX. salutis: ætatis suæ LVI. sepultus in Episcopali Ecclesiâ Vladislauenfi. 433. Mors eius pia & opportuna. 297

Matthias filius Ioannis de Buzenin Pstrokonski quos filios ex Margareta Tarnouia suscepit. 398

Matthias Sluzeuius Romam à Casimiro I. Episcopo Plocensi missus. 365

Matthias Smogolecus cur partes Palatini secutus. 40. eius aliquot currus deprehensti cum duabus litteris secretioribus. 132

Maximilianus Archidux Austriæ ad Bycynam acie victus & captus. 26. & 479. eius infelix pugna cum Machomete Tertio ad Agriam. 237. & 482

Maximilianus Przerembski in Sueciam missus. 19

Medici diuersis vsi remedijs in sanando Matthiâ Pstroconio. 429. & seq.

Metrica Regiæ qualis præficiendus. 219

Metropolis Moschouia: quomodo in potestatem ficti Demetrii venerit. 31. & 32. tumultu excitato, flammis absumpta. 158

ad *Meuum* Gustauus repulsus. 240

Michael Federouicius Moschouia: Dux. 232

Michael Soltitius. 31

Michael Transyluania: Princeps Moldauia exactus fuit per Sigismundum III. 482

Miecslaus Rex Poloniæ Rixæ vxoris imperio obnoxius vixit inglorius. 179. & 322

Miecslaus siue Miesco Monarcha Poloniæ sacro baptismate tinctus legatos suos Romam mittit. 302. eius in Ecclesiam liberalitas. 309

Mikitenicius Moschus Metropolita Rostouiensis. 158

Milites Rocossiani pugnam detrectant. 89. Regem deprecantur. 93. in exercitu Regio seditionem excitant. 100. quæ regio edicto discussa. ibid.

Milites seditiosi in Regio exercituâ Rocossianis corrupti. 123. & 126. quorum aliquot castigati. 127 *Militaris* conspiratio quomodo coaluerit & finita sit. 199. & 200. *Militia* Polonica qualis olim fuerit. 209

Ministe-

MEMORABILIVM.

<i>Ministerialis</i> in Poloniâ quis vocetur.	222
<i>Minister</i> Lutheranus causa seditionis. 15. <i>Ministri</i> cccc. Stoccholmiæ conueniunt. ibid quo ordine deducant regium funus.	ibid.
<i>Missi</i> ex Polonia in Sueciam qui mortuo Ioanne Rege statum Regni explorarent. I.	
<i>Moderatoris</i> confessus Nuntiorum terrestrium in Poloniâ munus.	114
<i>Modus</i> regnandi in Poloniâ & Sueciâ diuersus.	18
<i>Mohilane</i> Domui in Valachiâ & Moldauiâ armis ius asseruit Sigismundus III. 482.	
<i>Monasterium</i> quondam Franciscanorum in Insulâ Stoccholmię contigua situm.	14.
<i>Monentur</i> vltimò à Rege Rocossiani.	91
<i>Morbum</i> incurrit Matthias Pstroconius. 428. & Sigismundus III.	485
<i>Mortuus</i> Regij in Poloniâ dictum de duobus semper mentientibus.	376
<i>Mors</i> Ioannis Tarnouij. 420. Bernardi Cardinalis Macieioij 146. & 427. <i>Mors</i> pia Sigismundi III. 485. item Alexandri Principis fratris Vladislai IV. 460 & Matthiæ Pstroconij. 497. 431. Mariæ Bauaricæ.	153
<i>Mos</i> verus in Poloniâ fœdere se contra turbulentos ciues obstringendi. 79. cum nouo Imperatore solenni legatione pacta renouandi.	140
<i>Moschouitici</i> imperij imitatio. 28. <i>Moschouie</i> Principes, non ex dignitatis, sed ex formæ commendatione vxores assumunt. ibid. <i>Moschi</i> tumultu excitato Dementium obruncant. 71. eos inter & Polonos atrox cædes. ibid. Proceres <i>Moschi</i> aliàs superbi Craconiæ modestiam præferunt. 106. <i>Moschorum</i> in Legatos ceterosque Polonos crudelitas. 156. <i>Moschi</i> Sigismundum III ad imperium capeßendū inuitant. ibid. eorum exercitu à Polonis cæso Principem Vladislauum sibi dari petunt. 158 & 232. eorum perfidia. 158. magnam Russiæ partem occupant. 182. obsidionem arcis Smolensci soluunt. 448. quid sentiant de Catholicis. 450. à Sigismundo III. sæpius armis coerciti.	491
<i>Motus</i> ciuilis in Poloniâ per Palatinum Cracouiensem initium sumpsit. 40. & 43. ex quo quid impenderet Poloniæ præuidebant patriæ amatores. 58. ob quas suspiciones excitatus sit. 96. prædictus fuit à Pstroconio. 251. <i>Motus</i> excitati ex primis Sigismundi III. nuptijs.	410
<i>Munus</i> Episcopale quàm periculosum exemplis illud fugientium commonstratur. 273. illud graphicè depictum.	288
<i>Munia</i> Episcopi residentis.	279
<i>Muscus</i> Regis noctu à Sueco Stoccholmiæ cultelli ictu traiectus.	14 & 15
<i>Mysconiorum</i> familia illustris. 380. <i>Mysconius</i> . Vide inter Sigismundos & Petros.	

N.

<i>Naleciorum</i> familia quam notam ob cædem Præmislai Ducis retinuerit.	347.
<i>Naruiæ</i> flauiorum Rex.	
<i>Naues</i> Polonicæ ad portus Danicos tempestate delatæ benignè exceptæ. 11. <i>Naui</i> quâ Nuncius Apostolicus vehabatur bis de cælo tacta.	21
<i>Nemetum</i> gens quæ fuerit.	316
<i>Negligere</i> quid de se quisque sentiat, arrogantis est & dissoluti.	286
<i>Nestor</i> quomodo secundum veteres authores tribus seculis vixisse dicatur.	461.
<i>Nicocles</i> Rex admonitus à Socrate.	474
<i>Nicodemus</i> Colacouius ad Tartarum missus cui non obitâ legatione redierit. 6.	

INDEX RERVM ET VERBORVM

<i>Nicolaus</i> I. Episcopus Plocensis XXX. trium fratrum in eadem Sede sibi succedentium maior natu.	350
<i>Nicolaus</i> de Bartnicki Episcopus Plocensis electus iuri suo resignat.	368
<i>Nicolaus</i> Christophorus Radiuilus Palatinus Vlnensis.	120
<i>Nicolaus</i> Chrzastowski vexillifer Cracouien.	364
<i>Nicolaus</i> Danielouicius supremus regni Thesaurarius 19. ad Achmeten Turcarum Imperatorem legatus.	140
<i>Nicolaus</i> Olesnicius legatus in Moschouiam.	38
<i>Nicolaus</i> Reius hæreticorum antesignanus.	374
<i>Nicolaus</i> Strosberg Vicarius Archiepiscopi Gnesnensis.	275
<i>Nicolaus</i> Strus de Komorow Capitaneus Chmielnicensis 130. Herburtum capit & ad Regem mittit.	135
<i>Nicolaus</i> Wolski gladifer regni ad Archiducissam Austriæ legatus.	6
<i>Nicolaus</i> Zebrzydowski supremus regni Marefcalcus, 4. tutor Thomæ Zamoscij constitutus. 33. regiâ gratiâ pollens Palatinus Cracouiens. renuntiatus. 34. Regium matrimonium improbare ausus. ibid. quâ occasione eius in Regem odium eruperit. ibid. varia aduersus Regem animo voluens consiliorum socium Matthiam Smogolecium assumit, eique filiam in matrimonium dat. 40. quibus modis Maiorem Poloniam in suas partes trahere studeat. 41. sermo eius in conuentu Profouicensi. 43. suadet conuentum generalem totius Nobilitatis indicendum. 44. ad Stæzicam conuentum totius Minoris Poloniæ indicit. 45. causâ fuit cur Nuntij responsum Regis confutauerint. 57. ex legatione à Rege ad eum destinatâ factus elatior quid respondeat. 59. coram aliquibus Senatoribus Regem multorum criminum reum falsò asserit. 60. & seq. cum paucis ex Equestri ordine omnes Ordines edicto Lublinum convocare ausus. 63. Regem Cracouiam euntem præuenire conatur, sed frustra. 67. & seq. quid respondeat Nobilitati eum ad prolationem eorum quem contra Regem haberet vrgenti. 76. tandem se cum Radiuilo coram Rege sistit. 92. vrgetur à Senatoribus vt quidquid contra Regem & Senatum sciret, ederet; 97. quibus respondet, & origines suspicionum contra Regem ostendit; 98. & 99. scripto declarat. 101. datâ Regi fide benignè excipitur: ibid. sed adhuc inquietus, 102. & à reconciliatione cum Marefcalco alienus, 103. consilia Rocossianorum fouet, 114. vires eorum augere contendit. 115. quid intenderit ambiguo illo responso Senatoribus eum ad Comititia inuitantibus dato. 116. ad comitia venire renuit. 117. ea quæ contra Regem sciebat edisserit. 120. eius cum Regijs militibus compactum. 125. milites suos ad pugnam hortatur. 128. sed acie victus Opacouia apud Franciscanos degit. 135. rursus nouos motus excitat, 140. & nouos coetus cogit. 143. eius postulatione reprehensâ Senatus & Nobilitatis consilium exquirat quid vltra faceret. 145. Regi se submittere cunctatur. 146. ad Regis conspectum admissus sub certis conditionibus. 149. verba quibus Regem deprecaturus erat ei præscribit Senatus. ibid. venit Cracouiam Regem deprecaturus. 150. eius ad Senatum sermo. 151	
ad <i>Nicopolim</i> cæsi Sigismundus Imperator & Ioannes Burgundus.	482
<i>Nida</i> flumen Poloniæ.	73
<i>Nievviescij</i> olim clari vnde genus suum ducant.	389
<i>S. Nilamnon</i> quomodo dignitatem Episcopalem declinauerit.	246
<i>Nisouij</i> milites. Vide <i>Cosaci</i> .	
<i>Nissa</i> Ecclesiæ Vratislauiensis donata.	166. & 171
<i>Nobilitas</i> Palatinatus Cracouiensis cur Regi maximè offensa. 3. ei de obtentâ victoria gratulatur. 136. è <i>Nobilitate</i> plerique ad locum conuentui Rocossianorum destinatum conueniunt.	73
	<i>Nobi-</i>

M E M O R A B I L I V M.

- Nobilitas* vrget Palatinum vt quidquid sciret contra Regem, adferret. 75. quæ ob dubium & anceps Palatini responsum offensa à conuentu dilabi coepit. 76. *Nobilitatis* Palatinatus Siradiensis insignis erga Regem fides. 109. de *Nobili* Lithuano perfidia reo qualis sententia lata. 127. *Nobilitas* totius Poloniae, Regi victoriam gratulatur. 137
- Nominatio* Regia in Polonia successit in locum Canonicae electionis; 263. *Nominatus* tamen nihil iuris habet in bona Ecclesiastica ante Papæ approbationem. ibid.
- Nomen* D. Stanislai Martyris quàm venerabile olim in Polonia. 351. *Nomina* primorum Antistitum in Poloniam ad fidem Christianam propagandam à Rom. Pontifice missorum. 303
- Nesocomia* constructa & prouentibus aucta. 418
- Numerus* interfectorum ex Regio & rebellium Rocossianorum exercitu. 129. *Numerus* Turcarum & Tartarorum qui an. 1621. Poloniae immincebant. 483
- de *Nummis* adulterinis querela. 48. cur illos adulterantes pro tempore non castigauerit Sigismundus III. 55. *Nummus* S. Petri à Polonis Sedi Apostolicae solui consuetus. 319
- Nuntij* Apostolici in Sueciâ incautus feruor. 4. *Nuntijs* è Moschouia ad Regem Poloniae missis quid à Rege responsum. 30. *Nuntij* in Poloniae à singulis Palatinatibus deliguntur. 40. *Nuntij* temerariè agunt in Comitibus Varfauiensibus. 47. eorum varia querela. 48. 49. & confutatio regij responsi. 57. *Nuntij* ad conuentum seditiosorum ad Andreouiam missi. 113. *Nuntij* Terrarum innocentiam Sigismundi III. comprobant. 120. *Nuntij* militares à Rocossianis non admissi. 124. *Nuntius* ad Palatinum Crac. cum litteris de concordia ineunda missus in vincula coniectus. 128
- Nuptiarum* Sigismundi III. cum Constantiâ apparatus. 36. ad *Nuptias* ficti Demetrii in Moschouiam legati. 38. *Nuptia* Regiae peracta. 39
- Nysa* ciuitas Ecclesiae Vratillauensi donata. 166. & 171

O.

- Obitus* Sigismundi III. Poloniae & Sueciae Regis. 485
- Obsequiorum* aulicorum sedulitas importuna Ecclesiasticis. 259
- Obsidio* arcis Smolensensis per Moschos inchoata. 447
- Odij* Suetici in Sigismundum Regem initia. 14. & Rocossianorum. 422
- Officium* veri pastoris. 252. *Officia* diuina quatenus in ecclesiâ Cathedrali Plocensi fiant. 370. *Officium* Cancellarij & Vice-cancellarij in Polon. 215. & seq.
- Onus* Episcopo ritè ordinato incumbens; 270. ampliùs expenditur. 273. quàm graue sit & periculosum exemplis illud fugientium commonstratur. ibid.
- Onychinus* lapis mysticè. 273
- Opatonia* in monasterio S. Francisci degebat victus Palatinus Crac. 135. *Opatouicense* oppidum à monasterio Tinecensi quomodo ad Padnicuios deueni- rit. 284.
- Opaui* Silesiae ciuitas vi occupata. 168
- Oratores* Principum Christianorum in secundis nuptijs Sigismundi III. 39. *Oratio* Palatini Cracouiens. in Conuentu Profouicensi 43. promissis au- ribus accepta. 45. *Oratio* impia & temeraria Stanislai Stadnicij in conuentu Lublinensi. 66. *Oratio* Palatini & Radiuili coram Rege. 92. item Matthie Pstroconij ad Palatinum. 95. *Orationi* Regis ad Senatores habitæ responde- tur. 119. *Oratio* Cancellarij ad Palatinum Crac. Regis nomine. 150. & Palatini ad Regem. 151

INDEX RERVM ET VERBORVM

<i>Ordinum</i> Regni Poloniæ consensus vt Rex in Sueciam proficiscatur. 5.	<i>Ordines</i>
Sueciæ obſiſtūt Sigismundo ne regnū capeſſat. 16.	<i>Ordinū</i> Sileſiæ decreta contra Catholicos. 161.
<i>Ordinibus</i> regni Poloniæ plerisque inuitis bellum cum Suecis geſtum fuit. 240.	his inconfultis quænam Regi prohibita. 473.
in <i>Ordine</i> Eccleſiaſtico Poloniæ aliqua deſiderata. 292.	de eodem vanæ quere- læ. 293.
<i>Ordinis</i> S. Dominici in Poloniâ diſcordia. 419.	<i>Ordo</i> exercitus Regij & Rocofſianorum. 128
<i>Orlouiensis</i> Eccleſia in Sileſiâ ſubeſt Abbati Tinecenſi. 160	
<i>Oſarouiam</i> verſus cum exercitu progrediuntur Rocofſiani. 86	
<i>Oſiach</i> monaſterium in Carinthiâ. 322	
<i>Oſiecum</i> oppidum Poloniæ. 86	
<i>Oſmanus</i> Imperator Turcarum interfectus. 237	
<i>Oſarium</i> nouum condendis fidelium oſſibus conſtructum à Piſtroconio , & alia Raciazij. 430	
<i>Oſtoia</i> ſignum nobilitatis. 352	
<i>Otto</i> Bambergensis Pomeraniæ Apoſtolus, fuit Cancellarius Poloniæ. 330	
<i>Otto</i> III. Rom. Imperator Boleſlaum Chobri Regem eſſe iubet. 511.	eius erga D. Adalbertum pietas. 313
<i>Ottomanus</i> Turcarum Imperator virtute Sigismundi III. caſus. 483. & 491.	<i>Ot- tomanica</i> Luna à Vladislao IV. nondum Rege inobſcurata aut cruentata. 456. & 457.
<i>Ottocarus</i> Rex Bohemiæ Opauiam in Sileſiâ vi occupauit. 168	

P.

<i>Pacta</i> inter Conradum Maſouiæ Ducem & Cruciferos in Poloniam accitos. 338.	<i>Pactorum</i> Regis Polon. cum Repub. initium. 41.	quænam illa ſint. ibid. & 47.	ad eadem reſponſum Regium. 49. 50. & ſeq.	<i>Pacta</i> inter Poloniæ & Bohemiæ regna de ſcribendo milite. 227
<i>Padnieuorum</i> familia propè extincta. 284				
<i>Palatinus</i> Cracouiensis. Vide <i>Nicolaus Zerbzydouius</i> .				
<i>Palatinus</i> Sendomiriensis. Vide <i>Georgius Mnischek</i> .				
<i>Papouia</i> cum omnibus pagis ac prædijs adiunctis donauit Conradus Maſouiæ Dux Epiſcopo Culmenſi. 336				
<i>Paradiſienſis</i> Abbatis poſſeſſiones in Sileſiâ. 160				
<i>Paraneſis</i> amica ad Thomam Zamolſcium dum Vice-cancellarius renunciaretur. 214. & ſeqq.				
<i>Parentum</i> voluntate facti Eccleſiaſtici parum feliciter cedunt. 268				
<i>Parochi</i> cuiusdam de impudicâ conſuetudine accuſati impudentior excuſatio. 288				
<i>Pariſimonia</i> nimia aliquid in pios vſus erogandi caſtigata. 432				
<i>Partitio</i> Sileſiæ inter tres fratres. 164				
<i>Paschalis</i> Epiſcopus Plocenſis in ordine V. quantus vir. 319.	moritur. 320			
<i>Pastoris</i> animarum munus difficile in charitate fundatum. 252.	veri <i>Pastoris</i> par- tes. ibid. quâ prudentia morbos animæ in ſubditis curare debeat. 253			
<i>Paulus</i> Dunin Wolski ſub Sigismundo Auguſto regni ſupremus Cancellarius. 381				
<i>Pauli</i> Gizicki Epiſcopi Plocenſis XXXVIII. genus & parentela. 360.	electus eſt omnium Canonicorum & Maſouiæ Ducum applauſu. 361.	geſſit tutelam im- puerberum Maſouiæ Principum : eius facta præclara. ibid.	moritur. 362	
<i>Pauperum</i> & egenorum peculiaris cura. 407. 418. 431				
<i>Pax</i> inter diſſidentes de Religione in Poloniâ quâ ratione ſeruanda. 51.	inter Rocofſianos & Regem quo pacto ſtatuta. 427.	<i>Paci</i> tractatibus inter Ferdi- nandum Auſtriacum , & Ianuſſium Vngariæ regnum ſibi vſurpantem præſuit Andreas Cricius. 373	<i>Perfectionis</i>	

MEMORABILIVM.

- Perfectionis* statum proficitur Episcopus; ad eam quomodo obligetur. 271. eiusdem
Perfectionis typus in legis antiquæ Pontificis vestitu adumbratus; in IESV
 Christo Crucifixo magis expressus. 272
- Periclitante* Poloniâ nemo Christianorum Principum Sigismundo III. subsidio
 fuit. 483
- Petri* II. dicti Brevis Episcopi Plocensis XIX. vita & obitus. 343
- Petrus* III. dictus Niedich Episcopus Plocensis XXI. moritur an. 1263. 344
- Petri* IV. de Chorkovvo Episcopi Plocensis in ordine XLI. genus & patria. 366.
 excitus ex Italiâ varijs honoribus auctus est à Boleslao Masoviæ Duce. ibid.
 eius facta præclara & piæ foundationes. 367. moritur an. 1497. ibid.
- Petrus* de Buzenin Terræ Stradiensis Iudex. 397
- Petri* Gamrati Archiepiscopi Gnesnensis ob solennes & largas eleëmofynas feli-
 cior post vitam licentiosam exitus. 266. apparet ei nobilis Curossius iam diu
 vitâ sanctus ibid. fuit Episcopus Plocensis XLVIII. in ordine: crevit & flo-
 ruit gratiâ potissimum Bonæ Reginæ. 374. sperans Vice-cancellariatum
 regni, in Senatu à Cancellario qualiter elusus fuerit. ibid. & seq.
- Petrus* Archiepiscopus Gnesnensis cur vniuersæ Plocensi Diœcesi sacris interdi-
 cat, ac iterum interdictum relaxet. 341
- Petrus* Lasceus auctor tumultus in maiori Poloniâ. 107. cum consiliorum so-
 cio Sigismundo Grudinski ad Andreouiam conuentui Rocossiano conti-
 nuando diem præfigit, &c. 108. quid respondeat Nuntijs à Zolkieuo ad Ro-
 cossianos missis. 124
- Petrus* Myskouius Episcopus Cracouiensis ditandis suis intentus. 285. & 381. fuit
 antè Episcopus Plocensis. 380
- Petrus* Ozga Iudex Leopoliensis. 149. conditiones pacis cum litteris nomine
 Senatus scriptis derulit ad Palatinum Cracouiensem. 150
- Petrus* Romanus Episcopus Plocensis XVII. cur dictus Romanus. 339. effecit
 vt bona ecclesiæ ob omnibus oneribus libera essent. ibid. eius obitus. 340
- Petrus* Scarga Societatis IESV ad Palatinum Cracouiensem à Rege missus, qua-
 re 58.
- Petrus* Strabonski Castellanus Pernauienfis. 135
- Petrus* Tomycium Cancellariorum normam & patrem veteres dicebant. 218. au-
 ctor fuit elegantioris literaturæ in Poloniâ. 373. Pstroconio infensus. 416
- Petrus* Tylicius Episcopus Vladislauienfis sigillum Regni minus deponit. 26. Epi-
 scopus Cracouiensis legatione ad Rocossianos fungitur. 74 & 120. eius de
 Matthia Pstroconio iudicium. 244. à Pstroconio notatus, quare. 259. in
 aulâ Regiâ creuit. 262
- Petrus* Volcius nobiligenere ortus à Sigismundo Augusto in Hispaniam Lega-
 tus. 181. vnde redux varijs Magistratibus præclare functus renunciatur Epi-
 scopus Plocensis LIV. in ordine, mittiturque à Rege ad Gregorium XIII. nego-
 tij Moschouitici causâ. 382. multis donatis ecclesiæ sponsæ suæ moritur. 383
- Petri* Wolski Episcopi Plocensis egregia in Matthiam Pstroconium in Vrbe de-
 gentem munificentia 403. inter eum & Carnouium pro retinendo apud
 se Pstroconio certamen. 404
- Philippus*, genere nobilis ex Decano Episcopus Plocensis pronuntiatus. 325. in
 pauperes & peregrinos beneficus 326. moritur an. 1107. ibid.
- Philippus* Padnieuius quidquid ex bonis Ecclesiæ collegit in profanos vsus con-
 tulit. 284
- Piaski* villa iure perpetuo Ecclesiæ Plocensi donata. 344
- Piastus* abauus Miecislai primus in Polonia se Christianum palam professus est.
 302. hospitio excepit Ioannem & Paulum Romanos Martyres; quorum
 beneficio & intercessione penitus auctum, & Rex renunciatus fuit. ibid.
- Pierzchala* insigne nobilitatis. 348

INDEX RERVM ET VERBORVM

<i>Pietas</i> & Religio Sigismundi III. 471.	<i>Pietate</i> præstare inprimis Episcoporum est.	296
<i>Pilauensis</i> portus à Sueco proditoriè interceptus.		239
<i>Piliza</i> fluuius Poloniæ.		125
<i>Pius</i> II. Pont. Max. cur in Casimirum Regem odium conceperit. 363.	eius pia sollicitudo erga Sarmatiam.	452
<i>Pij</i> V. pia cura erga Sarmatiam.		ibid.
<i>Pitzcum</i> oppidum munitione circumdat Cosinius Dux Cosacorum.		3
<i>Plebeij</i> in Polonia quando ad militiam admissi.		209
<i>Plocensis</i> Ecclesiæ Cathedralis status & amplitudo. 308.	eius exordium. 309.	
ob dissensionem Cleri biennio vacat.		337
<i>Ploscum</i> oppidum exustum.		336
<i>Penitentia</i> & mortificationis cultor Matthias Pstroconius.		418. & 431
<i>Polanecium</i> oppidum.		86
cum <i>Politicis</i> pugna difficilis.		249
<i>Polonia</i> varijs nominibus appellata. 301.	<i>Poloni</i> aliquot partim occisi, partim submersi in tumultu Gedanensi. 9.	
aliquot ad famam regij periculi in Sueciam transmittunt. 19. & 412.	tria millia qui Dantisci naues conscenderant Stoccholmiam appellunt. ibid.	
paulò ampliùs quàm mille pugnam cum ingenti Moschorum exercitu committunt & vincunt. 30.	<i>Polonorum</i> vix tria millia, nouem millia Suecorum cedunt, ceteris in fugam actis. 36.	
<i>Polonos</i> inter & Moschos atrox cædes. 71. & 72.	<i>Poloni</i> virtute & rebus gestis clarescere cœperunt anno M. VIII. 154.	
pruatiim sub signis vicinorum Principum militare possunt. 163.	eorum cum Silesijs societas & dissidium. 166. & 167.	
cur hætenùs Silesiam non repetierint 170.	<i>Polonia</i> Rex quas ob causas Episcopo Vratillauensi patrocinari debeat. 172.	
<i>Polonos</i> inter & Lithuanos de possessione Russiæ certatum. 181.	<i>Polonorum</i> militum pro Cæsare contra Hungaros egregia facta. 228.	
item in conflictu Pragensi cum Bohemis. 229.	<i>Poloni</i> primi ostenderunt Turcas vinci posse 237.	
cur non consuetis viribus Sueco restiterint. 240.	in <i>Polonia</i> Episcopi non residentes non omnino damnandi. 278.	
<i>Polonorum</i> cum Rege læta è Sueciâ discessio. 412.	mira illorum erga Regem fides. ibid.	
magnum in Suecia adiere periculum. 414.	res <i>Polona</i> prodita in Suecia. 415	
<i>Polonorum</i> imperium olim latè patens. 305.	eorum libertas & magnanimitas. 306.	
soli <i>Poloni</i> Vandalicam Gotthicamque linguam retinent. 316	<i>Polonia</i> Reges semper in armis esse oportet.	490
<i>Polovvicij</i> vnde dicti. 342.	olim Gotti appellati, & quare.	ibid.
<i>Pomerania</i> quòd fidem Christianam suscepit, Boleslao Criuoustio acceptum ferre debet. 330.	<i>Pomerania</i> Duces creuere per ruinas Poloniæ olim subditi eiusdem.	336
<i>Pomianum</i> insignis nobilitatis Lubieniorum familiæ. 389.	<i>Pomiana</i> stirpis in varia cognomina mutatio.	ibid.
<i>Pompa</i> funeris Ioannis Sueciæ Regis. 15.	<i>Pompa</i> baptismatis Annæ Mariæ Pol. infantis.	7
<i>Populi</i> & vrbes quas Volodimirus Kijouiæ Dux inter filios partitus est. 154. & 178.		
<i>Porains</i> D. Adalberti frater familiæ Rosarum princeps.		396
<i>Portus</i> Elsnabensis, qualis, quantum distet à Stoccholmiâ.		11
<i>Posarcius</i> & Trubecius Moschi multa populo imponunt vt rebus præfint.		159
<i>Possessiones</i> Ecclesiasticæ in Poloniâ pleræque sunt pretia peccatorum & vota fidelium. 206.	quantoperè diminutæ.	207
<i>Postulata</i> per Senatum à Palatino Cracouiensi.		97-99
<i>Potestas</i> Episcoporum amplissima.		274
	<i>Potacij</i>	

MEMORABILIVM.

<i>Potocij</i> à partibus Regiis sterere. 114.	eorum factio & æmulatio cum Zolkie- uio & Chodkieuicio. 130.	<i>Potociorum</i> familia Sigismundo III. fida & addi- cta 138. Ioannes <i>Potocius</i> Valachiam ingressus fugaris hostibus Constantium imperare iuber.	139
<i>Pradicuntur</i> futura.			246. 251. 293 431
<i>Præfatio</i> in narrationem de motu ciuili. 22.	<i>Præfatio</i> Ioannis Longini ad Casi- mirum Episcopum Plocensem super vitas Episcoporum Plocensium. 307.	& Authoris.	301
<i>Præmyslaus</i> maioris Poloniae Dux irritò conatu titulum Regis vsurpat 347.			fuit
occisus à marchionibus Brandeburgens.			ibid.
<i>Præpositus</i> Ninenfis & Bitomienfis subiecti Præposito Miechouienfi.			160
<i>Prærogatiua</i> Ecclesiasticorum in Polonia. 289. & seq.	<i>Prærogatiua</i> iuris Teutoni- ci 207.		
ad <i>Pragam</i> in conflictu cum Bohemis à Polonis initium victoriæ factum.			229
<i>Principes</i> qui Sigismundi III. nuptijs interfuere. 39.	<i>Principes</i> Christiani sem- per improspere cum Turcis bella gessere. 236.	<i>Principes</i> miseri apud quos vera silentur. 292.	
cum <i>Principe</i> quâ prudentiâ agendum. 293.	<i>Principi</i> quâ dedecori sint odia subditorum.		476
<i>Principia</i> Suetici odij in Sigismundum Regem.			14
<i>Prinilegia</i> faciendi præconisia Poloniâ.			221
<i>Procerum</i> Moschouiae plerique ad Demetrium transfugiunt. 31.	<i>Procerum</i> Russiae in signis erga Regem fides.		109
<i>Procrastinationis</i> Rocossianorum scopus.			85
de <i>Profectione</i> regiâ in Sueciam aliquorum Senatorum sensus. 4.	<i>Profectio</i> Re- gis in Moschouiam. 156.	Vide <i>Iter</i> .	
<i>Propositiones</i> Regis in conuentibus particularibus tractandæ.			110. & seq.
<i>Proforonius</i> inter Moschos belli virtute clarus.			447
<i>Protestatio</i> quædam ab Auctore in Latinum versa, ad eamque responsum.			202
<i>Prorincia</i> quas Volodimitus Kiiouiae Dux inter XII. filios partitius est.			154
quâ <i>Prudentiâ</i> Pastor morbos animæ in subditis curare debeat.			253
<i>Prorudentia</i> diuina mirabilis erga Pstroconium pecuniâ & viribus deficientē. 403			
in <i>Prusico</i> negotio quid factum à Rege. 54.	<i>Pruthenis</i> in Poloniâ, & Polonis in Prusliâ adipiscendi dignitates par ius. 55.	<i>Prussia</i> littora facile à Sueco occupata 239.	
<i>Prusica</i> nobilitas intra vnum mensem contra Suecum in ar- mis fuit. 240.	<i>Prussi</i> Masouiam armis incurfarunt. 336.	<i>Prussiam</i> Ducalem ex Regis & Ordinum sententia inspicere iussus Pstroconius. 428.	
<i>Prussia</i> sine Poloniâ salua esse nequit.			439
<i>Præcrabiorum</i> in Palatinatu Siradiensi nobilis familia.			569
ad <i>Prætykum</i> castra Regis posita.			127
<i>Pseudo-Pontifices</i> tres tempore Henrici Imperatoris. 327.	<i>Pseudo-Politici</i> hostes Ecclesiæ acerrimi. 249.	eorum leges contra immunitatem Ecclesiasti- cam sub Sigismundo Augusto temerariæ: & conatus impij contra Clerum his temporibus.	ibid.
<i>Pstrokonie</i> villatium fluuiorum concursu nobilis.			398
<i>Pucensi</i> oppido præsidium octingentorum militum à Sueco impositum.			241
<i>Pugna</i> ad Pizcum oppidum. 3.	ad Czoczoram. 334. & seq.	<i>Pugna</i> inter Po- lonos & Moschos. 30 & 71.	
inter Polonos & Suecos. 36.	inter Regem & Rocossianos 128.	in quâ multis è Regijs terga vertentibus, 129.	
tandem hostes profligati, eorumque MCC. caesi. ibid.	ad Clusinum. 158.	ad Graudentum. 240.	
ad Chereffessum.			482
<i>Pueritia</i> Matthiæ Pstroconij mirabilis.			399
<i>Puritatis</i> studium per totam vitam Matthiæ Pstroconij.			431

INDEX RERVM ET VERBORVM

Q.

Quarta Rauensis thesaurus. 42
Quevele aliquot seditioforum de Sigismundo III. 47. & seqq. ad eandem
 responsum. 49. de Ordine Ecclesiastico. 203. & seqq. 293

R.

Radiuili in palatio Regio tumultum incipiunt. 62. *Radiuili* tandem cum
 Palatino coram Rege se sistit, eiusque oratio. 92. Vide inter *Ioannes*.
Raphael Lesczynski primò Episcopus Præmislensis, post Plocensis XLV. in ordine
 effecit ut vniuersis Masouix Ducatus Proceribus consentientibus decretum
 contra hæreticos promulgaretur. 371. sepultus est Pultouix adiecto Epita-
 phio. ibid.
Raciazum arx Episcopalis quatuor milliariis Vladislauia distans. 430
 in *Rebelles* Rocossianos, licet victos, non sœuitum. 426
Referendarij Regni quod sit officium. 217. & 218. *Referendariorum* rescripta
 subsunt censuræ Cancellarij vel Vice-cancellarij. 218
Regentis Cancellariæ officium. 218
Reges diuinitus dantur nec depelli possunt nisi Deo annuente. 195. *Reges*
 Poloniæ semper rei Ecclesiasticæ prospiciebant. 159. quænam inconsul-
 tis Ordinibus facere nequeant. 473. quibus legibus circumscripti. 162. *Re-*
gis partes egregiè tutatur Tarnouius. 410. & Matthias Pstroconius. 423
Regio fauore optimi ad Episcopatum promoti: ex quo olim natus abusus his
 temporibus correctus. 258. 259. Vide *Polonia*.
Regio-montani aliquot peditum cohortes Sueco submitunt. 438
Regna seditione pereunt. 293. *Regnorum* iura priuatis transactionibus transfer-
 ri nequeunt. 166. *Regnum* Poloniæ ob eandem S. Stanislai diuisum. 323. fa-
 cillimè illud aggredi potest Turca 458. à Rocossianis temerè abroga-
 tum Sigismundo III. 122. *Regnum* Sueciæ Sigismundo delatum. 17
Religionis Christianæ fundamenta in Poloniâ non primum sub Miescone Duce
 initium habuere. 301. *Religio* & pietas Sigismundi III. 471
Remigianus Konicopolius Episcopus Chelmenfis. 329
Reprehensio Rocossianorum à Castellano Cracouien. facta. 85
Repulsam à Carnouio Pstroconius passus, postea receptus. 402
Rescripta subleuantia quotuplicia, quibus concedenda, & quæ in omnibus rescri-
 ptis diligentia adhibenda. 402
Res Polonicæ turbulentæ. 405. 415. Sueticæ. 414
 ad *Residentiam* Episcopum teneri iure diuino declaratur ex multis Scripturæ
 locis, & Rationibus. 277. & 278. *Residere* parum est nisi munus Episcopi vnâ
 exerceatur. 287. *Residentis* Episcopi quæ munia. 279. *Residentiam* Se-
 natorum in aulâ Regiâ lege præscribendam suadet Palatinus Cracouienfis. 45
 quid de eâ pactum sit. 47
Responsum nomine Senatus Nuncio Turcico. 13. *Responsum* Regium ad ea quæ
 à Nuntijs in Comitij Varfauienf. postulabantur. 49. quid *Responderit* Pala-
 tinus Cracou. Petro Scargæ Societ. Ies v ad eum à Rege missio. 59. *Respon-*
sum Regium ad ea quæ seditionis authores in conuentu Lublinensi perebant.
 69. *Responsum* legatis Regijs à Rocossianis datum. 75. *Responsum* Pala-
 tini Cracouienfis ad ea quæ postulabat Nobilitas. 76. *Responsum* Rocossia-
 norum super actis in conuentu Villicienfi. 78. *Responsum* Regium ad ea quæ
 à Rocossianis petebantur. 80. 81. & seq. *Responsum* Rocossianorum ad litte-
 ras Regias eos à temeritate dehortantes. 87. item ad Senatores. 89. *Re-*
sponsa varia Palatini Cracouienfis 94. & 95. *Responsum* à Rege datum Lega-
 tis

MEMORABILIVM.

tis Moschouiticis. 105.	quid Respondeant Rocossiani Nuntijs Regijs Andreouiam missis. 113.	<i>Responsio</i> suo ambiguo Senatoribus regni dato quid intendat Palatinus Cracou. 116.	<i>Responsum</i> Rocossianorum ad Senatusconsult. in comitijs Varfauien. factum. 118.	<i>Responsum</i> Zolkieuuij ad litteras à Joanne Ostrogio missas. 136.	<i>Responsum</i> Rocossianorum super litteris Episcoporum ad Palatinum datis. 144.	<i>Responsum</i> Auctoris ad Protestationem nomine Dignitariorum contra Spirituales editam. 205
<i>Reualia</i> ciuitas in Liuania. 13						
<i>Rha</i> siue Volga fluuius. 342						
<i>Riga</i> Liuaniae ciuitas primaria à Sueco capta. 484						
<i>Ritus</i> Moschorum in Principum inauguratione. 70.	item <i>Ritus</i> iurandi. 72					
<i>Rixa</i> vxor Mieciilai Regis Poloniae. 179 & 322						
<i>Roch</i> siue Pierzchala insigne nobilitatis in Polonia. 348						
<i>Rocos</i> nomen vnde dictum 68.	Hungaricum nomen est. 293.	<i>Rocossij</i> initia 422.	<i>Rocossianos</i> cum Demetrio de tradendo illi Bohemiae regno tractasse fama fuit. 72.	ad hos missi aliquot Senatores. ibid.	<i>Rocossianorum</i> ingens numerus. 73.	<i>Zolkieuuium</i> à deductione militis à Russia dehortantur: milites deterrent à defensione causae Regis. 74.
						<i>Rocossiani</i> promittunt se expectaturos quid in Vislicienfi conuentu constitutur. 77.
						<i>Rocossianorum</i> coniuratio potius quam foedus dici debuit. 79.
						<i>Rocossiani</i> per edictum nouum conuentum conuocant. 84.
						ostendunt se velle de sedandis tumultibus tractare. 85.
						sed frustra. 86.
						<i>Rocossianorum</i> res actae ad Ianouecium. 89. & 424.
						varijsque propositis conditionibus ultimò monentur à Rege. 91.
						<i>Rocossiani</i> deuium iter versus Andreouiam suscipiunt. 109.
						quò Regi addictos ad se traherent, euulgandis quibusdam contra Regem arcanis diem praefigunt. 119.
						Regnum Regi temere abrogant. 122. & 425.
						prope Varfauiam exercitum ad mouere ausi. 123.
						<i>Rocossiani</i> à Regijs vincuntur, ex ijsque MCC. desiderati. 129. 130. 426.
						quorum antesignani diuersa petiere loca. ibid.
						<i>Rocossiani</i> nouos priuatos conuentus indici petunt, quare. 136.
						cum ijs primò pacatis consilijs actum. 425.
						dein armis decertatum. 426.
						in eos victos non sauitum. ibid.
<i>Romanos</i> olim rerum dominos nihil magis nobilitauit quàm iustitia. 472.	Honori ac Virtuti templum dicarunt. ibid.	<i>Roma</i> multae sunt discentium remorae. 443				
<i>Romanus</i> Vlodimiriensis Dux in Mogauienfi praelio Polonis praesto adfuit. 180						
<i>Rosarum</i> gentilitij stemmatis origo, 396.	& per diuersas familias propagatio. ibid. 397.					
<i>Roxrauenius</i> . Vide inter <i>Hieronymos</i> .						
<i>Rudolphus</i> Imperator quid respondeat Sigismundo III. Annam Ferdinandi Archiducis filiam in matrimonium petenti. 34						
ex <i>Ruinis</i> Poloniae creuere Pomeraniae Duces, & alij. 336						
<i>Russia</i> praecipui Proceres maximo subsidio fuere Sigismundo III. contra Rocossianos. 73.	è <i>Russia</i> finibus militem praesidio Regi ducit Zolkieuuius. ibid.					
<i>Russi</i> potentia & opibus inter Sarmatas plurimum valuerunt. 153.						
<i>Russi</i> à Boleslao Crispo & Kriuonstio aliquoties domiti. 154.	<i>Russiae</i> XII. Duces à Tartaris vno praelio deleti. ibid.					
alij in ditionem Poloniae concesserunt, alij à Lithuanis subiecti. ibid.	<i>Russi</i> Polonicum imperium excusserunt. 179.	<i>Russia</i> turbatis in Polonia rebus in potestatem Lithuanorum venit. 336				
<i>Rusticorum</i> duorum centum triginta annos habentium contentio. 461						

INDEX RERVM ET VERBORVM

S.

- Sacerdotum* dignitas ingens & potestas 255. honor. 256. horum contem-
ptores quanto scelere se obstringant. *ibid.* *Sacerdotes* publico consilio
primos adhibere alijs etiam nationibus quàm Polonis vsitatum. 292
Sacrificij excellentia à D. Chrysostomo expensa. 254
Saluorum Conductuum in Poloniâ vis: quinam illorum beneficio gaudeant. 220.
& 221.
Salutatio gratulatoria nomine Capituli Varfauiensis Sigismundo III. capto Smo-
lensco Varfauiam redeunti. 465
ob *Samuelem* Zborouium supplicio affectum perturbatæ res inter Proceres Polo-
niæ. 405.
Samuel Macieio vviski Episcopus Plocensis quinquagesimus, post Cracouiensis va-
rijs Magistratibus functus. 376
Sanctissimi quique Episcopalem dignitatem declinarunt. 246
Saphyrus mysticè. 273
Sapieha Lithuanus. Vide inter *Ioannes*.
Sara Marcussij filia moriens Christum & Ecclesiam Plocensem hæredem scripsit.
344.
Sardius mysticè. 272
Sarmata populi, qui. 153. in *Sarmatiâ* Europæa quando Christianum nomen vi-
guerit. 301
Schipperus Minister Lutheranorum primarius Stoccholmiæ Ecclesiastes. 14
Schisma inter monasteria Dominicanorum per Poloniam quomodo extinctum.
419.
Schvartzenbergicus Comes nomine Electoris Brandenburgici ad Regem Poloniæ
Legatus 438. receperat se effecturum ut Elector subsidio foret exerci-
tui Polono aduersus Succos, quod neglectum. *ibid.*
Sculptorum in Polonia origo sub Boleslao Pudico. 207. & 209. vnde ira vocen-
tur & quare potissimùm introducti. 208
Scythia Europææ appellatione vniuersus Septemtrio continetur. 301
Sebastianus Lubomirscius Castellanus Woynicensis. 38
de *Seculis* quæ olim ab Auctoribus notata fuerint. 461
Securitas securitate mutuâ paciscenda. 476
Seditio in exercitu Hoduni arte falsi Demetrii excitata. 31. in exercitu Sigis-
mundi III. per Rocossianos. 100. *Seditionis* in Bohemiâ causa. 176. *Seditio*
in exercitu Polonico per calones orta. 236. *Seditione* Regna pereunt & Im-
peria 293. Vide *Tumultus*.
Sedulitas Episcopis necessaria. 254
Seinus in exercitu Moschouitico Dux. 447
Semonitus & Ianussius Masouiæ Duces electionem & confirmationem Striborij E-
piscopi Plocensis quantum vtriusque 352. inter *Semonitum* seniore & filios
pro eligendo Episcopo acris certatio. 356. & seq. *Semonitus* iunior Masouiæ
Dux quàm acriter licem contra Stanislaum Episcopum Plocensem prosecu-
tus sit. 358. & seq.
Senatores regni Poloniæ quid de profectione regis in Sueciam sentiant. 2. eo-
rum sensum de nouo matrimonio ineundo priuatim exquirat Sigismundus III.
24. quis ille sit. 27. 32. & 33. eorum residentiam in aulâ regiâ lege præscri-
bi vult Palatinus. Cracou. 45. *Senatorum* aliquot temeritas in Comitibus Var-
fauiensibus 46. aliorum sententiæ. *ibid.* eos malè habet Palatini Cra-
cou. fastus. 59. tres è *Senatu* ad Palatinum missi. *ibid.* *Senatores* sex conuen-
tui Stæzicensi interfuerunt. 60. variæ *Senatorum* sententiæ quònam Rex
curò

MEMORABILIVM.

tutò se recipere debeat initio tumultus Rocossiani. 424. *Senatores* prima-
rij ad Rocossianos missi, 72. quorum præcipui Regi addicti erant. 73. *Se-
natores* & Nobilitas Regiarum partium monent Rocossianos. 77. mutuâ
se fide obstringunt Regi & patriæ contra rebelles opem laturos. 79. Ro-
cossianos reprehendunt. 89. eorum de Rocossianis sententiæ. 90. *Se-
natorum* Regi addictorum cum Palatino Crac. confessus. 95. urgent Pa-
latinum vt si quid sciret contra Regem, ederet. 97. & 99. *Senatus* consul-
tum factum vt quicumque aliqua occulta contra Rempub. consilia sciret, ad
comitia se sisteret ea propalaturus. 116. *Senatores* innocentiam Regis com-
probant; 120. quorum præcipui Rocossianos ad pacem hortantur, sed
frustra. ibid. *Senatus* Palatino verba præscribit quibus Regem depæca-
turus erat. 149. *Senatus* nomine respondet Ioannes Zamolscius Palatino
Crac. ad conspectum Regis admissio. 151. *Senatus* in Poloniâ ex Episcopis
prior quàm ex secularibus. 189. in *Senatu* Ecclesiastico Poloniæ aliqua de-
siderata. 292. de eodem vanæ querelæ. 293. *Senatus* Polonici ma-
gna pars diuersis infecta hæresibus Sigismundo III. regnum auspicante ad
Orthodoxam religionem traducta. 471. *Senatoria* Episcopi dignitas in
quo consistat. 294. optimi *Senatoris* in Reip. functione partes. 295
Sententiæ Senatorum de Rocossianis. 90
Sermo Sigismundi III. ad Palatinum Braclaiensem. 88
Sieraconius Palatinus Lanciciensis Senator consummatissimus, formator Pstro-
conij. 401
Sfortiadum familiæ inclyta gloria. 489
Skapense monasterium S. Francisci à Ioanne Lubranscio Episcopo Plocenli
constructum. 369
Sigillum Regium cui concedi debeat. 219
Sigismundi Rom. Imperatoris in campis Nicopolensibus cum Turca infelix
pugna. 237. & 482
Sigismundus I. Poloniæ Rex 80. millibus Moschorum partim cæsis, partim pro-
fligatis animum Basilij compressit. 155. æquo animo reprehensionem E-
piscopi Posnaniensis tulit. 276
Sigismundus Augustus æquo animo tulit reprehensionem Carnicouij Episcopi.
276.
Sigismundi III. Poloniæ & Sueciæ Regis genus & parentela. 488. & seq. in
Regem Poloniæ eligitur anno ætatis vigesimo primo. 479. eius primus
Cracouiam aduentus per medias inimicorum acies. 489. & seq. Var-
saviâ Dantiscum mouet. 7. Plociæ præstò ei adfuit Carnicouius cum
alijs Senatoribus. 8. Ceruenscum diuertit: quare. ibid. eius Ge-
danum aduentus, qualis. ibid. quos habuerit viæ suæ comites. ibid.
grauissimum periculum adiit ob tumultum per Gedanenses excitatum. 9.
sed dilata in aliud tempus tumultus inquisitione Dâtisco soluit. 10. Elfna-
bum appellit, deinde Stoccholmiam. 11. ibi à Carolo Duce patruo suo
alijsque Senatoribus Suecis quomodo exceptus. ibid. antequam Regnum
fusciat postulant Sueci vt ei conditiones præscribantur. 16. *Senatores*
Suecos & populum compellat. ibid. cuius benignitas Caroli cupiditati
occasionem præbuit. 18. Rex gnarus machinationum Caroli aliquos Po-
loniæ proceres ad se euocat. ibid. ad filiam suam in Sueciâ natam de sacro
fonte leuandam Carolum inuitat, qui venire abnuuit. 20. & 412. deliberat
Sigismundus cui nam administrationem rei Sueticæ committeret, &c. ibid. &
Sueciâ mouet. 21. & 412. de ineundo nouo matrimonio cogitat. 23. id-
que cum Constantiâ prioris vxoris sorore. 24. de hoc in secreto Consi-
lio tractat. 27. & Macieiouium compellat vt de eodem sententiam re-
petat. 28. ab Imperatore Rudolpho Annam Ferdinandi Archiducis fi-
liam

INDEX RERVM ET VERBORVM

liam petit in matrimonium. 32. Ordinibus Regni ea à Rege proposita
quæ in Comitij Varſauia tractanda veniebant. 42. & 43. commodis
Polonia consulendo, res Sueticas incompositas relinquit. 50. quibus condi-
tionibus teneretur. 51. eius ad Ordines mite responsum. 57. per Di-
strictus indictis conuentibus sparsas de se calumnias refellit. 63. & 64. inco-
lunitati suæ prospecturus Zolkieuum exercitus Præfectum ad se euocat. 65. à
quo, quò seditiosorum consilia spectarent certior factus Varſauia Cracouiam
petit. 66. & 67. eius magnitudo animi & de egregiâ Polonorum fidẽ iudi-
cium. ibid. cum veterano exercitu aduersus Rocossianos Visliciam versus
mouet. 73. & quò Rocossianorum pertinaciam sanaret, causam suam arbi-
trio Senatus & Equestri Ordinis permittit. 76. in particularibus conuenti-
bus Nobilitati per Nuntios & per edictum animum suum declarat. 84. lu-
strato exercitu Polanecium proficiscitur. 85. obuiam ire statuit exercitui
Rocossianorum, 87. quos ad Ianouecium assecutus est. ibid. eius ad
Ioannem Zbarascium sermo: signum belli proponit. 88. ostendit suam clem-
entiam. 89. vltimò monet Rocossianos. 91. eius de Palatino Cracou,
iudicium. 92. & 99. datis publicè litteris, vniuersis Ordinibus significat se
cum Rocossianis transegisse. 101. Ianouecio Cracouiam versus proficisci-
tur. 102. nouis tumultibus in maiori Polonia occurrit. 108. Regis in
contemnenda Rocossianorum leuitate animus. 113. Comitij Varſauienſi
quare interesse nolit. 114. Cracouia Varſauiam versus proficiscitur. ibid.
Ordines alloquitur, & quàm falsò traducatur ostendit; 119. per litteras,
omnes edocet quid in Comitij Varſauien. actum sit. 121. maleuolorum
calumnias scripto refellit. 123. Rocossianos, rebelles & patriæ hostes pro-
nuntiat. ibid. eosdem ad Varcam oppidum assequitur. 125. in hostem
contendit. 128. eius in prælio cum Rocossianis intrepidus animus. 129. dissi-
patos Rocossianos persequi prohibet. 130. eius & Procerum in victos clem-
entia. ibid. in magno periculo in eo conflictu fuit ob discordiam Ducum.
129. & 131. victor consilium Senatorum exquirat. 132. aliquos qui tem-
pore motus ciuiliſ cum Rocossianis sensere, honoribus auxit. 133. eius Craco-
uiam reditus post debellatos Rocossianos. 135. ægrè se ferre ostendit quod
Zolkieuus exercitum à Zauchosto in interiora Russiæ abduxerit. 141. con-
siliij capiendi causâ præcipuos Senatores ad se euocat & varia proponit. 147.
aduersâ valetudine utebatur dum Palatinus in eius conspectum venit. 150.
Rex, quare in Moschouiam cum exercitu proficiscatur. 156. & 157. eius de
Matthiâ Pstroconio iudicium. 144. Smolenscum obsidione liberat. 448
idem obsidione cingit, ac biennio transacto capit. 471. & 472. in Regno
hæretico & inter hæreticos Magistros educat pietas & studium Religionis.
ibid. & 492. Iustitiæ amantissimus fuit, 472. & 473. & Clementiæ. 475. &
seq. qualis in iuuenili ætate fuerit. 477. per quos potissimum Rex Po-
loniæ renunciatus sit. 479. cum ageret vigesimum primum ætatis annum,
ibid. difficillimo tempore regnum capessit. ibid. intra vnus anni de-
cursum cum domo Austriacâ alijsque finitimis pace constitutâ stabilivit impe-
rium. 480. eius victoriæ & bellica facinora. 482. quàm feliciter Tur-
carum & Tartarorum vires ad Chocimum fregerit. 485. nemo hostium eum
supplicem vidit vnquàm. ibid. eius pius ex hac vitâ discessus. ibid. ita
vixit, vt vixisse eum numquam pœnitere potuerit. 492. hostes ab illo coër-
citi. 482. & seq. 490. & seq. XLV. annis feliciter regnavit. 492

Sigismundus Myscouius supremus regni Mareſcalcus, 26. missus à Rege in Au-
striam ad petendum in matrimonium Constantiam. 32. quemdam Zie-
nieuicium Radiuili familiarem apprehendi iubet, sed dimittit. 62. Regi
Varſauia Cracouiam petenti cum quingentis militibus obuiam it. 67. eius
præcipuum studium dignitatis Regiæ conseruandæ. 420

MEMORABILIVM.

- Sigismundus* Nisicki Caluinianus. 142
Sigismundus Grudzinski socius consiliorum Petri Lascei in tumultu maioris Polon-
 nię. 107.
Signum belli aduersus Rocossianos propositum. 88
Silesia olim pars Polonię, 160. & 163. Vladislao Boleslai Criuoustij maiori natu
 assignata; 164. postea inter filios eiusdem trifariam diuisa ibid. *Silesio-*
rum cum Polonis societas & dissidia. 166. & seq. *Silesij* interfuere Comitij &
 Synodo Lencicien. Conrado Masouię Duci cum Prussis belligeranti prestò
 fuere. ibid. quomodo à Polonis descuerint. 167. *Silesij* Duces ad fami-
 liam Luxemburgicam declinant. 168. & 169. *Silesia* pars hactenus est in di-
 tione Regis Polonię. ibid. quâ occasione olim à Regno auulsa. 335
Simeonis Mohilę Principis Valachię mors: vnde noui motus. 138
Simon Gozdauva Episcopus Plocensis IX. quo genere ortus. 326. eius virtutes.
 328. eius pierati & sanctimonię accepta refertur victoria per Polonos de
 Prussis obtenta. ibid. moritur anno MCXXIX. 329
Simon Lugovvski Præpositus Micchouienfis. 285
Simon Pruski Societatis IESV Presbyter. 393
Situs loci ad Ianouecium in quo constiterant Rocossiani. 88
Sixti V. Pont. Max. de inferendo Turcis bello cum Stephano Polonię Rege con-
 filium. 186
Smaragdus mysticę. 272
Smolenscum arcem Basilius Moschouię Princeps proditione intercepto anno
 MDCXIII. 155. eandem obsedit Sigismundus III. 157. 467. & cepit. 468.
 ab obsidione per Moschos inchoatâ liberat 448 & seq. est oppidum arte
 & naturâ munitissimum. 467
Societas inter Polonię & Suecię Regna cur inita non fuerit. 50. *Societas* olim
 inter Silesios Polonosque Duces qualis fuerit, quando soluta. 166. & seq.
Socolouij in Poloniâ vnde orti. 389
 ad *Sodalitatem* Graciensem epistola Authoris. 462
Souca, vulgariter sonat Musicum apud Polonos. 14
Spithco de Buzenin Canonicus Gnesnensis Matthiæ Pstroconij patruus. 397
Stabilimentum imperij ciuium amor. 487
Stabuli Præfectus apud Moschos. 28
Stadnicorum in propugnandâ dignitate Regiâ zelus. 90
 ad *Stezicam* Conuentus totius Polonię Minoris indicit Palatinus Cracou. 45. in
 quo, secreto colloquio aliquibus Senatoribus facti sui rationem reddit, Re-
 gemque multorum criminum reum facit. 60. & 61
S. Stanislaus quo animo Boleslai Audacis libidines reprehenderit. 291. eius
 Martyrium. 322
Stanislaus Bykovvski Castellanus Lanciciensis. 19. & 109
Stanislaus Carncouius Archiepiscopus Gnesnensis dissuadet profectionem Regis in
 Sueciam. 4. Plociæ occurrit Regi felicem profectionis successum precatus.
 8. quantus vir fuerit. 25. Episcoporum norma. 250. eius pietas & liberali-
 tas. ibid. Collegium Calisiense fundauit: eius cura Pastoralis & doctrina.
 ibid. solers iuuentutis Ecclesiasticę moderator. 260. miras Ecclesiasticę
 nobilitatis exercitator. 261. sæpe Sigismundum Augustum redarguit. 292
 eius aula, iuuentutis Polonię in omni genere virtutis palæstra. 403. certat
 cum Petro Volscio pro retinendo apud se Matthiæ Pstroconio. 404. ad fe-
 dandos motus inter Polonię procures de consilio Pstroconij egregiam init ra-
 tionem. 405. Pstroconium nouo Regi mittit obuiam. 406. & 407. ægrè
 fert Pstroconij secessionem ad Regis obsequia, quem tamen nihilominus Regi
 commendat. 408. existens Archiepiscopus Gnesnensis mirè auxit Eccle-
 siam suam & Collegium. 420

INDEX RERVM ET VERBORVM

<i>Stanislaus</i> Falzcki Abbas Ceruenensis.	8
<i>Stanislaus</i> I. Episcopus Plocensis XXXI. in ordine obiit anno MCCC LXXI.	351
<i>Stanislaus</i> II. dicti Pierzchala Pawlowski XXXVII. in ordine Episcopi Plocensis genus & parentela. 357.	litem ei mouerunt Semouiti senioris Masouiae Ducis filij, multis ei obiectis. 358.
	fuit Archidiaconus Plocensis & Cancellarius Masouiae ante adeptum Episcopatum. 357.
	multorum criminum infimulatus, decreto curiae Romanae immunis pronunciatur 358. & 359.
	Roma rediens in carcerem conijcitur in oppido Fristato, ex quo astute liberatus moritur Torunia.
<i>Stanislaus</i> Cioleck.	360
<i>Stanislaus</i> Criscius iurium Ecclesiae iniquus occupator.	385
<i>Stanislaus</i> Comes Gorcanus Palatinus Pofnaniensis.	2
<i>Stanislaus</i> Gulski Palatinus Russiae Rocossianos à fuga retinet & traiectu Vistulae prohibet.	88
<i>Stanislaus</i> Koniecpolius Castellanus Cracouiensis egregie vires Turcarum repressit.	448. & seq.
B. <i>Stanislaus</i> Kostka Societatis Iesv, qualis in vita fuerit.	443
<i>Stanislaus</i> Kostka Pomeraniae Palatinus.	8
<i>Stanislaus</i> Kraficki Castellanus Praemisliensis in tumultu Gedanensi pæne violatus.	9
<i>Stanislaus</i> Lubieski Episcopi Plocensis LIX. genus vetustum & nobile. 389. parentes. 390.	studijs operam sub quibus dedit. ibid.
	fuit adiutor laborum Pstroconij Vladilauiensis Episcopi. ibid.
	nominatus Episcopus Plocensis adiit Cathedram MDCXXVIII. 392.
	quibus Magistratibus functus sit. ibid.
	eius ardens diuini cultus propagandi studium. 393.
	moritur anno ætatis LXV. Salutis MDCXI. ibid.
	floruit apud magnos viros domi & foris. ibid. & 394.
	cur ipse in funere Sigismundi III. præ ceteris perorauerit. 470.
	quidquid dignitatis in Rep. Polonâ consecutus est acceptum refert Sigismundo III.
<i>Stanislao</i> Lubomirscio rei contra Turcas ad Chocinum gesta gloria debetur. 199.	felici consilio castra hosti opposuerat.
<i>Stanislao</i> & Ianussius Duces Masouiae fraude meretriciâ extincti.	377
<i>Stanislao</i> Minski Palatinus Lanciciensis, 8.	Procancellarius renunciatus, 63. 424.
	ad Rocossianos Legatus. 72.
	eius obitus. 138
<i>Stanislao</i> Przyreniscius, aulae regiae prius, post supremus regni Marescallus. 2	
ad <i>Stanislaum</i> Racouum nobile Polonum Romae degentem epistola ab Auctore scripta.	443
<i>Stanislao</i> Socolouius Magister Matthiae Pstroconij.	400
<i>Stanislai</i> Stadnicij temeritas in Comitibus Varfauiens. 46.	occasione tumultuum ciuiliū crescere coepit. 58.
	eius impia & temeraria oratio. 66.
	ei à Demetrio summa centum millium flor. destinata à Moschis intercepta 72.
	ab Herburto capitur & liberatur.
<i>Stanislao</i> Vitowski Secretarius Regius.	140
<i>Stanislao</i> Warficki.	19
<i>Stanislao</i> Zaliwski Capitaneus Varfauiensis.	77
<i>Stanislao</i> Zolkieuio Regi per Pstroconium conciliato secundum mortem Zamoscij cura exercitus demandatur. 422.	datur tutor Thomae Zamoscio. 33.
	eius ductu Tartari caesi. 35.
	qualis vir fuerit. 65. & 422.
	eius erga Sigismundum III. animus. ibid.
	in Lublinensi conuentu praesens, quod seditiosorum consilia spectent Regi significat, suadetque vt Cracouiam petat. 66.
	militem è finibus Russiae praesidio Regi ducit. 73.
	quod dehortantibus Rocossianis rationem reddit. 74.
	ad Rocossianos legationem decernit. 124.
	aliquot milites perfidiae reos castigat. 127.
	eius cum

MEMORABILIVM.

cum Chodkieuicio & Potocijs æmulatio. 130. Palatini postulationem primus Regi significans in sinistram venit suspicionem. 140. cur remissior fuerit in Rocossianis coërcendis. 141. ad Clusinum hoste longè numero impar Moschos cædit, capto Suiscio ipforum Principe. 158. cum exercitu Moldauiam ingreditur, re tamen priùs ad Regem delatâ. 233. eius cum LX. Turcarum & Tartarorum millibus ad Czoczoram conflictus. 234. seditione in exercitu per calones ortâ ab hoste cum toto exercitu cæditur. 236. eius de Matthia Pstroconio iudicium. 244

Status rerum in Poloniâ mortuo Ioanne Rege Sueciæ. 1. & in alijs vicinis ditionibus anno Christi MDCIV. 23. *Status* Reipublicæ mutatione Principis corrigi non potest. 195. inter *Status* Ecclesiasticum & sæcularem in Polonia olim & nunc de loci prærogatiuâ contentio. 290. *Status* quem quis vocatione diuinâ susceperit non faciliè deferendus. 333

Statutum Sigismundi I. de non taxandis bonis Ecclesiasticorum. 205

Stipendium maius quando & quare militi concessum in Polonia, multaquæ alia indulta. 197

Stephanus dum in Regem Poloniæ assumeretur multa promisit. 41. eius cum Sixto V. Pont. Max. de bello Turcis inferendo consilium. 186. arces aliquot in Liuoniâ & Lithuania à Moschis recuperauit. 155

Stephanus ex Præposito Episcopus Plocensis in ordine VII. 323. fuit natione Polonus. 324. feruitutis iugum quo Nobilitas Polona olim tenebatur demere orsus est. ibid. eius obitus. 325

Stephanus Boczkaius ad spem Regni Hungariæ promotus. 35

Stephanus Chmielecius cum suis per medios Turcarum & Tartarorum acies euasit. 233

Stephanus Potocki Regis Cracouiam petentis comes. 67. Lanckoronam arcem Regio firmat præsidio. 137

Stiborius I. Episcopus Plocensis in ordine XXXIII. vrgentibus Ducibus Masouia electus, veritus ne promotio sua accelerata in disceptationem vocaretur, ab Urbano VI. Pont. confirmationem obtinuit. 352. fuit gloriæ sæcularis quàm iuris ecclesiastici tuendi appetentior. ibid.

Stiborius II. Episcopus Plocensis XXXIX. eligitur. 362. eius genus & parentela. 363. qui consecratus à Nicolao Episcopo Lacedæmonienti moritur anno MCCCCLXXI. ibid.

Stiborius Pielscius à maiori parte Capituli Episcopus Plocensis electus cur ius suum in alium transfuderit. 364

Stoccholmiam Sigismundus III. appellit. 11

Stradomia oppidum. 7

Strefelius Suecus ad Hamersteinum captus & in triumpho ostentatus. 240.

Subscribit Nobilitas formulæ à Rocossianis conceptæ, sed certâ conditione. 75.

Subscribendi ius in Cancellariâ Regiâ quot & quibus committi debeat. 219.

Sudermania Dux. Vide inter *Carolos*.

in *Sueciâ* penes populum summa potestas. 15. *Sueci* nouo exemplo postulant vt Regi conditiones præscribantur quibus regnum suscipiat. 16. *Suecis*tribuendum est quòd nihil certi de statu illius regni constitutum sit. 18. *Sueci* mutationibus imperiorum obnoxij. ibid. *Sueticis* rebus constitutis Rex è Sueciâ mouet. 21. *Sueci* ad IX. millia cæsi à Polonis. 36. *Suecus* intra XII. dies plura munitissima oppida vir quoquam resistente interceptit. 239. *Suecorum* ad Hamersteinum clades, & alibi. 240. non semper prosperos habuere successus. 241. *Sueci* stipendio Sigismundi inuictorati suspectæ fidei. 414. res *Suetica* turbulenta. 414

INDEX RERVM ET VERBORVM

<i>Suentoslai</i> Kijouiensium Ducis filij quos Principatus gesserint.	178
<i>Suentopelcus</i> Volodimiri Kijouiensium Ducis filius à cæteris fratribus ditione suâ expulsus ad Boleslaum Chobri confugit, cuius vasallus fit.	154
<i>Suiones</i> vetustus Sarmatiæ & Gotthiæ populus.	316
<i>Suscius</i> Moschus auctor conspirationis contra Demetrium, 70. Princeps Moschouiz declaratur. 72. Moschis inuisus. 156. cum Carolo Suerdmano conspirat. 157. ad soluendam obsidionem Smolenscensem progrediens à suis destitutus, in potestatem Sigismundi III. venit. 158. à quo vitâ functus Mausoleo condecoratus est.	476
<i>Summa</i> eorum quæ à Rocossianis petebantur. 80. <i>Summa</i> litterarum Ianuslij Ostrogij. 85. <i>Summa</i> eorum quæ à Rege in conuentibus particularibus proponebantur. 110. <i>Summa</i> legationis Rocossianorum ad Cardinalem Macieioium. 144. <i>Summa</i> à Rege propositorum præcipuis Senatoribus Cracouiam euocatis.	147
<i>Supplex</i> Radiuili intercepta ac variæ scripturæ repertæ.	132
<i>Suspicion</i> es leues ob quas Palatinus ciuilem motum concitauit. 96. harum origines ostenduntur, 98. easque Palatinus scripto declarat. 101. eæ tamen à multitudine Rocossiana approbatæ. 121. <i>Suspicio</i> de Sigismundo III quasi regnum Poloniae ad Austriacos transferre vellet, concepta refellitur. 410. & seq. <i>Suspicion</i> es grauissimæ de minùs sincera Bethlemij erga Regem Poloniae voluntate, vnde ortæ.	436
<i>Sutori</i> , Internuntij partes detulit Ludouicus XI. Gallorum Rex.	473
<i>Sydonius</i> Apollinaris, quis.	22
<i>Synodus</i> Prouincialis Petricouiz celebratur. 142. <i>Synodo</i> Lenciciensi interfuit Episcopus Vratislauiens.	166

T.

T <i>arnouia</i> Episcopo Culmensi donata.	336
<i>Tarnouini</i> : Vide inter <i>Ioannes</i> .	
<i>Tartaria</i> distat à Cracouia CL. miliaribus germanicis. 238. <i>Tartari</i> qualis gens 341. 491. à Zolkienio cæsi. 35. duodecim Russiæ Duces vno prælio delent & partem Russiæ occupant. 154. impunè per Poloniam, Vngariam, Germaniam &c. grassantur. 208. 341. <i>Tartarorum</i> origoad Hebraeos vel Chaldaeos referenda. 342. quo anno Poloniam vniuersam cæso Henrico Henrici Barbatifilio depopulati sint. ibid. alij sunt Asiatici Scytici; alij Europæi. 341. <i>Tartaros</i> à Regno Poloniae coercuit Sigismundus III.	491. & seq.
<i>Tatta</i> ferè omni linguâ idem est quod pater.	341
<i>Teiselinus</i> Suecus captus & in triumpho ostentatus.	240
<i>Temeritas</i> præcipuorum Rocossianæ factionis.	122
<i>Tempestate</i> disiecta Polonorum classis & copiæ.	108. 413
<i>Templum</i> Raziacij inchoatum, multum per Pstroconium iam infirmum promotum, à quo perfectum fit. 430. <i>Templum</i> Honori & Virtuti dicatum Romani, interiecto tantum diuisum pariete.	472
quo <i>Tempore</i> maius stipendium militi in Polonia concessum. 197. <i>Temporum</i> iniquitas plurimum de libera agendi potestate Episcopis derogauit.	275
<i>Tergiuerfatio</i> Palatini Crac. & Radiuili.	93. & 94
<i>Testamento</i> condito curam sui permittit Medicis Pstroconius.	429
<i>Teutonicum</i> ius quomodo in Poloniam introductum sit.	207
<i>Theodorus</i> Basilij Moschouiz Principis filius.	28
<i>Theodosio</i> Imperatori grata fuit reprehensio à S. Ambrosio sibi facta.	275
<i>Theaurarius</i> Poloniae qualis esse debeat.	47. 52.
<i>Tho-</i>	

MEMORABILIVM.

<i>Thomas</i> I. dictus Tomka Episcopus Plocensis XXII. moritur.	344
<i>Thomas</i> Drohoiouiis auunculus Herburti, cum Stadnicio concurrens, hasta transfigitur.	103
ad <i>Thomam</i> Zamoscium Parænesis dum Vice-cancellarius Regni renunciare.	tur. 214.
<i>Tomicius</i> . Vide inter <i>Petros</i> .	
<i>Tensori</i> Legati partes à Ludouico XI. Gallorum Rege delatæ.	473
<i>Topazius</i> mysticè.	272
<i>Torunia</i> , Rex honorificè exceptus.	8
<i>Transactio</i> Sigismundi III. cum Rocossianis. 101. <i>Transactio</i> Casimiri Regis Poloniæ cum Ioanne & Carolo Regibus Bohemiæ an valida. 169. <i>Transactio</i> de Silesia inualida esse ostenditur. ibid. <i>Transactio</i> quædam inter Plocensem & Culmensem Episcopos.	345
<i>Tumultus</i> Dantisci excitatus existente ibi Sigismundo III. 9. & Stoccholmiæ. 14. Cracouiæ in palatio Regio. 62. <i>Tumultus</i> inter Rocossianos. 75. noui <i>Tumultus</i> initia in maiori Poloniâ. 107. Vide <i>Seditio</i> .	
<i>Turca</i> de inferendo Hungariæ bello consilia agitant. 7. quod aliquot annis variâ fortunâ gestum. ibid. <i>Turca</i> & Tartari à Zolkieuio ad Czoczorana cæsi, 234. odio infaustæ in Polonos expeditionis Osmanum Imperatorem interfecerunt. 237. solent circumcidi. 342. cum quadringentis millibus & centum viginti millibus Tartarorum Poloniæ imminet. 483. eos vinci posse docuit Sigismundus III. 485. ingenti clade acceptâ inglorij recedunt. ibid.	
<i>Tutoris</i> dandi ius in Polonia arbitrio Cancellariorum permissum, & quid in hoc aduertendum.	220
<i>Typus</i> Helix sacrificanti.	1255
<i>Tylicius</i> . Vide inter <i>Petros</i> .	
<i>Tyra</i> fluuius ditiones Polonicas à Turcicis dirimit.	188

V.

V alachia nouis motibus agitata.	138. & 139
<i>Valentini</i> Kalinovvski persuasione multi ex Regio exercitu in Moldauia degente, deserto Zolkieuio fugâ sibi consulentes à Valachis cæsi. 234. & 235	
<i>Valetudinis</i> spiritualis magis quàm corporalis sollicitus est Matthias Pstroconius.	429
<i>Vandalia</i> , pars Sarmatiæ nunc Polonia dicitur. 302. <i>Vandalorum</i> quàm latè olim patens imperium.	305
<i>Vandalus</i> fluuius.	302. & 304
<i>Varca</i> oppidum Poloniæ. 125. ibi Sigismundus III. cum exercitu Rocossianos affecutus est.	426
<i>Varna</i> nobile Turcarum emporium.	35
<i>Varsavia</i> ciuitas Poloniæ arsit. 121. <i>Varsaviense</i> Capitulum Sigismundo III. capto Smolensco congratulatur.	465
in <i>Vartam</i> fluuium prolapsus Pstroconius.	399
<i>Vdo</i> Archiepiscopus Magdeburgensis seuerè punitus.	265
de <i>Veſtigalibus</i> mercatorum in Poloniâ querela. 48. sed iniustæ.	55
<i>Velleris</i> aurei insigne detulere Sigismundus I. & III. Poloniæ Reges.	174
<i>Venceslaus</i> Imperator ratione Silesiæ subsidia contra omnes hostes Vladislao Iagellioni pollicitus.	170
<i>Venceslaus</i> Rex Bohemiæ quâ ratione Vratislaviâ potitus.	168
<i>Venceslaus</i> Droſinſcius ad Amurathem III. Turcarum Imperatorem legatus, 6. quomodo legationem obierit.	7

INDEX RERVM ET VERBORVM

<i>Venceslaus</i> Gizicki iudex terræ Sochaczouienſis.	360
<i>Venda</i> oppidum quantum à Vormito diſtet.	241
<i>Verba</i> à Senatu Palatino præſcripta quibus Regem deprecaturus erat.	149
<i>Verècundiam</i> facit clementia regentis.	476
<i>Veneri</i> Episcopi Plocenſis in ordine X. genus & virtutes 332. à Bieniaſſo quodam trucidatur.	333
in <i>Vestitu</i> Pontificis antiquæ legis typus perfectionis Episcopi nouæ legis adumbratus.	272
ad <i>Vice-cancellarium</i> , Cancellario cum absente tum præſente quæ pertineant.	216.
<i>Victoria</i> Sigismundi III. contra Rocollanos. 426. alix. 482. 491. <i>Victoris</i> titulum nemo veriùs uſurpare poteſt quàm Sigismundus III.	485
ſub <i>Victore</i> III. Pont. Max. bellum contra Saracenos cœptum eſt. 324. qui vno tantum anno Sedi Romanæ præfuit.	ibid.
<i>Victorinus</i> Leſnicki cum aliquot alijs ad Rocollanos tranſcurrens, 125. capitali ſententiâ damnatus.	127
<i>Vienna</i> quaſi Viedna, quòd in eâ beneficæ habitarent; vel Wieden, quaſi quòd illuſtrior appareat ſic appellata.	465
<i>Vincentij</i> I. Przeræbſki Episcopi Plocenſis XLIII. clarum genus. 369. quinquennio ſummâ cum laude geſto Episcopatu ad Sedem Vladilauienſem tranſlatus eſt.	ibid.
in <i>Violatores</i> Templi Cathedralis Præmiſſien. animaduerſum.	417
<i>Vires</i> Polonorum maiores quàm Suecorum.	440
<i>D. Virgo</i> cuidam agonizanti apparet & ab inferno liberat.	267
<i>Virtus</i> eſt cauſa honoris. 472. <i>Virtutum</i> omnium prima & præcipuâ fundamenta Pietas & Religio.	470
<i>Viſitare</i> Diœceſim munus Episcopale. 279. in <i>Viſitandâ</i> Diœceſi quid Episcopo præ oculis habendum. 281. qualis vitæ ratio inſtituenda. ibid. eius familia quâ morum probitate & modeſtiâ præſtare debeat. 285. <i>Viſitationis</i> Etymon & definitio. 280. <i>Viſitanda</i> Eccleſiæ quouis biennio; ſed non in Polonia. 280. <i>Viſitatores</i> ſtrenui ſuarum Eccleſiarum in Polonia. ibid. 243. in quos inquirere debeant.	288
<i>Viſlicia</i> oppidi ſitus. 73. in <i>Viſlicienſi</i> conuentu quomodo inter partes conuentum.	70
<i>Viſnioniecy</i> Regij Præfecti 3. in tumultu Moſchouitico virtus.	71
<i>Viſtula</i> fluij exundatio percommoda Sigismundo III. Dantiſcum nauiganti. 7. tunc & aliàs portentofa.	ibid.
<i>Vitus</i> Episcopus Plocenſis XIII. è Ianinâ familiâ ortus, fundatis tam virorum quàm mulierum monaſterijs in viniſ eſſe deſijt.	334
<i>Vladislai</i> Poloniæ Principis ſingularis indoles. 39. hunc Moſchi in Principem ſibi dari perunt. 158. nondum Regni coronam aſſecutus, Ottomanicam Lunam inobſcurauit aut cruentauit. 456. & 447. eius aduerſus Turcas & Tartaros ad Chocimum geſta præclara. 484. illo in Regem electo felix Polonia. 287. nemo Ordinum fuit qui cum Regem non polceret.	ibid.
<i>Vladislaus</i> Hermanus ab Urbano II. Pont. Max. obrinuit vt Eccleſiæ Plocenſi poteſtas eligendi Episcopum eſſet.	324
<i>Vladislaus</i> Iagiello Huſſitarum rabiem à Sileſiâ arcuit. 159. ei Ruſſiæ Duces fidem iurarunt. 181. ipſo ad domandos Turcas intento Moſchi magnam Ruſſiæ partem ademerunt. 182. quâ conditione in Regem Poloniæ aſſumptus. 183. réprehenſionem Episcopi æquo animo tulit. 275. cum Solimano primò feliciter pugnans, tandem penè victor glorioſè occubuit.	482
<i>Vladislaus</i> Locticus rerum in Polonia potitus, 168. ius redintegrandæ Coronæ Regiæ Apoſtolicâ auctoritate conſeſſum obtinuit.	348

Vladislai

MEMORABILIVM.

- Vladislai*, filij Boleslai Criuousti, tempore Regnum Poloniæ in minores partes di-
uiditur. 335
- Vladimirus* Haliciensum Dux Polonis fidem iurat & ijs pugnantis suppetias
fert. 180. sed immemor iurisiurandi Polonis bellum infert, ab ijsque vinci-
tur & occiditur. ibid.
- Vnieiounia* oppidum in territorio Siradiensi. 333. *Vnieiouniensis* Arx. 107
- Vocationis* Diuinæ in ambiendo Episcopatu singularis habenda ratio. 264. *Voca-
ti* à Deo ad Episcopatum, & non vocati qui differant. 269
- Volboria* oppidum Episcopi Vladislauiensis. 428
- Volodimirus* Suentossai ex concubina filius Ktiouix Dux inter filios XII. domi-
nium partitus. 153. 154. & 178. hic cæsis fratribus vicinos populos domat,
& Corsonum Imperatori Constantinopolitano eripit. 178
- Volscius*. Vide inter *Petros*.
- Vormitum* oppidum quantum à Vendâ distet. 241
- Votum* vouens se quolibet die Sabbathi ieiunaturum, summum vitæ discrimen
euasit. 390. *Vouens* infantem panè suffocatum sacro altari se additu-
ram vitæ restitutum recepit. 399. *Votum* Sigismundi III. de Æde D. Mi-
chaeli construendâ in Arce Smolensco. 448
- Vpsalia* olim primaria totius Sueciæ ciuitas. 15. ibi coronatio Sigismundi III.
Regis Sueciæ peracta. 18
- Vranfco* villa Poloniæ. 132. vbi inter Regios & Rocossianos pugna: 426
- Vratislaniensis* Episcopatus à Regibus Poloniæ fundatus. 163. *Vratislanâ*, quâ
ratione Venceslaus Bohemiæ Rex potitus, 168
- Vrbanus* II. Pontifex Maximus confirmat Stephanum Episcopum Plocensem à
Clero electum; cum antea simplici Romanorum Pontificum prouisione Epi-
scopi Plocensibus darentur. 324. multum laborauit vt Machumetanos pos-
sessione Terræ sanctæ deijceret. 452
- Vrbani* IV. Pontif. Maxim. ijdem conatus, sed impares successus. ibid.
- Vriel* Gorcanus Episcopus Polnaniensis. 283
- Vxores* Sigismundi III. Polon. Regis, virtutibus, fecunditate, &c. pares. 477.
& 493.
- Woytechus*. Vide S. *Adalbertus*.

X.

X *Enodochia* constructa & prouentibus dotata: 418

Z.

Z *Amosciana* in Regem fidei constantia. 34

Zamoscius Regni Cancellarius. Vide inter *Ioannes*.

Zarabe ob eadem Præmisłai maioris Poloniæ Ducis quam notam patrati sceleris
tenuerint. 347

Zauissa Curosuanscij Episcopi Cracouiensis infelix exitus. 265

Zbigneus Cardinalis molestus Vladislao Iagelloni, ab eodem tamen liberis suis
tutor constitutus. 275. & 291

Zbigneus pater Matthiæ Pstroconski. 398

Zbigneus Vladislai Hermani ex concubina filius. 327

Zborouiorum factio vnde orta. 405. in electione noui Regis post mortem Ste-
phani fauebat Austriacis. 406

Zerbzydovvski. Vide inter *Nicolaos*.

Zienieuius quidam familiaris Raduili. 62

Zilislau Archiepiscopus Gnesnensis. 334

Ziroslaus Vratislauenf. Episcopus. 166

Zolkienius Vide inter *Stanislaos*.

Zycho caret Varfauia. 461

F I N I S.



64 / 100 /

1

